

**TIBBIYOT INSTITUTLARI TALABALARI UCHUN  
O'QUV ADABIYOTI**

**M.S. ABDULLAXO'JAYEVA**

**PATOLOGIK  
ANATOMIYA**

**I QISM**

*O'zbekiston Respublikasi Oliy va o'rta maxsus ta'lim vazirligi  
tomonidan tibbiyot oliy o'quv yurtlari talabalari uchun  
derslik sifatida tavsiya etilgan*

**«TAFAKKUR – BO'STONI»**

**TOSHKENT – 2012**

**UDK: 572.79(075)**

**52.5**

**A.15**

**Abdullaxo'jayeva M.S.**

Patologik anatomiya: darslik / M.S. Abdullaxo'jayeva; O'zbekiston Respublikasi Oliy va o'rta maxsus ta'lim vazirligi. – Toshkent: «Tafakkur-Bo'stoni», 2012. II qism. – 512b.

**KBK 52.5**

**M.S. ABDULLAXO'JAYEVA** – t.f.d., professor, O'zR FA akademigi, O'zbekiston Qahramoni, O'zR SSV Respublika patologik anatomiya markazi direktori, Xalqaro patologiya akademiyasi Markaziy Osiyo bo'limi prezidenti.

*Taqrizchilar:*

**R.I. Isroilov** - t.f.d., professor, TTA normal va patologik fiziologiya, patologik anatomiya kafedrasи mudiri.

**Z.G. Tuxvatullina** – t.f.d., professor, Tosh PTI patologik anatomiya kafedrasи xodimi.

Darslikning II qismida nozologik qoidalar bo'yicha kasalliklar patologik anatomiyasи (organopatologiya) yoritilgan.

Tibbiy oliy o'quv yurtlarining talabalari uchun mo'ljallangan. Unda, shuningdek 102 ta rasm, 3 ta jadval, fan ko'rsatkichi bor.

**ISBN – 978-9943-362-67-3**

**Nº 471-8122**

© Abdullaxo'jayeva M.S., 2012 y.

## **SO'Z BOSHI**

Tavsiya qilinayotgan darslik tibbiyot oliygohlari talabalari uchun patologik anatomiya fani bo'yicha o'zimizning birinchi darsligimizning II qayta ishlangan nashri hisoblanadi. Darslik vrachlar tayyorlashning yangi konseptsiyasiga muvofiq yozilgan va shu asosida patologik anatomiya bo'yicha yangi dasturlar ishlab chiqilgan. Ikki qismdan iborat.

Birinchi qismda umumiy patologik jarayonlar yoritilgan, zamonaviy pozitsiyalar bilan bayon qilingan. Hujayra, to'qima va organlardagi patologik jarayonlar bayon qilingan. Immunopatologik jarayonlar, immunodefitsit holatlar, infektion, irlisy va kasb kasalliklari, hamda ekologik patologiya va o'smalar tavsiflangan.

Darslikning ikkinchi qismi kasalliklarni JSST ning X xalqaro qayta ko'rib chiqish tasnifiga muvofiq nozologik tartib bo'yicha ifodalangan kasalliklarning patologik anatomiyasiga bag'ishlangan. Har bir bob ushbu kasalliklarning asosiy klinik kechishi to'g'risida ma'lumotni saqlaydi.

Darslikka prion kasalliklari patologik anatomiyasiga tegishli, sepsis, amiloidoz va o'smalar genetikasi patogenezi bo'yicha yangi ma'lumotlar bilan boyitilgan yangi boblar kiritilgan.

Darslik tibbiyot oliygohlarning barcha fakultetlari talabalari uchun mo'ljalangan.

Muallif ushbu darslik magistrlar, tibbiyot oliygohi o'qituvchilari va barcha ixtisoslikdagi vrachlarda qiziqish uyg'otishiga umid qiladi.

## KIRISH

PATOLOGIK ANATOMIYANING  
MAZMUNI VA VAZIFALARI.  
PATOLOGIK ANATOMIYANING  
USULLARI  
Autopsiya  
Biopsiya  
Kasalliklarni ilmiy  
tajribada yuzaga keltirish

QISQACHA TARIXIY  
MA'LUMOT  
O'ZBEKISTON RESPUBLIKASI-  
DA PATOLOGIK ANATOMIYA-  
NING RIVOJLANISH TARIXI

### PATOLOGIK ANATOMIYANING MAZMUNI VA VAZIFALARI

Tibbiy ta'lrim sistemasi va bo'lg'usi vrachning klinik tafakkurini shakllantireshda patologik anatomiyaga muhim ahamiyat beriladi, chunki bu fan kasalliklarni har tomonlama o'rorganadigan odam patologiyasining asosi, negizidir.

Ilmiy-amaliy fan bo'lmish patologik anatomiya oldida quyidagi vazifalar turadi:

1) turli kasalliklar va ularning asoratlari shu kasalliklarning strukturaviy asoslarini, ya'ni organlar, to'qimalar va hujayralar, subhujayra organellalarida ro'y beradigan morfologik o'zgarishlarni o'rGANISH;

2) kasalliklarning sabablari va avj olib borish sharoitlarini (etiologiyasini) aniqlash;

3) kasalliklarning avj olib borish mexanizmini (patogenezini), shuningdek qanday bo'lmasin biron shaklda ro'y bergen jarayonni, uning turli davrlari, shakllari, klinik va anatomiq xillarini o'rGANISH; (patogenetika);

4) kasalliklarning avj olib borishi mahalida qanday struktura o'zgarishlari bo'lishini aniqlash (morfogenetika);

5) qanday bo'lmasin biron xildagi kasallik boshlanganida organizmda ro'y beradigan himoyalovchi, kompensator va moslashtiruvchi jarayonlarning struktura asoslarini o'rGANISH;

6) dori preparatlari ta'siri ostida yoki insonlar turmush sharoitlarining o'zgarishlari ta'siri bilan kasalliklarning klinik-anatomik manzarasida ro'y beradigan o'zgarishlarni tahlil qilish (induksiyalangan patomorfoz yoki tabiiy, spontan patomorfoz).

Odamda uchraydigan kasalliklarning strukturaviy asoslari organizm, organ, to'qimalar, hujayralar, hujayra ichidagi strukturalar va molekulalar doirasida o'rGANILADI.

Har bir xastalik butun organizmni o'z ichiga oladigan kasallik bo'lib, bunda hamma organ va sistemalar o'sha patologik jarayon komiga tortiladi. Kasalliklarni

shu nuqtai nazardan o'rganish kasallik davomida organ va sistemalarning o'zaro qanday aloqada bo'lishini aniqlab, turli kasalliklarning o'tishidagi ma'lum bosqichlarni belgilash, shu bosqichlardan har birida asosiy rolni o'ynaydigan qonuniyatlarni bilib olishga imkon beradi.

Ayni vaqtida kasallikning asosida yotgan struktura o'zgarishlari dag'al va katta, oddiy ko'zga ko'rinishidan bo'lishi mumkin (anatomik o'zgarishlar). Lekin ular mayda, ko'z ilg'amaydigan, faqat mikroskop bilan tekshirilgandagina topiladigan bo'lishi mumkin.

Elektron mikroskopiyaning keng joriy etilishi to'qimalar, organlar va hujayralarda ro'y beradigan submikroskopik struktura o'zgarishlarini o'rganishga imkon beradi. Kasallikning asosida yotadigan o'zgarishlar faqatgina molekulalr doirasida bo'lishi ham mumkin. Masalan, o'roqsimon hujayrali anemiyaga asosan gemoglobin molekulasingning tuzilishida ro'y beradigan o'zgarishlar sabab bo'ladidi. O'roqsimon eritrotsitlar gemoglobini normal eritrotsitlar gemoglobindan shu bilan farq qiladiki, uning  $\beta$ -zanjirida 6-holatda bo'ladigan glutaminat kislota valin bilan almashinib qoladi.

Bundan tashqari, shunday kasalliklar ham borki (masalan, ruhiy kasalliklar), ularda ma'lum klinik simptomatika bo'lgani bilan, submikroskopik o'zgarishlarni ham topib bo'lmaydi, bunday hodisalarini ilgari «organik» o'zgarishlar bilan birga davom etib bormaydigan «sof funksional o'zgarishlar» deb hisoblanar edi. Hozir ruhiy kasalliklar mahalida ko'rildigani «funktsional o'zgarishlar» asosida normal nerv hujayralarining fazoda odatdan tashqari, ya'ni nonormal joylashuvi yotadi deb taxmin qilinadi (D.S. Sarkisov, 1994).

## PATOLOGIK ANATOMIYANING USULLARI

Patologik anatomiya yuqorida aytib o'tilgan vazifalarini hal qilish yo'lida uchta asosiy tekshirish usullaridan foydalananadi: autopsiya, biopsiya, insonda uchraydigan kasalliklarni ilmiy tajribada vujudga keltirish.

Autopsiya (seksiya, murdan yorish, obduksiya) — o'lgan kishida bo'lib o'tgan struktura o'zgarishlarini (anatomik, gistoligik, elektron mikroskopik o'zgarishlarni) aniqlash maqsadida uning murdasini yorib tekshirishdir.

Tabobat ilmi va amaliy sog'liqni saqlash ishida autopsiyaning ahamiyati quyidagilar bilan belgilanadi:

1) autopsiya insonning funksional struktura tuzilishiga, uning hayotiy funktsiyalari va kasallik jarayonlarining mohiyatlariga materialistik qarashlar paydo qilishda katta rol o'ynaydi.

2) murdan yorib tekshirib ko'rish bilimlarni oshirish jihatidan olganda katta ahamiyatga egadir. Chunki inson patologiyasi sohasida organ, sistema, to'qimalar, hujayralar va subhujayralar doiralaridagi bilimlarni to'plab borishga yordam beradi.

3) autopsiya o'tkazish klinik diagnozni patologoanatomik diagnozlarga solishtirib ko'rishga, bemorni klinikada tekshirishda yo'l qo'yilgan kamchiliklarni aniqlab olishga, konservativ va operatsiya yo'li bilan qilingan davo usulalarini tahlil qilib chiqishga, vrach xatolarini (diagnostik xatolar, davolashning texnikasi va taktikasidagi xatolar, tibbiy yordamni tashkil etishdagi xatolarni) aniqlab olishga yordam beradi.

4) o'lim hodisasini retrospektiv tarzda tahlil qilib chiqish vrachning davolash faoliyatini ustidan ilmiy nazorat olib borishga imkon tug'diradi.

5) autopsiya tibbiy ta'lif berish va vrachlar malakasini oshirishda muhim orinda turadi.

6) mурдаларни юриб текшеруб ко'ріш касалланышында о'лим холларининг структурасын ақс аттаридан ма'lumotlарни топлауборишга ю'l очадыкі, бу нарса sog'liqni saqlash органларының ішінде рејалаштырышга имкон беради.

7) autopsiya sanitariya-epidemiologiya jihatidan katta ahamiyatga egadir, chunki infektsion касалліларни aniqlab olishga va shu yo'l bilan ularning tarqalib ketishiga (epidemiyalar, pandemiyalar boshlanishiga) yo'l qo'ymaydi.

8) mурдаларни юриб текшерүү түфаялык касаллілардың морфогенези менен патогенезини о'рганиш мүмкін болады.

9) autopsiya uncha ma'lum bol'magan va kam uchraydigan касалліларни о'рганишга, yangi nozologik xillarini, tabiiy va davoga bog'liq patomorfozni aniqlab olishga, patomorfozning мөһиyyatını bilib, түшүнүп оlishga yordam beradi.

Hozir zamонавиј морфология усуллари талайгина жетекшілігінде ерішкан болышында қарама-мұнай, мурдаларни юриб текшерүү бүгүнгі күнде әмбебаптың мөддік негизінде төг'рісінде тараптасып өткөн ассоциацияның болып табылғанда.

**Biopsiya** diagnostika, ya'ni касаллікни aniqlab olish мақсадада микроскопда текшеруб ко'ріш үшін бемор тоғималари және органларының ма'lum qismlarini uning hayotligi mahalida kesib olish. Jarrohlik operatsiyaları mahalida kesib olingen organ va toqimalar әмбебаптика мақсадада микроскопик yo'l bilan текшеруб ко'rilishi керак.

Biopsiya текшерішларының мисиясы - оның жұмысынан көрініштегін сипаттауда.

- klinik diagnozni aniqlab olish va tasdiqlash;
- klinik jihatdan noaniq hollarda diagnozni belgilash;
- касаллілардың босханғандағы дәрежелерінің (eng ilk belgilarini) bilib olish;
- xili va etiologiyasi jihatidan har xil bo'lgan yallig'lanishga aloqador giperplastik жарыонларының оғындарынан differential диагностикасын о'tkazish;
- operatsiyaning to'la-to'kis o'tkazilgan o'tkazilmaganini aniqlash;
- patologik жарыон dinamikasini о'рганиш;
- davo та'siri bilan toqimalar yoki o'smalarda ro'y beradigan struktura o'zgarishlarini о'рганиш.

Bemorning hayotligida histologik tekshirish uchun har qanday to'qimalardan quyidagicha turli usullar bilan material olish mumkin:

1) jarrohlik operatsiyalari mahalida to'g'ridan-to'g'ri kesib olish (insizion ochiq biopsiya).

2) operatsiya mahalida olib tashlangan organ va to'qimalardan bo'lakchalar qirqib olish.

3) punksiyalar (igna bilan teshish) mahalida material olish — punkcion biopsiya.

4) turli asboblar bilan o'tkaziladigan endoskopik tekshirishlar: kolonoskopiya, gastroskopiya, bronxoskopiya mahalida material olish (endoskopik biopsiya).

5) kovak organlardagi suyuqlikni so'rib namuna olish (aspiratsion biopsiya).

**Kasalliklarni ilmiy tajribada** yuzaga keltirish kasallik etiologiyasi patogenezi, morfogenezini aniqlab, bilib olish uchun muhim ahamiyatga ega.

Autopsiya, biopsiya paytida va tajribada olingen turli organ va to'qimalardagi struktura o'zgarishlarini tekshirib o'rorganishda har xil histologik, gistolimyoviy, elektron mikroskopik, elektron gistolimyoviy, immuno-morfologik va hokazo usul-amallardan keng foydalaniladi. Zamonaviy morfologik usul-amallardan shu tariqa keng foydalanan patologoanatomiga kasallikning moddiy mohiyati, uning bosqichlarini chuqurroq bilib olishga, davoning qanday naf berayotganligini kuzatib borishga imkon beradi.

## QISQACHA TARIXIY MA'LUMOTLAR

Patologik anatomiya nazariy va amaliy tabobatni bir-biri bilan bog'lab turadigan muhim xalqa bo'lib, ildizlari qadim-qadim zamonalarga borib taqaladi. U bir tomonidan, elektron mikroskopiya, gistolimyo, biokimyo va fiziologiya bilan payvasta bo'lib bog'langan bo'sha, ikkinchi tomonidan, klinika bilan mahkam bog'lanib ketgan. Mana shuning uchun ham patologik anatomiya xuddi amaliy tabobat singari qadimiy tarixga egadir. Uning rivojlanishida 3 davr tafovut etiladi.

Birinchi davr XIX asr o'rtalarigacha davom etib keldi va turli kasalliklar mahalida inson organizmida ro'y beradigan anatomik o'zgarishlar to'g'risidagi ma'lumotlarni to'plab, jam qilib borish bilan ta'riflanadi. Birinchi davrining eng muhim bosqichi deb, Abu Ali ibn Sinoning «Tib qonunlari» (1020) va italiyalik olim G. Morganining «Kasalliklarning murdan yorish yo'li bilan bilib olinadigan joyi va sabablari to'grisida» (1761) degan asarlar paydo bo'lgan davrni aytilish mumkin. Unda kasallikning klinik simptomlari organizmdagi morfologik o'zgarishlar bilan solishtirilib ko'rilgan.

Patologik anatomiya fanining qaror topib borishida M. Bish (1771-1821), J. Korvizar (1775-1821), J. Kryuvele (1791-1874), R. Brayt (1789-1858) singari olimlarning asarları ham muhim ahamiyatga ega bo'ldi. Mana shu davrda pa-

tologik anatomiya tabiatdan mustaqil fan tusiga kirib, klinik fanlar orasida muayyan bir o'rinni egalladi. Ana o'sha zamonalarda qo'llanilib kelgan tekshirish usuli nazarda tutiladigan bo'lsa, bu davrni anatomik yoki makroskopik davr deb aytish mumkin.

XIX asrning yarimlaridan XX asrning yarimlariga qadar davom etib kelgan ikkinchi davrda eksperimental patologiya, ya'ni kasalliklarni tajribada yuzaga keltirish ishlarini avj oldirish uchun keng uslubiy imkoniyatlar ochildi. Bu narsa talaygina kasalliklarning etiologiyasi, patogenezi va morfogenezini o'rganishga yordam berdi. Patologik anatomiya rivojlanishining bu davri morfologik tekshirish usullarini takomillashtirib borish bilan ta'riflanadi. Mikroskop paydo bo'lishi va gistologik tekshirish usullari joriy etilishi bilan hujayralar va hujaylararo modda doirasida ro'y beradigan strukturaviy-funktsional o'zgarishlarni tahlil qilib chiqish mumkin bo'lib qoldi. Ta'rif berib o'tilayotgan bu davrda nemis patologi R. Virxov (1821-1902) o'zining mashhur hujayra nazariyasini yaratdi, bu nazariyaga muvofiq hujayraga juda ham muhim tuzilma deb, hayotning dastlabki va nihoyatda zarur qismi deb qaraladi. R. Virxov selliyulyar patologiyani yaratib, patologik jarayonlarning hujayra ichi zarrachalari doirasida joy olishi tog'risidagi masalani o'chib tashlash tomoniga yana bir qadam qo'ydi. Turli patologik jarayonlarda ro'y beradigan strukturaviy funktsional o'zgarishlarni o'rganishga K. Rokitanskiy (1804-1878) ham katta hissa qo'shdı.

XIX asrda patologik anatomiya katta yo'lga chiqib oldi. Patologoanatomlarning ilmiy maktablari yuzaga kelib, Berlin, Parij, Vena shaharlarda patologik anatomiya kafedralari ochildiki, bu narsa patologik anatomiyaning mustaqil fan sifatida qaror topib borishi uchun ko'p darajada imkon berdi.

Rossiyada birinchi patologik anatomiya kafedrasi Moskva dorilfununida 1849-yilda ochildi. Bu kafedraning birinchi mudiri va patologoanatomlar Moskva maktabining asoschisi professor A. I. Polunin (1820-1888) bo'ldi. Professorlardan A. I. Abrikosov (1875-1955), A. I. Strukov (1906-1988), I. V. Davydovskiy (1887-1968), A. P. Avsin (1910-1993), N. A. Krayevskiy (1905-1985), V. V. Serov va boshqalar Moskva maktabining eng iqtidorli namoyondalaridandir. Patologoanatomlarning Moskva maktabi tekshirishlarda klinik-anatomik yo'l tutish bilan ta'riflanadi.

Peterburgda N. I. Pirogov tashabbusi bilan Tibbiy-jarrohlik akademiyasida 1859-yili patologik anatomiya kafedrasi tashkil etiladi. Patologoanatomlar Peterburg maktabining vujudga kelishida M. M. Rudnev (1837-1878), G. V. Shor (1872-1948), N. N. Anichkov (1885-1964), V. G. Garshin (1877-1956), V. D. Sinzerling (1891-1960), A. V. Sinzerling degan olimlar muhim rolni o'ynadi. Patologoanatomlarning Peterburg maktabi eksperimental patologyaning rivojanib borishiga kattagina yordam berdi. Keyinchalik Qozon, Xarkov, Kiyev shaharlarda patologik anatomiya kafedralari ochildi.

Patologik anatomiya rivojlanishining uchinchi (hozirgi, zamonalaviy) davri hodisalarining funktsional tomonini aniqlab olish yo'lida morfologik tekshirish

usullarini yanada takomillashtirib borish yo'li bilan ta'minlanadi (A. P. Avsin, 1910—1993). Optik va skanerlovchi elektron mikroskopiya, lyuminessent mikroskopiya, gistogramiyoviy tekshirish usullari, avtoradiografiya, immunomorfologiyadan keng suratda foydalanan turli patologik jarayonlarning patogenezi bilan morfogenezi to'g'risidagi tushunchalarimiz chuqurlashib borishiga ko'p darajada yordam berdi. Mana shu usulmaller vositasi bilan kasalliklarning moddiy mohiyati to'g'risida yangidan-yangi ma'lumotlar qo'lga kiritildi. Patologik anatomiya rivojlanishining ultramikroskopik davri R. Virxov hujayra patologiyasining bevosita davomi va keyingi rivojidir. Organellalar va suborganellalarning kashf etilishi hujayra membranalari retseptorlari va genlarni aniqlash usullarining ishlab chiqilishi, strukturaviy-funksional o'zgarishlarni subhujayra doirasida o'rganishga, kasalliklarning avj olib borish mexanizmlari to'g'risidagi bilimlarimizni chuqurlashtirishga, molekulyar patologiya darajasiga tomon ko'tarishga imkon berdi.

## O'ZBEKISTON RESPUBLIKASIDA PATOLOGIK ANATOMIYANING RIVOJLANISH TARIXI

Yurtimizda patologik anatomianing mustaqil tibbiy-biologik fan sifatida vujudga kelishi 1919 yili Turkiston Davlat universitetida tibbiyot fakulteti tashkil etilishi bilan uzviy bog'langan. Murdani yorib tekshirish ishlari amaliyatda olis o'tmishdayoq qo'llanila boshlangan. Kasallik tufayli vafot etganlarning mурдалари ustidan patologoanatomik tekshirish olib borishga Abu Ali ibn Sino (980-1037) ham o'z zamonasida katta ahamiyat bergen. Har xil kasalliklarning asl sababini chuqurroq bilib olish va samarali davo hamda profilaktika choralarini ishlab chiqish uchun mana shu buyuk olim va hakimning o'zi mурдаларни yorib tekshirib ko'rGAN.

Ancha keyin harbiy gospitallarda mурдаларни yorib tekshiriladigan bo'ldi. «Harbiy qarorlar to'plami» degan XIX asr kitobidagi ma'lumotlarga qaragan-da gospitallardagi vrachlar noaniq hollardagina mурдаларни yorib tekshirib ko'rishgan. Turkistonda leyshmanioz kasalligini o'rganish bilan shug'ullangan hay'at a'zolari shu kasallikdan o'lgan kishilarining mурдаларини yorib tekshirib ko'rishganlari ham ma'lum (1914).

Mурдаларни muntazam yorib tekshirib ko'rish ishlari 1916-yildagina boshlandi. Bu tekshirishlarni Toshkent shahar kasalxonasida ishlab turgan patologoanatom, vrach S. P. Shoroxov olib bordi. O'sha zamonalarda seksion materialni gistologik tekshirishdan o'tkazish rasm bo'limgan edi.

20-yillarning boshlari ilmi-tib olimlari jo'shqin faoliyat ko'rsatgan davr bo'ldi. Fuqarolar urushi va interventionsaning og'ir asoratlari, terlama, ya'ni tif kasalliklari, ichak infeksiyalari kam o'rganilgan va deyarli notanish bo'lgan kasalliklar, ularni aniqlab olish va davolash, etiologiyasi hamda patogenezini bilib

olish muammolar — o'sha zamondagi klinisist olimlar va nazariyotchilarning fikru-zikrini band qilgan masalalar ana shulardan iborat bo'ldi. Spru, ya'nı chilla-shir, malta isitmasi, pellagra, leyshmanioz, kolitlarning klinikasi va patologik anatomiysi birinchi marta Markaziy Osiyoda mana shu davrda tasvirlab, bayon etib berildi (Terexov, 1930). Aholi o'rtasida kasallanish hollarini har tomonlama o'rganish va tropik kasalliklar deb atalmish dardlarning mohiyatini aniqlab olish uchun katta imkoniyatlar paydo bo'ldi.

Fan va amaliy faoliyatning bir bo'limi sifatidagi patologik anatomiyaning birinchi tashkiliy va ilmiy pedagogik markazi Turkiston davlat universiteti tabobat fakultetining patologik anatomiya kafedrasi bo'ldi. Bu kafedraning birinchi mudiri professor V. V. Vasilevskiy (1920–1930) edi. 1930 yilda Toshkent davlat tibbiyot instituti tashkil etildi. 1930 yildan to 1966 yilgacha bu institut kafedrasiga O'zbekiston patologoanatomlar maktabining asoschisi bo'lgan G. N. Terexov boshchilik qildi. Keyinchalik bu kafedraga dotsent P. J. To'laganov (1966—1969) va professor M. S. Abdullaxo'jaeva rahbarlik qilib bordi (1969—1990) Tibbiyot institutining 1990-yilda I va II tibbiyot institutlariga bo'linishi munosabati bilan kafedra qayta tashkil etildi.

Toshkent Davlat tibbiyot instituti patologik anatomiya kafedrasining xodimlari ilmu-tibning rivojlanishiga kattagina hissa qoshishdi. Ularning yarali kolitlar, spru, visseral leyshmanioz, pellagra, brusellyoz, assithi toksik gepatit, gemorragik isitma, jug'rofik va infektion patologiya, nerv va yurak-tomirlar sistemasi patologiyasi, kasb kasalliklari, shuningdek transplantologiya sohasidagi tadqiqotlari vatanimiz patologik anatomiya fanini ancha boyitdi (G. N. Terexov, A. I. Ma'rufov, V. A. Alimov, E. S. Qosimxo'jaev, P. J. To'laganov, M. S. Abdullaxo'jaeva, G. A. Polyakova, Ya. Yu. Utepov).

Mana shu patologik anatomiya kafedrasidan yetishib chiqqan shogirdlar yangi ochilgan tabobat institutlarida kafedralar tashkil etishda faol qatnashdi.

Chunonchi, 1932-yili Samarqand tabobat institutida respublikada ikkinchi patologik anatomiya kafedrasi tashkil etilib, unga professor Sergey Fedorovich Tatarenchik mudir qilib tayinlandi. 1930-yildan 1941-yilgacha bo'lgan davrda bu kafedra xodimlari bezgak, ensefalitlar, xavfli o'smalar muammosi ustida ish olib borishdi (S. F. Tatarenchik, V. I. Koneskiy, A. I. Ma'rufov, O. M. Azizova).

O'zbekistonda umumiy davolash tarmog'i kengayib, kadrlar ko'payib borgani munosabati bilan Toshkent shahrida 1948-yili vrachlar malakasini oshirish institutida uchinchi patologik anatomiya kafedrasi ochildi (bu kafedraning birinchi mudiri dots. T. I. Sirota). Kafedra xodimlari sil, nur kasalligi, ateroskleroz patologik anatomiysi va patogeneziga doir masalalarni ishlab chiqishdi (R. I. Danilova, N. A. Talikov, N. P. Krutko, T. M. Mirazimov va boshqalar).

Andijon meditsina instituti patologik anatomiya kafedrasini dotsent F. J. To'laganov ochdi va boshqarib bordi (1957—1964). Bu kafedraning ilmiy ishlari asosan bo'qoq va boshqa endokrin bez kasalliklari muammosiga, hazm sistemasi

patologiyasi, ateroskleroz muammolariga, aterosklerozga qarshi dori-darmonlar izlab topishga bag'ishlandi (P. D. To'laganov, N. G. Aleksandrov va boshqalar).

1972-yili O'rta Osiyo pediatriya tibbiyot institutida (hozirgi Toshkent Davlat pediatriya tibbiyot institutida) beshinchisi patologik anatomiya kafedrasini tashkil etildi. Bu kafedraga Toshkent Davlat tibbiyot instituti patologik anatomiya kafedrasining professori V. A. Alimov mudir etib tayinlandi. Kafedra ilmiy ishlaringning asosiy mavzui virusli gepatit patologik anatomiyasidir.

1990-yili Buxoro tibbiyot instituti patologik anatomiya kafedrasini o'z faoliyatini boshladi (mudiri dots. R. K. Boltaboyev). Keyinchalik Urganch (1991), Nukus (1991), Farg'on'a tibbiyot fakultetlarida patologik anatomiya kafedralari ochildi.

Patologik anatomiya fundamental ilm-tibning asosi bo'libgina qolmaydi. U amaliy sog'liqni saqlash ishining bir qismi bo'lib, kasalliklarni insonning tirikligi va o'lgandan keyin ham aniqlash usullarini takomillashtirish va klinisistlar mala-kalarini oshirish yo'li bilan aholiga tibbiy xizmat ko'satishni yaxshilashga davat etilgan.

O'zbekistonda, ham, xuddi boshqa Mustaqil Davlatlar Hamdo'stligidagidek, patologoanatomik xizmat ko'satadigan mutazam sistema ishlab turibdi, bu sistema so'nggi ikki o'n yillik mobaynida respublikamizda ancha rivojlandi. Respublikaning viloyat markazlarida viloyat patologoanatomik byurolari barpo etilgan, O'zbekistonda yagona Respublika patologik anatomiya markazi tashkil etildi. Bu markaz respublikadagi patologik anatomiya xizmatiga tashkiliy-metodik jihatdan rahbarlik qiladi.

# I Bob

## KASALLIK HAQIDA UMUMIY TA'LIMOT

### KASALLIK TUSHUNCHASINING PATOMORFOZ TA'RIFI

#### KASALLIKLAR TASNIFI

#### ETIOLOGIYASI

#### KASALLIKNING BIOLOGIK PATOGENEZE

#### AHAMİYATI

#### KOMPENSATOR JARAYONLAR

#### MORFOGENEZ

### KASALLIK TUSHUNCHASINING TA'RIFI

Insonlarda uchraydigan kasallik murakkab ijtimoiy hodisa bo'lib, uning asosida yaxlit organizmning patogen omilga ko'rsatadigan reaktsiyasi yotadi. Kasallik degan tushunchaga adabiyotda har xil ta'rif beriladi, shu ta'riflар umumlashtirib ko'rildigani bo'lsa, *kasallikni tashqi va ichki patogen omillar ta'siri bilan organizmdagi tuzilmalarning zararlanishi va funktsiyalarining buzilishi oqibatida inson odatdagи hayotining izdan chiqishidir* deb qarash mumkin bo'ladi.

Har bir kasallik gomeostazning ancha izdan chiqishi, organizmning o'zgarib turgan tashqi muhit sharoitlariga moslashib olish layoqati yo'qolib ketishi, himoya mexanizmlarining susayib qolishi bilan birga davom etib boradi. Mana shularning hammasi mahalliy va umumiy struktura o'zgarishlarini keltirib chiqaradi.

Kasallik ko'rinishlari organizmgaga yetgan shikastning o'zigagina bog'liq bo'lib qolmasdan, balki himoyalovchi, kompensator va moslashtiruvchi jarayonlar boshlanishiga ham bog'liqdir, chunki *kasallik yashash sharoitlariga organizmning o'ziga xos shakli va darajalarda moslashuvidir* (I. V. Davidovskiy, 1966).

Odamda uchraydigan kasalliklarning anchagini qismi avval alomatlarsiz o'tib boradi (kasallik oldi davri) va o'z taraqqiyotining muayyan bir davrida kasallik klinik alomatlar, belgilari bilan zohir bo'ladi. Mana shu davr kasallikning o'tishida himoyalovchi, kompensator va moslashtiruvchi reaktsiyalarining ko'pdan beri zo'rayib borayotgan struktura o'zgarishlarini bartaraf eta olmaydigan davr boshlanganini bildiradi.

Kasallikning taraqqiy etishi, avj olib borishida uchta asosiy bosqich tafovut etiladi: 1) kasallik qaror topib boradigan bosqich (kasallik oldi davri, kasallikning boshlanishi); 2) kasallikning klinik manzarasi avjiga chiqqan davr; 3) so'g'ayish. Mana shu bosqichlarning har qaysisida struktura o'zgarishlari va kasallik ko'rinishlarining nisbati turlicha bo'ladi (Sarkisov D. S., 1988).

## ETIOLOGIYASI

Kasallikning sabablari juda xilma-xil. Inson atrofidagi muhitning hamma omillari kasallikka sabab bo'lishi mumkin. Ayni vaqtida tabiiy omillargina emas (bakteriyalar, viruslar, shikastlanish, kanserogen moddalar), balki insonning faoliyatiga aloqador bo'lgan suniy omillar ham ahamiyatga ega bo'lishi mumkin. Ana shunday suniy omillar jumlasiga har xil sintetik, organik birikmalarning turmushda, oziq-ovqat masalliqlarida, farmakologik vositalarda tobora ko'proq qo'llanilayotgani, qishloq xo'jaligi va sanoatda zaharli moddalar, jumladan pestisidlarning tobora ortiqcha ishlatilayotgani kiradi.

Kasalliklarning paydo bo'lishida *qator omillari*, ya'ni kasallikka yo'l ochadigan, unga moyillik tug'diradigan sharoitlar bo'lishi ham ahamiyatga ega. Organizm reaktivligi va immunobiologik mexanizmlarning holati, keksalik, tashqi muhitning turli noqulay sharoitlari, chekish, his-hayajonlarni junbushga keltiradigan turli holatlar, ya'ni stresslar shular qatoriga kiradi. Masalan, pnevmoniyalarning boshlanishida infeksiya (pnevmonokkk, stafilokokk, virus)ning o'zigina ahamiyatga ega bo'lib qolmay, balki organizm reaktivligining holati, sovqotish ham ahamiyatga egadir. Aterosklerozning boshlanishida lipidlar almashinuvining buzilishidan tashqari odamning chekishi, yoshi, haddan tashqari ko'p ichkilik ichishi, kam harakat qilib turmush kechirishi ham ahamiyatga ega bo'ladi.

Etiologik omillarning hammasini tashqi (ekzogen) va ichki (endogen) omillarga ajratish rasm bo'lgan. *Ekzogen* omillar jumlasiga mexanik, kimyoiy moddalar, harorat, ovqat, mikroblar, viruslar, zamburug'lar ta'siri kiradi va hokazo. Insonning irsiyati, organizmnинг odam yoshi va konstitutsiyasiga aloqador xususiyatlari *endogen* omillar bo'lib hisoblanadi. Etiologik omillarning mana shu ikkala guruhi bir-biriga bog'liqdir, chunki organizmnинг irsiyati, konstitutsiyasi, oliv nerv faoliyatining xususiyatlari insonning filo va ontogenetik rivojlanish tarixida tashqi muhit omillari ta'siri ostida shakllanib borgan.

## PATOGENEZI

*Patogenez umuman kasallik va xususan ko'rinishlarining avj olib borish mexanizmidir.* Kasalliklarning kelib chiqishi, avj olib borishi, o'tishi va oqibatiiga ta'lluqli umumiyl qonuniyatlarni o'rganish patogenez to'g'risidagi umumiyl talimotning mazmunini tashkil etadi. Xuddi etiologiya singari, patogenezni bilib olish nazariy jihatdangina ahamiyatga ega bo'lib qolmay, balki vrachning amaliy faoliyati uchun ham katta ahamiyatga egadir. «Patogenez» tushunchasi funktsional o'zgarishlarnigina emas, odatda muayyan bir tuzilmalarda ko'proq ko'zga tashlanadigan birlamchi morfologik o'zgarishlarni ham o'z ichiga oladi.

*Ayni vaqtida kasallikning avj olib borishida shikastlanish bilan himoyalanish (adaptatsiya, kompensatsiya)ning o'zaro munosabatlari muhim ahamiyat kasb etadi, yallig'lanish misolida buni ayniqsa yaqqol ko'rish mumkin. Chunonchi, yallig'lanish o'chog'ida patologik jarayonlar (alteratsiya, venoz qon dimlanishi, qonning to'xtab qolishi — staz boshlanishi, shish kelishi, moddalar almashinuvining buzilishi, zaharli moddalar hosil bo'lib borishi) bilan bir qatorda himoyalovchi va kompensator jarayonlar ham avj olib boradi (arterial qon kelishi ko'payadi, yallig'lanish o'chog'i atrofidagi to'qimalarda almashinuv jarayonlari kuchayadi; immun reaktsiyalar, limfotsitlar migratsiyasi, fagotsitoz boshlanadi va hokazo). Biroq, himoyalovchi va kompensator jarayonlarning bir qancha hol-larda patologik jarayonlarga sabab bo'la olishini ta'kidlab o'tish kerak. Masalan, o'z tabiatiga ko'ra himoyalovchi reaktsiyalardan bo'lmissiz immun reaktsiyalar autoimmun kasalliklar (sistema qizil yugirigi, ya'ni volchankasi, revmatoid artrit va boshqalar)ga sabab bo'lishi mumkin.*

*Kasallikning klinik ko'rinishlari organizmdagi zararlanish (alteratsiya), himoya-lovchi, kompensator va moslashtiruvchi reaktsiyalarning adaptatsiya reaktsiyalari-ning nisbatiga bog'liq. Yuqorida aytilanidek, kasallik patogen omil ta'siri ostida yetgan qanday bo'lmasin biror shikastdan («buzilishdan») boshlanadi. Shu bilan birga bu «buzilish» har qanday darajadagi tuzilmalarda, jumladan molekulalar doirasida ro'y berishi mumkin. Shu nuqtai nazardan olinadigan bo'lsa, shikast yetishni, zararlanishni (alteratsiyani) subhujayra organellalari, hujayralar, to'qimalar, organlar tuzilishigina emas, balki molekulalar tuzilishining o'zgarishi, shuningdek molekulalar doirasida ro'y beradigan qayta guruhlanish deb qarash mumkin. Mana shu struktura o'zgarishlarining hammasi qanday doirada ro'y berishidan qat'i nazar, funktsiyalarning o'zgarishi bilan birga davom etib boradi.*

Sistemalarning strukturaviy qayta guruhlanishi (rekombinatsiya) natijasida ro'y beradigan sifat o'zgarishlarining biologiyadagi eng yorqin misoli gen mutatsiyalari (xromosomalar qismlarining dislokatsiyasi turli xromosomalar qism-lerining almashinishi, xromasomalar qismlarining 180° ga burilish (inversiyasi) dir. Shu mutatsion o'zgarishlar sintezlanadigan oqsil sifatiga ta'sir qilmaydi-yu, uning shaklini, fermentativ faolligini, sintez tezligini o'zgartiradi, mana shu nar-sa pirovard natijada enzimopatiyalar boshlanishiga sabab bo'ladi. Xromosoma apparatinining qayta guruhlanishi bilan birga unda miqdor o'zgarishlarining ro'y berishi (aneuploidiya, poliploidiya) organizmning kompensator moslashtiruv-chi reaktsiyalarida ham, bir qancha irlari kasallikkarning kelib chiqishida ham muhim o'rin tutadi (Sarkisov D. S., 1994). Qayta guruhlanish hollari tinmay o'zgarib turadigan tashqi muhit sharoitlariga organizmni moslashtiruvchi adaptiv reaktsiyalarning muhim mexanizmidir. Patologik jarayonlar avj olib borayot-ganida boshlanadigan adaptatsiya organizmda kasallikka qarshilik ko'rsatuvchi

turli kompensator himoyalovchi mexanizmlarning ishga tushishida katta ahamiyatga ega.

## KOMPENSATOR JARAYONLAR

*Kompensator jarayonlar shikastlanishga javoban organizmda boshlanadigan adaptatsion reaktsiyalarning ma'lum bir turidir.* Shikast tufayli buzilgan funktsiyalar shu jarayonlar tufayli asliga kelib boradi, shu munosabat bilan bu jarayonlar sog'ayish omillaridan biri bo'lib hisoblanadi. Shikastlovchi omilni yo'q qiladigan yoki cheklab qo'yadigan boshqa adaptatsion reaktsiyalar — antitelolar ishlaniб chiqishi, fagotsitoz, yallig'anish va boshqalar ham organizmning sog'ayishida muhim o'rinni egallaydi.

Kompensator jarayonlar molekulalar, subhujayra tuzilmalari, hujayralar, organlar va sistemalar doirasida bo'lishi mumkin. Organ doirasida ro'y bergan birlamchi shikastlanish o'sha organ, sistemalar, yaxlit organizm doirasida boshlanadigan kompensator reaktsiyalar bilan birga davom etib boradi. Chunonchi, yurak poroklarida buzilgan qon aylanishining kompensatsiyalanishi yurakning qaysi bo'limi ko'proq zo'riqayotgan bo'lsa o'sha bo'limning gipertrofiyalanishi hisobiga yuzaga chiqadi. Ana shu kompensator gipertrofiya organizmda qonning normal aylanib turishini ta'minlaydi. Buyrakdagi nefronlarning bir qismi halok bo'lib ketganida(amiloidoz, nefroskleroz mahalda) omon qolgan nefronlar funktsiyasining kuchayishi hisobiga shu organ ichida kompensatsiya boshlanadi, nefronlar funktsiyasining kuchayishi esa ularning gipertrofiyalanishiga sabab boladi.

Hujayra doirasida shikastlanish ro'y berganida kompensator reaktsiyalar shikastlangan hujayraning o'zida ham, atrofidagi tuzilmalarda ham boshlanadigan regenerator jarayonlar ko'rinishida ifodalanadi. Poliploid hujayra genomlaridan biri yemirilganida hujayra ichida kompensatsiya omon qolgan genomlardagi ribonuklein kislota (RNK) sintezi kuchayishi hisobiga yuzaga chiqadi.

Biroq, organizmning moslashtiruvchi kompensator reaktsiyalari avj olib borishida anchagina vaqtini talab qiladigan giperplastik jarayondan tashqari, molekulalar doirasida ro'y beradigan rekombinatsion qayta guruhanish hollari ham muhim ahamiyatga ega. Ular sekundning mingdan va milliondan bir ulushlariga boradigan juda katta tezlik bilan o'tadi, holbuki, organizmning miqdoriy reaktsiyalari (giperplastik reaktsiyalar) yo'lga tushib ketguncha bir necha soat vaqt kerak boladi. Zudlik bilan boshlanadigan kompensatsiya asosida strukturalar bir yola giperplaziyaga uchramasdan turib, molekulalar doirasida ro'y beradigan qayta guruhanish yotadi deb taxmin qilish mumkin.

Organizmda bo'lib o'tadigan mana shu o'zgarishlarning hammasini morfolog bevosita kuzata olmaydi, lekin shunday bo'ssayam, ularni molekulalar doirasida

ro'y beradigan struktura o'zgarishlari, aniqrog'i, struktura funksional o'zgarishlar deb qarash kerak (Sarkisov D. S. , 1994). Mana shu o'zgarishlar struktura bilan funktsiyaning birligini isbot etuvchi dalildir. Ular organizmda «funktsional kasalliklar» bo'lmasanidek, «sof funktsional o'zgarishlar» ham bo'lmasligi va bo'la olmaslididan yorqin darak beradi.

Moslashtiruvchi reaktsiyalar va organizm umumiy reaktivligining yetarlicha samarador bo'lmasligiga olib boradigan sabablarning biri molekulyar reaktsiyalarning mexanizmlaridagi irlsiy yoki turmushda orttirilgan nuqsonlardir deb taxmin qilsa bo'ladi. Boshqacha aytganda, adaptatsiyaning aynishi va qanday bo'lmasin biror patologik jarayon boshlanishining sababi, ajabmaski, aynan molekulular doirasida yuzaga chiqadigan moslashtiruvchi rekombinatsion o'zgarishlarning odatdan tashqari yo'lga kirib qolishidir. Izdan chiqqan funktsiyalarning anatomik, gistologik va submikroskopik doiralarda boshlanadigan adaptatsiyasi va kompensatsiyasi atrofiya, regeneratsiya, gipertrofiya, giperplaziya, jumladan hujayralar ichida bo'lib o'tadigan regeneratsiya va giperplaziya tushunchalari bilan mahkam bog'langan.

Adaptatsiya va kompensatsiya hodisalarining strukturaviy asoslarini hozirgi vaqtida molekulyar atomlar doirasida o'rganish kerak, bunda moddalarning rekombinatsion adaptiv qayta tuzilishini tahlil qilish shu ishning eng muhim tomonlaridan biri bo'lib hisoblanadi.

## MORFOGENEZI

Har bir kasallik doimiy bir narsa bo'lmay, muayyan tarzda o'zgarib bora-di. Ko'pgina kasalliklar (qorin tifi, ateroskleroz, sil, gipertoniya kasalligi)ning o'tishida klinik-anatomik jihatdan, avj olib borish qonuniyatları jihatidan bir-biridan ajralib turadigan bir qancha bosqich va davrlar bo'ladi. Patologik anatomiya kasallikning turli davrlarida har xil organ va to'qimalarda ro'y beradigan struktura o'zgarishlarini o'rganadi, o'rganganida ham kasallik avj olib bor-gani sayin bu o'zgarishlar qay tariqa davom etib, zo'rayib borishini yoki, aksincha, patologik jarayonning so'nishi bilan kasallikning qay tariqa sog'ayishigacha o'rganadi (morfogenez).

## PATOMORFOZI

Hozir bir qancha kasalliklarning klinikmorfologik manzarasi ancha o'zgarib qolgani sezilmoqda (patomorfoz). Bu ekologik omillar va yashash sharoitlarning timay o'zgarib turganiga, yoshi ulug'lar soni ko'payib, aholi qarib borayotganiga, kasalliklarning oldini olib borish uchun ommaviy chora-tad-

birlar ko'rilayotganiga, hamda qanchadan-qancha davo vositalari va usullari qo'llanilayotganligiga bog'liqdir.

Patomorfoz degan tushuncha keng ma'noda olinadigan bo'lsa, kasalliklarning umumiy bir manzarasini, ya'ni kasallanish va o'lish hollarida ro'y berayotgan o'zgarishlarni (nozomorfoz) aks ettiradi. Bir qancha infektzion kasalliklar (toun, ya'ni o'lat, qaytalama va toshmali tif) salmog'i kamayib.

O'pka, sut bezi raki bilan kasallanish va bulardan o'lish hollarining ko'payib borayotgani nozomorfozga yorqin misol bo'la oladi. Markaziy Osiyo mintaqasida ilgari ko'p tarqalgan protozoy kolitlari, chillashir (spru), visseral leyshmanioz singari kasalliklar yo'qolib ketdi. Shu bilan birga bu mintaqada tabiatan viruslarga aloqador kasalliklar (otkir respirator virus infeksiyaları, virusli gepatit) salmog'i ko'payish tomoniga o'tib bormoqda. XX asr inson hayoti uchun xatarli bo'lgan kasallik — turmushda orttirilgan immunitet tanqisligi sindromi (XX asr «o'lati») paydo bo'lib qolgani bilan ta'riflanadi.

Patomorfoz so'zi tor ma'noda olinadigan bo'lsa, ayrim kasalliklar mahalida uchraydigan turg'un va hiylagina klinik anatomiq o'zgarishlar degan tushunchani anglatadi. Masalan, qorin tifi infektzion-toksyk shok singari asoratlarining ko'payib borayotganligi bilan ta'riflanadi. Revmatizm uchun kasallikning subklinik holda yashirinchcha o'tib, yurak qopqoqlarida nuqson paydo qilishi hozir tipik bo'lib qoldi. O'limning bevosita sababi revmatik endokarditlardan iborat bo'ladigan hollar kamroq uchraydi.

## KASALLIKLARNING TASNIFI

Insonda uchraydigan kasalliklar juda ko'p va turli-tumandir, lekin ularni quyidagi mezonlarga qarab guruhlarga birlashtirish mumkin:

I. Etiologiyasi bo'yicha (infektzion va noinfektzion kasalliklar).

II. Tabiiy va sun'iy omillarning inson organizmiga ko'rsatadigan bevosita ijtimoiy ta'siri umumiy ekanligi bo'yicha (kasb-korga aloqador kasalliklar, harbiy patologiya va hokazo).

III. Asosiy kasallik o'chog'ining qayerdaligini ko'rsatib beradigan anatomik-topografik belgisi bo'yicha (o'pka, yurak, buyrak, jigar kasalliklari va hokazo).

IV. Ma'lum bir jinsdag, yoshdag odamlarda uchrashi bo'yicha (xotin-qizlar kasalliklari, bolalar kasalliklari, keksalarda).

V. Qanday xilda avj olib borishi va o'tishini ko'rsatadigan umumiy belgisi bo'yicha (otkir, yarim o'tkir, surunkali kasalliklar).

VI. Patogenetik mexanizmlarining o'xshashligi bo'yicha, masalan, irliyat va autoimmun kasalliklar.

Hamma kasalliklar va shikastlanish hollari, ya'ni jarohatlarning 1987-yilda qayta ko'rib chiqilgan X xalqaro tasnifiga muvofiq 20 sinfga bo'linadi:

- 1) ba'zi infekcion va parazitar kasalliklar;
- 2) o'smalar;
- 3) qon, qon yaratish organlarining kasalliklari va immun mexanizm ishtiroki bilan ro'y beradigan ayrim o'zgarishlar;
- 4) endokrin sistema kasalliklari, ovqatlanishning buzilishi va moddalar al-mashinividagi o'zgarishlar;
- 5) ruhiy o'zgarishlar va xulq-atvorning aynishi;
- 6) nerv sistemasining kasalliklari;
- 7) ko'z yordamchi apparatining kasalliklari;
- 8) qulqoq va so'rg'ichsimon o'simta kasalliklari;
- 9) qon aylanish sistemasi kasalliklari;
- 10) nafas organlari kasalliklari;
- 11) hazm organlari kasalliklari;
- 12) teri va teri osti kletchatkasi kasalliklari;
- 13) suyak-muskul sistemasi va biriktiruvchi to'qima kasalliklari;
- 14) siyidik-tanosil sistemasi kasalliklari;
- 15) homiladorlik, tug'ruq va chilla davri;
- 16) perinatal davrda ro'y beradigan ayrim holatlar;
- 17) tug'ma rivojlanish anomaliyalari, deformatsiyalari va xromosoma anomaliyalari;
- 18) boshqa ruknlarda ajratib ko'rsatilmagan, klinika va laboratoriya tek-shirishlarida aniqlangan simptomlar, belgilar, normadan tashqari o'zgarishlar;
- 19) travmalar, zaharlanish hollari va tashqi omillar ta'sirining boshqa ba'zi asoratlari;
- 20) o'lim hollarining tashqi sabablari.

## KASALLIKLARNING BIOLOGIK AHAMIYATI

Kasallik ko'rinishlarining biologik ahamiyati har xil. Kasalliklarning ba'zilari to'qima yoki organlar funktsiyalari izdan chiqib, tuzilishi o'zgarib ketishi bilan birga davom etib boradi. Masalan, qorin tifida ingichka ichak yarasining teshilib ketishi (perforasiya), gipertoniya kasalligida miyaga qon quyilishi va boshqalar bunga misol bo'la oladi. Ana shunday o'zgarishlar juda xatarlidir, chunki mazkur kasallik uchun xarakterli shikast bo'lib, sifat jihatidan olganda butunlay yangi, boshqacha hodisa bo'lib hisoblanadi. Kasallikning boshqa ko'rinishlari patogen omilning ta'siriga yoki ro'y bergen «shikast» tufayli boshlangan strukturfunktional o'zgarishlarga javoban organizmnning reaktsiyasi bo'lib hisoblanadi, xolos. Organizmnning bunday reaktsiyalari o'ziga yarasha morfologik xususiyatlariga ega bo'lgan moslashtiruvchi kompensator va himoya reaktsiyalaridir (yallig'lanish, immunologik reaktsiyalar, atrofiya, gipertrofiya). Yallig'lanishning himoyalov-

chi roli infektsion jarayonning tarqalib borishini cheklab qo'yib, keyinchalik unga batamom barham berish va zararlangan organ, to'qima tuzilishi hamda funktsiyalarini to'la tiklashdan iboratdir. Pilorik qismi torayib qolgan mahalda me'da devori gipertrofiyasining kompensator ahamiyati hazm jarayonining odatdagicha borishini ta'minlashdan iborat.

Kasalliklarning oqibati har xil bo'ladi. Ba'zi hollarda odam *sog'ayib ketadi*, ya'ni kasallik davrida zararlangan sistemalarning tuzilishi va funktsiyalari bata-mom tiklanib asliga keladi. Kasallikning oqibati yaxshi bo'lмаганida *organ funktsiyasini izdan chiqarib, tuzilishini o'zgartirib qo'yadigan turg'un patologik holat* yuzaga kelishi mumkin. Masalan, medaning chiqish qismida bir-biriga taqalib turgan ikkita yara chandiq bo'lib bitishi natijasida me'da shu qismining torayib qolishi, buyrakning undagi turli patologik jarayonlar, chunonchi glomer-ulonefrit oqibatida bujmayib, kichrayib qolishi va funktsiyasining izdan chiqishi shular jumlasidandir.

Bir qancha hollarda kasallik markaziy nerv sistemasi funktsiyalarining izdan chiqishi va hayot uchun muhim organlarning faoliyatdan qolishi natijasida bemorning o'lib ketishi bilan tugallanadi.

Organizmning ajoyib xislatlaridan biri unda bir andozadagi himoya reaksiyalari borligidir, organizm cheklangan miqdordagi shu reaksiyalarni har xil tarzda bir-biriga payvasta qilib qo'shish yo'li bilan juda turli-tuman tashqi ta'sirotlarga tegishlicha javob beradi. Evolyutsiya bir zayldagi umumpatologik jarayonlar deb atalmish jarayonlarni — hamma kasalliklar mahalida ham uchray-veradigan *yallig'lanish, tromboz, regeneratsiya, gipertrofiya, immunitet, atrofiya* hodisalarini bir to'plam holiga keltirib yaratgan.

## II Bob

### HUJAYRA ALTERATSIYASI VA ADAPTATSIYASI

#### HUJAYRA ALTERATSIYASI

Hujayra zararlanishining  
sabablari va patogenezi

Gipoktsiya  
Kimiyoiv birikmalar va  
dorilar  
Tabiiy omillar  
Biologik omillar  
Immun reaktsiyalar  
Irsiy kamchiliklar  
Ovqatlanishning buzilishi  
Hujayraning qarishi

Hujayra qaytar va qaytmash

zararlanishining morfologiysi

Hujayra distrofiyasi

Oqsil distrofiyasi  
Yog' distrofiyasi  
Uglevod distrofiyasi  
Nekroz

#### HUJAYRANING MOSLANISHI (ADAPTATSIYASI)

Atrofiya  
Giperetrofiya

#### KASALLIKLARNING ULTRA- STRUKTURA ASOSLARI

R. Virxov (1855 y.) hujayra patologiyasi nuqtai nazaridan qaraganda normal va patologik sharoitlardagi hayotning dastlabki va eng muhim elementi hujayra bo'lib, uning ichidagi substansiylar fizika va kimyo qonunlariga muvofiq ishlar qilib boradi. Ko'p hujayrali organizmnинг eng oddiy struktura va funktional birligi bo'l mish odatdagи hujayra, ya'ni normal hujayra oziqlanadigan, oziqni hazm qiladigan, harakatlanadigan, ajratib chiqaradigan mavjudotdir. Hujayra betinim va behalovat bo'lib, tashqaridan (ekzogen) va ichkaridan (endogen) kelgan har turli omillar ta'siriga javoban o'z tuzilishi va funktsiyasini doimo o'zgartirib boradi.

Elektron mikroskopiyaning rasm bo'lishi hujayralarda murakkab organellalar sistemasi borligini kashf etishga imkon berdi, shu organellalarning har biri hujayra ichida tinmasdan ishlab turadigan «konveyer» da muayyan bir vazifani bajaradi. Hujayraga tirik narsaning qanday xususiyatlari xos bo'lsa, organellalar ga ham xuddi shunday xususiyatlar xosdir. Ular to'xtovsiz ravishda o'z-o'zidan yangilanib turish layoqatiga ega bo'lib, noqulay omillar ta'siri ostida shikastlanaadi, regeneratsiyalanadi, proliferatsiyalana oladi, ya'ni osishi mumkin va hokazo.

Hujayra organellalari juda ko'p-hujayra yadroisi, yadrochasi, mitokondriyalari, ribosomalari, polisomalari, Golji plastinkasimon kompleksi, donador va siliq sitoplazmatik to'r shular jumlasidadir. Bular tuzilishi jihatidangina emas, balki o'zlaridagi biologik faol moddalarning joylashuvni jihatidan ham bir-biridan farq qiladi. Chunonchi, yadrochada RNK-polimerazalar, ya'ni RNK hosil bo'lishini katalizlaydigan fermentlar jo bo'lgan. Yadroda dezoksiribonuklein kislota

(DNK) replikatsiyasi jarayonlarida ishtirok etadigan fermentlar bor. Hujayra yadrosining pardasida zaharlar kuchini qirqish, ya'ni detoksikatsiya jarayonlarida ishtirok etadigan, shuningdek gormonlar bilan boshqarish ishini ta'minlaydigan fermentlar topiladi (adenilatsiklaza, insulin retseptorlari). Biologik oksidlanish (toqima nafasi) va oksidlanib fosforillanish zanjirida ishtirok etadigan fermentlar, shuningdek piruvatdegidrogenaze kompleksi, uch karbon kislotalar sikli, mochevina sintezi, yog' kislotalarining oksidlanish sikli va boshqalarda qatnashidan fermentlar mitoxondriyalar bilan bog'langan. Ribosomalarda oqsil sintezi fermentlari joylashgan. Lipidlar sintezi fermentlari, shuningdek gidroksillanish reaktsiyalarida qatnashadigan fermentlar endoplazmatik to'rغا jo bo'lgan. Lizosomalarda asosan gidrolitik fermentlar joylashgan. Natriy va kaliy ionlarini tashib beradigan ATF-aza, adenilatsiklaza avvalo plazmatik membrana bilan bog'langan. Pentozofosfat siklidagi glikoliz, yog' kislotalari sintezi va boshqalarda ishtirok etadigan fermentlar sitozolda (gialoplazmada) joylashgan.

Mavjud ferment sistemalarining hujayralar ma'lum qismlariga shu tariqa joylashuvi (kompartimentalizatsiyasi) hujayra ichki funktsiyalarining taqsimlanishini ham, muvofiglanishuvini ham, shuningdek hujayradagi moddalar va energiya almashinuvni jarayonlarining tegishlicha idora etilishini ham ta'minlaydi. Chunonchi, nafas jarayoni, energiya zahiralari va kalsiyeni tashib berish ishlari mitoxondriyalar bilan bog'liq. Ribosomalar bilan donador sitoplazmatik to'rda oqsil tarkib topib boradi (sintezlanadi). Silliq endoplazmatik to'r lipidlar bilan glikogenni to'plab, tashib berish vazifalarini, shuningdek zaharlar kuchini qirqish ishini (detoksikatsion funktsiyani) bajaradi. Plastinkasimon kompleksda bir qancha mahsulotlar sintez qilinib, tashqariga chiqarib turiladi (sekretsiya). Hujayra ichida ovqatni hazm qilish va himoya funktsiyasi lizosomalarga xos.


Bundan tashqari, hujayralarda xususiy funktsiyalarni ado etib boradigan maxsus, ya'ni ixtisoslashgan metaplatzmatik tuzilmalar bor.

Jumladan, tonofibrillalar hujayraning tayanch funktsiyasini bajarsa, miofibrillalar hujayraning qisqarishiga sabab bo'llib, uning harakatlanishiga yordam beradi. Mikrovorsinkalar, cho'tkasimon jiyak so'rilish jarayonlarida ishtirok etadi va hokazo.

Barcha organellalar bir-biri bilan mahkam bog'langan, shu munosabat bilan ularidan birortasining zararlanishi, shikastlanishi butun hujayraning zararlanishiiga olib boradi.

## ADAPTATSIYA

## ALTERATSIYA



## QAYTMAS XILI

1-rasm. Hujayraning patogen omillar ta'siriga javoban reaktsiyasi.

*Stressga sabab bo'lувчи та'sиротга hujayra uch xil turdagи reaktsiya bilan javob beradi: 1) moslanish, ya'ni adaptatsiya; 2) qaytar tarzda zararlanish; 3) o'lim yoki qaytmash tarzda zararlanish (1-rasm).*

Hujayraning moslanishi, ya'ni adaptatsiyasi, uning tabiatan har xil ta'sirotlarga nisbatan ko'rsatgan reaktsiyasi bo'lib, avvalo himoya tusida yuzaga chiqadi va hujayraning yangi sharoitlarga moslanib olishiga, metabolizmni o'rниga tushirishga, zararlovchi omil tufayli tuzilish va funktsiyalarda ro'y bergan o'zgarishlarni bar-taraf etishga qaratilgan bo'ladi.

Hujayraning shikastlanishi (alteratsiya) ham turli patogen omillar ta'siriga javoban hujayra reaktsiyasi bo'lib, moddalar almashinuvining izdan chiqishi, hujayra tuzilishi va funktsional holatining o'zgarishi bilan birga davom etadi.

Hujayraning moslanish (adaptatsiya), shikastlanish va o'lish jarayonlari stressning tabiatini bilan kuchigagina bog'liq bo'lib qolmasdan, balki qon bilan ta'minlanish, muddalar almashinuvini qanday holatda ekanligiga, hujayraning avval qanday holatda bo'lgani va nechog'liq tabaqalashgani hamda sezgirligiga ham bog'liqdir. Hujayralarning qanday bo'lmasin biror xil ta'sirlarga ayniqsa sezgir (trop) bo'lishini bir qancha hollarda osongina izohlab bersa bo'ladi. Masalan, uglerod tetraxlorid organizmga qanday yo'l bilan yuborilmasin, jigarda parchalanadi. Ayni vaqtida hosil bo'ladigan erkin radikallar uglerod tetraxloridiga

qaraganda ancha zaharli bo'ladi. Mana shuning uchun ham gepatotsitlar asosiy zarbani o'ziga olib, erkin radikallar ta'sirida tez zararlanadi. Kardiomiotsitlar ularda modda almashinuv jarayonlari nihoyat darajada yuqori bo'lishi bilan xarakterlanadiki, bu hujayralarning kislород tanqisligi, ya'ni gipoktsiyaga ni-hoyat darajada sezgir bo'lishi shunga bog'liq. Shu bilan birga poliomielit virusi organizmga hazm yo'lli orqali kirsa ham, nima sababdan uning aksari orqa miya oldingi shoxlari motoneyronlarini zararlab qo'yishini izohlab berish qiyin.

Stressga aloqador va patogen omillarining hammasi avvaliga molekulalar doirasida o'z ta'sirini o'tkazadi, keyin hujayra organellalari doirasida submikroskopik o'zgarishlar, so'ngra hujayra, to'qima, organ doirasida mikroskopik o'zgarishlar ro'y beradi. Keyinchalik anatomiq doirada o'zgarishlar topiladi.

Hozir aytib o'tilgan morfologik o'zgarishlarni topib, aniqlab olish imkoniyati qo'llaniladigan usul-amallar, ya'ni metodlarga bog'liq. Masalan, miokard ish-emiya tufayli zararlanganida kardiomiotsitlardagi o'zgarishlarni gistokimyoviy usullar va elektoron mikroskopiya yordamida bir necha minutdan keyin aniqlab olish mumkin bolsa, anatomiq doirada bu o'zgarishlarni bir necha soatdan keyin topib olsa bo'ladi.

## **HUJAYRA ALTERATSIYASI**

Zamonaviy fanda, hujayra alteratsiyasi hujayra tuzilishining buzilishi, aynashidirki, bunday hodisa molekulyar, submikroskopik va mikroskopik doirada yuz berishi mumkin. Bunday hodisa pirovard natijada hujayra faoliyatining izdan chiqishiga, patologik jarayon boshlanib, kasallik paydo bo'lishiga olib keladi.

## **HUJAYRA ZARARLANISHINING SABABLARI VA PATOGENEZI**

Hujayra zararlanishi (alteratsiya) ning asosiy sabablari quydagilar bo'lishi mumkin: gipoksiya, kimyoviy birikmalar va dori moddalar ta'siri, tabiiy omillar, biologik omillar, immun reaktsiyalar, genetik, ya'ni irlsiy kamchiliklar, ovqatlanishning buzilishi, qarish.

Hozir aytib o'tilgan omillarning organizmga ko'ssatadigan ta'sir mexanizmi murakkab, chunki hujayradagi ko'pgina molekulalar, fermentlar, biokimyoviy sistemalar bir-biri bilan shu qadar mahkam bog'langanki, ularning qaysi biri avval, qaysi biri keyin, ya'ni ikkilamchi tartibda zararlanganini aksari bilib bo'lmaydi. Shunday bo'sada, ba'zi omillardan hujayra zararlanishining patogenezi ma'lum.

## **GIPOKSIYA**

Hujayra alteratsiyasining hammadan ko'p uchraydigan sababi gipoksiyadir. Gipoksiya, ya'ni kislород tanqisligiga olib keladigan omillar jumlasiga quydagi-larni kiritish mumkin:

1) tomir devorida boshlangan patologik jarayon (ateroskleroz) tufayli yoki tromb, yoxud emboliya tiqilib tomir yo'lining bekilib qolishi (obturatsiya) nati-jasida qon bilan ta'minlanishning kamayishi;

2) nafas akti buzilganida havoda kislorod miqdori kamayib ketganida qon-ning kislorod bilan yetarlicha to'yinmasligi (gipoksemik gipoksiya);

3) anemiya bo'lishi, gemoglobin holatining o'zgarishi, masalan, gemoglobin-ning metgemoglobinga (Bertole tuzidan zaharlanishda) yoki karboksigemoglo-binga (is gazidan zaharlanishda) aylanishi. Bunday hollarda kislorodni tashib beruvchi modda bo'lmish gemoglobin funktsiyasi aynaydi.

Hujayradagi gipoktsiya darajasiga qarab, *adaptatsiya, qaytar va qaytmas zararlanish hollari* uchun xarakterli o'zgarishlar ro'y berishi mumkin. Masalan, son arteriyasi torayib qolganida oyoq muskullarining hujayralari atrofiyaga uchrab boradi (ixcham tortib kichrayib qoladi). Mana shu atrofiya ularning qon bilan ta'minlanishi kamayib qolganiga javoban boshlanadigan adaptatsiyasini aks ettiradi. Hujayralarning ixcham tortib, hajmining kichrayishi kislorodga bo'lgan ehtiyoj bilan muskul hujayralarida bo'lib turgan almashinuv jarayonla-rining darajasi o'ttasida muvozanat qaror topishini ta'minlaydi. Gipoktsiyaning zo'ravib borishi hujayra alteratsiyasi kuchayib, uning olib ketishiga olib keladi.

Gipoktsiya zarbi tegadigan birinchi nishon hujayraning aerob nafasi, ya'ni mitoxondriyalar doirasidagi oksidlovchi fosforillanishdir. Shu munosabat bilan ATP hosil bo'lishi susayib qoladi yoki to'xtaydi. ATF kamayishi hujayra ichidagi talaygina sistemalarga ta'sir qiladi: 1) *hujayralar membranalarida ATF-aza faolligi susayadi*; 2) *hujayra nasoslarining (kaliy-natriy nasosining) ishchanligi pasa-yadi*, bu narsa *hujayrada natriy ionlari to'planishiga olib keladi*; 3) *zararlangan hujayralarda suv almashinuvi izdan chiqadi*, bu hujayraning ichida birdan shish paydo bo'lishiga olib boradi; 4) *fosfofruktokinaza fermentining faolligi kuchayadi, natijada anaerob glikoliz tezligi ortadi*. Bu narsa o'z navbatida hujayra energiya manbaini quvvatlab, glikogendan ATF hosil bo'lishini kuchaytiradi. Natijada glikogen miqdori tezgina ortadi. Bu narsa o'z navbatida hujayra energiya manbaini quvvatlab, glikogendan ATF hosil bo'lishini kuchaytiradi, shuningdek fosfat eftir-lar gidrolizi jarayonida sut kislota va anorganik fosfor to'planib borishiga olib keladi. Bu esa o'z navbatida hujayra ichki muhitidagi ph pasayishiga sabab bo'ladi (hujayra atsidozi).

Gipoktsiyaga bog'liq bo'lgan yana bir boshqa hodisa ribosomalarning endoplazmatik donador retikulumdan ajralishi va polisomalarning monosomalarga parchalanib ketishidir. Gipoktsiya davom etaveradigan bo'lsa, organellalarning zararlanib parchalanishi zo'ravib boradiki, bu membranalar o'tkazuvchanligi buzilib, ularning funktsional faolligi pasayib ketishida o'z aksini topadi. Hujayra yuzida pufakchalar paydo bo'ladi. Sitoplazma ichida va hujayralar tashqarisida organellalar membranalaridan yuzaga keluvchi psevdomielin tuzilmalari paydo bo'ladi. Bu davrda mitoxondriyalar tuzilishi odatdagicha bo'lishi, bo'kish yoki kondensatsiyalanish hodisasiiga uchrashi (osmiofilligi kuchayishi) mumkin. En-

doplazmatik retikulum kengayadi. Hujayra umuman bo'kib, kattalashgan holda bo'ladi. Hujayraning kislород bilan ta'minlanib turishi asliga kelib tiklanadigan bo'lsa, hozirgina aytib o'tilgan narsalarning hammasi qaytar bo'lishi mumkin.

Ishemiya davom etaversa hujayradagi zararlanish hodisalari qaytmas tusga kiradi. Morfologik jihatdan olganda bu narsa mitoxondriyalar va ularning kristallari vakuollanib, plazmatik membrana tuzilishi aynab ketishi (destruksiyaga uchrashi) bilan ifodalanadi. Plazmatik membranada ionlar o'tadigan yangi kanallar yuzaga keladi, buning natijasida membrana  $\text{Ca}^{+}$  ni yanada ko'proq o'tkazadigan bo'lib qoladi. Kalsiy ko'plab sitoplasmaga o'ta boshlaydi (inflyuksi). Mitoxondriyalar matriksi qattiq bo'lib qoladi. Kardiomiotsitlarda bu o'zgarishlar ishemiya boshlanganidan keyin 30—40 minut o'tgach ro'y beradi va yurak muskuli hujayralarining qaytmas tarzda zararlanganini ko'rsatadi. Membranalar o'tkazuvchanligi kuchayganligi munosabati bilan hujayradan oqsil, zarur ko-enzimlar, ribonuklein kislota yo'qolib borishi davom etaveradi. Hujayralar ATP ning qaytarilib asliga kelishi uchun juda zarur bo'lgan metabolitlarni atrofidagi muhitga chiqarib yubora boshlaydi, buning natijasida hujayra ichidagi yuksak energiyali fosfatlar miqdori yanada ko'proq kamayib boradi.

Hujayrada ph ning yanada kamayib borishi (ya'ni atsidoz kuchayishi) lizosomlar membranasini shikastlantirib qo'yadi, bu o'z navbatida ularning fermentlari sitoplasmaga ajralib chiqishiga, nordon gidrolazalar faolligi kuchayishiga, fermentlar ta'sirida hujayra tarkibiy qismlarining hazm bo'lishiga olib keladi. Bunday sharoitlarda ribonukleoproteidlar, dezoksiribonukleoproteidlar va glikogen miqdori keskin kamayib ketadi.

Hujayra o'lgandan keyin undagi tuzilmalar shiddat bilan parchalanib, fermentlari hujayralararo bo'shliqqa ajralib chiqadi.

*Hujayra ichidagi fermentlarning hujayraaro bo'shliqqa ajralib chiqib, plazmatik membrana o'tkazuvchanligi o'zgargani munosabati bilan qon zardobida paydo bo'lishi hujayraning o'ganidan darak beruvchi diagnostik belgi sifatida klinik jihatdan muhim ahamiyatga egadir.* Masalan, yurak muskulida bir qancha fermentlar — piruvattransaminaza, laktatdegidrogenaza, kreatinkinaza bo'ladi. Shu fermentlar va xususan izofermentlar miqdorining qon zardobida ko'payib qolgani miokard infarktiga, ya'ni yurak muskulidagi kardiomiotsitlarning cheklangan tarzda, o'choq tariqasida nekrozga uchraganiga ishora qiluvchi klinik belgi bo'lib hisoblanadi. Shu jarayon bilan birgalikda intersitsial bo'shliqdan o'lgan hujayraga makromolekulalar o'tadi.

Natijada o'lgan hujayra fosfolipidlardan iborat bo'lib, psevdomielin tuzilmalari shakliga kirgan massaga aylanadi. Bular fagotsitlarga yutilib, yog' kislotalari gacha parchalanadi.

*Hujayraning qaytmas tarzda zararlanishi negizida ikkita fenomen yotadi:*

1) mitoxondriyalar funktsiyalari tiklanishiga imkon yoqligi, reperfuziya va reoksigenatsiya mahallarida oksidlovchi fosforillanish bo'lmasligi va qaytadan ATP yuzaga kelmasligi; 2) membranalar funktsiyasida chuqur o'zgarishlar ro'y berishi.

*Qaymas tarzda hujayra zararlanishining patogenezida markaziy omil hujayra membranasi alteratsiyasidir.*

Membrananing zararlanishi hujayradan tashqaridagi (ekstrasellyullyar) bo'shlidan hujayra ichiga kalsiy o'tishiga sabab bo'ladi (bu bo'shlida kalsiy yuqorikonsentratsiyalarda bo'ladi). Buning ustiga ishemik holdagi to'qima reperfuziyaga uchraydigan bo'lsa, kalsiy kelib turishi kuchayib boradi. Kalsiy qo'shilib turishi ishemiya sharoitlaridagina emas, balki zaharlar ta'siridan zararlanish mahallarida ham kuzatiladi. Reoksigenatsiyadan keyin mitoxondriyalar tomonidan ushlanib qoladigan kalsiy hujayra fermentlarini zararlab, ta'sirini bo'g'ib qo'yadi, oqsilni denaturatsiyaga uchratib, koagulatsion nekroz uchun xarakterli bo'lgan sitologik alteratsiyaga sabab bo'ladi.

## KIMYOVIY BIRIKMALAR VA DORILAR

Kimyoviy birikmalar va dorilar hujayra zararlanishining ancha ko'p uchrab turadigan sabablari qatoriga kiradi. Aslida har qanday kimyoviy modda dori ham patogen omil bo'lib qolishi mumkinki, bu narsa uning dozasiga, ya'ni miqdoriga, qanday yo'l bilan organizmga yuborilganiga bog'liqdir. Hattoki glukoz-dek beozor bir dori ko'p miqdorda yuboriladigan bo'lsa, atrofidagi muhitning osmotik bosimini o'zgartirib, hujayraga patogen ta'sir o'tkazishi mumkin.

Ko'pchilik kimyoviy birikmalar va dorilarning zarba uradigan joyi, ya'ni o'zining nishoni bo'ladi. Masalan, barbituratlar nuqul gepatotsitlarda o'zgarishlarga sabab bo'ladi, chunki ular jigarda parchalanadi va bularning parchalanishidan hosil bo'lgan oxirgi mahsulotlar jigar hujayralariga bevosita ta'sir ko'rsatadi. Sulema medadan so'riladi, lekin buyrak bilan yo'gon ichakni zararlaydi.

Hujayralarning zararlanishida kislorodning markaziy o'rinda turishi so'nggi yillarda isbot etildi. Ma'lumki, hujayralarning ishemiyadan zararlanishida kislorod yetishmovchiligmuhim ahamiyatga ega. Lekin uning ortiqcha bo'lishi biologik oksidlanish zanjirining butunligini buzadi, bu narsa ko'p miqdor erkin radikallar hosil bo'lishiga olib keladi. Mana shu erkin radikallar lipidlarning peroksidlanishini kuchaytirib, hujayralarning muhim tarkibiy qismlarini zara-raydi. *Membranalar zararlanishining mexanizmi erkin radikallar hosil bo'lishi bilan bog'langan.*

Erkin radikallar (erkin valentlari bo'lgan atomlar yoki atom guruhlari) hujayraning normal, odatdagicha faoliyat ko'rsatib borishini ham ta'minlaydi. Chunonchi, mikroblarning fagotsitlar ishtirokida yemirilishiga asosan erkin radikallarning oksidlashi sabab bo'ladi.

Tirik hujayraning tuzilishi jihatdan eng oddiy erkin radikallari anion-superoksid ( $O_2^-$ ) va neytral gidrosil radikal (OH – gidrosil radikalidir. Gidrosil radikal hujayradagi asosiy kimyoviy moddalarning hammasi: oqsillar, nuklein kislotalar, ko'pgina kofermentlar, lipidlar bilan o'zaro ta'sir qiladiki, bu radikalning sitotoksik ta'siri asosan shunga bog'liq.

Hujayralar ichida erkin radikallar: 1) stress ta'siri ostida; 2) radiatsion energiya (ultrabinafsha nur, rentgen nuri va ionlashtiruvchi boshqa turdag'i nurlar) yutilganida; 3) ekzogen kimyoviy moddalar ta'sir qilganida; 4) qarish jarayonida hosil bo'lishi mumkin.

Erkin radikallar sezilarli darajada mutagen ta'sir ko'rsatish xususiyatiga ega. Kislorod ishtirokida ular hujayra organellalari membranalaridagi lipidlarning peroksid oksidlanishiga sabab bo'ladi. Natijada endoplazmatik retikulum, mitoxondriyalar va hujayraning boshqa mikrosomal qismlari shikastlanadi.

Organizmga uglerod tetraxlorid yuborilganida gepatotsitlarning zararlanshi hozir aytib o'tilgan hodisani izohlab beradigan juda yaxshi misoldir. Uglerod tetraxlorid metabolizmi jarayonida jigardagi silliq endoplazmatik to'rda oksidazalar ishtiroki bilan erkin radikallar hosil bo'ladi. Cheklangan joyda hosil bo'lgan erkin radikallar membrana fosfolipidlari tarkibiga kiradigan yog' kislotalining o'z-o'zidan oksidlanishiga sabab bo'ladi. Lipidli membranalar tuzilishining aynashi endoplazmatik retikulum tez yemirilib, funksiyasi izdan chiqishiغا olib keladi.

Endoplazmatik retikulum alteratsiyaga uchraganidan keyin mitoxondriyalar zararlanadi. Plazmatik membrana o'tkazuvchanligi kuchaygani munosabati bilan hujayralarning bo'kishi, kalsiy o'tishi zo'rayib boradi, bular pirovard natijada hujayrani o'limga olib boradi.

Katta konsentratsiyadagi kislorod ta'sir qilganida o'pka va boshqa to'qimarning zararlanib qolishi ko'pdan beri ma'lum. Ayni vaqtida erkin radikallar hosil bo'lishi, asosan «kisloroddan zaharlanish» mahalida yuzaga keladigan patologik o'zgarishlarga bog'liq. Havosidagi kislorod miqdori ko'p bo'ladigan inkubatorda boqiladigan chaqaloqlar ko'zlarining zararlanishi, asosan ana shunday mexanizmga aloqadordir.

Hujayralarning erkin radikallardan nechog'lik ko'p yoki kam zararlanishi hujayralar va organizmni erkin radikallardan himoya qiluvchi mexanizmlarning asosini tashkil etadigan antioksidantlar, superoksidismutaza, katalaza, glutation-peroksidazalarning bor-yo'qligi va nechog'lik faolligiga bog'liq.

## TABIIY (FIZIK) OMILLAR

Tabiiy, ya'nii fizik omillar (jarohat, yuqori va past harorat ta'siri, atmosfera bosimining birdan o'zgarishi, radiatsiya, elektr energiyasi, akustik energiya, lazer nuri) hujayralarga har yo'llar bilan ta'sir o'tkazadi. Masalan, *past harorat* tomirlarning torayishiga sabab bo'lib, sovuq o'tgan to'qimaga qon kelishini kamaytirib qo'yadi. Bundan tashqari, harorat juda pasayib ketgan hollarda hujayra ichidagi suvda kristallanish hodisasi boshlanib, hujayradagi moddalar almashinuvi anchagina izdan chiqishi mumkin. Vazokonstriktorlar sovuq ta'siri tufayli falajlanib qolganida bu narsa tomirlarning kengayishiga sabab bo'lib, qon oqimi sekinlashib qolishiga va keyin qonning tomirlar ichida koagulatsiyalanishiga

olib keladi. Hozir aytib o'tilgan misollarda hujayralarning gipoksiya tufayli zararlanishi ko'rsatib o'tildi.

*Yuqori harorat* hujayrani kuydirib kul qilishi mumkin. Badanning katta-katta joylari kuyganida boshlanadigan autoliz hodisasi zaharli moddalar hosil bo'lib borishiga olib keladi, bu moddalar qonga so'rilib, hujayrani zararlantiradi. Yuqori harorat hujayradagi metabolizmni kuchaytiradi (gipermetabolizmga olib keladi). Bu narsa almashinuv jadalligi bilan qon ta'minoti darajasi o'rtaqidagi muvozanat buzilishiga sabab bo'ladi. Bundan tashqari, almashinuv jarayonlarining jadallahuvu hujayra muhitidagi ph ni o'zgartirib, juda past tushirib yuboradigan nirdon metabolitlar to'planib borishiga olib keladi (hujayradagi kompensatsiya-laarmagan atsidoz).

*Atmosfera bosimining birdan o'zgarishi* hujayraning qon bilan ta'minlanishini yomonlashtiradi. Atmosfera bosimi yuqori bo'ladigan sharoitlarda ishlovchi g'avvoslar bilan shaxtyorlarda qon asosan azot va kislорod gazlari bilan to'yinadi. G'avvos suv betiga tez ko'tarilganida atmosfera bosimi to'satdan pasayib ketadigan bo'lsa, ba'zan gaz erigan holatdan chiqib, qonda pufakchalar hosil qiladi. Kislорod qonda yana eriydi, azot esa, kam eriydigan bo'lgani uchun, pufakchalar hosil qiladi, bular esa mikrosirkulyatsiyani izdan chiqaradi. Mikrosirkulyatsiya o'zanining tiqilib qolishi (masalan, gaz emboliyasi tufayli) hujayraning gipoksiyadan zararlanishiga olib kelishi mumkin.

*Radiatsion energiya*. Hujayra tuzilmalari va makromolekulalarning zararlanishi suv radikallari, peroksidlar, xinon gidroperoksidlari va kislорod ishtirokida nur ta'sir etganida hujayrada hosil bo'ladigan boshqa moddalar muhim o'rin tutadi. Suvning ionlanishidan hosil bo'ladigan «qaynoq» radikallar hujayra ichidagi tuzilmalar bilan ikkilamchi tartibda o'zaro ta'sirga kirishib, hujayrani zararlantirib qo'yadi. Nur ta'siridan turli tuzilmalar va DNA metabolizmi ham aynaydi, DNA ning zararlanishi hujayraning mutatsiyaga uchrashiga asosiy sabab bo'ladi.

*Elektr energiyasi* tana orqali o'tar ekan, yuqori harorat paydo qilib, kuyuk yaralar hosil bo'lishiga olib keladi. Bunda hujayralardagi alteratsiya darajasi tokning kuchiga, kuchlanishiga, to'qimalarning nechog'lik chidamliligiga, tok kirgan va chiqqan yo'llarning xiliga bog'liq bo'ladi. Masalan, past chastotali tok o'tgan mahalida hujayra membranalarini qutblantirib qo'yadigan elektroliz boshlanadi. To'qimalarning bir qismida *kislotali reaktsiya* yuzaga kelsa (musbat zaryadlangan ionlar to'planishidan), boshqa qismlarida *ishqoriy reaktsiya* paydo bo'ladi (manfiy zaryadlangan ionlar to'planib qoladi). Kislotali reaktsiya paydo bo'lgan joyda oqsillar denaturatsiyaga uchrab, *koagulatsion* (*quruq*) nekroz, ya'ni qorason, *ishqoriy reaktsiya* bor joyda esa, *kollikvatsion* (*nam*) nekroz boshlanadi.

## BIOLOGIK OMILLAR

Biologik omillar ham xuddi odam atrofidagi hayvonlar, o'simliklar va mikroblar olami singari juda turli-tumandir. Zaharli ilon va baliqlarning zaharlari,

parazitlar, mikroblar, viruslar, zamburug'lar patogen ta'sir ko'rsatishi mumkin. Ilon zaharlarining ta'siri bu moddalarda hujayra membranalari va organellalarini zararlay oladigan lipolitik fermentlar bo'lishiga bog'liq.

Virus va mikroblar patogen ta'sirining mexanizmi bir xil emas, chunki bular o'zi ta'sir ko'rsatayotgan organizm hujayralari bilan har xil shaklda o'zaro ta'sir qiladi. Chunonchi, talaygina viruslar hujayralarda yashasa ham, ularni zararlamaydi. Bunday viruslarni «yo'lovchi viruslar» deb aytishadi. Boshqa xil viruslar hujayrada alteratsiya boshlanishiga sabab bo'ladi.

Bakteriyalar ham, xuddi viruslar singari oldindan bilib bo'lmaydigan tarzda ta'sir ko'rsatadi. Ularning ba'zilari beozor kommensallar jumlasiga kiramdigani, ya'ni organizmga zarar yetkazmaydigan bo'lsa (kommensalizm), boshqalari organizmning hayot faoliyati uchun zarur bo'ladi ham (simbioz). Masalan, odam ichagida yashaydigan ichak tayoqchasi vitamin K hosil qiladigan manbadir. Lekin ba'zi hollarda shu ichak tayoqchasingin o'zi immunitetdan mahrum bo'lgan chaqaloqda yoki tug'ilganidan keyin immunitetni bir qadar yo'qotib qo'ygan katta yoshli odamda o'tkir ichak kasalligiga sabab bo'lishi mumkin. Bunga qarama-qarshi o'laroq, oqish spiroxeta hamisha patogen bo'ladi va zaxm kasalligini keltirib chiqaraveradi.

*Bakteriyalarning hujayralarga ta'sir o'tkazish mexanizmi uncha aniq emas.* Ba'zi mikroorganizmlarning o'zi joylashib olgan joydan ancha naridagi hujayralarda ham alteratsiya hodisasini keltirib chiqara oladigan ekzotoksinlar ishlab chiqara olishi ma'lum, xolos. Masalan, yuqori nafas yo'llari orqali organizmga kiramdigani difteriya tayoqchasingin ekzotoksinini kardiomiotsitlarni, buyrak usti bezlari hujayralari va periferik nervlarni zararlaydi. Boshqa bakteriyalar endotoksinlar yoki parchalanganida patogen ta'sir ko'rsatuvchi fermentlar ishlab chiqaradi. Masalan, *Clostridium perfringens* anaerob bakteriyasidan ishlanib chiqadigan lesitinaza hujayralar membranasini emira oladi. Beta gemolitik streptokokkdan ishlanib chiqadigan gemolizinlar eritrotsitlarni eritib yuboradi. Hujayralarning bakteriyalardan zararlanishining ehtimolga juda yaqin boshqa mexanizmi o'ta sezuvchanlik reaksiyasi (darhol yoki sekinlik bilan yuzaga chiqadigan o'ta sezuvchanlik) paydo bo'lishidir.


*Parazitlar ta'sirining mexanizmi* kamroq darajada o'rganilgan. Amyobiaz (parazitar kasallik) qo'zg'atuvchisi organizmga kirgan joydagi hujayralarni lizisga uchratadigan (eritib yuboradigan) ferment ishlab chiqaradi. Bezzak plazmodiyisi eritrotsitga kirib olib, hemoglobinni parchalaydi va hujayra organellalarini zararlaydigan zaharli metabolitlar (bezzak pigmenti) hosil qiladi.

*Viruslar hujayraga ko'rsatadigan ta'sirining mexanizmiga ko'ra ikki turga bo'lindi: 1) sitolitik viruslar, 2) onkogen viruslar.*

Virusning sitolitik ta'siri asosida uning hujayra metabolizmining bevosita izdan chiqarishi yotadi (2-rasm). Viruslar o'z replikatsiyasi uchun hujayradagi ATP, ribosomalar, fermentlar va boshqa tuzilmalardan foydalananadi va shu bi-

Jan hujayradagi metabolizm jarayonlarini izdan chiqaradi. Ko'pgina viruslar hujayra makromolekulalarining sintezini buzadi. Masalan, poliomielit virusi oqsilalar sintezini boshlab beradigan faol komplekslar hosil bo'lishini juda susaytirib qo'yadi. Ba'zi viruslar sitoskeletning alteratsiyaga uchrashiga: oraliq filamentlar yorilib ketishi, mikronaychalar tuzilishining aynashiga sabab bo'ladi. Respirator kasalliklarni qo'zg'atadigan odatdagি viruslar epitelial hujayralarning kiprikchalaridagi naychalar sonini o'zgartirib qo'yadi va shu tariqa hujayraning harakat faolligini susaytirib, nafas yo'llariga tushib qolgan yot zarrachalarni chiqarib tashlashni mumkin qilmay qo'yadi.

Qizamiq va herpes virusiga hujayralar sinsitial yoki ko'p yadroli hujayralar hosil qilish bilan javob beradi.




2-rasm. Hujayraning viruslardan zararlanish mexanizmi.

Virusdan hujayra zararlanishining boshqa bir mexanizmi virus antigeniga, virusdan zararlangan hujayra antigeniga qarshi immunjavob yuzaga keltirishdan iborat (3-rasm). Bunda hujayraning tuzilishi, antitelolar tufayli yoki sitotoksik immun hujayralarning bevosita hujayraga ta'sir qilishi tufayli aynaydi. Masalan, virusli hepatitda jigar hujayralari T limfotsit tufayli boshlangan sitoliz yo'li bilan zararlanadi («ajal bo'sasi»).

Talaygina sitopatogen viruslar hujayralarga nisbatan ma'lum bir tarzda, o'ziga xos ravishda, ya'ni spetsifik tarzda ta'sir ko'rsatadi (virusning tropligi). Bu narsa o'sha hujayralar membranalarida virusning o'ziga xos, ya'ni spetsifik tarkibiy qismlari bilan o'zaro ta'sir qiladigan retseptorlar borligiga bog'liq. Virusning o'sha hujayralar retseptori bilan o'zaro ta'sirga kirishuvi virusga avval hujayra membranasiga yopishib olishga, keyin esa hujayra ichiga o'tib, so'ngra uni shikastlantirishiga imkon beradi. Virus replikatsiyasiga javoban hujayraning qay tariqa reaksiya ko'rsatishi virusning virulentligiga va shu hujayra turiga bog'liq.

Virusli infeksiyalar mahalida yuzaga keladigan yuqoridagi o'zgarishlar virus bilan hujayralar o'rtaida bo'ladigan o'zaro ta'sirning bir tomonlama ko'rinishidir.

Ikkinchini tomonidan, onkogen viruslar hujayralarning o'sma paydo qiladigan replikatsiyasiga sabab bo'ladi.



3-rasm. Virusdan hujayra zararlanishining immun mexanizmi.

## IMMUN REAKSIYALAR

Tabiatian gumoral immun reaksiyalar ham, hujayraga aloqador immun reaksiyalar ham, shuningdek gumoral antitelolar va sensibillangan limfotsitlar ning hujayraga ko'rsatadigan bevosita ta'siri ham hujayra alteratsiyasiga sabab bo'la oladi. Bundan tashqari, immun komplekslar (antitelo+antigen+komplement) hosil bo'lishi natijasida neytrofil fermentlari va hujayrani zararlantiradigan boshqa zaharli moddalar ajralib chiqadi.

## IRSIY KAMCHILIKLAR

Hujayra gomeostazi uchun genetik, ya'ni irsiy apparatning benuqson, normal holatda bo'lishi muhim ahamiyatga ega. Shu munosabat bilan nuklein hujayralar molekulalarida jo bo'lgan genetik informatsiyaning to'satdan o'zgarishi (mutatsiya) hujayra alteratsiyasiga olib keladi. Bu mutatsiyalar hujayra doirasida fermentlar normal sintezining izdan chiqishi bilan yorqin ifodalanadi. Masalan, galaktozo1fosfaturidiltransferaza faolligining yo'qolib ketishi (Lesh-Nixen kasalligi), ba'zi gemolitik anemiyalarda glukozo 6-fosfatdegidrogenaza yetishmovchiligi shular jumlasidandir.

Mutatsiyalar, qay yo'sinda boshlangan bo'lishidan qat'i nazar, moddalar almashinuviga aloqador irsiy kasalliklarga sabab bo'libgina qolmay, balki o'smalar paydo bo'lishiga va hujayra immun patologiyasiga ham sabab bo'lishi mumkin.

Mutatsiya gametogenez jarayonida, zigotaning ilk rivojlanish davrida yoki tabaqlashib bo'lgan hujayralarda ham boshlanishi mumkin (somatik

mutatsiya). So'nggi holda odatdag'i normal hujayra o'sma hujayrasiga aylanishi mumkin (malignizatsiya). Ma'lumki, irsiy nosozliklar nasldan-naslga o'ta oladi, ya'ni oilaviy kasallik bo'la oladi (masalan, o'roqsimon hujayrali anemiya).

## OVQATLANISHNING BUZILISHI

Hujayralarning zararlanishida oqsil yetishmovchiligi, avitaminozlar, kundalik ovqatda mikroelementlarning kam bo'lishi muhim ahamiyatga ega. Ovqatda mikroelementlar kam bo'lishini mikroelementozlar deyiladi. Chunonchi, ovqat bilan tushib turadigan mis miqdorining yetishmay qolishi mitoxondriyalarning qarish jarayonini tezlashtiradi, mitoxondriyalar membranasining o'tkazuvchanligi kuchayishiga olib keladi, ichki membranadan ATF o'tib turishini izdan chiqaradi. Erkin mis elementining ortiqcha bo'lishi oksidlovchi fermentlar faolligini susaytirib qo'yadiki, bu narsa hujayra halokatiga olib keladi.

Avitaminozlar ham, xuddi vitaminlarni ortiqcha iste'mol qilish singari, rivojlanib kelayotgan mamlakatlarda keng tarqalgan hodisa bo'lib, hujayralarning zararlanish sababi bo'la oladi. Chunonchi, A avitaminozda ko'z kon'yunktivasi va shox pardasi epiteliysining hujayralari alteratsiyaga uchraydi (kseroftalmiya). So'lak bezlari hujayralarida ham atrofiya boshlanadi. B guruhiga kirdigan vitaminlar va nikotinat kislota yetishmay qolganida me'da, ichak shilliq pardasi, jigar hujayralarida atrofiya boshlanib, nerv sisternasi hujayralarida distrofik o'zgarishlar ro'y beradi. Shunisi g'alatiki, turmush darajasi yuqori bo'lgan odamlar uchun xarakterli bir hodisa — ortiqcha ovqatlanish ham kasalliklar va o'limning muhim sababi bo'ladiki, buning asosida hujayralar alteratsiyasi yotadi.

## HUJAYRANING QARISHI

Qarish, keksayish jarayonida ikkita mexanizm ahamiyatga ega bo'ladi: 1) hujayrada alterativ jarayonlarning tobora ko'proq yoyilib borishi, bu narsa hujayraning qaytmas tarzda zararlanishiga olib keladi; 2) zararlovchi shikastga himoya kompensator reaksiyalar bilan javob berish layoqatining pasayib ketishi. Har bir hujayraning ko'payib, nasl berib turadigan davri ham bo'ladi, hujayra hayotining bu davri irsiy yo'l bilan belgilangan va cheklangandir, degan tu-shuncha ham bor. Bu tushuncha Hayflick degan olimning to'qima kulturasini bilan o'tkazgan tajribalari asosida paydo bo'lgan, u fibroblastlarning in vitro sharoitida  $50\pm10$  marta bo'linishini, shundan keyin bu hujayralar replikatsiyasi to'xtab qolishini topdi.

Kulturadagi qari hujayralar morfologik jihatdan olganda yirikroq, ba'zan ko'p yadroli bo'lib qoladi. Ularning sitoplazmasida har xil kattalikdagi vakuolalar paydo bo'ladi. Qari hujayralar zararlanishga ko'proq moyil bo'lib qoladi. Markaziy nerv sistemasida nerv hujayralari soni kamayadi. Qarib borayotgan miya neyronlari neyrofibrilllar degeneratsiyasi ham xarakterlidirki, bu narsa kek-

salikka aloqador aqli pastlik (senil demensiya) va Alsgeymer kasalligida, ayniqsa ifodalangan bo'ladi. Shunday qilib, tashqi muhitning qari individlarga tobora ko'proq ta'sir o'tkazib turadigan omillari (ultrabinafsha nurlar, har xil dorilar, rentgen nurlari, oziq-ovqat masalliqlari) sitoplazmatik tuzilmalarda ham somatik mutatsiyalarni, ham turlichcha boshqa o'zgarishlarni keltirib chiqara oladi. Bu fikrning isboti hujayralarda sariq-jigarrang tusli pigment — lipofussin to'planib qolishidir. Qarish jarayonida bu pigmentning to'planib borishi turli toqimalarda, aksari yurak, jigar, miyada kuzatiladi. Bu pigment hujayra membranalarida lipid-larning peroksid oksidlanishi mahalida yuzaga keladigan va lipofussinni to'plab oladigan lipidlar bilan oqsillar kompleksidan iboratdir. Adabiyotda lipofussinni *qarilik pigmenti* deb ham yuritiladi.

## HUJAYRA QAYTAR VA QAYTMAS ZARARLANISHINING MORFOLOGIYASI

Alteratsiya bo'ladigan tuzilish aynashining asosiy xillari distrofiya va nekrozdir, bularni ko'rib chiqishni submikroskopik o'zgarishlar bilan tanishishdan boshlaymiz.

Patogen omillar ta'sir etganida hujayra organellalarining hammasi ham alteratsiyaga uchrashi mumkin.

Plazmatik membraning alteratsiyasiga aloqador o'zgarishlar hujayra zararlanishing ilk bosqichida yuzaga keladi va ionlar muvozanati idora etilishi izdan chiqqanini aks ettiradi. Bunda hujayra bo'rtib, sitoplazmatik pufakchalar hosil bo'ladi, mikrovorsinkalar kalta tortib, shakli o'zgarib qoladi, psevdomiyelin tuzilmalari paydo bo'ladi, hujayralararo bog'lanishlar eskirib, yo'qolib ketadi. Bu o'zgarishlar tez orada yuz beradi va tabiatan qaytar bo'ladi. Birmuncha kechki bosqichlarda, qaytmas zararlanish mahalida faqat hujayra membranalarigina emas, balki barcha organellalar membranalari yemiriladi.

Mitoxondriyalarda alterativ o'zgarishlar ishemiya sharoitlarida juda tez va ba'zi kimyoviy moddalar ta'sir qilgan mahallarda birmuncha sekin avj olib boradi. Ishemianing birmuncha erta bosqichida mitoxondriyalar kondensatsiyalanadi, lekin keyinchalik juda tezlik bilan bo'kib boradi, ularning bo'kishi mitoxondriyalarning ichki to'siqlaridagi ion o'zgarishlariga bog'liq bo'ladi. Ishemiyadan keyin 30 minut o'tgach, mitoxondriyalar matriksida zich osmiofil tuzilmalar paydo bo'ladi. Mana shu zich tuzilmalar lipoproteidl kompleks lipidlaridan iborat bo'lib, qaytmas jarayonlar boshlanganidan darak beradi. Reperfuziya va kimyoviy moddalardan zararlanish boshlangan mahalida bu zich donalar kalsiya boy bo'ladi. Qaytmas zararlanish uchun mitoxondriyalarning birmuncha sezilarli darajada bo'kishi, mitoxondriya membranalarining butunlay uzilib, keyinchalik kalsiylanishi xarakterlidir.

Patogen omil ta'sir etganidan keyingi ilk bosqichlarda endoplazmatik retikulumning kengayishi kuzatiladiki, bu suv va ionlarning almashinishidagi

o'zgarishlar bilan bog'liqdir. Keyinchalik ribosomalar g'adirbudur endoplazmatik retikulumdan uzilib chiqadi, polisomalar parchalanib, monosomalarga aylanadi. Ayni vaqtida oqsil sintezi susayib ketadi. Hozir bayon etilayotgan reaksiyalar ham qaytardir, lekin patogen omil ta'siri davom etib boradigan bo'lsa, endoplazmatik retikulum tarkibiy qismlariga parchalanib, psevdomiyelin strukturalari hosil bo'ladi.

Qaytar zararlanish bosqichida lizosomalar oqish tusda, bo'rtgan bo'ladi, lizosoma fermentlari ajralib chiqqanini ko'rsatadigan belgilar ko'zga tashlanmaydi. Letal zararlanish boshlanishi bilan lizosomalar uzilib parchalanadi va o'lik hujayra vujudidan butunlay yo'qolib ketishi mumkin.

## HUJAYRA DISTROFIYALARI

Yuqorida aytib o'tilganidek, zararlanish tufayli hujayrada struktura o'zgarishlari boshlanmasidan ilgari undagi almashinuv va fermentativ jarayonlar izdan chiqadi, bu jarayonlar morfologik jihatdan har xil ifodalangan bo'ladi. Masalan, mitoxondriyalarning bo'kishi, kristallarining kalta tortib qolishi, matriks rangining o'chishi hujayrada adenozintrifosfat yetishmayotganidan va gipoktsianing bevosita oqibati tariqasida hujayradagi oksidlanish jarayonlari buzilganligidan dalolat beradi.

Klassik patologiyada hujayra metabolizmining izdan chiqishini funktsiyasining buzilishi bilan birga davom etib boradigan distrofik jarayonlar deb qarash rasm bo'lgan. Bu jarayonlar uchun xarakterli narsa hujayrada har xil almashinuv mahsulotlarining to'planib qolishidir. Distrofik jarayonlarni hujayrada to'planib boradigan kimyoviy moddalarning tabiatiga qarab toifalarga ajratish qabul qilingan. Chunonchi, tabiatan oqsildan iborat kiritmalar paydo bo'lsa, bunda oqsil almashinuvining izdan chiqqanligi (oqsil degeneratsiyasi) to'g'risida gap boradi, bordi-yu, hujayrada yog'lar, lipidlar kiritmali topiladigan bo'lsa, buniyog' distrofiyasi deb aytildi. Shunga yarasha hujayrada pigmentlar, uglevodlar almashinuvni ham buzilishi mumkin va hokazo.

Shunday qilib, *distrofiya, asosan, hujayra metabolizmi izdan chiqishi tufayli hujayra tuzilishiha sezilarli o'zgarishlar ro'y berishi bilan davom etadigan murakkab patologik jarayondir. Distrofikjarayon avj etib boradigan bo'lsa, hujayra funktsiyalarini izdan chiqaradi.*

**Etiologiyasi va patogenezi.** Distrofiya sabablari har xil. Distrofiya boshlanishiga yo'l ochadigan etiologik omillardan kelib chiqib, asosan dissirkulator endokrin va serebral o'zgarishlarga, shuningdek immunopatologik jarayonlarga bog'liq bo'lgan distrofiyalar tafovut qilinadi. Distrofiyaning turidan qat'i nazar, hamma hollarda ham so'z hujayradagi almashinuv va fermentativ jarayonlarning u yoki bu o'zgarishlari to'g'risida, hujayrada yuzaga keladigan fizik-kimyoviy surilishlar to'g'risida boradiki, hujayra ichida turli moddalarning to'planib qolishiغا ham asosan shular sabab bo'ladi. Hujayra ichida to'planib qoladigan mana shu

moddalar ba'zi hollarda hujayraning funksional holatiga ta'sir qilmaydi, boshqa hollarda esa bu jarayon hujayraning zararlanishiga sabab bo'ladi.

Hujayra ichida kiritmalar to'planib borishi quyidagi turli jarayonlarga bog'liq:

1) odatda, ya'ni normada uchraydigan metabolitlar miqdorining hujayrada ortiqcha to'planib borishiga (masalan, diabet bilan og'rigan kasallarda qondagi glyukoza miqdori uzoq vaqt yuqori darajada bo'lganida glikogenning hujayra ichida to'planib borishi);

2) almashinuvda ishtirok etmaydigan, odatdan tashqari ba'zi mahsulotlarining to'planib borishiga (bunday hodisa metabolizmning tug'ma kamchiliklari da kuzatiladi — tezaurismozlar, ya'ni to'planish kasalliklari);

3) ba'zi moddalarning hujayra ichida ortiqcha sintezlanishiga bog'liqdir. Bunga misol qilib, pigmentlar, masalan, adrenal yetishmovchilikda melanin pigmentining ortiqcha to'planib qolishini keltirsa bo'ladi.

Distrofik jarayonlar aksari yuqori darajada faqat sustlashgan, funksional jihatdan faol bo'lgan hujayralarda (jigar, buyrak, yurak hujayralarida) kuzatiladi. Ayni vaqtda tuzilishi va funksiyalari jihatidan har xil bo'lgan hujayralarda avj oluvchi bir xildagi distrofiya asosida har xil mexanizmlar yotadi. Masalan, jiga'dagi yog' distrofiysi asosan gepatositlarda triglitseridlар to'planib qolganiga aloqador bo'ladi. Difteriya mahalida kardiomiotsitlarda boshlanadigan yog' distrofiyasining mexanizmi asosida difteriya tayoqchasi ishlab chiqaradigan ekzotoksinning karnitin, yog' kislotalarining oksidlanishida ishtirok etadigan kofaktor metabolizmiga kirishuvi yotadi.

Yuqorida aytilib o'tilganidek, hujayralar distrofiyasiga asosan moddalar almashinuvdagi turli o'zgarishlar sabab bo'ladi. Shu munosabat bilan distrofiylarning oqsil, yog', uglevod, pigment, mineral distrofiyalar degan turlari tafovut qilinadi va hokazo.

## OQSIL DISTROFIYALARI

To'qima va hujayra strukturalarining funksional holati ko'p jihatdan oqsil moddalar almashinuviga bog'liq. Masalan, nevronlarning nervreflektor faoliyati oqsillar, jumladan tarkibida oltingugurt bo'ladiqan oqsillar almashinuviga mahkam bog'langan. Aktimiozin tufayli muskullar qisqarish layoqatiga egadir. Oqsil almashinuvu buzilganida to'qimalarda qanchalik chuqur funksional o'zgarishlar ro'y berishi ana shundan ko'rinib turibdi.

Oqsil distrofiyasi: 1) gidropik, 2) gialin tomchili, 3) muguzli distrofiyalarga bo'linadi. Uning bu turlari paydo bo'lish mexanizmi jihatidan bir-biridan farq qiladi (4-rasm).

**Gidropik distrofiya.** Hujayra distrofiyasining eng muhim belgilariidan biri va barcha shakldagi hujayra zararlanishining dastlabki alomati hujayraning bo'kishi, ya'ni bo'rtishidir. Bunday hodisa hujayra membranasining o'tkazuvchanligi kuchayib, diffuzion va osmotik mexanizmlar hamda hujayra

nasoslarining ishi buzilganida ro'y beradi. Ana shunday sharoitlarda hujayra ion va suv gomeostazini bir meyorda saqlab turish layoqatini yo'qotib qo'yadi. Shu tufayli hujayradan tashqaridagi, ya'ni ekstrasellyular bo'shliqdan hujayra ichiga suyuqlik o'ta boshlaydi. Hujayraga suyuqlik o'tishi davom etaveradigan bo'lsa, uning sitoplazmasida suyuqlik bilan to'lib turgan mayda-mayda vakuolalar paydo bo'ladi. Bular endoplazmatik retikulumning kengayib, bo'laklarga ajralib ketgan qismalaridan iboratdir.


Hujayra zararlanishining bu turi *vakuolli yoki gidropik distrofiya* deyiladi, bu xildagi distrofiya hujayra sitoplazmasida suv miqdori juda ko'payib, har xil katilikdagi vakuolalar paydo bo'lishi bilan ta'riflanadi.

Vakuolalar bir talay bo'lishi yoki bir-biri bilan qo'shib, sitoplazmani butunlay egallab olishi va yadroni bir chetga surib qo'yishi mumkin. Ayni vaqtida orgarlarning tashqi ko'rinishi o'zgarmaydi. Bir qancha olimlar distrofianing shu turini «suv-oqsilli distrofiya» deb atashni to'g'riroq deb hisoblaydi.

## OQSIL DISTROFIYASI

### GIALIN-TOMCHILI GIDROPIK

### MUGUZSIMON



4-rasm. Oqsil distrofyasining avj olib borish mexanizmi.



5-rasm. Buyrak kanalchaları epiteliysining gidropik distrofiyasi


Vakuolli distrofiya muskul va nerv hujayralarida, leykositlar, teri va buyrak kanalchaları epiteliysida, gepatotsitlarda buyrak usti bezlari po'stloq moddasi ning hujayralarida kuzatiladi. Odamni holdan toydiradigan ich ketar mahalida buyrak kanalchaları epiteliysida yuzaga keladigan gidropik degeneratsiya ayniqsa yaqqol bo'ladi — gidropik nekroz (5-rasm). Jigarda gepatotsitlarning suvli oqsilli distrofiyasi virusli gepatit mahalida kuzatiladi. Suv-oqsilli distrofiyalarning hamma shakllari juda avjiga chiqqan mahalda sitolizga olib boradi. Ayni vaqtida organlarning funksiyasi buziladi. Shu turdagı distrofiyaning sababları jumlasiga: infektzion, infektzion-toksik jarayonlar, gipoproteinemiya, suv-elektritolitlar muvozanatining buzilishi kiradi.

Sitoplazmada vakuolalar paydo bo'lishi sekretor faoliyatning bir ko'rinishi tariqasida fiziologik sharoitlarda ham kuzatilishi mumkin. Jumladan, markaziy va periferik nerv sistemasining gangliyalarida, xususan gipotalamus neyronlari da ana shunday hodisa qayd qilinadi.

**Gialin-tomchili distrofiya** sitoplazmada bir-biri bilan qo'shilib ketadigan gialinsimon yirik oqsil tomchiları paydo bo'lishi bilan ta'riflanadi. Bunday tomchilar pinositot hujayralarning sitoplazmasida to'planib boradigan, tarkibida lizosomalar bilan reabsorbsiyalangan pufakchalarning bir-biriga qo'shilishi natijasida hosil bo'ladi. Gialin-tomchili distrofiya boshlanishiga hujayradagi oqsil sintezining aynab qolishi ham asosiy sabab bo'lishi mumkin.

Gialin-tomchili distrofiya jigar, buyrak hujayralarida ko'proq uchraydi. Jigarda distrofiyaning bu turi alkogol hepatitisida, birlamchi biliar sirroz, bolalar hind sirrozi mahalida kuzatiladi. Alkogol hepatitisida gepatotsitlar sitoplazmasida Mallorining gialinsimon tanachaları (alkogol gialini) paydo bo'ladi. Buyrakda sezilarli proteinuriya bo'lib turgan va talaygina miqdordagi oqsil reabsorbsiyaladanigan sharoitlarda buyrak burama kanalchalarining epiteliysida shishasimon pushti tomchilar ko'rinishidagi gialin kiritmaları paydo bo'ladi. Hujayrada oqsil-

li kiritmalar paydo bo'lishi normada ham kuzatilishi mumkin. Masalan, proksimal tomondagi burama kanalchalarda biroz miqdor albumin reabsorbsiyalanadi va bu shu kanalchalar epiteliysi hujayralarida topilishi mumkin. Og'ir proteinuriyaga olib boradigan o'zgarishlar mahalida pinositogza aloqador oqsil reabsorbsiyasi kuzatiladi. Proteinuriya barham topib ketadigan bo'lsa, oqsil donalari metabolizmga uchrab, yo'qolib ketadi. Ba'zi virusli infeksiyalarda zararlangan hujayralar sitoplazmasida gialinli virus kiritmali topilgan.



6-rasm. Giperkeratoz kaftdag'i qadoq.

Gialin-tomchili distrofiya faqat mikroskopik tekshirish yo'li bilangina aniqlanadi. Gialin-tomchili distrofianing oqibati yomon, qaytmas jarayon bo'lmish bu distrofiya hujayrani nekrozga olib boradi va hujayra funksiyalarining jiddiy ravishda izdan chiqishiga sabab bo'ladi.



7-rasm. Til leykoplakiyasi.

*Shox moddali* distrofiya shoxlanib borayotgan epiteliyda ortiqcha miqdorda shox moddasi hosil bo'lishi giperkeratoz—qadoq, paydo bo'lishi (6-rasm) yoki odatda uchramaydigan joylarda (shilliq pardalardagi leykoplakiya, epi-

telial o'smalardagi rak marvarid donalari) shox muddasi yuzaga kelishi bilan tariflanadi.

*Shox muddali* distrofiya surunkali yallig'lanish, virusli infeksiya, avitaminozlar, gormonal o'zgarishlar vaqtida, teri rivojlanishi izdan chiqqan mahallarda kuzatiladi. Giperkeratoz, ixtioz, leykoplakiya (7-rasm) singari patologik jarayonlar asosida shox muddali distrofiya yotadi. Distrofiya endi boshlanib kelayotgan mahalida unga sabab bo'lgan omil, ya'ni etiologik omil bartaraf etiladigan bo'sa, u qaytar bo'lishi mumkin. Tug'ma ixtioz hayot bilan sig'isha olmaydi. Leykoplakiya rak oldi jarayoni bo'lib hisoblanadi, u epiteliydan xavfli o'sma paydo bo'lishi uchun manba bo'lib xizmat qilishi mumkin.

## YOG' DISTROFIYASI

Fosfatidlar, steridlar, sterinlar, xolesterinlar, serebrozidlarni o'z ichiga oladigan lipoid muddalar hujayralarda oqsil bilan birikib, lipoproteid komplekslarini hosil qiladi, membrana qismlarining tuzilishida ishtirok etadi va kiritmalar ko'rinishida uchramaydi. Kapillyarlar endotelisi, buyrak to'g'ri kanalchalarining epiteliysi va buyrak usti bezlarining makrofaglari bundan istisnodir, bu tuzilmalarda lipoidlar normada asosan mikroskopik yo'l bilan tekshirilgandagina topiladi, faqat tez sarflanadigan lipoidlar deposi bo'l mish buyrak usti bezlaridagina lipoidlar oddiy ko'zga ko'rindigan miqdorda bo'lishi mumkin (masalan, xoles-terinni to'q sariq rangiga qarab aniqlasa bo'ladi).


Hujayralardagi yog' distrofiyasi quyidagi shakllarda namoyon bo'lishi mumkin:

- 1) buyrak usti bezlarida, jigar epiteliysi, Genle qovuzlog'i va buyrak to'g'ri kanalchalarining epiteliysida, miya kapillarlari endotelisida normada ham topiladigan *lipidlar miqdorining ko'payib qolishi yoki kamayib ketishi*;
- 2) *sifat o'zgarishlari*, masalan, normada faqat neytral yog' topiladigan buyrak to'g'ri kanalchalarini epiteliysida lipidlar paydo bo'lishi;
- 3) lipidlar normada morfologik tekshirishda topilmaydigan *organlar parenximasи hujayralarida lipidlar paydo bo'lishi*;

4) yog'ning parchalanishidan hosil bo'lgan mahsulotlarning monotsitar-makrofagal sistema hujayralari tomonidan so'rlishi jarayonida asosan shu sistema hujayralarining *yog' bosishi (rezorbтив yog' bosishi)*.

Yog' distrofyasining patogenetik mexanizmi har xil, lekin hujayrada yirik yoki mayda yog' vakuolalarining paydo bo'lishi hamma hollarda ham hujayra ichidagi lipidlar miqdorining muqarrar ko'payib ketganini ko'rsatadi. Yog' kiritmali paydo bo'lishidan avval hujayrada ba'zan bo'rtish yoki bo'kish hodisasi boshlanadiki, bu narsa hujayraga yetgan zararning qaytar ekanligini ko'rsatuvchi belgi bo'lib hisoblanadi. Yog' kiritmali paydo bo'lishi ba'zan hujayra halokating darakchisi bo'lishi mumkin. Ko'pgina hollarda ular nekroz boshlangan joyga taqalib turgan hujayralarda paydo bo'ladi.

Jigarda yog' distrofiyasi boshlanish mexanizmi ko'proq o'rganilgan (8-rasm). Normal sharoitlarda jigarga lipidlar yog' to'qimasi va ovqat mahsulotlaridan o'tadi. Yog' to'qimasidan lipidlar ajralib chiqib, faqat bir shaklda – erkin yog' kislotalari ko'rinishida bir joydan ikkinchi joyga o'tadi. Ovqat mahsulotlaridagi lipidlar jigarga triglitseridlar, fosfolipidlar, oqsildan tarkib topgan lipid zarralari ko'rinishida ham, erkin yog' kislotalar ko'rinishida ham borib turadi. Yog' kislotalarining bir qismi jigarning o'zida sintezlanadi. Yog' kislotalari qay tariqa paydo bo'lganidan qat'i nazar ularning ko'pgina qismi eterifikatsiyaga uchrab, triglitseridlarga parchalanadi, bir qismi xolesteringu aylanadi, bu xolesterin fosfolipidlar tarkibiga qo'shilib ketadi yoki mitoxondriyalarda keton birikmalariga oksidlanadi. Hujayra ichidagi triglitseridlar jigardan chiqib ketishi uchun o'ziga xos apoprotein molekulalari (oqsil akseptori – lipidlar) bilan birikib, lipoproteidlar hosil qilishi kerak.



8-rasm. Jigarda yog' distrofiyasining avj olish mexanizmi.

Triglitseridlarning jigarda yog' distrofiyasi boshlanishiga olib boradigan darajada ortiqcha to'planib qolishida quyidagi omillar ahamiyatga ega:

1) erkin yog' kislotalarining ortiqcha miqdorda jigarga o'tib turishi. Masalan, ochlik mahalida yog' kletchatkasidagi neytral yog'lar zo'r berib ajralib chiqsa boshlaydi. Shuning natijasida jigarga ko'p miqdor yog' kislotalari o'tib, bu yerda ular triglitseridlarga aylanadi. Yog' kletchatkasidan lipidlar paydo bo'lishiga kortikosteroidlar ta'siri ham sabab bo'ladi;

2) asetatdan ko'plab yog' kislotalari sintezlanishi;

3) yog' kislotalari oksidlanishi sur'atining pasayib ketishi, buning natijasida

yog' kislotalari zo'r berib eterifikatsiyaga uchraydi va triglitseridlarga aylanib boradi;

4) alfa glitserofosfat miqdorining ko'payib ketishi natijasida yog' kislotalarining zo'r berib eterifikatsiyalanib, triglitseridlarga aylanib turishi;

5) apoprotein sintezining susayishi. Yuqorida aytib o'tilganidek, triglitseridlarning lipoproteinlarga aylanishi uchun shu oqsil bo'lishi kerak, chunki lipidlar birligina lipoproteidlar ko'rinishida jiga'dan chiqib keta oladi. Shu munosabat bilan apoprotein miqdorining kamayib ketishi triglitseridlardan to'planib borishiga sabab bo'ladi.

Jiga'da yog' distrofiyasi boshlanishining shu mexanizmi organizmga uglerod tetraxlorid ta'sir qilgan mahalda, odam ovqatga yolchimagan paytlarda va jiga'da lipoproteidlar sekretsiyasi susayib qolgan vaqtarda kuzatiladi. Sanoati rivojlangan mamlakatlarda jigar yog' distrofiyasineng eng ko'p uchraydigan sababi alkogolizmdir. Alkogol mitoxondriyalar va mikrosomalar funktsiyasini izdan chiqaradigan gepatotoksik moddalar qatoriga kiradi.

Shunday qilib, jigar yog' distrofiyasining patogenezida: 1) erkin yog' kislotalarining ortiqcha safarbar bo'lishi, 2) trigliseridlardan o'zlashtirilishining susayib ketishi, 3) yog'lar oksidlanish suratining pasayishi, 4) eterifikatsiya kuchayishi, 5) lipoproteidlar ekskresiyasining to'xtab qolishi, 6) endoplazmatik retikulumning erkin radikallardan bevosita zararlanishi ahamiyatlidir.

Yengil darajadagi yog' distrofiyasi hujayralar funktsiyasiga ta'sir qilmaydi. Lekin birmuncha sezilarli darajadagi yog' distrofiyasi jigar funktsiyasini izdan chiqara oladi, ammo bu hodisa hali qaytar bo'lishi mumkin. Basharti, hujayra ichida davom etib boradigan, hayot uchun muhim bo'lgan jarayonlar ko'p darajada izdan chiqadigan bo'lsa, bu holda jiga'dagi yog' distrofiyasi, ya'ni yog' gepatozi tabiatan qaytmas tusga kiradi. Shunday qilib, ichkilikboz odam, ya'ni alkogolik jiga'da hali sirroz boshlanmasdan turib, ichkilik ichishga barham beradigan bo'lsa, u holda kasallik jarayonining orqaga qaytib, jigaarning tuzilishi bilan funktsiyalari to'la-to'kis tiklanishi, asliga kelishini kuzatish mumkin. Yog' distrofiyasi ko'proq jigar va yurakda kuzatiladi, lekin boshqa organlarda ham boshlanishi mumkin.

Jigaarning yog' distrofiyasi o'rtacha darajadagi yog' distrofiyasi oddiy ko'z bilan qaralganda aniqlab olsa bo'ladigan o'zgarishlarga olib bormaydi. Gepatotsitlarda yog'lar to'planib qolishi kuchaygan sayin jigar kattalashib, sarg'ish, sariq jiggarrang tusga kirib boradi. Uning og'irligi 3 kg dan 6 kg gacha borishi mumkin, konsistensiyasi yumshoq bo'lib qoladi, kesilgan yuzasi xuddi yog'ga o'xshab ko'zga tashlanadi.

Elektron mikroskop bilan tekshirib ko'riganida endoplazmatik retikulumga zinch taqalib turadigan liposomalar (membrana bilan cheklangan tuzilmalar) paydo bo'lishi jiga'da yuz beradigan eng dastlabki o'zgarishlardan biri deb hisoblanadi. Liposomalarning paydo bo'lishi endoplazmatik retikulumga bog'liq

bo'lsa ajab emas. Optik mikroskop bilan tekshirilgan mahalda yog' distrofiyasi ning ilk bosqichlarida hujayra sitoplazmasida yadro atrofida yog' tomchilar paydo bo'ladi. Jarayon zo'rayib borganida, bu tomchilar bir-biriga qo'shilib, yadroni bir chekkasiga surib qo'yadigan yirik-yirik puch boshliqlar hosil qiladi.

Optik mikroskop bilan tekshirib qaralganida jigar yog' distrofiyasi g'oz jigari yoki soxta muskatsimon jigar ko'rinishida ko'zga tashlanishi mumkin.

1. «G'oz» jigari — organning bir tekis, ya'ni diffuz ravishda yog' bosishi bo'lib, bunda jigarning hamma hujayralari yog' tomchilari bilan almashinib qoladi. Jigarni shu tahlidda yog' bosganida saqlanib qolgan gepatotsitlar ham nor-madagidek bazofil emas, balki dazoinfil bo'lib ko'zga tashlanadi. Bu jigar hujayralarda ribonuklein kislota yo'qolib ketishiga bog'liq.

2. *Soxta muskatsimon jigar* — faqat jigar bo'lakchalarining chetlarida joylashgan gepatotsitlarni notejis yog' bosishi bilan ta'riflanadi. Shu munosabat bilan jigar bo'lakchalarining markaziy qismi odatdag'i rangini saqlab qoladi, chetki tomonlarida esa sariq-jigarrang tus paydo bo'ladi.


Yog' distrofiyasining sababları kamqonlik, yolchib ovqatanmaslik, uzoq davom etadigan kasalliklar, zaharlanish, Infektion jarayonlardir. Yog' distrofiyaları uzoq davom etib boradigan bo'lsa, ularning oqibatida bir tekis o'sgan biriktiruvchi to'qima paydo bo'ladi, jigarning yog'li sirozi deb shuni aytildi.

Buyrakning yog' distrofiyasi. Oddiy ko'z bilan tekshirib karalganida distrofiyaning bu xili buyrak hajmi kattalashib, qalinlashgan va oqish bo'lib ko'zga tashlanib turgan po'stloq moddasida mayda-mayda sariq dog'lar, hollar paydo bo'lishi bilan ta'riflanadi. Kasallikning dastlabki paytlarida buyrak katta bo'ladi, keyinchalik esa u biriktiruvchi to'qima o'sib ketishi hisobiga bujmayib qoladi (*ikkilamchi tartibda bujmaygan buyrak*). Mikroskop bilan tekshirib ko'rileganida organ burama kanalchalarining epiteliysi va stromasida bir talay lipoid kiritmalari borligi ko'zga tashlanadi. Buyrak yog' distrofiyasining sababi ko'pincha zaxm kasalligidir.

Yurakning yog' distrofiyasi ko'pincha gipoksiya mahalida kuzatiladi va ikki xil tarzda namoyon bo'ladi. Yurak yog' distrofiyasining ortacha, ammo uzoq davom etadigan gipoksiyada yuzaga keladigan *birinchi xilida* kardiomiotsitlarda tomchilar ko'rinishidagi lipidlar notejis ravishda to'planib boradi, shunga ko'ra lipidlarni o'ziga olgan tolalar intakt tolalar bilan navbatlashadi (9-rasm). Shu narsa xuddi yo'lbars terisiga o'xshab ketadigan ola-bula naqsh hosil qiladi. «Yo'lbars yuragi» degan nom shundan kelib chiqqan. Ana shunday yo'lbarsnamo naqsh endokardning papillyar muskullarida va yurak qorinchalari trabekulalarda hammadan ko'ra ko'proq seziladi (10-rasm).

Yog' distrofiyasi miokardning funktional jihatdan zo'r kelib turadigan qismlarida hammadan ko'ra ko'proq avjiga chiqadi. Aortal klapan nuqsoni bo'lsa, u holda chap qorinchaga hammadan ko'ra ko'proq zo'r keladi. Yo'lbars yuragiga xos manzara ham yurakning ayni shu qismida paydo bo'ladi. Holbuki, yurak

boshqa bo'limlarining miokardi o'zgarmay qolaverishi mumkin. Yurak nerv aparatasi va o'tkazuvchi sistemasining alohida yog' distrofiyasi ham uchrashi mumkin. Argentina bilan Braziliyada tarqalgan va triponosomozning bir turi bo'lgan Shagas sindromida ana shunday hodisa kuzatiladi. Yurak o'tkazuvchi sistemasi sohasida boshlangan yog' distrofiyasi, odatda qaytmas jarayon bo'lib, oqibatda yurakning falajlanishiga olib keladi.



9-rasm. Kardiomotsitlar yog' distrofiyasi.



10-rasm. «Yo'lbars yuragi» chap qorincha trabekulalarining yog' distrofiyasi.

Yog' distrofiyasining *ikkinchi xili* chuqur gipoksiya mahalida yoki ba'zi turdag'i miokarditlar (masalan, difteriyada uchraydigan parenximatoz miokardit) vaqtida boshlanadi, shu bilan birga bunda barcha kardiomotsitlarda yog' tomchilari topiladi. Difteriya mahalida boshlanadigan yog' distrofiyasining

mexanizmi asosida kasallik qo'zg'atuvchisi ekzotoksinining yog' kislotalari ok-sidlanishida ishtirok etuvchi kartin kofaktori metabolizmiga kirishib ketishi yotadi.

Yog' kiritmalari boshqa patologik sharoitlarda ham to'planib borishi mumkin, ba'zi kasallikkarda hujayralar ichida xolesterin va xolesterinester to'planib borishi mumkin, masalan, ba'zi kasallikkarda hujayralar ichida xolesterin va xolesterinester to'planib borishi mumkin. Mana shu kasalliklarning eng muhimi aterosklerozdir, bunda aorta va yirik arteriyalar intimasining silliq muskul hujayralari va makrofaglarida lipidlar to'planib boradi.

Bu hujayralar ko'piksimon ko'rinishga kiradi va tomirlar intimasida to'planib, ana shu jiddiy kasallik uchun xarakterli bo'lgan ateromalar hosil qiladi. Ko'piksimon hujayralar lipidlarga to'lib-toshib ketganidan keyin yoriladi va intima stromasiga lipidlarni ajratib chiqaradi.

Giperlipidemik holatda ham makrofaglar ichida xolesterin va xolisterinesterlar to'planib boradi. Bunday shikastlar odatda terining subepitelial biriktiruvchi toqimasi, ksantomalar deb ataluvchi o'smasimon massalar hosil qiladigan payt-larda kuzatiladi. Yog' kiritmalari fiziologik sharoitlarda ham to'planib borishi mumkin, Masalan, nekrozga uchragan hujayralarning yog'li detritiga to'qnash kelgan makrofaglar o'zining fagotsitar faoliqi munosabati bilan lipidlarni yutib olib, ularga to'lib ketishi mumkin. Yallig'lanish o'chog'ining chetida joylashgan makrofaglar bir talay mayda-mayda lipid vakuolalari bilan to'lib ketishi mumkin, shunga ko'ra ular ko'piksimon ko'rinishga kirib qoladi (ko'piksimon hujayralar).

## UGLEVOD DISTROFIYALARI

Uglevod distrofiyalari orasida qand siyish va glikogenozlar hammadan katta ahamiyatga ega.

*Qand siyish* (qandli diabet kasalligi) qonda va siydikda Qand miqdori ko'payib ketishi bilan ta'riflanadi (qonda Qand miqdorining ko'payishi giper-glikemiya deb, siydikda Qand paydo bo'lishi glyukozuriya deb ataladi). *Diabetga olib keladigan sabablar juda har xil bo'lishi mumkin:* 1) asabiy stresslar, ruhan hayajonlanish, nerv sistemasining o'smalari va travmali, 2) almashinuvga alo-qador omillar, 3) endokrin o'zgarishlar (Bazdev kasalligi, homiladorlik ana shunday kasallik jumlasidandir). Bu kasallikning patogenezida insular apparatning yetishmovchiligi asosiy o'rinn tutadi.

Diabet glukoza almashinivi buzilishining yorqin misolidir. Bu kasallikda glikogen buyraklar burama kanalchalarining distal qismidagi epitelial hujayralarda, goho Genle qovuzlog'ining pastga tushuvchi qismida, jigar hujayralarida, Langergans orolchalarining beta hujayralarida, yurak muskul hujayralarida to-piladi. Hujayralarda glikogen sitoplasmada aniq-ravshan ko'zga tashlanib turadigan, SHIK reaksiya bilan bo'yaladigan bo'lakchalar ko'rinishida paydo bo'ladi. Hujayra ichidagi glikogen sitoplasmaga vakuollashgan ko'rinish beradi, shu mu-

nosabat bilan bunday hujayralar och tusli, yorug' bo'lib ko'rindi. Gepatotsitlarda to'planib qolgan glikogen, optik mikroskop bilan tekshirib ko'rilganda, noaniq sabablarga ko'ra hujayra yadrolarida topildi. Hujayra yadrolari bo'rtib, yorug' bo'lib qoladi. Biroq, glikogenning yadrolarda shu tariqa to'planishi o'z klinik ifodasiga ega bo'lmaydi.

«Glikogenozlar» degan umumiy nom bilan birlashtiriladigan bir qancha irlsiy kasallikkarda ham glikogen hujayralar ichida to'planib borishi mumkin. Bu xildagi kasalliklar, bir tomonidan, odatdagি glikogen metabolizmida ishtirot etadigan bir yoki bir nechta fermentlar (masalan, 1, 4 glukozidaza) bo'lmasligiga bog'liqidir. Ikkinci tomonidan, metabolizmga kirishib, tegishli o'zgarishlarga uchray olmaydigan odatdan tashqari shakldagi glikogen sintezlanishi mumkin. Tabiatan irlsiy bo'lgan turli sindromlarda asosan miokard, skelet muskullari, jigar, buyrak hujayralari ichida glikogen ortiqcha miqdorda to'planib boradi. Hamma hollarda ham glikogen och tusli intrasitolipomatik vakuolalar tariqsida ko'zga tashlanadi. Glikogenning ortiqcha miqdorda to'planib qolishi hujayraning ikkilamchi tartibda zararlanishi va halok bo'lib ketishiga olib keladi.

Glukoproteidlar almashinuvni izdan chiqqanida hujayralarda musinlar bilan mukoidlarning to'planib borishi kuzatiladi. Bu moddalar shilimshiq moddalar bo'lganligi munosabati bilan glukoproteidlar almashinuvining buzilishi shilimshiq distrofiyalar deb aytildi. *Shilimshiq distrofiyada* ikki jarayon avj olib boradi: 1) zo'r berib shilimshiq hosil bo'lishi, 2) shilimshiq fizik-kimyoviy xossalaring o'zgarishi. Haddan tashqari ko'p miqdorda shilimshiq ishlaniq chiqishi hujayrani halokatga olib keladi, hujayra ornidan ko'chib qoladi, chiqarish yo'llari bitib ketib, retension kistalar paydo bo'ladi. Epitelial o'smalari ham shilimshiq distrofiyaga uchrashi mumkin (o'smalarning shilimshiqlanishi). Bu turdagи distrofiyaning asosiy sababi yallig'lanishdir. Oqibat yomon bo'lgan mahallarda shilliq pardalar atrofiya va sklerozga uchraydi. Shilimshiq distrofiya sistemalar irlsiy kasalligi — mukovissidoz asosida yotadi.


## NEKROZ (hujayra o'limi)

*Hujayra nekrozi* (yunoncha nekroz — o'lik degani) *tirik organizmdagi hujayralarning halok bo'lishi, o'lib ketishidir*. Nekroz uchun xarakterli bo'lgan o'zgarishlarni bir-biri bilan raqobat qiluvchi ikkita jarayon keltirib chiqaradi: 1) *hujayraning fermentlar ta'sirida hazm bo'lib borishi*; 2) *oqsillarning denaturatsiya uchrashi* (11-rasm).

Katalitik fermentlar hujayrada yo'lik *hujayra lizosomalaridan yoki imigratsiya qilib o'tgan leykositlar lizosomalaridan* paydo bo'ladi. Birinchi holda hujayraning hazm bo'lishini *autoliz* deb hisoblansa, ikkinchi holda buni *geterolizis* deb aytildi.

Hujayraning fermentlar ta'sirida hazm bo'lishi yoki oqsil denaturatsiyasidan qaysi biri ustun turishiga qarab nekrozning ikkita asosiy turi tafovut qilinadi:

kollikvatsion nekroz va koagulatsion nekroz. Hujayra tuzilmalarining denaturatsiyalanishi zo'rayib boradigan hollarda koagulatsion nekroz boshlanadi. Hujayra organellalarining fermentlar ta'sirida hazm bo'lish jarayoni kollikvatsion nekroz asosida yotadi.



11-rasm. Hujayra nekrozining avj olish mexanizmi

Hujayra tuzilmalarini hazm qilib yuboradigan fermentlar sitoplazmada lizosomalarning membranalari yemirilgan mahdalda paydo bo'ladi. Ma'lumki, lizosomalar membrana bilan o'raliib turadigan sitoplazmatik tanachalardir. Ular ichki hazm jarayonini amalga oshiradigan «organlar» bo'libgina qolmasdan, balki o'ziga xos hujayra «qotillari» hamdir. Lizosomalarda har xil gidrolitik fermentlar bo'lib, 1-2 kun davomida bular fagotsitlangan materialni parchalashga kirishadi. Geterofagotsitoz va autofagotsitoz lizosomalardan yordamida yuzaga chiqadi.

**Geterofagotsitoz.** Bu hodisa ro'y berganida *atrofdagi muhitdan endositoz yo'li bilan hujayraga material o'tadi*. Materialni zarrachalar ko'rinishida ushlab olish fagotsitoz deb atalsa, mayda makromolekulalarga eritish pinositoz deyildi. Geterofagiyanı «professional» fagotsitlar (neytrofillar, makrofaglar) amalga oshiradi, lekin bu hodisa boshqa turdag'i hodisalarda ham kuzatilishi mumkin. Bakteriyalarning neytrofil lar tomonidan tutib olinib, hazm qilinishi, nekrozga uchragan hujayralarning makrofaglar tomonidan chiqarib yuborilishi, buyraklar burama kanalchalarining proksimal bo'limlaridagi pinositozlangan oqsil pufakchalari reabsorbsiyasi geterofagotsitoza misol bo'la oladi.

**Autofagotsitoz.** O'z-o'zidan hazm bo'lish, ya'ni autohazm bo'lish hodisasini yuzaga chiqaradigan lizosomalar autolizosoma deb, shu jarayonning o'zi esa auto-

*fagiya deb ataladi.* Ko'pgina hollarda hujayraning ayrim bir organellasi xuddi mitoxondriyalari yoki endoplazmatik retikulumi har yer har yeridan zararlanshi va keyinchalik shu zararlangan qismlari hazm bo'lib ketishi. Lekin hujayraning funksional holati odatdagicha saqlanib qolishi mumkin. Atrofiyaga uchragan hujayralarda autofagiya ayniqsa sezilarli bo'ladi.

Lizosomalarning fermentlari ko'pchilik oqsillar va uglevodlarni parchalab yuborishga qodirdir, lekin ba'zi lipidlar hazm bo'lmasdan saqlanib qolaveradi. Detritni yutib olgan lizosomalar hujayralarda qoldiq tanachalar tariqasida qolib ketaverishi yoki hujayradan tashqariga itarib chiqarilishi mumkin. Lipofussin pigmenti hazm bo'limgan material hisoblanadi va lipidlarning hujayralar ichida peroksidlanishi natijasida yuzaga keladi. Ba'zi bo'yoq moddalar, chunonchi, atmosferadan nafasga olinadigan ko'mir moddasi zarralari yoki badan terisiga igna bilan xat bitish, yoxud naqsh solish uchun ishlatalidigan bo'yoq, ya'ni pigment makrofaglarning fagolizosomalarida uzoq (necha o'n yillab) saqlanib turishi mumkin.

Lizosomalar chiqindi tashlanadigan joy bo'lib ham hisoblanadi, chunki metabolizmga kirisha olmaydigan odatdan tashqari moddalarni hujayralar shu lizosomalarga ajratib chiqaradi.

**Hujayra o'limi, ya'ni nekrozining belgilari.** Hujayraning o'limi uning si-toplazmasi va yadrosida ro'y beradigan muayyan o'zgarishlar bilan ta'riflanadi. Zararlanish hodisasi qaytmas bo'lganida yadroda ro'y beradigan o'zgarishlarni uch turga bo'lish mumkin: 1) *kariolizis*, 2) *kariopiknoz*, 3) *karioreksis*.

*Kariolizis* bazofil hujayralar yadrosining yo'qolib ketishi bilan birga davom etadigan jarayon bo'lib, dezoksiribonukleaza fermenti faoliyatining zo'rayishiga bog'liq. Bu ferment DNK ni fosfat kislota va yadro bo'yoqlarini o'ziga olmaydigan nuklein asoslarga parchalaydi.

*Kariopiknoz* yadroning odatdagagi tuzilishi yo'qolib, hajmi kichrayib qolishi bilan ta'riflanadi. Hujayra yadrosi suvini yo'qotishi va xromatini quyuqlashib borishi tufayli bir tekis to'q bo'lib bo'yala boshlaydi. Bu hodisa DNK kondensatsiyalanishi va bazofil massaning bujmayib qolishiga bog'liqidir.

*Karioreksis* bujmayib qolgan (nekrozga uchragan) yadroning qismlarga bo'linib ketishi bilan ta'riflanadi.

Nekrozning turidan qat'i nazar, shu nekrozga uchragan hujayradagi yadro 1—2 kundan keyin batamom yo'qolib ketadi. (12-rasm). Yadrodan mahrum bo'lgan sitoplazma tiniqmas qattiqqina atsidofil massaga aylanadi. Ana shu atsidofiliya hodisasi sitoplazmaning nordon bo'yoqlarni o'ziga olish xususiyatini kuchaytiradi. Mana shunday eozinofiliya, bir tomondan, sitoplazmadagi oqsillar denaturatsiyasiga bog'liq bo'lsa, ikkinchi tomondan, sitoplazmadagi RNK ni parchalaydigan nordon ribonukleaza fermentining faollashuviga bog'liqidir. Shunday qilib, nekrozga uchragan hujayra yadro mag'zi bo'limgan asidofil tuzilmaga aylanib qoladi.

Tirik organizmda o'lik hujayralar va ularning detritlari pirovard natijada yo'qolib ketadi. Koagulyatsiyaga uchragan hujayralari ham fermentlar ta'sirida hazm bo'lish va leykositlar tomonidan yutilish natijasida yo'q bo'lib ketadi. Nekrozga uchragan hujayralar va shu hujayra detritlari chala parchalanadigan va re-absorbsiyalanadigan bo'lsa, u holda bular o'ziga kalsiyini tortib olib, ohaklanadi (kalsiyylanadi). Distrofik kalsiylanish deb ataladigan mana shunday hodisani sil, aterosklerozda ham kuzatish mumkin.

-Hujayra o'limining odatdan tashqari morfologik bir turi **apoptozdir**. Apoptoz yo hujayraning bir qismiga yoki bir necha hujayraga yoyiladi. Nekrozning bu turi yadrosi sezilarli karioreksisga uchragan hujayra sitoplazmasidagi dumaloq yoki tuxumsimon eozinofil massa ko'rinishida ko'zga tashlanadi.

Apoptoz genetik nazorat ostida turadi va uni ikkita gen idora etib boradi. Chunonchi, protoonkogen VS2 apoptoz boshlanishini susaytirsa, suppressor R53 gen uni kuchaytiradi.

Apoptoz boshlanishining mexanizmida hujayrada  $[Ca^{+2}]$  miqdorining ko'payib ketgani, endogen nukleaza va stressor N5B70 genlarning faollashib qol-gani muhim ahamiyatga ega deb hisoblanadi.



12-rasm. Buyrak kanalchalari epiteliysining nekrozga uchragan hujayralari:  
1 — kariopiknoz, 2 — kariolizis.

Apoptoz bir qancha fiziologik jarayonlarning, jumladan: 1) embriogenez davrida hujayralarning dasturlashtirilgan destruksiysi; 2) gormonlarga aloqador involyutsiya, masalan, endometriy, ayrisimon bez involyutsiyasi; 3) kininlar ajralib chiqqanidan keyin immunitetga javobgar hujayralarning o'limi singari jarayonlarning yuzaga chiqib borishi uchun zarurdir.

Apoptoz rivojlanib borayotgan timusda autoreaktiv T-hujayralarning o'limiga sabab bo'lib, manfiy seleksiya fenomeniga olib boradigan mexanizm bo'lsa ham ajab emas.

Apoptoz patologik jarayonlar mahalida ham kuzatiladi. Masalan, toksik yoki virusli hepatitda jigarda asidofil Kaunsilmen tanachalarining hosil bo'lishi shu-

lar jumlasidandir. Shunisi diqqatga sazovorki, bu fenomen har xil manbalardan kelib chiqadigan o'smalarda ko'riladi.

## HUJAYRANING MOSLANISHI (adaptatsiyasi)

Hujayra o'zining atrofidagi mikrodunyosida bo'ladigan o'zgarishlarga tinmay moslashib boradi, shu munosabat bilan u o'zining tuzilishi va funksiyalari mudom o'zgarib turmaydigan bo'lsa yashay olmaydi.

Hujayra stressga sabab bo'ladigan va boshqacha patogen omillar ta'siriga uchraydigan sharoitlarda metabolizmi va tuzilishini o'zgartirish yo'li bilan adaptatsiyalanadi, bu narsa unga o'zgarib, boshqacha tusga kirgan, lekin o'zgarib turuvchi atrofdagi muhit sharoitlarida omon qolish uchun hujayraga imkon beradigan barqaror holatga erishish uchun yo'l ochadi. Stressga sabab bo'lувчи omilning tabiatи va kuchiga yarasha subhujayra strukturalarining doira bo'ylab almashinishi xuddi ilgarigidek davom etaveradi va organellalar soni to'g'rilanib boradi (stressni bartaraf etish uchun). Yangi, lekin o'zgarib boshqa taxlitga o'tgan muvozanat yuzaga keladi.

Ana shunday adaptatsiyaga misollarning biri gipoksiya sharoitlarida, dori preparatlari organizmga ortiqcha kirgan mahallarda, funktsional jihatdan haddan tashqari ko'p zo'r kelgan paytlarda kuzatiladigan hodisa-donador endoplazmatik retikulum giperplaziyasidir. Ayni vaqtida optik mikroskop bilan tekshirib turiladigan bo'lsa, sitoplazmada uni bo'kib qolganga o'xshash ko'rinishga kiritib qo'yadigan oqsil donalari ko'zga tashlanadi. Elektron mikroskopiyada bu oqsil donalari hujayra organellalarining giperplaziyasini aks ettiradi. *Hujayralarning shu tariqa loyqa bo'lib bo'kishi osongina qaytib ketadigan moslashtiruvchi jarayon bo'lib hisoblanadi va ko'pchilik hollarda hujayra funktsiyalarining izdan chiqishi bilan birga davom etmaydi*. Hujayra adaptatsiyasiga hozirgina aytilb o'tilgan jarayondan tashqari atrofiya va giperetrofiya hodisalari ham kiradi.

## ATROFIYA

*Atrofiya hujayra substansiysi yo'qolib ketishi tufayli hujayra o'lchamlarining kichrayib qolishidir. Atrofiyaning eng muhim sabablari quyidagilardir:* 1) hujayra funktsional faolligining susayishi (ishlamaslikdan boshlanadigan atrofiya), 2) innervatsiya buzilishi, 3) qon bilan ta'minlanish darajasining pasayishi, 4) noto'gri ovqatlanish, 5) endokrin regulatsiya buzilishi, chunki gormonlar ayniqsa, insulin, tiroksin, glukokortikoidlar, prostaglandinlar oqsil almashinuvi tezligiga ta'sir qiladi.

Hujayralarning kichrayib ketishiga nima sabab bo'lgandan qat'i nazar atrofiya mahalida hujayralar yashash layoqatini hali saqlab turadi. Atrofiyaga uchragan hujayralar mitoxondriyalari va miofilamentlarining soni kamaygani, endoplazmatik retikulum hajmi kichrayib qolgani bilan ta'riflanadi. Atrofiya mahalida

gidrolitik proteazalar konsentratsiyasi ortadi. Biroq bu enzimlar sitoplazmaga shunchaki ajralib chiqmasdan (chunki bu narsa idora etib bo'lmaydigan hujayra destruksiyasiga olib kelishi mumkin), balki autofagosoma vakuolalariga birikadi. Shunday qilib, ko'pchilik hollarda atrofiya autofagosoma vakuolalari sonining sezilarli darajada ortib borishi bilan birga davom etadi.

## GIPERTROFIYA

*Gipertrofiya hujayra o'lchamlarining kattalashuvidir.* Bu jarayonga hujayralarning ko'pgina qismi qo'shilib ketadigan bo'lsa, u holda organlar gipertrofiyasi boshlanadi.

Gipertrofiyaga quyidagilar sabab bo'lishi mumkin: 1) funktsional faoliyning kuchayishi, 2) gormonlarning o'ziga xos ta'siri. Gipertrofiya fiziologik va patologik jarayonlar mahalida kuzatilishi mumkin. Homiladorlik davrida bachadonning fiziologik tarzda kattalashib borishi hujayralar gipertrofiyasi (hujayralar o'lchamlarining kattalashuvi) va hujayralar giperplaziyasi (hujayralar sonining ortishi) ga bog'liqdir.

Bachadon muskul hujayralari gipertrofiyasi ayol jinsiy gormonlari — estrogenlar ta'sirida silliq muskul hujayralarda joylashgan estrogen retseptorlari ishtiroki bilan jonlanadi. Bu retseptorlar gormonlarning yadrodag'i DNK bilan o'zaro ta'sir qilishiga yo'l ochadi va shu tariqa silliq muskul hujayralaridagi oqsil sintezini kuchaytiradi.

Oqsil sintezi jarayonlarining kuchayishi shu hujayralarning gipertrofiyaga uchrashiga olib boradi. Bu — *gormonlar ta'siriga aloqador fiziologik gipertrofiyaga misoldir.*

Jismoniy jihatdan ortiqcha zo'r keladigan sharoitlarda hujayralar hajmining kattalashuvi tabiatan *adaptiv deb hisoblanuvchi gipertrofiyaga* misol bo'lishi mumkin. Miokard va skelet muskullari hujayralari ayniqa gipertrofiyalanadi, chunki ular kuchayib borayotgan almashinuv jarayonlari darajasiga mitoz yo'li bilan bo'linib, moslana olmaydi. Masalan, arterial bosim yuqori ko'tarilganida kardiomiotsitlar gipertrofiyasi zo'rayib boradi. Jismonan zo'r keladigan sharoitlarda skelet muskullari hujayralari gipertrofiyalanadi. Bunda hujayraning ehtiyoji bilan funktsional imkoniyatlari o'rtasida muvozanat qaror topadigan bo'lishi uchun fermentlar va filamentlar ko'proq sintezlanadi. Miofilamentlar sonining ko'payishi metabolizm kuchli bo'lib turgani holda jismoniy jihatdan xiyla zo'r berishga imkon tug'diradi.

Kardiomiotsitlarning adaptiv gipertrofiyasiga sabab bo'lgan omillar o'z ta'sirini o'tkazishda davom etaveradigan bo'lsa, bu narsa o'sha hujayralarning adaptiv imkoniyatlari tugab qolishiga olib kelishi mumkin. Ana shunda muskul tolalarida dekompensatsiya jarayonlari boshlanadiki, buning asosida qisqaruvchan miofibrillyar elementlarning lizisga uchrashi va kamayib qolishi yotadi. Dekompensatsiyaning asosiy sabablari: 1) *gipertrofiyalangan tolalarning qon bi-*

*lan durust ta'minlanmay qolishi, 2) oksidlanish jarayonlarining susayib ketishi, 3) oqsil sintezi alteratsiyasi va degradatsiyasidan iborat bo'lishi mumkin.*

## KASALLIKLARNING ULTRASTRUKTURA ASOSLARI

Elektron mikroskop rasm bo'lganidan keyin hujayraning lizosomalari, mikrotanachalar singari o'ziga xos organellalari va sitoskelet tarkibiy qismlarining alteratsiyaga uchrashiga aloqador bir qancha kasalliklarning patogenezi bilan morfogenetikini o'rganib chiqish mumkin bo'lib qoldi.

Lizosomalari. Bir qancha irsiy kasalliklar moddalar almashinuvining talaygina dastlabki yoki oraliq mahsulotlari hujayrada to'planib qolishiga olib boradigan lizosoma fermentopatiyasiga bog'liqdir. Shu munosabat bilan lizosomal enzimopatiyalari to'planish kasalliklari yoki tezaurismoslar deb atalmish xastaliklar guruhini tashkil etadi. Bu guruh anchagina katta. Unga glikogenozlar (Pompe kasalligi), gangliozidozlar (Teyaks kasalligi) va boshqalar kiradi. Chunonchi, mukopolisaxaridlarni parchalab yuboradigan fermentlar yetishmay qolganida butun organizm hujayralarida, ayniqsa neyronlarda mukopolisaxaridlar ortiqcha to'planib boradiki, bu narsa jiddiy o'zgarishlarga sabab bo'ladi.

Mikrotanachalar (peroksisomalar). Mikrotanachalar birlamchi tartibda zararlanganida «peroksisoma» kasalliklari paydo bo'ladi, akatalazemiya, *Sellvegerning serebrogepatorenal sindromi va sistemaga yoyilgan karnitin yetishmovchiligi* ana shu kasalliklar jumlasiga kiradi.

*Akatalazemiya* katalaza fermentining termostabilligi susayib qolib, natijada shu ferment miqdori kamayib ketishiga bog'liqdir. Og'iz bo'shlig'ida uchraydigan gangrenoz yara chaqalar shu kasallikning klinik sindromi jumlasiga kiradi.

Gepatotsitlarda peroksisomalar bo'lmay qolganida o't kislotalari sintezi izdan chiqadi, bu narsa *Sellvegerning serebrogepatorenal sindromi* boshlanishiga olib keladi. Jigardagi katalaza faolligi keskin (20 foizgacha) kamayib ketgan bo'ladi.

*Sistemaga yoyilgan karnitin yetishmovchiligidagi* bu modda skelet muskullari, jigar, qon plazmasida ayniqsa tanqis bo'lib qoladi. Klinik jihatdan olganda bu «peroksisoma kasalligi» jigar va bosh miya funktsiyasi dam-badam izdan chiqib turadigan miopatiya boshlanishi bilan ta'riflanadi.

Sitoskelet. Sitoskeletning tarkibiy qismlari tayanch, transport, qisqaruvchanlik va harakat funktsiyalarini bajaruvchi o'ziga xos hujayra organellalari deb hisoblanadi. Bularga o'zining funktsional xususiyatlari jihatidan farq qiladigan mikrofilamentlar, oraliq filamentlar va mikronaychalar (mikrofilamentlar) kiradi. Chunonchi, organellalar harakati va transport funktsiyasi mikronaychalar yordamida yuzaga chiqadi. Qisqaruvchanlik mikrofilamentlarga xos bo'lsa, tayanch funktsiyasini oraliq filamentlar ado etadi.

Sitoskeletning tuzilishida ro'y bergan o'zgarishlar turli patologik holatlar boshlanishiga olib kelishi mumkin.

Sitoskelet tuzilishidagi o'zgarishlar *hujayralarning harakatlanishi*, *hujayra ichidagi organellalarning harakatlanishi* singari funktsiyalar izdan chiqishiga, hujayra ichida fibrillar material to'planib qolishiga sabab bo'lishi mumkin. Masalan, leykositlar migratsiyasi va fagotsitoz hodisalarining yuzaga chiqishi uchun leykotsitlardagi mikrofilamentlar bilan mikronaychalarining funktsional holati odatdagicha o'zgarmagan bo'lishi kerak. Basharti, shu tuzilmalar funktsiyasida kamchilik bo'lsa, u holda leykositlar zararlanish (yallig'lanish) o'chog'iga tomon harakat qilib bora olmaydi, ya'ni xemotaksiis izdan chiqadi. Leykositlarning fagotsitar faolligi ham aynaydi.

Chediak-Xigasi sindromida mikronaychalar polimerlanishining izdan chiqishi, leykositlar fagosomalarining lizosomalar tomonidan eritilishi susayib qolishiga olib boradi va shu tariqa fagotsitozni susaytirib yuboradi. Ba'zi dori preparatlari, masalan, mikrofilamentlar funktsiyasini susaytirib qo'yib, fagotsitozni izdan chiqaradi. Tegishli mikronaychalarining tuzilishida nuqson bo'lsa, bu narsa erkaklar spermasining harakatchanligini susaytirib, erkaklarning farzand ko'rolmaydigan bo'lib qolishiga olib keladi. Xuddi shunga o'xshagan kamchilik respirator epiteliy kiprikchalarining harakatlanish layoqatini susaytirib, nafas yo'llarining bakteriyalardan tozalanib borishiga xalal beradi, o'pkada infektion jarayon boshlanishiga yo'l ochadi (qo'zg'almas kiprikchalar sindromi, Kartagener sindromi),

Ko'plarga ma'lum bo'lgan ikki xil gistologik tuzilma – Mallori tanachalari va neyrofibrillar chigal paydo bo'lishi asosan oraliq filamentlarning ortiqcha to'planib qolishiga bog'liqidir. Mallori tanachalari yoki «kalkogol gialini» jigar hujayralarida uchraydigan eozinofil sitoplazmatik tuzilmalar bo'lib, alkogolga aloqador jigar kasalligi uchun juda ham xosdir. Endilikda ma'lum bo'lganidek, bu kiritmalar asosan tuzilishi jihatidan prekeratinga o'xshab ketadigan oraliq filamentlardan iboratdir. Jigarning alkogoldan zararlanishi asosida sitoskeletidagi ultrastrukturalar tuzilishining o'zgarishga uchrashi yotadi deb taxmin qilinadi.

Neyrofibrillar chigal Alsgeymer kasalligida bosh miyada topiladi va presenil demensiyaning muhim sababi bo'lib hisoblanadi. Bu chigal bir-biri bilan chirmashib ketgan va shu sababdan neyron, aksonlar hamda dendritlar sitoskeleti tuzilishini buzib qo'yadigan oraliq filamentlardan iboratdir.

Xolestaz, ya'ni o't (safro) yurishmay qolishining ba'zi turlariga mikrofilamentlar funktsiyasining aynashi sabab bo'lishi aniqlangan. Ma'lumki, jigaarda o't yuriшиб turishini mikrofilamentlar sistemasi idora etib boradi. Mikrofilamentlar o't yo'llarini ko'p miqdorda o'rab turib va gepatotsitlar hujayra membranasiga birikib olib, shu yo'llar diametrini o'zgartirib turadi. Bularning funktsiyasi suayib qolsa, o't d'mlanib qolishi mumkin.

Faqatgina skelet membranalarining nuqsonlariga, membranalarning ichki yuzasida joylashgan mikrofilamentlarning nuqsonlariga bog'liq bo'lgan kasalliklar bor. Bu strukturalarning oqsillari spektrin, aktin va 4. 1 proteindan iborat, shu

oqsillarning qisqarishi hujayra membranalari tuzilishining barqaror bo'lishini ta'minlaydi. Demak, membrananing zararlanishi (yorilishi, darz ketishi) hujayralar, chunonchi, eritrotsitlarning jiddiy alteratsiyasiga sabab bo'lishi mumkin. Masalan, irsiy sferotsitoz kasalligi bo'lgan odamlarga eritrotsitlar disksimon shaklini yo'qotib qo'yadi. Eritrotsitlar shaklining shu tariqa o'zgarib qolishi 4. 1 oqsilni biriktirib olish layoqatini yo'qotib qo'ygan odattdan tashqari spektrin molekulasiaga bog'liqdir. Bu narsa eritrotsitlar membranasi barqarorligiga xalal beradi. Spektrinsimon oqsillar har xil turdag'i hujayralarda (masalan, endoteliy hujayralarida) topiladi va bu molekulalarda nuqson bo'lishi, chamasi, talaygina o'zgarishlar ro'y berishiga sabab bo'ladi.

Bir qancha kasalliklar *hujayra retseptorlari yo'qligi yoki bularning ishlamay qo'yaniga bog'liqdir*. Ma'lumki, plazmatik pardada tashqi muhit «signallari»ni idrok etadigan retseptorlar bo'ladi. Bu retseptorlarning hammasi glikoproteidlardan iborat bo'lib, gormonlar, antigenlar, immunoglobulinlar, komplement tarkibiy qismlari va boshqalardan keladigan «signallar»ni idrok etishga ixtisoslashgan. Parenximatoz hujayralar va mezenxima hujayralarining plazmolemmasida apo-4, B, E retseptorlarning bo'lmasligi oilaviy essensial gipercolesterinemiya boshlanishiga olib boradi. Idiopatik membranoz nefropatiya mezangiositlardagi immunoglobulinlar tarkibiy qismlariga javob beradigan retseptorlarning tug'ma nuqsoniga bog'liq deb hisoblanadi.

Hujayra retseptorlarining auto-antilelolar ta'sirida ishlamay qo'yishi birlamchi miasteniya, insulinga chidamli qandli diabet, birlamchi gipertireoidizm singari kasalliklarga — *retseptorlarning antitelo kasalliklari* degan xastaliklarga olib keladi. Miasteniya paydo bo'lishida nerv-muskul plastinkasining asetilxolin retseptorlariga ta'sir ko'rsatadigan antitelolar ishtirok etadi. Insulinga bog'liq bo'lмаган qandli diabetda insulinga javob beradigan hujayra retseptorlariga qarshi antitelolar shu retseptorlarni bo'g'ib qo'yadi va hujayraning insulinga nisbatan javob berishiga imkon qoldirmaydi. Mana shu o'zgarishlar hammasi molekulalar doirasida ro'y beradi.

Shak-shubha yo'qki, sitoskelet patologiyasi hali o'rganilmagan sohadir, buni o'rjanib, sirlarini bilib olish talaygina kasalliklar patogenezini tushunib yetish uchun yangi sahifalar ochadi.

### **III Bob**

## **TO'QIMALAR VA ORGANLAR ALTERATSIYASI**

### **DISTROFIYA**

#### **STROMA TOMIR DISTROFIYALARI**

##### **Oqsil distrofiyaları**

*Mukoid bo'kish*

*Fibrinoid bo'kish*

*Gialinoz*

*Amiloidoz*

##### **YOG' DISTROFIYALARI**

*Neytral yog'lar almashinuvining buzilishi*

*Xolesterin va efirlari almashinuvining buzilishi*

##### **Uglevod distrofiyaları**

*ARALASH OQSIL*

*DISTROFIYALARI*

*Xromoproteidlar almashinuvining buzilishi*

*Gemoglobinogen pigmentlar*

*Lipidogen pigmentlar*

*Proteinogen pigmentlar*

*Nukleoproteidlar*

*almashinuvining buzilishi*

**KALSIY ALMASHINUVINING**

**BUZILISHI**

**NEKROZ**

**O'LIM**

### **DISTROFIYA STROMA-TOMIR DISTROFIYALARI**

*Stroma-tomir distrofiyasi (mezenximal distrofiya) uchun biriktiruvchi to'qimadagi moddalar almashinuvi buzilganini aks ettiruvchi murakkab patologik jarayon bo'lib, organlar stromasi va tomirlar devorida alteratsiya boshlanishi bilan birga davom etib boradi. Almashuvning qaysi turi buzilganiga qarab mezenximal distrofiyalar: 1) oqsil distrofiyaları, 2) yog' distrofiyaları va 3) uglevod distrofiyalariga bo'linadi.*

### **OQSIL DISTROFIYALARI**

*Stroma-tomir oqsillari distrofiyalariga quyidagilar kiradi: 1) mukoid bo'kish, 2) fibrinoid bo'kish, 3) gialinoz, 4) amiloidoz. Hozir aytib o'tilgan distrofiyalar biriktiruvchi to'qima tuzilishining aynashi bo'lib, oqsil tabiatli moddalar to'planib borishi bilan birga davom etadi.*

*Etiologiyasi. Sistemalarga aloqador mukoid, fibrinoid bo'kish va gialinozning asosiy sabablari infektsion allergik kasalliklar, gipoksiya, immunopatologik va angionevrotik reaksiyalar, endokrinopatiyalar, oziqlanishning buzilishi, irsiy omillardir. Biriktiruvchi to'qimaning mukoid va fibrinoid bo'kishi tabiatan autoimmun bo'lgan bir qancha kasalliklarning asosida yotadi. Revmatizm, tugunchali periarteriit, sklerodermiya, sistema qizil yugirigi (volchankasi) ana*

shunday kasalliklardandir. Ko'chirib o'tkazilgan buyrakning ko'chib tushish reaktsiyasida ham buyrak koptokchalarining fibrinoid bo'kishga uchrashi tasvirlangan. Mahalliy fibrinoidga surunkali yallig'lanish sabab bo'lishi mumkin (masalan, surunkali yara tubidagi fibrinoid).

Oqsil almashinuvi mahsulotlarining to'planib qolishiga olib boradigan omillar quyidagilardir:

- 1) to'qima-tomirlar otkazuvchanligining o'zgarishi (plazmorragiya);
- 2) biriktiruvchi to'qima struktura elementlarining (kollagen, retikulyar, elastik tolalarning) aynab, fizik va kimyoviy xossalalarining o'zgarib ketishi;
- 3) oqsilpolisaxarid komplekslari hosil bo'lib, ularning tomirlar devori va stroma asosiy muddasida to'planib borishi.

Amiloidozda hosil bo'ladigan oqsilpolisaxarid komplekslari tarkibiga normada uchramaydigan anomal fibrillyar oqsil kiradi.

## MUKOID BO'KISH

*Mukoid bo'kish biriktiruvchi to'qima tuzilishining yuzaki aynashi, mezenximal disproteinozning boshlang'ich va qaytar bosqichi bo'lib hisoblanadi.*

Mukoid bo'kish aslida «prokollagen — kollastromin» kompleksining yengil darajada o'zgarib, toluidin ko'ki bilan o'ziga xos reaktsiyalarni beradigan xondriotsulfat va gialuronat kislotalari (glikozaminglikanlar) ajralib chiqishidan iboratdir. Sezilarli darajada gidrofil xossalarga ega bo'lgan ana shu glikozaminglikanlar to'qima va tomirlar otkazuvchanligi kuchayib ketishiga sabab bo'ladi. Tomirlar otkazuvchanligining kuchayishi o'z navbatida qondan plazma oqsillari ajralib chiqishiga olib keladi.

**Patologik anatomiysi.** O'zgarishlar asosiy modda va kollagen tolalarida kuzatiladi. Oddiy ko'z bilan qarab ko'riganida mukoid bo'kishni bilib bo'lmaydi. Mikroskop bilan tekshirilganida kollagen tolalar hajmi kattalashib, ularning bo'rtib, shishib turgani, fibrillar tolalar bir-biridan ajralib qolgani, dumaloq hujayrali infiltratsiya bo'lishi xarakterlidir. Toluidin ko'ki bilan bo'yab ko'riganida hujayralararo moddada har xil darajada metaxromaziya borligi, ya'ni ko'k rang orniga och binafsha-pushti tusli joylar paydo bo'lgani topiladi. Bunday joylarda dumaloq hujayrali infiltratsiya borligini ko'rish mumkin.

Oqibati. Mukoid bo'kish fibrinoid bo'kishga aylanib ketishi, o'sha joyda gialinnoz boshlanib, biriktiruvchi to'qima qatlamlari dag'allashib, zichlashib qolishi mumkin. Mukoid bo'kishning hujayradan tashqaridagi shilimshiq distrofiyaga aylanib ketgani tasvirlangan.

## FIBRINOID BO'KISH

*Fibrinoid bo'kish biriktiruvchi to'qima tuzilishining birmuncha chuqur darajada aynashidir. Unga to'qima asosiy muddasi va tolalarining aynashi va shu bilan*

*birga bularda immun komplekslar to'planib qolishi sabab bo'ladi. Fibrinoid bo'kishi tarqalib ketgan va tabiatan mahalliy bo'lishi mumkin. Faqat mikroskop bilan tekshirilganida, ko'pincha arteriya va arteriolalar devorida kuzatiladi (13-rasm).*

**Patogenezi.** Fibrinoid bo'kish boshlanishi asosan: 1) glikozaminglikanlar depolimerlanish jarayonining birmuncha kuchayishiga, 2) tomirlar o'tkazuvchanligining birmuncha chuqur o'zgarishiga, 3) tomirlar devoriga albumin va globulinlarga emas, balki plazma fibrinogeni ham shimilib ketishiga bog'liq. Modomiki shunday ekan, fibrinoid murakkab modda bo'lib, uning tarkibiga parchalanayotgan asosiy modda kollagen tolalarining oqsillari va polisaxaridlari, plazma oqsillari kiradi. Bunda kimyoviy jihatdan faol bo'lgan xondroitinsulfat-kislota fibrinogenni adsorblashi tufayli biriktiruvchi to'qima tolalari fibrin xususiyatiga ega bo'lib qoladi.

**Patologik anatomiysi.** Kollagen tolalar dastalari fibrin xossalariiga ega bo'lib, gomogen holga keladi, pikrofuksin bilan sariq rangga bo'yaladi. Fibrinoid nekroz boshlanganida biriktiruvchi to'qima tuzilishi butunlay aynab, kollagen, asosiy modda, plazma oqsillari, jumladan fibrinogenning parchalanish mahsulotlaridan iborat amorf detrit hosil bo'ladi.



13-rasm. Mayda tomirlar devorining o'tkir fibrinoid nekrozi, immunokompleks vaskulit mahalida.

**Oqibati.** Fibrinoid bo'kishda zararlangan to'qimaning qaytmas skleroz va gialinozga uchrashi, organ funktsiyasi izdan chiqishi yoki to'xtab qolishi bilan davom etadigan fibrinoid nekroz kuzatilishi mumkin. Masalan, ko'chirib o'tqazilgan buyrak koptokchalarining fibrinoid nekrozi ko'chirib o'tqazilgan shu buyrakning butunlay ishlamay qolib, keyinchalik tushib ketishiga olib keladi.

## GIALINOZ

*Gialinoz biriktiruvchi to'qimada va tomirlar devorida pushti raneli shishasimon qattiqqina gomogen modda to'planib qolishidir. Gialin o'zining qattiqligi,*

zichligi jihatidan gialin tog'ayga o'xshash bo'lib, kislota va ishqorlar ta'siriga chidamlidir. Tomirlar, bronxlarning argirofil chegara membranalari, kollagen tolalar, fibrin, birkirtuvchi to'qimaning asosiy moddasi gialinoza (gialinli degeneratsiyaga) uchrashi mumkin.

Immunogistokimyoviy usullar bilan tekshirishda aniqlanganidek, gialin tarkibiga fibrin, plazma oqsillari, immunoglobulinlar, komplementlarning tarkibiy qismlari, shuningdek lipidlar kirishi mumkin. Uning tuzilishi qanday sababdan paydo bo'lgani hamda qanday mexanizm bilan yuzaga kelganiga qarab o'zgara oladi.

**Patogenezi.** Inson patologiyasida tomirlar, ayniqsa arterial sistema tomirlarining gialinozi hammadan katta ahamiyatga ega. Gialinoz boshlanishi mexanizmi asosida quyidagi omillar yotadi: 1) argirofil membranalar, endoteliyi va silliq muskul hujayralarining zararlanishi, 2) tomirlar devorining plazma oqsillari uchun o'ta o'tkazuvchan bo'lib qolishi, bu narsa plazmorragiyaga olib boradi, 3) tomirlar devoridagi tolali tuzilmalarning fizik-kimyoviy o'zgarishlari, 4) o'zgarib qolgan tolali tuzilmalarga plazma oqsillari adsorblanib, keyinchalik fibrillyar oqsil — gialin hosil bo'lishi va cho'kib tushishi. Tomirlar devoriga plazma shimilib o'tgan sharoitlarda argirofil elastik tolalar halokatga uchrab, bir jinsli strukturasiz massaga aylanib qoladi.

**Patologik anatomiysi.** Gialinozga uchragan tomirlar mikroskop bilan tekshirib ko'riganida yo'li torayib qolganligi bilan ajralib turadi. Ularning devorlari qalinlashib, bir tekis pushti rangga kirgan bo'ladi. Gialinoz endigina boshlanib kelayotgan davrda subendotelial bo'shliqda gialin topiladi, keyinchalik elastik membrana yemirilib ketadi.

Gialinozga asosan aksari buyrak (14-rasm), bosh miya, ko'z to'r pardasi, me'da osti bezi, badan terisining mayda arteriyalari va arteriolalari uchraydi. Bu jarayon tabiatan tarqoq bo'lishi ham mumkin. Arteriolalarning shu tariqa sistema doirasida gialinoz bilan zararlanishi ko'pincha gipertoniya kasalligi, diabet mahalida (diabetik mikroangiopatiya), immunitet o'zgarishiga aloqador kasalliklarda kuzatiladi.


Tomirlar gialini tabiatan gematogen moddadir. Kimyoviy tuzilishiga qarab tomirlar gialinining uch turi tafovut qilinadi (V. V. Serov, 1993 y.):

1) o'zgarmagan yoki kam o'zgargan plazma oqsillari insudatsiyasi tufayli paydo bo'ladigan oddiy gialin (xavfsiz bo'lib o'tadigan gipertoniya kasalligida uchraydi);

2) tarkibida lipidlar va beta lipoproteidlar bo'ladigan lipogialin (qandli diabetda uchraydi).

3) immun komplekslar, fibrin va tomir devoridagi yemirilib kelayotgan tuzilmalardan iborat murakkab gialin (tabiatan immunitetga bog'liq bo'lgan kasalliklar, masalan, vaskulit va sistema qizil yugirigi uchun xosdir).

Biriktiruvchi toqima gialinozi, kollagen tuzilishining o'zgarishi oqibatida boshlanadigan fibrinoid bo'kish natijasida ro'y beradi, bunda toqima o'tkazuvchanligi kuchayib, plazmorragiya boshlanadi va toqimaga plazma oqsillari bilan polisaxaridlar singib boradi. Bu gialinoz tabiatan butun sistemaga tarqalgan va mahalliy bo'lishi mumkin. *Sistemaga tarqalgan biriktiruvchi toqima* gialinozi gipertoniya kasalligi, diabetda (diabetik mikroangiopatiya), shuningdek immun mexanizmlarga aloqador kasalliklarda, masalan, sklerodermiya, sistema qizil yugirigi va boshqalarda hammadan ko'ra ko'proq uchraydi. *Mahalliy gialinoz* surunkali yallig'lanish, fibrinoid nekroz va skleroz o'choqlarida paydo bo'ladi. Masalan, u keloid chandiqlar (15-rasm), seroz bo'shliqlarning fibrinoz bitishmalarida, ateroskleroz mahalida, tromb uyushib borayotgan paytda tomirlar devorida, osmalar stromasida paydo bo'lishi mumkin.



14-rasm. Buyrak koptokchalarining gialinozi.

Makroskopik tekshirishda gialin keloid chandiqlarda, yurak klapanlari tabaqalaridagi bitishmalarda ancha qattiq tuzilma tariqasida ko'zga tashlanadi, organlarning pardalarida ham topilishi mumkin. Masalan, jigar va taloq kapsulasida nemis patologlari iborasi bilan aytganda, qandolat mahsulotlari ustiga sepiladigan va oqsilga qand qo'shib qorib qotirilgan quyuq eritmaga o'xshab ketadigan «yaltiroq po'st» ko'rinishida ko'zga tashlanadi (16-rasm). Mikroskopik tekshirishda biriktiruvchi toqimalarda tolali tuzilmalarning bo'kib shishib qolganligi qayd qilinadi. Bu tuzilmalar fibrillar tuzilishini yo'qotib qo'yadi. Ular bir-biriga qo'shilib, gialin tog'ayga o'xshab ketadigan bir jinsli qattiqqina toqimani hosil qiladi.

**Oqibati.** Kamdan-kam hollarda chandiqlardagi gialin so'rilib ketishi va shilimshiqsimon moddaga aylanishi mumkin, lekin gialinoz aksari qaytmas jarayon bo'ladi. Gialinozning funktsional ahamiyati uning qayerda paydo bo'lgani va nechog'lik tarqalganiga bog'liq. Chunonchi, badan terisi chandig'idagi gialin

noz terining funksional holatiga ta'sir etmasligi mumkin, lekin plevra bo'shlig'i bitishmalaridagi gialinoz esa nafas yetishmovchiligiga sabab bo'lishi mumkin. Ichak bitishmalarida gialinoz paydo bo'lgan mahallarda ichak tutilishi hodisalari ro'y bergenligi tasvirlangan.



15-rasm. Gialinozga uchragan teri chandig'i.

Gipertoniya kasalligi mahalida arteriolalarda paydo bo'lgan tarqoq gialinoz organlarda sezilarli darajadagi struktura o'zgarishlariga olib kelib, shu organlar funksional faoliyatini izdan chiqarib qo'yishi mumkin. Masalan, buyrak tomirlari gialinozi birlamchi tartibda buyrak burishuviga sabab bo'lib, surunkali buyrak yetishmovchiligiga olib keladi.



16-rasm. Gialinozga uchragan taloq kapsulasi (sirlangan taloq).

Jigar hujayralari gialin bilan bosilib qolganida shu hujayralar atrofiyasiga uchrab, ularning funksional faolligi susayib ketadi. Revmatizmda esa, masalan, yurak klapanlari gialinozi uchrashi mumkin, bunda shu klapanlar qattiqlashib, qalin, kamharakat bo'lib qoladi va yurak kameralari orasidagi teshikni yaxshi yopa olmaydi yoki ocha olmaydi. Yurak porogi, ya'ni nuqsoniga asosan klapanlarning ana shunday o'zgarishlari sabab bo'ladi.

## AMILODOZ

**Amiloidoz** (yunoncha amylium kraxmal, degan so'zdan olingan) *eng og'ir Stroma-tomir distrofiyasi jumlsiga kiradi va oqsillar almashinuvining ko'p darajada buzilishi bilan birga davom etib boradi.*

Amiloidozni bitta kasallik deb hisoblab bo'lmaydi. To'g'rirog'i, u kasalliklar ning butun bir guruhidirki, ularning umumi y xususiyati quyidagilardan iborat: 1) tabiatи murakkab bo'lgan odatdan tashqari oqsil (amiloid) sintezlanishi; 2) oqsil va polisaxaridlardan iborat ana shu murakkab muddanoring hujayralararo to'qimada tolasimon tuzilmalar bo'ylab va har xil kalibrli tomirlar devorlarida to'planib borishi. Asosan amiloidozga aloqador bo'lgan kasalliklar etiologiyasi, avj olish mexanizmi, amiloidning kimyoviy tarkibi, jarayon ro'y beradigan joyi jihatidan bir-biridan farq qiladi.

**Amiloidning fizik xossalari.** Amiloid ancha qattiq tuzilma bo'lib, chirish hodisasiga berilmaydi va kuchli kislota hamda ishqorlar ta'siriga uncha kor qilmaydi.

Elektron mikroskop bilan tekshirilganida amiloid uzunligi 7, 5 nm dan 10 nm gacha boradigan, tarmoqlanadigan ipchalar shaklida ko'zga tashlanadi. Bular bir-biridan alohida bo'lib joylashishi, dasta-dasta bo'lib turishi yoki to'r hosil qilishi mumkin.

Rentgenstruktura tahlili va spektroskopiyada fibrillalarning faqat amiloid uchun xarakterli bo'lgan o'ziga xos shakli ko'zga tashlanadi, uning mana shunday shakli adabiyotda «beta-qatlangan shakl» deb yuritiladi. Amiloid fibrillalarning xuddi ana shunday shakli amiloidning xarakterli tarzda bo'yalishiga sabab bo'ladi va uning optik xossalarni (dixroizm va anizotropiyani) keltirib chiqaradi.

**Amiloidning kimyoviy tabiatи.** Morfologik jihatdan olganda amiloid tayinli bir tuzilishi bo'lмаган bir jinsli modda ko'rinishida ko'zga tashlanadi. Bi-roq, o'zining kimyoviy tuzilishi jihatidan bir-biridan farq qiladigan har xildagi amiloidlar bor. Hozir amiloidning ikkita asosiy sinfi ajratilgan.

*Birinchi sinfiga* tarkibida yengil immunoglobulin zanjiri bo'ladigan amiloid kiradi. Uni A amiloid deb aytildi (A — amiloid — yengil zanjir).

*Ikkinci sinfiga* tarkibida immunoglobulinlar bo'lmaydigan amiloid kiradi (AA-amiloid).

Bu oqsillar o'zlarining antigen xossalari jihatidan bir-biridan farq qiladi va asosan, shuning uchun ham amiloidozning klinik ko'rinishlari har xil bo'ladi. Amiloid fibrillar oqsillari immunoglobulinlarining hosil bo'lishida yengil zanjirlar yoki shu yengil zanjirlarning N-uchidagi tarkibiy qismlari ishtirok etadi. Amiloid tarkibiga kiradigan yengil immunoglobulinlar zanjirlarining ikki turi  $\lambda$  va K zanjirlar tasvirlangan. AA-amiloid hosil bo'lishini boshlab beradigan  $\lambda$ -yengil zanjirlar hammdan ko'ra ko'proq uchraydi.  $\lambda$ -yengil zanjirlarning proteolitik fermentlar ta'sirida hazm bo'lib, fibrillyar presipitat hosil qilishi aniqlangan. Bu zanjirlar amiloid uchun tipik bo'lgan strukturaga egadir. A amiloid pro-

teini immunoglobulinlar hosil qiluvchi hujayralar tomonidan ishlanib chiqadi va plazmohujayrali diskraziyaga bog'liq bo'ladi.

AA-amiloid tarkibida immunoglobulinlar yo'q. Uning AA fibrillalari SAA deb belgilanadigan va katta zichlikdagi lipoproteidlarning oqsilli qismini (apo-proteinni) tashkil etadigan zardob oqsilidan hosil bo'ladi. O'tkir yallig'lanish ma-halida SAA tez reaktsiyaga kirishib, uning qondagi konsentratsiyasi yallig'lanish jarayoni boshlangan vaqtidan hisoblanganda 24 soat ichida keskin (1000 baravar) ortib ketadi.

AA-oqsil surunkali yallig'lanish jarayonlarida to'planib boradigan amiloid-ning asosiy tarkibiy qismidir.

Amiloidda o'zining biokimiyoviy xossalari jihatidan farq qiladigan boshqa oqsillar ham topiladi.

1) Transtiretin—plazma oqsili, tiroksin va retinolni biriktirib olib, bir joydan boshqa joyga tashib beradi. Transtiretinning mutant shakli keksalik amiloidozi bilan amiloidozning neyropatik irsiy xildagi amiloidda topiladi; 2)  $\beta$ 2 mikro-globulin — gistogramig'ishuvchanlik bosh kompleksi I sinf molekulalari va normada uchraydigan plazma oqsilining bir qismi. Uzoq gemodializ qilingan kasallarda asorat sifatida boshlanadigan amiloidozda amiloid fibrillalar ko'rinishida topiladi; 3)  $\beta$ 2-amiloid oqsili — Alsgeymer kasalligida serebral pilakchalarning orta qismida va tomirlar devorida uchraydigan oqsil; 4) amiloid prekursorlari tariqa-sida prokalsitonin, proinsulin, keratin tasvirlangan.

Etiologiyasi. Amiloidoz etiologiyasi har xil bo'lib, hali oxirigacha aniqlangan emas. Hozir amiloidozga quyidagilar asosiy sabab bo'lishi mumkin deb hisob-lanadi:

- 1) fibrillar oqsilning sintezida irsiy nuqson borligi;
- 2) yiringli destruktiv jarayonlar bilan o'tadigan surunkali infeksiyalar (sil, bronxoektatik kasallik, osteomielite);
- 3) moddalar almashinuvida odamning yoshiga qarab bo'ladigan o'zgarishlar;
- 4) immunositlar diskraziyasi ( $\beta$ -hujayralar o'smasida kuzatiladigan hujayra diskraziyasi), mieloma kasalligi, nodular limfoma, immunoblastik limfade-nopatiya.

Patogenezi. Amiloidoz paydo bo'lib borishining mexanizmi murakkab bo'lib, uning turli formalarida bir xil emas. Surunkali yallig'lanishga aloqador destruktiv jarayon tufayli boshlanadigan amiloidozda qon zardobida SAA miqdori ko'payib ketadi. Bu oqsil hepatotsitlarda interleykin-1 va interleykin 6 ta'siri ostida sinte-zlanadi. Biroq qonda SAA miqdori ko'payishining o'zi amiloid to'planib borishi uchun, aftidan, kifoya emas. Odadta kelib chiqishi jihatidan monotsitlarga alo-qador bo'lgan fermentlar ta'siri tufayli SAA eruvchan oxirgi mahsulotlarga parchalanadi deb taxmin qilinadi. Demak, shu fermentlarda yetishmovchilik bo'lishi SAA ning chala parchalanishiga sabab bo'ladiki, bu narsa erimaydigan AA molekulalari hosil bo'lishiga yo'l ochadi.

B-hujayralar diskraziyasi bilan birikkan amiloidozda amiloid materiali yengil immunoglobulin zanjirlarining proteolizi mahalida hosil bo'ladi. Keksalikka aloqador amiloidoz patogenezida, aftidan, moddalar almashinuvining involyutiv o'zgarishlari ahamiyatga ega.

Amiloid ishlab chiqargan hujayralar amiloidoblastlar deb ataladi. Juda har xil hujayralar — makrofaglar, plazmatik hujayralar va mieloma hujayralari ana shunday hujayralarga aylanib qolishi mumkin deb hisoblanadi. Kardiomiotsitlar (yurak amiloidozida), tomirlarning silliq muskul hujayralari (aorta amiloidozida), keratinositlar (badan terisi amiloidozida), me'da osti bezi  $\beta$ -hujayralari (insular amiloidozda), hepatotsitlar (jigar amiloidozida), qalqonsimon bez hujayralari (qalqonsimon bez medulyar raki amiloidozida) ham amiloidoblastlarga aylanib qolishi mumkin.

Mutatsion nazariyaga muvofiq (V. V. Serov, I. A. Shamov, 1977), amiloidoblastlar klonining paydo bo'lishi uzoq davom etadigan antigenlar ta'sirida, o'sma mutagenlarining ta'sirida yuzaga keluvchi mutatsiyaga bog'liqdir. Amiloid fibrillar oqsillarining antigeni immunogenlik jihatidan sust bo'lishi bilan ajralib turadi, shu munosabat bilan immunokompetent sistema mutatsiyalanib kelayotgan hujayralarni taniy olmaydi va ularni ajratib qo'ymaydi. Amiloid oqsillariga nisbatan yuzaga keladigan immunologik tolerantlik amiloidoz zo'rayib borishiga olib keladi.

Tasnifi. Amiloidoz har xil mexanizmlar bilan avj olib boradigan va klinik ko'rinishlari ham har xil o'tadigan kompleks kasallik bo'lganligidan, uning tasnifi ham har xil. Biz keltirib o'tadigan tasnifimiz amiloidozning klinik ko'rinishlariiga, ko'proq qaerlarda uchrashiga, amiloidning kimyoiy tuzilishi va amiloidozga sabab bo'lувchi omillarning xiliga (etiologiyasiga) asoslangan.

*Amiloidozga olib kela oladigan sabablarga qarab* uning quyidagi turlari tafovut etiladi: 1) birlamchi idiopatik amiloidoz; 2) irsiy (genetik, oilaviy) amiloidoz; 3) ikkilamchi (turmushda orttirilgan) amiloidoz; 4) keksalik amiloidozi.

*Jarayonning nechog'lik tarqalganiga qarab*, amiloidozning quyidagi xillari ajratiladi:

1) *amiloidozning tarqalgan, ya'ni sistemaga aloqador shakli*, bunda ko'pgina organ va to'qimalar shu jarayonga qoshilib ketadi. Plazmatik hujayrali diskraziyaga uchraydigan amiloidoz sistemaga aloqador reaktiv va oilaviy amiloidoz shu jumladandir;

2) *lokal, ya'ni mahalliy amiloidoz*, bunda amiloid o'choqli tarzda to'planib boradi va qanday bo'lmasin biror organda ko'rildi. Keksalarda uchraydigan miya va yurak amiloidozi, o'smasimon lokal amiloidoz ham shunga kiradi.

Organ va sistemalardan qaysi birlari *ko'proq zararlanishiga qarab* amiloidozning quyidagi shakllari ajratiladi: nefropatik, epinefropatik, splenopatik, kardiopatik, neyropatik, hepatopatik amiloidoz, APUD – amiloidoz, aralash amiloidoz.

*Birlamchi (idiopatik) amiloidoz* uchun mezodermal to'qimalar: yurak-tomirlar sistemasi, ko'ndalang-targ'il va silliq muskullar, teri nervlarining tarqoq holda ko'proq zararlanishi xarakterlidir. Amiloidozning bu turida «oldindan bor» yoki yo'lidosh kasallik bo'lmaydi.

*Ikkilamchi amiloidoz* (sistemaga aloqador, reaktiv amiloidoz) tabiatan tarqoq bo'lib, ko'pgina kasalliklarning asorati tariqasida boshlanadi va talaygina organ va to'qimalarni zararlantiradi. Amiloidozning hamidan ko'ra ko'proq uchraydigan bu shaklida zardob oqsili o'tmishdoshi SAA dan hosil bo'luvchi AA-oqsilli amiloid to'planib boradi. Ikkilamchi amiloidoz uzoq cho'zilib, hujayralarning yemirilishi bilan birga davom etib boradigan surunkali yallig'lanish jarayonlari natijasida boshlanadi. Mikroblarga qarshi kimyoterapiya rasm bo'lmasidan ilgari ikkilamchi amiloidozga asosan sil, osteomielit, bronxoektazarlar sabab bo'lar edi. Amiloidoz boshlanishiga moyil qolib qo'yadigan shart-sharoitlar jumlasiga yarali kolit, revmatoid artrit va boshqa autoimmun kasalliklar ham kiradi.

*Irsiy amiloidoz* to'qimalarda tarqoq holda amiloid to'planib borishi bilan ta'riflanadi. Amiloid oqsil fibrillalari AA-oqsildan tuzilgandir. Amiloidning bu xili *O'rta dengiz* mamlakatlari (Ispaniya, Portugaliyada) ko'proq uchraydi. Ko'p uchrab turadigan va asosan buyraklar zararlanishi bilan o'tadigan *O'rta dengiz isitmasi* (davriy kasallik) shu toifa amiloidozga misol bo'lib xizmat qilishi mumkin.

Irsiy amiloidozning boshqa xillari ham ma'lum. Ular kam uchraydi va tabiatan mahalliy bo'ladi. Masalan, isitma chiqishi, badanga eshakem toshishi va qulqoq eshitmaydigan bo'lib qolishi bilan o'tadigan nefropatik amiloidoz (Angliyada tasvirlangan Makkl va Uells formasi) yoki qol' oyoqlarning periferik nervlari zararlanadigan (Amerika, Portugaliyada ko'proq uchraydigan), neyropatik amiloidoz shular jumlasiga kiradi. Daniyaliklarda ko'riladigan kardiopatik amiloidozni ham shu qatorga kiritish mumkin.

*Plazmatik hujayralar diskraziyasiga bog'liq, amiloidoz* (buni ba'zan birlamchi amiloidoz deb aytishadi) tabiatan sistemalarga taalluqli bo'lib, (hujayralarning aberrant klonlari tomonidan ishlab chiqariladigan yengil immunoglobulinlar zanjirlari to'planib borganda kuzatiladi). Amiloidozning bu xili mieloma kasalligida, plazmatik hujayralardan o'sib chiqqan xavfli o'smada uchraydi. Bu kasallik o'smadagi plazmatik hujayralarning proliferatsiyaga uchrab, skelet suyaklari da plazmotsitoma hosil qilishi va suyaklarda osteolitik o'zgarishlar boshlanishi bilan ta'riflanadi. Malignizatsiyaga uchragan plazmatik hujayralar monoklonal bo'ladi va shunga ko'ra mieloma oqsili (M oqsil) hosil qiladigan bir turdag'i immunoglobulinlarni ishlab chiqaradi. Bundan tashqari, plazmotsitlar faqatgina yoki K engil zanjirlarni sintezlab, ajratib chiqarishi mumkin, bu zanjirlar Bens-Jons oqsillari deb ataladi va mieloma kasalligi bilan og'rigan bemorlarning qoni bilan siydigida paydo bo'ladi, ular monokloyal gammamatiyada ham uchraydi.

Monoklonal gammapiatiya bilan og'rigan kasallar qonida 70 foiz hollarda Bens-Jons oqsillari bo'lgan taqdirda ham, amiloidoz hamma vaqt emas, balki atigi 6—15 foiz hollarda paydo bo'ladi. Amiloid hosil bo'lishiga qulaylik tug'diradigan asosiy omil, aftidan, amiloidopotensial yengil zanjirlar sintezlanib, keyinchalik ularning parchalanib borishidir. Qon zardobida Bens-Jons oqsillari topilganida ko'mikda plazmatik hujayralar soni ko'paygan bo'ladi. Monoklonal gammapiatiyada, mieloma kasalligidan farq qilib, skelet suyaklari zararlanmaydi.

Amiloidoz mieloma kasalligi bilan monoklonal gammapiatiyadan tashqari, garchi kamroq hollarda bo'sada, hujayralar neoplazmasiga aloqador boshqa kasallikkarda, makroglobulinemiya, nodulyar limfoma va immunoblastik lim-fadenopatiya kasallikkarda ham uchraydi.

*Mahalliy amiloidoz* klinik ko'rinishlari va amiloidning kimyoiy tuzilishi jihatidan olganda har xil bo'ladi. Amiloidozning bu xilida amiloid turli organ va to'qimalarda (ópka, traxeya shilliq pardasi, halqum, badan terisi, qovuq, ichakda) tugun-tugun tuzilmalar ko'rinishida ko'payib boradi. Ana shu tugunlar atrofida ko'pincha plazmatik hujayralardan iborat infiltratlar topiladi. Ba'zi hollarda amiloid A-oqsildan iborat bo'ladi. Mahalliy amiloidoz ko'z qovoqlari kletchat-kasida ham paydo bo'lishi mumkin, bunda ko'z qovoqlarining ochilib-yumilishi qiyinlashib qoladi. Tilda amiloid paydo bo'lishi makroglossiyaga olib keladi. Ba'zida endokrin sistema o'smalarida, masalan, qalqonsimon bezning medullyar rakida amiloid o'choq tariqasida to'planib boradi. Ayni vaqtida o'smadagi S hujayralar ishlab chiqaradigan gormon — kalsitonin amiloid hosil bo'lishida ishtirot etadi.

Mahalliy amiloidoz odamning qarigan chog'ida amiloidozga yo'l ochadigan alohida kasalliklar bo'lмаган paytlarda ham kuzatilishi mumkin. Bunda ko'pincha aniq-ravshan klinik simptomatika bilan o'tadigan yurak amiloidizi paydo bo'ladi (*keksalikka aloqador amiloidoz*).

**Patologik anatomiyasi.** Amiloidoz juda har xil joylarda paydo bo'la olishi bilan ajralib turadi. Chunonchi, ikkilamchi amiloidozda buyrak, jigar, taloq, limfa tugunlari, buyrak ustı bezlari, qalqonsimon bez jarayonga tortilib ketadi. Plazmatik hujayralar diskraziyasiga aloqador amiloidozda hazm yo'li, nafas yo'llari, periferik asab sistemasi, badan terisi, til ko'proq zararlanadi. Amiloidning muskul-skelet sistemasi va ko'zda to'planib borishi nihoyatda kamdan-kam uchraydigan hodisadir. Oilaviy amiloidozda amiloid nihoyat darajada xilma-xil joylarda topiladi. Chunonchi, O'rta dengiz isitmasida amiloid ancha tarqoq tarzda, jumladan, buyrak, qon tomirlari, taloq, nafas yo'llarida ham to'planib boradi.

**Makroskopik** tekshirishda amiloidozga uchragan organlar bir qadar katalashgan bo'lib chiqadi, ular qattiq, tomirlari bosilib qolganligidan kamyon bo'lib qoladi. Organlarning funktsional faoliyati keskin izdan chiqadi. Kesib ko'rilganida organlar xuddi mum yoki charvi yog'iiga o'xshab ko'zga tashlanadi. Organda amiloid kamroq to'plangan bo'lsa, oddiy ko'z bilan tekshirishda organ

va to'qimalar o'zgarmagan bo'lib chiqadi. Bunday hollarda amiloidozni aniqlash uchun organning kesilgan yuzasiga shisha tayoqcha bilan lyugol eritmasi tushiriladi. Bunda to'qimaning amiloidli joyi qizil-qo'nq'ir rangga bo'yalib qoladi. Makroskopik diagnostika uchun ana shu reaktsiyadan foydalaniлади.

*Mikroskopik* yo'l bilan tekshirib ko'riganida amiloid to'plamlar retikular va kollagen tolalar bo'ylab, ya'ni qon va limfa tomirlari intimasi va adventitsiyasida, organlar stromasida, bez tuzilmalarining o'z pardasida topiladi. Amiloid to'plamlari avvaliga parenximatoz hujayralar orasida to'planib boradi, keyinchalik organlar parenximasini hujayralarini qisib chiqarib, ularning o'rnini egallab oladi.

Kesmalar turli usullar bilan bo'yaganida amiloid to'plamlari o'ziga xos rang oladi. Kesmalar qizil metilbinafsha va gensianbinafsha bilan bo'yab ko'riganida normal to'qima ko'k va binafsharang tusga bo'yalsa, amiloid qizil rangga kiradi. Qizil kongo amiloidni tanlab qizil rangga bo'yaydi, boshqa to'qimalar esa rangsiz bo'lib qolaveradi. Qizil kongo bilan bo'yagan amiloid qutblashtirilgan yorug'likda yashil bo'lib tovlanadi. Amiloidning barcha shakllariga xarakterli bo'lgan mana shu reaktsiya asosida amiloidli fibrillar oqsilning o'ziga xos tuzilishda (qat-qat buklangan beta shaklda) bo'lishi yotadi. Biroq gistologik kesmalarlarda AA va A-amiloidni shu bo'yoq yordamida bir-biridan ajratib olsa bo'ladi. To'qima kesmalari oldin kaliy permanganat eritmasida inkubatsiya qilinadigan bo'lsa, tarkibida AA oqsil bo'ladi amiloid qizil kongo bilan bo'yalish xususiyatini yo'qotib qo'yadi, holbuki, A-oqsil bu xossasini yo'qotmaydi.

Amiloidoz turini aniqlab olishda to'qima kesmalarini turli kimyoviy shakldagi amiloidiga qarshi o'ziga xos zardob bilan bo'yashdan iborat immunoperoksidaza usulidan ham foydalaniлади. Boshqa gistokimyoviy usullar, jumladan bo'yashda metilbinafsha ishlataladigan metaxromaziya va tioflavin T va S bilan amalga oshiriladigan fluoressensiya ham amiloidni aniqlab olish uchun uncha bop emas.

*Buyrak amiloidozi.* Amiloid to'plamlari uncha katta bo'lmaganida buyrak ko'zga go'yo o'zgarmagandek bo'lib ko'rinadi. Birmuncha kattaroq amiloid to'plamlari bor mahalda buyrak kattalashib, tusi oqargan, xira bo'lib ko'zga tashlanadi. Amiloidli buyrakda keyinchalik fibroz to'qima paydo bo'lganida buyrak kichrayib qolishi mumkin (ikkilamchi tartibda bujmaygan buyrak).

*Mikroskop* bilam tekshirib ko'riganida amiloid asosan buyrakning tomirli koptokchalarida topiladi, lekin interstisial to'qimada, kanalchalar atrofi va tomirlar devorida ham bo'lishi mumkin (17-rasm). Glomerulalarda amiloid avvaliga mezangiy matriksida, kapillarlarning bazal membranasida to'planib boradi va bularning qalinlashib qolishiga olib keladi. Jarayon kuchayib boradigan bo'lsa, bu tuzilmalar kapillarlar yo'lini toraytirib qo'yadiki, bu narsa ularning batamom bitib ketishiga sabab bo'lishi mumkin. Natijada glomerulalarning hammasi jumladan qon olib keladigan va olib ketadigan arteriyalari ham amiloid moddasi

bilan butunlay almashinishi mumkin, bu esa buyrak koptokchasingin filtrlash funktsiyasi batamom to'xtab qolishiga olib boradi. Shu bilan birga amiloid mas-salariga lipidlar kelib ham o'tira boshlaydi, natijada faqat amiloid tufayli boshlangan nefroz bu kasallikning oxirgi bosqichiga keyinchalik sklerozga olib boradigan amiloidli poidli nefrozga aylanadi (ikkilamchi tartibda bujmaygan buyrak).

Kanalchalar o'rtasidagi buyrak interstisiysida amiloid to'planib borganida ko'pincha kanalchalar yo'lida, aftidan, oqsil tabiatiga ega bo'lgan tinqinlar ham bir yo'la paydo bo'lib boradi. Mieloma kasalligida bu tinqinlar amiloidiga xos bo'lgan tipik gistokimyoviy reaksiyani beradi, shu narsa ular A-oqsildan tuzilgan deb taxmin qilishga asos boladi. Amiloid har xil diametrali tomirlar devorida to'planib borar ekan, shu tomirlar yo'lining sezilarli darajada torayib qolishiga sabab bo'lishi mumkin. Bu hol buyrakning qon bilan ta'minlanishini izdan chiqarib, keyinchalik fibroz to'qima o'sib ketishiga olib keladi.




17-rasm. Buyrak koptokchalari amilidozi.

*Taloq amilidozi* taloqning bir qadar yoki ancha (200—800 g gacha) kattalashib ketishiga olib boradi. Amiloid faqat taloqning qizil pulpasida yoki pulpa erkin qolib, limfa follikulalarining o'zida to'planishi mumkin. Amiloid qizil pulpaning o'zidagina to'plangan bo'lsa, buni «charvisimon taloq» deb aytildi. Bordi-yu, amiloid follikulalarda bo'lib, pulpa erkin qolgan bo'lsa, u holda buni «sagashimon taloq» deyiladi. Birinchi holda taloq kesib ko'rilganida mumga yoki charviga o'xshab ko'rindi, ikkinchi holda taloqning kesilgan yuzasida qizarib turgan pulpada diametri 1—2 mm keladigan oqish donalar ko'zga tashlanadi

(18-rasm). O'zining tashqi ko'rinishidan bular sago donalariga o'xshab ketadi, «sagasimon taloq» degan nom ham shundan kelib chiqqan.

Jigar amiloidozi jigarning anchagina (900 g gacha) kattalashib ketishi bilan birga davom etadi. Jigar sirdan ham, kesib ko'rilganida ham mumsimon (charvisimon), gungirt-xira bo'lib ko'zga tashlanadi. Gistologik jihatdan olganda amiloidozning boshlang'ich davri Disse bo'shlig'ida amiloid to'planib borishi bilan ta'riflanadi. Bu jarayon zo'rayib borganida jigar sinuslarida ham odatdan tashqari oqsil paydo bo'lib, yon-atrofdagi jigar parenximasiga ham o'tib boradi. Gepatotsitlarning qattiq bo'ladijan amiloid bilan bosilib qolishi ularning atrof-yaga uchrab, halok bo'lib ketishiga, keyin parenximani amiloid massalari bosib ketishiga olib keladi. Bunda jigarning zararlangan qismi o'z funksiyalarini batamom to'xtatib qo'yadi.



18-rasm. Sagasimon taloq.

*Yurak amiloidozi* faqat yurak muskulining o'zida to'plangan amiloid ko'rinishida yoki sistemaga aloqador amiloidozning bir qismi sifatida kuzatilishi mumkin. Sistema organlarining zararlanishi odatda B-hujayralar diskraziyasi bilan bog'liq bo'ladi. Amiloidning faqat yurakda to'planib qolishi aksari keksa kishilarda ko'rildi (senil amiloidoz).

Makroskopik tekshirishda yurakdagi amiloid to'plamlari hamisha ham topilavermaydi. Ba'zan yurak o'lchamlari bir qadar kattalashgan bo'lishi mumkin, xolos. Endokard ostida shudring tomchilariga o'xshab ketadigan to'p-to'p ko'tarmalar paydo bo'lishi yurak amiloidozining eng xarakterli anatomiq belgisi bo'lib hisoblanadi. Bu ko'tarmalar kulrang pushti rangda bo'lishi bilan ajralib turadi.

Gistologik tekshirishda amiloid to'plamlari subendokardial to'plamlardan tashqari aksari miokardda topiladi. Ular muskul tolalari orasida to'planib borib, shu tolalarning atrofiyaga uchrashiga sabab bo'ladi. Amiloid ko'p to'planib qolgan hollarda muskul tolalari halokatga uchrab, ularning soni kamayib ketadi, pirovard-natijada bu narsa miokard o'tkazuvchanligi izdan chiqib, uning qisqa-ruvchanligi aynab qolishiga olib keladi. Tomirlarda va endokard tagida ham amiloid to'planib qolishi mumkin.

Yurak amiloidozida bemorlar o'limining asosiy sababi — yurak yetishmovchiligidir.

*Endokrin bezlar amiloidozi* aksari buyrak usti bezlari, qalqonsimon bezda uchraydi. Endokrin bezlarda amiloid bez stromasi va tomirlar endoteliysi tagida to'plana boshlaydi, so'ngra zo'rayib borib, bezlar parenximatoz hujayralarini ham zararlaydi. Shunisi qiziqliki, amiloid ko'p to'planib qolgan hollarda ham endokrin bezlarning funktsiyalari buzilmay qolaveradi. Masalan, buyrak usti bezlari parenximasi amiloid bilan to'la-to'kis almashinib qolgan taqdirdagina bu bezlar funktsiyasi susayadi, xolos. Buyrak usti bezlari amiloidozi Addison kasalligiga sabab bo'lishi mumkin (gipoadrenalinemiya). Endokrin bezlar amiloidozi tabiatan sistemaga aloqador bo'lishi mumkin.

*Boshqa organlarda* ham amiloid boshlanishi mumkin. Yuqori va pastki nafas yo'llarida, me'da-ichak yo'lining hamma bo'limlarida amiloid to'plamlari uchrab turadi. Bunda o'smasimon massalar hosil bo'ladiki, bularni chin o'smalardan ajratib, farqlab olishga to'g'ri keladi. Tilda amiloid to'planib qolishi tilning kattalashib ketishiga — makroglossiyaga sabab bo'ladi. Me'da-ichak yo'li ko'proq zararlanadigan bo'lishi munosabati bilan milk, ingichka va yo'g'on ichak biopsiyalari amiloidoz diagnostikasida yordam berishi mumkin. Badan terisi, ko'zlar, nerv sistemasi ham zararlanadi. Amiloidning periferik nerv sistemasida ham to'planib borishi amiloidozning irlsyi shakli bo'lishi mumkinligidan dalolat beradi. Yuqorida ko'rsatib o'tilganidek, arteriya va arteriolalar devorlarida amiloid to'plamlarini topish mumkin.

Amiloidozning klinik manzarasi qaysi organning zararlanganiga (amiloidozning olgan joyiga) va qanchalik zararlanganiga bog'liq. Darmonsizlik, tez charchab qolish, ozish singari biror tayinli kasallikkha xos bo'lmagan shikoyatlar amiloidozning ilk belgilari bo'lib hisoblanadi. Keyinchalik amiloidoz buyrak yetishmovchiligi, hepatomegaliya, splenomegaliya bilan yoki yurak faoliyatining izdan chiqishi bilan namoyon bo'lishi mumkin. Ikkilamchi amiloidozda kasallikning asosiy belgilari buyraklar zararlanib, sezilarli nefrotik sindrom paydo bo'lishi bilan ta'riflanadi.

Faqat yurakda paydo bo'ladigan amiloidoz aksari 80 yoki 90 yoshli keksa kishilarda kuzatiladi. Intrakardial amiloid to'plamlari yurak o'tkazuvchanligi izdan chiqishiga yoki ro'yি-rost kardiomiopatiya paydo bo'lishiiga olib keladi. Yurak amiloidozida o'limga olib boradigan asosiy sabab — yurak aritmiyasidir.

Eng ishonchli diagnostik mezon biopsiya olib, kesmalarni qizil kongo bilan bo'yashdir. Odatda, biopsiya amiloid distrofiyasi bor deb taxmin qilinayotgan organdan olinadi. Masalan, buyrak funktsiyasi izdan chiqqan hollarda (buyrak yetishmovchiligidagi) buyrakdan biopsiya olinadi. Tarqoq amiloidozda tog'ri ichak va milk biopsiyalari ijobjiy natija beradi. Immunotsitlarga aloqador amiloidozda zardob oqsillari va siyidikni elektroforez va immunoelektroforezdan o'tkazish usullarini qo'llash mumkin. Bunday hollarda skelet suyaklari mieloma bilan zararlanmagan bo'sha ham ko'mikda plazmotsitoz topiladi.

Kasallikning oqibati tarqoq amiloidozga uchragan bemorlar uchun yomon. Bunday odamlar diagnoz aniqlangan paytdan hisoblaganda bir yildan to uch yilgacha umr ko'radi.

### **YOG' DISTROFIYALARI (LIPIDOZLAR)**

Mezenximal yog' distrofiyalari (lipidozlar) neytral yog'lar, xolesterin va uning efirlari almashinuvining izdan chiqishiga bog'liqidir. Neytral yog'lar juda tez sarflanadigan bo'lishi bilan ajralib turadi va organizmning energetik ehtiyojlarini qondirib boradi. Ular yog' depolarining asosiy qismini tashkil etadi (yog' kletchatkasi, charvi).

### **NEYTRAL YOG'LAR ALMASHINUVINING BUZILISHI**

Neytral yog'lar almashinuvining buzilishi yog to'qimasidagi ular miqdoring ortib ketishi (semirish, yog' bosishi) yoki, aksincha, kamayib qolishi (ozish) bilan namoyon bo'ladi. Yog' bosishi odamning umuman semirib ketishi yoki har joy, har joyiga yog' to'planishi (lipomatoz) bilan ifodalanishi mumkin.

*Semirish (yog' bosishi).* Umuman neytral yoglar almashinuvni buzilishining bir ko'rinishi sifatidagi semizlik, teri osti kletchatkasi, charvi, ichaktutqich, ko'ks oralig'i, epikardda, ya'ni normada ham neytral yog'lar bo'ladi joylarda bir tala-yog' to'planib borishi bilan namoyon bo'ladi. Bunday tashqari, neytral yog'lar normada uchramaydigan joylarda ham paydo bo'ladi.

**Etiologiyasi.** Semirish sabablari juda har xil. Odamning semirib ketishida endokrin bezlarda boshlanadigan patologik jarayonlar juda katta rol o'ynaydi. Bunday semizlikning fiziologik timsoli klimakterik yoki laktasion semizlidir (ayniqsa ko'p tuqqan ayollarda). Gipofiz o'smalari paytida Isenko-Kushing sindromi, erkaklarning xuddi ayollarga xos tarzda semirib ketishi bilan davom etadigan adipozogenital sindrom (Babinskiy—Frelix sindromi) paydo bo'ladi. Bichilganlik holati yoki evnuxoidizmda odamning semirib ketishi androgenlar yetishmasligiga bog'liqidir. Semirishni keltirib chiqaradigan sabablar orasida ko'p ovqat yeyish, kasbga aloqador omillar (oshpazlar, qandolatchilar ning semirishi), ko'p o'tirib hayot kechirish, ichkilikka ruju qo'yish singari maishiy sabablarni aytib o'tish kerak. Irsiy omillarga aloqador bo'lgan semizlik hollari ham tasvirlangan, masalan, Girke kasalligi shular jumlasidandir.

Yog' kletchatkasi nerv oxirlariga ayniqsa boy bo'ladi va shu munosabat bilan nerv impulslari mana shu kattakon yog' deposidagi yog' miqdoriga ta'sir o'tkazib turadi. Masalan, odam goho o'z-o'zidan shod bo'lib, keyin esa ma'yus tortib yurishi bilan ta'riflanadigan manikal depressiv psixoz singari ruhiy kasalliklar odamning dam juda ozib-to'zib ketishi, dam, aksincha, semirib qolishi bilan ajralib turadi. Charvi va qorinning oldingi devorida ortiqcha yog' to'planishi bilan aloqador bo'lgan soxta homiladorlik singari qiziq bir hodisa odam ruhiy ahvolining yog'lar almashinuviga qanday ta'sir ko'rsatishini ochiq-oydin namoyish qiladi. Miya yarim sharlaridan birida o'sma paydo bo'lgan mahalda tanning bir yarmi semirib ketgan hollar tasvirlangan.

Demak etiologik omillarning xiliga qarab semizlikning quyidagi shakllarini ajratsa bo'ladi: *almashinuv-alimentar* sabablarga bog'liq semizlik, *endokrin, serebral* semizlik va irlsiy shakldagi semizlik.

**Patogenezi.** Hujayradagi lipogenez va lipoliz hodisalari o'rtaсидаги muvozanatning buzilishi semirish mexanizmida muhim ahamiyatga ega. Semirishning patogenezida gormonal yo'l bilan boshqarishning izdan chiqishi, ichak va jigmoidi yog'lar almashinuvining holati muhim ahamiyatga ega.



19-rasm. Yog' bosishining bir tekis xili.

Yog'lar almashinuvini idora etuvchi muhim organ jigardir. Jigarda glikogen kam bo'lsa, jigar o'zida to'planib turgan yog'larni safarbar etadi. Shu sababdan ko'pincha uglevodlarga boy ovqatlar bilan ovqatlanish va jigarda ortiqcha glikogen sintezlanishi odamning semirib ketishiga olib keladi. Semizlik paydo bo'lishida me'da osti bezi ham muhim o'r'in tutadi, shuningdek iste'mol qilinadigan ovqatning tabiatni, bu ovqatdagi lipotrop deb atalmish moddaning miqdori ham ahamiyatga ega. Yog' kletchatkasining miqdori iste'mol qilinadigan oziq moddalar bilan sarflanadigan energiya o'rtaсидаги muayyan muvozanatga

bog'liq, odamning jismoniy jihatdan yetarlicha mashq qilib turishi ham bunda o'z ifodasini topadi.

**Patologik anatomiysi.** Semizlik har xil bo'ladi, bu asosan etiologik omilga bog'liq. Chunonchi, Isenko — Kushing sindromida odamning yuzi, gavdasi semirib, to'lishib ketadi (semirishning ustki xili). Alimentar semizlikda yog' odam tanasining turli qismalarida bir tekis to'planib boradi (19-rasm). Semizlikning pastki xili ham tasvirlangan, bunda odamning sonlari bilan boldirlarida yog' to'planadi. Semizlikning o'rta xilida yog' qorinning teri osti kletchatkasida xuddi fartukka o'xshab to'planib turadi.

Patologiyada semizlikning darajasi, ya'nı odam tanasining o'rtamiyona deb hisoblanadigan vaznidan nechog'lik ko'p ortib ketganligi katta ahamiyatga ega. Ana shu mezonga ko'ra semizlikning to'rt darajasi ajratiladi. I darajadagi semizlikda tana vaznining ortiqchasi 20—29, II darajali semizlikda 30—49, III darajali semizlikda 50—99, IV darajali semizlikda 100 va bundan ko'ra ko'proq foizni tashkil etadi.

Umumiy semizlikda *yurakning yog' bosishi* klinik jihatdan katta ahamiyatga ega. Bunda epikardda yog' kletchatkasi keskin ko'payib ketadi («*yurakning oddiy yog' bosishi*»). Yurakning oddiy yog' bosishi hollarida yurak yog' kletchatkasi dan iborat g'ilof bilan o'ralib turgandek bo'lib qoladi (20-rasm). Normada yog' kletchatkasi yurak tomirlari o'tadigan egatchalar ichida, goho o'ng qorinchaning oldingi yuzasida bo'ladi, xolos. O'ng va chap qorinchaning orqa yuzasi, shuningdek chap qorinchaning oldingi yuzasi yog' kletchatkasidan holi bo'ladi. Umumiy semizlikda yurakning hamma qismalari yog' kletchatkasi bilan to'lib, yurakning og'irligi ortib borishi mumkin, biroq bunda yurakning og'irligi ishlovchi muskullar hisobiga ortmasdan, balki yog' to'qimasi ko'payishi hisobiga ortib boradi (*yurakning soxta gipertrofiyasi*). O'ng qorincha muskullari tutamlarining o'rtasida yog' kletchatkasi qatlamlari paydo bo'ladi, muskul tolalari atrofiyaga uchrab (21-rasm), miokard odatdagidek yaxshi qisqara olmaydigan bo'lib qoladi. Qon aylanishi yomonlashadi, buning ustiga ko'krak qafasining pastki kovak venadan o'tayotgan qonni so'rib olish xususiyati kamayib ketadi, bu diafragma ekskursiyasi cheklanganiga bog'liq bo'ladi. Oyoqning mayda venalarida, chanoq venalarida tromboz paydo bo'lishiga qulaylik tug'diradigan sharoit yuzaga keladi, moddalar almashinuvining umuman o'zgarishi, qon tarkibidagi o'zgarishlar ana shunga olib keladi.


Mikroskopik tekshirish o'tkazib ko'riganida yog' to'qimasida yog' hujayralari (adipozotsitlar) ning soni ko'payib, kattalashib qolganligi ma'lum bo'ladi. Bunda to'qimada *gipertrofik yoki giperplastik jarayon* ustun turgan bo'lishi mumkin. Yog' hujayrasining o'lchamlari kattalashib borganida (*gipertrofik xili*) ulardagи triglitseridlar miqdori ortib boradi. Gipertrofiyalangan ana shu adipozotsitlar insulinga kam sezgir bo'lgani holda lipolitik gormonlarga yuksak darajada sezgir bo'ladi. Semizlikning gipertrofik xili yomon oqibatlarga olib borishi bilan ajralib turadi. Semizlikning *giperplastik xilida* adipozotsitlar sonining ortib borishi ular

funktsional holati va metabolizmining izdan chiqishi bilan birga davom etmaydi. Semizlikning bu xili yomon oqibatlarga olib bormaydi.

Umumiy semizlikning ahamiyati organlar funktsional holatiga, uning qanday ta'sir o'tkazishiga bog'liq. Chunonchi, semiz kishilarda qorin bo'shlig'ida yog' kletchatkasi to'planib qolganligidan diafragma ekskursiyasi susayib qoladi. Shu munosabat bilan o'pka havo bilan yetarlicha to'lishmaydi, alveolalarda kislorod parsial bosimi pasayib ketadi, natijada o'pka arteriolalaridagi pertonus yuzaga keladi (Yeyler refleksi). Bu kichik qon aylanish doirasida gipertoniya boshlanishiga (bosim ko'tarilib ketishiga) olib boradi. Mana shuning uchun ham semiz odamlar salga hansirab qoladi va hatto yuragini o'ng qorinchasi gipertrofiyalanadi. Yurakning ishemik kasalliklari, osteoartritlar, gipertenziya va diabet rivojlanishida semirish jiddiy xavfli omil bo'lib hisoblanadi.



20-Rasm. Yurakning oddiy yog' bosishi:  
1-ustki kovak vena; 2-aorta; 3-chap bo'lma qulog'i;  
4-o'ng bo'lma qulog'i; 5-yog' to'qimasi.



21-rasm. Atrofiyaga uchragan yurak muskul tolalari  
orasidagi yog' kletchatkasi qatlamlari:  
1 — muskul tolalari; 2 — yog' to'qimasi.

Odamning har xil sabablarga ko'ra (gipofizga aloqador sabablar, o'sma paydo bo'lgani tufayli) juda ozib, *cho'pustixon bo'lib* ketishi, ya'ni kaxeksiya holatiga tushib qolishi asosan neytral yog'lar miqdorining kamayib ketishiga bog'liq.

*Neytral yog'larning har yer, har yerida to'planib qolishi lipomatozlar* deb ataladi. Bunday hodisalar orasida xuddi lipomalarga o'xshab ketadigan, bezillab turadigan, tugun-tugun yog' to'plamlari paydo bo'lishi bilan ta'riflanadigan Derkum kasalligi hammadan katta ahamiyatga ega. Bu xildagi yog' to'plamlari qo'l-oyoq hamda gavda, teri osti kletchatkasida joylashgan bo'ladi. Bu kasallikning asosida poliglandular endokrinopatiya yotadi.

## XOLESTERIN VA EFIRLARI ALMASHINUVINING BUZILISHI

**Xolesterin va efirlari almashinuvining buzilishi** asosan tomirlar patologiyasiga sabab bo'ladi (*Aterosklerozga qaralsin*).

## STROMA-TOMIRLARDAGI UGLEVOD DISTROFIYALARI SHILIMSHIQ DISTROFIYA

Distrofiyalarning bu xili biriktiruvchi to'qima, tog'ay to'qimasida ko'rilibadi va glikozaminglikanlar bilan glikoproteidlar almashinuvining izdan chiqishiga bog'liq bo'ladi. Bunda biriktiruvchi to'qimada, mutsin (shilimshiq) to'planib boradi, natijada bu to'qimalar o'rniiga shilimshiqsimon massa paydo bo'ladi.

Hujayradan tashqaridagi shilimshiq distrofiyaning *sabablar* endokrin bezlar funktsiyasining aynashi (masalan, qalqonsimon bez funktsiyasi susayib ketganda ko'rilibadi miksedema), o'sma kasalliklarida odamning ozib-to'zib ketishidir.

**Patologik anatomiysi.** Makroskopik tekshirishda to'qima shishib qolgandek bo'lib ko'zga tashlanadi, xuddi shilimshiqqa o'xshab cho'ziluvchan bo'ladi, tog'ay o'zining qattiqligini yo'qotib qo'yadi. Organlarning stromasi, yog' to'qimasi, tog'ay bo'rtib, yarim tiniq va shilimshiqsimon bo'lib qoladi. Mikroskop bilan tekshirilganida biriktiruvchi to'qima hujayralari yulduzsimon ko'inishda bo'lib ko'zga tashlanadi, bularning o'simtalari bir-biri bilan birikkan bo'ladi. Shu hujayralar orasida gematoksilin va eozin bilan bo'yalganida g'atali ko'kimtir-havorang tusga kiradigan shilimshiqsimon modda joylashgan bo'ladi, bu — glikoproteidlar depolimerlanishi va glikozaminglikanlar to'planib borishiga bog'liq.

## ARALASH OQSIL DISTROFIYALARI

Odam organizmida oddiy oqsillar (albuminlar, globulinlar va hokazo) dan tashqari murakkab oqsillar ham bor, bular prostetik qism deb ataluvchi tabiatan oqsilmas moddalar bilan mahkam bog'langandir. Murakkab oqsillarning prostetik qismi nuklein kislotalar (nukleoproteidlar), lipidlar (lipoproteidlar), polisaxaridlar (glikoproteidlar) va pigmentlar (xromoproteidlar) bo'lishi mum-

kin. Ana shu murakkab oqsillar almashinuvining buzilishi aralash disproteinolar jumlasiga kiradi, chunki bunda parenxima, stroma, tomirlarning devorlari shu jarayonga tortilib ketadi.

## XROMOPROTEIDLAR ALMASHINUVINING BUZILISHI

Patologik shakldagi barcha pigmentatsiyalar endogen va ekzogen pigmentatsiyalarga bo'linadi. Masalan, ko'mir changini uzoq vaqt nafasga olish natijasida paydo bo'ladigan o'pka antrakozi *ekzogen pigmentatsiyalar* qatoriga kiradi. Bunda ko'mir changining alveolalar makrofaglari va limfa yo'lida to'planib borishi shu tuzilmalarning qora tusga kirib qolishiga olib keladi. Maishiy pigmentatsiyalar (badan terisiga igna sanchib, tush bilan naqsh solish) va dorilar ta'siriga aloqador pigmentatsiya (masalan, argiriya, vismutiya)larni ham xuddi shu toifaga kirtsa bo'ladi. Sariq kasalligida uchraydigan gemosideroz, ko'z skleralari va badan terisining sarg'ayib ketishi *endogen pigmentatsiyalar* qatoriga kiradi. Bularga asosan endogen pigmentlar almashinuvining izdan chiqishi sabab bo'ladi. Endogen pigmentlar organizm hayotida muhim o'r'in tutadi. Chunonchi, badan terisida bo'ladigan melanin organizmni nur energiyasining zararli ta'siridan saqlab turadi, gemoglobin qonga rang berib turadigan modda bo'libgina qolmay, balki kislородни tashib beradi ham, ya'ni shu pigment yordamida odam nafas oladi. Gemoglobin parchalanishida yuzaga keladigan mahsulotlardan o't pigmentlari ishlanib chiqadi. Ma'lumki, bu pigmentlar ovqat hazmi jarayonlarida muhim vazifani bajaradi. Pigmentlar almashinuvini vegetativ nerv sistemasi, endokrin bezlar idora etib boradi. Bundan tashqari, pigmentlar qon yaratish organlari va monotsitar — makrofagal sistema funktsiyasi bilan ham mahkam bog'langandir.

Tasnifi endogen pigmentlar organizmning oqsillardan yoki oqsillarga birikkan eruvchan pigmentlardan hosil bo'lishi mumkin. Kelib chiqishiga qarab endogen pigmentlarning hammasini uchta asosiy guruhga ajratsa bo'ladi:

- 1) gemoglobinning turli unumlari bo'lmish *gemoglobinogen pigmentlar*,
- 2) tirozin almashinuviga alokador *proteinogen* yoki *tirozinogen pigmentlar*,
- 3) yog'lar almashinuvida hosil bo'ladigan *lipidogen pigmentlar* yoki *lipopigmentlar*.

## GEMOGLOBINOGEN PIGMENTLARI

Gemoglobin normada eritrotsitlarning parchalanishi va eritrotsitlar massasining tinmay yangilanib turishiga bog'liq bo'lgan bir qancha siklik o'zgarishlarni boshdan kechiradi. Qizil qon tanachalari destruksiyasi, ya'ni parchalanishi ikki yo'l bilan — gemoliz va eritrofagiya yo'li bilan bo'lishi mumkin.

*Gemoliz* — eritrotsitlardan gemoglobin ajralib chiqishi — bir qancha patologik jarayonlar mahalida kuchayadi. Bunda gemoliz tomirlar tarmog'ining cheklangan bir joyida, masalan, stazlar sohasida (*mahalliy gemoliz*) yoki butun

tomirlar o'zanida bo'lib o'tishi mumkin (*umumiyl gemoliz*). Gemoliz aylanib turgan qon ichida (intravaskular gemoliz) yoki tomir tashqarisida (ekstravaskular gemoliz) ro'y berishi mumkin. Shu munosabat bilan *tomirlar o'zani ichida hosil bo'ladiyan pigmentlar* (*gematoporfirin, o't pigmentlari, bezgak pigmenti*) va *qon o'zanidan tashqarida hosil bo'ladiyan pigmentlar* (*gemosiderin*) tafovut qilinadi.

Kuchli gemoliz normada ham uchraydigan pigmentlar (masalan, gemosiderin, bilirubin) miqdorining keskin ko'payib ketishiga va normada uchramaydigan pigmentlar (masalan, bezgak pigmenti) hosil bo'lib, to'planib borishiga olib keliishi mumkin.

To'qimalarda gemaglobinli pigmentlar to'planib qolishi munosabati bilan bir qancha kasalliklarga asosiy sabab bo'luvchi har xil turdag'i endogen pigmentatsiyalar paydo bo'lishi mumkin.

**Gemosiderin** gem moddasi parchalanganida hosil bo'ladi va optik mikroskop ostida ko'zga yaqqol tashlanadigan tillarang-sariq tusli donalar yoki kristallar ko'rinishida bo'lishi bilan ajralib turadi. Gemosiderin gemoglobin tomirlar ichida parchalanganida ham, tomirlardan tashqarida parchalanganida ham hosil bo'laveradi. Gemosiderin granululari (donalari) ferritin mitsellalarining to'plamidan iboratdir, bular faqat elektron mikroskop ostida topiladi va apoferritin deb yuritiladi. Gemosiderinni boshqa pigmentlari — melanin lipofussindan farq qilib, ajratib olish uchun berlin lazuri bilan qo'yiladigan reaksiyadan foydalanish kerak. Bu reaksiya natijasida gemosiderin ko'k rangga bo'yaladi.

Gemosiderinning ortiqcha miqdorda to'planib qolishi *gemosideroz* deb ataladi. Gemosideroz mahalliy yoki *butun sistemaga yoyilgan bo'lishi* mumkin.

*Mahalliy gemosideroz* odatda to'qimalar va tana bo'shliqlariga qon quyilib qolganida yoki venoz qon uzoq dimlanib turib, mayda-mayda qontalashlar paydo bo'lganida yuzaga keladi. Odamning biror joyi lat eganida paydo bo'ladiyan qontalash mahalliy gemosiderozga misoldir. Qontalash rangining o'zgarib borishi gemoglobinda bo'lib o'tadigan o'zgarishlarni aks ettirib o'tadi. Qontalash avvaliga qon quyilib qolgan joyda to'plangan eritrotsitlarning rangiga yarasha ko'kmitir-qizg'ish tusda bo'lad. So'ngra eritrotsitlarni makrofaglar fagotsitlaydi, gemoglobinni parchalab, avval biliverdin (sariq-yashil rangli pigment), keyin bilirubin (yashil-jigarrang tusli pigment) hosil qiladi. Pirovard natijada tarkibida temir bo'ladiyan tillarang-sariq rangli pigment gemosiderin hosil bo'ladi.

Surunkali yurak yetishmovchiligi natijasida o'pkada venoz qon uzoq dimlanib qoladigan paytlarda diapedezga aloqador bir talay qontalashlar paydo bo'lishi ko'rildi. Ayni vaqtida yuzaga keladigan gemosiderin alveolalarining mononuklear hujayralariga yutiladi. Ichiga gemosiderin to'plangan makrofaglar tillarang-sariq tusli donador sharlarga aylanadi. Bular ko'p miqdorda alveolalarning to'siqlarida, o'pka limfa tomirlari va limfa bezlarida topiladi. Donador sharlar revmatizm munosabati bilan yurakda nuqson paydo bo'lib, dekompen-satsiya davriga kirgan bemorlarning balg'amida ham paydo bo'ladi, — «yurak nuqsoni» hujayralari deb shularni aytildi.

Gematomada gematoidin degan pigment ham hosil bo'ladi. Och sariq rangda bo'ladigan bu kristalik pigment tarkibida temir yo'q, u hujayralardan tashqarida hosil bo'ladi, kimyoviy jihatdan olganda bilirubinga yaqin.

Gemosiderin	Amorf	Hosil bo'ladi	
		Kislородли joyda	Hujayralar ichida
Gematoidin	Kristalik	Hosil bo'ladi	
		Kislородсиз joyda	Hujayralardan tashqarida

7—10 kunlikdan eskirgan gematoma tekshirib ko'rildigani bo'lsa, uning chetki qismidagi tirik hujayralar ichida qo'ng'ir gemosiderin pigmentni, o'lik to'qimalarining o'rtaSIDA esa gematoidin kristallarini topish mumkin.

Ba'zi hollarda gematoidin umuman hosil bo'lmaydi. Yumshoq kletchatkadagi gematomalar, masalan, ko'z tagidagi yumshoq to'qimalarda paydo bo'ladi gematomalar tez bir necha kundan keyin so'rilib ketadigan hollarda ana shunday bo'ladi. Juda zich, qattiq to'qimaga, masalan, qattiq miya pardasiga quyulib qolgan qon, aksincha, o'n yillar mobaynida ham so'rila vermaydi.

*Sistemaga tarqalgan gemosideroz* tomirlar ichida ro'y bergan, ya'ni umumiY intravaskular gemoliz mahalida paydo bo'ladi. UmumiY intravaskular gemolizga hammadan ko'p olib boradigan sabablar quyidagilardir:

- 1) qon sistemasi kasallikkleri (anemiyalar, gemoblastozlar);
- 2) yot guruhga mansub qon quyish;
- 3) ona va qorindagi bola qoni o'rtaSIDA bo'ladiGAN rezus mojaro;
- 4) gemolitik zaharlar (zaharli qo'ziqorinlar, ilon zahari va boshqalar) dan zaharlanish;
- 5) ba'zi infektions kasallikklar (sepsis, anaerob infeksiyalar, bezgak).

Gemoliz natijasida hosil bo'ladiGAN gemosiderin avvaliga munonuklear fagotslarga yutilib, shularda to'planib boradi, keyinchalik esa uni turli organlar: me'da osti bezi, jigar, buyrak, endokrin bezlarning parenximatoz hujayralarida uchratish mumkin. Gemosiderin hujayralararo moddada ko'plab to'planib qolgan mahallarda siderofaglar bu pigmentni yutib yo'qotishga ulgurolmaydi. Natijada bu narsa kollagen va elastik tolalarga temir moddasi shimilib o'tishiga olib keladi, shuning natijasida organlar zangsimon-jigarrang tusga kirib qoladi.

Gemosiderinning hujayralar ichida to'planib borishi ko'pchilik hollarda hujayraga zarar yetkazmaydi, organning funktional holatiga ta'sir qilmaydi va tabiatan qaytar, barham topib ketadigan hodisa bo'lishi mumkin. Biroq, organ va to'qimalarda gemosiderin birmuncha ko'p to'planib qoladigan bo'lsa, u holda *gemoxromatoz* degan hodisa ro'y beradi. Bunda organ to'qimalari va hujayralari bir qadar zararlanadi.

Bilirubin normada ham uchraydigan sariq-yashil tusli o't pigmenti bo'lib, tarkibida temir moddasi bo'lmaydigan gemoglobinogen pigmentlar jumlasiga kiradi. Uning hosil bo'lishi ishdan chiqqan eritrotsitlarning mononuklear fagotsitlar parchalanganida ajralib chiqadigan gemoglobinning gemi bilan mahkam bog'langan. Bilirubin albumin bilan tez birikib, qon bilan gepatotsitlarga boradi, shu yerda bular glukuronat kislota bilan birikib (konyugasiyalanib), o't (safro) ko'rinishida o't kapillarlariga o'tadi.

Pigment ana shunday miqdorda bo'lganida, ya'ni normada u hujayralarda ham, to'qimalarda ham ko'zga tashlanmaydi, sezilmaydi.

*Qondagi bilirubin miqdori ko'payib ketganida (giperbilirubinemiya vaqtida) to'qima va suyuqliklar sarg'ayib ketadi (sariqlik).*

Qon zardobida bilirubin miqdori ko'payib, badan terisi va ko'z oqlari (skleralar) sarg'ayib qolgan mahalda markaziy nerv sistemasidan tashqari boshqa hamma to'qimalar ham o't pigmentlari tusiga kiradi. Miya oqish tusda bo'lib qolaveradi. Bu shunga bog'liqki, gematoensefalik baryer deb ataluvchi to'siq pigmentlarni miya to'qimasiga otkazmaydi. Biroq, yangi tug'ilgan chaqaloqlarda bu to'siq juda zaif bo'ladi. Shu sababdan chaqaloq bolada sariqlik bo'lsa, bosh va orqa miyasi ning to'qimalari ham boshqa hamma to'qimalar singari sargayib turadi. Bunda po'stloq osti yadrolarinining kufrang moddasi o't pigmentlari bilan ayniqsa ko'p bo'yaladi, «yadro sariqligi» degan so'z shundan kelib chiqqan. Ayni vaqtida nerv hujayralari halok bo'lib ketadi va o't pigmentlari bilan kuchli bo'yaladi.

*Sariqlikning sabablari va avj olish mexanizmi har xil*, bu narsa sariqlikning uchta asosiy turini ajratishga imkon beradi: 1) jigar ustiga aloqador (gemolitik) sariqlik, 2) jigarga aloqador (parenximatoz) sariqlik, 3) jigar ostiga aloqador (mexanik) sariqlik.

Sariqlikning hozir aytib o'tilgan turlari badan terisi va ko'z oqlaridagi sariqlikning och-to'qligi jihatidan bir-biridan farq qiladi. Chunonchi, *jigar ustiga aloqador sariqlik* to'qimalarga arzimas darajada rang beradi. Ko'z oqlari salgina sarg'ayib, limon rangiga kiradi. Bemorni kunduzgi yoruglikda tekshirib ko'rilgandagina bu tus ko'zga yaxshi tashlanadi. *Jigarga aloqador sariqlik* badan terisi va ko'z oqlariga sariqzafar tus beradi. *Jigar ostiga aloqador sariqlik* badan terisi va ko'z oqlarining yashimtir-sariq tusga kiritishi bilan ajratib turadi.

*Jigar usti sariqligi* gemoglobinning ortiqcha yemirilishi va qon plazmasida ko'p miqdor bilirubin to'planib qolishi tufayli paydo bo'ladi. Sariqlikning bu turi tug'ma yoki turmushda orttirilgan bo'lishi mumkin. Tug'ma gemolitik sariqlik asosan patologik gemopoez tufayli paydo bo'ladi. Gemoglobin molekulasining tuzilishi noraso bo'lgani munosabati bilan eritrotsitlarning osmotik va mexanik chidami susayib, shakli o'zgarib qoladi, mana shu narsa eritrotsitlarning tomirlar o'zanida yemirilib, gemoglobin parchalanishiga sabab bo'ladi. Lekin turmushda orttirilgan gemolitik sariqlik ko'proq uchraydi, bunday sariqlikka quyidagilar sabab bo'lishi mumkin: 1) to'g'ri kelmaydigan qon quyilishi; 2) ona qoni bilan

qorindagi homila qoni o'rtaida rezus jihatdan farq (re Zusmojaro) bo'lishi; 3) qon sistemasining har xil turdag'i kasalliklari (gemoblastozlar va boshqalar); 4) o'tkir infeksiyalar (qaytalama terlama, bezgak, sepsis); 5) gemolitik zaharlar (arsenit, Bertole tuzi, spiroxetalar zahari) dan shikastlanish; 6) ko'p qon quyilib qolishi, gemorragik infarktlar (chunki bunda eritrotsitlar parchalanayotgan joydan qonga ortiqcha bilirubin o'tadi).

Jigar ustiga aloqador sariqlikda bilirubin ichak orqali ko'plab ajralib chiqadi, shunga ko'ra buyraklarga o't kislotalari ortiqcha zaharli ta'sir o'tkaza olmaydi.

*Jigarga aloqador sariqlik* bevosita jigarning o'zi, jigargan mahalda yuzaga keladi. Sariqliknинг bu turi: *virusli hepatit*, *sariq isitma*, *bezgak*, *Veyl kasalligi* singari yuqumli kasalliklarda kuzatiladi. *Toksik hepatitlar* mahalida ham paydo bo'lishi mumkin. Mana shu patologik jarayonlar paytida gepatotsitlar distrofiya, nekrozga uchrab, o't kapillarlariga o't ajratib chiqarmay qo'yadi. Ayni vaqtida o't limfa sistemasiga o'tadi. Bu hodisaga *paraxoliya*, ya'ni o't ajralishining aynashi, noto'g'ri yo'lga o'tishi deyiladi. Demak, *gepatogen sariqlik* o'zining avj olib borish mexanizmi jihatidan olganda *limfogen sariqlikdir*, chunki ajralib chiqadigan o't limfa tomirlariga tushadi.

*Jigargan ostiga aloqador sariqlik* (obturatsion, yo'lbekilib qolganiga, tiqilib qolganiga aloqador sariqlik) umumiy o't yo'li yoki jiga dagi o't yo'llaridan o't oqib ketishiga to'sqinlik paydo bo'lgan mahalda yuzaga keladi. O'tning oqib ketishiga: 1) o't yo'llaridagi o'smalar, 2) me'da osti bezi boshchasinining o'smasi, 3) o't yo'llariga tosh tiqilib qolishi to'sqinlik qilishi mumkin. O't pufagi yo'lining tiqilib qolgani sariqlikka olib bormaydi. O't bernalol oqib turgan mahallarda yuzaga keladigan mexanik sariqlikka o'tning quyuq tortib qolishi sabab bo'lishi mumkin.

Kapillarlarda o't to'planib qolishi shu kapillarlar yorilib, oraliq to'qimaga o't quylishiga, atrofdagi bir qancha hujayralarning halok bo'lishiga (bevosita o't kislotalari ta'siri ostida boshlanadigan nekroz) yoki jigargan hujayralarining kengayib ketgan o't kapillarlaridan bosilib, atrofiyaga uchrashiga olib keladi. U holda ham, bu holda ham halok bo'lgan hujayralar o'rniida biriktiruvchi to'qima hosil bo'ladi, ya'ni jigargan sklerozi yoki sariqlikka aloqador jigargan sirrozi boshlanadi.

Kapillarlar yemirilib ketganida o't qonga so'rilib, organizmning o't kislotalaridan og'ir zaharlanish hodisasi ro'y beradi, *xolemiya* deb shuni aytildi. Qon bosimining pasayib ketishi, bradikardiya boshlanishi, badan terisining qichishib turishi, bosh og'rib, odamning lanj bo'laverishi shunga bog'liq. O't kislotalari buyrakda qondan filtrlanib o'tganida ko'p miqdorda buyrak kanalchalariga tushadi, ular bu yerda konsentrланади. Bunda epiteliy hujayralari halok bo'lib, kanalchalarining yo'lida o't silindrлari paydo bo'ladi (*sariqlikka aloqador nefroz*).

Jigardan tashqaridagi o't yo'llarida tug'ma bituv borligi (tug'ma atreziya bo'lishi) mexanik sariqliknинг o'ziga xos xiliga olib boradigan patologiyadir. Jigarda ishlanib chiqadigan o't pigmentlari unda turib qolib, o't kapillarlarining cho'zilishiga va yorilishiga sabab bo'ladi. O't limfa tomirlariga tushadi yoki ji-

gar to'qimasiga quyilib qolib, unda nekrobiotik o'zgarishlar ro'y berishiga sabab bo'ladi. Halok bo'lgan jigar to'qimasi o'rnda biriktiruvchi to'qima paydo bo'ladi — jigarning biliar sirrozi boshlanadi.

Gematoporfirin tovlanuvchan pigment — o'z tuzilishiga ko'ra o't pigmentlari ga o'xshab ketadi. Biroz miqdorda qon va siyidikda uchraydi. Gematoporfirinlar qonda to'xtab qolganida badan terisi va suyaklar qo'ng'ir tusga kirib qoladi. Siyidik olcharang-qizil rangga bo'yaladi.

Qonda gematoporfirin miqdori ko'payib ketishining asosiy sabablari: 1) zaharlanish (qo'rg'oshin, sulfazol, barbituratlardan zaharlanish); 2) avitaminozlar (pellagra); 3) pernisioz anemiya; 4) ba'zi jigar kasalliklaridir.

Gematoporfirinlar melaninning antagonistlari bo'lib, badan terisini nurlar ta'siriga sezuvchan qilib qo'yadi. Buning natijasida badanning ochiq turadigan joylarida eritemalar, qavarchiqlar, yaralar paydo bo'ladi va terining o'zi chuqur atrofiyaga uchraydi. Ha deganda bitavermaydigan, hazm organlari va nerv sistemasiga aloqador bir qancha o'zgarishlar bilan birga davom etadigan og'ir quyuq yaralar paydo bo'lishi mumkin. Aksari sariqlik ham paydo bo'ladi.

Turmushda orttirilgan shu xildagi gematoporfiriyanidan tashqari kamdan-kam uchraydigan irsiy kasallik bo'l mish tug'ma porfiriya ham bo'ladi. Tug'ma porfiriyaning ikki xili tasvirlangan, *eritropoetik va jigarga aloqador* porfiriya, bular porfirin sintezi buzilishining mexanizmi bilan bir-biridan farq qiladi. *Porfiriyaning eritropoetik shaklida* gemolitik anemiya boshlanib, nerv sistemasi va me'da-ichak yo'li zararlanadi. Taloq, suyaklar, tishlarda porfirinlar to'planib qoladi, bu ularga jigarrang tus beradi. Siyidikda porfirinlar miqdori ko'payib keta-digan bo'lsa, siyidik sarg'ish-qizil rangga kiradi. *Porfiriyaning jigarga aloqador xilida* jigar kattalashib qoladi.

Bezgak pigmenti gemomelanin bo'lib, tuzilishi jihatidan gematinga yaqin tutradi, infeksiyalangan eritrotsitlar yemirilgan mahalda hosil bo'ladi. Bu pigment tarkibida temir bor, lekin bu pigment berlin lazuri hosil bo'lishi bilan o'tadigan musbat Perls reaksiyasini bermaydi. Chunki birikkan holda bo'ladi. Bu pigment bezgak parazitlari tanasida bo'ladi, chunki bezgak parazitlari eritrotsitlar ichida rivojlanib boradigan mahalda gemoglobin molekulasiidan shu pigment ajralib chiqadi.

Merozoitlar qonga chiqqanida qon oqimiga tushadigan pigmentni jigar, taloq, ko'mik, limfa bezlarining monotsitar-makrofagal sistema to'qimasi fago-tsitslaydi, shunga ko'ra bu pigment monotsitar-makrofagal sistema bo'ladiGAN organlarning hammasida ham to'planib boradi. Avvalo taloq, ko'mik, jigar, limfa tugunlari ana shunday organlardandir. Bu organlarning hammasi kattalashib, to'q kulrang tusga kirib qoladi. Bu kulrang tus kasallik tugaganidan keyin ham uzoq muddat saqlanib turadi. Ayni vaqtida taloq odatda qattiq bo'lib qoladi. Bezgak qo'zigan mahallarda taloq yumshab, ilvillab qoladi va keskin kattalashadi (3—4 baravar). Taloq shu qadar tez kattalashadi, kapsulasi yorilib bir talay

qon ketishi ham mumkin. Toşh suyagi, qovurg'alar, umurtqa tanalaridagi ko'mik deyarli qora rangga, aksari shokolad rangiga kiradi.

Odam bezgak komasidan o'lib qolgan hollarda (bunday hodisa tropik bezgak uchun xarakterlidir) markaziy nerv sistemasida bezgak parazitlari ayniqsa ko'p bo'ladi. Bu narsa odatda og'ir intoksiatsiyaga olib boradi. Miya to'qimasida gi-peremiya bo'lgani ustiga staz boshlanadi, bunda kapillarlar yo'lida bir talay pigment to'planib qoladi. Miya, ayniqsa uning kulrang moddasi tutunsimon-kulrang tusga kiradi, bu narsa ayniqsa kunduzgi yorug'likda ko'rinish turadi. Tropik bezgakda miya kapillarları ichida pigment to'planib qolishidan tashqari alohida granulyomalar paydo bo'ladi. Dyurk granulyomalari deb ataladigan bu tuzilmalar go'shaga o'xshab o'sib chiqqan tugun-tugun neyrogliya hujayralaridan iboratdir. Ularning o'rtasida nekrozga uchragan joy va tromb tiqilib qolgan mayda tomir ko'zga tashlanadi. Granulyoma paydo bo'lishiga sabab qon aylanishining izdan chiqishidir, parazitlar to'planib, mayda tomirlar devoriga zararli tasir ko'rsatishi munosabati bilan boshlanuvchi komaga qon aylanishining shu tariqa izdan chiqishi (toksikoinfektsion staz bo'lishi) xarakterlidir.

## LIPIDOGEN PIGMENTLAR

Bu guruh pigmentlarining asosiy vakili eskirish pigmenti deb hisoblanadigan lipofussindir. Lipofustsin hujayra erkin radikallardan zararlangan va lipidlarning peroksid oksidlanishi zo'raygan mahallarda hosil bo'ladi. Optik mikroskopda tekshirib ko'rilganida to'qimalarda bu pigment sariq-jigarrang tusli nozik donalar ko'rinishida ko'zga tashlanadi. Lipofustsin regressiv o'zgarishlarga, masalan, kishi keksayib qolgan yoki surunkali patologik jarayonga giriftor bo'lgan mahalladagi atrofiyaga uchragan hujayralarda topiladi. Organizm ovqatga yolchimay qolishi tufayli odam ozib-to'zib ketganida yoki keksayib qolganida jigar hujayralari va kardiomiotsitlarda lipofussin ayniqsa ko'p bo'ladi. Bunda *jigar va miokard atrofiyaga uchrab*, hujayralarida lipofussin to'planib boradi. *Qo'ng'ir atrofiya* deb ana shundai hodisaga aytildi.

Lipofussin lipidlar va fosfolipidlarning oqsillar bilan hosil qilgan kompleks polimerlaridan iborat. Bu — lipofussinning hujayra organellalari membranalari-dagi lipidlar peroksid oksidlanishi natijasida hosil bo'lishini ko'rsatadi, bu hol keksayib borish jarayonida erkin radikallar hujayra membranalarning tobora ko'proq eskirishiga sabab bo'ladi degan nazariyani tasdiqlaydi. Nisbatan yosh odamlarda ovqatga yolchimaslik natijasida ancha tez lipofussin hosil bo'lib borishi lipidlarning peroksidlanishiga to'sqinlik qiluvchi antioksidantlarning ovqatda yetishmasligiga bog'liqdir.

## PROTEINOGEN PIGMENTLAR

Proteinogen pigmentlarga melanin, adrenoxrom va enteroxromaffin hujay-ralar granulalarining pigmenti kirdi.

Melanin (yunoncha melanoz, ya'ni qora degan so'zdan olingan) endogen, tirozinogen pigmentdir. Fiziologik sharoitlarda epidermisning malpigiy qavatidan va jun-sochlardan so'g'onchasining epiteliysidan ishlaniq chiqadi. Odam sochi, badan terisi, ko'zlarining rangi melaninga bog'liq. Bu pigmentning manbai tirozin aminokislotsasidir. Tirozinaza degan pigment tirozining digidrooksifenilalanin (DOFA) gacha oksidlanishini katalizlaydi, DOFA esa promelanin bo'lib hisoblanadi.

Melanin hosil bo'lish reaksiyasi, ya'ni promelaninning melaninga aylanish hodisasi melanotsitlarda bo'lib o'tadi. Digidrooksifenilalaninning melanotsitlar Golji apparatida polimerlanib, membrana bilan cheklangan, melanosomalar deb ataladigan mayda-mayda donalar hosil qilishi elektron mikroskoplar yordamida aniqlangan. Mana shu melanosomalar yoki ularning to'plamlari optik mikroskop ostida ham ko'rindigani pigment donalarini tashkil qildi.

Melanotsitlar odatda badan terisi, soch va jun follikulalari, ko'z to'r pardasining pigmentli epiteliysi, ichki qulqoq, yumshoq miya pardalari, buyrak usti bezlarining miya qavati, miyaning qora substansiyasida uchraydi. Badan terisida epidermis bilan derma o'rtasidagi chegarada joylashgan dendritik hujayralar melanotsitlar vazifasini ado etib boradi. Melanotsitlar o'z dendritlari yordamida epidermisning bazal hujayralari bilan tutashib, ularning sitoplazmasiga mayda-mayda melanin donalari (melanosomalar) ajratib chiqaradi. Derma fagotsitlari melaninni o'ziga olib (yaqin oradagi melanotsitlardan yoki epidermisning bazal hujayralaridan), melanoforlarga aylanadi. Asosan ana shu melanoforlarning bir-biriga yopishib g'uj bo'lishi yoki aggregasiyalanishi odamning badaniga sep-kil toshishiga sabab bo'ladi, sep-kil toshgan joyga quyoshi nurlari ta'sir qilganida ma'lumki, sep-kil donalari qorayadi. Ularning qorayishi shunga bog'liqki, ultrabinafsha nurlar melanositlarda melanin sintezlanishini kuchaytiradi.

Melanogenet jarayoniga simpatik nerv sistemasi, vitamin C, kortizon va gi-drokortizon ta'sir qilishi mumkin, bular melanin sintezini susaytirib qo'yadi. Shu bilan birga adrenokortikotrop gormon pigment sintezini kuchaytiradi. Erkin melanotsitlar (melanoforlar) va epithelial melanotsitlar tafovut qilinadi.

Pigment almashinuvining buzilishi: *irsiy* va *turmushda orttirilgan* bo'lishi mumkin. Bular badan terisida *pigmentlar ko'payib ketishi* (*melanin hosil bo'lishining kuchayishi* — gipermelanoz) yoki *terining shu pigmentni ishlab chiqarish xususiyatini yo'qotib qo'yishi* (gipomelanoz) bilan ifodalanishi mumkin. Shu jarayonlarning nechog'lik avj olganiga qarab melanogenezning umumiy va makhaliy o'zgarishlari tafovut qilinadi.

*Umumiy giperpigmentatsiya* yoki melanoz (melaninning ortiqcha to'planib qolishi) kaxeksiya, avitaminozlar (pellagra, skorbut) mahalida ichki sekretsya

bezlari patologiyasida kuzatiladi. Buyrak usti bezlarining zararlanishiga aloqador Addison kasalligida, shu bezlarning funktsiyasi sil, o'sma va zaxm tufayli susayib ketgan mahallarda melanoz ayniqsa ifodalangan bo'ladi. Addison kasalligida terida kuzatiladigan giperpigmentatsiya shunga bog'liqliki, tirozin-triptofan almashinuvining oraliq mahsulotlari adrenalin hosil bo'lishi uchun ham, melanin hosil bo'lishi uchun ham umumiyyidir. Buyrak usti bezlari zararlanganida bu mahsulotlar promelanin hosil bo'lishiga sarflanadi. Bunda buyrak usti bezlari funktsiyasi susayib ketishiga javoban adrenokortikotrop gormonning kompensator tarzda ortiqcha ishlanib chiqishi, gipersekretsiyasi muhim ahamiyatga ega.

*Mahalliy melanozlar jumlasiga yo'g'on ichak melanozi kiradi.* Bunday hodisa odam 40 yoshidan oshgan kezlarida kuzatiladi, lekin anamnezda qayd etiladigan qabziyatlarni hisobga olimmaydigan bo'lsa, klinik manzarasida qanday bo'lmasisin biror alomati ko'rinxayraldi. Pigment ichak shiliq pardasi stromasining hujayralarda bo'ladi, bu hujayralar mikroflora ishtiroki bilan ichakda sintezlangan pigmentni fagotsitlaydi.


*Xol va tojlar* ham mahalliy melanozning bir ko'rinishi fiziologik melanoz bo'lib hisoblanadi. Ular ichida epidermis melanoblastlariga o'xshab ketadigan bir talay nevus hujayralari bo'lishi bilan ta'riflanadi. Nevuslar odam badani terisida doimo bo'ladigan tuzilmalardir. Ular o'sma jarayoniga manba bo'lib, so'ngra melanoblastoma hosil qilishi mumkin (22-rasm). *Oyoq panjasida uchraydigan xollar ayniqsa xatarlidir.* Xol nechog'lik qora bo'lsa, undan o'sma shuncha ko'p paydo bo'ladi.

Teri pigment ishlab chiqarish xususiyatini yo'qotib qo'yganida albinizm va vitiligo hodisisi kuzatiladi.


*Albinizm* pigment bo'lmasligi bilan ta'riflanadigan holat bo'lib, pigment sintezi izdan chiqqan mahallarda kuzatiladi. Albinizmning fiziologik timsoli soch oqarishidir. Albinizm aslida irlisyatga bog'liq narsa bo'lib, melanin sintezi yuzaga chiqishida yordam beradigan ferment — tirozinazaning tug'ilishdan yetishmasligiga bog'liqidir. Albinizmda soch va jun so'gonlarida, epidermis, derma, ko'z tor pardasi va rangdor pardasida pigment topilmaydi. Albinoslar badanining terisi, sochlari oq va ko'zlar qizil bo'lishining sababi ana shunda. Bunday odamlar quyosh nurlariga juda sezgir bo'ladi, chunki ular badanining terisida ultrabilanafsha nurlar ta'siridan saqlaydigan, shuningdek ko'zni yoruglikdan asraydigan pigment bo'lmaydi.

*Vitiligo* (pes), ya'nii badanga oq dog tushishi, badan terisining ma'lum qismlarida pigment yo'qolib ketishidir, bunga asosan vegetativ va endokrin o'zgarishlar sabab bo'ladi (23-rasm).

*Leykoderma* — badan terisi jarohatlangani, kuyib qolganidan keyin, ion-lashtiruvchi nur ta'sir qilganidan keyin va har xil eritematoz toshmalardan keyin terida paydo bo'lgan chandiqlarning ma'lum joylari pigmentini yo'qotib oqarib qolishidir.



22-rasm. Melanoma hujayralaridagi melanin parchalari.



23-rasm. Vitiligo. Terining pigmenti yo'qolgan joylari.

### NUKLEOPROTEIDLAR ALMASHINUVINING BUZILISHI

Nukleoproteidlар murakkab oqsillar qatoriga kiradi, ularning prostetik qismi dezoksiribonuklein va ribonuklein (DNK va RNK) degan nuklein kislotalardir.

Nukleoproteidlар purin almashinuvida ishtirok etadi, chunki tarkibida purin nukleotidlар bo'ladi. Ularning endogen yo'l bilan hosil bo'lishi va ovqat bilan birga organizmga kirib turishi, organizmda parchalanishi va asosan nuklein almashinuvining oxirgi mahsulotlari — urat kislota va tuzlari ko'rinishida buyraklar orqali ajralib chiqishi bilan muvozanatda bo'ladi. Shu munosabat bilan nukleoproteidlар almashinuvining buzilishi ortiqcha urat kislota hosil bo'lib, uning tuzlari to'qimalarga o'tirib qolishi bilan birga davom etib boradi.

Nuklein kislolar almashinuvining buzilishiga aloqador asosiy patologik jarayonlarga: 1) podagra, 2) siydktosh diatezi yoki kasalligi, 3) uratli infarkt kirdi.

Podagra (yunoncha "podos" — oyoq, "agra" — ov degan so'zlardan olingen) tom ma'nosi bilan aytganda «oyoqqa qo'yilgan qopqon» degan manoni bildiradi va bo'g'implarda natriy urat tuzlari to'planib qolishi bilan ta'riflanadi. Kasallik bo'g'implarning tutib-tutib og'rib turishi, qonda (giperurikemiya) va siydkda (giperurikuriya) urat kislota tuzlari miqdori ko'payib ketishi bilan farq qildi. Tuzlar o'tirib qoladigan eng xarakterli joylar: qo'l-oyoqlar mayda bo'g'implari (24-rasm), shuningdek tizza va boldir oyoq panjasini bo'g'implarining sinoviyлari va tog'aylari, paylar va bo'g'im xaltalari, quloq supralarining tog'aylaridir.

*Birlamchi* va *ikkilamchi* podagra tafovut etiladi. *Birlamchi* podagra-da ko'rildigan giperurikemiyaning sababi noma'lum. *Ikkilamchi* podagra mieloleykoz, gemolitik anemiya, purinlar sintezi kuchayishi bilan birga davom etadigan xavfli o'smalar mahalida boshlanadi.

Tuzlar to'qimalarga o'tirib, to'planib qolganida nekrotik jarayonlar boshlanib, demarkatsion yallig'lanish reaktsiyasi ro'y beradi. Yallig'lanish infiltrati uchun ko'p yadroli ulkan yot tanalar hujayralari bo'lishi xarakterlidir. Demarkasion yallig'lanish bo'lib turgan joyda keyinchalik fibroblastlar paydo bo'ladi va biriktiruvchi to'qima o'sa boshlaydi. Biriktiruvchi to'qima, quloq supralarida va tananining boshqa qismlarida paydo bo'ladi, bu podagra shishlari yuzaga kelishiga, bo'g'implar shaklining o'zgarib qolishiga olib keladi.



24-rasm. Podagra. Qo'l panjasidagi urat tuzlari to'plamlari.

Buyraklarda urat kislota va natriy urat tuzlari buyrak kanalchalari va yig'uvchi naychalariga cho'kib tushib, bularning yo'lini berkitib qo'yadi. Keyinchalik buyrakda ikkilamchi tartibda yallig'lanish va atrofik o'zgarishlar boshlanadi (podagraka xos buyrak).

Podagra boshlanishi moddalar almashinuvining tug'ilishdan buzilganiga bog'liq deb hisoblanadi, bu kasallikning tabiatan oilaviy bo'lishi ham shundan darak beradi.

**Uratli diatez** konstitutsiya anomaliyalari jumlasiga kiradi, chaqaloqlarda kuzatiladi va nuklein kislotalar, nukleotidlar hamda purin asoslari almashinuvining izdan chiqishi bilan ta'riflanadi. Almashinuvning shu tariqa buzilishi organizmda urat kislota va tuzlari to'planib borishiga, keyinchalik turli sistema va organlarning ikkilamchi tartibda zararlanishiga olib keladi.

Urat kislota almashinuvi o'zgarishlarining eng ko'p uchraydigan xili nefrourolitiaz, ya'ni buyrak kanalchalari va yig'uvchi naychalarida ammoniy va natriy urat tuzlari to'planib qolishi natijasida siydiq toshlari paydo bo'lishidir.

Uratli nefropatiya va uratli nefrourolitiaz uratli diatezning eng ilk ko'rinishidir. Yosh go'daklarda uratli nefropatiya oldiniga leykotsituriya ko'rinishida namoyon boladi, patologik jarayon zo'rayib, kanalchalarining tomirlari zararlangani sayin bu leykosituriya, gematuriya va proteinuriya bilan almashinadi, shunda zimdan otayotgan surunkali nefritga o'xshab qoladi. Kattaroq yoshdagi bolalarda klinik sindromlar zo'rayib boradi va hammasi bir bo'lib, *urikopatiya* degan hodisaga olib keladi. Organizmda urat kislota to'planib borishi gipertoniya kasalligi, almashinuvga aloqador artritlar, spondilyoz, siydkitosh kasalligi, podagra boshlanishiga yo'l ochadi. Odam juda semirib ketishi, unda qandli diabet paydo bo'lishi ham mumkin.

**Uratli infarkt.** Buyrak so'rg'ichlarida urat kislota kristallari to'planib borishi bilan ifodalanadi hamda chaqaloq bolalar hamda katta yoshli odamlarda kuzatilishi mumkin. Chaqaloqlarda uratli infarkt eritrotsitlarning zo'r berib yemirilishi va purin almashinuvi kuchayishi natijasida bola hayotining dastlabki kunlarida boshlanishi mumkin. Lekin buyrak so'rg'ichlarida urat kislota kristalarining to'planishi nefrogidroz, interstisial yallig'lanishga va buyraklar funksiyasining izdan chiqishiga olib kelmaydi. Katta yoshli odamlarda uratli infarkt kamroq kuzatiladi va podagra, bir qancha yuqumli kasalliklar mahalida, o'smaga qarshi preparatlar bilan davolash paytida ro'y beradi.

Uratli infarkt paydo bo'lishida gipoksantin-guanin — fosforibozil — transferaza sistemasining irlsiyatga aloqador yetishmovchiligi ham ahamiyatga ega.

Makroskopik tekshirishda buyrak piramidalarida tillarang sariq yo'llar ko'zga tashlanadi, bular radial yo'nalishda buyrak so'rgichlarining uchlariga tomon tushib keladi va oqsil va ko'chib tushgan nefroteliy aralashgan ikki tomonlhma nur sindiradigan sferik shakldagi kristall to'plamlaridan iborat bo'ladi.

## KALSIY ALMASHINUVINING BUZILISHI

Kalsiy D. I. Mendeleev davriy sistemasining II guruhiga kiradigan kimyoviy element bo'lib, biologik jihatdan yuksak darajada faoldir. Kalsiyning organizm hayot faoliyati uchun juda katta ahamiyati bor:

1) u skelet suyaklari va tishlarning tuzilishida ishtirok etadigan asosiy tarkibiy qismidir;

2) qon ivishida ishtirok etuvchi muhim moddalar jumlasiga kirady, chunki kalsiy bo'lmasa, protrombin trombinga aylanmaydi;

3) kalsiy birikmalari organizm himoya kuchlarini mustahkamlaydi;

4) kalsiy oqsillar, fosfolipidlar, organik kislotalar bilan barqaror birikmalar hosil qilib, inson organizmida tinmay davom etib turadigan talaygina fiziologik va biokimyoiy jarayonlarga ta'sir o'tkazib boradi.

Bundan tashqari, *kalsiy: hujayra membranalari o'tkazuvchanligini idora etisha, nerv, muskul va bez to'qimasi elektrogenezida, sinapslardan ta'sirotni o'tkazish jarayonlarida, hazm va endokrin: bezlarining sekretor va inkretor funksiyalarini yuzaga chiqarishda, muskul qisqarishining molekulyar mexanizmida, bir qancha fermentativ jarayonlar ustidan nazorat olib borishda ishtirok etadi.*

Kalsiyning 90 foizi kalsiy karbonat, kalsiy fosfat shaklida, xlor bilan birikan birikmalar holida tishlarda, suyak va tog'ay to'qimalarida bo'ladi. Kalsiying qolgan qismi oqsillar bilan hosil qilingan murakkab birikmalar ko'rinishida yoki ionlashgan holatda yumshoq to'qimalar hujayralarining ichida, hujayradan tashqaridagi suyuqlikda joylashgandir.

Kalsiy organizmga ovqat bilan birga kiradi va ingichka ichakda so'rildi. Magniy, fosforning ortiqcha bo'lishi, ovqat bilan kiradigan yog'lar yetishmovchiligi yoki ortiqchaligi kalsiyning so'riliш jarayoniga yomon ta'sir o'tkazadi. Ovqat bilan ortiqcha miqdorda kiradigan uglevodlar ham kalsiyning so'riliшiga то'сқинлик qilishi mumkin. Chunki bular kalsiy bilan erimaydigan cho'kma hosil qiladi. Shunday qilib, odam to'g'ri ovqatlangan mahaldagina kalsiy yetarlicha so'riliшi mumkin.

Ovqat bilan birga organizmga kiradigan kalsiy tuzlari karbonat kislota ishtirokida oqsilli kolloidlar ta'siri bilan qonda erigan holatda saqlanib boradi. Kalsiy asosan yo'g'on ichak bezlari, buyraklar orqali va o't bilan birga ajralib chiqadi. Kalsiy ajratilishi odam ovqatining tabiatiga bog'liq.

Kalsiy almashinuvining buzilishi jumlasiga quyidagilar kiradi:

1) suyaklardagi kalsiy miqdorining o'zgarishi va shu munosabat bilan paydo bo'ladigan suyak sistemasi kasalliklari;

2) yumshoq to'qimalarning ohaklanishi: metastatik ohak «metastazlari» (umumiy ohaklanish), distrofik ohaklanish (mahalliy ohaklanish), metabolik ohaklanish;

3) kovak organlarda tosh hosil bo'lishi.

## SUYAKLARDAGI KALSIY MIQDORINING O'ZGARISHI

Suyaklarning metafizlari bilan epifizlаридаги оз qatlам kalsiy va ba'zi boshqa elementlar (kaliy, natriy, magniy, vismut, simob va boshqalar) ning labil deposi bo'lib, kalsiy shu yerdan qonga osongina o'tib turadi. Suyakning qattiq mod-

dasida kalsiy nisbatan barqaror holatda bo'ladi va qonga unchalik o'tmaydi. Kalsiyning o'zlashtirilishi, suyaklar qanchalik safarbar etilishini asosan paratiroid bez gormoni (peratgormon), qalqonsimon bez parafollikular apparati gormoni (kalsitonin) va vitamin E) nazorat qilib boradi. Paratgormon bilan vitamin D sinergik ta'sir ko'ssatadi.

Paratgormon ortiqcha hosil bo'ladigan mahallarda osteoklastlar faolligi ortib, suyaklar rezorbsiyasi kuchayishi munosabati bilan giperkalsiemiya hodisasi boshlanadi. Paratgormonning ta'sir ko'ssatadigan asosiy joyi suyakdir. Shu gormon ta'siri ostida suyak to'qimasi undagi ham mineral, ham organik moddalar erishi hisobiga so'rilib ketadi. Paratgormon buyrak kanalchalarida kalsiy reab-sorbsiyasini kuchaytirib, buyraklar kalsifikatsiyasiga sabab bo'ladi.

Kalsiy almashinuviga ta'sir ko'ssatishi jihatidan kalsitonin paratgormonning antagonistidir. Kalsitonin ta'sirida qondagi kalsiy miqdori, suyaklardagi osteoklastlar soni kamayib, osteoporoz hodisasining oldi olinadi. Kalsitonin yurak, buyraklar kalsifikatsiyasiga yo'l qo'ymaydi.

Ancha ko'p uchrab turadigan ikki kasallik — tegishli boblarda tasvirlab o'tilgan paratiroid osteodistrofy varaxit suyaklardagi kalsiy miqdorining ozgarishiga bog'liqdir.

## YUMSHOQ TO'QIMALARNING OHAKLANISHI

*Ohaklanish (petrifiksatsiya, kalsinoz) organizm suyuqliklarida erigan holda bo'ladigan kalsiy tuzlarning to'qimalarga cho'kib tushib shu to'qimalarda to'planib qolishidir. Kalsiy odatda biroz miqdor temir, magniy vaboshqa mineral birikmlar bilan birgalikda to'planib boradi.*

Eritmadagi kalsiy tuzlari quyidagi hollarda cho'kmaga tushishi mumkin:

1) qondagi kalsiy miqdori ko'payib (giperkalsiemiya), qonda kalsiy erigan holda saqlanib turolmaydigan mahalda. Bu jarayon umumiy ohaklanish yoki metastatik ohaklanish deb ataladi, ayni vaqtida kalsiy tuzlari intakt to'qimalarda to'planib boradi;

2) kislota-ishqorlar muvozanati mahalliy tarzda ozgarishi natijasida. Bunda kalsiy tuzlari to'qimaning nekrozga uchragan joylarida yoki chuqur distrofik ozgarishlar ro'y bergan to'qimalarda to'planib boradi. Ohaklanishning bu turi o'choqli, mahalliy yoki distrofik ohaklanish deb aytiladi. Bunday mahallarda qondagi kalsiy miqdori norma atrofida bo'ladi;

3) bufer sistemalarning beqarorligi tufayli, bufer sistemalari beqaror bo'lib qolgan mahallarda kalsiy kichik konsentratsiyada bo'lganida ham qon va to'qima suyuqliklarida saqlanib turolmaydi (*metabolik ohaklanish, interstisial kalsinoz*).

Petrifikatsiya boshlanishining sabablari va mexanizmidan qat'i nazar to'qimalarda qum donalari yoki «oyna siniqlari»ga o'xshash plastinkalar ko'rinishida kalsiy paydo bo'ladi. Kalsiyli to'qima zich, qattiq bo'lib qoladi, kesil-

ganida g'irchillaydi. Kalsiy to'plangan joylarda ba'zan geterotopik suyak paydo bo'lishi mumkin.

*Metastatik ohaklanishda* kalsiyning ekstrasellular tarzda to'planib borishi hujayralarning tashqi membrana bilan o'rالган pufakchalarida boshlanadi. Bu pufakchalarning diametri 200 nmg'a teng. Suyak va tog'ay to'qimasidagi shunday pufakchalar matriks pufakchalar deb ataladi. Ularda kalsiy membranalar fosfolipidlariga tropligi tufayli to'planib boradi deb taxmin qilinadi. Hujayra ichida ohaklanish boshlanadigan joy kalsiyni to'plab borib, Halok bo'lgan yoki halok bo'layotgan hujayralar mitoxondriyasidir.

Metastatik ohaklanish qonda kalsiy ko'payib qolgan mahallarda kuzatiladi. Bunday hodisa quyidagi hollarda ro'y berishi mumkin:

1) organizmdan kalsiy chiqarishi kamayib ketadigan surunkali protozoj kolitlarida; 2) suyaklardan kalsiy zo'r berib yuvilib chiqayotgan paytlarda, masalan, gipervitaminoz D da; 3) paratiroid bezlarda o'smalar bor mahallarda suyaklar zo'r berib sorilib ketishi natijasida (paratiroid osteodistrofiya); 4) paratiroid bezlar hujayralarining diffuz giperplaziyasida; 5) mieloma kasalligida; 6) buyraklar polikistozida; 7) surunkali nefritda 8) yo'g'on ichak zararlangan paytlarda (sulema bilan zaharlanish, surunkali dizenteriyada); 9) sistema sarkoidozida; 10) idiopatik giperkalsiemiya; 11) Addison kasalligida.

Kalsiy har qanday to'qimada to'planib borishi mumkin, lekin me'da devori, o'pka alveolalari, arteriyalar devorlari, miokardda metastazlar ko'proq kuzatiladi. Miokard va arteriya devorida ohak membranalar va tolasimon tuzilmalar bo'ylab to'planib boradi. Miokard va arteriya devori kalsinozi bu tuzilmalar to'qimalarining karbonat kislota kam bo'ladi dan arterial qon bilan yuvilib turishiga bog'liq. Ohak metastazlarida kalsiy tuzlari parenxima hujayralariga, biriktiruvchi to'qima tolalari va asosiy moddasiga o'tirib qoladi. Miokard va buyrakda birlamchi kalsiy fosfat tuzlari mitoxondriyalarda kuzatiladi.

*Distrofik ohaklanish (petrififikatsiya)* nekrozga uchragan joyning to'planishida yoki chuqur distrofiya holatiga tushgan to'qimalarda boshlanadi. Bunda to'qimalarda petrififikatlar, ya'ni toshdek qattiq bo'ladi dan ohak donalari, konglomeratlari yuzaga keladi. Petrififikatlar kazeoz sil o'choqlarida, zaxm gummalarda, infarktga uchragan joylar, surunkali yallig'lanish fokuslarida, revmatik endokardit paytida paydo bo'ladi (25-rasm). Distrofik ohaklanish hodisasi chandiqlangan to'qimada (masalan, revmatik endokarditda yurak qopqoqlarida), aterosklerotik pilakchalarida boshlanadi. Bachadondan tashqaridagi homildorlikda o'lgan homilaning ohaklanib qolganligi ham tasvirlangan. Olib qolgan parazitlar (trixinalar, exinokokklar), tromblar (vena toshi — flebolit) petrififikatsiyaga uchraydi va hokazo.



25-rasm. Revmatik endokarditda aorta qopqoqlarida paydo bo'lgan distrofik ohaklanish.

*Metabolik oxaklanish mahalliy va sistema doirasida bo'lishi mumkin.* Bu hodi-sa sistema doirasida bo'lganida teri, teri osti yog' kletchatkasi, paylar, fassiyalar, aponevrozlar bo'ylab, muskullar, nervlar va tomirlarga ohak cho'kib tushadi. Sistema doirasidagi metabolik ohaklanishda dastlab biriktiruvchi to'qimadagi lipidlar almashinuvi izdan chiqadi deb taxmin qilinadi, shu munosabat bilan bu jarayonni *lipokalsino granulyomatoz* deb atash taklif qilinmoqda.

Cheklangan kalsinoz yoki oxakli podagra qo'l-oyoq barmoqlari terisida plas-tinkalar kurinishida ohak to'planib qolishi bilan ta'riflanadi.

Interstitial kalsinoz patogenezi o'rjanilgan emas. Bufer sistemalarning beqa-ror holga kelib, kalsiy miqdori kamayganida uning qonda saqlanib tura olmasligi ma'lum darajada ahamiyatga ega. Ohaklangan joylarda faqat mikroskop ostida ko'zga tashlanadigan mayda-mayda donalar paydo bo'lishi (gardsimon kalsinoz) yoki oddiy ko'zga yaxshi ko'rinish turadigan o'choqlar yuzaga kelishi mumkin. Kalsinozga uchragan to'qima qattiq, mo'rt bo'lib, toshga o'xshab turadi. Kalsinoz o'choqlari atrofida reaktiv yallig'lanish boshlanib, biriktiruvchi to'qima hujayrala-ri ko'payadi, yet tanalar ulkan hujayralari to'planib, fibroz kapsula paydo bo'ladi.

*Kalsinozning ahamiyati* har xil va mexanizmiga, ohaklanishning qanchalik tarqalgani hamda tabiatiga bog'liq. Chunonchi, tarqalgan interstitial kalsinoz zo'rayib boradigan og'ir kasallikdir. Shu bilan bir vaqtida ohak metastazlarining klinik belgilari bo'lmaydi. Kalsiy tuzlarining tomirlar devorlariga cho'kib qoli-shi (aterosklerozda) tomirlar funksiyasi izdan chiqishiga (tomirlar yo'li torayib qolishiga) olib keladi va bir qancha asoratlarga sabab bo'lishi mumkin (masalan, tomir tromboziga). Shu bilan birga parazit o'lib qolgan joyda kalsiy tuzlarining to'planib borishi ijobiy ahamiyatga egadir, chunki jarayon bitib borayotganidan darak beradi. Bunday hollarda parazit yoki mikobakteriyalar tirik to'qima ichida go'yo ko'milib ketgandek bo'ladi.

## TOSH HOSIL BO'LISHI


Kalsiy almashinuvining buzilishi boshqa bir patologik jarayonga — *toshlar hosil bo'lishiga* ham sabab bo'ladi. Toshlar hosil bo'lishida oksalat kislota, purin asoslari almashinuvining buzilishi ham ahamiyatga ega.

*Toshlar erkin holda yotadigan tuzilmalar bo'lib, asosida kalsiy yotadi.* Ular ko'pincha siyidik va o't yo'llarida hosil bo'ladi va shu narsa buyraktosh hamda o't-tosh kasalliklariga olib kelishi mumkin.

Toshlar paydo bo'lishida (litogenezda) quyidagilar muhim ahamiyatga ega: 1) infeksiya, mahalliy yallig'lanish jarayoni bo'lishi; 2) o't kislotalari va o't bilan birga ajralib chiqadigan boshqa anorganik moddalar biosintezining buzilishi; 3) paratiroid bezlar giperfunktsiyaga uchrab, giperkalsiemiya boshlanishi; 4) idiopatik giperkalsiemiya; 5) suyaklar shikastlanganida, Bene — Bek — Shaumann sarkoidozi, gipervitaminozlar mahalida, ishqorlar, kalsiy tuzlari uzoq ichib yurilganida, qattiq suv iste'mol qilinganida boshlanadigan giperkalsiemiya; 6) har qanday sabablarga ko'ra boshlangan giperkalsiuriya (siyidik bilan ko'p miqdor kalsiy chiqishi).

Almashinuv jarayonlari buzilganida hosil bo'ladigan tosh odatda kristalloid tuzilishda, almashinuv buzilmasdan turib, mahalliy tarzda, masalan, yallig'lanish sharoitlarida yuzaga keladigan tosh esa qat-qat tuzilishda bo'ladi. Chunonchi, xolesistitlarda o't pufagida epiteliyning ko'chib tushish hodisasi kuzatiladi; ko'chib tushadigan hujayralar va shilimshiqdan iborat shu bo'lakchalarga tuzlar singiydi, shu bilan birga ular o'sha bo'lakchalarni qavatma-qavat qoplab boradi va har bir bunday qavat xuddi ko'ndalangiga arralangan daraxt tanasidek chiziqlar bilan boshqa qavatdan ajralib turadi. Bordi-yu, ikkala jarayon, ya'ni kristallanish va qavatlanib borish jarayonlari birga qo'shilib, birga davom etib boradigan bo'lsa, u vaqtida tosh aralash tuzilishda: o'rtasi qat-qat, chetlari radial yo'nalishda bo'ladi.

Toshlarning katta-kichikligi har xil bo'lishi mumkin. Qovuqda kattaligi bola mushtidek yirik toshlar bo'lishi mumkin, lekin qum zarralaridek mayda toshlar ham bo'ladi. Kasallikni qanday o'tishi toshning katta-kichikligiga bog'liq emasligini aytib o'tish kerak. Odamdag'i tosh juda yirik bo'lishi va kishi buni bilmasligi ham mumkin. Bunday holda *adam toshni olib yuraveradi-yu*, lekin kasal bo'lib hisoblanmaydi. Toshlarning shakli juda har xil: sharsimon, sigara ko'rinishida, tutmevasiga o'xshash va hokazo. Tosh so'riladigan bo'lsa, halqasimon shaklga kirib qolishi, yarim oy, qum donalari ko'rinishida bo'lishi mumkin.



26-rasm. Har xil shakldagi o't toshlari:

a — aralash toshlar, b — xolesterinli toshlar, v — mayda pigmentli toshlar.

*Siydik yo'llarida kimyoviy tarkibi har xil bo'ladijan toshlar uchraydi. Siydik kislotasidan hosil bo'ladijan silliq sariq toshlar — uratlar, kalsiy fosfatdan iborat gipsdek oppoq fosfatlar, kalsiy oksalatdan iborat oksalatlar shular jumlasidandir. Oksalatlar yuzasi notejis, g'adir-budir bo'lib, ko'rinishdan tut mevasini eslatadi. Ularning notejis yuzasini qon pigmenti qoplayadi, shuning natijasida ular gun-gurt, qo'ng'ir tusga kirib qoladi.*

*O't yo'llarida toshlarning quyidagi turlari uchraydi: 1) odatda yakka bo'ladijan, ko'kimir sariq rangli yengil sof Dodesterin toshlar, bular sigara ko'rinishida bo'lib, alangaga tutilganda suyuqlanadi; 2) mayda-mayda, ko'p bo'ladijan, to'q yashil rangli, salga uvalanadigan yumshoq pigmentli toshlar; 3) asosi xolesterindan iborat bo'lib, pigment oxak qatlamlari bilan o'ralib turadigan aralash toshlar (26-rasm).*

Toshlar chiqarish yo'llarini bekitib qo'yib, ularning o'zi turgan joyidan yuqori qismi cho'zilib ketishiga sabab bo'lishi mumkin. Bu narsa o't yo'llarida o't pufagi istisqosi yoki sariq kasalligiga, buyrakda esa gidronefroz deb aytildigan hodisaga olib keladi. Boshqa organlar: meda osti bezi, so'lak bezlarining chiqarish yo'llarida, ichak, bronxlar, bodomcha bezlar, tanglay chetlari, venalarning ichi va boshqalarda ham toshlar paydo bo'lishi mumkin. Lekin ular siydik va o't yo'llaridagiga qaraganda juda ham kam bo'ladi.

*Klinik manzarasi toshning harakatchanligiga bog'liq. Tosh o'z o'rnidan ko'chib, chiqarish yo'liga o'tib qolganida u, ayniqsa yuzasi notejis, g'adir-budir bo'lsa, shu joyda spazm boshlanishiga sabab bo'ladi. Ana shunday spazm juda qattiq og'riq bilan birga davom etadi (jigar, buyrak sanchig'i).*

## NEKROZ

*Nekroz tirik organizm to'qimasi yoki organidan bir qismining o'lishi, halok bo'lishidir. Nekroz boshlanganida to'qima yoki organ o'sha qismining hayot faoliyati badar to'xtaydi. Nekroz alteratsiyaning so'nggi va qaytmas bosqichi bo'lib, nekrobiozdan, ya'ni to'qimadagi qaytmas, chuqur o'zgarishlardan keyin boshla-*

nadi. Uzoq vaqtidan beri davom etib kelayotgan nekrobozni *patobioz* deb aytiladi. Masalan, ko'pdan beri bitmay kelayotgan yaralar, odam umuman ozib-to'zib ketgan mahallarda, innervatsiya va qon aylanishi izdan chiqqanida yuzaga keladigan va ha deganda bitavermaydigan jarohatlar patobiotik holatlar jumlasiga kiradi. Nekroboz holatiga tushib qolgan to'qimalarda ularning regeneratsiyaga layoqati buzilgan bo'ladi. Shu bilan birga nekrobiotik va nekrotik jarayonlarning fiziologiya va biologiyada odatdagicha, normal hodisa ekanligini aytib o'tish kerak. Ma'lumki, tirik sistemalar o'zining rivojlanish davrida tinmay o'z-o'zidan yemirilib, o'z-o'zidan tiklanib turadi. Chunonchi, badan terisi, hazm, nafas va siyidik-tanosil yo'llari qoplovchi epiteliysining hujayralari tinmay o'lib, regeneratsiyalani turadi. Og'iz bo'shlig'i epiteliysining yuzasidagina besh minut davomida 500 mingtaga yaqin o'lik hujayralar ko'chib tushib turadi.

**Etiologiyasi.** Nekrozni keltirib chiqqaradigan sabablar ikkita asosiy guruhga bo'linadi: *ekzogen* va *endogen* sabablar. Nekrozning *ekzogen* *sabablariga* mexanik shikast, ya'ni travma, haddan tashqari yuqori yoki past harorat, elektr toki, ion-lashtiruvchi nurlar, kislota, ishqorlar, og'ir metallar tuzlari, mikroorganizmlarning ta'siri kiradi. Nekrozning *endogen* *sabablari* qon aylanishining buzilishiga olib keladigan jarayonlar, shuningdek neyrogumoral, allergik va metabolik tudsagi o'zgarishlardan iborat bo'lishi mumkin.

**Tasnifi.** Nekrozga sabab bo'la oladigan omillarning xiliga qarab nekroznинг quyidagi asosiy turlari tafovut qilinadi: 1) travmatik, ya'ni shikastlanishga aloqador nekroz, 2) toksik, 3) trofonevrotik 4) allergik 5) tomirlarga aloqador nekroz.

*Travmatik nekroz* odamning shikastlanib qolishi, ya'ni fizik, elektrik yoki mexanik travmaga uchrashi natijasida boshlanishi mumkin. Masalan, odam badani yuqori kuchlanishli elektr o'tkazgich liniyaga tekkanida, yuqori va past harorat yoki konsentrangan kislota va ishqorlar ta'sir qilganda to'qimalari nekrozga (koagulatsiya va kuyib, ko'mirga aylanish darajasigacha borib etadigan nekrozga) uchrashi mumkin.

*Toksik nekroz.* To'qimalarga toksinlar ta'sir etgan mahalda toksik nekroz boshlanadi. Odam sulema, dori preparatlari (sulfanilamidlar, sintetik antibiotiklar va boshqalar) bilan zaharlanib qolgan paytda nefronlar proksimal va distal bo'limining halok bo'lib ketishi toksik nekrozga misol bo'la oladi. To'qimalarga boshqa zaharli moddalar, aksari bakteriyalardan ajralib chiqadigan moddalar ta'sir qilgan mahallarda ham toksik nekroz paydo bo'ladi. Masalan, silda uchraydigan kazeoz nekroz, zaxm, qorin tifida bo'ladigan nekroz ana shunday nekroz jumlasiga kiradi.

*Trofonevrotik nekroz* bosh miya yoki orqa miya zaharlanganida, masalan, jarohatlanganida yoki o'sma paydo bo'lganida kuzatiladi, bu narsa teri nerv trofikasi buzilishi munosobati bilan yotoq, yaralar paydo bo'lishiga olib keladi.

Denervatsiya ham neyrogen nekrozga sabab bo'lishi mumkin. Neyrogen nekroz bilvosita yo'l bilan, ya'ni nerv sistemasi ta'siri ostida boshlanadigan nekroz deb ham hisoblanadi.

*Allergik nekroz* organizm to'qimalarining qanday bo'lmasin biror xildagi biologik, fiziologik yoki kimyoviy omilga haddan tashqari sezgirligi munosabati bilan boshlanadi va organizm reaktivligi o'zgarib qolgan sharotlarda kuzatiladi (*Artyus fenomeni*). Buyraklarning ikki tomonlama kortikal nekrozlari shu fenomenning odamda uchraydigan tarqoq xillariga kiradi. Odam ba'zi dorilar dan zaharlanganida, masalan, unga penisillin yuborilganida, ko'rildigan nekroz asosan allergiyaga bog'liqidir (bunda badan tersining kattagina joyi nekrozga uchrashi mumkin).

*Tomirlarga aloqador (angiogen) nekrozlarning asosiy sababi to'qimaning qon bilan ta'minlanishi izdan chiqishi, to'qimalar nafasida ishtirok etadigan fermentlarning ishlagmay qo'yishi yoki denaturatsiyaga uchrashi natijasida boshlanadi gan to'qimalar asfiksiyasiidir. Masalan, iprit va lyuizit ta'sir etganida bu moddalar hujayra ichidagi nafas fermentlarining sulfgidril guruuhlarini biriktirib olib, to'qimalarning kislородни о'злаштириш лayoqatидан mahrum qiladi va shu tariqa nekrozga sabab bo'ladi. Lekin angiogen nekroz ko'pincha tomir yo'lliga tromb, embol tiqilib qolishi, tomirga ip solib boglash, qon bilan ta'minlanishning funksional yetishmovchiligi, tomirlar periferik tarmoqlarining spazmi yoki falaji tufayli boshlanadi. Odam qoramig'dan zaharlangan mahallarda (qoramig'ning ta'sir ko'rsatadigan moddasi — ergotin tomirlarni toraytiradigan moddadir), shuningdek Reyno kasalligi vaqtida qo'l-oyoqlarning gangrenaga uchrashi ana shunday nekrozlarga misol bo'ladi.*

Qon ta'minoti bilan biror organning kuchaygan faoliyati o'rtasida funksional nomuvofiqlik yuzaga kelgan mahallarda to'qimalar asfiksiyaga uchrashi, ya'ni kislород bilan yetarlicha ta'minlanmay qolishi mumkin. Sportga aloqador miokard nekrozlari ana shunday hodisa tufayli paydo bo'ladi, bunday mahallarda yurak mutlaqo sog' bo'lishiga qaramasdan unga ortiqcha zo'r kelishi natijasida miokardda infarktlar paydo bo'ladi. Dapir-dapir tutib qoladigan oqsoqlik yoki obliteratsiyalovchi endarteriit ham organ zo'r berib ishlagani holda qon bilan ta'minlanish darajasi bunga mos kelmay qolishiga tipik misoldir.

*Ta'sir mexanizmiga ko'ra: bevosita nekroz, bilvosita nekroz tafovut qilinadi. Bevosita nekroz zarar yetkazadigan omil bevosita ta'sir qilgan mahallarda, masalan, mexanik shikastlanish, vaqtida yuqori va past harorat ta'sir etgan paytlarda paydo bo'ladi. Zaharli moddalar, aksari bakteriyalardan chiqadigan zaharlarning to'qimaga ta'sir qilishi natijasida boshlanadigan toksik nekroz ham bevosita nekroz jumlasiga kiradi. Bilvosita nekroz tomirlar sistemasi, nerv va endokrin sistemalar ishtirokida bilvosita yo'l bilan boshlanadi. Bosh miya shikastlangan mahallarda me'dada to'satdan yara paydo bo'lib, me'da shilliq pardasining nekrozga uchrashi ana shunday nekrozlarga misol bo'lishi mumkin.*

*Birlamchi va ikkilamchi nekroz, o'choq holida va umumiyl nekroz ham tafovut qilinadi.*

**Patologik anatomiyası.** Nekrozga uchragan to'qima yaltiroqligini yo'qotib, xira, gungurt bo'lib qoladi va rangi, zichligi, ko'pincha esa hidi bilan ham tirik to'qimadan ajralib turadi. O'lik to'qim odatdagagi to'qimadan ko'ra rangi ochroq bo'lishi, oq-sarg'ish tusda bo'lib ko'zga tashlanishi (miokard, buyrak, jigarda) yoki qo'ng'ir-qora tusga kirib qolishi mumkin (badan terisi, ichakda). O'zining zichligi, ya'ni konsistensiyasi jihatidan nekrozga uchragan to'qima ancha yumshoq, nam, ilvillagan yoki qattiq bo'lib turadiki, bu narsa to'qimaningo'z xususiyatlariha ham, nekrozni keltirib chiqargan sabablarga ham bog'liqdir. Masalan, bosh miyada hamisha nam nekroz boshlanib, miya to'qimasi yumshab qoladi, ensefalomalatsiya deb shuni aytildi.

Nekrozga uchragan to'qima mikroskopda tekshirib ko'riganida o'ziga xos tuzilishini yo'qotib qo'ygani ko'zga tashlanadi. Hujayralar sitoplazmasi koagulatsiya, gomogenizasiya, vakuolizatsiya uchraydi va erib ketadi. Yadrolarda karioziknoz, karioreksis, kariolizis borligi kuzatiladi. Elastik va retikulyar tolalar ham parchalanib eriydi, kollagen tolalar gomogenlashib, bular ham yemirilib ketadi. Nekrozga uchragan joylarga qon singib, ularga leykositlar, makrofaglar sizib chiqadi (infiltratsiya).

Nekrozning avj olib borish jarayonida uch bosqich tafovut qiladi: 1) *nekroz oldi bosqichi* (to'qima, organning qaytmas o'zgarishlar boshlanmasidan oldingi holati), 2) *nekroz bosqichi* (to'qima, organning halok bo'lishi), 3) *destruktiv o'zgarishlar bosqichi* (to'qima detritining parchalanib, chirib ketishi, qoldiqlarining cheklanib turishi).

Nekroz atrofidagi tirik to'qimalarda demarkatsion yallig'lanish degan hodisa boshlanadi va u nekroz bo'lgan joyning cheklanib, surilib ketishiga yo'l ochadi. Ikkilamchi reaktiv yallig'lanish deb ataluvchi shu joyda tomirlar juda kengayib, to'qima detritini yutib oladigan bir talay makrofaglar, keyinchalik fibroblastlar paydo bo'ladi, ular nekroz o'chog'ining kapsula bilan o'ralib qolishiga yordam beradi.

Nekrobiotik jarayonlarning tartibi va avj olib borish suratlari har xil bo'lishi mumkin, bu patogen omilning tabiatiga, nekrozga uchragan to'qimaning xususiyatlariha, organizmning funktional holatiga bog'liq. Masalan, markazi nerv sistemasida nekrobiotik o'zgarishlar, aytaylik, biriktiruvchi to'qimadagidan ko'ra ancha ilgari boshlanadi.

Nekroz qanday sharoitda ro'y berganiga qarab, har xil atamalar ishlatiladi. Masalan, nekroz tashqi muhitga taqalib turmaydigan to'qimada ro'y bergan bo'lsa, u vaqtida buni *infarkt* deb aytildi. Bordiyu, o'lgan joy tashqi muhit (havo, mikroorganizmlar) ga to'qnash keladigan bo'lsa, buni *gangrena* deb atash rasm bo'lgan (qo'l-oyoqlar, ichak gangrenasi va hokazo).

**Morfologik belgilarga ko'ra** nekrozning ikki turi: koagulatsion va kollikvatsion nekroz tafovut qilinadi.

*Koagulyatsion nekroz* bosh miya bilan orqa miyani aytmaganda, to'qimalarning ishemiyadan zararlanishi uchun xarakterlidir. Koagulyatsion nekroz asosida oqsillarning denaturatsiyalanishi yotadi. Nekrozning bu turi oqsilli to'qimalarda, masalan, ko'ndalang-targ'il muskullarda hammadan yaxshiroq ko'zga tashlanadi. Koagulyatsiya hujayradagi ferment sistemalarining chuqrur denaturatsiyasi bilan birga davom etib boradi va proteinazalarning ta'siriga ha deganda berilavermaydigan chidamli moddalar paydo bo'lishiga olib keladi. Koagulyasiyaga uchrgan to'qimalar gidrolitik parchalanishga berilmaydigan bo'lib qoladi. Koagulyatsion nekrozning mexanizmi jonsizlangan, to'qimalarga kalsiy o'tishiga bog'liq, shu kalsiy oqsillarni ivitib qo'yadigan fermentlari faol holga keltiradi.

Koagulyatsion nekroza: 1) miokard, buyrak, taloqning ishemik infarkti, 2) qorin oldi devori ko'ndalang-targ'il muskullarining senker (mumsimon) nekrozi (bu nekroz ich terlama paytida kuzatiladi), 3) asosan sil infeksiyasi o'choqlarida uchraydigan suzmasimon (kazeoz) nekroz misol bo'lib xizmat qilishi mumkin. Ana shunday o'choqlar atrofida granulyomatoz reaksiya tariqasida boshlan-gan yallig'lanish zonasi ko'zga tashlanadi. Shu xildagi nekroz turini diagnostik jihatdan ajratib aniqlab olish muhim, chunki unga sil qo'zg'atuvchisi sabab bo'ladi. Ishemik infarktda yadrosiz atsidofil hujayralar haftalab saqlanib turishi mumkin. Ular parchalanish va leykositlarga fagotsitlanish yo'li bilan yoki sizib o'tgan leykositlarning lizosomal proteolitik fermentlari yordamida to'qimadan yo'qotiladi.

*Kollikvatsion (nam) nekroz* jonsizlangan to'qimaning irishi bilan ta'riflanadi va nami ko'p va lipidlarga boy to'qimalarda (bosh miyada) kuzatiladi. Kollikvatsion nekroz autoliz yoki geterolizis tufayli boshlanadi, bakterial infeksiya uchun xarakterlidir, chunki bakteriyalar leykositlarning to'planib qolishi uchun juda yaxshi sharoit yaratadi. Yurak, jigar, buyrakdagi gipoksiya mahalida noma'lum sabablarga ko'ra negadir koagulatsion nekroz boshlanadi-yu, lekin markaziy nerv sistemasida kollikvatsion nekroz yuzaga kelib, kistalar hosil bo'ladi. Kollikvatsiya patogenezi qanday bo'lmasin, lekin u hujayraning o'lib ketgan tuzilmalari hazm bo'lishiga qulaylik tug'diradi.

*Fermentativ yog'li nekroz* nekrozning alohida bir turi bo'lib hisoblanmaydi, lekin ancha ko'p uchraydi va *pankreonekroz* degan nom bilan ko'proq ma'lum. Uni faoliyati kuchaygan pank reatik fermentlarning me'da osti bezi parenximasini va qorin bo'shlig'iga patologik yo'l bilan ajralib chiqishi natijasida ma'lum joydag'i yog'larning destruksiyaga uchrashi deb qaraladi. Bu fermentlar asinlar hujayralar va bez yo'llaridan tashqariga chiqib, hujayra membranalaridagi yog'larni eritadi, chunki faol holga o'tgan lipaza hujayra yog'larida bo'ladigan trigliseridlar eifrlarini parchalaydi. Asinlar hujayralarda fermentativ autoliz boshlanib, nekroz o'choqlari yuzaga keladi. Ana shu yog'li nekroz me'da osti bezi kapsulasasi tagida, katta va kichik charvilarda, buyraklarning kapsulasida, ichak tutqichida mayda-mayda sarg'ish o'choqlar ko'rinishida ko'zga tashlanishi mumkin.

Klinik-anatomik belgilari jihatidan nekrozlarning 5 turi tafovut qilinadi: quruq va nam gangrena, anaerob gangrena, yotoq yaralar, sekvestrlar va infarktlar.

*Gangrena* (yunoncha *gangraina*, ya'ni yong'in degan so'zdan olingan). Nekrozga uchragan to'qima kuygandek bo'lib, ko'zga tashlanib turadi. Nekrozlangan joy tashqi muhit ta'siri (unga havo tegib turishi, bakteriyalar ta'sir qilishi) tufayli rangi o'zgarib, qorayib qoladi. *Quruq gangrenada* o'lik to'qimalar quruq havo ta'siri ostida namin yo'qotib, burishadi, qattiq va qora bo'lib qoladi (mo'miyolanish). Keksa odamlar oyoqlarining arteriyalari tortishib, torayib qolganida va ularda tromboz paydo bo'lganida, badan kuygani, badanni sovuq olgan mahallarda ko'pincha shu xildagi gangrena paydo bo'ladi (27-rasm).



27-rasm. Oyoq barmoqlarining gangrenasi (quruq gangrena).

O'lgan to'qima va teri osti kletchatkasida chirituvchi mikroorganizmlar ta'siriga uchraydigan bo'lsa, u holda *nam gangrena* avj oladi. Bunday to'qima qo'ng'ir, qora-ko'kimtir tusga kiradi. Lunj yumshoq to'qimalarida uchraydigan noma yoki «suvli rak» nam gangrenaga misol bo'lishi mumkin (28-rasm). Ichak tutqichi arteriyalari tutilib qolganida ingichka va yo'g'on ichakda nam gangrena boshlanadi. Nam gangrena odatda tobora zo'rpayib boradi, ya'ni o'tishi xavfli bo'ladi.

*Yotoq yaralar* ham gangrenaning bir xili bo'lib hisoblanadi, ular zaiflashib qolgan odamlar nerv sistemasi zararlanganida og'ir infektion kasalliklar paytida badani terisida paydo bo'ladi. Qoplag'ich to'qimalarda nekroz paydo bo'ladigan joylar tananing bosilib turadigan qismlaridir (dumg'aza sohasi, umurtqalarning qirrali o'simtalari tegib turadigan joylar va boshqalar). Yotoq yaralar qattiq axlat massalari bosib turishidan ichakda ham paydo bo'lishi mumkin.

Alovida bir mikroorganizmlar tufayli tirik to'qimalarda paydo bo'ladigan *anaerob gangrenani* (gazli gangrena, gazli flegmonani) hozir aytib o'tilgan gangrena

xillaridan farq qilish kerak. Anaerob gangrena ko'pincha o'q otar qurollardan jarohatlanish natijasida boshlanadi. Anaerob infeksiya patogen anaerob mikroblar qo'zg'atadigan jarohat infeksiyalari qatoriga kiradi. To'qimalarning tez nekrozga uchrashi va gaz hosil qilib irib borishi, yallig'lanishiga oid sezilarli hodisalar ko'rilmagani holda og'ir umumiy intoksikatsiya bo'lishi bilan ta'riflanadi.




28-rasm. Noma (nam gangrena).

Anaerob infeksiyaning ikkita klassik xilini tafovut qilish rasm bo'lgan – *emfizematoz* (gazli gangrena) va *shishi* (xavfli shish) xili. Bularning ikkalasi uchun to'qimalarning tez halok bo'lib, patogen mikrofloraning jarohat tashqarisiga ildam tarqalib borishi xarakterlidir. Muskullar, teri osti kletchatkasi, tomirlar, nervylar nekrozga uchraydi. Muskul to'qimasidagi nekroz ayniqsa sezilarli bo'ladi, muskullar rangi xira tortib, kulrang tusga kiradi, barmoqlar bilan osongina ezildi va jelesimon massaga o'xshab qoladi (to'qimalarning malinasimon lizisi simptomni deb shuni aytildi). Emfizematoz xilida muskul g'ovak-g'ovak bo'lib qoladi, chunki interstisial to'qimaning orasiga gaz pufakchalari kirib qoladi. Shishli xilida to'qimalarga suyuqlik shimilishi ustun turadi.

Nekrozning turlaridan yana biri *sekvestrdir*. U tirik to'qimalarda erkin holda yotadigan va uyushish jarayoniga berilmaydigan o'lik to'qima bo'lagi bo'lib hisoblanadi. Sekvestrlar odatda osteomielitlar paytida suyaklarda yoki o'q tegib suyak singanidan keyin paydo bo'ladi (29-rasm). O'lik to'qima atrofida yiring bilan to'la bo'shliq — sekvestr kapsulasi paydo bo'ladi. Yumshoq to'qimalar ham sekvestrlanishi mumkin. Masalan, ich terlama paytida nekrozga uchragan peyer pilakchalari sekvestrlanishi mumkin. Biroq, bu sekvestrlar tez irib, suyuqlanib ketadi.

*Infarkt nekroz* hammadan ko'p uchraydigan turi (tomirlarga aloqador nekroz) bo'lib, qon aylanishi birdan izdan chiqqan mahallarda ichki organlarda ro'y beradi. Ishemik nekrozlar miokard, buyrak, jigar, taloq, o'pkada kuzatiladi. Ularning shakli, katta-kichikligi, rangi va yumshoq-qattiqligi (konsistensiyasi) juda har xil bo'lishi mumkin. Ular ponasimon yoki noto'gri shaklda, katta joyga

yoyilgan va ko'zga tashlanib turadigan yoki faqat mikroskop ostida ko'rinalidigan (mikroinfarkt) bo'lishi mumkin. Taloq, buyrak, o'pkada boshlanadigan infarktlarning aksariyati ponasimon shaklda bo'ladi.



29-rasm. Osteomielitda suyakning sekvestrlanishi.

Ayni vaqtida ponaning asosi organ kapsulasiga, uchi esa darvozalariga qarab turadiki, bu narsa o'sha organlar angioarxitektonikasining xususiyatlariiga (arteriyalarning markazlashgan tipda tarmoqlanishiga) bog'liq. Yurak, miya, ichak, ya'ni tomirlar yoyilib yoki aralash tarzda tarmoqlanadigan organlardagi infarktlar noto'g'ri shaklda bo'ladi. Infarkt koagulatsion yoki kollikvatsion nekroz tarzida avj olib boradi. Birinchi, holda nekrozga uchragan to'qima zichlashib, quruqroq bo'lib qoladi. Bu xildagi infarkt ko'pincha miokard, buyrak, taloqda yuzaga keladi. Infarkt kollikvatsion nekroz tariqasida avj olib borganida to'qimaning o'lgan joylari yumshab, suyulib boradi. Bunday infarkt asosan ichak va bosh miyada uchraydi. Infarkt bosh miyada boshlanganida pirovardida kista paydo bo'ladi.

Tashqi ko'rinishi jihatidan olganda infarktning uch turi tafovut qilinadi. Oq infarkt, *gemorragik* tojli oq infarkt va qizil infarkt.

*Oq infarkt* atrofidagi tirik to'qimadan ro'yi-rost ajralib turadigan oqish-sariq rangli tuzilmadir. Kollateral qon aylanishi yetarlicha bo'lmasligi bilan ajralib turadigan buyrak, taloqda shu xildagi infarkt ko'p uchraydi.

*Gemorragik tojli oq infarkt* nekroz o'chog'i atrofiga qon quyilib qolishi bilan tariflanadi. Ishemik nekroznинг avj olish jarayonida infarkt atrofidagi joy tomirlarida spazm boshlanib, keyin ular paretik ravishda kengayadi va shu joylarga perivaskular tarzda qon quyuladi. Gemorragik tojli oq infarkt buyrak, miokarda uchraydi.

*Gemorragik qizil infarktda* nekrozlangan to'qimaga qon singib ketadi. Bu xildagi infarkt boshlanishida *venoz qonning dimlanib qolishi, organ tuzilishining xususiyatlari* ahamiyatga ega bo'ladi. Qizil infarkt yurak mitral nuqsoni dekompenatsiyalaniq qolgan mahallarda, o'pkada hammadan ko'ra ko'proq uchraydi. Bir tomondan, o'pkada venoz qonning tobora ko'proq to'planib borishi, ikkinchi tomondan bronxial o'pka arteriyalari o'rtasida anastomozlar borligi gemorragik infarkt boshlanishiga qulaylik tug'diradi. O'pka arteriyasi tarmog'ining yo'li berqilib qolganida nekroz bo'lgan joyga bronxial arteriyadan qon o'taverib, kapillarlarni yorib yuboradi va alveolalar bo'shlig'iga qon quyilib qoladi. Qizil infarkt ichak, taloq, buyrakda ham bo'lishi mumkin.

Yurak, bosh miya, taloq va ichak infarktlari hammadan ko'ra ko'proq uchraydi.

*Miokard infarkti* oq yoki gemorragik tojli oq infarkt bo'lishi mumkin. Noto'g'ri shaklda bo'lishi bilan ajralib turadi. Ko'proq chap qorinchada va qorinchalar o'rtasidagi to'siqda uchraydi. O'ng qorincha va yurak bo'lmalarda kamroq bo'ladi. Nekroz boshlangan joy qayerdaligiga qarab quyidagilar tafovut qilinadi: 1) subendokardial infarkt (bunda jarayon endokard tagida boshlangan bo'ladi), 2) subepikardial infarkt (nekroz epikard tagida boshlanadi), 3) transmural infarkt (bunda infarkt butun miokard bag'rini o'z ichiga olgan bo'ladi).

Nekroz bo'lgan joy atrofida reaktiv yallig'lanish boshlanishi munosabati bilan endokardda trombotik, perikardda esa fibrinoz karashlar paydo bo'ladi. Miokard infarkti o'tkir ishemiya kasalligi deb hisoblanadi va ko'pincha giper-toniya kasalligi bilan ateroskleroz mahalida boshlanadi.

*Bosh miyada oq infarkt* bo'ladi, u tabiatan kollikvatsion nekrozdir. Qon aylanishi sezilarli darajada buzilgan, venoz qon dimlanib turgan sharoitlarda nekrozga uchragan joyga qon shimalishi mumkin, shunda u tabiatan miyaning qizil infarkti ko'rinishiga kira oladi (miyaning qizil yumshashi). Nekroz bo'lgan joyda kistalar yuzaga kelishi mumkin. Miyaning oq infarkti ishemic insult bo'lib hisoblanadi, u serebrovaskular kasallikning ko'rinishlaridan biridir.

*O'pkada* ko'pincha gemorragik infarkt bo'ladi. U odatda shaklan asosi plevraga qarab turgan ponaga o'xshaydi, plevrada fibrinoz karashlar paydo bo'ladi. Nekrozga uchragan to'qima zichligi bilan ajralib turadi, donador va to'q qizil rangda bo'ladi. Infarkt atrofida aksari o'pka to'qimasida yallig'lanish boshlanadi (periinfarkt pnevmoniysi). O'pkaga ko'p qon quylganida gemorragiya o'chog'idagi eritrotsitlar gemolizga uchrashi munosabati bilan gemolitik sariqlik boshlanishi mumkin.

*Buyraklarda infarkt* buyrak arteriyasi tarmoqlari tromboemboliyasi bo'lgan hollarda boshlanadi, bunday tromboemboliya odatda revmatizm, uzoq cho'zilgan septik endokardit, yurakning ishemiya kasalligi, gipertoniya kasalligining asorati o'laroq yuzaga keladi. Buyrakdagi nekroz odatda tabiatdan oq infarkt yoki gemorragik tojli oq infarkt bo'ladi, shakli ponaga o'xshab turadi.

Buyrak arteriyasining asosiy tarmog'i tiqilib qolganida buyrakda total yoki subtotal infarkt bo'lishi mumkin va bunday hollar tasvirlangan ham. Buyraklarda po'stloq qatlami nekrozi ham bo'lishi mumkin, organizmda gemodinamika izdan chiqishiga (arterial bosimning keskin pasayib ketishi, gemorragik shok) bog'liq bo'lgan kortikal nekrozlar deb shularni aytildi. Venoz infarktlar ham bo'lishi mumkin.



30-rasm. Taloq infarkti.

*Taloqda* oq infarktlar uchraydi, bularning asorati natijasida taloqning kapsulasida reaktiv yallig'lanish boshlanadi (30-rasm). Hosil bo'ladigan fibrinoz qarashlar taloq kapsulasi, diafragma, qorin pardasining pariyetal varag'i yoki ichak qovuzloqlari o'rtasida bitishmalar paydo bo'lishiga olib keladi.

*Ichakda* odatda tabiatan kollikvatsion bo'ladigan gemorragik infarkt uchraydi, bunda gangrena boshlanib, ichak teshilishi va peritonit avj olishiga sabab bo'ladi.

Nekrozlarning oqibati har xil. Nekrozga uchragan joy kichik, qon bilan ta'minlanish esa yetarlicha bo'lgan *xayrli mahallarda* o'lik to'qima so'rilib, uning o'rnda avvalgi to'qima paydo bo'ladi, lekin yurak, miya infarktlari bundan mustasno. Miokardda nekroz o'chog'ining katta-kichikligidan qat'i nazar nekroz o'rnda hamisha chandiq to'qima paydo bo'ladi. Bosh miyada gliomezodermal chandiq yoki kista yuzaga keladi.

Boshqa organlarda kattagina nekrozlar bo'lgan mahallarda fibroz to'qima o'sib, chandiq hosil bo'ladi; o'lgan to'qimada kalsiy to'planib borishi ham mumkin, masalan, silda ana shunday hodisa kuzatiladi. Nekrotik to'qimalar chala so'rilgan mahallarda ular kapsula bilan oralib qolishi yoki sekvestrlanishi, yo bo'limasa, mutilatsiya natijasida tirik to'qimadan ajralib tushishi mumkin. Masalan, moxov kasalligi bilan og'igan kishilarda mutilatsiya boshlanib, oyoq yoki qo'lning bir qismi uzilib tushishi ham mumkin.

Shunday qilib, nekroz oqibatida quyidagi hodisalar kuzatiladi:

- 1) to'qima, organning nekrozga uchragan qismi to'la- to'kis regeneratsiyalanishi,
- 2) nekrotik to'qima bilan almashinib, chandiq hosil bo'lishi,
- 3) inkapsulatsiya,

- 4) petrifiksatsiya,
- 5) to'qimaning yumshab qolishi (bunday hodisa miokardda bo'lsa - mioma-latsiya deb, bosh miyada bo'lsa - ensefalomalatsiya deb ataladi),
- 6) sekvestrlanish,
- 7) mutilatsiya.

Nekrozning organizm uchun ahamiyati uning katta-kichikligiga, qayerdaligiga, qanday asoratlar berishi mumkinligiga, organizm halok bo'lgan qismining shu organizm uchun qanday ahamiyat tutishiga bog'liq. Masalan, teri nekrozi bir qadar katta bo'lganida ham organizmda aytarli funksional o'zgarishlarni keltirib chiqarmaydi, vaholanki, yurak qorinchalari orasidagi to'siqning Giss tutami (yurakning o'tkazuvchi sistemasi) o'tadigan kichik joyidagi nekroz ham yurak to'xtab qolishiga olib kelishi mumkin.

Nekroz natijasida organ funksiyasi susayib qolishi ham mumkin (gipofunktsiya). Organizm halok bo'lishi ham mumkin, masalan, miya stvoli sohasidagi ishemik nekrozda kattakon infarkt boshlanib, buning asorati o'laroq yuzaga kelgan o'tkir anevrizma yorilib ketganida shunday bo'ladi. Nekroz bo'lgan joy irib, yiringlab ketsa, u holda organizmda umumiy infeksiya boshlanish xavfi tug'ilishi mumkin.

## O'LIM

Har qanday kasallik har xil oqibat bilan tugaydi. Kasallikning eng qayg'uli oqibati o'limdir. *O'lim organizm hayot faoliyatining badar to'xtab qolishi, har qanday tirk jonzot umrining muqarrar nihoyasidir.*

Sabablariga qarab o'limning uch turi tafovut qilinadi:

- 1) tabiiy o'lim;
- 2) zo'raki o'lim;
- 3) kasallik sabab bo'lgan o'lim.

**Tabiiy o'lim** inson umrining muqarrar yetib keladigan xotimasi bo'lib hisoblanadi va odatda juda keksa yoshdag'i kishilarda ko'riladi. Bunday o'limning sababi organizm to'qimalarining tabiiy ravishda eskirib, funksiyasining astasekin so'nib borishi, ya'ni organizmning qarishidir. Biologiyada yuzaga kelgan yangi yo'nalish — *gerontologiya* keksayish, qarish hodisalarini o'rganish bilan shug'ullanadi. Keksalikda uchraydigan kasalliklarni o'rganish *geriatriya* deb ataladigan fan vazifasi qatoriga kiradi.

Tabiiy o'lim har qafay ancha kam uchraydi, odam ko'pincha kasalliklardan yoki qanday bo'lmasin biror xil zo'rlik (avtomobil halokati, suiqasd va boshqalar) tufayli o'lib ketadi. Mana shunday zo'raki o'limni sud tibbiyoti tekshiradi.

**Kasalliklar sababli bo'ladigan o'lim** patologik anatomiya tomonidan o'rganiladigan hodisa bo'lib, patologik jarayonlar mahalida organizmda boshlanadigan, hayot bilan sig'isha olmaydigan o'zgarishlar natijasida ro'y beradi.

Kasalliklar tufayli ro'y beradigan o'lim, odatda, asta-sekin keladi va hayotiy funktsiyalarning birin-ketin so'nib borishi bilan birga davom etadi. Odam ba'zan, bunday qaraganda, soppa-sog' yurgan mahalida o'lib qoladi, — *to'satdan* o'lish deb shuni aytildi. Organ va to'qimalar hayot faoliyatining asta-sekin so'nib borish mexanizmini, buning sabablarini *tanatologiya* deb ataladigan fan o'rganadi.

Odamda o'lim avvalo nafas va qon aylanishining to'xtab qolishiga bog'liqdir. O'limning asosan ikki bosqichi tafovut qilinadi: *klinik o'lim va biologik yoki chin o'lim*.

**Klinik o'lim** nafas va qon aylanishi to'xtab qolganidan keyin bir necha minutgacha (8 minutgacha) davom etib boradigan, o'lish hodisasini hali qaytarsa bo'ladiqan bosqichidir. Uning qaytuvchanligi asosan bosh miya neyronlarning gipoktsiyadan nechog'lik ko'p yoki kam zararlanganiga bog'liq. Klinik o'lim oldidan predagonal holat bo'lib o'tadi (arterial bosim asta-sekin pasayib borib, odamning es-hushi va miyasining elektr faolligi so'na boshlaydi, yurak ishining maromi o'zgarib, yurak to'xtab ham qoladi — asistoliya ro'y beradi). Bunday holat jon taslim qilish, ya'ni o'lim talvasasi, agoniya holatiga o'tadi, agoniya holati organizm reaktiv va moslashtiruvchi funktsiyalarining so'nggi ko'rinishi bo'lib hisoblanadi.

**Biologik o'lim** — hujayra va to'qimalardagi barcha fiziologik jarayonlarning qaytmaydigan bo'lib, badar to'xtab qolishidir. Bunda jonlantirish, ya'ni reanimatsiya maqsadida ko'rilib qolaveradi. Shuni aytib ketish kerakki, biologik o'lim avvalo markaziy nerv sistemasining o'limidir, chunki u gipoksiyaga hammadan ko'ra ko'proq sezgir bo'ladi. Yurak ancha kech o'ladi, shunga ko'ra o'limdan keyin, hattoki 20 soatdan so'ng jasad dan ajratib olinsa ham, suniy sharoitlarda u o'z faoliyatini tiklab, asliga keltirishi mumkin. Biriktiruvchi to'qima hammadan keyin halok bo'ladi.

**Biologik o'lim boshlanganini ko'rsatadigan aniq-tayin ishonchli alomatlar o'limdan keyin boshlanadigan o'zgarishlardir.** Bular har xil muddatlarda paydo bo'ladi, shu munosabat bilan ular shartli ravishda ikki guruhga bo'linadi: I. Er-tangi, ilk o'zgarishlar — 1) murda sovishi, 2) murda dog'lari, 3) murda qotishi, 4) qonning qayta taqsimlanishi, 5) murda qurishi, 6) autoliz. II. Kechki alomatlar — murdaning aynab, yemirilishiga olib boradigan transformativ o'zgarishlar (autoliz, chirish).

*O'limdan keyin boshlanadigan (ertangi) ilk o'zgarishlar. Murda sovishi.* Yurak faoliyati to'xtab qolganidan keyin tana harorati dastlabki bir necha o'n minut davomida odatda avval qanday bo'lsa, shunday bo'lib turaveradi, keyin asta-sekin pasaya boshlaydi — atrofdagi havo harorati 16—18°C bo'lganda o'rta hisobda soatiga 1°dan pasayib boradi. Jasad terisidagi nam bug'lanishi hisobiga murda harorati ma'lum vaqtga kelib, atrofdagi havo haroratidan 0,5—3°C pastga tushib qoladi. Atrofdagi havo harorati — 4°C dan past bo'lsa, murda sovishdan o'tib, muzlab qoladi. Odam qoqshol, sepsis, toshmali tif kasalligidan yoki ba'zi moddalardan zaharlanib, o'lgan bo'lsa, u holda murdaning harorati yurak to'xtagan

paytdan keyin ham biroz muddat 40—41°C gacha ko'tarilishi va bundan ham oshishi mumkin.

*Murda dog'lari* — badanning pastda yotgan qismlariga qon oqib tushib, to'planib qolishi hisobiga jasad terisining o'ziga xos rangga kirib qolishidir. Murda dog'lari yurak faoliyati to'xtaganidan 2—4 soat o'tganidan keyin paydo bo'la boshlaydi. Ularning nechog'lik seziladigan bo'lishi organizm to'qimalarining qanday suratlari bilan o'lib borganiga bog'liqdir. Masalan, odam tez o'lgan hollar uchun tarqalib ketgan katta-katta to'q rangli murda dog'lari xarakterlidir (adam mexanik sabablarga ko'ra bo'g'ilib qolgan, o'tkir koronar yetishmovchilik bo'lgan hollarda). Onda-sonda ko'zga tashlanadigan oqish murda dog'lari bir taloy qon yo'qotishdan keyin, organizm haddan tashqari ozib ketgan, agoniya uzoq davom etgandan keyin o'lgan hollarga xarakterlidir.

Murda dog'lari odatda ko'kimir-binafsha rangda bo'ladı. Bu dog'larning qip-qizil bo'lishi odamning is gazi, vodorod sulfid, sianidlardan zaharlanganini bildiradi, organizmi haddan tashqari sovuq qotishidan o'lganini ko'rsatadi; murda dog'larining gungurt-jigarrang tusda bo'lishi kishining gemoglobinni met-gemoglobinga aylantiruvchi zaharlar (Bertole tuzi, nitritlar)dan zaharlanganiga xosdir.

Murda dog'lari hosil bo'lishining uchta bosqichini tafovut qilish rasm bo'lgan: *gipostaz* (olimdan keyingi 12-14 soatgacha davom etadi); *diffuziya* yoki staz (olimdan keyin 12—14 soat o'tgandan boshlab birinchi sutkaning oxirigacha paydo bo'ladı) va *imbibitsiya* (olimdan bir kecha-kunduzdan ko'ra ko'proq vaqt o'tgandan keyin boshlanadi). Gipostaz venalarning qonga to'lib-toshib turishi, staz eritrotsitlarning gemolizga uchrashi va qon suyuq qismining tomirlar devoridan diffuziya yo'li bilan chiqib, atrofdagi to'qimalarni qon pigmenti bilan bo'yay boshlashi, imbibitsiya to'qimalarning qonga bo'yalishi pirovardiga yetishi bilan ta'riflanadi.

*Murda (muskul) qotishi* — skelet muskullari, shuningdek ichki organlarning silliq muskullari va yurak muskulining o'ziga xos tarzda qattiqlashib, kalta tortib qolishidir, buning natijasida murda qotib, bo'g'imlarini bukish uchun bir qadar kuch sarflashga to'g'ri keladi. Murda qotishi yurak urishi to'xtaganidan 2—4 soat o'tgandan keyin ma'lum bera boshlaydi va o'limdan keyin birinchi kunning oxiriga borib, hammadan yaxshi bilinadigan darajaga yetadida, 3—4 kunga kelib o'z-o'zidan barham topib ketadi. Murda qotishining barham topishiga asosan ATF resintezi izdan chiqib, sut kislota to'planib borishi sabab bo'ladı. Odam sepsis, holdan toydiradigan og'ir kasalliklar bilan og'rib yoki ba'zi moddalar (xloral gidrat, zaharli qo'ziqorinlar va boshqalar)dan zaharlanib o'lgan bo'lsa, murdasi salgina qotadi yoki mutlaqo qotmaydigan bo'ladı.

*Murda qurishi* jasad terisi yuzasidan nam bug'lanib borishi hisobiga odam o'lganidan keyin darhol boshlanadi-yu, lekin oradan bir necha soat o'tganidan keyingina seziladigan bo'ladı. Murda qurishi badanning epidermis bo'lmaydigan

joylari, ya’ni ko’z, lab, jinsiy organlarning shilliq pardalari yoki epidermis juda yupqa bo’ladigan joylari — yorg’oq, barmoqlarning oxirgi falangalaridan boshlanadi. Murda qurishining birinchi belgisi va, demak, o’limning aniq alomati ko’z oglari qurib, ba’zi joylarining teng tomonli uchburchak shaklida xira tortib, sarg’ish-kulrang va qo’ng’irsimon tusga kirib qolishidir, bunday uchburchaklar asosi odatda ko’z rangli pardasiga, uchi ko’z burchaklariga qarab turadi, Larshe dog’lari deb shularni aytildi. Odam o’lganidan keyin ko’p o’tmay epidermis zararlangan joylar ham tez qurib boradi; bu joylarda «pergament» dog’lar paydo bo’ladi, ular terining ichga tortib turadigan qo’ng’ir-sarg’ish tusli zikh joylari bo’lib, tagida qizil rangli tomirlar ko’rinib turadi.

Atrofdagi havo harorati yuqori va namligi past bo’lgan sharoitlarda murdanning qurishi tezlashib boradi. Murda qurishi odatda badanning ayrim qismi bilan chekланади, lekin atrofdagi muhitda alohida sharoitlar bo’lganida murda boshdan-oyoq qurishi mumkinki, bu narsa murdaning mo’miyolanishiga olib keladi.

*Autoliz* o’limdan keyin ferment sistemalari aynab, pH kislota tomoniga surilib borishi munosabati bilan gidrolitik fermentlar ta’siri ostida organizmdagi tuzilmalarning parchalanib yemirilishidir. Sirtdan bu jarayon organ va to’qimalarning asta-sekin yumshab, suyuqlanib borishi bilan ta’riflanadi, uning nechog’lik seziladigan darajada o’tishi organ va to’qimalardagi proteolitik fermentlar miqdoriga bog’liqidir. Me’da osti bezi, buyrak ustı bezlari, taloq, jigarda lizosoma fermentlarining ko’p bo’lishi autoliz alomatlarining ayni shu organlarda dastlab paydo bo’lishiga olib keladi. Qon autolizga ancha tez uchraydi — o’limdan keyin boshlanadigan gernoliz aslida autolizning bir ko’rinishidir. Me’da va ingichka ichak tarkibida pepsin, tripsin va boshqa birikmalar bo’ladigan hazm shiralari ahamiyatga ega. Odam o’lganidan keyin shu fermentlar himoyalovchi to’siq vazifasidan mahrum bo’lgan o’z shilliq pardasiga ta’sir ko’rsatadi. Shunday qilib, shilliq parda o’z-o’zidan hazm bo’la boshlaydi, bu jarayonning nechog’lik tez borishi odamning o’limi oldidan undagi ovqat hazmi qaysi bosqichda bo’lganiga bog’liqidir. O’z-o’zidan hazm bo’lishi aksari shilliq parda bilan chekланади, lekin emadigan bolalarda me’da va ichak devorlari ham autoliz jarayoniga qo’shilib ketishi mumkin. Ba’zi sharoitlarda me’da shirası qizilo’ngach, halqumga, hatto traxeyaga tuшиб qolishi va ezofagomalatsiyaga, o’pkaning «kislota ta’sirida» yumshab qolishiga sabab bo’lishi mumkin.

*O’limdan keyin boshlanadigan kechki o’zgarishlar.* Murda chirishi murdada zo’r berib ko’payib boradigan va organik moddalarni, birinchi galda oqsil, yog’lar va uglevodlarni parchalaydigan proteolitik fermentlarni ko’p miqdorda ishlab chiqaruvchi talaygina mikroorganizmlar sabab bo’ladigan murakkab biologik jarayondir. Murda chirishi ikki shaklda: *irish* va *chirish* shaklida o’tishi mumkin. Birinchi holda bu jarayon vodorodli uchuvchan oddiy birikmalar hosil bo’lishi bilan, ikkinchi holda kislotali birikmalar hosil bo’lishi bilan birga davom etadi. Murdaning chirishi odatda uch bosqichdan — *gazlar hosil bo’lishi*, *to’qimalar yumshab*, *keyin ularning imbibitsiyalaniши* va *butunlay irib ketishidan iborat bo’ladi*.

## IV Bob

### ADAPTATSIYA VA KOMPENSATSIYA JARAYONLARI

#### GIPERTROFIYA

Fiziologik gipertrofiya  
Kompensator gipertrofiya  
Vikar gipertrofiya  
Neyrogumoral gipertrofiya  
Gipertrofik o'simtalar

#### ATROFIYA

Fiziologik atrofiya  
Patologik atrofiya  
Umumi atrofiya  
Mahalliy atrofiya  
**GIPERPLAZIYA**  
**METAPLAZIYA**  
**DISPLAZIYA**

To'qimalar va organlar doirasidagi moslanish inson patologiyasida har xil jarayonlar ko'rinishida namoyon bo'ladiki, ular tabiatan kompensator bo'libgina qolmay, balki ba'zan ro'yrost patologik jarayon tusini olishi mumkin (masalan, gipertrofiya, atrofiya, uyushuv, giperplaziya, displaziya, metaplaziya).

#### GIPERTROFIYA

*Gipertrofiya to'qima, organ parenximatoz hujayralarining ko'payishi (giperplaziysi) hisobiga yoki maxsus vazifalarni bajaradigan hujayralar ichki organellalari sonining ko'payishi natijasida mazkur to'qima, organ hajmi va og'irligining ortishidir.*

Gipertrofiya va giperplaziya kompensator va moslanish jarayonlarida ni-hoyatda muhim o'rın tutadi va ko'pgina kasallikkarda gomeostazning barqaror bo'lishini ta'minlab beradi. Gipertrofiya bilan giperplaziyaning ikkalovi bir xil sharoitlarda boshlanadi va tabiatan regeneratsiyaga yaqin turadi. Shu bilan birga bu jarayonlar organlar va to'qimalarga funktsional jihatdan ortiqcha zo'r keladigan sharoitlarda shu organ va to'qimalar funktsiyasining kuchayishini ta'minlab beradigan moddiy substrat bo'lib qoladi.

Gipertrofiyaning sabablari va avj olib borish mexanizmi, organizm uchun ahamiyatga qarab, quyidagi turlari tafovut qilinadi: *fiziologik, kompensator, vikar gipertrofiya, neyrogumoral gipertrofiya, gipertrofik o'simtalar*. Ishchi gipertrofiya o'z navbatida ikki turga bo'linadi: fiziologik sharoitlarda boshlanadigan gipertrofiya (fiziologik gipertrofiya) va patologik jarayonlarda ko'riladigan gipertrofiya.


**Fiziologik gipertrofiya** u yoki bu organ zo'r berib jismoniy faoliyatga o'tgan sharoitlarda boshlanadi.

Anatomlarning har bir odam yuragining kattaligi mushtining kattaligidek keladi degan qadimgi kuzatuvlari umuman aytganda haqiqatga to'g'ri keladi va

odamning bo'ybasti hamda bichimidan tashqari jismoniy mehnat ahamiyatini ham aks ettiradi (bosqonchilar, yakkash ishchilar). Funksional gipertrofiya sport bilan shug'ullanuvchi kishilarda ham kuzatiladi. Chunonchi, sportchilar da yurak o'ng qorinchasi gipertrofiyasi boshlanadi (sportchilar yuragi), shtanga ko'taruvchilar va kulturistlarda esa skelet muskullari gipertrofiyalanadi. Jismoniy mehnat yoki sportga aloqador gipertrofiya qaytar hodisadir. Chang'ichilarda chang'i sporti mavsumi tugashi bilan yurak sezilarli darajada ixchamlashib qoladi.

**Kompensator gipertrofiya.** Qanday bo'lmasin biror patologik jarayon malhalida to'qima va organlarda boshlanadigan kompensator gipertrofiya tomomila boshqacha ahamiyatga egadir. Gipertrofiyaning bu turi quyidagi xususiyatlari bilan fiziologik gipertrofiyadan farq qiladi: gipertrofiyaga olib kelgani sabab to'xtovsiz ta'sir ko'rsatib turadi; organning kattaligi va og'irligi unga zararli omillar (masalan, gipoksiya, intoksikatsiya) ta'sir qilib turgan sharoitlarda ortib bora-di.

Kompensator gipertrofiya ko'proq yurakda (31-rasm), shu bilan birga yurakning o'zidagi qon o'tadigan yo'llar torayib qolganida (masalan, mitral qopqoq stenozida) ham, asosiy yoki periferik tomirlar torayib qolganida ham boshlanadi. Bunda agar o'pka tomirlari stenozga uchragan bo'lsa, u paytda o'ng yurak gipertrofiyasi boshlanadi. Aorta og'zi stenozida chap qorincha gipertrofiyalanadi. Yurak chap qorinchasining kattalashib ketishiga gipertoniya ham sabab bo'lishi mumkin (32-rasm). Yurakning chap qorinchasi ham, o'ng qorinchasi ham keskin gipertrofiyalangan mahallarda yurak haddan tashqari katta bo'lib ketishi mumkin, «ho'kiz yuragi» deb shuni aytildi.



31-rasm. Normal va gipertrofiyalangan yurak.



32-rasm. Chap qorincha gipertrofiyasi.

Xullas, qon aylanishi izdan chiqqan sharoitlarda asosiy ishni miokardning qaysi bo'limi bajargan bo'lsa, o'sha bo'limi gipertrofiyaga uchraydi. Bunda: 1) muskul tolalari sezilarli darajada gipertrofiyalanadi; 2) zo'r berib ishlayotgan yurakning biriktiruvchi to'qimadan iborat sinchini mustahkamlash uchun

zarur argirofil tolalar o'sib ketadi; 3) intramural tomir tarmoqlari giperplaziyaga uchraydi; 4) yurak nerv apparati elementlari gipertrofiyalanadi. Mana shu ja-rayonlardan har biri «gipertrofiyalangan yurak» degan yig'ma tushunchaning alohida bir elementidir.

Turli kasalliklarda yurakning har xil struktura qismlarida boshlanadigan gipertrofik o'zgarishlar asta-sekin, aksari necha yil davom etadigan uzoq davr mobaynida zo'rayib boradi va kompensator ahamiyatga ega bo'ladi. Gipertrofiyaga uchragan yurakning olchamlari va og'irligi odatdagiga qaraganda 3-4 baravar oshib ketishi mumkin. Ayni vaqtida qorincha bo'shliqlarining torayib qolishiga yoki aksincha, kengayib ketishiga olib kelishi mumkin. Buning birinchi holini *konsentrik gipertrofiya* deb aytilsa, ikkinchisini *ekssentrik gipertrofiya* deb aytildi. Gipertrofiyaga uchragan miokardda qon bilan ta'minlanish darajasi pasayishi, intoksikatsiya boshlanishi hisobiga vaqtin kelib distrofik va sklerotik o'zgarishlar boshlanadi. Bu narsa miokardning qisqarish funktsiyasi susayib, dekompensatsiya boshlanishiga olib keladi. Bunday mahallarda yurak muskulari zo'rayib qolgan, qon aylanishi organlari sistemasidagi u yoki bu patologik jarayonni kompensatsiyalashga qaratilgan ishni davom ettirishga qodir bo'lmay qoladi.

Kompensator gipertrofiyaga olib kelgan sababni yurakda dekompen-satsiya boshlanmasidan oldinroq bartaraf etiladigan bo'lsa, u holda yurakning olchamlari va og'irligi asta-sekin kamayib, odatdagi darajaga tushib qolishi mumkin, ya'ni miokardning kompensator gipertrofiyasi qaytar jarayon bo'lib, bunda kardiomiotsitlarning ichidagi tuzilmalar soni va hajmi kichrayadi, xolos.

Distrofik va sklerotik o'zgarishlar ancha vaqtidan o'tib ketgan bo'lsa, u holda gipertrofiyaning orqaga qaytishi birmuncha qiyin bo'ladi va sekinroq boradi. Modomiki shunday ekan, patologiya sharoitlarida gipertrofiyani keltirib chiqaridigan sabablarni imkonli boricha barvaqt bartaraf etish kerak. Chunonchi, turmushda orttirilgan yoki tug'ma yurak nuqsoni tufayli yuzaga kelgan miokard gipertrofiyasida o'z vaqtida rekonstruktiv operatsiya qilinadigan bo'lsa, kardiomiotsitlar olchamlari kichrayib, asliga kelib qoladi.

Kompensator gipertrofiya silliq muskulli organlarda ham uchraydi. Masalan, pilorus stenozi mahalida me'da muskulli pardasida boshlanadigan gipertrofiya tufayli me'da evakuator funktsiyasi ma'lum muddat davomida saqlanib boradi (kompensatsiya davri). Qizilo'ngach bilan ichakning pastki bo'limlari torayib qolganida bu organlarning muskul qavatida ham kompensator gipertrofiya boshlanishi mumkin. Giperplastik prostatopatiyada va siyidik yo'li torayib qolgan mahallarda (uretra strikturalarida) qovuq devorlarida gipertrofiya boshlanadi.

Gipertoniya kasalligida tomirlar sistemasidagi kompensator moslanish reaksiyasining bir ko'rinishi arteriyalar devori, uning silliq muskullari, elastik va argirofil tolalarining gipertrofiyasidir. Tomirlar devori kompensator gipertrofiyasi oxir-oqibatda ko'pincha dekompensatsiyaga olib boradi, bunday dekom-

pensatsiya asosida tomir devorining nekrozga uchrab, plazmatik infiltratsiyasi boshlanishi yotadi.

**Vikar gipertrofiya** juft organlardan biri halok bo'lib ketganida yoki ishlamay qo'yan mahallarda boshlanadi. Masalan, bir buyrak tug'ilishdan rivojlanmay qolgan mahallarda, patologik jarayon tufayli ikkinchi buyrak halokbo'lib ketgan yoki operatsiya qilib olib tashlangan paytlarda boshqa buyrakning gipertrofiyaga uchrashi shu jumladandir. Xuddi shunday sharoitlarda saqlanib qolgan o'pka, moyakda ham gipertrofiya boshlanadi. Omon qolgan organ gipertrofiyalanib, olib tashlangan xuddi organning funktsiyasini bajarib boradi. Shu munosabat bilan gipertrofiyaning bu turi *o'rribosar gipertrofiya* deb ataladi. Masalan, saqlanib qolgan buyrak gipertrofiyasining asosida nefronlar gipertrofiyasi yotishini aytib o'tish kerak. Bunda nefronlar yangidan paydo bo'lmaydi, ya'ni ularning soni ortmaydi. Omon qolgan buyrakning og'irligi faqat yosh kishilardagina olib tashlangan buyrak og'irligiga teng bo'ladi. Katta yoshli odamlarda og'irlikning ortishi 70% ni tashkil etadi. Gipertrofiyaga uchragan o'pkaning og'irligi ikkita o'pka og'irligiga teng keladi. O'pka toqimasining o'rribosar gipertrofiyasi alveolalar ortsasidagi to'siqlar hujayralarining zo'r berib ko'payib borishiga (proliferatsiyasiga), kapillarlar va elastik tolalarning giperplaziyalanishiga bog'liqidir.

Neyrogumoral gipertrofiya. Organ hajmi bilan og'irligining ortib ketishi hamisha ham kompensator reaksiya bo'lib hisoblanavermaydi. Gipertrofiya hodisasi ba'zan endokrin bezlar funktsiyasi izdan chiqqanligi tufayli boshlanadi, neyrogumoral, gormonal yoki korrelativ gipertrofiya deb shuni aytildi. Akromegaliya mahalida bir qancha organlarning kattalashib ketishi ana shunday gipertrofiyaga misol bo'la oladi. Ma'lumki, bu kasallik asosan gipofiz oldingi bo'lagi funktsiyasi kuchayib, somatotrop gormon (o'sish gormoni) ko'plab ishlanib chiqishiga bog'liq. Ginekomastiya erkaklarda sut bezlarining kattalashib ketishidan iborat hodisa bo'lib, moyaklar atrofiyaga uchraganligi tufayli ular funktsiyasi susayib qolgani sababli boshlanadi. Bachadon shilliq pardasi gipertrofiyasi asosan tuxumdonlar funktsiyasi buzilib, estrogenlar ortiqcha ishlanib chiqishi tufayli boshlanadi. Gipertrofik o'simtalar. Kompensator ahamiyatga ega bo'lмаган gipertrofiya, ya'ni toqima hajmining kattalashib ketishi hodisalari qatoriga *surunkali yallig'lanishga juda aloqador bo'lgan gipertrofik o'simtalar*, shuningdek *filoyoqlik* kiradi. Ma'lumki, surunkali yallig'lanishda stromaning yallig'lanishga xos hujayralar bilan infiltratlanishi bilan bir qatorda parenximatoz hujayralar, masalan, shilliq pardalar epiteliysi ham ko'payib boradi. Natijada shilliq pardada yallig'lanishga aloqador o'simtalar — *poliplar, kondiloma* qovuq, bachadonda, burun-halqum, me'da, bachadonda hammadan ko'ra ko'prod quzaga keladi.

Filoyoqlik (elefantiaz) *limfa oqib ketishi izdan chiqqanligi munosabati bilan ma'lum bir tana qismi hajmining bir tekis kattalashib ketishidir*. Filoyoqlik endigina boshlanib kelayotgan davrda tananing o'sha qismi mudom shishib turishi

va keyinchalik terisi, teri osti kletchatkasi va fassiyalarida fibroz o'zgarishlar yuzaga kelishi bilan ta'riflanadi. Elefantiaz aksari oyoqlarda bo'ladi (33-rasm), lekin tashqi jinsiy organlar, qo'llar, yuz, moyaklarda ham shunday hodisa ko'rilganligi tasvirlangan.



33-rasm. Filoyoqlik.

Birlamchi va ikkilamchi filoyoqlik tafovut etiladi. *Birlamchi filoyoqlik* boshlanishi tug'ma limfoangiopatiyaga, limfa sistemasining limfa tomirlari aplaziysi, gipoplaziyasi, giperplaziyasiga bog'liq deb hisoblanadi. *Ikkilamchi filoyoqlik* odatda yallig'lanishga aloqador va aloqadormas talaygina kasalliklarning asorati bo'lib hisoblanadi. Saramas, o'pkadan tashqaridagi sil, limfadenit, limfangit, furunkuloz, zaxm ana shunday kasalliklar jumlasiga kiradi.

Filoyoqlikka asosan limfa tomirlari va kapillarlar o'tkazuvchanligining buzilishi sabab bo'ladiki, bunday hodisa: limfa tomirlari yallig'lanib, keyin sklerozga uchraganida; bu tomirlar o'sma bilan bosilib qolganida; ularga gjijalar tiqilib qolganida ku-zatiladi. Limfa tomirlar yo'lining uzoqbekilib yoki torayib turishi natijasida asorat sifatida limfostaz, surunkali shish, disproteinoz boshlanadi.

Filoyoqlikning *yumshoq*, va *qattiq davrlari* tafovut qilinadi. Yumshoq davri sezilarli darajada shish paydo bo'lishi bilan ta'riflanadi. *Qattiq* davrida zararlangan organ hajmi keskin kattalashib, shakli o'zgarib qoladi, terisi qalinlashib, unda yaralar va papillomatoz o'simtalar paydo bo'ladiki, bu narsa umuman to'qimalar fibrozi boshlanganiga bog'liqidir.

**Chin gipertrofiyani** soxta gipertrofiyadan farq qilish kerakligini aytib o'tish lozim, *soxta gipertrofiyada* organ yoki to'qimaning hajmi bilan og'irligi yog' to'qimasi, tolali to'qima, biriktiruvchi yoki suyak to'qimasi o'sib ketganligi hisobiga ortib boradi. Bunda mazkur organ yoki to'qima parenximasini atrofiyaga uchraydi, natijada shu organ yoki to'qimaning funktional faolligi susayib bora-di. Yurakning yog' bosishi ana shunday soxta gipertrofiyaga misol bo'lib xizmat qilishi mumkin, bunda yurak muskul tolalari atrofiyaga uchrab, ular orasida yog' to'qimasi ko'payib ketadi. Yana bir misol buyraklar soxta gipertrofiyasidir, bunda yog' to'qimasi ko'payib boradi. Bosh miya atrofiyaga uchragan mahallarda esa kalla suyaklari ancha qalinlashib ketadi.

Organlarning tug'ilishdan katta bo'lishi (rivojlanish nuqsonlari) ning gipertrofiyalarga hech qanday aloqasi yo'q. Masalan, odam bo'y-bastining umuman yirik, katta bo'lishi (gigantizm) ham gipertrofiya bo'lib hisoblanmaydi. Umuman

gigantizm bilan bir qatorda ayrim organ va to'qimalar, qo'l-oyoqlar, ichak (Girsh-prung kasalligi) gigantizmi, shuningdek epidermis shox qatlamining qalinlashib ketishi (ixtioz) ham uchraydi.

Kompensator gipertrofiyaning organizm uchun ahamiyati juda katta, chunki organ og'ir patologiya sharoitlarida ham yaxshi ishlab boradi. Yallig'lanishga aloqador va neyrogumoral o'simtalor organizmga zarar yetkazishi va o'smalar paydo bo'lishiga olib kelishi mumkin.

## ATROFIYA

*Atrofiya (yunoncha atrophia — ovqat yo'qligi, so'lish degan so'zdan olingan) — to'qima va organlarning tiriklik vaqtida hajmi, o'lchamlari va massasi kichrayib qolishi bilan xarakterlanadigan jarayondir. Bunda ularda sifat o'zgarishlari boshlanib, funktsiyalari susayib qoladi yoki butunlay yo'qoladi. Atrofiyani yangi yashash sharoitlariga organizm moslanishi jarayonlarining bir ifodasi deb qarash kerak. Atrofiya turmush davomida bo'ladijan jarayondir, uni ageneziya (organ yoki murtagining batamom yo'qligi), aplaziya (organning murtak holicha qolib ketganligi, tipik tuzilishdan mahrumligi) va gipoplaziya (tipik tuzilishdan mahrum organning kichrayib qolganligi) singari tug'ma rivojlanish nuqsonlaridan farq qilmoq, lozim.*

Atrofiya fiziologik va patologik xillarga bo'linadi.

Fiziologik atrofiya bir qancha to'qimalarda kuzatiladi va yoshga aloqador involutsiyaga bog'liq bo'ladi, masalan, kindik arteriyalari atrofiyalanib, obliteratsiyalanishi, Botallo yo'li atrofiyasi, buqoq bezi, moyaklar, sut bezi atrofiyasi. Badan terisining keksalikka aloqador atrofiyasi (yupqa tortib, muloyimligini yo'qotib qo'yishi), suyaklarning keksalikdag'i atrofiyasi (kompakt moddasining yupqa tortib, bulutsimon qatlamining siyraklashuvni) ham fiziologik atrofiyaga misol bo'lib xizmat qilishi mumkin. Keksayish jarayonida ichki organlar va bosh miya ham bir qadar kichrayib boradi. Miya po'stlog'inining atrofiyasi keksalar aqli pastligining asosida yotadi. Keksalikka aloqador atrofiya organizmnning regeneratsiya layoqati susayib qolganiga bog'liqidir.

Patologik atrofiya har xil sabablar tufayli boshlanadi, har qanday yoshda uchrashi va tabiatan qaytar va qaytmas bo'lishi mumkin. Atrofiyaning boshlanishi asosan sitoplazmatik fermentlar faolligining susayishiga bog'liqidir, shu narsa dissimilyatsiya jarayonlarining assimilyatsiya jarayonlaridan ustun bo'lib qolishiga olib keladi. Nechog'lik tarqalganiga qarab *umumi* va *mahalliy* atrofiya tafovut qilinadi.

Umumi atrofiyada barcha ichki organlar va muskullarning o'lchami va hajmi kichrayib boradi. Sabablariga umumi atrofiyaning mana bu shakllarini tafovut qilish mumkin: 1) alimentar cho'p-ustixonlik; 2) rakka aloqador kaxeksiya; 3) disgormonal kaxeksiya; 4) serebral kaxeksiya; 5) birqancha kasalliklarning kaxektiq ko'rinishlariga aloqador atrofiya.

*Alimentar cho'p-ustixonlik* oziq moddalar yetarli miqdorda kirib turmagan, odam to'la qimmatli ovqatlar bilan ovqatlanolmay qolgan mahallarda boshlanadi. Bunda to'qimalarning deyarli barchasi atrofiyaga uchraydi. Odam och qolganida birinchi galda organizmdagi yog' depolari (charvi, teri osti kletchatkasi, buyrak yoni kletchatkasi) atrofiyanib boradi. Bularda lipoxrom degan pigment to'planib borishi munosabati bilan ular qizg'ishnamo-sariq tusga kiradi. Epikardning yog'li kletchatkasi va ilik seroz suyuqlikni shimb olib, shishgandek bo'lib turadi (yog'ning seroz atrofiyasi). Badan terisining atrofiyasi epidermisning yupqa tortishi va giperpigmentatsiya bilan birga davom etib boradi. Suyak to'qimasini atrofiyaga uchraganida osteoporoz yuzaga keladi. Ochlik davom etaveradigan bo'lsa, ichki organlar, ayniqsa jigar, yurak atrofiyasi boshlanadi. Bosh miya eng keyingi navbatda atrofiyaga uchraydi. Odam ochidan o'layotgan mahalida uning es-hushi so'nggi daqiqalargacha saqlanib turishi shunga bog'liq.

*Rakka aloqador kaxeksiya* har qanday joyda va har qanday yo'l bilan paydo bo'lgan xavfli o'smalar paytida boshlanadi. Me'da-ichak yo'li turli bo'limlarining rakida — qizilo'ngach, me'da, ichak rakida bu kaxeksiya hammadan ko'ra ko'proq seziladigan bo'ladi, chunki o'smaning organizmga zaharli ta'sir o'tkazishi bilan bir qatorda bunda oziq moddalarning so'riliishi ham buzilgan bo'ladi (alimentar omil).

*Disgormonal kaxeksiya* ichki sekretsiya bezlari funktsiyasining izdan chiqqaniga bog'liq bo'ladi. Bunday kaxeksiya Simmonds kasalligi paytida kuzatiladi (gipofizar kaxeksiya), u masalan, qon quyilishi tufayli fibroz bo'lganidan keyin gipofiz oldingi bo'lagining atrofiyaga uchrashiga bog'liqdir. Disgormonal kaxeksiyaga yana bir misol qalqonsimon bez funktsiyasi pasayib ketgan mahallarda paydo bo'ladigan miksedema. Bunda bir qancha organlar atrofiyaga uchraydi. Bosh miyada nerv hujayralari atrofiyasi boshlanadi, bu hodisa ularning soni kamayib borib, butunlay yo'qolib ketishiga ham olib kelishi mumkin.

*Serebral kaxeksiya* ozib-to'zib, holdan toyishning og'ir shakllaridan biri bo'lib hisoblanadi va gipotalamus o'sma yoki yallig'lanish jarayoni bilan zararlangan mahalda boshlanadi.

Uzoq cho'ziladigan va surunkasiga o'tadigan *infektzion kasalliklar*: sil, brut-selloz, surunkali dizenteriya, chillashir mahalida ham to'qima va organlarning hajmi bilan o'lchamlari kichrayib qolishi mumkin. Uning asosida surunkasiga zaharlanib borish, moddalar almashinuvining buzilishi yotadi.

Kaxeksiyaga uchragan kasallarning *tashqi ko'rinishi* juda o'ziga xos bo'ladi. Tanasining vazni keskin kamayib, teri osti yog' kletchatkasi butunlay bo'lmaydi, ko'zlar ichichiga tortib ketadi, badanining terisi quruq bo'lib, ilvillab qoladi. Bunday kasallarning qorni ichiga tortilgan bo'ladi.

Kaxeksiyada uning qanday sabablardan kelib chiqqanidan qat'i nazar organlarning vazni va o'lchamlari kichrayadi, yog' kletchatkasi kamayib ketadi va lipidogen pigment-lipoxrom to'planib borishi hisobiga sarg'ish-qo'ng'ir tusga

kirib qoladi. Parenximatoz organlarga emas, balki ichki sekretsiya bezlari ham atrofiyaga uchraydi. Atrofik jarayonlar turli organlarda bir tekis bo'lmasligini ta'kidlab o'tish kerak.

Mahalliy atrofiya sabablariga qarab bunday atrofiyaning quyidagi turlari tafovut qilinadi: 1) neyrotik, 2) disfunktional atrofiya, 3) qon bilan ta'minlanish yetishmovchiligidagi aloqador atrofiya, 4) fizik va kimyoviy omillar ta'siridan bo'ladigan atrofiya, 5) mexanik omillar (bosim) dan bo'ladigan atrofiya.

*Neyrotik atrofiya* neyronlar zararlanganida, to'qima va organlar nervdan mahrum bo'lganida, shuningdek nervlar o'sma, yallig'lanish, travma tufayli bosilib qolib, o'tkazuvchanligi buzilganida boshlanadi. Quymich nerv kesib qo'yilganida oyoqning atrofiyaga uchrashi, orqa miya oldingi shoxlaridagi harakatlantiruvchi neyronlarning halok bo'lishi bilan o'tadigan poliomielitda ko'ndalang-targ'il muskullarning atrofiyaga uchrashi ana shu atrofiyaga misol bo'lishi mumkin. Periferik nerv stvollarining yemirilishiga aloqador zo'rayib boruvchi muskul atrofiyasini ham xuddi shu toifaga kiritsa bo'ladi.


*Disfunktional atrofiya yoki ishlamaslikdan bo'ladigan atrofiya* qanday bo'lmasin biror organ faoliyatini susayganida yoki to'xtab qolganida boshlanadi. Masalan, qo'l yoki oyoq suyaklari sinib, o'sha qo'l yoki oyoq uzoq muddat taxtakachlab qo'yilishi natijasida muskullari ishlamay turadigan mahallarda boshlanadigan atrofiya, tish olib tashlanganida tish chuqurchasi chetlarining atrofiyalanishi, ko'z soqqasi olib tashlanganida ko'ruv nervining atrofiyalanib ketishi shunga kiradi.

*Qon bilan ta'minlanish yetishmovchiligidagi aloqador atrofiya* (yoki oziq yetishmovchiligidan bo'ladigan atrofiya) ta'minlovchi arteriya aterosklerotik jarayon tufayli torayib qolgan mahallarda boshlanadi. Masalan, buyrak arteriyasi aterosklerozi buyrakning o'lchamlari bilan og'irligi kamayib, keyinchalik surunkali buyrak yetishmovchiligi boshlanishiga olib keladi (birlamchi burishgan buyrak). Miyani qon bilan ta'minlovchi tomirlar aterosklerozi katta yarim shollar po'stlog'ining atrofiyaga uchrab, keksalik demensiysi paydo bo'lishi olib boradi (34-rasm).

*Fizik omillar ta'siridan bo'ladigan atrofiya* asosan nur energiyasiga bog'liq. O'smalar, masalan, giperestrogenemiyaga aloqador sut bezi o'smalariga nur bilan davo qilish shunga asoslangan. Tuxumdonlarga nur ta'sir ettirilganda ularda atrofik o'zgarishlar boshlanib, estrogenlar ishlanib chiqishi kamayib ketadi. Ionlashtiruvchi nurlarning hujayralar atrofiyasiga sabab bo'la olishidan har xil xavfli o'smalarga davo qilishda foydalaniladi.

*Kimyoviy moddalar ta'siridan bo'ladigan atrofiya.* Bunday omillar jumlasiga yod, tiourasil, ba'zi gormonal preparatlar kiradi. Chunonchi, yod uzoq ishlatilganida qalqonsimon bez parenximasida atrofik o'zgarishlar boshlanadi, buyrak ustisi bezlari po'stlog'i gormonlari uzoq ishlatilganida esa bu narsa shu bezlarning atrofiyaga uchrashiga sabab bo'lishi mumkin.

Keyingi holda ishlamay turganlik uchun boshlanadigan atrofiya bo'lishi ham mumkinligini aytib o'tish kerak, chunki organizmga tayyor gormonlar uzoq muddat borib turilganida buyrak usti bezlarining po'stloq moddasi tegishli-cha ishlamay qo'yadi va atrofiyaga uchrab ketadi. Immunodepressantlar uzoq qo'llanilganida allogen organar retsipyentlarining limloid to'qimasida boshlanadigan trofiya ham kimyoiy modda ta'siridan bo'ladigan atrofiyaga misoldir.



34-rasm. Bosh miya chap yarim sharining atrofiyasi.

*Bosimdan bo'ladigan atrofiya.* Atrofiyaning bu turi, masalan, buyrak-tosh kasalligi mahalida kuzatiladi, buyrak jomidagi toshlar siyidik yo'lini bekitib, siydikning oqib ketishini qiyinlashtirib qo'yishi mumkin. Buyrak jomida to'planib qoladigan siyidik buyrak parenximasiga tazyiq o'tkazib, uning atrofiyaga uchrashiga va keyin gidronefroz boshlanishiga olib keladi. Qon bilan ta'minlanish darajasasi pasaygan, shuningdek miya qorinchalaridan orqa miya suyuqligi oqib ketishi qiyinlashib qolgan mahallarda bosh miya atrofiyasi boshlanadi. Bunday hollarda miya qorinchalari bo'shilqlarida to'planib boradigan orqa miya suyuqligi miya to'qimasiga bosim ko'rsatadi. Kalla suyaklari ham yupqa tortib boradi.

*Mahalliy atrofiyada organlarning tashqi ko'rinishi* xarakterli bo'lib, ularning o'lchamlari bilan ogirligi kamayib qolgani shundoqqina sezilib turadi. Gidrosefaliya va gidronefroz bundan mustasno, bunday hollarda soxta gipertrofiya kuzatiladi. Miya va buyrak parenximalari atrofiyasida bu organlar ularda suyuqlik to'planib borishi hisobiga kattalashadi. Atrofiyaga uchragan yurakda yurak qorinchalarining devorlari yupqa tortib, yurak bo'shilqlari kengayib ketadi.

Atrofiyaga uchragan to'qima va organlar mikroskopda tekshirib ko'rilganida hujayralarining soni bilan o'lchamlari kamayib qolgani topiladi, bunda organ stromasi yo o'zgarmaydi, yo o'sib ketgan bo'ladi. Hujayrada sitoplazma bilan yadro zichlashib, hujayra ichidagi organellalarning soni kamayadi va ular atrofiyalanadi. Hujayra yadrolari sitoplazmasiga qaraganda ancha kech kichrayadi. Ba'zi organlar hujayralarining sitoplazmasida qo'ng'ir rangi bilan ajralib turadi-

gan lipofussin pigmenti bo'lakchalari paydo bo'ladi. Bu pigment tabiatan yog'-oqsilli bo'lib yuqorida aytib o'tilganidek, hujayra eskirgan mahallarda yuzaga keladi. Lipofussin gepatotsitlar, nevronlar va kardiomiotsitlarda hammadan ko'ra ko'proq topiladi. Hujayralarda ko'p miqdor lipofussin paydo bo'lishi natijasida o'sha organlar qo'ng'ir tusga kirib qoladi. Ana shunday hollarni miokard, jigarning qo'ng'ir atrofiyasi deb aytilish mumkin.

**Atrofiyaning organizm uchun ahamiyati** bu jarayonning qayerda boshlan-gani, nechog'lik ifodalanganiga bog'liq. Masalan, badan terisining atrofiyasi ha-yot uchun, aytaylik, miya yoki buyrak atrofiyasi singari uncha xatarli emas, miya atrofiyasi aql pastlikka olib borsa, buyrak atrofiyasi buyrakning birlamchi yoki ikkilamchi tartibda burishib qolishi ateroskleroz yoki glomerulonefrit boshlanishi tufayli surunkali buyrak yetishmovchiligiga, oxirida uremiya boshlanishiga olib boradi.

## GIPERPLAZIYA

*Giperplaziya to'qima va organlardagi hujayralar sonining ko'payishi bilan ta'riflanadigan jarayondir.* Qaysi to'qimalarning hujayralari mitotik bo'linishga qodir bolsa, faqat shunday to'qimalardagina kuzatiladi. Lekin nevronlar bilan kardiomiotsitlarda bunday hodisa bo'lmaydi, ularda faqat hujayralarning ichidagi strukturalar giperplaziyalanib, hujayralarning hajmi kattalashib boradi (hujayralar gipertrofiyalanadi), ayni vaqtida bu hujayralarda mitotik bo'linish kuza-tilmaydi.

Giperplaziya fiziologik sharoitlarda ham, patologik sharoitlarda ham bo'lishi mumkin. Fiziologik giperplaziya kompensator va gormonal giperplaziyaga bo'linadi. Kompensator giperplaziya juft organlar (buyrak ustni bezlari, buyrak, o'pka) dan biri halok bo'lganida yoki olib tashlanganida boshlanadi. Masalan, saqlanib qolgan buyrakda kanalchalar epiteliysida giperplaziya boshlanib, buyrak koptokchalarining hajmi kattalashib boradi, bu nefronlar gipertrofiya-siga olib keladi. Nefronlarning o'zi esa giperplaziyaga uchramaydi.

*Gormonal giperplaziyaga* homiladorlik mahalida sut bezlari strukturalari sonining ko'payib borishi misol bo'la oladi, bunday hodisa qonda ma'lum to'qimalar (bachardon, sut bezlari, to'qimalari) hujayralaridagi proliferatsiyaga ta'sir etadigan estrogenlar miqdorining keskin ko'payib ketishiga bog'liqdir. Bu xildagi giperplaziya pirovard natijada ma'sul organlar gipertrofiyasiga olib keladi. Hujayralarning gormonlar ta'siriga qarab o'zgarishi ularning yuzasida ham estrogenlar, ham progesteron retseptorlari borligiga bog'liq. Steroidlar ana shu retseptorlarga birikib, ham DNK sintezini, ham RNK o'tmishdoshlari sintezini boshlab beradi.

Endokrin bezlar funksiyasi buzilishi tufayli *patologik giperplaziya* boshlanadi: prostata bezi hujayralari giperplaziyasi (giperplastik prostatopatiya), endometriy bezlari giperplaziyasi, qalqonsimon bez follikular hujayralarining giperplaziyasi, terining ochoqli giperplaziyasi (leykoplakiya) shular jumlasidandir.

Endometriy bezlari giperplaziyasi (bu bezlarning soni ko'payib, bo'yiga cho'zilishi, sitoporsimon kanalchalariga aylanib borishi) 1) tuxumdonlar funktsiyasi aynab, estrogenlar bilan progesteron sintezi o'rtaisdagi muvozanat buzilgan mahallarda; 2) ortiqcha estrogen ishlab chiqaradigan tuxumdon o'smalari paydo bo'lganida; 3) dori tariqasida estrogenlarni ichib yurilganida kuzatiladi. Qalqonsimon bezdag'i giperplastik jarayonlar shu bez hajmi bilan og'irligining ortib borishiga (birlamchi gipertireoidizmga) olib boradi.

Qalqonsimon bez funktsiyasini jonlantiradigan immunoglobulinlar bez follikulyar epiteliysi hujayralarinin membranasida bo'ladijan tireotrop gormon retseptorlariga birikadi deb taxmin qilinadi. Shuning natijasida gipofiz gormonlari faol holga o'tib, qalqonsimon bezdag'i proliferativ jarayonlarni kuchaytiradi va bu bezning hajmi kattalashib, undan tiroksin ishlanib chiqishi ko'payishiga sabab bo'ldi. Biroq, giperplaziyaning hozirgina ko'rsatib o'tilgan patologik xillarini organizm nazorat qilib, tartibga solib boradi, sabablari bartaraf etilishi bilan ular barham topib ketadi.

Muayyan sharoitlarda giperplastik jarayonlar o'sma o'sib chiqadigan manba bo'lib qolishi mumkin. Chunonchi, endometriy bezlarning giperplaziyasi 3—4, 5 foiz hollarda endometriyda rak paydo bo'lishiga olib keladi. Bu proliferatsiyaga uchragan hujayralarning kanserogen moddalar ta'siriga ancha sezgir bo'lishiga bog'liqdir.

Shunday qilib, patologik giperplaziya, bir tomonidan, kasalliklarga sabab bo'lishi mumkin (masalan, qalqonsimon bez giperfunktsiyasi), ikkinchi tomonidan esa o'smalar paydo bo'lish ehtimolini oshiradi.

## METAPLAZIYA

*Metaplaziya — hujayralar anomal proliferatsiyasining bir shakli bo'lib, u bir turdag'i yetilgan va tabaqalashib bo'lgan hujayralar o'rniغا xuddi shunday yetilgan va tabaqalashgan boshqa turdag'i hujayralar paydo bo'lishi bilan ta'riflanadi (masalan, silindrsimon epiteliyning ko'p qavatlari yassi epiteliyga aylanishi, biriktiruvchi to'qima ornida suyak to'qimasi paydo bo'lishi shular jumlasidandir).*

Bunday metaplaziya, odatda, biror to'qima, masalan, nafas yo'li epiteliysi uzoq vaqt ta'sirlanib turganida kuzatiladi (chunonchi, surunkali yallig'lanish jarayoni mahalida, hilpillovchi epiteliyning juda sezgir va o'ta nozik bo'ladijan hujayralari o'rniغا ko'p qavatlari yassi epiteliy hujayralari paydo bo'ldi). Bu xildagi metaplaziya atrofdagi muhitning zararli ta'siriga (masalan, chekishga) qarshi yuzaga chiqadigan adaptiv yoki himoya reaksiyasidir deb hisoblanadi. Shilliq pardalar epithelial qoplamasining har joy har joyida o'choqli qayta qurilishi vitamin A yetishmovchiligining asosiy belgisidir. Bunday hodisa silindrsimon epiteliyning metaplaziyaga uchrab muguzlashadigan ko'p qavatlari yassi epiteliyga aylanib qolishi bilan ifodalanadi. Ayni vaqtida nafas yo'llari (burun, burunning qoshimcha bo'shliqlari, kekirdak, bronxlar), buyrak, ko'z pardalari, qovuq, bachardon, qin, prostatada bezi epiteliysi metaplaziyaga uchrab, muguzlanib boradi.

Epitelial qoplam hujayralarigina emas, balki zararlangan hollarda biriktiruvchi toqima ham metaplaziyaga uchrashi mumkin. Masalan, qovuq gelyneon lazerdan zararlanganidan keyin devorida regeneratsiya davom etayotgan mahalda suyak plastinkalari paydo bo'lgan hollar tasvirlangan.

Epiteliy metaplaziyasining biriktiruvchi toqima metaplaziyasiidan farq qilib, tabiatan qaytar bo'lishini aytib o'tish kerak. Epiteliy metaplaziyasida ikki xil o'zgarishlar ro'y berishi mumkin. Bu o'zgarishlarning bиринчи xilida silindrsimon epiteliy оrniga paydo bo'lgan ko'p qavatli yassi epiteliy tuzilishi jihatidan normal epiteliydan hech farq qilmaydi. O'zgarishlarning ikkinchi xilida metaplaziyaga uchragan epiteliy hujayralari kattaligi jihatidan har xil boladi, ularning yadrolari kattaligi va xromatinining miqdori jihatidan bir-biridan farq qiladi. Atipik metaplaziya deb ana shuni aytildi. Metaplaziyaning bu turi rak paydo qiladigan manba paydo qilishi mumkin. Masalan, chekish bronxlar epiteliysi metaplaziyaga uchrab, keyinchalik o'pkada bronxial rak paydo bo'lishiga yo'l ochishi aniqlangan.

## DISPLAZIYA

*Displaziya ham tabiatan o'sma hisoblanmaydigan, qaytar proliferativ jarayonlar jumlasiga kiradi.* Lekin displaziya mahalida morfologik anaplaziya alomatlari paydo bo'ladi. Displaziya aksari epiteliyda kuzatiladi. Displaziyaning xarakterli belgilari hujayralar polimorfizmi, nainki bazal qavatda, balki butun epiteliy qavatidagi hujayralarda bir talay mitozlar paydo bo'lishidir. Bu narsa shunga olib keladiki, epidermisning yuza qatlamlari epidermis bazal hujayralariga o'xshab ketadigan hujayralardan iborat bo'lib qoladi. Displaziyaning asosiy sabablari toqimaning surunkasiga ta'sirlanishi va surunkali yallig'lanishidir. Displaziya bachadon bo'yni, nafas yo'llari, og'iz bo'shlig'i, qovuqda kuzatiladi.

Bronx epiteliysi displaziyasi aksari kashandalarda boshlanadi. Displaziya aslida qaytar jarayon bo'lib, organizmning idora etuvchi mexanizmlari nazorati ostida turadi. Displaziya boshlanishiga olib kelgan sabablar bartaraf etiladigan bo'lsa, bu proliferativ jarayon qaytib, epiteliyning odatdagisi tuzilishi asliga keladi.

Biroq shunday bo'lsada, epithelial hujayralar, xususan, bronxlar va bachadon bo'yni epiteliysi hujayralari malignizatsiyaga uchrashi mumkin. Bu narsa, aftidan, mitoz yo'li bilan bo'linayotgan hujayralarning displaziya mahalida mutatsiyalarga birmuncha moyil bo'lishiga bog'liq. Shuning natijasida organizmning nazorati ostidan chiqib ketadigan va o'sma paydo bo'lishini boshlab beradigan aberrant hujayralar paydo bo'ladi.

Displastik jarayonlar nechog'lik ifodalanganiga qarab uch bosqichga: *sust, ortacha va kuchli ifodalangan xillarga bo'linadi.* Displaziyaning so'nggi bosqichi o'sma oldi jarayoni deb hisoblanadi.

Yuqorida bayon etilgan ma'lumotlardan giperplaziya, metaplaziya va displaziyanı o'sma boshlanishidan oldin bo'lib o'tadigan jarayonlar deb hisoblash mumkin degan xulosa kelib chiqadi. Ular odatda patologik regeneratsiya mahalida kuzatiladi va tabaqalanishning kechikib qolishi bilan birga davom etib boradi.

## V Bob

### QON VA LIMFA AYLANISHINING BUZILISHI

TOMIRLARDA QON TO'LISHUVI  
O'ZGARISHI MUNOSABATI BILAN  
QON AYLANISHINING BUZILISHI  
Arterial giperemiya  
Venoz giperemiya  
Kamqonlik  
TOMIRLAR DEVORI SHIKAST-  
LANISHI VA O'TKAZUVCHANLI-  
GINING OSHISHI MUNOSABATI  
BILAN RO'Y BERADIGAN  
O'ZGARISHLAR  
Qon ketishi va qon quyilishi  
Diapedezi yo'li bilan qon ketishi  
Plazmorrhagiya

GEMOSTAZ VA QON REOLOGIK  
XOSSALARINING BUZILISHI  
Staz  
Tromboz  
Qon tomir ichida (DVS sindrom) qon  
(karaxtlik) ivib qolishi  
Emboliya  
SHOK  
TO'QIMA SUYUQLIGI MIQDORI-  
NING O'ZGARISHI  
Shish  
Degidratatsiya

*Qon aylanishi — yurak bo'shligi va qon tomirlaridan iborat tutash sistema ichida qonning tinmay oqib borishi, yurishib turishidir.* Qon aylanishi tufayli, bir tomondan, to'qimalarga tashqi muhitdan kelib turadigan kislород, oziq modda, suv va tuzlar yetkazib beriladi. Ikkinci tomondan, qon aylanishi karbonat kislota, moddalar almashinuvি oxirgi mahsulotlarining to'qimalardan chiqib ketishiga yordam beradi. Qon aylanishi organizm bilan atrofdagi muhit оrtasida boladigan gazlar va issiqlik almashinuvи jarayonining zarur xalqasi bo'lib ham hisoblanadi. Bundan tashqari, qonning tinmay yurishib turishi gormonlar va fiziologik jihatdan faol bo'lgan boshqa moddalarning kerakli joylarga yetib borishiga yordam beradiki, shuning natijasida organizmnинг yaxlit bir sistema tariqasida yashab, ishlab borishi mumkin bo'ladi.

Qon aylanishi organlari jumlasiga yurak, tomirlar kiradi, bular katta va kichik qon aylanish doiralarini hosil qiladi. Yurakning o'ng qorinchasi, o'pka arteriyasi, o'pka venalari va yurakning chap bo'lmasi kichik qon aylanish doirasini tashkil etadi. Yurakning chap qorinchasi, doirasini, shoxtomir, ya'ni aorta, pastki kovak vena, yurakning o'ng bo'l machasi katta qon aylanish doirasini hosil qiladi.

Yurakning rosmana ishlab turishi qonning tomirlar sistemasida harakatlanib, yurishib turishini ta'minlaydi. Tomirlar sistemasi o'zining biofizik xususiyatlariga ko'ra bir-biridan farq qiladigan besh qismni o'ziga oladi:

1) bosh tomirlar, bularga shoxtomir (aorta) va yirik arteriyalar kiradi. Bu tomirlar devorlarida elastik tolalar ko'p bo'lishi bilan ajralib turadi va o'zining

elastikligi tufayli yurak urishiga monand to'lqinlanib oqib kelayotgan qonning ancha tinch va bir tekis bo'lib oqib borishini ta'minlaydi;

2) oqimga qarshilik ko'rsatadigan tomirlar — mayda arteriyalar bilan arteriolalar. Bularning devorida tomirlar yo'lini tez o'zgartirib tura oladigan muskul tolalari ko'p. Shunday tolalar ko'p bo'lganligi tufayli bu tomirlar qon aylanishi sistemasiga umuman yetarli darajada qarshilik ko'rsatib turadi;

3) almashinuv tomirlari — kapillarlar. Bular qon bilan to'qimalar o'rtaSIDA moddalar almashinuvi bo'lib turishi uchun sharoit yaratadi, shu munosabat bilan qon aylanishining juda muhim qismi bo'lib hisoblanadi;

4) shunt tomirlari — arteriolo-venular anastomozlar, bular qonning kapillarlarni chetlab, arteriyaldan venalarga o'tib ketishini ta'minlaydi, buning, masalan, odam organizmiga past harorat ta'sir qilib turgan sharoitlarda fiziologik jihatdan muhim ahamiyati bor.

5) hajmiy tomirlar — juda ko'p cho'ziluvchan va nisbatan elastik bo'lishi bilan ta'riflanadigan venalar. Venalar organizmdagi butun qonning 70-80 foizini o'ziga jo qiladi, butun qon aylanish sistemasining hajmini, yurakka qaytib keladigan qon miqdorini, qonning bir daqiqalik hajmini belgilab beradi.

To'qima va organlarda bular funktsiyasining shiddatiga yarasha miqdorda qon oqib turishini qon aylanishini idora etuvchi mexanizmlar ham ta'minlaydi, bular shartli ravishda o'z-o'zini *idora etuvchi* mexanizmlarga va *neyrogumoral yo'l bilan idora etuvchi* mexanizmlarga bo'linadi. O'z-o'zini idora etuvchi mexanizm qon aylanish sistemasining o'zida bo'lib, uning boshqa organ va sistemalar bilan bog'laydigan o'zaro aloqasida zohir bo'ladi. Qon aylanishini neyrogumoral yo'l bilan idora etuvchi qon aylanish sistemasining retseptor maydonlari (masalan, karotit sinus, aorta ravog'i o'pka arteriyasi), uzunchoq miya, gipotalamus, bosh miyaning eski va yangi po'stlog'idagi yurak-tomirlar faoliyatini boshqaruvchi markaz, nerv sistemasining turli bo'limlarida joylashgan preganglionar va post-ganglionar simpatik va parasimpatik nevronlar ishtirot etadi. Qon aylanishining neyrogumoral yo'l bilan idora etilishida endokrin bezlar: buyrak usti bezlari, gi-pofizning orqa bo'lagi, buyraklarning yukstaglomerular kompleksi muhim o'rIN tutadi.

Yurak, tomirlar funktsiyasining buzilishi, qon reologik xossalaring o'zgarishi, idora etuvchi mexanizmlarning izdan chiqishi qon aylanishining umuman yoki mahalliy tarzda buzilishiga olib kelishi mumkin.

Qon aylanishi buzilishining hamma turlarini ularning sabablari va yuzaga kelish mexanizmiga qarab quyidagi asosiy guruhlarga bo'lish mumkin:

1. Qon to'lishuvining o'zgarishi munosabati bilan kuzatiladigan buzilishlar: arterial va venoz giperemiya, kamqonlik.

2. Tomirlar devorining zararlanishi va tomirlar o'tkazuvchanligining o'zgaruvchanligiga aloqador buzilishlar: a) qon ketishi (qonash) va qon quyilishi, b) diapepedez yo'li bilan qon ketishi, v) plazmorragiya.

3. Gemostaz va qon reologik xossalarining buzilishi: a) staz, b) tromboz, v) qonning tomir ichida ko'plab ivib qolishi, g) emboliya.
4. Shok.
5. To'qima suyuqligi miqdorining o'zgarishi.

## TOMIRLARDA QON TO'LISHUVI O'ZGARISHI MUNOSABATI BILAN QON AYLANISHINING BUZILISHI

### ARTERIAL GIPEREMIYA

*Arterial giperemiya (arterial to'laqonlik) qonning arterial sistemadan oqib ketishi odatdagicha, normal darajada saqlanib qolgani holda unga qon kelishi ko'paygan sharoitlarda boshlanadi.* Giperemiya bir nav moslashtiruvchi hodisa bo'lib, normal va patologik sharoitlarda ham ko'p uchraydi.

U tabiatan umumiyl bo'lishi mumkin. Giperemiya qon umumiyl miqdorining ko'payishiga (pletoraga) yoki qizil qon tanachalari (eritrotsitlar) soni ko'payib qolganiga (eritremiyaga) bog'liq bo'lishi mumkin. Aksari tabiatan mahalliy boladigan giperemiya uchraydi. Sabablariga qarab uning bir necha turi tafovut qilinadi: 1) angionevrotik (neyroparalitik) giperemiya, 2) kollateral giperemiya, 3) anemiyadan keyin boshlanadigan giperemiya, 4) vakat giperemiya, 5) yallig'lanishga aloqador giperemiya, 6) arteriovenoz yo'l paydo bo'lishiga aloqador giperemiya.

*Angionevrotik giperemiya* nervlar zararlanganida, masalan, tomirlarni toraytiruvchi nervlar falaj bo'lib qolgan mahallarda yoki tomirlarni kengaytiruvchi nervlar ta'sirlanishi tufayli boshlanadi.

*Kollateral giperemiya.* Bu xildagi giperemiya asosiy arteriyaga tromb, embol tiqilib, teshigibekilib qolganda yuzaga keladi. Bunday sharoitlarda qon chetlab o'tadigan kollateral tomirlarga qarab yuradi; tomirlar yo'li keskin kengayib, ularغا qon kelishi ko'payadi.

*Anemiyadan keyin boshlanadigan giperemiya* arteriya bosilib qolib, ishemiya paydo bo'lishiga olib keladigan omil (o'sma, bo'shilqqa yig'ilib qolgan suyuqlik, bog'lash uchun solingan ligatura) bartaraf etilgan mahalda yuzaga keladi. Bunda tomirlar keskin kengayib, qon bilan to'lib-toshib turadiki, bu bir tomondan, ular yorilib, qon ketishiga, ikkinchi tomondan, boshqa organlar, masalan, bosh miya ishemiyasiga olib kelishi mumkin.

*Vaqat giperemiya* barometrik bosim pasayishi natijasida paydo bo'ladi. U umumiyl va mahalliy bo'lishi mumkin. G'avvoslar bosim yuqori joydan tez ko'tarilib chiqqan mahalida, kosmik kema germetizatsiyasi bузilib qolgan paytlarda arteriyalar birdan juda kengayib, qonga to'lib ketishi mumkin (*umu-*

*miy vakat giperemiya). Mahalliy vakat giperemiya, masalan, badanga bankalar qo'yilgan paytda badan terisida paydo bo'ladi.*

*Yallig'lanishga aloqador giperemiya hammadan ko'p uchraydi, u yallig'-lanishning doimiy belgisi bo'lib hisoblanadi va yallig'langan joyga qon ko'p keli-shi munosabati bilan paydo bo'ladi.*

*Arterial giperemiyaning organizm uchun ahamiyati giperemiyaning turiga bog'liq. Chunonchi, mahalliy vakat giperemiya yaxshi ta'sir ko'rsatadi, chunki zararlangan organga zo'r berib qon oqib kelishini ta'minlaydi. Kollateral giperemiya qonsizlanib qolgan to'qimada nekroz boshlanishiga yo'l qo'ymaydigan omil bo'lib hisoblanadi. Shu bilan birga giperemiya uzoq davom etadigan bo'lsa, arteriyalar yorilib, hayot uchun xavfli darajada qon ketib qolishi mumkin. Masalan, anemiyadan keyin boshlanadigan giperemiyada, vakat, kollateral gi-peremiyada ana shunday hodisa kuzatilishi mumkin. Lekin arterial giperemiyaning organizm uchun odatda jiddiy bir oqibatlarga olib bormasligini aytib o'tish kerak.*

## **VENOZ GIPEREMIYA**

*Arterial giperemiyadan farq qilib, venoz giperemiya aksari tabiatan umumiylar bo'ladi, uzoq davom etadi, ba'zan esa organlarda qaytmas bo'ladigan strukturaviy va funktsional o'zgarishlarga olib keladi. Venoz qonning dumlanib qolishi qon oqimi-ning sekinlashuvni bilan birga davom etib boradiki, bu narsa gipoktsiya boshlanishi, mikrosirkulator o'zan tomirlari o'tkazuvchanligi kuchayib, shish paydo bo'lishiga olib keladi. Venoz to'laqonlik umumiy va mahalliy bo'lishi mumkin.*

*Mahalliy venoz to'laqonlik (giperemiya). Mahalliy venoz giperemiya ma'lum bir organ yoki tana qismiga odadtagidan yoxud sal kam qon kelib turgan holda o'sha joydan qon oqib ketishi qiyinlashib qolgan paytlarda boshlanadi, Mahalliy venoz giperemiyaga kollateral venoz giperemiya misol bo'ladi, u asosiy vena tomirlaridan qon oqish harakati qiyinlashganida venalarga, masalan, o'sma, assit suyuqligi tazyiqidan tushib turgan bosim yo'qolib ketganida ham boshlanishi mumkin. Venoz giperemiya mana shu ikkala holda ham xavfli darajada qon ketishiga sabab bo'la oladi, masalan, jigar sirrozida qizil'ngachning kengayib ketgan va yupqalashib qolgan venalaridan qon ketishi shular jumlasidandir. Venalar trombozi ham mahalliy giperemiyaga olib kelishi mumkin. Qopqa vena trombozi me'da-ichak yo'li venalarining qonga to'lib-toshib ketishiga olib bora-di. Jigar venalari yallig'lanib, ularda tromboz paydo bo'lishi (obliteratsiyalovchi tromboflebit yoki Baddi-Kiari sindromi) jigarda venoz giperemiya boshlanib (muskatsimon jigar), keyin jigarning muskatsimon sirrozi paydo bo'lishiga olib keladi.*

*Umumiylar venoz giperemiya qon aylanishining umuman buzilganini aks ettiradi.*

*Qon aylanishining umumiylar buzilishi butun qon tomirlar funktsiyasi izdan chiqqanda kuzatiladi va yurakdan har minutda otilib chiqadigan qon miqdori,*

*yā'ni daqiqalik qon hajmi, aylanib yurgan qon hajmi, qonning bir davra aylanib chiqish vaqtı (qon zarrasining katta qon aylanish doirasini bosib o'tadigan vaqtı) o'zgarishi bilan birga davom etadi.* Organizmda qonning taqsimlanishi ham o'zgarib qoladi, natijada organlarning qon bilan ta'minlanishi va funktsiyalari o'rtasidagi muvofiqlik buziladi.

Butun organizm doirasida qon aylanishining izdan chiqishi yurak va tomirlardagi funktsional va struktura o'zgarishlariga (yurak va tomirlar yetishmovchiligi), o'pka, nerv sistemasidagi funktsional va struktura o'zgarishlariga bog'liq boladi, shok qonning reologik xossalari o'zgarib qolgan vaqlarda ham qon aylanishi kuzatiladi. *Yurak yetishmovchiligi:* endokarditlar (endokardning aksari revmatizm tufayli yallig'lanishi), miokarditlar (infektsion va revmatik miokarditlar), miokard infarkti sabab bo'la oladi. *Tomirlar yetishmovchiligi* periferik arteriyalar funktsiyasi buzilganida tomirlar motorikasi o'zgarib qolganida (tomirlar yo'lining funktsional kengayishi yoki torayib qolishi), tomirlar devorida struktura o'zgarishlari (arterioskleroz, ateroskleroz) boshlanishi, tomirlar devorining butunlay yoki qisman tiqilib qolishi (tromboz, emboliya) natijasida yuzaga keladi.

Qon aylanishining umumiy izdan chiqishi aylanib yuruvchi qon hajmini belgilab beradigan venalar sig'diruvchanlik funktsiyasining buzilishiga va kapillarlar devori funktsiyasining aynashiga (bu narsa transkapillar moddalar almashinuvida o'zgarishlar ro'y berishiga olib keladi) aloqador bo'lishi mumkin. Masalan, shok mahalida organizmdagi aylanib yurgan qon hajmi keskin kamayadi. Bu venoz qonning yurakka qaytib kelishi kamayishiga, demak, arterial bosimning pasayishiga olib keladi.

Qonning fizik xossalari o'zgarib qolganida, xususan qon yopishqoqligi ortib, u quyuq tortib qolgan paytlarda (angidremiyada), Osiyo vabosi, bo'lalarda bo'ladigan o'tkir dispepsiylar, ba'zi moddalardan, masalan, fosgen va difosgendan zaharlangan mahallarda ham qon aylanishining umuman izdan chiqishi kuzatiladi. Qon yopishqoqligining ortishi kapillarlarda qon oqishi susayib, hattoki to'xtab qolishiga (stazga) ham olib boradiki, bu narsa o'z navbatida, to'qimalar oziqlanishi izdan chiqib, nekroz boshlanishiga sabab bo'ladi.

O'pka kasallikkleri munosabati bilan qon aylanishlarining umumiy buzilishi har xil sabablarga aloqador pnevmosklerozlar, o'pkada boshlangan surunkali yallig'lanish jarayonlari sil mahalida kuzatiladi.

Qon aylanishining umumiy buzilishida quyidagilar ma'lum ahamiyatga ega:  
1) vegetativ nerv sistemasi faoliyatining izdan chiqishi, 2) ichki sekretsiya bezlari funktsiyasining buzilishi, 3) organizmda biologik faol moddalar (adrenalin, vazopressin, tiroksin va boshqalar) sintezi va almashinuvi buzilishi (buning natijasida periferik tomirlar devori tonusi o'zgarib, umumiy periferik arterial bosim ko'tariladi yoki pasayib ketadi).

Qon aylanishi umuman buzilganida kompensator jarayonlar boshlanadi, bularni ikki turga bo'lish mumkin: 1) tuzilish o'zgarishlari bilan birga davom etmaydigan funksional kompensatsiya (masalan, umumiy arterial bosim ko'tarilganida miokard qisqarishlarining kuchayishi); 2) yurak tornirlar sistemasining qanday bo'lmasin biror bo'limida ro'y beradigan struktura o'zgarishlariga aloqador kompensatsiya (masalan, gipertoniya kasalligida tomirlarning gipertrofiyaga uchrashi, aorta qopqog'i stenozida chap qorincha miokardida gipertrofiya boshlanishi ana shunday kompensatsiya jumlasiga kiradi).

Birinchi holda qon aylanishidagi u yoki bu xildagi o'zgarishlar batamom barham topadi, ikkinchi holda struktura o'zgarishlari kompensatsiya mexanizmlarining ishi yaxshilanishiga yordam beradi, xolos. Masalan, mitral qopqoq yetishmovchiligidagi qonning bir qismi chap yurak bo'lmasiga qaytib keladi. Bunda shu bo'lma bo'shlig'inining kengayishi tabiatan kompensator bo'ladi. Keyinchalik yurak chap bo'lmasi bo'shlig'inining yanada kengayishi yurak muskuli uchun qo'shimcha zo'r kelishiga sabab bo'ladi, chunki yurak bo'shlig'inining ko'ndalang kesimi kattalashganida miokard kerakli darajada bosim hosil qilish uchun kuchliroq qisqarishga majbur bo'ladi. Bu miokardning gipertrofiyalanishiga olib keladi. Bo'lma bo'shlig'inining kengayishda davom etishi miokardning qon bilan ta'minlanishi yomonlashuviga sabab bo'ladi, buning natijasida yurak qisqarishlari zaiflashib boradi va yurak faoliyatida dekompen-satsiya holatlari boshlanadi. Bunday sharoitlarda yurak qonni kichik qon aylanish doirasidan katta qon aylanish doirasiga va aksincha, haydab bera olmay qoladi, natijada venoz qon umuman dimlanib boradi. Ayni vaqtida chap qorincha yetishmovchiligi ustun turgan bo'lsa, venoz qon ko'proq kichik qon aylanish doirasida, o'ng qorincha yetishmovchiligidagi esa katta qon aylanish doirasida dimlanib qoladi. O'tkir yurak yetishmovchiligi (miokard infarkti, o'tkir yurak dekompensatsiyasi) o'tkir venoz giperemiya boshlanishi bilan birga davom etadi.

Surunkali yurak yetishmovchiligi yuzaga kelishida uch davr tafovut qilinadi: I davri odam tinch turgan mahalda gemodinamika va organlarining funktsiyalarini aynimaydigan boshlang'ich davr, II davri — kichik va katta qon aylanish doirasida qon dimlanishiga xos belgilar bilan ta'riflanadi, III davri distrofik davr bo'lib, gemodinamika, moddalar almashinuviga va organlar funksional holatining ko'p darajada buzilishi bilan ajralib turadi. Bu davr organlarda qaytmash struktura o'zgarishlari ro'y berishi bilan ta'riflanadi. Surunkali yurak yetishmovchiligidagi barcha ichki organlarda venoz qon surunkasiga dimlanib boradi.

**Patologik anatomiysi.** Venoz qon dimlanishi to'qimalarda gipoksiya boshlanishiga olib keladi, shuning natijasida organ va to'qimalarda quyidagi patologik jarayonlar avj olib boradi: 1) plazmorragiya, 2) shish kelishi va qon quylishi, 3) distrofiya va nekroz, 4) atrofiya, 5) organlarda boshlanadigan sklerotik o'zgarishlar.

Surunkali gipoksiyada organlarda biriktiruvchi to'qima o'sib ketishi fibroblastlar tomonidan tropokollagen sintezlanib chiqishining kuchayishiga bog'liqdir. Bunda parenximaning halok bo'lgan elementlari o'rniда fibroz to'qima paydo bo'ladi, shuning natijasida organ va to'qimalar zich tortib, qattiqlashib qoladi. *Sianotik induratsiyaga* asosan ana shu o'zgarishlar sabab bo'ladi, bunday induratsiyaning bosqichlarini qon dimlanib qolgan (muskat) jigar misolida yaxshi kuzatib chiqsa bo'ladi.

Jigarda qon dimlanib qolishi, ya'ni jigarning muskatsimon ko'rinishga kiriishi mexanizmida ikki omil ahamiyatga ega: 1) yurakdan otilib chiqadigan qon miqdori kamayishi va arteriolalarning torayishi tufayli jigarda arteria qon aylanishining kamayishi; 2) o'ng yurak bo'lmasi bilan pastki kovak venada qon bosimi keskin kuchayib borishi natijasida paydo bo'ladi *retrograd venoz dimlanish*.

Venoz dimlanish hodisasi jigar bo'lakchalarining markazida boshnadi, bu narsa sinusoidlar kengayib, qonga to'lib ketishiga olib keladi. Jigar bo'lakchalarining chetki tomonlarida qon dimlanishiga aloqador hodisalar bo'lmaydi, shunga ko'ra bo'lakchalarning markazi to'q rangli, qora, chetlari esa och bo'lib ko'zga tashlanadi. Jigar kesmasi muskat yong'oqqa o'xshaydigan ola-bula ko'rinishda bo'ladi (muskatsimon jigari). Venoz qon dimlanishining davom etib borishi qon quyilishiga, gepatotsitlar atrofiyaga uchrab, sentrolobular gemorragik nekrozlar boshlanishiga sabab bo'ladi. Keyinchalik biriktiruvchi to'qima o'sib, jigarda muskatsimon (yurakka aloqador) sirroz boshlanadi. Markaziy venalar sklerozi ham qayd qilinadi.

Muskatsimon jigar kattalashgan, qattiq, chetlari dumaloqlangan bo'ladi. Rangi kuylang-sarg'ish tusda bo'lib, to'q qizil rangli hol-holi bor joylar ko'zga tashlanadi. Mikroskopda tekshirib ko'rilganida jigar bo'lakchalarining markaziy venasi va sinusoidlari qonga to'lib, gepatotsitlarda atrofiya, destruksiya boshlangani topiladi. Jigar bo'lakchalarining chetki tomonlarida gepatotsitlar giperplaziysi va yog' distrofiyasi qayd qilinadi.

Surunkali venoz dimlanishda gipoksiya kuchayib borishi munosabati bilan *o'pkada* alveolalarga, alveolalar orasidagi to'siqlarga diapedez yo'li bilan ko'p joylarga qon quyilib, keyinchalik gemosideroz boshlanadi. Alveolalar orasidagi to'siqlар keyinchalik fibrozlanib, kapillarları bitib ketadi (obliteratsiya), kichik qon aylanish doirasida paydo bo'ladi gipertoniya o'pka arteriyalari va arteriolalari tobora ko'proq yo'gonlashib borishiga olib keladi. Alveolalar orasidagi to'siqlар sklerozi shu to'siqlardagi gemosideroz bilan birga qo'shilib, o'pkaning kulrang induratsiyaga uchrashiga asosiy sabab bo'ladi. *O'pkaning qo'ng'ir induratsiyasi* revmatizm munosabati bilan yuzaga kelgan mitral qopqoq stenozida ko'proq kuzatiladi. Mikroskopda tekshirib ko'rilganida alveolalar orasidagi to'siqlarning kapillarları qonga to'lib ketgan bo'lib chiqadi, ularda anevrizmatik kengaymalar ham hosil bo'ladi. Kapillarlearning yorilishi alveolalar bo'shlig'iga qon quyilib, eritrotsitlar parchalanib borishiga olib keladi. Alveolyar makrofag-

lar eritrotsitlarning parchalari, gemosiderinni fagotsitlab, gemosiderofaglarga (yurak nuqsoni hujayralariga) aylanadi. Qon dimlanishi sezilarli darajada bo'lganida alveolalarning devorlari ulardagi kapillarlar kengayishi va perivaskular shish paydo bo'lishi hisobiga qalinlashib ketadi. Venoz dimlanishda *buyraklar* kattalashgan, zichlashib qattiqlashgan, sianotik tusga kirgan bo'ladi. Venoz to'laqonlik buyrakning miya muddasida va intermedial qismida ko'zga tashlanadi. Buyrak kanalchalari epiteliysida distrofiya hodisasi kuzatiladi. Birmuncha kechki muddatlarda biriktiruvchi to'qima paydo bo'lib o'sib boradi.

Qon aylanishi umumiy izdan chiqqanida *sianotik taloq, induratsiyasi* ham boshlanib, limfa follikulalari atrofiyaga uchraydi. Bu patologiyaning ilk muddatlaridayoq taloqning vazni 250—300 g ga borib qoladi (odatda 150 g bo'ladi). Kesib ko'rilganida yumshoq, ilvillagan bo'lib chiqadi. Mikroskopik tekshirishda sinusoidlar kengayib ketgani ma'lum bo'ladi, yengil qon quyilish o'choqlari va gemosiderin otirib qolgan joylar ko'zga tashlanadi. Venoz dimlanish davom etib boradigan bo'lsa, taloqning vazni 500—700 g ga yetib qoladi. Qizil pulpasidagi sklerotik jarayonlar zo'rayib boradi. Fibroz to'qimada ba'zan siderofaglar to'plamlarini ko'rish mumkin bo'ladi.

*Me'dada* tomirlar qonga to'lib turgani va shish paydo bo'lgani ustiga eroziyalar, yaralar topilishi mumkin. *Me'da osti bezida* qon quyilgan joylar, yog'li nekroz o'choqlari, ekskretor apparat hujayralari destruksiyasi ko'zga tashlanadi. *Buyrak usti bezlarida* qon dimlanish hodisasi asosan po'stloq muddasining to'rsimon qavatida kuzatiladi, shu joyda mayda-mayda qontalashlar, nekroz o'choqlari paydo bo'ladi, koptokcha va to'rsimon qavat hujayralari har yer har yerda delipidizatsiya uchraydi.

Badan terisi va shilliq pardalarning ko'karib turishi, ya'ni sianoz paydo bo'lishi ham venoz qon dimlanishiga xarakterlidir, sianoz paydo bo'lishi to'qimalarning qondagi kislородни ортиқча ўтиб олишига ва qonda qaytarilgan gemoglobin miqdori ko'payib qolishiga bog'liqidir. Sianoz paydo bo'lishida o'pka kapillarlarida qonning kislородга yetarli to'yinmasligi ham ahamiyatga ega.

## KAMQONLIK

*Kamqonlik tana yoki organning u yoki bu qismiga yetarlichcha qon kelmay qolishi natijasida boshlanadi, to'qimalar kislород bilan yetarli ta'minlanmasligi (gipoksiyaga) yoki butunlay kislород kelmay qolishiga (anoksiyaga) olib boradi.* Kamqonlikka (ishemiyaga) uchragan joy rangi o'chib, harorati pasayishi, konsistensiyasi bo'shashib qolishi bilan ta'riflanadi. Birdan boshlangan, ya'ni o'tkir kamqonlikda to'qima va organlarda distrofik va nekrotik o'zgarishlar yuzaga keladi. *Surunkali kamqonlikda* atrofik va sklerotik jarayonlar boshlanadi. Kamqonlik to'laqonlikka teskari jarayondir, u tabiatan umumiy va mahalliy bo'lishi mumkin. Ushbu bo'limda mahalliy kamqonlik ko'zdan kechirib chiqiladi.

Ishemiya asosida har xil omillar yotadi. Kelib chiqish sababları va avj olib borish sharoitlariga qarab ishemiyaning quyidagi turlari tafovut qilinadi: 1) angiospastik (reflektor), 2) obturatsion, 3) kompression, 4) qon qayta taqsimlanishi tufayli paydo bo'ladigan kamqonlik.

*Angiospastik kamqonlik* asosan tomirlarning torayishi, ya'ni spazmga uchrashi natijasida paydo bo'ladi, angionevrotik krizlarda, Reyno kasalligida, organizmga tomirlarni toraytiruvchi dori preparatlar yuborilganida, odam shikastlangan mahallarda tomirlar yo'li torayib, bekilib ham qoladi. Odamga shikast yetgan mahallarda tomirlar spazmi aksari tabiatan tarqoq bo'lib, buning natijasida shikastlangan joydan olisdagi organlarda ham ishemiya boshlanishi mumkin. Bosh miya shikastlanganida, me'da va o'n ikki barmoq ichakda yara paydo bo'lishi ham asosan ana shunday mexanizmga bog'liq. Tomirlar torayishi, ya'ni angiospazm to'qimalar ishemiyasiga sabab bo'libgina qolmasdan, balki tomirlar devorining o'zida ham chuqur struktura o'zgarishlariga olib borishini aytib o'tish kerak, bu o'zgarishlar aksari silliq muskullar nekrobiozi, intima, elastik membranalarning uzilishi, yorilishi ko'rinishida bo'ladi. Shunday qilib, angiospastik hodisalar angioparalitik va angionekrotik hodisalarga aylanib ketishi mumkin. Angioparalitik jarayonlar jumlasiga tomirlar devoriga qon quyilib qolishi, plazmorragiya va gemorragiya hodisalari kiradi.

*Obturatsion kamqonlik* arteriya yo'lining tromb, embol yoki aterosklerotik pilakcha (stenozlovchi aterosklerozda) bilan bekilib qolishi natijasida boshlanishi mumkin.

*Kompression kamqonlik* arteriya o'sma, ekssudat, jgut, ligatura bilan bosilib qolganida boshlanadi.

*Qon qayta taqsimlanishi natijasidagi kamqonlik*, masalan, qorin bo'shlig'ida to'planib qolgan suyuqlik (assit) tez chiqarib tashlanganida bosh miyada kuza tiladi.

I. V. Davidovskiy (1969) qon oqimi sekinlashib qolganiga aloqador *dimlanish gipoksiyası* va havoda kislород miqdori kamayib qolishi natijasida, pnevmoniya hamda emfizema mahallarida qonning kislородга yetarlicha to'yinmay qolishidan yuzaga keladigan *gipoksemik gipoksiya* degan hodisalarni ham tafovut qiladi.

*Anemik gipoksiya* qondagi gemoglobin miqdori kamayib ketganiga yoki, masalan, odam arsenit vodoroddan zaharlanganida gemoglobin o'zgarib, met-gemoglobinga yoki is gazidan zaharlanganida karboksigemoglobinga aylanib qolganiga bog'liq bo'ladi. Mana shu sababdan ham anemiya, leykozlar bilan og'rigan kasallarning to'qimalarida, masalan, yurak muskulida ko'pincha distrofik o'zgarishlar ro'y beradi. Gipoktsianing bu turlarini *to'qima gipoksiyasidan* farq qilish kerak, to'qima gipoksiyasida qon odatdagicha kelib turgani va unda kislород yetarlicha bo'lgani holda nafas fermentlari denaturatsiyalanib qolgani tufayli to'qimalar oksidlanish jarayonlarini yuzaga chiqara olmaydi.

Ishemiya avj olib borishida organ bajarayotgan ish bilan uning qon ta'minoti o'rtaida funksional jihatdan nosozlik bo'lishi katta ahamiyatga egadir, organning o'zi bajarayotgan ishiga yarasha qon bilan yetarli ta'minlanmay qolishi ko'pincha, ayniqsa, stenozlovchi koronar ateroskleroz bor mahallarda infarkt boshlanishiga sabab bo'ladi. Masalan, sportchilar jismoniy jihatdan ortiqcha zo'riqqan mahallarida ana shunday infarktlar boshlanib qolgani tasvirlangan (miokardning sportga aloqador nekrozlar).

Kamqonlikning klinik ahamiyati va anatomik oqibatlari to'qimalarning kislород tanqisligiga nechog'lik sezgirligiga, qon aylanishida yuzaga kelgan o'zgarishlar qanchalik uzoq davom etishiga va angioarxitektonika xususiyatlariiga bog'liqdir. Masalan, badan terisi, muskul va suyaklarda ishemiya soatlab davom etsada, klinik va anatomik jihatdan olganda jiddiy oqibatlarni keltirib chiqarmaydi. Shu bilan birga miyada ishemiya boshlanib qolsa, u qisqa muddat davom etsa ham, miya to'qimasida yumshash o'choqlari paydo bo'lishiga sabab bo'lishi mumkin (postanoksik ensefalopatiya).

## **TOMIRLAR DEVORI SHIKASTLANISHI VA O'TKAZUVCHANLIGINING OSHISHI MUNOSABATI BILAN RO'Y BERADIGAN O'ZGARISHLAR**

### **QON KETISHI VA QON QUYLISHI**

*Qon ketishi, qonash dinamik tushuncha bo'lib, tomirlar yoki yurak bo'shlqlaridan atrofdagi muhit yoki tana bo'shlig'iga qon oqib tushishi jarayonidan iborat.* Bu jarayonning bevosita oqibati qon quylishi — gemorragiya, ya'ni to'qima yoki bo'shlqlarda qon to'planib qolishidir. Hodisalarga klinik baho berishda ana shu ikki tushunchani, ya'ni qon ketishi va qon quylishini bir-biridan ajratish juda muhim.

Qon ketishi, qonash tashqi va ichki bo'lishi mumkin. Qon tuflash (gemoptoe), burundan qon ketishi (epistaksis), qon quшив (gematomezis), axlat bilan birga qon tushishi (melena), bachadon bo'shlig'idan qon ketishi (metrorragiya), xullas, qonning tashqi muhitga oqib chiqishi *tashqi qon ketishiga* misol bo'la olish mumkin.

*Ichki qon ketishiga* misol qilib, qonning plevra bo'shlig'iga (gemotoraks), yurak xaltasi bo'shlig'iga (gemoperikard), bo'g'implar bo'shlig'iga (gemartroz) to'planib qolishini, mayda nuqta-nuqta bo'lib qon quylishi — *petexiyalar* va *eksimozlarni* aytib o'tsa bo'ladi. Nuqta-nuqta holida quylgan mayda qontalashlar juda ko'p bo'lsa, buni purpura deyiladi (teri purpurasi, miya purpurasi va hokazo). Badan terisi, shilliq pardalariga yoyilib *quyilib qolgan qontalash* deb yuritiladi. Ichki qon ketishi natijasida ba'zan to'qimalar butunligi ancha buzilib, ivigan talaygina qon to'planib qoladi va *gematomalar* hosil bo'ladi. Gohida esa

quyilgan qon to'qimani yemirmasdan, balki uning elementlarini chetga surib, shu to'qimada to'planib boradi. Bunday hollarni to'qimaning *gemorragik infil-tratsiyasi* deylidi.

Tomir devorining butunligi buzilishi natijasida yoki diapedez yo'li bilan qon ketishi mumkin. Ko'pincha sog' tomirlar devori yorilishiga aloqador qon ketish hollari uchraydi, odam travmadan shikastlanganida, qon bosimi keskin ko'tarilib ketganida yoki birdan ko'p qon oqib kelganida shunday bo'ladi. Tomir devorida patologik jarayon boshlangan mahalda ham tomir devori yorilib ketishi mumkin. Masalan, gipertoniya kasalligida aortaning o'rta pardasida uni nekrozga olib boradigan o'ziga xos bir jarayon boshlanadi.

Mana shunday medianekroz aksari aorta yorilishiga sabab bo'ladi. Yirik tomirlar anevrizmalari yorilganida qon ketishi juda xavfli bo'ladi.



35-rasm. Diapedez yo'li bilan qon quyilishi:

1 — miya to'qimasi; 2 — kapillar endoteliysi; 3 — eritrotsitlarning tomirdan tashqarida to'planishi; 4 — neyronlar.

Tomir devori yiring ta'sirida, organizmning o'z fermentlari ta'sirida yoki zo'rayib boradigan to'qimalar autolizi natijasida (masalan, o'sma yoki sil jarayonida) yemirilganida ham qon ketishi mumkin.

### DIAPEDEZ YO'LI BILAN QON QUYILISHI

*Diapedez yo'li bilan qon quyilganda tomir devorlari butunligicha saqlanib turaveradi, kapillar va arteriolalarda struktura o'zgarishlari bo'lmaydi* (35-rasm). I. V. Davidovskiy (1968 y.) eritrotsitlarning tomir devoridan sizib o'tishini sochma oq donalarining suyuqlanib turgan jelatinadan nom-nishon qoldirmay o'tib ketishiga o'xshatsa bo'ladi deb ko'rsatadi. Diapedezda tomirlar devorining o'tkazuvchanligi o'ziga xos tarzda o'zgaradi, o'zgorganida ham plazmani alohida, eritrotsitlarni alohida o'tkazadigan bo'lib o'zgaradi, chunki bunda leykositlar tomirdan tashqariga chiqmay qolaveradi. Diapedez yo'li bilan qon ketishi: 1) venoz bosim ko'tarilganida; 2) asfaksiya paytlarida; 3) dekompenzatsiyalangan yurak

nuqsonlarda; 4) stazga yaqin holatlarda; 5) o'tkir infeksiyalar mahalida ko'p kuzatiladi. Diapedez yo'li bilan qon ketishi tabiatan reflektor asosga ega bo'lishi va og'ir shikastlar mahalida, bosh miya silkingan paytda, o'smalar vaqtida boshlanishi mumkin.

Diapedez yo'li bilan qon ketib o'tadigan kasalliklar bor, *gemorragik diatezlar deb shularni aytildi*. *Gemorragik diatezlar irlsy yoki tur mushda orttirilgan kasalliklarning bir guruhi bo'lib, ularning asosiy klinik belgisi organizmning takror-takror qon ketishi va qon quyilishiga moyil bo'lib qolishidir, bunda o'z-o'zidan yoki arzimas shikast yetganidan keyin badan qonaydigan bo'ladi*. Gemofiliya, essensial trombotsitopeniya, chaqaloqlarning gemorragik kasalligi, skorbut va boshqalar gemorragik diatezlar jumlasiga kiradi.

Gemorragik diatez patogenezida ba'zi hollarda qon ivish jarayoni biror bog'inning izdan chiqishi birinchi o'rinda tursa, boshqa hollarda qon ketishiga olib boradigan sababni kapillarlar devori va atrofdagi to'qimalarda bo'ladigan fizik-kimyoiy o'zgarishlardan izlamoq kerak.

Qon ketishi va qon quyilishining ahamiyati zararlangan tomirlarning tabiatiga, shu hodisalarning nechog'lik kuchliligi va tezligiga bog'liqdir. Yirik tomirlar zararlanishi munosabati bilan qon ketishi kishining hayoti uchun, mayda tomirlar zararlangan mahaldagiga qaraganda, shubhasizki, ancha xayflidir, chunki gemorragik shokka olib borishi mumkin.

Qon ketgan yoki qon quyligan joyning qayerdaligi ham katta ahamiyatiga ega. Teri osti yog kletchatkasida katta-katta gematomalar paydo bo'lsa ham, bular odatda qanday bo'lmasin biror jiddiy oqibatlarga olib bormaydi. Shu bilan birga miyaning kichik bir qismiga qon quyilishi ham odamning majruh bo'lib qolishiga yoki o'lib ketishiga sabab bo'lishi mumkin.

## PLAZMORRAGIYA

*Plazmorragiya — tomirlar devori va perivaskular to'qimaga qon plazmasi sizib o'tishidan iborat jarayondir.*

Plazmorragiya boshlanishi: 1) normada qon bilan to'qimalar o'tasidagi moddalar almashinuvini ta'minlab beruvchi mikrosirkulator o'zan tomirlari devorining o'tkazuvchanligi buzilishiga; 2) qonda antikoagulantlar: gistamin, serotonin, lipoproteidlar miqdori ko'payishiga, 3) qon reologik xossalalarining buzilishiga bog'liqdir. Normada kapillarlar devoridagi teshiklardan o'ta oladigan kattalikdagi molekulalargina sizib o'tishi mumkin. Turli patologik jarayonlarda bu teshiklar kengayib, birmuncha yirik molekulalar, jumladan plazma oqsillari o'tishi uchun ham yo'llar ochiladi.

Turli organlar o'z tomirlarining o'tkazuvchanligi jihatidan olganda normada ham bir-biridan farq qiladi. Chunonchi, jigar, taloq, ko'mik tomirlarining o'tkazuvchanligi nisbatan yuqori bo'lgan organlar jumlasiga kiradi. Tomirlar o'tkazuvchanligining past bo'lishi, yurak, o'pka, bosh miya uchun xarakterlidir.

Plazmorragiya: 1) gipertoniya kasalligi, 2) qandli diabet, 3) ba'zi infektsion kasalliklar, 4) allergik reaktsiyalar, 5) to'qima gipoksiyasi mahalida kuzatiladi.

Tomirlar o'tkazuvchanligining kuchayishi qon oqimidan plazma ajralib chiqishiga yo'l ochadi. Bunda qon plazmasi oqsillari — albumin, globulinlar, fibrinogen — tomir devoriga sizib o'tadi va ba'zan perivaskular to'qimaga chiqadi. Tomirlar devori qalin tortib, gomogen bo'lib qoladi. Keyinchalik plazma oqsillari denaturatsiyaga uchrab, koagulatsiyalanadi, tomirlar endoteliysi, bazal membranalar, elastik tomirlarni zararlaydi. Buning natijasida tomirlar devori fibrinoid bo'kishga uchrab, oxiri gialinozga olib boradi, masalan, gipertoniya krizida uchraydigan tomirlar gialinozining sababi mana shu. Gipertoniya krizi ro'y beraganida har safar arteriolalar juda torayib (spazm), struktura elementlari zararlanadi. Bu narsa tomir devori o'tkazuvchanligi kuchayib, keyinchalik unga plazma oqsillari singib o'tishiga olib keladi. Pirovard natijada tomirlar sklerozi va gialinozi boshlanadi, ular o'z navbatida atrofdagi to'qimaning o'choqli skleroziga olib keladi. Masalan, gipertoniya kasalligida buyraklar birlamchi burishuvining genezi ana shunday.

Plazmorragiyaning ahamiyati kapillarlar orqali bo'ladigan almashinuvning nechog'lik ko'p darajada izdan chiqishiga bog' liq.

## GEMOSTAZ VA QON REOLOGIK XOSSALARINING BUZILISHI

### STAZ

*Staz — qon oqimining sekinlashuvi va batamom to'xtab qolishidir. Umumbiologik nuqtai nazardan olganda stazni asosan periferik qon aylanishi va qonga to'lishuvni idora etadigan moslashtiruvchi mexanizmlarning uzilishi yoki dekom-pensatsiyasi deb qarash kerak.*

Tomir bog'lab qo'yilganida, venoz qon dimlanishida, tomirga fizik yoki kimyoviy omillar bevosita ta'sir qilgan mahallarda, shuningdek vazomotor o'zgarishlar bo'lgan paytlarda, infektsion, infektsionallergik kasalliklar vaqtida ham staz boshlanishi mumkin.

*Qon oqimining shunchaki to'xtab qolishi va chin staz hodisasini tafovut qilish kerak. Qon oqimi shunchaki to'xtab qolgan mahalla arteriya yo'li torayib, qon ustuni donador tuzilishga kiradi, lekin qonning quyuqlashish, hujayra elementlarining tashqariga chiqib ketish hodisalari kuzatilmaydi. Gemoliz va qonning ivib qolish hollari ham qayd qilinmaydi.*

*Chin stazda qon o'zining donador strukturasini yo'qotib, bir jinsli bo'lib qoladi, eritrotsitlar bo'rtib, gemoglobinni yo'qotadi. Plazma ajralib chiqqan gemoglobinga to'yinib, tomirdan tashqariga chiqib ketadi va to'qimani misdek qizil rangga bo'yaydi. Stazni keltirib chiqargan sabab ta'siri davom etaveradigan*

bo'lsa, stazlangan qon ivib qolishi mumkin. Stazga uchragan qon quyuqlashgan eritrotsitar massadan tashqari leykositlardan ham iborat bo'lishi mumkin. Mana shunday leykotsitar stazlar odatda kollapslar mahalida kuzatiladi. Qon oqimida staz boshlanishidan bevosita ilgari bo'lib o'tadigan o'zgarishlar *prestatik* o'zgarishlar deyilsa, staz bir taraflik bo'lganidan keyin ro'y beradigan o'zgarishlar *poststatik* o'zgarishlar deyiladi. Bunday o'zgarishlar boshqa o'zgarishlarga, chunonchi, ishemik destruksiyaga, diapedez yo'li bilan qon quyilishiga sabab bo'ladi. Prestatik holatlar tromb hosil bo'lismiga olib kelishi mumkin. Turg'un stazlar odatda nekrozga olib boradi.

Stazlar ancha ko'p uchraydigan hodisalardir. Ular mikro va makromiya apopleksiyaliga asos bo'ladigan angionevrotik krizlar paytida kuzatiladi. Stazlar yallig'lanish o'choqlarida ham kuzatilishi mumkin, bu holda ular to'qimalarning halok bo'lismiga olib boradi. Masalan, o'pka yallig'langan mahalda stazlar tufayli o'pka yiringlab, gangrenaga uchrashi mumkin.


## TROMBOZ

*Tromboz — hayot vaqtida qondan uning zich, qattiq massalari ajralib chiqib, bularning tomir devori yoki tomir yo'liga cho'kib tushishi, ya'ni odam tirikligida qonning tomir ichida ivib qolishidir. Ivib qolgan shu qattiqqina qon massasi tromb deb ataladi.*

Tromboz o'z mohiyatiga ko'ra juda muhim fiziologik hodisadir, u zararlangan tomirlardan oqib chiqayotgan qonning to'xtashiga olib boradigan organizm himoya reaktsiyasi — gemostaz kuchayishi tufayli boshlanadi.

## GEMOSTAZ

Endoteliyning biror joyi zararlanganida trombotsitlar «faol holga o'tib», endotelial hujayralarga yopishib qola boshlaydi. Lekin ular aggregatsiyalanmaydi, chunki endotelioitsitlar trombotsitlarning aggregatsiyalanishiga to'sqinlik qiladigan prostasiklinlar ishlab chiqara boshlaydi. Prostasiklinlar tomirlarni kengaytirish xususiyatiga ham ega bo'lib, prostaglandinlar jumlasiga kiradi. Normal endotelial hujayralar ularning yuzasida geparinsimon modda va trombomodulin degan oqsil bo'lganligidan qon ivishiga qarshilik ko'rsatadigan kuchli xossaga egadir. Geparinsimon modda to'g'ridan-to'g'ri ta'sir ko'rsatmay, balki antitrombin III degan antikoagulantni faol holga keltiradi, antitrombin III trombinni va qon ivishi ishtirok etadigan boshqa bir qancha omillarni inaktiv, ya'ni faolmas holga keltiradi. Antitrombin III endotelial hujayralardagi geparinsulfat bilan birikkidan keyin uning koagulatsiyaga qarshilik ko'rsatuvchi ta'siri taxminan 2000 baravar ortadi.




36-rasm. Endoteliyning gemostazdag'i ishtiroki (Kumar, 1987 y.)

Endoteliositlar yuzasida bo'ladigan boshqa antikoagulant — trombomodulin ham bilvosita ta'sir ko'rsatadi. U protein S degan boshqa bir antikoagulant modda ta'sirini kuchaytiradi. Faol holga kelgan protein S V va VIII omillarni proteolitik parchalash yo'l bilan tromb hosil bolishiga yo'l qo'ymaydi. Bundan tashqari, trombining prekoagulant faolligi (fibrinogenning ivishi, V omilning faol holga keliishi) trombin trombomodulin bilan birikkanidan keyin sezilarli darajada susayib qoladi. Shunday qilib, endotelial hujayralarda hosil bo'ladigan trombin — trombomodulin kompleksi tromb hosil bo'lishini ikkita har xil yo'l bilan bog'ib qo'yadi, u, birinchidan, protein S ni faol holga keltiradi, bu narsa antikoagulatsiyaga sabab bo'ladi, ikkinchidan, trombining tromb hosil qilish xususiyatini pasaytiradi.

Yuqorida aytib o'tilganidek, endoteliyning zararlanishi trombotsitlarning darhol subendotelial kollagenga yopishib qolishiga olib keladi (37-rasm). Endotelial hujayralar trombotsitlarning kollagen va boshqa yuzalarga birikib olishi uchun zarur bo'lgan van Villibrand omili (VIII omil kompleksining bir qismi)ni sintezlaydi va ajratib chiqaradi. Endoteliy zararlangan joy va uning yaqin yerida qon iviy boshlashiga yordam beradigan mexanizmlarning biri ana shu.

Xulosa qilib ta'kidlab o'tish kerakki, ko'pgina funktsiyalarni ado etadigan va zararlanmagan endotelial hujayralar asosan trombotsitlarning yopishib qolishiga yo'l qo'ymaslik va qon ivishining dastlabki bosqichlari boshlanishiga qarshilik ko'rsatish uchun xizmat qiladi. Va, aksincha, endotelial hujayralar zararlangani-

da ularning qon ivishiga qarshilik ko'rsatadigan ta'siri yo'qolib ketadi va ular tromb hosil bo'lishida faol ishtirot etadi.



37-rasm. Endoteliy zararlanib, trombotsitlar faol holga o'tganida qon ivishi mexanizmi (Tansig M. , 1984.)

**Trombotsitlar.** Qon oqishining to'xtashi, ya'ni gemostazda trombotsitlar asosiy rolni o'ynaydi. Ular ko'mik megakariotsitlarining sitoplazmatik qismlari V qon plastinkalari (Bissosero pilakchalar) bo'lib, qonning muhim va murakkab elementlari deb qaraladi.


Qondagi trombotsitlar yuzasi silliq, tuxumsimon yoki dumaloq shaklda bo'ladi. Ularning to'rt qismi tafovut qilinadi: 1) membrana ustidagi qismi — glikokaliks, 2) membrana qismi, 3) gel qismi — matriks, 4) organellalar qismi. Glikokaliks retseptor oqsillar funktsiyasini ado etadi, ya'ni trombotsitlarning faol holga o'tishiga yordam beradi. Membrana trombotsitlarning qonni ivituvchi omillar bilan o'zaro ta'sir qilishini ta'minlaydi. Membrananing ichki qatlamida kanalikulyar sistema joylashgan, u plazmatik membrananing chuqur-chuqur kirib borgan qismlaridir. Gel qismida mikronaychalar va qisqaruvchi oqsillar — aktin va miozini bo'ladiyan mikrofilamentlar kompleksi joylashgan, shunga ko'ra ular qisqarish funktsiyasini ado etadi. Organellalar qismida mitoxondriyalar, lizosomalar, shuningdek ikki turdag'i maxsus donalar, granulalar bor. Alfa-granulalarda fibrinogen, fibronektin, V va VIII omillar, trombotsit omili (geparinni neytrallovchi polipeptid), o'sish omili bo'ladi. Granulalarning ikkinchi shakli adeninnukleotidlari, ionlashgan kalsiy, histamin, serotonin va eprnefrin to'plamidan iborat.

Trombotsitlarning asosiy fiziologik xossalari quyidagilardir: 1) ular adgeziya va agregatsiyaga qodir, 2) sorbsion tashuvchanlik funktsiyasini ado etadi, 3) yuzasiga plazmadagi qonni ivituvchi omillarni adsorbsiyalab olib, kerakli joyga tashib bera oladi, 4) angiotrofik funktsiyani (kapillarlar o'tkazuvchanligini kamaytirish, tomirlar devori endoteliysiga taqalish vazifasini) bajaradi, 5) gemostatik funktsiyani ado etadi, ularning bu funktsiyasini tomirlar endoteliysidan sintezlanib chiqadigan van-Villebrand omili jonlantirib turadi. Van Villebrand omili trombotsitlar bilan kollagenlar o'rtasida xuddi yelimga o'xshab ta'sir ko'rsatadi deb hisoblanadi. Trombotsitlar membranasida van Villebrand omili uchun maxsus retseptorlar bo'lishi topilgan.

Tomirlar devorining zararlanishi trombotsitning shu tomirlar devori struktura elementlari: subendotelial kollagen, basal membrana, fibroblastlar, sil'iq muskul hujayralariga taqalishi uchun sharoit tug'diradi. Hozirgina aytib o'tilgan elementlarning hammasi ham garchi trombotsitlar adgeziyasiga sabab bo'la olsada, lekin trombotsitlarning aggregatsiyalanishi uchun eng kuchli ta'sir ko'rsatadigan vosita kollagendir. Kollagenga taqalganida trombotsitlar strukturafunktional o'zgarishlarga uchraydi, shu o'zgarishlar ularning bir-biriga yopishib, g'uj bo'lib qolishiga, granulalarning ajralib chiqishiga sabab bo'ladi. Mana shu o'zgarishlarni *trombotsitlarning faollashuviga olib boradigan* hodisa deb qaratadi. Faol holga o'tgan trombotsitlar ipsimon o'simtalari bo'lgan yulduzsimon shaklga kiradi.

Trombotsitlarning subendotelial kollagenga yopishib qolishi ularda bo'ladigan ADF, serotonin, gistamin, adrenalin va qon ivishida ishtirok etadigan boshqa ba'zi omillar, jumladan tromboksan Ag ning ajralib chiqishiga olib boradi. Bularning ichida trombotsitlarning g'ujlanishini kuchaytiradigan ADF ajralib chiqishi hamidan muhim hisoblanadi. Trombotsitlarning g'ujlanishi, ya'ni aggregatsiyalanishi avvaliga tabiatan qaytar (vaqtinchalik gemostatik tiqinlar ko'rinishida) bo'ladi. Keyinchalik trombin, tromboksan A<sub>2</sub> trombotsitlarning qaytmas bo'lib g'ujlanishiga olib keladigan omillar ta'siri ostida, ADF miqdorining ko'payib borishi natijasida qon plastinkalari — trombotsitlar qisqaradi va qon laxtasining tortilib qattiqlashib borishiga (retraksiyasi) olib keladi.

Trombotsitlardan ajralib chiqadigan kalsiy prostaglandinlar endoperokslari (TXA<sub>2</sub>) hosil bo'lishini jonlantiradi, bular tomirlarni toraytiruvchi modda bo'lib, trombotsitlarning g'ujlanishiga olib boradi. Ular prostasiklin antagonisti bo'lib hisoblanadi. TXA<sub>2</sub> bilan prostasiklin o'rtasidagi o'zaro ta'sir, odam trombotsitlari funktsiyasi o'zgarishining asosiy mexanizmini tashkil etadi. Normal holatda bu mexanizm trombotsitlar g'ujlanishi va tromb hosil bo'lishiga yo'l qo'ymaydi, endoteliy zararlangan paytlarda esa gemostatik tiqin hosil bo'lishiga olib boradi.



38 -rasm. Qon ivish mexanizmi (Robbins S., 1992).

Tomir zararlangan joyda hosil bo'lgan qon laxtasi har xil funktsiyalarni bajaradi: trombotsitlardan iborat ushbu massa mayda tomirlardan qon oqishini to'xtatishi, yirik tomirlarda esa trombotsitlar yuzasida bo'ladigan va fosfolipid kompleksidan tashkil topgan III omil yordamida koagulatsiyaga sabab bo'lishi mumkin. Bu hodisa g'oyatda muhim ahamiyatga ega, chunki koagulatsiya jayroni o'zining hamma bosqichlarida ham fosfolipid yuzaga muhtoj bo'ladi.

Shunday qilib, trombotsitlar yuzasi shu hujayraning g'ujlanishini boshlab beruvchi trombin to'planib boradigan bir joy vazifasini ado etadi. Fibrin (koagulatsiya natijasida hosil bo'ladigan oxirgi mahsulot) g'ujlanib, qolgan trombotsitlarni bir-biriga mahkam yopishadiradi (sementlaydi).

Qonni ivituvchi sistema gemostatik jarayonning uchinchi tarkibiy qisimdir. Qon ivishi xuddi bir shalolaga o'xshab o'tadi, ya'ni bunda profermentlar (faolmas omillar) birma-bir faol holga o'tib boradi-da, pirovardi trombin erigan holdagi plazma fibrinogenini erimaydigan fibrin oqsiliga aylantiradi (38- rasm). Qon ivishining turli bosqichlarida fermentlar, proferment moddasi va kofaktordan iborat komplekslar hosil bo'lib boradi. Ular trombotsitlarning fosfolipid yuzasida to'planib borib, kalsiy ionlari yordamida saqlanib turadi. Tromb ana shu kompleks hosil bo'lgan joyda, ya'ni faollari trombotsitlar yuzasida yuzaga kelishga moyil bo'ladi.

Tromb holsil bo'lishining muhim reaksiyasi X omilning Xa omilga aylanishidir. Qon ivishida quyidagilar ishtirok etadi: 1) qon ivishining plazma omillari (prokoagulantlar), 2) qon ivishining toqima (tomirlar) va 3) hujayralar omillari (trombotsitar, eritrotsitar omillar)

*Asosiy plazma omillariga I, II, III (to'qima tromboplastini), IV (ionlashgan kalsiy), VII (Koller omili), V, X, XI, XII, XIII omillar kiradi.*

*To'qima omillari* quyidagilardir: tomirlar endoteliysida sintezlanadigan van-Villebrand omili, fibrinoliz aktivatorlari va ingibitorlari, prostasiklin — trombotsitlar agregatsiyasi ingibitori, subendotelial tuzilmalar (ayniqsa kollagen).

*Qon ivishining hujayra omillari* quyidagi trombotsitar koagulatsion omillarni o'z ichiga oladi: 1) trombotsitlarning fosfolipid (membrana) omili, 2) geparinga qarshi oqsil omili, 3) tromboksan Ag, prostaglandin TXAg, 4) trombotsitlar III omilining eritrotsitar analogi (eritroplastin, eritrotsitin).

Qon ivishining ichki va tashqi sistemalari tafovut qilinadi, bular o'rtasida o'zaro murakkab bog' lanishlar bor. Qon ivishining tashqi (tezkor) sistemasi qon tomirlari zararlanib, to'qimadan qonga to'qima tromboplastini o'tgan mahalda ishga tushadi. Qon ivishining ichki (sustkash) mexanizmi qon yoki plazmadagi shaklli elementlar hisobiga ishga tushadi. 1-sxemadan ko'rinish turganidek, X omil faol holga o'tib, protrombin kompleksi hosil bo'lmasidan avval bu ikkala mexanizm alohida-alohida ishga tushadi, shundan keyin ular umumiy bir yo'lga kirib, ta'sir ko'rsatib boradi. Qonni ivituvchi sistema faollahgan hamon tomir zararlangan joyda tromb hosil bo'lishi kerak, aks holda bu jarayonga butun tomirlar tarmog'i qo'shilib ketishi mumkin. Biroq, qon oqimida nisbatan ortiq-cha miqdorda trombin paydo bo'lsa, qon tomirlar o'zanidagi xemoretseptorlar ta'sirlanib, qonni suyuq holdan saqlab turuvchi mexanizmlar faollahshadi. Qon ivishiga qarshilik ko'rsatuvchi sistema deb ataladigan bu sistema tabiatan reflektor bo'lib, uning effektor ta'siri to'qimadagi manbalardan qon oqimiga heparin va fibrinoliz aktivatorlari tushishi bilan ta'riflanadi. Heparin zudlik bilan qon ivishiga qarshi, ya'ni antikoagulant ta'sir ko'rsatadi. U antikoagulant faollikka ega bo'lib, turg'un holatga o'tmagan fibrinни lizisga uchratadigan antitrombin III, trombin, fibrinogen bilan komplekslar hosil qiladi.

Plazmin degan ferment faolligining kuchayishi ham qon ivituvchi sistemaning faolligini buzadi. Bu ferment hujayralar endoteliysida bo'ladigan (1—PA) omil, streptokinaza va XII omil ta'siri ostida plazminogendan hosil bo'ladi.

Plazmin ta'sirida fibrin parchalanib, uning parchalanishidan hosil bo'lgan mahsulotlar trombotsitlarning agregatsiyalanishiga va koagulatsiyaga yo'l qo'ymaydi. Plazmin fibrinogen va V, VIII omillarni parchalay oladi.

Normal qon zardobida qon ivishida ishtirok etadigan omillarni neytral-lashtirib qo'ya oladigan proteolitik fermentlar ingibitorlarining murakkab sistemasi bor. Antitrombin III hammadan ko'ra ko'proq ahamiyatga ega. U trombin va Xa omilni, shuningdek XIIa, XIa, IXa omillarni ingibirlaydi. Boshqa bir tabiiy antikoagulant C oqsildir. Uni trombin — trombomodulin kompleksi endotelial hujayralarda faol holga keltiradi. Proteolitik fermentlar ingibitorlari orasidan alfa-makroglobulin, alfaplatzminni aytib o'tish kerak. Qon ivishiga qarshi ta'sir ko'rsatadigan mana shu moddalarning hammasi aynan tomirlar zararlangan joyda qonning chekli ravishda koagulatsiyalanishiga sabab bo'ladi.

## TROMBOGENEZ

Tromboz patogenezi asosida quyidagi omillar yotadi: 1) endoteliyning zararlanishi, 2) qon oqimi sekinlashib, 3) qonning uyurmasimon harakat qilishi (qonning turbulent tarzda oqishi), 4) qon giperkoagulatsiyasi (qon ivuvchanligining kuchayishi). Mana shu omillarning hammasi bir-biri bilan mahkam aloqada bo'lib, bir-biriga ta'sir ko'rsatib boradi. Masalan, tomirlar devoridagi mahalliy o'zgarishlar tomir yo'lining notejis kengayishiga olib kelishi mumkin. U narsa o'z navbatida qon oqishining o'zgarishiga olib boradi — aylanma uyurmalar hosil bo'ladi, u esa tromb hosil bo'lishiga sharoit tug'diradi.

*Endoteliyning zararlanishi* trombogenezda hammadan muhim ahamiyatga ega bo'lib, o'z holicha ham tromb hosil bo'lishiga olib kelishi mumkin. Ayniqsa aortadagi taerosklerotik pilakchalar yara bo'lib ketganida yallig'lanish jarayoni yoki shikast yetishi tufayli tomirlar devori zararlangan joyda ko'pincha tromblar hosil bo'lib turishi ana shundan yaqqol darak beradi. Yurak bo'shliglarda tromb hosil bo'lishi endokard zararlanganiga bog'liq bo'ladi yoki miokard infarktlari paytida, yo bo'lmasa, har xil shakldagi miokarditlar mahalida kuzatilishi mumkin.

Endoteliyning zararlanishi: 1) gipertoniya krizlari, 2) antigen — antitelo reaksiyalari paytida, 3) bakterial toksinlar ta'sir ko'rsatganida, 4) endotoksinlar kor qilganida, 5) giperxolesterinemiya paytida, 6) sigareta tutunidan o'tadigan moddalar ta'sirida, 7) lipidlarning peroksid oksidlanishi kuchayganida, 8) bir qancha kasalliklar (toshmali terlama, brutsellyoz, zaxm, revmatizm, infektion vaskulitlar) paytida kuzatilishi mumkin. Endoteliya yetgan zararning sezilarli darajada yoki hatto elektron mikroskop ostida ham ko'zga tashlanmaydigan bo'la olishini aytib o'tish kerak.

Endoteliyning zararlanishi tromb hosil bo'lishini boshlab beradigan hodisadir, chunki bunda subendotelial toqimaning trombogen ta'siriga ega bo'lgan struktura elementlari yalang'ochlanib qoladi. Ana shu struktura elementlariga, ayniqsa kollagenga trombotsitlar kelib yopishadi (37-rasmga qar.). Trombin trombotsitlar adgeziyasini kuchaytiradi. Zarar yetgan joydagи tomir devorida adgeziya boshlanishi bilan ko'p o'tmay agregatsiya avj olib boradi. Zararlangan endotelial hujayralar va trombotsitlardan ATF ajralib chiqib, adenozintrifosfataza fermenti ta'siri ostida ADF ga aylanadi. Muhitda kalsiy ionlari, van-Villibrand omili, XIII omil (fibrinni turg'unlashtiruvchi omil) bo'lsa, ADF ham trombotsitlarning bir-biriga yopishib g'ujlanishiga, ya'ni agregatsiyasiga yordam beradi.

Trombin ta'siri ostida trombotsitlar o'zgarishga uchrab, yopishqoq bo'lib qoladi, ayni vaqtida ulardan qon ivishida ishtirot etadigan omillar: serotonin, gistogramin, adrenalin ajralib chiqadi. Tomirlar torayadi — spazm boshlanadi. Trombotsitlar aggregatsiyasi qaytmas bo'lib qoladi. Shu bilan bir vaqtida fibrin hosil bo'lish reaksiysi boshlanadi.

*Qon oqimining sekinlashuvi (staz) va qonning uyurmasimon harakatlanishi* ham tromb hosil bo'lish patogenezida ahamiyatga ega. Qon odatdagicha tez-

lik bilan oqib turganida qon hujayra elementlarining asosiy qismi o'q chizig'i bo'ylab joy oladi. Chekka tomon plazma va yakkam-dukkam leykotsitlardan iborat bo'ladi. Qon oqimining sekinlashib qolishi va qonning uyurmasimon bo'lib harakatlanishi: 1) trombotsitlarning plazma zonasiga o'tishiga olib keladi, bu narsa trombotsitlarning endoteliositlar bilan to'qnashuvi uchun sharoit yaratadi; 2) qon ivishida qatnashadigan faol omillarning subkritik konsentratsiyalargacha erib ketishiga to'sqinlik qiladi; 3) qon ivishida qatnashadigan omillar ingibratorlarining oqib kelishini susaytiradi; 4) qon oqimi sekinlashganida ham, tromboz zonasida ham trombotsitlar agregatsiyalanib, fibrin hosil bo'lishiga qulaylik tug'diradi; 5) endoteliy zararlanishiga yo'l ochadi va fibrin bilan trombotsitlar holatini o'zgartiradi.

Qon oqimining sekinlashib qolishi odatda tabiatan ham umumiylar, ham mahalliy tarzdagi patologik jarayonlarda, masalan, yurak dekompensatsiyaga o'tgan mahallarda, kaxeksiya paytida yurak, tomirlarda anevrismalar bo'lgan kezlarda va boshqalarda kuzatiladi. Keyingi paytlarda trombozlarning ko'payib qolganligi jarrohlik muolajalari ko'p qilinayotganligiga bog'liq, bu muolajalar odamning uzoq vaqt o'rinda qimirlamay yotishiga muqarrar sabab bo'ladi degan to'g'ri fikr oldinga surilmoqda. Chunonchi, operatsiya qilingan kasallarning 82 foizida venoz qon oqishi susayib qolishi aniqlangan. Ana shuning uchun ham operatsiya va tug'ruqdan keyin odamni imkonli boricha erta muddatlarda o'nidan turg'izish kerak degan fikr zo'r berib targ'ib qilinmoqda. Qon oqishining sekinlashuvi va qonning uyurma holida oqishi tomirlarning ateroskleroz tufayli zararlanganiga aloqador anevrismalarida tromb hosil bo'lishida shak-shubhasiz rol o'ynaydi.

*Qon ivuvchanligining kuchayishi* qon ivish mexanizmining o'zgarishiga ham, qonni ivituvchi va ivishiga qarshi ta'sir ko'rsatuvchi sistemalar o'zaro munosabatlarining buzilishiga ham bog'liqdir. Qon ivuvchanligining kuchayishi trombozga olib keladi. Nefrotik sindromda, odam badani ko'p shikastlangan mahalda, tarqalib ketgan rak, kechki homiladorlikda, yurak yetishmovchiligi paytida kuzatiladigan trombogemorragik sindrom bunga misol bo'lib xizmat qilishi mumkin. Tarqoq rak yoki kechki homiladorlik paytlarida trombozlarning ko'p uchrashi, bo'yida bo'lishdan saqlanish uchun kontraseptiv dorilarni uzoq ichib yurgan ayollarning venalarida ham, arteriyalarida ham tez-tez trombozlar bo'lib turishi giperkoagulopatiyani trombozga moyil qilib qo'yadigan omil deb hisoblashga imkon beradi. Chunonchi, bo'yida bo'lishdan saqlanaman deb uzoq vaqt dori ichib yurgan ayollarda plazmadagi fibrinogen, protrombin, VII, VIII, X omillar miqdori ko'payib, fibrinolitik faoliyat susayib qoladi. Tarqoq rakka uchragan bemorlarda nekrozga uchragan o'sma hujayralaridan trombogen omillar ishlaniib chiqishi yoki prokoagulantlar absorblanishi trombozga yo'l ochadigan hodisa deb qaraladi. U yoki bu xildagi patologik holatlarda, xususan giperlipidemiya mahalida trombotsitlar soni ko'payib, ularning yopishqoqligi kuchayishi diqqatni o'ziga jalb qiladi.

Yuqorida aytilganlarga yakun yasab, trombogenezning bir nechta bosqichini ajaratish mumkin:

I bosqichi — tomir devorining zararlanib, gemostaz sistemasining o'sha joyda faollashib qolishiga olib kelishi.

II bosqichi — tomirlar devorining zararlangan joyiga trombotsitlar kelib yopishishi (adgeziya).

III bosqichi — tomirlar devori zararlangan joyda trombotsitlar to'planib, g'uj bo'lib borishi.

IV bosqichi — fibrinogenni fibringga aylantiruvchi trombin hosil bo'lishi, fibrin iplarida trombotsitlar, leykotsitlar, eritrotsitlar ushlanib qoladi, bu tromb hosil bo'lishiga olib keladi.

V bosqichi — tromb retraksiysi.

**Patologik anatomiysi.** Tromblar yurak-tomirlar sistemasining har qanday bo'limida: yurak bo'shlqlari, arteriyalar, venalar yoki kapillarlarda paydo bo'lishi mumkin. Tromblarning tuzilishi, katta-kichikligi va shakli har xil va paydo bo'lgan joyiga bog'liq bo'ladi. Katta-kichikligi jihatidan ular mikroskopdagina ko'rindigani yoki yurak bo'shlig'i to'ldiradigan darajada katta bo'lishi mumkin. Yurak bo'shlig'i va arteriyalarda hosil bo'ladigan tromblar venoz sistemada yuzaga keladigan tromblardan farq qiladi.

*Tuzilishiga qarab oq, qizil, aralash va gialinli tromblar* tafovut qilinadi. Oq tromblar trombotsitlar, fibrin va eritrotsitlardan iborat bo'ladi. *Qizillari trombotsitlar*, fibrin va leykotsitlardan tashkil topadi. *Aralash tromblar* qat-qat tuzilishga ega bo'lib, ham oq tromb, ham qizil tromb elementlaridan yuzaga keladi. *Gialinli* tromblar tarkibida fibrin, yemirilgan eritrotsitlar, trombotsitlar va plazma oqsillarining cho'kmalari bo'ladi.

*Arterial tromblar* endoteliy zararlangan joyda, qon uyurmasimon harakat qiladigan sharoitlarda, tomirlar bifurkatsiyasi va tarmoqlarga ajralgan sohalar da hosil bo'la boshlaydi. Chinakam arterial tromb yuzasi notejis, parallel qatorlar holida joylashgan och kulrang xol-xol dog'lar va yo'llar bilan qoplangan bo'ladi. Bu yo'llar San yo'llari deb ataladi, ularning paydo bo'lishi trombotsitlar bilan fibrinning paydar-pay cho'kib tushishiga olib boradigan puls to'lqinlariga bog'liqidir. Bu tromblar asosan fibrin, trombotsitlar, eritrotsitlar va leykositlar dan iborat bo'ladi.

Arterial tromblar odamda oq tromblar jumlasiga kiradi (agglutinatiya yoki konglyutinatsiyaga aloqador tromblar). Bular qon yetarlicha tez oqib turgan sharoitlarda sekinlik bilan yuzaga keladi. Bu tromblar, qoidaga o'laroq, yurak ichki yuzasidagi trabekulyar muskullar orasida, aorta qopqoqlarining tavaqalarida joylashgan bo'ladi. Odadta bo'shlqi yoki tomir devoriga taqalgan holda joy oladi. Ana shunday devorga taqalgan tromblar arteriyalarining anevrizmalarida ham paydo bo'ladi. Birmuncha maydaroq arteriyalarda ularning yo'llini batamom bekitib qo'yadigan tromblar yuzaga keladi (obliteratsiyalovchi tromblar). Tromb

hosil bo'lishi hodisasi hamma arteriyalarda ham bo'lishi mumkin, lekin koronar tomirlar, serebral tomirlar, son va ichak tutqich tomirlarda ko'proq kuzatiladi.

*Flebotromblar* deb ham ataladigan venoz tromblar tabiatan okkluzion bo'ladi va venalarning yo'llarini ko'pincha ancha joyigacha bekitib qo'yadi (39-rasm). Venoz tromblar qon oqimi sekinlashib qolgan sharoitlarda qon tez ivigan paytlarda paydo bo'ladi. Bunday tromblar qizil yoki koagulatsion tromblardan iborat bo'lib, ularning ko'ndalang kesmalarida fibrin chigallari topiladi. Ular eritrotsit-larga boy bo'ladi. Flebotromboz aksari oyoq venalarida: oyoqning chuqur venalari, son, tizza venalarida yuzaga keladi. Kamroq hollarda tromb hosil bo'lishi prostata bezi, tuxumdonlar, bachardon atroflarida joylashgan venoz chigallarda kuzatilishi mumkin. Juda ham kamdan-kam hollarda tromboz qopqa venasida ham kuzatiladi.

Koagulatsion tromblarni odam o'lganidan keyin hosil bo'lgan qon laxtalaridan ajratish, farq qilish oson. Bunday qon laxtalarining yuzasi silliq, yaltiroq bo'ladi va ular tomir devoriga yopishib turmaydi.

Ular elastik bo'lib, sirtdan liqaldoqqa o'xshab ketadi, tomir ichidagi bo'shilqida qalqib yurishi mumkin. Koagulyatsion tromblar (venoz tromblar) odatda bir-muncha zich, pishiq bo'ladi va hamisha tomir devoriga yopishib turadi, salga uvalanib, sinib ketadi. Ko'ndalang kesmasida och kulrang tusli fibrin chigallari ko'zga tashlanadi.

Venoz tromblarda, ayniqsa qazisimon katta tromblarda, ularning boshchasi, tanasi, dumi tafovut qilinadi. Trombning boshchasi, odatda, uning eng och tusli va qattiq, zich qismi bo'lib, tarkibida ko'p miqdor trombotsitlar va leykotsitlar borligi bilan farq qiladi. Tromb boshchasi odatda kichik bo'lib, tromb hosil bo'lgan joy yaqinida yuzaga keladi. Trombning asosiy qismini uning tanasi bilan dumi tashkil etishini ayтиб o'tish kerak. Bularning hosil bo'lishi asosan qonning koagulatsiyaga uchrashiga bog'liq, mana shuning uchun ham trombning tanasi aralash yoki qizil trombdan iborat bo'ladi, dumi esa aksari qizil trombga o'xshab ketadi va konsistensiyasi jihatidan o'limdan keyin paydo bo'lgan qon laxtasini eslatadi.

Trombning dum qismi ko'pincha uzun bo'ladi va qon oqimi bo'ylab joylashadi. Masalan, tromb boshchasi son venasi qopqog'ining chuqurchasida bo'lsa, uning tanasi bilan dumi cho'zilib, ancha joyga borishi yoki yanada yuqori ko'tarilib, umumiy yonbosh venasigacha yetishi mumkin. Trombning dumi aksari pastki kovak venaning boshidan oxirigacha borgan bo'lishi ham mumkin. Murakkab gemodinamik sharoitlarda chanoq, oyoq, yuz, bo'yinning venoz sistemasi tarmoqlarida bir talay tromblar yuzaga kela oladi. Ko'p joylarda ana shunday tromblar hosil bo'lganida ularning dumlari bir-biriga qo'shilib, yaxlit bo'lib ketishi va shunday qilib, o'sha paytgacha ochiq turgan tomir qovuzloqlarini ham bekitib qo'yishi mumkin.

Yuqorida aytib o'tilganidek, tromb odatda bir-biriga yopishib ketgan trombotsitlar, leykositlar, eritrotsitlar va fibrindan iborat bo'ladi. Biroq, trombning tuzilishi boshqacha bo'lishi ham mumkin. Masalan, faqat leykositlardan tuzilgan *leykotsitar tromblar* bo'lishi mumkin. Odamga qon quyish mahalida ana shunday tromblar hosil bo'la oladi. Tromblar faqat eritrotsitlardan iborat bo'lishi ham mumkin (*eritrotsitar tromblar*). Bu xildagilari odatda qon staz holatiga o'tib, eritrotsitlar gemoglobinini yo'qotib qo'ygan, bo'rtib, agglutinatsiyaga uchragan paytlarda hosil bo'la oladi. Nihoyat, tromblar ivib qolgan qondan iborat *koagulatsion*, ya'ni *fibrinoz* tromblar holida bo'lishi mumkin. Odatda mikrosirkulator o'zan tomirlarida joylashgan *gialinli tromblar* ham tasvirlangan. Bular faqat mikroskop bilan tekshirish mahalidagina ko'zga tashlanadi va zichlashib qolgan fibrin, plazma oqsillari yoki fibrin aralash trombotsitlardan tuzilgan bo'ladi.



39-rasm. Chap yonbosh venasidan pastki kovak venaga ko'tarilib chiqqan venoz tromb.

Klinika hamda anatomiya amaliyotida venoz sistema bilan yurak kamellarida tromb hosil bo'lish hodisasi hammadan katta ahamiyatga ega. Juda ko'p kasalliklar, masalan, ateroskleroz, gipertoniya kasalligi, septikopiemiya, endokarditlar (bakterial va aseptik endokarditlar), otitlar, metritlar, obliteratsiyalovich endarteriet va boshqalar tromboz bilan birga davom etib boradi.

Koagulatsion trombning tomir yo'lida erkin joylashgan tanasi yoki dumizilib ketganida venoz tromblar tromboemboliyalarning manbai bo'lib qolishi mumkin. Arterial tromblarda tomirning bekilib qolishi embolizatsiya hodisasi tromb butunlay uzilib chiqib, tomir yo'liga tiqilib qolganda kuzatiladi.

Tromblarning venalarda ko'proq bo'lib turishi shu tomirlar devorlari tuzili-shining xususiyatlariga bog'liq. Ma'lumki, bu tomirlarning devorlari arteriyalar devorlariga qaraganda ancha yupqa bo'ladi, shu narsa trombozga olib boradigan, ya'ni trombogen moddalarning tomir devoridan uning ichiga osonroq so'rilib o'tishiga qulaylik tug'diradi. Odatda bunday trombogen moddalar turli patologik jarayonlar paytida perivaskular to'qimada hosil bo'ladi. Mana shu xususiyat klinikada katta ahamiyatga ega. Chunonchi, to'qimalardagi yiringlash jarayoni aorta yoki tarmog'ining devoriga o'tsa, og'ir qon ketish xavfi tug'iladi, chunki arterial sistema zararlanganida tromb darrov hosil bo'la qolmaydi yoki umuman hosil bo'lmaydi. Vaholangki, xuddi shunday sharoitlarda venalarda tomir yorilib ketishiga xavf tugilganida hamisha tromb hosil bo'ladi.

Shunday qilib, tromblarning har xil turlari bo'ladi: 1) oq (agglutination) tromb; 2) qizil (koagulatsion) tromb; 3) aralash; 4) gialinli tromb. *Yakka joy olgan va avj olib boruvchi tromblar* ham tafovut qilinadi. Yakka joy olgan tromblar arteriyalarda yuzaga keladi va endoteliy zararlangan joyning o'zidagina bo'ladi. Avj olib boruvchi tromblar venoz sistema uchun xarakterlidir. Tromblarning marantik, o'smaga xos va septik alohida turlari ham bor. *Marantik tromb* odam ozib-to'zib, madordan ketgan mahallarda kuzatiladi va aralash tromblardan bo'lib, qo'l-oyoqlarning yuza venalari, qattiq miya pardasining sinuslarida yuza-ga keladi. O'smalar tomirlarga o'sib kirganida ularning atrofida aralash tromblar hosil bo'ladi. *Septik tromblar* tomirlar devorlaridagi yallig'lanish jarayonlarida, bakteriemiya sharoitlarida paydo bo'ladi. Toshmali terlama, brutsellyoz, zaxm, revmatizmda ana shunday infektzion vaskulitlar kuzatiladi. Allogen buyrak re-tsipliyentlarida transplantatning katta tomirida nuql immunokompetent hujay-ralardan iborat tromb topilgan. Limfo va plazmotsitlardan tuzilgan shu tromb yuzasi fibrin bilan qoplanib turadi.

**Tromboz oqibati.** Tromb hosil bo'lganidan keyingi kunlar yoki haftalarda quyidagicha jarayonlar avj olib borishi mumkin.

1. Fibrinolitik jarayon tufayli tromb yo'qolib ketishi.
2. Tromb qattiqlashib, ya'ni uyushib, unda rekanalizatsiya boshlanishi.
3. Tromboz zo'rayib, eng muhim tomirlar yo'li bekilib qolishi.
4. Tromboemboliya boshlanishi.
5. Tromb kichrayib, burishib qolishi.
6. Septik autoliz boshlanishi.

Hozir gen injeneriyasi yordamida olingan streptokinaza yoki plazminogen bilan trombozlarga qarshi fibrinolitik davo qilish usuli qo'llanilmoqda. Ana shunday davo usulidan foydalanilganida miokard infarktiga yo'l qo'ymaslikka imkon beradigan juda yaxshi natijalar qo'lga kiritildi.

Tromb hosil bo'lganidan keyin bir necha kun o'tgach, uning uyushish jarayoni boshlanadi, ya'ni tromb qattiqlashib boradi. Avvaliga trombdagi hujayra elementlari parchalanadida, bir-biriga yopishib, fibrin iplari bilan birgalikda

gialinsimon massaga aylanadi. Tomirlarda proliferatsiya boshlanib, trombotik massalar silliq muskul va mezenxima hujayralari orasiga o'sib kira boshlaydi. Hujayra tortmalari ham paydo bo'ladi, ularning markazida tirqishlar yuzaga keladi. Tirqishlar yuzasini endoteliy qoplaydida, ular kapillarlarga aylanadi (tromb rekanalizatsiyasi). Trombning uyushuvida silliq muskul hujayralari va fibroblastlar kollagen ishlab chiqara boshlaydi. Buning natijasida tomir devoriga taqalib turgan tromb fibrozmuskulli pilakchaga aylanadi. Tomir yo'lini to'sib qo'ygan trombda uyushuv jarayoni boshlanib, rekanalizatsiya hodisasi bo'lib otishi va qon aylanishi asl holiga kelishi mumkin.

**Trombozning klinik ahamiyati** trombning qayerda, qanday tezlik bilan paydo bo'lganiga, bemorning ahvoliga bog'liqidir. Trombozning qayg'uli oqibatlari ikki sababga: 1) arteriya va venalar yo'lining tromb bilan butunlay bekilib qolishiga, 2) tromboemboliyaga bog'liqidir.

Venoz tromblar o'zları paydo bo'lgan joyda og'riq, eritema va shish hodisasi boshlanishiga sabab bo'ladi. Lekin mahalliy shish va venoz qon oqimining su-sayib qolishi teriga infeksiya o'tib, varikoz yaralar paydo bo'lishiga olib kelishi mumkin. Venalar trombozi, uning qayerda joylashganiga qarab, klinik jihatdan har xil ahamiyatga ega bo'ladi. Chunonchi, qopqa vena sistemasidagi tromboz portal gipertensiya va assitga, jigar venalari trombozi Badi — Kiari kasalligiga olib boradi. Oyoqning chuqur venalari (masalan, son, tizza venalari) va yon-bosh venasining tromblari uchun tromboemboliya singari asoratlar ko'proq xarakterlidir. Hozir aytib o'tilgan venalar trombozida oyoq panjalari, topiqlari sohasi shishib, og'rib turadi. Biroq, 50 foizdan ko'proq hollarda oyoq venalari trombozi simptomsiz o'tadi va pletizmografiya, kontrast venografiya, ultratovush diagnostikasi yordamida aniqlab olinishi mumkin.

Venalar trombozi kollaterallar paydo bo'lishi bilan kompensatsiyalanib bora-di. Chuqur venalarning eng *jiddiy asorati* o'pka arteriyasi va shoxlarida *tromboemboliya* paydo bo'lishidir, bu — odamning to'satdan o'lib qolishiga yoki mio-kard infarkti boshlanishiga olib keladi.

Arteriyalar trombozi quyidagilarga ham sabab bo'lishi mumkin: 1) tromboemboliya boshlanishiga; 2) yurak toj arteriyalari obturatsiyasida miokard infarktiga; 3) miya tomirlari bekilib qolganida ishemik insultga (miyaning oq yumashiga); 4) son arteriyasi trombozida oyoq gangrenasiga.

Odamning kam harakat bo'lishi, o'rinda uzoq yotib qolishi (operatsiyadan keyingi davrda), yurak yetishmovchiligi, nefrotik sindrom, tarqalib ketgan rak, bo'yida bo'lmaslik uchun kontraseptiv dorilarni ichish, shuningdek chilla davri venoz tarmoqda tromblar hosil bo'lishini ehtimol qilib qo'yadigan omillar qatoriga kiradi. Yurak yetishmovchiligi venoz qon oqimi sekinlashib qolishiga olib keladi. Travma, operatsiya va badan kuyishi tomirlar zararlanib, to'qimadagi prokoagulantlarning ajralib chiqishi va plazminogen aktivatorining faolligi susayib

ketishiga sabab bo'ladı. Rak bilan og'regan kasallarda, xususan qorin bo'shlig'ida o'sma (masalan, me'da osti bezi karsinoidi) paydo bo'lgan mahallarda ham odam venalar tromboziga moyil bo'lib qoladi, shu bilan birga bunda «ko'chib yuradigan tromboflebit» boshlanishi xarakterlidir. Buning paydo bo'lismida odamning yoshi, o'rinda uzoq yotib qolgan, jarrohlik muolajalari, o'sma hujayralarining prokoagulantlar chiqarib turishi munosabati bilan giperkoagulatsiya boshlanishing ahamiyati bor.

Arterial tromblar hosil bo'lish hodisasi miokard infarktida, revmatizm tu-fayli yurak zararlangan paytda, aterosklerozda, aorta va boshqa yirik arteriyalar anevrizmasida kuzatiladi. Miokard infarkti odatda endokard, ayniqsa chap qorincha endokardi zararlanishi bilan birga davom etib boradiki, shu narsa tromb hosil bo'lishini osonlashtiradi. Odamning keksayib qolganligi, o'rinda uzoq yotishga majbur bo'lishi va qon aylanishining izdan chiqishi tromb hosil bo'lishi uchun qulay sharoitlar yaratadi.

Arterial tromblarning xavfi tomirlar yo'lining bekilib qolishidangina iborat emas, balki hayot uchun muhim organlar: miya, buyrak, oyoq va taloq singari organlar tomirlarida tromboemboliyalar ham paydo bo'lishi mumkin. Tromboz yuqorida aytib o'tilgan patologik jarayonlar mahalidagina emas, balki bunday qaraganda soppa-sog' yurgan yosh odamlarda ham, ayniqsa ular ko'p o'tirib hayot kechiradigan bo'lsa, boshlanishi mumkinligini aytib o'tish kerak.

### KO'P TOMIR ICHIDA QON IVIB QOLISHI (DVS)SINDROMI

*I Mikrosirkulator o'zan trombozi yoki qonning ko'plab tomirlar ichida ivib qolish sindromi mikrosirkulator o'zanda bir talay mayda-mayda tromblar paydo bo'lishi, gemorragik diatez boshlanishi va odamning qon ketib turishiga moyil bo'lib qolishi bilan ta'riflanadigan patologik jarayondir. Bu sindrom qon ivituvchi sistemasing faolligi kuchayib, butun mikrosirkulator o'zanda fibrin cho'kib tushishi natijasida paydo bo'ladı.*

**Etiologiyasi va patogenezi.** Bu sindrom turli kasalliklar va patologik jarayonlarning asoratidir. Bular jumlasiga quyidagilar kiradi:

1) homiladorlik asoratlari: odatdagicha joylashgan yo'ldoshning vaqtidan ilgari o'rnidan ko'chishi, ona qornida o'lib qolgan bola jasadining qorinda uzoq turib qolishi, septik abort, qog'onoq suvlarini emboliyasi, toksemita (gestozlar).

2) infeksiyalar sepsis, meningokokkemiya, bezgak.

3) o'smalar: me'da osti bezi, prostata, o'pka, me'da karsinomasi; o'tkir promielositar leykemiya.

4) to'qimalarning ko'plab zararlanishi: travma, badan kuyishi, katta-katta jarrohlik operatsiyalari.

5) har xil jarayonlar: to'g'ri kelmaydigan qonni quyish, shok, vaskulitlar, jigar kasalliklari.

Tromboz boshlanishi qanday mexanizmlarga bog'liq bo'lsa, qonning ko'p tomirlar ichida ivib qolish DVS sindromi ham asosan xuddi shunday mexanizmlarga bog'liqdir, xususan bunga sabab bo'ladi:

- 1) aylanib turgan qonga to'qima omili ajralib chiqishi (qon ivishining tashqi mexanizmi);
  - 2) ichki mexanizmning faollashuvi;
  - 3) qon oqimining sekinlashib qolishi va staz;
  - 4) qonni ivituvchi faol omillar hosil bo'lishida kamchilik borligi;
  - 5) fibrinoliz yetishmovchiligi.

DVS da to'qima omili, masalan, homiladorlik asoratlarida yo'ldoshdan, qorinda o'lib qolgan bola jasadidan, promiyelotsitar leykemiyada leykoz hujayralarining sitoplazmatik donalaridan, mutsin ajratib turadigan adenokarsi-noma hujayralaridan chiqishi mumkin.

Arteriolalar va kapillarlarning endoteliysi zararlanishi tufayli koagulatsiya kuchayishi mumkin, bunday hodisa antigen-antitelo kompleksi cho'kib tushganda, gipertermiya, vaskulitlar mahalida, mikroorganizmlarning endotoksinslari ta'sir etgan paytlarda kuzatiladi. Shok, gipoktsiya, asidoz ham endoteliy zararlanishiha olib kelishi mumkin. Yuqorida aytilib o'tilganidek, endoteliyning zararlanishi, bir tomondan, trombotsitlar agregatsiyasiga (kollagen yalong'ochlanib qolishi natijasida), ikkinchi tomondan, XII omil faolligi kuchayishiga yo'l ochadi.

DVS sindromida uning qanday mexanizmga bog'liq bo'lishidan qat'i nazar quyidagilar kuzatiladi: 1) mikrosirkulator o'zanda hamma yerga fibrin cho'kib tushadi, bu narsa organ, to'qimalar ishemiyasiga va gemolizga olib boradi, chunki eritrotsitlar fibrin iplari orqali o'ta turib, zararlanadi (mikroangiopatik gemolitik anemiya); 2) trombotsitlar soni va ivish omillari karmayishi natijasida gemorragik diatez boshlanishi. ) Shuni aytilib o'tish kerakki, plazmin, fibrin par-chalanishiga (fibrinolizga) sabab bo'lish bilangina qolmay, balki V va VIII omillarni ham hazm qilib, ularning konsentratsiyasi pasaytirib yuboradi. Fibrinoliz natijasida fibrin parchalanishidan hosil bo'ladigan mahsulotlar trombotsitlar agregatsiyasiga susaytiruvchi (ingibirlovchi) ta'sir ko'rsatadi, antitrombin faoliyka ega bo'lib, fibrinning polimerlanishini susaytiradi.

**Patologik anatomiysi.** DVS sindromida ro'y beradigan morfologik o'zgarishlar mikrosirkulator o'zanda tromb hosil bo'lish jarayonining nechog'liq tarqalganiga va gemorragiyalarning qanchalik ifodalanganiga bog'liqdir. Mikrotromblar asosan buyraklar, buyrak usti bezlari, bosh miya, yurak arteriolalari va kapillarlarida paydo bo'ladi. O'pka, jigar, me'da-ichak yo'li shilliq pardasining mikrosirkulator o'zani ham bu jarayonga qoshilib ketishi mumkin.

Buyrak koptokchalarining tomirlaridagi tromblar mayda, nuqul fibrindan iborat bo'ladi. Ularning atrofida endoteliy hujayralarining reaktsiyaga kirishib bo'rtgani yoki o'choq holidagi glomerulit qayd qilinadi. Ishemiya boshlanib, buyrakning po'stloq qatlamida mikroinfarktlar paydo bo'lishiga olib keladi. Bir-

muncha og'ir hollarda buyraklarning ikki tomonlama kortikal nekrozi boshlanishi mumkin. DVS sindromida bosh miyada ham mikroinfarktlar paydo bo'lishi mumkin, bularning atrofiga odatda sezilarli darajada qon quyilib qoladi. Yurak va gipofizda ham xuddi shunga o'xhash o'zgarish ro'y berishi tasvirlangan. DVS sindromida tug'ruqdan keyin uchraydigan va Shixen tomonidan tasvirlangan gipofiz nekrozi asosida yotishi mumkin deb taxmin qilinadi. Homiladorlar toksikozlarida yo'l dosh kapillarlari trombozi boshlanib, tomirlar devori zararlanadi. Vorsinkalarning deyarli hammasi sinsitiotrofoblastdan mahrum boladi. DVS sindromida gemorragiyalar infarkt bo'lgan joylar atrofidagina emas, balki badan terisi, shilliq pardalar, epikard, endokard, o'pkada, siyidik chiqarish yo'llarining shilliq pardalarida ham petexiyalar va ekximozlar ko'rinishida hamma yerda uchraydi.

Klinik manzarasi. O'tkir, yarim o'tkir va surunkali DVS sindromi tafovut qilinadi. Bu sindrom mahalida koagulatsiya kuchayib borishi bilan birga qon ketishiga, qonashga moyillik bo'lishi paradoksal klinik simptomdir. O'tkir DVS sindromi (masalan, homiladorlik asoratlari mahalidagi sindrom) gemorragik diatez va qon ketish hodisalarini ustun turishi bilan ajralib turadi. Surunkali DVS sindromi uchun, masalan, o'smalar vaqtidagi trombozga aloqador asoratlari karakterlidir.

Klinik alomatlari nihoyat darajada kam bo'lishi yoki o'tkir buyrak yetishmovchiligi bilan o'tayotgan shok, dispnoe, talvasalar va koma asosida yotishi mumkin. Hayot uchun muhim organlarga qon quyilishi, me'da-ichak yo'li, siyidik chiqarish sistemasidan qon ketishi DVS sindromining xatarli ko'rinishlaridir.

DVS sindromining oqibati ancha har xil va jarayonning qaysi joylarida avj olganiga, qonning tomirlar ichida nechog'lik ko'p ivib qolayotganiga, monotsit-makrofag sistemaning qanchalik faolligiga, fibrinoliz darajasiga bog'liq.

## EMBOLIYA

*Emboliya (yunoncha embollo — tashlab beraman, itarib chiqaraman degan so'zdan olingan) qattiq, suyuq yoki gazsimon zarralarning qon oqimi bilan oqib borib, tomirlar yo'lini bekitib qo'yishidir.* Emboliya natijasida qon aylanishi izdan chiqadi. Emboliyada qon aylanishining izdan chiqishi tomirlar yo'lining mexanik ravishda bekilib qolishiga bog'liq bo'libgina qolmasdan, balki tizi lib qolgan joyda tomirning reflektor yo'l bilan torayib-tortishib turishiga ham bog'liq bo'ladi. Tomir shu tariqa reflektor yo'l bilan torayib qolishi natijasida embol aksari tomir yo'liga kuch bilan suqib qo'yilgandek bo'lib ko'rindi. Ayni vaqtda spastik hodisalar ushbu tomir hamda uning kollaterallari bo'ylab tarqalish bilangina qolmay, balki mazkur tomirlar havzasidan tashqariga ham, masalan, juft organning ikkinchisiga yoki boshqa bir organiga ham o'tishi mumkin. Reno-renal reflekslar ana shunaqa bo'ladi. Masalan, emboliyada qon aylanishi ning birdan izdan chiqishi ikkinchi buyrakda ham xuddi shunday o'zgarishlar

boshlanishiga olib keladi. Yoki pulmokoronar reflekslar degan hodisani olib ko'raylik, bunda o'pka arteriyasi tromboemboliyasi o'pka arteriyasi intimasidagi nerv retseptor apparatni ta'sirlashi natijasida koronar tomirlarning reflektor yo'l bilan spazm holatiga o'tib, yurak to'xtab qolishiga olib keladi. Emboliya mahalida uchraydigan ana shunday organ ichi va organlararo reflektor o'zgarishlar asosan innervatsiyaning urumiyligi, mushtarakligiga bog'liqdir.

*Emboliya, fiziologik hodisadan iborat bo'la oladigan trombozdan farq qilib, nuqul deyarli patologik sharoitlarda kuzatiladi.*

*Qon oqimi bilan oqib boradigan qattiq modda, suyuqlik yoki gaz zarrasi embol deb aytildi. Emboliya limfa tomirlarida ham kuzatilishi mumkin. Emboliya ko'pincha tromblarning uzilib ketgan qismlari ko'chishi natijasida boshlanadi (tromboemboliya). Emboliyalarning quyidagi turlari tafovut qilinadi:*

I. Qon tomirlar sistemasida olgan joyiga qarab: a) kichik qon aylanish doirasi emboliyasi; b) katta qon aylanish doirasi emboliyasi; v) qopqa vena sistemasi emboliyasi (karndan-kam uchraydigan xili).

II. Qon oqimi yo'nalishiga qarab: a) to'g'ri (qon oqimi bo'ylab) ketgan; b) retrograd (qon oqimining aksiga qarab ketgan, odatda, pastki kovak venada bo'ladigan) emboliya; v) paradoksal emboliya (bunda embol katta qon aylanish doirasi venalaridan kichik qon aylanish doirasini chetlab, katta qon aylanish doirasi arteriyalariga tushadi, xususan yurak bo'lmalari o'rtasidagi oval teshik, Botallo yo'lli, o'pkadagi arteriovenoz anastomozlar orqali).

III. Zarralar (embollar) ning materialiga qarab: a) tromboemboliyalar, b) yog', v) havo, g) gaz, d) to'qima parchalari (hujayralar komplekslari) emboliyalar, e) bakterial emboliyalar (mikroblar koloniyalari), f) hayvon parazitlari, j) yot tanalardan iborat embollar.

Embollarning tarqalib borish yo'llari odatda qon (yoki limfa) harakatining yo'nalishiga mos keladi, ya'ni hamma zarralar—embollar odatda qon oqimi bilan oqib boradi. Masalan, pastki yoki ustki kovak vena sistemasiga embollar tushib qolsa, ular oqib borib, o'pka tomirlarida tiqilib qolishi mumkin. Katta qon aylanish doirasida ular chap buyrakdan periferiyaga qarab harakatlanib boraveradi va yurakning toj tomirlari miya, taloq, me'da-ichak yo'lli tomirlarida tiqilib qoladi. To'g'ri emboliya deb ana shunday yo'l bilan harakatlanib borgan emboliyaga aytildi. Biroq, emboliyalarning bunday yoldidan ikki xil istisno bo'lishi mumkin.

Birinchi istisno retrograd emboliya bo'lib, vena qoni juda ko'p dimlanib qolganida yoki venadan qon teskari tomonga oqqanida kuzatiladi. Retrograd emboliya paydo bo'ladigan joy pastki kovak vena, goho jigar venasidir. Ana shunday hodisa yuz bergen odamda odatda uch tavaqali yurak qopqog'i yetishmovchiligi bo'ladi. Embollar qon oqimiga qarshi yo'nalishda yuradi. Ular yirik, og'ir, aksari, bo'yin venalari yoki o'ng yurak kameralarida yuzaga kelgan tromblardan uzilib chiqqan bo'ladi. Embollar pastga tushib borib, jigar, buyrak yoki yonbosh venalariga tiqilib qolishi mumkin.

Ikkinchi istisno paradoksal emboliyadir. Paradoksal emboliya deyilganida embolning katta qon aylanish doirasi venalaridan bevosita shu doira arteriyaliga tushib qolishi tushuniladi. Bu holda embol kichik qon aylanish doirasini chetlab o'tadi. Shu xildagi paradoksal emboliya quydagi hollarda kuzatilishi mumkin: 1) yurak bo'lmalari orasidagi to'siqning oval darchasi bitmay qolganida. Oval darcha 15—20 foiz odamlarda ochiqligicha qolaveradi deb hisoblanadi. Bi-roq, paradoksal emboliya ancha kam uchraydi—barcha embollarning 1, 2 foizini tashkil etadi. Sababi shuki, qon (va embollar) ning yurak o'ng bo'lmasidan chap bo'lmasiga o'tishi uchun o'ng yurak bo'lmasida qon dimlanib qolgan (yurak ichidagi bosim ko'tarilgan) bo'lishi kerak; 2) o'pka arteriyasi bilan aorta o'rta sidagi arterial yo'l (Batallo yo'li) bitmay qolganida; 3) ba'zi patologik holatlarda zo'r berib ishlab turadigan o'pka arteriovenoz anastomozlaridan embollar o'tganida.

Emboliya ro'y berishida tomir devori tuzilishidagi xususiyatlar, ya'ni uning arxitektonikasi katta ahamiyatga ega. Masalan, chap buyrak emboliyasiga o'ng buyrak emboliyasiga qaraganda ko'proq uchraydi, chunki chap buyrak arteriyasi aortadan birmuncha o'tkir burchak ostida chiqib keladi. Arterianing uning o'zidan ko'ra yirikroq tomirdan chiqib kelish burchagi nechog'lik kichik bo'lsa, unga embol o'tishi shuncha oson bo'ladi va shuncha ko'proq uchraydi deb taxmin qilinadi. Xuddi shu sababdan bo'lsa kerak, bosh miyaning chap yarim sharida emboliya o'ng yarim sharidagiga qaraganda ko'proq kuzatiladi.

Embollarning qaysi tomonga qarab yurishi, aftidan, og'irlik kuchi ta'siriga ham qisman bog'liqdir. Chunonchi, tananing pastki yarmida embollar ko'proq kuzatiladi, qorin aortasi tarmoqlarining emboliyasini miya arteriyalari embollariga qaraganda ko'proq uchraydi. O'pkada embollar ustki bo'laklaridan ko'ra pastki bo'laklarida ko'proq kuzatiladi. Qon oqimining shiddati (qon massasi ko'pligi) ham ahamiyatga ega.

## TROMBOEMBOLIYA

Tromblarning juda ko'pchiligi normal sharoitlarda uyushish jarayoniga uchraydi. Qon oqimi susayadigan, qonning fizik-kimyoiy va biokimyoiy xossalari o'zgaradigan patologik sharoitlarda tromblar aksari tez va beto'xtov o'sib boradi. Bunday tromblar aslida aksial, ya'ni deyarli erkin turadigan bo'ladi. Shu munosabat bilan qon oqimi tezligining andak ortishidan keladigan zaifgina turki ham trombni vena devoriga yopishtirib turgan mikroskopik bog'ni uzib yuborishga kifoya qiladi. Tromb dumy yoki hatto tanasining uzilib chiqqan zarralari ham emboliyaga sabab bo'lishi mumkin. O'zining joyiga bo'shgina birikib turgan tromb qorin yoki ko'krak ichidagi bosim to'satdan ko'tarilganida (masalan, odam kuchangan yoki yo'talgan paytda), jismoni yish, isitma, tana vaziyatini o'zgartirish tufayli qon oqimi tezlashganida uzilib chiqib, embolga aylanib qolishi mumkin. Yurak qisqarishlarining tezlashuvni yurak ichidagi trombning uzilib ketishiga sabab bo'ladi. Shunday qilib, tomir devoridan yoki o'zining asosiy qismi-

dan uzilib chiqqan tromb qismi yoki trombning o'zi embol bo'lib qolishi mumkin. Tromboemboliya emboliyalarning eng ko'p uchraydigan xilidir. Tromblar odatda hosil bo'lganidan keyin ko'p o'tmay, shuningdek kechki muddatlarda — aseptik yoki septik tarzda irigan paytida uzilib chiqadi. Bunday emboliyalarning paydo bo'lish joyi ham kichik, ham katta qon aylanish doirasidir. Venoz tromblar yurak yoki arteriyalardagi tromblardan ko'ra ancha ko'proq uzilib chiqadi (tromboemboliyalarning 60—70 foizi venoz tromblardan paydo bo'lsa, 40 foizga yaqini yurak yoki arteriya tromblaridan yuzaga keladi). Tromboemboliyalarga hammadan ko'p sabab bo'ladigan tromblar katta qon aylanish doirasini venalarida, asosan pastki kovak vena sistemasida yuzaga keladigan tromblardir.

Uzilib chiqadigan zarrachalar har xil kattalikda bo'ladi. Arterial embollar odatda kichik bo'ladi, qopqoq yoki parietal endokarditda yuzaga keladigan mayda-mayda «so'g'alcha tromblar» aksari ana shunaqa. Venoz embollar juda katta bo'lishi mumkin, kichik chanoq venalarida tarmoq otib ketadigan quymalar shular jumlasidandir. Venoz embollarning shakliga qarab bir qancha hollarda ularni qayerdan ajralib chiqqanini bilib olish mumkin. Embol atrofida, uning ichki tomonlarida, ya'ni qon oqimiga va uning teskarisiga qaragan tomonlarida ikkilamchi koagulatsion tromboz hosil bo'ladi. Shuning natijasida embol bir-muncha och tusda bo'ladigan yumshoq trombotik massalar bilan o'rilib qoladi. Ana shunday hollarda tromboembolni birlamchi trombdan ajratib, farq qilib olish ancha qiyin bo'ladi.

Tromboemboliyaning klinik ahamiyatiuning o'rnashgan joyiga, kalibriga, qon yurishmay qolgan tomirlarning umumiyligi hajmiga bog'liqidir. Yirik tomirlar, masalan, o'pka arteriyalari yoki hayot uchun muhim organlar tomirlaridagi yirik tromboemboliya odamning to'satdan o'lib qolishiga sabab bo'lishi mumkin. Bosh miya arteriyalarining ishemik insultlar va falajlarga olib boradigan tromboemboliyalari, taloq yoki buyrak arteriyalarining shu organlar infarktiga sabab bo'ladigan tromboemboliyalari, ichak tutqich arteriyalarining abdominal ishemiya klinik manzarasini hosil qiladigan, ichak gangrenasi va peritonitga olib boradigan tromboemboliyasi klinik jihatdan olganda katta qon qolishiga ega.

Qo'l-oyoqdagi yirik arteriyalarning birdan tiqilib qolishi puls yo'qolib qolib, tomir tiqilgan joydan distal tomonligi teri haroratining pasayishi, qattiq og'riq boshlanishi, teri sezuvchanligi o'zgarishi, shish kelib sianoz boshlanishi bilan namoyon bo'ladi. Qo'l yoki oyoq gangrenasi boshlanish xavfi aniq bo'lib qoladi.

Arteriyalarga tushib qolgan venoz embollar aksari yirik arteriyaning ikkita birmuncha maydarloq tarmoqqa bo'linish joylarida tutilib qoladi. Bunda embol bukilib, tarmoqlanib chiqadigan ikkala tomir shoxchasini berkitib qo'yadi («minib olgan tromb»). Bunday embollar o'z atrofida tezgina qon ivib qolishiga olib boradi va tomirlarning yo'llarini butunlay berkitib qo'yadi. Ana shunday embollar ko'pincha o'pka arteriyasi tarmoqlarida kuzatiladi va odamning to'satdan o'lib qolishiga sabab bo'ladi.

Arterial sistema tromboemboliyalari infarktlarga olib keladi. Quyidagi emboliyalar eng xatarli infarktlarga olib boradi: 1) falajlarga yoki tez orada o'limga sabab bo'ladiyan bosh miya emboliyalari; 2) miokard infarktiga olib boradigan yurak toj arteriyalari emboliyalari; 3) qorin aortasi tarmoqlarining ichak nekrozi va peritonitga sabab bo'ladiyan emboliyalari.

Emboliya tomir devorini mexanik tarzda berkitib qo'yishidan tashqari, tomirlarning reflektor yo'l bilan tortishib torayib qolishiga olib borishi jihatidan ham xatarlidir. Shu sababdan tomir tromboemboliyasining oqibatlari tomirga ligatura solib, uni bog'lab qo'yish oqibatlaridan ham ancha og'irroq bo'ladi. Embol septik tarzda irigan tromb zarrachasidan iborat bo'lsa, u vaqtida badanning turli qismlarida ikkilamchi maddalar, yiringlab ketgan joylar paydo bo'lish xavfi tug'iladi. Tromboemboliyalar mahalida tromblar retraksiyasi va tomir devorining namlanishiga taalluqli kolloid-kimyoiy omillar yetakchi ahamiyatga ega bo'ladi. Tomir devori yaxshi namlanmaydigan bo'lsa, qon laxtasi tomir devoridan ha deganda ko'chib tushavermaydi. Trombdan anchagina miqdorda zardob chiqishi uning tomir devoridan uzilishiga yo'l ochadi, natijada tromb qalquvchan bo'lib qoladi.

*Tomirlar ichida tromb yuzaga kelishi va ikkilamchi tromboemboliyalar boshlanishiga ortiqcha moyillik bo'ladiyan holat tromboembolik kasallik deb ataladi.*

Oddiy tromb qanday o'zgarishlarga uchrasa, tomirga yopishib turgan tromb-embol ham xuddi shunday o'zgarishlarga uchraydi (uyushish, vaskularizatiya, rekanalizatsiya, ohaklanish, irish hodisalari va boshqalarga).

O'pka arteriyasi va asosiy tarmoqlarining emboliysi amalii jihatdan olganda juda katta ahamiyatga ega. Odamning ko'pincha to'satdan o'lib qolishiga olib boradigan sabablarning biri ana shu. Zararlanadigan joylarning turiga qarab o'pka stvoli tromboemboliysi va yirik o'pka arteriyalari tromboemboliysi tafovut qilinadi (o'pka bo'laklari arteriyalari, segmentar tarmoqlar va mayda tarmoqlar tromboemboliysi). O'pka arteriyasi tromboemboliysi katta qon aylanish venalarida yoki yurakning o'ng bo'shliqlarida tromb hosil bo'lgandan keyin boshlanadi. O'ng yurak endokarditlari, jigar venalari sistemasidagi tromboflebitlar paytida, shuningdek gemorroidal venalar bilan oyoq venalari sistemasidagi trombozda o'pka arteriyasi periferik tarmoqlarining tromboemboliysi kuzatiladi. Bunda oyoq panjasni va boldiri chuqur venalarining trombozini hammadan katta ahamiyatga ega, chunki son va boldirning yuza venalarida paydo bo'ladiyan tromblar, odatda, emboliyaga sabab bo'lmaydi.


Katta qon aylanish doirasi tromboemboliyasining asosida qopqoqlari tromboendokarditlari, shuningdek chap yurak bo'shliqlari devorida tromb hosil bo'lishi yotadi. Tromboemboliyalar taloq tomirlarida, miyaning o'rta arteriyasi, jigar va ichaktutqichi arteriyalarida hammadan ko'ra ko'proq kuzatiladi.

## YOG‘ EMBOLIYASI

*Yog‘ emboliyasi tomirlarning yog‘ tomchilari bilan bekilib qolishidir. Bu yog‘ odatda, odam terisining o‘zidagi yog‘dan iborat bo‘ladi. Biroq, yot, ya’ni diagnostika yoki davo maqsadida turli organlarga tashqaridan yuboriladigan (masalan, dori yoki kontrast moddalarni erituvchi sifatida) yog‘dan paydo bo‘lувчи emboliya hollari ham kuzatiladi.*

*Yog‘ emboliyalarining juda ko‘pchiligi teri osti yog‘ kletchatkasi va naysimon suyaklarning shikastlanib zararlanishiga bog‘liq. Shikast yetgan paytlarda mayda-mayda yog‘ tomchilari badanning turli qismalaridan qon so‘rib oladigan venalarga tushib qoladi (suyak singan mahallarda suyak venalarining yo‘li ochilib turadi, chunki bu venalarning devorlari suyak to‘silqlariga birikkan). Yog‘ tomchilari venoz qon bilan birga o‘pkaga boradi. Ular o‘zlarining fizik-kimyoiy xossalari ko‘ra (yuzasi silliq, o‘zi elastik bo‘lib, shakli oson o‘zgarib tura oladigan bo‘lganiga ko‘ra) o‘pkadan o‘tib ketadi (40-rasm). Bordiyu, yog‘ o‘pkada tomirlar diametrining taxminan 75 foizini to‘ldirib turadigan bo‘lsa, bu tez orada odamning o‘lib qolishiga olib keladi. Boshqa hollarda yog‘ tomchilari katta qon aylanish doirasiga tushib, turli organlarga tarqaladi. Skelet yoki yog‘ depolari ko‘zga ko‘rinarli anatomik o‘zgarishlar bo‘lmay turib, qattiq silkinganida ham yog‘ emboliyasi paydo bo‘la olishini ko‘rsatadigan kuzatuvlar bor. Masalan, odam balandlikdan yiqlgan bo‘lsa ham, suyaklari sinmay qolgan mahallarda shunday bo‘lishi mumkin. Yog‘ emboliyasi suyak ko‘migi arzimas darajada shikastlangan paytlarda, masalan, diagnostika maqsadida punksiya qilingan paytlarda ham paydo bo‘la oladi. Emboliya aksari yopiq travmalar mahalida yuzaga keladi. Sababi shuki, yopiq travmada yog‘ berk bo‘shliqlarda va bosim ostida turib qoladi. Bu esa, yog‘ning venalarga tushib qolishiga yo‘l ochadi, to‘g‘rirog‘i, buni yengilashtirib qo‘yadi.*

*Shikast yetgan paytdan qancha vaqt o‘tganligiga qarab yog‘ emboliyasi juda ertangi, ertangi va kechki, ya’ni sekinlashgan bo‘lishi mumkin. Emboliya shikast yetgan paytning o‘zida, ya’ni travma bilan bir paytda yuzaga kelgan bo‘lsa, buni darhol paydo bo‘lgan, juda ertangi (bir necha sekund, minut o‘tganidan keyin paydo bo‘ladigan) emboliya deyiladi. Ertangi emboliya deyilganda yog‘ emboliyasi paydo bo‘lgan payt bilan travma boshlangan payt o‘rtasida bir necha soat vaqt o‘tadigan hollar tushuniladi.*



40-rasm. O'pkadagi yog' emboliyasasi.

Kechki emboliyada bu muddat bir necha kun yoki hatto haftagacha cho'ziladi. Yog' emboliyasining juda ertangi va ertangi xillari teri osti kletchatkasi travmasi uchun, kechki xillari naysimon suyaklar uchun xarakterlidir.

**Yog' emboliyasining klinik manzarasi** xilma-xil va qonga bir yo'la tushgan yog' miqdoriga, jarayonning umuman qancha vaqtdan beri davom etib kelayotganiga hamda embolning qayerda joylashganiga bog'liq. Chunonchi, kichik qon anlanish doirasining yog' emboliyasini uchun o'tkir o'pka yetishmovchiligiva asfiksiya xarakterlidir. Katta qon aylanish doirasining yog' emboliyalarida miyada qon aylanishi yetishmovchiligi, yurak zaifligiga xos simptomlar yuzaga keladi. Markaziy nerv sistemasining yog' emboliyalarini ayniqsa xatarlidir. Yog' emboliyasining boshqa simptomlaridan harorat ko'tarilishi, badan terisi va shilliq pardalarga petexial toshmalar toshishini aytib otish kerak.

Zararlanish o'chog'idan yog' so'rilib o'tishining dastlabki va ko'pincha birdan-bir natijasi kichik qon aylanish doirasi emboliyasidir. Katta qon aylanish doirasi emboliysi, odatda, ikkinchi bosqich bo'lib hisoblanadi. Demak, yog'ning asosiy qismi katta qon aylanish doirasiga tushishdan avval kichik qon aylanish doirasini bosib o'tadi. Bunda qonga tushgan yog' kam miqdorda bo'lsa, u parchalanib ketadi. O'pkaga tushgan yog'ning bir qismi limfa sistemasiga so'rildi.

Yog' emboliyasini paydo bo'lishi va uning nechog'lik og'ir o'tishida odam yoshi, salomatligining ahvoli, jumladan yurak va o'pkasi holatinining ahamiyati ham bor. Odam yuragi sog bo'lsa, u vaqtida yurak qisqarishlarining kuchi bilan embollar kichik qon aylanish doirasidan katta qon aylanish doirasiga o'tib ketadi. Yurak kasalliklari mahalida kichik qon aylanish doirasidagi talaygina kapillarlarning tiqilib qolishi zaiflashgan yurakka shu to'siqni yetarlicha tez yengib o'tishga imkon bermaydi. Shuning natijasida yurak kengayib, yog' yurak qisqarishlari tazyiqi bilan katta qon aylanish doirasiga o'tib ketmasidan ilgari falaj bo'lib qoladi. Katta qon aylanish doirasida yog' emboliyasining ko'proq baquvvat va sog'lom

yosh odamlarda kuzatilishiga sabab ana shu. Embol tomirga tiqilib qolganida shu tomir atrofidagi to'qimada degenerativnekrotik o'zgarishlar ro'y beradi.

Yog' emboliyasini o'z-o'zidan paydo bo'lishi ham mumkin (spontan emboliya). Jigarni juda yog' bosganida shunday hodisa kuzatiladi. Yog' tomchilarini bir-biri bilan qo'shilib, yog' hujayralarini hosil qiladi, jigar kistalari destruksiya uchraganida esa ular qonga o'tib, o'pkaga boradi.

Yog' emboliyasini to'qimalarni mikroskopik tekshirish yo'li bilangina, shuningdek bilvosita tarzda — bemorni klinik tekshirishdan o'tkazib ko'rib (siyidikda yog' tomchilarini topiladi) aniqlash mumkin.

Miya yog' emboliyasini ham tasvirlangan, bunday emboliya reflektor yo'l bilan yurak yetishmovchiligi boshlanishiga, miya to'qimasida, me'da shilliq pardasi, badan terisida mayda nekroz va qontalashlar paydo bo'lishiga olib keladi. Yog' emboliyasining oqibatida yog' tomchilarini yuvilib, fagotsitlarga so'rildi, Bu emboliya asorati sifatida pnevmoniya boshlanishi ham mumkin. Bolalarda yog' emboliyasini ancha kam uchraydi, bu aftidan, bolalarda sariq ilikdan ko'ra ko'proq qizil ko'mik bo'lishiga bog'liq.

## HAVO EMBOLIYASI

*Havo emboliyasini venalarga havo tushib qolganida yuzaga keladi.* Odam shikastlangan mahallarda yoki jarrohlik operatsiyalari vaqtida, qonining bosimi manfiy bo'ladi va demak, atmosfera havosi so'rilib o'ta oladigan venalar (yurakka yaqin joylashgan venalar, masalan, bo'yin venalari) shikastlangan paytarda shunday hodisa ro'y berishi mumkin. Tug'ruqdan keyin yo'li ochilib qolgan bachardon venalari orqali, me'da yarasi tubidagi vena orqali havo emboliyalari bo'lgani tasvirlangan. Yosh bolalarda qattiq yo'tal (qizamiq, ko'k yo'tal) mahalida alveolalar to'siqlari yorilib, bosh miya emboliyalari paydo bo'lishi mumkin. Dori moddalarni venalardan yuborish mahalida yo'l qo'yilgan xatolar ham havo emboliyalariga olib kelishi mumkin.

Havo emboliyasining klinik manzarasi havo miqdoriga va qanday tezlik bilan qonga tushganiga bog'liq. Tajribada it venasiga havoni asta-sekin yuborish keskin funksional o'zgarishlarni keltirib chiqarmaydi. Havoni hattoki kichik hajmda bolsa ham tez yuborish esa tomirlar tiqilib qolishidan o'limga sabab bo'ladi.

Tomirlar yo'lliga havo tiqilishining mexanizmi o'ziga xos. Havo o'ng yurakda pufakcha ko'rinishida to'planib borib, o'pka arteriyasi og'zini to'sib qo'yadi va arteriyaga o'tmay, qon aylanishini izdan chiqaradi. Bordiyu, havo mayda pufakchali aralashma ko'rinishida tomirlarga o'tgudek bo'lsa, u o'pka kapillarlariga tushib, ularning qisqa vaqtga tiqilib qolishiga sabab bo'ladi va asoratlarga olib kelmasdan turib tez so'rilib ketadi.

## GAZ EMBOLIYASI

Gaz emboliyasi qonning erigan holatdagi gazlari ajralib chiqib, tomirlarni berkitib qo'yan mahallarda yuzaga keladi. Odam yoki hayvon tanasiga tashqi muhit bosimi birdan tez kamayganida ana shunday hodisa kuzatiladi. Bunday sharoitlarda qon go'yo qaynab chiqadi.

Gaz emboliyasining klassik misoli odam yuqori atmosfera bosimi sharoitlarida ishlaydigan mahallarda boshlanadigan kesson kasalligidir. Odam yuqori bosim sharoitida turgan mahalda qon atmosfera gazlarini odatdagidan ko'proq miqdorda o'zida eritib oladi. Shunday sharoitlarda odamning atmosfera bosimi normal bo'lgan joyga tez o'tishi qondan azot, karbonat angidrid, kislorod singari gazsimon moddalarning ajralib chiqishiga olib boradi. Kislorod tezdan qayta erib ketadi, shunga ko'ra kapillarlarga asosan azot pufakchalari tiqilib qoladi. Gaz emboliyasi katta qon aylanish doirasida kuzatiladi.

Gaz va havo emboliyasi klinik jihatdan bir xilda namoyon bo'lishi mumkin: keskin asfiksya hodisalar, teri rangining oqarib turishi, sianoz, talvasa tutishi, odamning o'zidan ketib qolishi va boshqalar biringchi o'rinda turadi. Embollar miyada, tomirlar bilan yaxshi ta'minlangan suyaklarda, yurak va boshqa organ to'qimalarida nekroz o'choqlari paydo bo'lishiga olib kelishi mumkin. O'pkada shish, gemorragiya, o'choqli ateletazlar yoki emfizema boshlanishi mumkin (bular to'satdan boshlanadigan respirator distres sindromga olib boradi). Bir-muncha og'ir hollarda qon aylanishi izdan chiqib, u yoki bu organ ishlamay qo'yadi, og'riq turadi.

Gaz emboliyasi aviatorlarda uchraydigan va katta balandliklarga ko'tarilganda alveolalar havosi kichik qon aylanish doirasidagi kapillarlar sistemasiga diffuziyalanib o'tishidan boshlanadigan dardning — aviatorlar kasalligining asosiy sababidir. Falokat ro'y berib, kabina germetikligi buzilganida samolyotdag'i kishilar, kosmonavtlar, shuningdek suv tagida ishlab turib, tez suv betiga chiqib olgan kishilar gaz emboliyasi paydo bo'lish xavfiga uchraydi.

Gaz emboliyasi anaerob gangrenada ham kuzatilishi mumkin. Bu infeksiya vaqtida odamning o'limiga aynan hayot uchun muhim organlar gaz emboliyasi sabab bo'ladi degan fikr bor.

## TO'QIMA EMBOLIYASI

To'qima emboliyasi tomirlarga hujayralar yoki to'qima, yoxud organlarning bo'lakchalari tushib, qon bilan harakatlanib yurgan mahalda kuzatiladi. Masalan, yarali endokarditda yurak qopqoqlarining qismlari uzilib chiqib, qonga tushishi yoki odam shikastlangan paytlarda turli to'qimalarning bo'lakchalari, tomirlarga o'sib kirgan o'sma hujayralari ham qonga o'tib qolishi mumkin. Yarali aterosklerozda xolesterin kristallari emboliyasi ham uchrashi mumkin.

Xavfli o'sma hujayralarining tomirlardan tarqalib borishi, ya'ni metastazlanish (meta — boshqa, o'zga, stasis — o'rashish, joy olish degan so'zlardan olin-gan) ayniqsa xavflidir. Hujayralarning yemirilish mahsulotlaridan iborat em-boliyada yiringli jarayonning tarqalishi (metastazlanishi) ham xavfli.

*Qog'onoq suvlari*dan bo'ladijan emboliya klinik jihatdan muhim ahamiyatga ega, chunki u hamisha o'limga olib boradi va ro'y berish-bermasligini oldindan aytib va qaytarib ham bo'lmaydi. Qog'onoq suvlari emboliyası, odatda, katta yoshga borib tuqqan ayollarda, ko'p tuqqan xotinlarda kuzatiladi va to'satdan dispnoe, sianoz, kollaps, gemorragiya boshlanishi bilan ta'riflanadi. Ko'pincha odamni talvasa tutib, oxirida komaga aylanadi. Qilinadigan doriyu-ilojlarga qaramay 85—90 foiz hollarda ayol kishi o'lib ketadi.

Qog'onoq suvlari emboliyasidan o'lgan kishilar murdasi yorib ko'riganida o'pka kapillarlari va arteriolalarida homila terisi epiteliysining tangachalari, soch bo'laklari, yog', aftidan, me'da-ichak yo'lidan tushgan shilimshiq topiladi. Mana shu narsalarning topilishi qog'onoq suvlari emboliyasining klassik belgisi bo'lib hisoblanadi. Bachadon, o'pka, buyrak, qalqonsimon bez va miokardning mayda tomirlarida fibrinli tromblar topiladi, bular qonning ko'pgina tomirlar ichida ivib qolganidan darak beradi.

Qog'onoq suvlari emboliyasining patogenezi ma'lum emas. Unga asosan amnion suyuqligining bachadon bo'yni (endoserviks), bachadon yo'ldosh may-donchasi venalari orqali qonga so'rilib o'tishi, bachadon tanasi va bo'yni yoril-gan mahallarda qonga tushib qolishi sabab bo'ladi deb taxmin qilinadi. Av-vallari o'pka tomirlariga tushib qolgan teri epiteliysi tangachalari shu tomirlar spazmiga sabab bo'ladi deb hisoblanar edi. Biroq, amnion suyuqligida prosta-glandinlar singari tomir toraytiruvchi moddalar bo'lishi va xuddi shular o'pka tomirlari spazmiga olib borishi keyingi vaqlarda aniqlandi. Bundan tashqari, amnion suyuqligida qonning tomirlar ichida ivib qolib, DVS sindromiga sabab bo'ladijan trombogen moddalar ham topilgan.

## BAKTERIAL EMBOLIYA

*Bakterial emboliya mikroorganizmlar koloniyalarining tomirlar ichiga. o'tib qolishiga bog'liq bo'lib, organizmda qanday bo'lmasin biror infektsion-yallig'lanish jarayoni bor mahalda, tromb yiringlab, irib ketgan paytlarda septik endokardit vaqtida kuzatiladi.* Bakterial emboliya mikroblarning butun bir koloniysi tomiriga tiqilib, uni berkitib qo'ygan mahalda ro'y beradi (41-rasm). Ayrim bak-teriyalarning qonda aylanib yurishi emboliya bo'lib hisoblanmaydi, buni bak-teriemiya deyiladi. Bakteriyalar agglutinatsiyalangan mahalda emboliyaga sabab bo'la oladi. Bakterial emboliya natijasida asosiy jarayon tarqalib ketadi yoki o'sha joyning o'zida qon aylanishi izdan chiqadi.



41-rasm. Buyrak tomirlaridagi bakterial emboliya.

### PARAZITLAR EMBOLIYASI

Parazitlar emboliyasi kamdan-kam uchraydi. Askaridalar, exinokokk pu-fakchalari, jigar qurti va boshqalar embol bo'lishi mumkin. Jumladan, askarida-lar quyidagi yo'l bilan: o'n ikki barmoq ichak-o't yo'llari, qon tomirlariga tutash-gan jigar absessi (vena devorining yiringlab irishi), yirik venalar, o'ng yurak, o'pka arteriyasining og'zi (embolning to'xtash joyi) dan iborat yo'l bilan qon tomiriga o'tishi mumkin.

### YOT TANALAR EMBOLIYASI

Yot tanalar emboliyasi ham emboliyaning kam uchraydigan turlari-dandir. Odam jarohatlanganda, ayniqsa o'q otar qurollardan jarohatlanganda va yirik venalari yirtilib ketgan mahallarda ana shunday emboliya ro'y berishi mumkin. Embol ko'rinishidagi oqlar, snaryadlarning mayda parchalari, kiyim parchalari tasvirlangan.

### EMBOLIYALARING OQIBATLARI

Emboliya, uning qanday turda bo'lishidan qat'i nazar, ko'ngilsiz oqibatlarga olib keladi, bularning asosiyлари quyidagilardir: 1) qon aylanishi buzilgan turli organlar funksiyasining yo'qolishi va ularning tegishli joylarida nekrozlar bosh-lanishi (bosh miyaning kulrang yumshashi, miokard infarkti, qo'l-oyoq gangre-nasi);

2) o'sma yoki yallig'lanish jarayoni metastazlarining paydo bo'lishi;

3) ayniqsa hayot uchun muhim qon tomirlar tizimi reflektor spazmga uchra-ganida emboliya o'limga sabab bo'lishi mumkin (o'pka arteriyasi emboliyasi xatarli).

Emboliyada izdan chiqqan qon aylanig yo' liga embol tigilib qolgan tomirni chetlab qon o'tadigan yo'l (kollateral yo'l) paydo bo'lishi hisobiga bir qadar asliga kelishi ham mumkin.

Emboliyaning qanday oqibatga olib borishi organizmning umumiy ahvoliga, izdan chiqqan qon aylanishini kompensatsiyalay olish layoqatiga ko'p jihatdan bog'liqdir.

## SHOK (KARAXTLIK)

*Shok — to'qimalarning qon bilan ta'minlanshi, ulardag'i almashinuv jarayonlari darajasiga mutlaqo to'g'ri kelmaydigan darajada keskin pasayib ketishi bilan tariflanadigan patologik jarayondir.* Shok odatdan tashqari turli omillar tasir o'tkazgan mahalda organizmning hayotni saqlab qolishga qaratilgan, tabiatan adaptiv bo'lган javob reaktsiyasi, passiv himoyasining bir turi deb hisoblanadi. U gipoksiya boshlanishi va organizm funktsiyalarining susayib qolishi bilan birga davom etadi.

**Etiologiyasi va patogenezi.** Shokni keltirib chiqaradigan sabablar juda har xil. Shu munosabat bilan shokning quyidagi turlari tafovut qilinadi: 1) travmatik shok; 2) kardiogen shok; 3) gemotransfuzion shok; 4) infektziontoksik shok; 5) anafilaktik shok; 6) gipovolemik shok; 7) neyrogen shok.

*Travmatik shok* mexanik travma paytida paydo bo'ladi. *Kardiogen shok* mio-kard infarkti, aritmiyalar, yurak tamponadasi, o'pka arteriyasi emboliyası mahalida boshlanadi. *Gemotransfuzion va posttransfuzion shok* to'g'ri kelmaydigan qon quylishiga bog'liqdir. *Toksikoinfektion* (endotoksin, septik) shok gram-manfiy va grammusbat bakteriyalar paydo qilgan infeksiyalar mahalida kuza-tiladi. *Gipovolemik shok* odamdan qon ketishi natijasida, odam ha deb quasaradigan, ichi ketaveradigan, badani kuygan mahallarda vujudidan talaygina miqdor suyuqlik yo'qolib qolgan paytlarda boshlanadi. *Neyrogen shok* orqa miya zararlangan kezlarda, anesteziyalar paytida kuzatiladi.

Shokning rivojlanish mexanizmi murakkab (42-rasm). *Kardiogen shok* asosida miokard shikastlangani tufayli yoki gemotoraks paytida yurak qisilib qolgani natijasida miokardning nasoslik funktsiyasi keskin pasayib ketishi yotadi. *Gipovolemik shokning* patogenetik mexanizmi aylanib yurgan qon yoki plazma hajmining kamayib ketishidir. Ayni vaqtida yurakdan otilib chiqadigan qon miqdori kamayib, gipotoniya boshlanadi, to'qimalar perfuziyasi susayib, hujayralar kislородга yolchimay qoladi (gipoksiya). *Toksikoinfektion* shokning avj olib borish mexanizmi birmuncha murakkab va unchalik oydin emas. Bu shokka ko'pchilik hollarda endotoksin ishlab chiqaradigan grammanfiy bakteriyalar sabab bo'ladi (*E. coli*, *Klebsiella pneumonia*, *Proteus*, *Pseudomonas aerogenosa*). Shu munosabat bilan shokning bu turiga *endotoksin* shok deb ham aytildi.

Septik shokda, gipovolemik va kardiogen shokdagiga qarama-qarshi o'laroq, yurakdan otilib chiqadigan qon miqdori avvaliga kamaymaydi. Biroq, arterio-

lalar kengayib ketadigan bo'lgani uchun qon aylanish sistemasining periferik qarshiligi kamayib qoladi. Arteriolalarning shu tariqa kengayishi kinin, trombotsitlarning faol moddalari singari tomirni kengaytiruvchi moddalar ajralib chiqishiga bog'liq. Biroq, bakteriya toksinlarining tomirlarga to'gridan-to'g'ri ta'sir o'tkazishi ham ehtimoldan uzoq emas. Natijada yo'lli keng tomirlar jumlasiga kiradigan venalar qonga to'lib ketadi va bu narsa periferiyada qonga to'lishuv keskin kamayishiga olib keladi. Yo'lli keng tomirlarga (venalarga) ko'p hajmda qon o'tib ketishi yurakka oqib keladigan venoz qon miqdori kamayib qolishiga olib keladi. Shuning natijasida yurakdan otilib chiqadigan qon miqdori kamayib, arterial bosim pasayadi.

Bundan tashqari, endotoksinlar yoki bakteriyalardan ajralib chiqadigan boshqa zaharli moddalar tomirlar endoteliysi zararlanishiga sabab bo'la oladi, bu qon ivishining ham ichki, ham tashqi mexanizmi faollahuviga, tomirlar ichida ko'p joylarda qon ivib qolib, to'qimalar gipoksiyasi yana kuchayishiga olib boradi. Endotoksinlar komplementni faol holga keltirib, talaygina omillar, jumladan tomirlar o'tkazuvchanligini oshirib, neytrofillarni o'ziga jalb qiladigan moddalar paydo bo'lishiga olib boradi, bular qo'shimcha toksik ta'sir ko'rsatib, tomirlarni kengaytirishi mumkin. Mononuklear — fagotsitar sistemaning endotoksin ta'siridan faollahuvi interleykin-1 ajralib chiqishiga sabab bo'lishi yaqinginada aniqlandi. Interleykin-1 bir qancha organlarga, jumladan me'da osti bezining endokrin bo'limiga, muskullar, gipotalamusga ta'sir o'tkazadi. Bunda glyukagon va insulin ajralib chiqishi kuchayib, muskul oqsillari katabolizmi zo'rayadi, isitma boshlanadi.


Septik shok qon taqsimlanishi o'zgarishi, endotoksin ta'sirida yallig'lanish va immun javobning kuchayishi, shuningdek hujayra va to'qimalarning toksin ta'sirida bevosita zararlanishi bilan birga davom etib boradi.

**Shokning bosqichlari.** Shok tobora zo'rayib boradigan, o'limga olib kelishi mumkin bo'lgan patologik jarayon jumlasiga kiradi. Shokning avj olib borishida uch bosqich tafovut qilinadi:

I — zo'rayib bormaydigan boshlang'ich fazasi, bunda kompensator mexanizmlar faollahib, hayot uchun muhim organlarning perfuziyasi saqlanib qoladi;

II — zo'rayib boradigan bosqichi, bunda qon ta'minoti darajasining almasinuv jarayonlari darajasiga to'g'ri kelmay qoladi va gipoperfuziya boshlanadi;

III — hujayra va to'qimalarda og'ir va barham topmaydigan o'zgarishlar ro'y berib boradigan qaytmas bosqichi. Shokning bu bosqichida gemodinamikani rostlab, o'rniqa keltirilsa ham, kishining hayotini saqlab qolib bo'lmaydi.



42-rasm. Shok patogenezi va bosqichlari (Wingaarden R. , 1985).

*Birinchi bosqichi (ertangi, ilk shok)*da yurakdan otilib chiqadigan qon va arterial bosimni normal holda, odatdagicha saqlab turish uchun neyrogumoral mexanizmlar ishga tushadi. Bu mexanizmlar quyidagilarni o'z ichiga oladi: 1) ba-

roretseptorlar reflekslari; 2) katekolaminlarning ajralib chiqishi; 3) reninangiotenzin o'qining faollahuvi; 4) antidiuretik gormon ajralib chiqishi; 5) simpatik nerv sistemasining umuman jonlanishi. Ana shu mexanizmlar ta'sir o'tkazishi natijasida taxikardiya boshlanib, periferik tomirlar yo'li torayadi (vazokonstriksiya) va buyraklar suyuqlikni bir qadar saqlab qoladi. Shokning bu bosqichida yurakning toj tomiri bilan miya arteriyalari simpatik nerv sistemasining ta'siriga kamroq darajada javob berishini, shu munosabat bilan bu tomirlarning arzimas darajada torayishi va yurak hamda miya singari hayot uchun muhim organlarning qon bilan ta'minlanishi norma atrofida saqlanib qolishini aytib o'tish kerak. Bu bosqichda shokni terapevtik dori-darmon yo'li bilan qaytarsa boladi.

Bordiyu, chora ko'rilmaydigan bo'lса, shok zo'rayib boradigan *ikkinchi bosqichiga* o'tib ketadi, bunda hayot uchun muhim organlarda gipoksiya boshlanadi. Yuzaga kelgan kislород kamomadi hujayra ichidagi aerob nafas jarayonlarini susaytirib, anaerob glikolizni kuchaytiradi. Shuning natijasida ortiqcha miqdorda sut kislota hosil bo'lib, asidoz holati yuzaga keladi. To'qimalardagi pH ning pasayishi vazomotor reaksiyani o'zgartirib qo'yadi, arteriolalar kengayib, mikrosirkulator o'zanda qon to'planib qoladi. Buning natijasida yurakdan otilib chiqadigan qon miqdori kamayib ketishi bilan bir qatorda endotelial hujayralar anoksiya tufayli bir qadar zararlanadi, ko'p tomirlar ichida qon quyilib qolish sindromi DVS sindromi boshlanadi. Tromboksan Ag ajralib chiqishi trombotsitlar agregatsiyasiga yo'l ochadi, buning natijasida mikrosirkulator o'zandan qon yurishi qiyinlashadi (okklyuziya). Organizmda gipoksiya zo'rayib borishi munosabati bilan hayot uchun muhim organlar funktsiyasi izdan chiqadi. Odamningesi kirarli-chiqarli bo'lib, diurez kamayib ketadi.

Ana shu paytdan boshlab shokning qaytmasi, III bosqichi boshlanadi. Hamma hujayralarda gipoksiya boshlanib, asidoz yuzaga kelishi lizosomal fermentlar ajralib chiqishiga sabab bo'ladi, bu narsa shok holatini battar mushkullashtiradi. Ishemiya tufayli zararlangan me'da osti bezi yurak muskuli faoliyatini bog'ib qo'yadigan modda ishlab chiqara boshlaydi. Ingichka ichak shilliq pardasi ishemiyasi ichak florasing qonga o'tishiga yo'l ochadiki, bu narsa gipovolemik shok ustiga endotoksik shok qo'shilishiga sabab bo'lishi mumkin. Shokning mana shu bosqichida buyrak kanalchalari birdan nekrozga uchrashi (nekrotik nefroz boshlanishi) munosabati bilan siyidik ajralishi, ya'ni diurez (peshob) batamom to'xtab qoladi.

**Patologik anatomiysi.** Shokning asosiy patologoanatomik belgilari quyidagilardir: 1) tomirlarda qonning suyuq holda turib qolishi, 2) qonning ko'p joyda tomirlar ichida ivib qolib, gemorragik sindrom boshlanishi, 3) qon oqimida shunt hodisasi yuzaga kelishi, 4) qonning mikrosirkulator o'zanda to'planib qolishi, 5) organlarning sirkulator gipoksiik zararlanishi.

Shokda qon ivishida ishtirok etadigan barcha omillar sarflanib ketishi, ya'ni iste'mol koagulopatiyasi ro'y berishi tufayli qon suyuq holatda turib qoladi. Shok-

da ko'riladigan fibrinoliz hodisasi qon ivishiga qarshi ta'sir ko'rsatuvchi sistema faolligining odatdan tashqari kuchayib ketishi oqibatidir deb ham taxmin qilinishadi. Mikrosirkulator o'zanda qonning yig'ilib qolishi makroskopik jihatdan olganda ichki organlarning qon bilan notejis, har xil darajada to'lishib turishi va gipovolemiya alomatlari ko'zga tashlanishi, ya'ni yurakning «bo'shab» qolishi, yirik venalarda arzimas miqdorda qon bo'lishi bilan namoyon bo'ladi. Buyraklar yukstamedullyar zonasini va piramidalari qonga juda to'lib-toshib turgani holda po'stloq qavatining oqarib turishi buyraklarda qon oqimi shuntlanganidan darak beradi.

Mikroskopik tekshirishda tomirlar yo'lida eritrotsitlarning bir-biriga yopishib, agregatlanib qolgani ko'zga tashlanadi. Bunda qattiqqina eritrotsit agregat bilan tomir devori o'rtasida plazma bilan to'lib turgan joy qoladi. Slaj-fenomenda eritrotsitlar qattiq yopishib turganiga qaramay ularning po'sti saqlanib qoladi. Shokda slaj fenomendan tashqari staz manzarasi kuzatiladiki, bunda tomirlarning kengayib ketgan yo'li shakli o'zgargan eritrotsitlar bilan to'lib turadi. Plazma kam, endoteliy bo'rtib chiqqan bo'ladi. Staz uzoq davom etganida eritrotsitlar qisman gemolizga uchrab, perivaskular oraliq to'qimaga plazma sizib chiga boshlaydi. Tomirlardan plazma omillari chiqishi munosabati bilan tromblar hosil bo'lmaydi.

Shokka hayot uchun muhim organlarning sirkulator-gipoksiik tarzda zararlanishi xarakterlidir. Chunonchi, *bosh miyada* ishemik ensefalopatiya manzarasi yuzaga keladi. *Yurakda* miokard infarktlari, subendokardial gemorragiyalar, nekrozlarni ko'rish mumkin. Bundan tashqari, shokda miotsitlarda kontraktil o'zgarishlar yuzaga kelib (ularning haddan tashqari ko'p qisqarishi), sarkomerlar kalta tortib qolgani, 2 yo'llarning parchalanib ketgani, miofilamentlar shaklining aynab golgani ko'rildi. Bunday o'zgarishlar shok uchungina xarakterli emas, ular organizmga kateholaminlar yuborilganida ham yuzaga kelishi mumkin. Shokda *buyraklar* anchagina zararlanadi. Kanalchalar epitelisida birdan nekrotik jarayon (nekrotik nefroz) boshlanishi tufayli bemorlarda oliguriya, anuriya hodisalari kuzatilib, elektrolitlar muvozanati buziladi.

Gipovolemik shokda *o'pka* kam zararlanadi, chunki *o'pka* gipoksiyaga chiddamli bo'ladi. Biroq, travmatik va bakterial shokda *o'pkada* alveolyar to'siqlar kapillarlarining o'tkazuvchanligi kuchayib, alveolalar epitelisi va kapillarlar endoteliysi zararlanadi. Bu narsa alveolalar to'siqlarida oqsilga boy shish suyuqligi to'planib borib, keyinchalik alveolalar bo'shlig'i to'lib qolishiga olib keladi. Tarkibida fibrin va hujayra detriti bor ekssudatning koagulatsiyaga uchrashi alveolalar devorida gialin membranalari hosil bo'lishiga olib keladi. Shok munosabati bilan *o'pka* zararlanishiga xarakterli bo'lgan ana shunday o'zgarishlar katta yoshli odamlarda uchraydigan respirator distress sindrom asosida yetadi.

Shok mahalida *buyrak usi bezlarida* ro'y beradigan o'zgarishlar stress-nning hamma shakllari uchun xarakterlidir, shuning uchun ham ularni stress

reaktsiyalari deb qaraladi. Shokning birinchi bosqichida buyrak usti bezlari po'stlog'ining retikulyar zonasidagi hujayralarda lipidlar miqdori kamayib qoldi. Keyinchalik koptokchalar zonasidan ham lipidlar yo'qola boshlaydi. Mana shu o'zgarishlar steroidlarni ishlab chiqaradigan va ko'p miqdor lipidlarga muhtoj bo'ladi hujayralar faolligi kuchayganidan darak beradi. Buyrak usti bezlari nekroz o'choqlari paydo bo'lishi mumkin.

Shok mahalida *me'da-ichak yo'lida* gemorragiya va nekrozlar topiladi, gemorragik enteropatiyaga asosan shular sabab bo'ladi. *Jigarda* yog distrofisi, sentrolobular nekrozlar ko'zga tashlanadi.

Bordiyu, bermor ormon qoladigan bo'lsa, yuqorida bayon etilgan o'zgarishlar barham topib ketishi mumkin. Bosh miya neyronlari, kardiomiotsitlardagi o'zgarishlar bu hisobga kirmaydi. Bu hujayralarning gipoksiyadan zararlanishi tabiatan qaytmas bo'ladi. Bundan tashqari, o'pkada boshlangan septal shish septal fibroz bilan tugallanadiki, bu ham qaytmas bo'lib, badar saqlanib qoladi.

Etiologiyasi va patogenezi jihatidan har xil shokning patologoanatomik manzarasida ba'zi tafovutlar bo'ladi. Chunonchi, bir talay qon ketishi tufayli boshlanadigan *gipovolemik shok* uchun bir xil organlar kam qon bo'lib qolgani holda boshqa organlar (o'pka, jigar) ning qonga to'lib-toshib ketishi xarakterlidir. Buyraklarning ishemik zararlanishi ayniqa ifodalangan bo'ladi, ularda o'tkir buyrak yetishmovchiliga asosiy sabab bo'lvchi kortikal nekroz boshlanadi.

*Bakterial (endotoksik) shokda* qonning tomirlar ichida ivib qolish sindromi ko'proq ifodalangan bo'lib, hayot uchun muhim organlar, jumladan me'da-ichak yo'li va o'pka ko'proq zararlanadi. Buyraklar va buyrak usti bezlari va adenogipofizda nekrozlar bo'lishi xarakterlidir.

*Anafilaktik shok* o'pkani ko'proq zararlashi bilan ajralib turadi, bunda o'pkada sezilarli darajada interstisial va alveolar shish bo'lishi, o'pka parenximasining ko'pgina joylariga qon quylishi xarakterlidir. Anafilaktik shokning juda o'tkir xillarida hiqildaq shilliq pardasi haddan tashqari shishib, nafas yo'llari torayib qoladi va asfiksiyaga xos bo'lgan sezilarli morfologik manzara ko'zga tashlanadi.

*Kardiogen shok* patologoanatomik o'zgarishlar oz bo'lishi bilan xarakterlanadi, shunda ham bu o'zgarishlar shokning faqatgina uchinchi bosqichida kuzatiladi. Ayni vaqtida kapillarlar bilan venalar notejis ravishda qonga to'lib ketadi. Odam to'satdan o'lib qolgan hollarda ichki organlar venalarining qonga to'lib turgani, yirik vena tomirlarining suyuq qonga to'lib-toshib ketgani, seroz pardalar tagiga nuqta-nuqta va dog'-dog' bo'lib qon quyulib qolgani, o'pka shishib ketgani seziladi.

*Gemotransfuzion shok* uchun buyraklar zararlanib (nekrotik nefroz boshlanib), o'tkir buyrak yetishmovchiliqi avj olib borishi xarakterlidir.

*Klinik manzarasi* shokning turiga bog'liq. Kardiogen va gipovolemik shokda bermorda gipotoniya boshlanib, yuzining rangi o'likdek oqarib ketadi, badanning terisi muzdekkina va nam bo'lib turadi, pulsi ipsimon ko'rinishga kiradi,

nafas harakatlari va yurak urishi tezlashadi. Sepsisda badan terisi issiqliqna bo'lib turishi mumkin, chunki periferik tomirlar kengayib, qonga to'lib turadi.

**Shokning oqibati, ya'ni prognozi** hayot uchun muhim organlarning nechog'li zararlanganiga bog'liq, ularning zararlangan shokning davosini qiyinlashtirib qo'yadi. Kortikal buyrak nekrozida anuriya zo'rayib boradi, buning natijasida elektrolitlar muvozanati anchagina buziladi. Organizmning bakterial infeksiyalarga sezgirligi kuchayib ketadi. Bemor yoshi, shok turi, to'g'ri va o'z vaqtida davo qilinishining ham ahamiyati bor.

## TO'QIMA SUYUQLIGI MIQDORINING O'ZGARISHI

To'qima suyuqligining miqdori qon va limfa aylanishiga, shuningdek tomirlar o'tkazuvchanligining darajasiga bog'liqidir. To'qima suyuqligi miqdorining o'zgarishi ikki shaklda: shish (to'qimadagi suyuqlik miqdorining ko'payishi) va degidratatsiya (to'qimadagi suyuqlik miqdorining kamayib qolishi) ko'rinishida namoyon bo'lishi mumkin.

### SHISH

*Shish—qon bilan to'qimalar o'rtaSIDA suv almashinuvining izdan chiqishi tufayli oraliq, to'qima yoki organizmning seroz bo'shliqlarida ortiqcha suyuqlik to'planib turishidir. Ko'pchilik hollarda shish hujayralararo bo'shliqlarda gipergidratatsiya boshlanib, shu bilan bir vaqtda hujayralarda suv elektrolitlar muvozanati buzilishi bilan ifodalanadi.*

Shish suyuqligining teri osti kletchatkasida to'planib qolgani *anasarka* deb ataladi. Suyuqliknинг plevra bo'shliqlarida to'planishi *gidrotoraks*, yurak xaltasi bo'shlig'ida to'planishi *gidroperikard*, qorin bo'shlig'ida to'planishi *gidroperitoneum (assit)* deyiladi. Gidrodinamik o'zgarishlarga aloqador shishda solishtirma ogirligi past (1012 va bundan kam), tarkibidagi oqsillar va boshqa kolloidlar miqdori kam bo'lgan suyuqlik to'planib boradi. Shish bo'lib to'planib boradigan ana shu suvsimon suyuqlik *transsudat* deb ataladi. Tabiatan yallig'lanishga aloqador shishda *ekssudat*, ya'ni solishtirma ogirligi birmuncha yuqori (1020 va bundan ko'p), tarkibidagi oqsil miqdori ko'p bo'lishi bilan transsudatdan farq qiladigan suyuqlik hosil bo'ladi.

**Rivojlanish mexanizmi.** Bir joyning o'zida paydo bo'lgan mahalliy shish va umumiy shish tafovut qilinadi. Mahalliy shish paydo bo'lishi, shuningdek, tarqoq shish kelgan mahallarda tananing ma'lum qismlariga ko'proq transsudat yig'ilib qolishi mana shu to'qimalarda kapillarlar devori orqali bo'ladi dan suv almashinuvining fizik-kimyoiy jarayonlari izdan chiqishiga bog'liq. Mana shu jarayonlarni birinchi marta E. Starling o'rganib, suv almashinuvini normada tomirlar ichida ham, interstisiyda ham bo'ladi dan hidrostatik va osmotik bosimlar rostlab borishini ko'rsatib berdi (43-rasm). Kapillarning arterial uchida

uning devori orqali suv shu joyda musbat filtratsion bosim borligi tufayli interstisiya filtrlanib o'tadi. Tomir ichidagi gidrostatik bosim bilan onkotik bosim o'rtafiga tafovut simob ustuni hisobi bilan olganda 4–5 mm ni tashkil etadi, kapillarlardan ko'p miqdor suv chiqib ketishiga shu narsa to'sqinlik qilib turadi. Kapillarning venoz uchida gidrostatik bosim pasayadi, filtratsion bosim manfiy bo'lib qoladi, shu munosabat bilan filtrlanib o'tgan suvning ko'pgina qismi qaytadan so'rilib ketadi. Modomiki shunday ekan, kapillarning arterial uchida tomirdan suyuqlik chiqadi, venoz uchida esa bu suyuqlik qon tomirlar o'zaniga qaytadi. Biroq, suyuqlikning hammasi ham tomirlarga qaytib tushmaydi. Shu sababdan suyuqlikning qolgani limfa tomirlariga o'tib, limfa sistemasi orqali bivosita yo'l bilan qonga qayta tushadi.



43-rasm. Yurak etishmovchilida shish paydo bo'lishining sxemasi  
(Cotran R., 1992).

Patologiya sharoitida qon bilan to'qimalar o'rtafiga suv almashinuvni jarayoni izdan chiqadi, bunga asosan quyidagilar sabab bo'ladi: 1) kapillarlardagi gidrostatik bosimning ortishi, bu narsa suvning interstisiya filtrlanib o'tishi kuchayishiga olib keladi, 2) qon plazmasidagi onkotik bosimning pasayishi, ya'ni suvni tomirlarda saqlab turadigan va uni to'qimalardan umumiy qon oqimiga qaytaradigan kuchning kamayishi, 3) kapillarlar o'tkazuvchanligining kuchayishi,

4) limfa tomirlari tiqilib qolganligi tufayli limfa oqib ketishining izdan chiqishi. Hozirgina ko'rsatib o'tilgan mana shu o'zgarishlar yallig'lanishga aloqador bo'lмаган shishning asosiy va dastlabki sabablari bo'lib hisoblanadi. Buyraklarning tuz va suvni ushlab qolishi ham ahamiyatga ega, bunday hodisa birlamchi (buyrak kasalliklarida) va ikkilamchi (boshqa sabablarga ko'ra paydo bo'lgan (shishlarda) bo'lishi mumkin.

*Gidrostatik bosimning ko'tarilishi* venalar tiqilib yoki bosilib qolgani tufayli venoz qonning oqib ketishi izdan chiqqan mahallarda kuzatiladi. Masalan, homilador bachadon venalarni bosib qo'yganida, flebotromboz, jigar sirrozi paytalarida, shuningdek yurak yetishmovchiligi boshlanib, kichik yoki katta qon aylanish doiralarida venoz gipertenziya yuzaga kelganda shunday bo'ladi. Yurak yetishmovchiligi boshlanganida yurakdan otilib chiqadigan qon miqdori kamayadi, shu munosabat bilan buyrakdan o'tadigan qon ham kamayadi, bu narsa buyraklarning reninni ko'proq sintezlashiga sabab bo'ladi, natijada aldosteron hosil bo'lishini kuchaytiradigan (ikkilamchi aldosteronizmga sabab bo'ladigan) angiotenzin II ko'proq hosil bo'ladi.

Natijada: nefronning distal bo'limida natriyning qayta so'rilishi (reabsorbsiyasi) kuchayadi, hujayradan tashqaridagi suyuqlikning osmotik bosimi ko'tariladi, vazopressinlar sekretsiyasi ikkilamchi tartibda zo'rayadi, suv reabsorbsiyasi (qayta so'rilishi) kuchayadi. Qon dimlanishidan hosil bo'ladigan shishlar zo'rayadi, chunki kapillarlarda gidrostatik bosim ko'tariladi.

Plazmadagi osmotik bosim pasayishi gipoproteinemiya mahalida kuzatiladi. Buyrak koptokchalari bazal membranalarining albuminni o'tkazib yuborishi kuchayadigan buyrak kasalliklarida plazmada albumin miqdorining kamayib qolishi hammadan muhim. Bunda yuzaga keladigan nefrotik sindrom tarqoq shish paydo bo'lishi bilan ta'riflanadi. Plazma oqsillari sintezining buzilishi jigar kasalliklarida (masalan, sirrozda), so'rilish izdan chiqqan mahallarda ham kuzatiladi. Mana shu hollarning hammasida tomirdan interstisiyga suyuqlik ajralib chiqishi buyrakdan oqib o'tadigan qon plazmasi hajmi kamayib, ikkilamchi aldosteronizm boshlanishiga olib boradi.

*Limfa tomirlarining tiqilib qolishi*, bekilib ketishi, shishning boshqa bir dastlabki sababidir. Limfa tomirlarining tug'ma gipoplaziyasi mahalida, bu tomirlarni chandiqlar, o'smalar bosib qolgan paytlarda, limfa tugunlari o'smalari va limfa tugunlari bilan kanallarining katta-katta fibroziga sabab bo'luvchi kasalliklarida limsfaning oqib ketishi izdan chiqadi. Uzoq davom etgan limfatik shish to'qimalarda oqsil to'planib, keyinchalik kollagen tolalar o'sib ketishiga va organlar shaklining o'zgarib qolishi (filoyoqlik yuzaga kelishi) ga olib keladi.

*Natriy va suvning ushlanib qolishi* ham shish paydo bo'lishiga olib boradigan omillar jumlasiga kiradi. Tuz ushlanib qolish hodisisi birinchi bo'lishi va shishga olib borishi mumkin. Bunday narsa odatda o'tkir buyrak yetishmovchiligi pay-

tida yoki poststreptokokk glomerulonefriti mahalida kuzatiladi. Tuz va suvning ushlanib qolishi tomirlar ichidagi suyuqlik hajmi ko'payishiga sabab bo'lib, tomirlardagi gidrostatik bosimning ikkilamchi tartibda ko'tarilishiga, demak, shish paydo bo'lishiga olib boradi.

Shunday qilib, paydo bo'lish sabablari va avj olish mexanizmiga qarab shishning quyidagi turlari tafovut qilinadi: 1) qon dimlanishiga aloqador shishlar, 2) gipoonkotik, 3) membranogen, 4) limfatik shishlar. *Qon dimlanishiga aloqador shishlar* venoz qon oqib ketishi qiyinlashib qolgan mahallarda va yurak yetishmovchiligi paytida kuzatiladi. *Gipoonkotik shishlar* buyrak, jigar kasalliklariaga, oqsilga yolchimaslikka aloqador bo'ladi. *Membranogen shishlar* kapillarlar devori gipoksiyasi tufayli, o'tkazuvchanligi kuchayishi natijasida paydo bo'ladi. *Limfatik shishlar* limfa yollarini tiqilib qolgan va limfa oqib ketishi izdan chiqqan mahallarda kuzatiladi. Bularning avj olish mexanizmi har xil bo'lib, yuqorida tasvir etilgan.

Klinik nuqtai nazardan olganda shishlarning quyidagi xillari tafovut qilinadi: 1) yurak yetishmovchiligi paytida bo'ladigan shishlar, 2) nefrotik shish, 3) nefritik shish, 4) jigar sirrozida bo'ladigan shish, 5) kaxektitik shish, 6) idiopatik shish.

**Patologik anatomiyasi.** Har qanday to'qimada ham shish paydo bo'lishi mumkin, lekin teri osti kletchatkasiga, ayniqsa oyoq teri osti kletchatkasiga, o'pka va bosh miyaga shish kelishi ko'proq uchraydi.

Gavdaning pastki qismida kuzatiladigan teri osti kletchatkasi shishi yurak yetishmovchiligiga, xususan o'ng qorinchada yetishmovchilik boshlanib, venoz qon oqib ketishi izdan chiqishiga bog'liqdir. Shishning oyoqda ko'proq bo'lishi oyoq tomirlaridagi gidrostatik bosimning birmuncha yuqori bo'lishiga bog'liqdir. O'rinda qimirlamay yotishga majbur bo'lgan kasallarda dumg'aza sohasining shishib ketishi kuzatiladi. Buyraklar funksiyasi buzilganida paydo bo'ladigan shish proteinuriya va natriy ushlanib qolishiga aloqador va tabiatian tarqoq bo'ladi (anasarka).

Shish teri osti kletchatkasi yumshoq bo'ladigan joylarda, ya'nii odamning yuzi, ko'z-qovoqlari sohasida hamidan ilgari paydo bo'ladi. Bunda teri rangi oqarib, ajinlari bilinmay ketadi, barmoq bosib ko'riganida o'sha joyda anchagacha yo'qolmaydigan chuqurcha qoladi. Kesib ko'rilsa, teri osti kletchatkasidan tashqi ko'rinishi shilimshiqlisimon to'qimaga o'xshab ketadigan tiniq suyuqlik ajralib chiqadi.

To'qimalarda interstisial suyuqlik ko'payib ketganini mikroskopda tekshirish yo'li bilan aniqlab olish qiyin. Biriktiruvchi to'qima tolalari bilan hujayra orasida oqsil tabiatli nozikkina donador presipitat borligini ko'rish mumkin bo'ladi, xolos. Tolali tuzilmalarda tolalarning bir-biridan ajralib, orasi ochilib qolganini, limfa tomirlarining aynab ketganini ham qayd qilsa bo'ladi.

*O'pka shishi* chap qorincha yetishmovchiligi, buyrak yetishmovchiligi paytida, respirator distress sindrom mahalida, o'pkada infektsion jarayonlar boshlanganida

va o'ta sezuvchanlik reaktsiyalari vaqtida paydo bo'ladi. O'pka xamirsimon bo'lib qolgani bilan ajralib turadi, og'irligi 4—5 baravar ortadi, kesib ko'rilgan joy yuzasidan bir talay ko'pikli suyuqlik oqib tushadi. Gistologik yo'l bilan tekshirib ko'rilganida alveolalar o'rtasidagi to'siqlarda va alveolalar bo'shlig'ida shish suyuqligi topiladi.

*Miya shishi* miya shikastlangan paytlarda, meningitlar, ensefalitlar vaqtida, gipertoniya krizlari boshlangan, venoz qon oqib ketishi qiyinlashgan paytlarda paydo bo'ladi. Oddiy ko'z bilan tekshirib ko'rilganida bosh miya ilvillab qolgan, o'rgimchak parda tagidagi bo'shliqlar va miya qorinchalari tiniq orqa miya suyuqligi bilan cho'zilib ketgan bo'ladi, kesib ko'rilgan joydan tiniq suyuqlik oqib tushadi. Miya shishi aksari miyaning bo'kishi bilan birga davom etadi. Bunda miya egriliklari bilinmay qolib, miyacha katta ensa teshigiga tiqilib turadi. Mikroskopda tekshirib ko'rilganida perivaskular va perisellular bo'shlinqning kengayib ketgani ko'zga tashlanadi.

*Shish paydo bo'lganida buyraklar* kattalashib, kapsulasi oson ajraladigan bo'lib qoladi, yuzasi va kesmasi oqarib turadi.

*Seroz bo'shliqlarda* mezoteliyning bo'kishi, deskvamatsiyasi kuzatiladi. Limfa tomirlari kengayib ketgan bo'ladi, ba'zan ularning devorlari yorilib, ichidan limfa chiqib turadi (limforragiya).

*Shishlarning oqibati* har xil. Ular so'rilib ketishi mumkin. Shish uzoq turganida to'qimalarda gipoksiya boshlanib, parenximatoz hujayralar distrofiya va atrofiyaga uchraydi va keyinchalik skleroz boshlanadi.

*Shishlarning klinik ahamiyati* ularning paydo bo'lish mehanizmiga, olgan joyiga, qancha tarqalganiga bog'liqdir. Chunonchi, teri osti kletchatkasining shishi, ayniqsa u cheklangan bo'lsa, organizm hayot faoliyatini izdan chiqarmaydi. Plevra bo'shlig'ida suyuqlik to'planib qolishi ko'krak bo'shlig'i faoliyatini buzib qo'yadi. Gidroperikardium yurak to'xtab qolishiga olib kelishi mumkin. O'pka shishib ketgan mahallarda suyuqlik avvaliga alveolalar o'rtasidagi to'siqlarda, kapillarlar atrofida to'planib, ularni bosib qo'yadi, bu — kislород diffuziyasi izdan chiqishiga sabab bo'ladi. Keyinchalik alveolalar bo'shlig'ida shish suyuqligi paydo bo'lishi bakterial infeksiya qo'shilishiga va gipostatik pnevmoniya boshlanishiga olib boradi.

Bosh miyaning shishi va bo'kishi klinik jihatdan olganda muhim muammo bo'lib hisoblanadi, chunki bunday hodisa miyachaning ensa teshigiga suqilib qolib, odamning o'llimiga sabab bo'lishi mumkin. Shish kelganida to'qimalarda ikkilamchi o'zgarishlar — yallig'lanish, nekroz, yaralar paydo bo'lishi.

## DEGIDRATASIYA

Degidratatsiya — eksikoz (suv qochishi, suvsizlanish), toqima suyuqligi miqdorining kamayib ketishiga aloqador bo'lib, qonda suv yo'qolishi (angidremiya) bilan birga davom etadi. Degidratatsiyaga quyidagi omillar sabab bo'lishi mumkin: 1) psixozlar, komatoz holatlarda organizmga tushadigan suv miqdorining kamayib ketishi, 2) badan terisi, o'pka, buyrak, ichak orqali suyuqlik yo'qotilishi, 3) buyraklardan suyuqlikning ko'plab ajralib chiqib, poliuriya boshlanishi.

Odam varaq-varaq qusaverganida, surunkasiga ichi ketadigan mahallarda, qandsiz diabetda bo'ladijan poliuriya paytlarida ko'p miqdorda suyuqlik yo'qotish hodisasi kuzatiladi.

Organizmdagi suyuqlikning kamayishi qon plazmasi hajmining kamayib qolishiga olib keladi. Qon plazmasi hajmi to'satdan kamayib qoladigan bo'lsa, o'limga olib boradigan gipovolemik shok boshlanishi mumkin. Interstisial suyuqlik miqdorining kamayishi hujayralar suvi qochib (degidratatsiya), ulardagi almashinuvning buzilishiga olib boradi. Bu o'zgarishlar chaqaloqlarda o'limga olib kelishi mumkin.

Degidratatsiya mahalida ro'y beradigan anatomik o'zgarishlar juda kam bo'ladi. Normada plevra, perikard bo'shliqlari va qorin bo'shlig'ida bir oz oz miqdorda bo'ladijan suyuqlik degidratatsiya mahalida yo'qolib ketadi. Seroz pardalar yuzasi quruq bo'lib, shilimshiqsimon cho'ziluvchan massa bilan qoplanib turadi. Organlar kichrayib, kapsulasi ajin bosgandek ko'rinishga kiradi. Qon odatda quyuq, toq rangda bo'ladi.

Suvsizlanishda bemorlarning tashqi ko'rinishi juda xarakterlidir — ularning burni cho'chchayib, ko'zlar bilan lunjlar ichichiga tortib ketadi, badanining telesi ilvillab, bujmayib qoladi, Gippokrat yuzi deb shuni aytildi.

## VI Bob

### YALLIG'LANISH

#### O'TKIR YALLIG'LANISH

Etiologiyasi va patogenezi

O'tkir yallig'lanish mediatorlari

Tomir fenomeni

Ekssudatsiya

Xemotaksis

Fagotsitoz

Leykotsitlarning faollashuvi va

toqimalarning ikkilamchi

tartibda zararlanishi

#### SURUNKALI YALLIG'LANISH

Etiologiyasi va patogenezi

O'TKIR VA SURUNKALI

#### YALLIG'LANISH MORFOLOGIYASI

Seroz yallig'lanish

Kataral yallig'lanish

Fibrinoz yallig'lanish

Yiringli yallig'lanish

Chirik yallig'lanish

Gemorragik yallig'lanish

Gistotsitar yallig'lanish reaktsiyasi

Interstisial va perivaskular

yallig'lanish

Granulyomatoz yallig'lanish

#### YALLIG'LANISHNING AVJ

OLIB BORISHIDA LIMFA

SISTEMANING, LIMFOID,

MONOSITAR — MAKROFAGAL

SISTEMALARNING ROLI

#### O'TKIR VA SURUNKALI YALLIG'LANISHLARNING KLINIK SIMPTOMLARI

Tirik jon borki, unga xos xususiyatlarning biri u yoki bu turdagи ta'sirotga javoban tegishli reaktsiya ko'rsatishdir. Bu reaktsiyalar nihoyat darajada xilma-xil bo'lib, ularning turi ta'sirotning tabiatiga, tirik jonzotning tuzilish xususiyati va ayrim toqimalarinining xususiyatlariga bog'liqdir. Ta'sirotning o'zi va unga javoban yuzaga chiqadigan reaktsiyalar biologik qonuniyatni, organizm bilan muhitning birligini aks ettiruvchi elementar qonunni tashkil etadi.

Inson organizmi yashab borar ekan, o'zining xususiy rivojlanish davrida atrofdagi muhitning zararli ta'sirlariga (quyosh nuri va ionlashtiruvchi nurlar, shikastlar, mikroblar, toksinlar ta'siriga) doimo uchrab turadi. Ekologik jihatdan olganda noqulay bo'lgan ana shunday sharoitlarda insonda yallig'lanish, regeneratsiya singari himoya reaktsiyalari yuzaga chiqmaydigan bo'lsa, u yashay olmagan bo'lur edi, chunki infeksiyalar haddan tashqari ko'payib ketgan, badanning kuygan yoki jarohatlangan joylari bitmasdan, yiringlab ketavergan bo'lur edi.

Shu reaktsiyalarning eng qadimdan qaror topgan va hammadan ko'ra ro'yrost hamda turli-tuman ko'rinishda namoyon bo'ladigan xillari jumlasiga yallig'lanish reaktsiyasi kiradi. *Yallig'lanish patogen ta'sirotga javoban yaxlit or-*

*ganizm tomonidan tomirlari va to'qimalari ishtirokida ko'ssatiladigan kompleks mahalliy reaktsiyadir. Bu reaktsiya siklik bo'lib, kasallik tug'diruvchi sababning bartaraf etilishi, to'qimalarning regeneratsiyalanishi, funktsiyalarining bir qadar to'la-to'kis tiklanishi, asliga kelishi bilan tugallanadi. Demak, yallig'lanish yaxlit organizmning patogen omil ta'siriga javoban ko'ssatadigan himoyalanish-mosلانish reaktsiyasidir.*

Yallig'lanishning ikki turi tafovut etiladi: *o'tkir va surunkali* yallig'lanish, bular yallig'lanish reaktsiyasining tabiatni, etiologiyasi, patogenezi va morfologiyasi jihatidan bir-biridan farq qilinadi. O'tkir yallig'lanish qisqa muddat (bir necha minutdan bir necha kungacha) davom etishi, ekssudativ reaktsiya boshlanib, plazma suyuq qismi va oqsillarining tomirlardan chiqishi, leykotsitlar, asosan, neyrofillar ko'chishi bilan ta'riflanadi. Surunkali yallig'lanish uchun uning uzoq davom etib borishi, yallig'lanish infiltratida limfotsitlar bilan makrofaglarning ko'p bo'lishi, qon tomirlar va biriktiruvchi to'qimada proliferatsiya boshlanishi xosdir.

## O'TKIR YALLIG'LANISH

*Yallig'lanishning bu turi patogen omillar ta'siriga javoban darhol va erta mudatlarda boshlanadigan yallig'lanish reaktsiyasidir.*

## ETIOLOGIYASI VA PATOGENEZEI

O'tkir yallig'lanishga olib boradigan sabablar juda har xil. Ular kelib chiqishi jihatidan *ekzogen* va *endogen* bo'lishi mumkin. Yallig'lanishning *ekzogen omillariga* quyidagilar kiradi: 1) fizik omillar (nur va elektr energiyasi, yuqori va past harorat, har xil shikastlar, ya'ni travmalar), 2) kimyoiy omillar (kislotalar, ishqorlar, dori preparatlari, skipidar va kroton moyi bular qatorida alohida o'rinda turadi), 3) biologik omillar — mikroblar (stafilokokklar, streptokokklar, pnevmokokklar, ichak tayoqchasi va boshqalar), viruslar. Yallig'lanishga sabab bo'lgan kimyoiy moddalar *endogen* yo'l bilan ham yuzaga kelishi mumkin. Chunonchi, uremiya mahalida, o't yo'llari tiqilib qolgan paytlarda, nekroza uchragan va qon quyilgan joylarda shunday moddalar yuzaga keladi. Ular o'zi qaysi joyga ajralib chiqadigan bo'lsa, o'sha joyni yallig'laniradi. Masalan, uremik toksin fibrinoz enterokolit, fibrinoz perikarditga sabab bo'ladı.

Patogen omillarning qaysi biri ta'sir o'tkazmasin, bunga javoban yuzaga chiqadigan yallig'lanish reaktsiyasi tabiatan bir zaylda, bir qolipda bo'lib o'tishini ta'kidlab aytib ketish kerak. Shu bilan birga yallig'lanish reaktsiyasining shiddati, nechog'lik tarqalishi va qanchalik davom etishi uni keltirib chiqargan sababning tabiatiga, ayrim to'qimalarning xususiyatlari hamda organizmning faoliyatiga bog'liq. Masalan, ba'zi qo'zg'atuvchilar (stafilokokk) yiringlash jarayoni ustun turadigan yallig'lanishga sabab bo'lsa, boshqalari (difteriya qo'zg'atuvchilar)


ko'proq fibrinoz yallig'lanishga sabab bo'ladi. Ayniqsa, xatarli infeksiya qo'z-g'atuvchilari aksari gemorragik yallig'lanishni keltirib chiqaradi.

*Patogen omil toqimaga bevosita ta'sir qilganida birlamchi alteratsiya boshlanadi, o'tkir yallig'lanishga xos hodisalarning avj olib borishida shu alteratsiya muhim rolni o'ynaydi. Bunday hodisalar qatoriga tomirlar reaktsiyasi, ekssudatsiya, xemotaksis va biologik faol moddalar — yallig'lanish mediatorlarining hosil bo'lishi kiradi. Yallig'lanish mediatorlarining hosil bo'lishi yallig'lanishni boshlab beradigan mexanizm bo'lib hisoblanadi.*

## O'TKIR YALLIG'LANISH MEDIATORLARI

Yallig'lanish reaktsiyasining eng dastlabki, boshlang'ich bosqichida tomirlar yo'li qisqa muddat torayib turadi, bunday hodisa boshlanishida neyrogen mexanizmlar muhim o'rinni tutadi. Biroq, keyingi reaktsiyalarning avj olishida kimyoviy tabiatga ega bo'lgan mediatorlar muhim o'rinda turadi. Kimyoviy mediatorlar qanday manbadan (plazma yoki toqimalardan) kelib chiqqanligidan qat'i nazar, yallig'lanish reaktsiyasini boshlab, avj oldirib boradi, shu munosabat bilan ba'zi tadqiqotchilar bu mediatorlarni yallig'lanishning *ichki dvigatellari deb hisoblaydi*.

## KIMYOVIY MEDIATORLAR



44-rasm. Yallig'lanishning kimyoviy mediatorlari.

Mediatorlarning hammasi nishon hujayralardagi o'ziga xos retseptorlar bilan birikkanidan keyin o'zining biologik faolligini namoyon qiladi. Yallig'lanish reaktsiyasi, uni keltirib chiqargan omilning turidan, ya'ni etiologiyasidan qat'i nazar, tabiatan bir qolipda, bir zaylda bo'ladiki, bu narsa organzmda keng tar-

qalgan va yallig'lanish reaktsiyasining yuzaga chiqishida faol ishtirok etadigan mediatorlarning bir xilda bo'lishiga bog'liqdir. Ba'zi mediatorlar, bir-biri bilan ta'sir qilib, o'z kuchini oshirib boradi.

To'qima zararlanganidan keyin ajralib chiqadigan va har xil tarzda ta'sir ko'rsatib boradigan fiziologik faol moddalar, ya'ni mediatorlarning juda ko'pi tasvirlangan. Ularning ba'zilari avvaldan mavjud bo'ladi, ba'zilari yangidan yuzaga keladi (44-rasm). Mana shu kimyoviy mediatorlarining hammasini quyidagi guruhlarga birlashtirish mumkin: 1) vazoaktiv aminlar — gistogramin va serotonin; 2) plazma proteazalari — kinin sistemasi, komplementlar sistemasi, 3) araxidonat kislota metabolitlari — prostaglandinlar va leykotriyenlar; 4) leykotsitlarning mahsulotlari — lizosomal enzimlar va limfokinlar; 5) erkin radikallar va trombotsitlarni faollashtiruvchi omil. Yallig'lanishga xos turli hodisalarining avj olib borishida shu mediatorlar ishtirok etadi (1-jadval).

#### 1 – jadval

#### **Yallig'lanishga xos turli hodisalarining avj olib borishida ishtirok etadigan mediatorlar**

Mediatorlar	Ularning ta'siri
Gistogramin Bradikinin Prostaglandinlar	Dilatasiyaga sabab bo'ladi (tomirlarni kengaytiradi)
Gistogramin Bradikinin C3, C5a komplementlar C4, D4, E4 leykotrienlar Trombotsitlarni faollashtiruvchi omil Erkin radikallar	Tomirlar o'tkazuvchanligini kuchaytiradi
B4 leykotrienlar S5a komplement	Leykotsitlar marginatsiyasiga sabab bo'ladi
LTB4 leykotrienlar C5a komplement	Xemotaksisni yuzaga chiqaradi
Neytrofillarning kationli oqsillari Lymfokinlar	
Endogen pirogenlar E2prostaglandin	Isitma chiqishiga sabab bo'ladi
Bradikinin Prostaglandinlar	Og'riq turishiga sabab bo'ladi

Vazoaktiv aminlar — yallig'lanishi boshlab beruvchi mexanizmlarda muhim rolni o'ynaydi. *Gistamin* birinchi vazoaktiv substansiya bo'lib, to'qima zararlanganidan keyin darhol ajralib chiqadi. Asosiy gistamin manbalari normada perivaskular biriktiruvchi to'qimadan joy oladigan semiz hujayralardir. Semiz hujayralarda gistamin sitoplazmatik granulalarda bo'ladi va shu granulalar yemirilganida ajralib chiqadi. Gistamin qon bazofillari va trombotsitlarda ham topiladi. Gistamin arteriolalarni kengaytirib, venulalar endotelial hujayralarning qisqarishiga va bular orasidagi kamgaklar kamayishira sabab bo'ladi va shunga ko'ra juda tez orada tomirlar o'tkazuvchanligini kuchaytiradi. Bunga asosan shu mediatorning endotelial hujayralarda bo'ladigan H — I tipidagi gistamin retseptori bilan birikishi sabab bo'ladi. Gistamin semiz hujayralardan ajralib chiqqanidan keyin gistaminaza fermenti ta'sirida tez orada inaktiv holga kelib qoladi. Gistaminning tomirlar o'tkazuvchanligiga ta'sir ko'rsatishi bilan bir qatorda eozinofillar xemotaksisiga ham sabab bo'la olishi isbot etilgan. Yallig'lanish jarayoni avj olib borishida *serotonin* ham kattagina rolni o'ynaydi.

Plazma proteazlari yallig'lanish jarayonining avj olishida ishtirok etadi, bularidan kininlar, komplement sistemasi va qonni ivituvchi sistema hammadan ko'ra ahamiyatga ega.

*Kinin sistemasi* faol holga o'tganida bradikinin hosil bo'ladi. Bradikinin ham xuddi gistamin singari, arteriolalar kengayib, venulalar o'tkazuvchanligi kuchayishiga va tomirdan tashqaridagi silliq muskullar qisqarishiga olib boradi, bu ham endotelialaro tirkishlar kengayishiga sabab bo'ladi. Bradikinin qon plazmasi va to'qimalarda bo'ladigan kininaza fermenti ta'sirida tez inaktiv holga keladi. Shuning uchun ham bu mediator yallig'lanishning eng dastlabki bosqichlarida o'z kuchini ko'rsatadi. Bradikinin polipeptid bo'lib, uning o'tmishdoshi (prekursori) qon plazmasida yuqori molekular kininogen ko'rinishida uchraydi.

*Komplementlar sistemasi* immun reaksiyalar avj olib borishida ham, yallig'lanish reaksiyasi avj olib borishida ham muhim rolni o'ynaydigan bir qancha plazma oqsillaridan iboratdir. Bular qon plazmasida inaktiv holda bo'ladi va S<sup>A</sup> dan Sd gacha bo'lgan raqamlar bilan belgilanadi. Shulardan uchinchi modda — komplement Sz ning faol holga o'tishi hammadan muhim ahamiyatga ega. Qolgan moddalar esa Sz komplementning faol holga o'tishida ishtirok etadi, xolos.

Komplementlar sistemasi faollashivining ikki xil biologik mexanizmi tasvirlangan — klassik va qo'shimcha yoki properdin ishtiroki bilan yuzaga chiqadigan yo'l. Faollashuvning klassik mexanizmi immun komplekslar tarkibiga karadigan 1<sup>10</sup> va 1dM ishtiroki bilan amalg'a oshadi. Qo'shimcha yo'lda antigen — antitelo kompleksining faol holga o'tishi talab etilmaydi va bakteriyalar polisaxaridlari hamda odam A immunoglobulini ta'sirida ishga tushadi. Bu jarayonda Sz ning Szb ga aylanishiga yordam beradigan zardob komponenti — properdin (R) ishtirok etadi. Szb hosil bo'lgan zaxoti S5 bilan Sd ham jarayonga ko'shiladi, bu

narsa pirovard-natijada bir qancha biologik faol moddalar hosil bo'lishiga va antitelolar bilan o'rilib turgan hujayralar lizisga uchrashiga olib keladi.

Biologik faol moddalarning ta'sir doirasida juda keng, bu — ularga yallig'lanish reaktsiyasining avj olib borishida faol ishtirok etish uchun imkon beradi. Ular tomirlar devori o'tkazuvchanligini kuchaytirib, tomirlarning kengayishiga, semiz hujayralardan gistamin ajralib chiqishiga sabab bo'ladi. Komplement sistemasi neytrofillar va monotsitlardagi araxidonat kislota almashinuvining lipooksi-genaz yo'lini faollashtirib, yallig'lanish mediatorlari sintezlanishi va ajralib chiqishiga yo'l ochadi.

Araxidonat kislota metabolitlari yallig'lanishning turli jihatlarida ishtirok etadi. Chunonchi, prostaglandinlar tomir reaktsiyasi boshlanishida ma'lum rolni o'ynaydi: 1) prostaglandinlar potensial vazodilyatatorlar bo'lib, asosan arteriolalarga ta'sir o'tkazadi. Ularning ta'siri ostida tomirlar sekinlik bilan kengayadi va vazodilatasiya hodisasi bir necha soat davom etadi; 2) yallig'lanish o'chog'iga qon kelishini kuchaytirib, shu joyga leykositlar chiqishiga yo'l ochadi; 3) tomirlar o'tkazuvchanligini kuchaytiruvchi mediatorlardan bo'lmish gista'minlar ta'sirini kuchaytiradi; 4) leykotrien (LTC<sub>4</sub>, LTD<sub>4</sub>) larning o'zi tomirlar, asosan venulalar o'tkazuvchanligini oshirishga, shunda ham gistamindan ko'ra ko'proq oshirishga qodirdir.

Araxidonat kislota mediatorlari musbat xemotaksis xususiyatiga ega. Chunonchi, LTB<sub>4</sub> leykotrienlar neytrofillar bilan monotsitlarning kuchli xematraktantlari bo'lib hisoblanadi. Ular neytrofillarning tomirlar endoteliysiga yopishib olishiga (adgeziyaga) sabab bo'lib, mikrosirkulator o'zanda agregatsiyalar hosil bo'lishiga olib boradi. Prostaglandinlar og'riqqa sabab bo'ladi va isitma chiqishida ishtirok etadi, ular yallig'lanish ekssudatida topiladi.

Yallig'lanishga qarshi preparatlari ta'sirining asosida ularning prostaglandinlar hosil bo'lishini susaytirish xususiyati yotadi. Masalan, kortikosteroidlar hujayra membranalari fosfolipidlaridan araxidonat kislota ajralib chiqishiga yordam beradigan fosfolipaza ta'sirini bo'g'ib qo'yuvchi oqsillar (lipomodulin, makrokortin) sintezini kuchaytirib, yallig'lanishga qarshi ta'sir ko'rsatadi.

Yallig'lanishning boshqa mediatorlaridan lipidlarning peroksidlanishida hosil bo'ladigan erkin radikallar diqqatga sazovordir. Ma'lumki, erkin radikallar fagotsitlarda ularning mikroblar tufayli parchalanishi mahalida hosil bo'ladi. Erkin radikallar ekstrasellyulyar bo'shliqqa o'tib, kapillarlar endoteliysini zatarlantiradi va shu bilan bu kapillarlarning o'tkazuvchanligini kuchaytiradi. Bundan tashqari, superoksid radikali va neytral gidroksil radikali araxidonat kislotaning ferment ishtirokisiz peroksidlanishiga va musbat xemotaksis xususiyatiga ega lipidlar yuzaga kelishiga sabab bo'ladi. Semiz hujayralardan ajralib chiqadigan va trombotsitlar agregatsiyasiga yo'l ochadigan trombotsitlar aktivatori (PAF -omil) ni ham tilga olib otish kerak. Bu omilni neytrofillar bilan makrofaglar ham sintezlashi mumkin.

Neytrophillar parchalanganida ulardan ajralib chiqadigan lizosoma suyuqligi ham o'tkir yallig'lanish mediatori bo'lib hisoblanadi.

Monotsitlar va makrofaglar lizosomalarida ham faqat o'tkir yallig'lanishgina emas, balki surunkali yallig'lanish ham avj olib borishga sabab bo'ladi. Antigen ta'sirida sensibillangan limfotsitlar ham biologik jihatdan faol bo'ladi. Har xil moddalarini limfokinlarni ajratib chiqradi, bularning tarkibida yallig'lanish o'chog'ida makrofaglar to'planib, ularning faol holga o'tishiga olib boruvchi bir qancha omillar bo'ladi. Bular surunkali yallig'lanishning avj olib borishida muhim ahamiyat kash etadi.

## TOMIR FENOMENI

Yallig'lanishning avj olishida tomirlarga aloqador o'zgarishlar, ya'ni tomirlar reaksiyasi yoki fenomeni muhim rolni o'ynaydi, chunki himoya reaksiyalarida ishtirok etadigan ikki xil asosiy komponentlar — antitelolar va leykotsitlar — tomirlar ichida aylanib yuradi. Tomirlar fenomeni uchta asosiy jarayondan tarkib topadi: 1) *tomirlar kalibri va qon oqimi tezligining o'zgarishi*; 2) *mikrosirkulator o'zanda ro'y beradigan struktura o'zgarshilari* (bu o'zgarishlar yallig'lanish o'chog'iga oqsillar va leykotsitlar chiqib kelishini osonlashtiradi); 3) *yallig'lanish o'chog'ida leykotsitlar to'planib borishi*.

Tomirlar kalibri va qon oqimi tezligining o'zgarishi. Patogen omil ta'sir o'tkazgan zahoti tomirlarda tabiatan neyrogen bo'lgan qisqa muddatli spazm boshlanadi. Tomirlarning shu tariqa torayishi himoya xarakteriga ega bo'lib, kateholaminlar ta'siri tufayli boshlanadi deb hisoblanadi. Spazmdan keyin arteriolalar kengayib, prekapillar sfinkterlar ochiladi, bu narsa qon oqimining tezlashuviga sabab bo'ladi. Postkapillar venulalar ham kengayib, qonga to'lishadi.

Tomirlarning kengayishi, ya'ni vazodilatasiya boshlanishining ikki fazasi tafovut qilinadi. *Birinchi fazasi(darhol boshlanadigan vazodilatasiyasi)* tomirlar devorining qon plazmasi oqsillariga nisbatan o'tkazuvchanligi kuchayishi bilan birga davom etib boradi va 10 minutdan keyin hammadan yuqori darajaga yetadi. Darhol boshlanadigan ana shu vazodilatasiyada gistamin va bradikinin singari vazoaktiv mediatorlar rol o'ynaydi. Tomirlar kengayishining ikkinchi fazasi birmuncha uzoqroq davom etadi va yallig'lanish mediatorlarining boshqa bir turi — prostaglandin ta'siriga bog'liq bo'ladi. Ikkinchili fazada yallig'lanishga aloqador giperemiya boshlanadi — yallig'lanish o'chog'iga zo'r berib arterial qon oqib keladi.

So'ngra, kuchayib turgan shu qon oqimi susayib, sekinlashib qoladi. Qon oqimi tezligining susayishi, *birinichidan*, mikrosirkulator o'zan tomirlarining o'tkazuvchanligi kuchayib, oqsilga boy suyuqlikning atrofdagi to'qimaga chiqishiga; *ikkinchidan*, qon reologik xossalari o'zgarib, kapillarlar ichida eritrotsitlar agregatsiyasi (eritrotsit stazlari) boshlanishiga; *uchinichidan*, qon ustunida o'ziga xos o'zgarishlar ro'y berishiga olib keladi. Chunonchi, leykositlar qon

oqimining chetki tarafiga o'tib, kapillarlar endoteliysi bo'ylab turib qoladi (marginatsiya), shundan keyin leykositlar tomir ichidan atrofdagi to'qimalarga chiqa boshlaydi (emigratsiya).

**Ekssudasiya (tomirlar o'tkazuvchanligining kuchayishi).** Yallig'lanishning ilk muddatlarida tomirlar yo'lining kengayib, qon oqimining kuchayishi natijasida tomirlarda hidrostatik bosim ko'tariladi, bu narsa interstisiya ultrafiltrlanish yo'li bilan suyuqlik chiqishiga olib keladi. Tarkibida bir oz miqdor oqsil boladigan shu suyuqlik *transsudat* deb ataladi. Tomir devorining o'tkazuvchanligi kuchayib borgan sayin transsudasiya ekssudatsiya bilan almashinadi, yani bunda tomirlardan oqsilga boy suyuqlik chiqa boshlaydi. Oqsilga boy suyuqlik chiqishining kuchayib borishi natijasida tomirlar ichida osmotik bosim pasayadi, hujayralar orasidagi suyuqlikda esa bu bosim kuchayadi. Mana shu ikkala omil tomirlardan yanada ko'proq suyuqlik chiqib, uning interstisial to'qimada to'planib borishiga va yallig'lanish tufayli shish kelishiga (yallig'lanish shishi hosil bo'lismiga) olib keladi.

*Tomirlar devori o'tkazuvchanligi buzilishning mexanizmida mikrosirkulator o'zan endotelial hujayralarda ro'y beradigan o'zgarishlar muhim rolni o'ynaydi:*

1) endotelial hujayralarning gistamin va bradikinin ta'siri ostida qisqarib, hujayralar orasida tirqishlar paydo bo'lishi (suv, oqsillar, plazma va qon hujayralari ana shu tirqishlar orqali kapillarlardan chiqib keladi). Bunda mediatorlar endotelial hujayralarning retseptorlari bilan birikkan zahotiyoy ekssudatsiya boshlanadi. Bu jarayon darhol yuzaga chiqadigan tranzitor reaktsiya deb yuritiladi;

2) to'g'ridan-to'g'ri endoteliy hujayralarning zararlanib, keyin nekroza uchrashi va ko'chib tushishi, bunday hodisa kuchli patogen omillar ta'sir qilganda, masalan, badanning ko'p joylari kuyganida, o'ta xavfli infeksiyalar mahalida kuzatiladi. Bunday hollarda tomirlardan suyuqlik chiqishi patogen omil ta'siridan keyin darhol boshlanadi. Bir necha soat yoki kun, yani zararlangan tomirda tromboz yoki reparatsiya boshlanguncha yuqori darajada davom etib boradi. «*Darhol boshlanib, uzoq davom etib boradigan reaktsiya*» deb shu jarayonga aytildi. Bunda mikrosirkulator o'zanning hamma qismlari, jumladan, venulalar, kapillarlar va arteriolalar zararlanadi. Endoteliy hujayralarning ko'chib tushishi trombotsitlar adgeziyasi va tromb hosil bo'lishi bilan birga davom etib boradi. *Paysallanib, uzoq muddat suyuqlik chiqib turishi zararlanishning odatdagidan boshqacha turi bo'lib, patogen omil ta'siridan 2-12 soat keyin boshlanadi va bir necha soat yoki kun davom etadi. Bu jarayonga faqat venulalar va kapillarlar beriladi.* Suyuqlikning paysallanib, sekinlik bilan chiqishi ultrabinafsha nur, ba'zi bakterial toksin ta'sir etganida, yengil yoki ortacha darajada zaharlanish mahallarida kuzatiladi;

3) endotelial hujayralarning leykositlardan zararlanishi. Yallig'lanishning ilk bosqichlarida leykositlarning agregatsiyalanishi va endotelial hujayrlarga yopishib qolishi kuzatiladi. Leykositlar faollashib, endoteliyni shikastlantiruvchi erkin radikallar va proteolitik fermentlar ajratib chiqaradi, bu narsa o'tkazuvchanlik buzilishiga olib keladi;

4) yallig'lanish paytidagi regeneratsiya jarayonida yosh (yangi) kapillarlar paydo bo'lishi. Bunday yangi kapillarlarning devori endotelial hujayralarning ta-baqlanishi va endoteliy orasida birlashmalar hosil bo'lishi tugagunicha yuqori darajada o'tkazuvchan bo'lishi bilan ajralib turadi.

Tomirlar o'tkazuvchanligi buzilishining hozirgina bayon etilgan to'rtta mexanizmi alohida-alohida emas, balki hammasi bir bo'lib ham ishga tushishi mumkin, masalan, odam badani anchagina kuyib, bir talay suyuqlik chiqib turadigan mahallarda shunday hodisa kuzatiladi.

**Leykotsitlar emigratsiyasi.** Tomir yo'lidan leykotsitlar chiqib, ularning yallig'lanish o'chog'ida to'planib borishi (45-rasm) o'tkir yallig'lanishning muhim tomonidir. Leykotsitlar shikast yetgan joyida to'planib borib, bakteriyalar va boshqa qo'zg'atuvchilarini yoq qildi, nekroza uchragan to'qima va yot antigenlarni parchalaydi. Lekin ular yallig'lanishning uzoq cho'zilishiga va to'qimalarning zararlanishiga ham sabab bo'lishi mumkin (ular proteolitik fermentlar, kimyoviy mediatorlar va zaharli erkin radikallar ajratib chiqarganida).


Yallig'lanish mahalida kuzatilagan leykositlar reaktsiyasini quyidagi bos-qichlarga bo'lish mumkin: 1) marginatsiya va adgeziya; 2) xemotaksisga sabab bo'ladigan kimyoviy mediatorlar yordamida yallig'lanish markaziga tomon harakatlanib borish; 3) fagotsitoz va shu fagotsitoz natijasida hujayraga yutilgan materialning hujayra ichida parchalanishi; 4) leykotsitlarning faol holga o'tib, yuqorida aytilan toksik metabolitlarni ekstrasellular bo'shlirqqa ajratib chiqarishi.

Yuqorida qayd qilinganidek, qon oqimi sekinlashganida leykositlar oqimining o'rta (o'q) qismidan chiqib, tomir devori tomon yaqinlashib keladi. Ular endoteliy bo'ylab turib qolganidan (marginatsiyadan) keyin emigratsiya boshlanadi. Marginatsiyada leykotsitlar retseptorlar yordamida endotelial hujayrlarga yopisha boshlaydi (leykotsitlar adgeziyasi), o'sha retseptorlarning ekspressiyasi ikkita mexanizmga bog'liq: 1) neytrofillar membranasida C5<sub>9</sub> mediatorlar ta'siri bilan retseptorlar sonining ortib, faolligining kuchayishiga; 2) neytrofil-lar adgeziyasi uchun zarur endotelial hujayralar membranasidagi retseptorlar ekspressiyasi boshlanishiga.


Neytrophillar endotelial hujayrlarga yopishganidan keyin (adgeziyadan keyin) bu hujayralar qisqarib, ularning orasida tirkishlar paydo bo'ladi (46-rasm). Leykositlarda yuzaga keladigan psevdopodiylar shu tirkishlarga kiradi va hujayralarning ichidagi suyuqlik cho'zilib turgan psevdopodiy tomoniga o'tadi. Natijada hujayra tez orada endoteliy bilan bazal membrana orasida bo'shlirqqa o'tib qoladi. Neytrophillar membranaga andak taqalishi bilan membrana geli zol holatiga aylanadi (kolloid eritma yopishqoqligining qaytar izotermik kamayishi, ya'ni tiksotropiya mexanizmi bo'yicha). Granulosit zoldan osongina oshib, tomir tashqarisiga o'tib qoladi. Neytrofil tomir yo'lidan chiqqanidan keyin bazal membrana yana tiklanadi, leykotsitlar esa yallig'lanish o'chog'i tomon harakatlanib borib, ekssudatga aralashib ketadi.



45-rasm. O'tkir yallig'lanishida leykotsitning endoteliy hujayrasiga adgeziyası.  
1 — endotelial hujayra; 2 — neyrofilning chetki holatga o'tib turishi; 3 — tomir bazal membranasidan tashqaridagi neyrofil; 4 — fibroblast; 5 — monotsit.



I. Komplementning C5a qismi neyrofillar yuzasida adgeziyanı kuchaytiruvchi retseptorlar soni ko'payib, faoliigi kuchayishiga sabab bo'ladi



II. Interleykin-1 endotelial hujayralar yuzasida retseptorlar paydo bo'tishini boshlab beradi

46-rasm. O'tkir yallig'lanishda leykositning endoteliy hujayrasiga yopishishi (adgeziysi mexanizmi; Belviloqua, M.R., 1987 y.)

Qon tomiridan eng birinchi bo'lib, odatda, neytrofillar, keyin monotsitlar chiqadi. Lekin, bundan istisno bo'ladigan hollar ham kuzatiladi. Chunonchi, ba'zi mikroorganizmlar, masalan, tuberkuloz, tif batsillari, avval monotsitlar reaktsiyasiga sabab bo'ladi. Virusli infeksiyalar va immun reaktsiyalar uchun yallig'lanish o'chog'ida faqat limfotsitlar to'planib borishi xarakterlidir. Bundan tashqari, yallig'lanish mediatorlarining hammadan avval neytrofilarga ta'sir qilib, ularning birmuncha erta marginatsiya va migratsiya hodisalariga uchrashi ham ahamiyatga ega. Yallig'lanish o'chog'ida neytrofillar 24-48 soat umr ko'radi. 48 soatdan keyin ekssudatda monotsitlar paydo bo'ladi, bular o'z hayot faoliyatini bir necha hafta va oylar davomida saqlab qoladi.

Yallig'lanish mahalida tomirdan eritrotsitlar ham chiqishi mumkin (eritrodiapedez). Eritrotsitlarning tomir devoridan o'tishi passiv jarayon bo'lib, tomir ichida gidrostatik bosim ko'tarilib qolganiga bog'liqdir. Eritrodiapedez gemorragik ekssudat hosil bo'lishi (gemorragik yallig'lanishi) bilan birga davom etadigan o'ta xavfli infeksiyalar mahalida kuzatiladi.

## XEMOTAKSIS

Leykotsitlar tomirdan tashqariga chiqib ketganidan keyin, amyobasimon harakatlar yordamida yallig'lanish o'chog'inining markazi tomon surilib boradi. Leykotsitlarning to'g'ri yallig'lanish o'chog'i tomoniga qarab harakatlanishidan iborat shu jarayon xemotaksisiga, ya'ni *leykotsitlarning kimyoiy mediatorlar yordamida yallig'lanish o'chog'i tomon tortilishiga bog'liq*. Hamma turdag'i leykotsitlar musbat xemotaksis xususiyatiga egadir, lekin ularning bu xususiyati har xil darajada ifodalangan. Neytrofillar bilan monotsitlar hammadan yuqori darajada xemotaksisiga ega bo'lsa, limfotsitlarning bu xususiyati eng kam darajadadir.

Xemotaksis hodisasini yuzaga chiqaradigan omillar ekzogen (masalan, bakteriyalardan ajralib chiqadigan moddalar) va endogen (plazma oqsillarining derivatlari) bo'lishi mumkin. Neytrofillar uchun kuchli xemostatik omillar quydigilardir: 1) C<sub>5a</sub> komponenti komplementi sistemasining tarkibiga kiradigan modda, 2) leykotrien — araxidonat kislota metaboliti, 3) bakteriya mahsulotlari (peptidlar).

Monositlar va makrofaglar xemotaksisiga sabab bo'ladigan moddalar C<sub>5a</sub>, leykotrien B<sub>4</sub>, bakterial omillar, neytrofillarning kation oqsillari, limfokinlardir. Makrofaglar uchun mediatorlar hosil bo'lishida neytrofillar lizosomalarining asosiy peptid granululari (donalari) muhim rolni o'yaydi. Makrofaglar emigratsiyasi tomirlardan neytrofillar chiqib kelganidan keyin kuzatilishini, aftidan, shu narsa bilan izoxlasa bo'ladi. O'ta sezuvchanlik reaktsiyasi boshlangan mahallarda ekssudat eozinofillarga boy bo'ladi, bu narsa semiz hujayralardan ajralib chiqadigan kimyoiy mediator, shuningdek prostaglandin ta'siriga bog'liq.

Xemotaksik omillar bilan leykositlarning o'zaro ta'sir mexanizmi va leykositni harakatga keltiruvchi signalning tabiatи hozirgi vaqtida to'la-to'kis aniqlangan emas. Aniqlangan narsa faqat mana bular xolos: 1) leykotsitlar yuzasida kim-

yoviy mediatorlar —  $S_{5a}$ , leykotrien  $B_4$  uchun retseptorlar bor, 2) kimyoviy mediatorlarning leykotsitlar retseptorlari bilan birikishi, fosfolipazaning faol holga kelib, hujayra ichidan va hujayra tashqarisidagi bo'shlididan kalsiy ajralib chiqishiga olib boradi. Sitozolda kalsiy miqdorining ortishi leykotsitlarni harakatlantiruvchi elementlarning kontraktilligini kuchaytiradi. Demak, leykotsitlarning harakatlanishida kalsiy bosh rolni o'ynaydi. Leykotsitlar migratsiyasi uchun magniy ham ishtirok etishi kerak. Kortikosteroidlar yuborish leykositlar harakatini butunlay to'xtatib qo'yishini aytib o'tish lozim, chunki kortikosteroidlar xemotaksisida muhim rol o'ynaydigan mediatorlar —  $B_4$  leykotrien va  $S_{5a}$  komplement hosil bo'lishiga yo'l qo'ymaydi; 3) leykotsitlar emigratsiya uchun zarur mediatorlar konsentrasiyasini sezadi va shu sababdan hamisha yallig'lanishning ushbu mediatorlar hosil bo'ladigan markaziga qarab harakatlanib boradi, 4) amiyobasimon harakatlarning asosida sitozolda bo'ladigan aktin va miozin mikrofilamentlarining faolligi yotadi, 5) leykotsitlarning ma'lum tomonga qarab harakatlanishida mikronaychalar muhim vazifani bajaradi, bularning destruksiyaga uchrashi leykotsitlarning yallig'lanish o'chog'iga tomon harakatlanishini izdan chiqaradi.

## FAGOTSITOZ

Yallig'lanishning eng muhim fenomeni *fagotsitoz* hodisasiadir, bu hodisada segment yadroli granulositlar, mikrofaglar va agranulositlar, ya'ni makrofaglar ishtirok etadi, hujayra ichida hazm bo'lish jarayoni shularning sitoplazmasida yuzaga chiqadi. Fagotsitoz uch bosqichdan iborat: 1) fagotsitlanadigan zarrachalarning fagotsit yuzasiga yopishuvi, 2) ularning yutilishi, 3) yutilgan mikroblar yoki zarralarning parchalanishi yoki yo'q qilinishi.

*Birinchi bosqichi.* Fagotsitlovchi hujayralar bakteriya va zarrachalarga yopishib oladi, bunda oldindan tanib bilib olish jarayoni bo'lmaydi. Biroq, yutiladigan narsa opsonin (ya'ni immunoglobulin G va komplement  $C_{3b}$  bilan o'ralib qolgan holda fagotsitoz jarayoni tezlashishi aniqlangan, chunki neytrofillar va makrofaglar yuzasida G immunoglobulin va uchinchi komplement —  $S_{3b}$  uchun retseptorlar bor.

*Ikkinci bosqichi.* Mikroblar va zarrachalari fagotsitlar yuzasiga yopishib qolganidan keyin fagotsitlarning pardalarida invaginatsiya hodisasi ro'y beradi. Hujayra pardasining invaginatsiyalarni, materialni o'z ichiga qamrab olgan qismi ajralib, vakuola yoki fagosoma hosil qiladi. Neytrofillarda degranulyatsiya, ya'ni donalarning yo'qolish hodisasi boshlanib, ularning suyuqligi ajralib chiqadi.

Neytrofillar sitoplazmatik granulalarining ikki turi tafovut qilinadi: 1) azurofil (birlamchi) granulalar, bular lizosomalardan iborat bo'lib, ularda nordon gidrolazalar, neytral proteazalar, kation oqsillar bor, 2) spetsifik (ikkilamchi) granulalar, bularning tarkibida lizosim va laktoferrin bo'ladi. Azurofil granulalar makrofagliarda ham uchraydi.

Neytrophillar degranulyatsiyaga uchrab, hozir aylib o'tilgan fermentlar ajralib chiqishi natijasida fagosomalar hujayra ichida hazm qilish layoqatiga ega bo'lib qoladi. Degranulyatsiya jarayoni fagosomalar hosil bo'lishi poyoniga yetmasdan boshlanadi. Shu munosabat bilan fermentlarning bir qismi, xuddi fagotsitzo jarayonida hosil bo'ladigan erkin radikallar singari, ekstrasellyulyar bo'shlirqqa o'tishga ulguradi. Bularning bir qismi kimyoviy mediatorlar bo'lib, yallig'lanish reaktsiyasining yanada avj olishiga yo'l ochadi.

Shu bilan birga bu proteolitik fermentlar va erkin radikallarning o'zi ham atrofdagi intakt hujayralarning shikastlanishiga sabab bo'lishi mumkin. Fagosomalar hosil bo'lishi va degranulyatsiya boshlanishi bilan o'tadigan yutish jarayoni mikrofilamentlar ishtiroki bilan yuzaga chiqadi. Yallig'lanish mahalida neytrofillardagi almashinuv jarayonlarida o'zgarishlar ro'y berib, glikoliz kuchayadi, glyukoza sarflanib boradi. Buning fiziologik jihatdan katta ahamiyati bor. Chunki neytrophillar o'z funktsiyalarini yallig'lanish o'chog'ining o'rtasida boshlanadigan gipoksiya sharoitida ado etishi kerak bo'ldi.

*Uchinchi bosqich* mikroorganizmlarni fagotsit tomonidan parchalash va yo'q qilishdan iboratdir. Ayni vaqtida mikroorganizmlar butunlay yo'q qilinadigan bo'lsa, buni tugallangan *fagotsitoz* deyiladi. Biroq, ba'zi mikroorganizmlar (masalan, rikketsiyalar, sil va moxov qo'zg'atuvchilar) fagotsitlar ta'sirida hazm bo'lmay, yashash qobiliyatini saqlab boradi va hatto ko'payib boradi. Ana shunday *tugallanmagan fagotsitoz* yoki endositoz organizmga ma'lum darajada zarar yetkazadi, chunki infeksiya yuqqan neytrophillarning limfa yo'llari, limfa tugunlari orqali tarqalib borishi infeksiyaning yoyilib ketishiga olib kelishi mumkin. Infeksiya qon oqimi bilan boshqa to'qimalarga borib qoladigan bo'lsa, fagotsit halok bo'lganida infektning ajralib chiqishi yangi infeksiya o'chog'i paydo bo'lishiga olib kelishi mumkin.

Mikroorganizmlarning hazm bo'lishi va yo'q qilinishida ikkita asosiy mexanizmnинг аhamiyati bor. *Birinchi mexanizm* fagotsitlarda kuzatiladigan erkin radikallar oksidlanishi bilan bog'liq. Neytrophil spetsifik stimulyatorga duch kelganida membranalar fermenti HLADF-oksidaza tezdan faol holga o'tib, natijada superoksid ioni hosil bo'lishiiga olib keladi. Spontan dismutatsiya hodisasi ro'y berishi tufayli  $H_2O_2$  ( $O_2^- + 2H^+ \rightarrow H_2O_2$ ) hosil bo'ladi. Bu erkin radikallar bakteriyalarni oldirish va birmuncha kuchliroq antibakterial modda — gipoxlorid hosil bo'lishini kuchaytirish xususiyatiga egadir.

*Ikkinci mexanizm* lizosomallarga beradigan moddalarining ta'sirini o'z ichiga oladi, bu moddalar arginina boy kation oqsillari (fagotsitin), lizosim, elastaza fermentlari, laktoferrindan iboratdir. Bularning hammasi mikroblarga qarshi ta'sir ko'rsatish xususiyatiga ega mikroblarning hazm bo'lishi uchun lizosoma fermentlari hammdan muhim ahamiyatga ega.

Monositlarda yuzaga chiqadigan fagotsitzo mexanizmi neytrophillardagidan farq qilmaydi. Monositlar ham bakterial erkin radikallar hosil qiladi. Biroq, bularning faollashuvida limfotsitlardan ajralib chiqadigan limfokinlar muhim o'rinni

tutadi. Bundan tashqari, to'qimalarning parchalanish mahsulotlarini chiqarib tashlashda monotsitlar birmuncha kuchliroq ta'sir qiladi.

Yuqorida aytilganlardan organizmning himoya reaktsiyasida leykotsitlar ning asosiy vazifa bajarishi ko'rinish turibdi, shu sababdan leykositlar funksiyalarining izdan chiqishi xoh irlsiy sabablarga bog'liq bo'lsin, xox tur mushda orttirilgan hodisa bo'lsin, organizmning infeksiyalarga sezuvchanligini kuchaytirib qo'yadi. *Leykotsitlar funksiyasining izdan chiqishi, buzilishi qatoriga xemotaksis, fagotsitoz va leykotsitlar bakteriotsid faolligining aynashi kiradi.* Xemotaksisning aynashi hujayra ichidagi kamchiliklarga bog'liq bo'lishi mumkin. Masalan, neytrofillar harakatini ta'minlab boruvchi mikronaychalar tuzilishining irlsiy sabablarga ko'ra buzilishi shu sababdandir. Xemotaksisning boshlanishida muhim orinda turadigan kimyoiy mediatorlar hosil bo'lishi jarayonining buzilishi ham ahamiyatga ega. Fagotsitozning aynashi leykotsitlar aktini disfunktsiyasiga yoki opsoninlanishni ta'minlab beradigan immunoglobulinlar bilan komplement yetishmovchiliga bog'liq bo'lishi mumkin, shuningdek, mikroorganizmning opsoninlar bilan o'ralib qolishi fagotsitozni anchagina kuchaytiradi. Neytrofillar bakteritsid faolligining pasayishi ularda erkin radikallarning oksidlanish hodisasi bo'lmasligiga bog'liq bo'lishi mumkin.

### **LEYKOTSITLARNING FAOLLASHUVI, O'TISHI VA TO'QIMALARNING IKKILAMCHI TARTIBDA ZARARLANISHI**

Xemotaksis va fagotsitoz jarayonlarida leykotsitlar faol holga o'tadi, bu narsa ularda degranulyatsiya boshlanib, lizosomalarning proteolitik fermentlari, erkin radikallar ajralib chiqishi bilan birga davom etadi. Biologik jihatdan faol va mikroorganizmlarning hujayra ichida hazm bo'lishiga zarur bo'ladigan mana shu moddalar fagosomalarda paydo bo'lishi bilan birga hujayra tashqarisidagi bo'shliqqa ham o'tadi. Ular kuchli mediatorlar bo'lgani uchun mikrosirkulator o'zan va to'qimalardagi tomirlarning endotelisini zararlantirishi va shu bilan dastlabki patogen omil ta'sirini kuchaytirishi mumkin. Bunda boshlanadigan ikkilamchi alteratsiya yallig'lanish jarayonining bemalol saqlanib qolaverishiga olib boradi, ya'ni leykotsitar infiltrat to'qimalarning yana zararlanishini bog'lab beruvchi mekanizm bo'lib qoladi. To'qimalarning leykotsitlar ta'siridan shu tariqa zararlanish mehanizmi revmatoid artrit va ba'zi surunkali kasalliklar singari talaygina xastaliklarning asosida o'tadi.

*Shunday qilib, o'tkir yallig'lanish tomirlar reaktsiyasi, ya'ni tomirlar fenomeni — mikrosirkulator o'zan tomirlari (arteriolalar)ning kengayishi, qon oqimining tezlashib, keyin sekinlashuvi, tomirlar devori o'tkazuvchanligining kuchayishi bilan birga davom etib boradi, bu narsa tomirlardan tashqarida oqsilga boy suyuqlik (ekssudat) to'planib borishiga olib keladi. Plazma oqsillari yo endoteliy orasida kengayib qolgan tirqishlar orqali, yoki endoteliositlar zararlangan mahalda*

*tomirlardan chiqadi. Leykotsitlar, asosan neytrofillar, oldin maxsus retseptorlari yordamida endotelial hujayralarga yopishib olib (adgeziya), keyin emigratsiyalarnadi. Leykotsitlarning tashqariga chiqishi va harakatlanishiga turli mediatorlar (xemotaksi) sabab boladi. Yallig'lanish o'chog'ida neytrofillar mikroorganizmlarini fagotsitozga uchratadi. Xemotaksi va fagotsitoz jarayonlarida faol holga o'tgan leykositlar hujayralar orasidagi bo'shlissa toksik metabolitlar va proteazalarni ajratib chiqaradi va shu bilan endoteliy hamda to'qimalarning ikkilamchi tartibda zararlanishiga sabab boladi.*

O'tkir yallig'lanish oqibatlari har xil:

- oqibati xayrli bo'lganida kasallik sababi barham topib, zararlangan to'qimalar tiklanadi (regeneratsiya), ularning funktsiyalari batamom asliga keladi. Bunda mediatorlar neytralaniib, tomirlar devori o'tkazuvchanligi o'z holiga keladi, leykositlar infiltrati so'rilib ketadi, to'qima detriti yo'qoladi. To'qimalarning tuzilishi morfologik jihatdan ham to'la asliga keladi;
- to'qimalarning asliga kelishi chandiq to'qima paydo bo'lishi tufayli chala bo'lishi ham mumkin, bunday hodisa hujayralari regeneratsiyalana olmaydigan to'qimalarda (miokard, miya) va talaygina fibrinoz ekssudat paydo bo'lgan mahallarda kuzatiladi;
- yiringli infeksiya qo'shilishi natijasida absess yuzaga kelishi mumkin;
- o'tkir yallig'lanish surunkali yallig'lanishga aylanib ketishi mumkin.

## SURUNKALI YALLIG'LANISH

O'tkir yallig'lanishga qarama-qarshi o'laroq, surunkali yallig'lanish patogen omil necha haftalab, oylab ta'sir ko'rsatib turadigan mahalda boshlanadi. Yallig'lanishning bu turida zararlangan joyda mononuklear infiltratsiya boshlanib, keyinchalik fibroblastlar proliferasiysi avj oladi. Yallig'lanish infiltrati makrofaglar, limfotsitlar va ahyon-ahyonda plazmatik hujayralardan iborat bo'ladi.

## ETIOLOGIYASI VA PATOGENEZI

Surunkali yallig'lanish organizmnинг o'tkir yallig'lanish o'chog'ini cheklab qo'yish layoqati yetarli emasligi natijasida o'tkir yallig'lanish oqibati bo'lishi, reparativ regeneratsiya jarayonlarini to'la-to'kis namoyon etishi yoki patogen omil saqlanib qolishi natijasida boshlanishi mumkin. Masalan, o'pkadagi bakterial infeksiya odatda yallig'lanish fokusining so'rilib ketishi bilan tugallanadigan o'tkir yallig'lanish jarayoni tariqasida boshlanishi mumkin. Lekin yallig'lanishning qo'zg'atuvchisi sezilarli virulentligi bilan ajralib turadigan, organizmnинг himoya kuchlari esa o'tkir infeksiyanı yengishga kuchi yetmaydigan bo'lsa, u holda o'pka to'qimasi o'zgarishga uchrab, unda surunkali absess paydo bo'lishi mumkin. Ana shunday absessda infeksiya o'chmasdan tutab turgan gulkan ko'rinishida saqlanib qoladi.

Biroq, surunkali yallig'lanish birlamchi jarayon sifatida ham boshlanishi mumkin. Bunday hodisa quyidagi hollarda kuzatiladi:

1) muayyan guruhdagi mikroorganizmlar: sil batsillas, oqish spiroxeta va zamburug'lar tufayli boshlanib, persistlanadigan infeksiyalar paytida. Bu xildagi qo'zg'atuvchilar toksikligi kam bo'lishi bilan ajralib turadi va sekinlik bilan yuzaga chiqadigan o'ta sezuvchanlik tarzida o'tuvchi immun yallig'lanishga sabab bo'ladi. Ana shunday hollarda granulyematoz reaktsiya deb ataladigan o'ziga xos, ya'ni spetsifik yallig'lanish boshlanadi;

2) tabiatan anorganik zarralar va yot jismlar uzoq ta'sir qilib turadigan mahalda. Masalan, tarkibida erkin kremniy bioksid bo'ladiyan changni uzoq vaqt nafasga olish natijasida boshlanadigan o'pka silikozi shunga kiradi. Bu kremniy birikmasi kimyoviy va mexanik ta'sirot tariqasida kor qiladi. To'qimaga kirib qolgan yot jismlar (masalan, zambarak o'qining parchasi, to'qimalar tifilganida solingan chok iplari) o'zining atrofida o'choqli surunkali yallig'lanish boshlanishiha sabab bo'ladi, bunday yallig'lanish sezilarli proliferatsiya bo'lishi va bir tayay ko'p yadroli ulkan hujayralar yuzaga kelishi bilan o'tadi. Natijada yot jismlar tufayli yuzaga kelgan granulyoma hosil bo'ladi;

3) organizmda boshlangan immun reaktsiya ma'lum bir sharoitlarda organizmning o'z to'qimalariga qarshi yo'nalgan bo'lishi mumkinki, bu autoimmun kasalliklar paydo bo'lishiga olib kela oladi. Bunda autoantigenlar revmatoid artrit, sistema qizil volchankasi singari surunkali yallig'lanish kasalliklariga olib boradigan immunologik reaktsiyani keltirib chiqaradi.

Surunkali yallig'lanish birmuncha uzoq davom etib borishi bilan ham o'tkir yallig'lanishdan farq qilishini aytib otish kerak. Chunonchi, o'tkir yallig'lanish 2—3 hafta davom etsa, surunkali yallig'lanish 1 — 1, 5 oydan ko'ra uzoqroq cho'ziladi. Lekin tasvir etilayotgan shu ikki turdag'i yallig'lanhsning bir-biridan muhim farqi yallig'lanish infiltratinining morfologik xususiyatlardadir.

Surunkali yallig'lanish infiltratda mononuklear hujayralar — makrofaglar, limfositlar va plazmatik hujayralar paydo bo'lishi bilan ta'riflanadi. Bularning orasida yallig'lanish o'chog'ida keyinchalik boshlanadigan reparativ jarayon uchun zarur bo'lувчи fibroblastlar va kollagen topiladi (47-rasm).

Makrofaglarni odatda yemirilgan to'qima qoldiqlari, halok bo'lgan leykotsitlar va boshqa zarrachalarni chaqqonlik bilan yig'ishtirib, yo'qotib turadigan «faroshlar» deb hisoblashadi. Lekin bu hujayralar yallig'lanish va immunitetning avj olishida muhim o'rinn tutadi. To'qima makrofaglari ilgari retikuloendotelial sistema (RES) deb atalib kelgan monotsitar — makrofagal sistema tarkibiy qismlarining biridir. Bu sistema ko'mikdan ishlanib chiqadigan hujayralar (jumladan, qon monotsitlari) va to'qima makrofaglardan iboratdir. Bu hujayralarning hammasi ko'mikdag'i umumiyo mambadan — qon monotsiti hosil bo'ladiyan hujayradan kelib chiqadi. Qondan monotsitlar har xil to'qimalarga migratsiya lanib o'tadi va makrofaglarga aylanadi. Makrofaglar oylab umr ko'radigan hujayralardir. To'qima makrofaglari biriktiruvchi to'qimada bir tekis tarqaladi yoki ji-

gar (Kupfer hujayralari ko'rinishida), taloq va limfa tugunlari (sinus gistiotsitlari ko'rinishida) singari organlarda to'planib boradi. O'pkada ular alveolar makrofaglar ko'rinishida bo'ladi.

Makrofaglar fagotsitoz hodisasida ishtirok etish bilangina cheklanib qolmaydi. Bular boshqa xossalarga ham egaki, shu xossalari yallig'lanish reaksiyasiда ularning muhim rol o'ynashidan darak beradi. Makrofaglar faol holga o'tish xususiyatiga egadir, ular faol holga o'tganida o'lchamlari kattalashib, lizosoma fermentlarining kuchi oshadi, almashinuv jarayonlari zo'rayadi.

*Ikkinci bosqichi* makrofaglardan yallig'lanish jarayoni avj olib borishida ishtirok etadigan turli biologik faol moddalar ajralib chiqishi bilan ta'riflanadi. Hozirgi vaqtida makrofaglar ishlab chiqaradigan 50 dan ortiq biologik faol moddalar borligi aniqlangan. Bularning alohida diqqatga sazovor bo'lganlari quyidagilardir:

1) *fermentlar* – neytral va nordon proteazalar. Elastaza va kollagenaza singari neytral proteazalar to'qimalar shikastlanganda ajralib chiqadigan yallig'lanish mediatorlari jumlasiga kiradi. Boshqalari, masalan, plazminogen aktivatori plazmin hosil bo'lishiga yordam beradi. Nordon proteazalardan fosfataza va lipaza faol ishtirok etadi;



47-rasm. Surunkali yallig'lanishda shu yallig'lanish infiltratida uchraydigan hujayralar tarkibi.

1 — plazmotsit; 2 — limfotsit; 3 — eritrotsit; 4 va 5 — makrofaglar;  
6 — tomir; 7 — endoteliy; 8 — fibroblast.


Makrofaglarning faol holga o'tishi ko'p bosqichli jarayondir (48-rasm). *Birinchi bosqichida* makrofag'lar sensibillangan T-limfotsitlardan ajralib chiquvchi limfokinlar, bakterial endotoksinlar yordamida faollashib, fibronektin bilan o'ralgan yuzalarga, shuningdek, o'tkir yallig'lanishning avj olib borishida hosil bo'ladigan turli kimyoviy mediatorlarga taqaladi.

2) *plazma oqsillari* — to'qima omili va V, VII, IX, X omillar singari komplement oqsillari va koagulant oqsillar;

3) *reaktiv kislorod metabolitlari*;

4) *lipidlar mediatorlari*, jumladan araxidonat kislota metabolitlari va trombotsitlarni faollashtiruvchi omil;

5) *proliferatsiya hamda boshqa hujayralar funktsiyasini tartibga soluvchi omillar*: interferon, fibroblastlarga ta'sir o'tkazuvchi o'sish omili, T va V limfotsitlarni faollashtiruvchi, shuningdek fibroblastlar tomonidan kollagenaza ishlaniib chiqishini jonlantiruvchi interleykin-1 va boshqalar.



48-rasm. Surunkali yallig'lanishda makrofag bilan limfotsitda bo'ladigan o'zaro ta'sir mexanizmi.

Yuqorida aytilgan o'tilgan mediatorlarning hammasi makrofaglarni organizmning kuchli himoyalovchi omiliga aylantiradi. Shu bilan birga yot antigenlarga qarshi ishga tushishi mumkin bo'lgan bu kuchli quroq makrofaglar xaddan tashqari faollashib ketgan chog'larda organizmning o'z to'qimalarini ham ancha zararlantirishi mumkinki, autoimmun kasalliklar paytida shunday hodisa kuzatiladi.

Surunkali yallig'lanishda qonda aylanib yurgan monotsitlar xemotaksik omillar ta'siri ostida to'qimaga migratsiyalanib o'tib, bu yerda makrofaglarga aylanadi. Yallig'lanish o'chog' ida makrofaglarning yig' ilib qolishi uchun limfotsitlar tomonidan ajratib chiqaradigan omillar alohida ahamiyatga ega.

Makrofaglar, neytrofillardan farq qilib, o'zining yashash layoqatini uzoq vaqt mobaynida saqlab qoladi. Makrofaglarning bo'linish jarayonida ko'p yadroli ulkan hujayralar paydo bo'ladi.

Yallig'lanish infiltratida limfotsitlarning har xil turlari topiladi, bunday hodisa immun yallig'lanishda kuzatilishi bilangina qolmaydi. Masalan, sil qo'zg'atuvchilari, ya'ni mikobakteriyalar antigen xususiyatlariga egadir, shu munosabat bilan limfotsitlar sil granulyomasida bo'ladi. Har qanday yallig'lanish ham hujayra antigenlari paydo bo'lishi bilan birga davom etib borishini va yallig'lanishning immunologik komponenti shu antigenlarga bog'liq bo'lishini ta'kidlab aytib ketish kerak.

## O'TKIR VA SURUNKALI YALLIG'LANISH MORFOLOGIYASI

O'tkir yallig'lanish suyuq qism, hujayra massasidan tarkib topgan va tarkibida to'qimalarning parchalanish mahsulotlari bo'ladigan ekssudat paydo bo'lishi bilan birga davom etib boradi. Ekssudatning tabiatini har xil bo'ladiki, bu narsa qo'zg'atuvchining nechog'lik virulentligiga, makroorganizmning holati va jaryonining qaysi joyida boshlanganiga bog'liqdir. Masalan, virulentligi past bo'lgan qo'zgatuvchilar tasiri natijasida boshlanuvchi yallig'lanish paytida ekssudatda faqat globulinlar topiladi. Birmuncha kuchli virulent infeksiyalarda, masalan, difteriyada ekssudatda fibrinogen paydo bo'ladi. Ekssudatda eritrotsitlar bo'lishi ham tomirlar o'tkazuvchanligining ancha chuqur buzilganligidan darak beradi. Ayniqsa xatarli infeksiyalar uchun ana shunday gemorragik yallig'lanish xarakterlidir. Ba'zi yallig'lanish reaksiyalarida ekssudatlar aralash, masalan, seroz-gemorragik, seroz-fibrinoz bo'lishi mumkin. O'tkir yallig'lanish uchun morfologik va klinik belgilarning turli-tuman bo'lishi xarakterlidir. Ekssudatning tabiatiga qarab o'tkir yallig'lanish seroz, katalar, fibrinoz, yiringli, chirik, gemorragik, aralash xillarga bo'linadi.

## SEROZ YALLIG'LANISH

Seroz yallig'lanish salgina loyqa ekssudat hosil bo'lishi bilan ta'riflanadi. Bu ekssudat tarkibida asosan 3—8% albumin, yakkam-dukkam leykositlar va seroz pardalarning ko'chib tushgan hujayralari bo'ladi.

Seroz yallig'lanishning sabablari turli-tuman, termik, kimyoiy omillar, infektsion va endokrin omillar shular jumlasidandir. Yallig'lanishning bu turi ko'pincha seroz bo'shliqlarda boshlanadi (plevra bo'shlig'i, qorin, yurak xaltasi, bo'g'imlar bo'shlig'ida) va seroz peritonit, plevrit, perikardit, artrit paydo bo'lishiga olib keladi. Seroz yallig'lanish yumshoq miya pardalarida ham kuzatilishi mumkin. Seroz meningit yumshoq miya pardalarining varaqlari o'rtasida ekssudat to'planib qolishi bilan birga davom etadi. Seroz pardalar yallig'langanida ularda giperemiya boshlanadi. Parenximatoz organlarida seroz yallig'lanish

kamroq uchraydi. Miokardda ekssudat muskul tolalari dastalari o'rtasida, kapillarlar atrofida to'planib boradi. Seroz gepatitda Disse bo'shlig'ida seroz ekssudat to'planib borishi munosabati bilan bu bo'shliqning kengayib ketishi ko'zga tashlanadi. Buyraklarning seroz yallig'lanishida ekssudat asosan Shumlyanskiy — Boumen kapsulasi bo'shlig'ida to'planadi. Seroz pnevmoniya alveolalar bo'shlig'ida ekssudat to'planib borishi bilan birga davom etib boradi. Badan terisi kuygan mahallarda ham seroz yallig'lanish boshlanadi, bunda seroz ekssudat teri epidermisi tagida to'planib borib, yirik qavarchiqlar hosil qiladi.

Seroz yallig'lanish yiringli yoki gemorragik yallig'lanishga aylanib ketmaydigan bo'sla, uning oqibati odatda xayrli, chunki seroz ekssudat hech qanday iz qoldirmasdan osongina so'rilib ketadi. Bir qancha hollarda seroz pardalar salgina qalin tortishi yoki parenximatoz organlarning kichik-kichik joylari sklerozga uchrashi mumkin. Masalan, jigar, miokardda shunday hodisa kuza tiladi.

Seroz yallig'lanishning organizm uchun *ahamiyati* jarayonning qayerda boshlanganiga bog'liq. Masalan, badan terisining o'choqli seroz yallig'lanishi organizmga aytarli ziyon-zahmat yetkazmaydi. Lekin yurak xaltasi bo'shlig'ida ekssudat to'planib borishi bilan davom etadigan seroz perikardit esa yurak faoliyatini izdan chiqarib qo'yishi mumkin. Plevra bo'shlig'ida to'plangan ekssudat o'pkaning qisilib qolishi (kollapsga) va o'tkir o'pka yetishmovchiligi boshlanishi ga olib keladi.

## KATARAL YALLIG'LANISH

*Kataral yallig'lanish suyuq, tiniq ekssudat hosil bo'lishi bilan ta'riflanadi, katalal yallig'lanishda hosil bo'ladigan ekssudat shilimshiq aralashganligi, tarkibida leykositlar, limfositlar va ko'chib tushgan epitelial hujayralar bo'lishi bilan ajralib turadi.* Kataral yallig'lanish odatda yuqori nafas yo'llari, me'da-ichak yo'li shilliq pardalarida boshlanadi (rinit, rinosinusit, gastrit, enterokolit). Ekssudat tarkibi qandayligiga qarab, seroz, shilimshiqli va yiringli katar tafovut qilinadi.

**Seroz katar** tarkibida arzimas miqdorda leykositlar, ko'chib tushgan qoplovchi epiteliy hujayralari va birozgina shilimshiq bo'ladigan loyqaroq suyuq ekssudat hosil bo'lishi bilan ta'riflanadi. Bunda shilliq parda qonga to'lib (giperemiya), bo'rtib turadi. Seroz katar burun shilliq pardasida (o'tkir kataral rinit), vabo kasalligida ingichka ichak shilliq pardasida boshlanadi. Seroz katar tabiatan qaytar bo'ladi.

**Shilimshiqli katarda** ekssudat tarkibida bir talay shilimshiq, ko'chib tushgan epiteliy hujayralari bo'ladi. Bunday katarni barcha shilliq pardalarda kuzatish mumkin, ko'pincha u traxeya, bronxlar va hazm yo'li shilliq pardasida boshlanadi. Bunda shu joydagи shilliq pardalar qonga to'lib turadi (giperemiya) va yuzasida cho'ziluvchan ekssudat paydo bo'ladi. Bu xildagi o'tkir yallig'lanish qadahsimon hujayralar giperplaziyasi bilan birga davom etib boradi, shu hujayra-

lar bir talay shilimshiq ishlab chiqaradi. Bunday yallig'lanish shilliq pardalarga fizik, kimyoviy va termik omillar, shuningdek mikroorganizmlar ta'sir qilganida boshlanadi.

Yiringli katarda bir talay shilimshiq aralash yiringli ekssudat hosil bo'ladi. Shilliq pardalarda yaralangan, chaqalangan joylar, ya'ni eroziyalar paydo bo'lishi mumkin.

Kataral yallig'lanishning ahamiyati, boshqa turdag'i har qanday yallig'-lanishning ahamiyati singari, jarayonning qayerda boshlangani va nechog'lik zo'rligiga bog'liq. Nafas yo'llari va ichak shilliq pardalarining kataral yallig'lanishi hamidan katta ahamiyatga ega.

## FIBRINOZ YALLIG'LANISH

*Fibrinoz yallig'lanish tomirlar devori o'tkazuvchanligi sezilarli darajada bu-zilgan mahallarda boshlanadi.* Bunda endoteliyaro tirkishlar birmuncha keskin kengayadi, shu narsa yirik molekulali moddalar, jumladan fibrinogen ham qon oqimidan ajralib chiqishiga imkon tugdiradi. Shu tariqa paydo bo'ladigan ekssudat fibrinogenga boy bo'ladi. Fibrinogen shikastlangan to'qimalarga duch kelganida fibringa aylanib qoladi. Fibrinoz yallig'lanish difteriya, dizenteriya, ya'ni ichburug' kasalligi, sil, uremiya, o'tkir revmatik perikardit mahallarida kuzatiladi. O'tkir revmatik kardit paytida fibrinoz perikardit paydo bo'ladi. Fibrinoz yallig'lanish asosan seroz va shilliq pardalarda, istisno tariqasidagina organning ichkarisida boshlanadi. Seroz pardalar yuzasiga fibrin tukli massalar (tuksimon) ko'rinishida cho'kib tushadi, bu massalar seroz parda bilan go'yo bitib ketgandek bo'lib turadi, shunga ko'ra seroz pardalar rangi xiralashib qoladi, masalan, fibrinoz perikardit, plevritda shunday bo'ladi. Fibrinoz perikardit mahalida yurak go'yo tukdor qoplama — fibrin iplari bilan o'rilib golgandek bo'ladi («tukdor yurak» deb shuni aytildi), perikarditning ishqalanish shovqini paydo bo'lishiga asosiy sabab ana shu.

Shilliq pardalar yuzasiga fibrin sidirg'a parda ko'rinishida o'tirib qoladi (49-rasm). Bunday parda ba'zi hollarda yuzaga bo'shgina joylashgan bo'lib, osonlik bilan ajratib olinishi mumkin. Boshqa hollarda esa shilliq pardani teshgandek bo'lib, ichkariga chuqur o'tadi, shuning uchun ham pastda yotgan to'qimaga mahkam yopishib qolgan bo'ladi. Mana shu xususiyatlar epiteliyning turiga bog'liq bo'lib, fibrinoz yallig'lanishning ikki turini: *krupoz va difteritik yallig'lanish* xillarini tafovut qilishga asos beradi.



49-rasm. Ichakdagi fibrinoz yallig'lanish

Yallig'lanish jarayoni prizmatik epiteliy bilan qoplangan shilliq pardalarida boshlangan mahalda *krupoz yallig'lanish* yuzaga keladi, ya'ni fibrin cho'kib tushib, bo'shgina yopishgan yuza pardani hosil qiladi. Bu shunga bog'liqki, prizmatik epiteliy pastda joylashgan to'qima bilan bo'shgina bog'langan. Krupoz yallig'lanish me'da, ichak, traxeya, bronxlar shilliqpardasida kuzatiladi. O'pkada fibrin fibrinoz tiqinlar ko'rinishida alveolalar yo'liga o'tirib qoladi. Shunga ko'ra o'pka to'qimasi zichlashib, xuddi jigarga o'xshab turadi. Shilliqparda gungirtroq-kulrang tusga kirib qoladi, uning ustida paydo bo'lgan fibrinoz parda osonlik bilan ko'chadigan bo'ladi. Zararlangan shilliq parda qalinlashib, bo'rtib turadi, fibrin qoplab olgani tufayli gungirtkulrang tusga kirib qoladi. Fibrinoz parda ko'chib tushganida shilliqpardalarda fibrinoliz hodisasi boshlanib, shilliqparda yuzasi chaqalanadi.

*Difteritik yallig'lanish* ko'p qavatlari yassi epiteliy bilan qoplangan shilliqpardalarda kuzatiladi. Ko'p qavatlari yassi epiteliy biriktiruvchi to'qima bilan mahkam birikkan bo'ladi, shu munosabat bilan fibrin qatlami ham shilliq pardaga mahkam yopishib turadi. Yallig'lanishning bu xilida shilliq parda bilan uning ostidagi pardalarda ancha sezilarli va chuqur joylashgan nekrotik jarayonlar bo'lishi xarakterlidir. Fibrinoliz natijasida fibrin qoplamasi (pardasi) ko'chib tushib, chuqur yaralar hosil qiladi. Difteritik (soxta membranoz) yallig'lanish bodom-cha bezlari, og'iz bo'shligi, qizilo'ngach shilliq pardasida kuzatiladi. U krupoz yallig'lanishga qaraganda og'irroq o'tadi va bir qancha asoratlar berishi mumkin, difteriya qo'zg'atuvchisi ajratib chiqaradigan ekzotoksin toksik shokka olib borishi va hayot uchun muhim organlarni zararlashi mumkin; difteriya kasalligida paydo bo'ladigan fibrinoz pardalar asfiksiya, ya'ni bog'ilib qolishga) sabab bo'lishi mumkin.

Shilliq va seroz pardalarda boshlangan *fibrinoz yallig'lanishning oqibati* har xil bo'ladi. Seroz pardalarda fibrinoz ekssudatning uyushish hodisasi ro'y beradi, natijada plevra bo'shlig'i, perikard bo'shlig'i bitib ketishi mumkin.

Bunda hosil bo'ladijan bitishmalar o'pka, yurak faoliyatini Peritonit natijasida hosil bo'ladijan bitishmalar ichak tutilishiga va ichakda bituv kasalligi boshlanishiga sabab bo'lishi mumkin.

Shilliqpardalarda hosil bo'lgan fibrinoz parda fibrinoliz tufayli ko'chib tushib, shilliqpardada yara-chaqalar hosil bo'lishiga olib boradi, ularning chuqurligi fibrinning qancha ichkari o'tganiga bog'liq, bo'ladi. Yara-chaqalar sohasida keyinchalik reparativ jarayonlar boshlanadi. O'pkada pnevmoniya eson-omon o'tib ketadigan mahallarda fibrinoz ekssudat lizisiga uchrab, so'rilib ketadi. Kamroq hollarda fibrinoz ekssudat uyushish hodisasiga uchrab, skleroz o'choqlarini hosil qiladi (o'pka karnifikasiyasi).

## YIRINGLI YALLIG'LANISH

*Yiringli yallig'lanish o'chog'ida kollikvatsion nekroz boshlanib, yiring hosil bo'lishi bilan ta'riflanadi. Bu yiring oqsilga boy ekssudatdan iborat, unda juda ko'pitirik leykositlar va o'lgan leykotsitlarning detriti (yiring tanachalari) bo'ladi.*

Yiringli yallig'lanishga stafilokokk, grammansiy bakteriyalar, ichak tayoqchasi, meningokokk, gonokokk, pnevmokokk singari yiring tug'diruvchi mikroblar sabab bo'ladi. Yiringli infeksiya boshlanishining sababi ko'pincha tillarang stafilokokkdir (50-rasm).

Yiringli yallig'lanishning quyidagi turlari tafovut qilinadi: furunkullar, karbunkullar, abssesslar, flegmona va impetigo.

*Furunkul (chipqon) — soch xaltachasining yiringli yallig'lanishi bo'lib, bunda yonginadagi yog' bezi, teri osti kletchatkasi va teri ham jarayonga qoshilib ketadi. Karbunkul (ho'ppos) — bir qancha soch xaltalari va yog' bezlarining o'tkir yiring-linekrotik yallig'lanishga uchrab, jarayonning teri hamda teri osti kletchatkasiga ham tarqalishidir (51-rasm). Bunda nekrozli kattagina umumiy yallig'lanish infiltrati hosil bo'ladi. Zararlangan joyga anchagina shish kelib, o'sha yerdagi qon va limfa tomirlar bosilib qoladi, qon aylanishining mahalliy izdan chiqishi, nekroz hodisalari ko'rildi. Nekroz boshlangan joyning gir aylanasi yiringlab ketadi, bu yiringlash to'qimalardagi kollikvatsion nekroz jarayonini kuchaytiradi. Nekrozga uchragan joy keyincha ikrib, ko'chib tushadi.*

*Absses (madda, yiring boylagan joy, apostema) — to'qima va organlarda cheklangan holda yiring to'planishidir. Yiringli yallig'lanish paydo bo'ladi, mana shu yallig'lanish neytrofillar halok bo'lganida ajralib chiqadigan fermentlar va erkin radikallarning faol ishtiropi bilan to'qimalarning irib, nekrozga uchrashiga olib ketadi.*

Abssessning o'ziga xos xususiyati yiringli nekrotik jarayonni atrofdagi to'qimalardan ajratib turadigan piogen membrana bo'lishidir. Granulatsion

to'qima bilan qoplangan abscess ichki devorining hosil bo'lishi organizmning yiringli yallig'lanishini ajratib, alohidalab qo'yishga qaratilgan himoya reaktsiyasining bir ko'rinishidir.

Abscess devori oldiniga nekrozga uchragan to'qima parchalari aralash yiringli fibrinoz karashdan iborat bo'ladi, uning tevaragida demarkatsion yallig'lanish zonasini yuzaga kelib boradi. Natijada yiring to'plangan joy granulatsion to'qimadan iborat ko'tarma bilan cheklanib qoladi. Bu granulatsion to'qima kapillarlarga boy bo'ladi, shu kapillarlarning devorlaridan leykotsitlar tashqariga chiqib, yiringli ekssudat hosil bo'laveradi. Piogen membrana tashqi tomondan o'zgarmagan atrofdagi to'qima bilan o'ralgan bo'ladi, uning ichki yuzasiga quyuqlashgan yiring qatlami taqalib turadi. Mana shu parda yiring hosil qilib turadigan bo'lgani uchun *piogen membrana* deb ataladi.

Yiringli yallig'lanish natijasida yuzaga kelgan absessning oqibatlari har xil bo'lishi mumkin: 1) u o'z-o'zidan tashqariga yorib chiqishi (teri osti kletchatsasi, muskullar absesslarida); 2) berk bo'shlidlarga (qorin, plevra, bo'g'imlar bo'shlig'iqa) yorilishi va tarqalib ketgan yiringli jarayonlarga (peritonit, levritga) sabab bo'lishi; 3) tashqi muhit bilan tutashib turadigan kovak organlar bo'shlidlari (ichak, me'da, qovuq bo'shlig'i va boshqalarga) yorilishi; 4) butunlay bo'shaydigan va seli yaxshi chiqib turadigan paytlarda chandiq hosil qilishi (absessning uyushuvi); 5) batamom bo'shalmay qolgan va absess bo'shlig'inining seli yaxshi chiqib turmaydigan mahallarda surunkali absess yuzaga kelishi mumkin.

Yiring tabiatini infeksiya turiga bog'liq: yiringning gungurtkulrang tusda va badbo'y hidli bo'lishi chirituvchi flora uchun; sarg'ish yashil rangda, quyuq bo'lishi stafilokokk uchun; ko'kimtir-yashil rangda bo'lishi ko'k yiring tayoqchasi uchun xarakteplidir.

Yiring tug'diradigan mikrorganizmlarning hammasi organizmga qaysi joydan kirganidan qat'i nazar, tomirlar yo'liga o'tishi va qonda aylanib yurishi mumkin, bakteriemiya deb shuni aytildi. Bakteriemiya paytida yiringli yallig'lanish qo'zg'atuvchisi turli organ va to'qimalarda o'tirib qolib, yangi joyda yiringli yallig'lanishga sharoit tug'iladi, masalan, endokardit, meningit, miya absessi shu tariqa boshlanishi mumkin. Yiringli yallig'lanish zo'rayib borganida regional limfa tug'unlari ham jarayonga qo'shilib, limfadenit boshlanishi mumkin.



50-rasm. Stafilokokk tufayli paydo bo'lgan oddiy impetigo.

Yiring tug'diruvchi mikroorganizmlar, ayniqsa stafilokokklar *flegmona* deb ataladigan tarqoq yiringli yallig'lanishga sabab bo'la oladi. Yallig'lanishning bu turida yiringli ekssudat to'qima elementlari orasiga bir tekis tarqalib, anchagina joyiga singib boradi. Jarayon, masalan, bilakka, yuzning bir tomoniga tarqalishi mumkin. Flegmona anchagina shish kelishi va to'qimalarning qip-qizarib lovillab turishi bilan birga o'tadi. Flegmona aksari yiringli infiltratsiya osongina tarqala oladigan to'qimalarda, masalan, muskullar orasidagi qatlamlar, pay fassiyalari bo'ylab, teri osti kletchatkasida kuzatiladi. Yiringli ekssudatning shu tariqa cheklanmagan holda zo'r berib tarqalib borishi shunga bog'liqki, streptokokklar bir talay fermentlar, masalan, hujayralarning membranalarini eritib yuboradigan gialuronidaza fermentini ajratib chiqaradi. Flegmona paytida limfa tomirlari va regionar limfa tugunlari ham jarayonga qo'shilib ketadi va *limfangit* hamda *limfadenit* boshlanadi. Bunda badan terisining tarqoq yiringli yallig'lanish boshlangan joyidan to regionar limfa tuguni joylashgan yergacha bo'lgan qismi uzun bo'lib qizarib turadi. Limfa tugunlarida yallig'lanishga xos reaktiv giperplaziya manzarasi ko'zga tashlanadi. Streptokokk infeksiyasida boshlanadigan immun reaksiyalar ham o'z holicha revmatizm, glomerulonefrit singari sistema kasalliklariga sabab bo'la olishini aytib o'tish kerak.

*Yiringli yallig'lanishning oqibati* makroorganizmnning holatiga, qo'zg'atuvchining virulentligi va uning nechog'lik tarqalganiga bog'liqdir. Mikroorganizmlar nihoyat darajada virulent, organizmning himoya kuchlari esa susayib

ketgan bo'lsa, infeksiya juda tarqalib, sepsis boshlanishi mumkin. Oxiri xayrli holatlarda abscess yorilib, yiringdan tozalanishi va o'rniда chandiq to'qima hosil bo'lishi mumkin. Xususan, yuz, bo'yin flegmonasi, bosh miya assessi, yiringli meningit, mediastenit, tarqoq yiringli fibrinoz peritonit organizm uchun ayniqsa xatarlidir.



51-rasm. Karbunkul. Jun follikulalari atrofida paydo bo'lgan yiringli yallig'lanish o'choqlari epidermisiga o'tgan.

### CHIRIK YALLIG'LANISH

*Chirishli (gangrenoz, ixoroz) yallig'lanish B. perfringens singari chirituvchi bakteriyalar (patogen anaeroblar) ishtirokida boshlanadi.* Odadta tashqi muhit bilan tutashib turadigan organlarda kuzatiladi (gangrenoz angina, pnevmoniya, chirik bronxit). Yallig'lanishning bu turi ko'pincha u yoki bu xildagi ekssudativ yallig'lanishning asorati tariqasida boshlanadi va to'qimalarning chirib, bir talay gazlar hosil qilishi bilan birga davom etib boradi (anaerob infeksiya).

### GEMORRAGIK YALLIG'LANISH

Tomirlar o'tkazuvchanligi sezilarli darajada kuchayganida tomirlar o'zanidan eritrotsitlar ham chiqa boshlaydi. Eritrodiapedez leykodiapedezdan farq qilib, passiv jarayondir. Eritrotsitlarning tomirlar devoridan o'tib ketishi tomirlar ichida gidrostatik bosim ko'tarilishiga bog'i liq. Tabiatan seroz, fibrinoz yoki yiringli

bo'ladigan ekssudatga aralashib, eritrotsitlar bu ekssudatga gemorragik ekssudat tusini beradi. Bunday hollarda aralash xildagi yallig'lanish, masalan, seroz-gemorragik, fibrinoz gemorragik yallig'lanish boshlanadi. Sof shakldagi gemorragik yallig'lanish bo'lgan mahallarda u qon quylishiga o'xshab ketadi. Bunday hodisa toun, kuydirgi, toksik gripp singari infeksiyalarda kuzatiladi.

## GISTIOTSITAR YALLIG'LANISH REAKSIYASI


Salmonella typhi tufayli paydo bo'ladigan infeksiyalarda organizmda bir tekis tarqalgan mononuklear fagotsitlar yallig'lanish reaktsiyasiga jalb etiladi va gistiotsitlar to'planib qolgan joylar yuzaga keladi. Bunday hodisa ko'pincha me'da-ichak yo'lining salmonellyoz infeksiyasi mahalida kuzatiladi. Bunda limfa tugunlari, jigar, taloq ham jarayonga qo'shilib, bulardagi mononuklear fagotsitlar gipertrofiya va proliferatsiyaga uchraydi hamda ular to'planib qolgan o'choqlar (makrofagal, gistiotsitar tugunchalar) hosil bo'ladi. Masalan, ich terlama kasalligida Peyer pilakchaları giperplaziyaga uchrab, hajmi kattalashadi va ularni qoplab turgan ingichka ichak shilliq pardasi yara bo'lib ketadi.

## INTERSTISIAL VA PERIVASKULAR YALLIG'LANISH

Yallig'lanishning bu turi perivaskular bo'shliq va organlar interstisiyasida limfotsitlar, makrofaglar va goho plazmatik hujayralardan iborat infiltratlar paydo bo'lishi bilan ta'riflanadi (52—53-rasmlar). Zaxm, rikketsiozlar va virusli infeksiyalar mahalida kuzatiladi. Virusli infeksiyalarda juda kamdan-kam hollarda polimorf yadroli leykotsitlar yallig'lanish reaktsiyasida ishtirok etishi mumkin. Tabiatan viruslarga aloqador ensefalitda miya to'qimasida mononuklearlardan iborat perivaskular infiltratsiya topiladi. Poliomielit perivaskular va interstisial infiltratlar paydo bo'lishi bilan ta'riflanadi. Virusli miokardit interstisial shish va mononuklear infiltratsiya paydo bo'lishi bilan birga davom etib boradi. Rikketsiyalar tufayli paydo bo'lgan kasalliklar paytida tomirlar endoteliysi proliferatsiyaga uchraydi (ma'lumki, rikketsiyalar hujayra ichida yashovchi parazitar). Tomirlar devori zararlanganligi munosabati bilan ularda nekrozlar boshlanib, tomir yorilib ketishi mumkin.

Ich terlama kasalligi paytida Peyer pilakchalaridagi gistiotsitlardagina emas, balki miya glial hujayralarida ham reaktsiya boshlanib, bularda perivaskular infiltratlar paydo bo'lishi, mayda tomirlar zararlanishi mumkin (tifoz vaskulitlar). Zaxm qo'zg'atuvchisi asosan plazmatik va mononuklear hujayralardan iborat perivaskular infiltratlar yuzaga kelishiga sabab bo'ladi.

Yuqorida aytib o'tilgan infeksiyalar mahalida mononuklear infiltratsiyalar paydo bo'lishining mexanizmi to'la-to'kis aniqlangan emas. Buning mexanizmi tabiatan immunologik jihatga bog'liq bo'lishi, ya'ni immunitetga javobgar hujayralar — limfotsitlar, plazmotsitlar va makrofaglarning jarayonga qo'shilib ketishiga aloqador bo'lishi ham mumkin.




52-rasm. Perivaskulyar yallig'lanish infiltrati.

### GRANULYOMATOZ YALLIG'LANISH

*Fagotsitoza qodir bo'lgan hujayralarning proliferatsiya va transformatsiyaga uchrashi natijasida yuzaga keladigan granulyomalar (tugunchalar) hosil bo'lishi bilan ta'riflanadi. Bu granulyomalar talaygina surunkali kasalliklar — sil, sarkoidoz, moxov, brusellyoz, zaxim, ba'zi mikozlar (zamburug'li infeksiyalar), berilliozning o'ziga xos, ya'ni spetsifik belgisidir.*

Granulyomalar epiteliod hujayralarga aylanmb qoladigan gistiotsitlar (makrofaglar) ning mikroskopik to'plamlaridan iborat bo'ladi, ularning atrofida limfotsitlar zich tizilib turib qoladi. Bu limfotsitlar orasida biroz miqdor plazmatik hujayralar tarqoq holda uchraydi. Granulyomalarning diametri 1—2 mm dan ortmaydi. Granulyomahujayralari orasida aksari Pirogov-Langxansning diametri 40 mkm dan 50 mkm gacha boradigan ko'p yadroli ulkan hujayralari topiladi. Bular granulyomaning yo chetlari bo'ylab, yoki o'rtasidan joy oladi. Sitoplazmasi juda katta bolgani holda bir talay (20 va bundan ortiq) yadrosi borligi bilan ta'riflanadi.



53-rasm. Fallopiy naylarining surunkali yallig'lanishi.  
Subepitelial biriktiruvchi to'qima infiltratsiyasi strelkalar bilan belgilangan.

Ulkan hujayralarning ikki turi tasvirlangan: 1) sil uchun xarakterli, lekin boshqa granulyomatoz reaktsiyalarda ham topilishi mumkin bo'lgan Pirogov-Langxans hujayralari. Bularning yadrolari birmuncha kichik bo'lib, sitoplazmaning chetki tomonlarida toj yoki gardish ko'rinishida joy oladi; 2) yot tana hujayralari, bular yadrolari mayda-mayda bo'lib, sitoplazmasida betartib joylashganligi bilan ajralib turadi. Hozir aytib o'tilgan turdag'i hujayralar makrofaglarning bo'linishi natijasida hosil bo'ladi.

Granulyomalarning ikki turi tafovut qilinadi: 1) yot jism granulyomasi, bu yot jismlar ta'sir etganida yuzaga keladi; 2) immun granulyomalar, bularning paydo bo'lishida ikkita omil: hazm bo'lmay qolgan zarralar yoki mikroorganizmlar (masalan, sil batsillalari) va antigenga javoban boshlanadigan T-hujayra immun reaktsiyasi ahamiyatga ega. Faollandigan T-limfotsitlardan ajralib chiqqan mahsulotlar, asosan, gamma-interferon, makrofaglarning epitelioid hujayralarga va ko'p yadroli ulkan hujayralarga aylanishida muhim o'rinn tutadi.

Granulyomalar spetsifik va nospetsifik bo'lishi ham mumkin. Spetsifik granulyomalar silda, moxovda, zaxmda va rinoskleromada hosil bo'ladi. Nospetsifik granulyomalar hosil bo'lishi ba'zi infektsion kasallikkarda (toshmali tif, qorin tifi granulyomasi), shuningdek noinfektsion kasallikkarda kuzatiladi (asbestoz, silikozdagi granulyomalar, yot jism granulyomalari).

Shunday qilib, granulyomatoz yallig'lanish shunday turdag'i bir reaktsiyadirki, uning uchun infektsion va noinfektsion patogen omillar ta'siriga javoban shaklan o'zgargan makrofaglar (epitelioid hujayralar)ning to'planib borishi xarakterlidir.

Bir qolip, bir zayldagi granulyomalar hosil bo'lishi talaygina kasalliklar uchun xarakterli hodisadir. Lekin kasallik etiologiyasiga qarab ularning tuzilishi-da ba'zi tafovutlar bo'ladi. Chunonchi, *sil granulyomasining o'rtasi*, ya'ni markaziy qismida kazeoz nekrozning oqibati o'laroq amorf to'qima detriti topiladi, bu detrit atrofida epiteliod hujayralar bir necha qator bo'lib joylashadi (54-rasm). Bulardan tashqi tornonda plazmatik hujayralar aralash limfotsitlar zich qator bo'lib joy oladi. Granulyomalarda qon o'tkazadigan kapillarlar kam va asosan granulyoma chetida joylashgan bo'ladi. Granulyoma hujayra elementlari orasida Pirogov -Langxansning birinchi turdag'i ko'p yadroli ulkan hujayralari ko'zga tashlanib turadi. Kesmalar gematoksilin va eozin bilan odatdagicha bo'yalganida epiteliod hujayralar och pushti tusli donador sitoplazmasi, tuxumsimon yoki cho'ziq shakldagi och tusli yadrosi bilan ajralib turadi, bu hujayralarning pardasi bukilmalar hosil qiladi.



54-rasm. Sil granulyomasi. O'rtasida kazeoz nekroz bor, uning chetlaridan limfotsitlar, epiteliod hujayralar hamda Pirogov-Langxansning ko'p yadroli ulkan hujayralari joy olgan.

*Sarkoidoz* (etiologiyasi noma'lum bo'lgan Bene—Bek—Shauman kasalligi)da granulyomalar limfa tugunlarida yuzaga keladi va biroz miqdor limfotsitlar aralash epiteliod hamda ko'p yadroli ulkan hujayralardan tuzilgan bo'ladi. Tuguncha markazida nekroz bo'lmasligi va gialinozga moyilligi borligi bilan sarkoid granulyomalar sil granulyomalaridan farq qildi.

Zaxm mahalida uchraydigan o'ziga xos granulyomalar kattaligi 1 sm dan 3 sm gacha boradigan gummalardir. Bunday granulyomalar markazida yelimsimon

nekrotik massa bo'ladi, uning atrofida limfold, plazmatik epiteliod hujayralardan tarkib topgan ko'tarma ko'zga tashlanadi. Epiteliod hujayralar orasida ba'zan Pirogov-Langxans hujayralari uchraydi.

*Berilliozdag'i* granulyomalar gistiotsitlar, epitelial hujayralar, biroz miqdor limfold hujayralardan iborat bo'ladi, Pirogov-Langxansning ulkan hujayralari va yot tana hujayralari ham uchraydi. Klassik hollarda nekroz markazida polimorf yadroli leykositlar topiladi. Nekroz hodisasi juda kamdan-kam ko'rildi.

## **YALLIG'LANISHNING AVJ OLIB BORISHIDA LIMFA SISTEMASI, LIMFOID VA MONOSITAR-MAKROFAGAL SISTEMALARING ROLI**

Yallig'lanish jarayonining avj olib borishida limfa sistemasi ayniqsa ahamiyatlidir. Tomirlar sistemasining bir qismi bo'lib hisoblanadigan bu sistema: limfa hosil qilish yo'li bilan suyuqlikni chiqarib turadi; to'siq, ya'ni baryerlik funktsiyasini; limfotsitopoezik va immun funktsiyalarni ado etib boradi.

Limfa tutash endoteliy bilan qoplangan yupqa devorli naychalardan iborat bo'lmish limfa kapillarlarida hosil bo'ladi. Qonning ultrafiltrlanish yo'li bilan hosil bo'ladigan to'qima suyuqligi limfa yuzaga kelganidan keyin limfa kapillarlaridan oqib boradi. Limfa tarkibidagi oqsil miqdori kamroq bo'lishi bilan qon zardobidan farq qiladi, uning yopishqoqligi kamroq, kolloid-osmotik bosimi pastroq bo'lighiga sabab shu. Limfa tarkibidagi hujayralar har xil bo'ladi. Chunonchi, periferik limfada uchraydigan leykotsitlarning asosiy qismini limfotsitlar tashkil etadi (90%). Markaziy limfa (ko'krak yo'lidagi limfa) da limfotsitlardan tashqari katta mononuklearlar (5% atrofida), polimorf yadroli neutrofillar (1% dan ortiq), eozinofillar (3% atrofida) bo'ladi. Limfada fibrinogen va protrombin, elektrolitlar va bir qancha fermentlar (amilaza, fosfataza, proteaza, lipaza va boshqalar) bor.

Limfaning boshqa jihatlari ham bor, u: 1) interstisial suyuqlikning tarkibi bilan hajmini doimo bir maromda saqlab boradi, 2) barcha organ va to'qimalar interstisial suyuqligi, limfold apparat va qon o'rtaqidagi gumoral bog'lanishni ta'minlaydi; 3) plazmatik qatorga mansub hujayralar, makrofaglar, immun limfotsitlar antitelolarni limfold organlardan tashib borib, organizmning immunologik reaksiyalarida ishtirok etadi; 4) organizmning stress reaksiyalarida ishtirok etadi. To'siq, ya'ni baryerlik funktsiyasini limfa bilan birga oqib keluvchi yot zarralar, mikroblar, o'sma hujayralarini ushlab qoladigan, fagotsitlarni yutib oladigan limfa tugunlari ado etib boradi. Bundan tashqari, oqsil tabiatli har xil metabolitlar autoantigenlik va toksiklik jihatidan limfa tugunlarida tekshiriladi va zarur bo'lsa, shu yerda zararsizlantirilib, keyin qonga o'tkaziladi.

Yallig'lanish mahalida limfadagi oqsil miqdori va leykositlar soni ko'payishi bilan periferik limfa oqimi tezlashadi, chunki limfa kapillarları interstisial suyuqliknigina emas, balki yallig'lanish ekssudatini ham o'tkazib turadi. Biroq,

yallig'lanish ekssudatining yurishib borishi qo'zg'atuvchining tarqalib ketishiga va limfangit (55-rasm), limfa tugunining spetsifik va nospetsifik yallig'lanishiga (seroz, gemorragik, fibrinoz, yiringli yallig'lanishiga) sabab bo'lishi mumkin.



55-rasm. Infeksiyaning limfa tomirlari bo'ylab tarqalib, limfangit boshlanishi.

Ma'lumki, regionar limfa tugunlari organizm himoya kuchlarining ikkinchi chizig'i bo'lib, infeksiya tarqalib ketishiga yo'l qo'ymaydi. Lekin infektions omil mana shu to'siqni yengib o'tadigan bo'lsa, u holda infeksiya tarqalish uchun kat-tagina imkoniyatlarga ega bo'ladi va limfa sistemasining o'zi bilangina Chetlanib qolmasdan, balki qon tomirlar o'zaniga ham o'taveradi. Infeksiya tarqalib borishi natijasida organizmning mononuklear-fagotsitar sistemasi, xususan jigardagi Kupfer hujayralari, organizmning asosiy himoya kuchlari bo'lmish taloq mak-rofaglari jarayonga tortiladi. Infeksiyaning tarqalib borishi limfoadenopatiya, hepatomegalija va splenomegalija boshlanishi bilan birga davom etadi. Shu munosabat bilan harorati ko'tarilib turgan kasallarda palpatsiya qilib ko'rilganida limfa tugunlari, jigar va taloqning kattalashib qolgani aniqlanadigan bo'lsa, bu narsa infeksiya tarqalib ketganidan darak beradi.

## O'TKIR VA SURUNKALI YALLIG'LANISHLARNING KLINIK SIMPTOMLARI

Yallig'lanish terminologiyasi, odatda, yallig'lanish jarayoniga uchragan organning nomiga asoslanadi va shu organning lotin yoki yunon tilidagi nomiga «it» qoshimchasi qo'shib aytildi. Masalan, chuvalchangsimon o'simta, ya'ni appendiksning yallig'lanishi appenditsit, plevra yallig'lanishi — plevrit, buyrakdag'i tomir koptokchalarining yallig'lanishi — glomerulonefrit, jigar yallig'lanishi —

gepatit deb yuritiladi va hokazo. Lekin ba'zi organlardagi yallig'lanishni faqat-gina shu organ yoki to'qimaga xos bo'lgan maxsus terminlar, atamalar bilan ataladi. Masalan, o'pka yallig'lanishi pnevmoniya deb, soch follikuli va unga yaqin yog' bezi hamda teri osti kletchatkasining yiringli yallig'lanishi furunkul, ya'ni chipqon, barmoqlarning yiringli yallig'lanishi esa panarisiy, ya'ni xasmol deb ataladi. Empiema degan atama seroz pardalar, masalan, plevraning yiringli yallig'lanishi natijasida tegishli biror bo'shlidqa yiringli ekssudat to'planib qolganini bildiradi.

*O'tkir yallig'lanish va qo'zib qolgan surunkali yallig'lanishning asosiy mahalliy belgilari quyidagilardir: qizarish (rubor), tana haroratining ko'tarilishi, isitma chiqishi (color), shish kelishi (tumor), og'riq bo'lishi (dolor), funktsiya buzilishi (function leasa).*

*Qizarish va harorat ko'tarilishi* tomirlar giperemiyasir bog'liq. Yallig'lanish sohasida barcha arteriolalar, venulalar, shuningdek hamma kapillarlar, hat-toki zahirada turganlari ham kengayib ketadi. Bularda qon oqimi tezlashadi. Yallig'langan joy shu munosabat bilan qip-qizil tusga kiradi. Shu joyda harorat ham ko'tariladi. Yirik molekulalari birikmalar parchalaniib borishi tufayli molekulyar konsentratsiya ortishi natijasida osmotik bosim ko'tariladi.

Har qanday yallig'lanishning doimiy yo'ldoshi og'riqdir. Og'riq paydo bo'lishi sezuvchi nervlarning ta'sirlanishi va bosilib qolishiga bog'liqdir. Shu sababdan ham *tiqmachoqdek* tig'iz turadigan to'qimalarda boshlangan yallig'lanish jaryonlari juda kuchli og'riq bilan o'tadi, chunki bunday joylardagi hatto kichkina-gina yallig'lanish o'chog'i ham nervlarning ancha bosilib qolishiga sabab bo'ladi. Masalan, xasmol mahalida barmoq falangalari, pulpasida tish pulpitida qattiq og'riq paydo bo'lishi shunga misol bo'la oladi.

*Shish kelishi* yallig'langan joy sohasidagi tomirlar o'tkazuvchanligining kuchayishiga bog'liqdir, shuning natijasida shu joyda plazma suyuq qismlari, shuningdek qonning shaklli elementlari sizib chiqadi. Buning natijasida to'qimada yallig'lanish ekssudati va infiltrati paydo bo'ladi.

Organ yoki to'qimada yallig'lanish boshlangan mahallarda ularning funktsiyasi hamisha buziladi, izdan chiqadi. Funksiyaning buzilishi ba'zan tabiatan mahalliy bo'lishi va organizmga uncha ta'sir o'tkazmasligi mumkinligini aytib o'tish kerak, xolos. Masalan, qo'l barmog'ida yallig'lanish jarayoni boshlansa, faqat shu barmoq funktsiyasi buziladi, xolos. Lekin endokard yoki miokard yallig'lanishga uchraydigan bo'lsa, unda yurak faoliyatni buziladi va bu narsa butun organizmning holatiga ta'sir qiladi.

Surunkali yallig'lanish jarayoni qo'ziganida yuqorida aytib o'tilgan mahalliy simptomlarning hammasi — og'riq, shish, isitma, qizarish va funktsiyalar ning buzilish hodisalari paydo bo'ladi. Bu o'zgarishlar, xuddi o'tkir yallig'lanish mahalida bo'lganidek, yallig'lanish jarayoni qaytgan sayin so'nib boradi. Biroq, surunkali yallig'lanishda funktsiyada yuzaga kelgan o'zgarishlar birmuncha vaqt

(bir necha oygacha) saqlanib turishi mumkin. Bundan tashqari, fibrozlovchi jarayonning bir ko'rinishi tariqasida yallig'lanish o'chog'i zichlashib boradi.

Yallig'lanishning umumiy klinik ko'rinishlari ham turlicha bo'lib, qo'zg'atuvchining tabiatini va virulentligiga, shuningdek makroorganizmning holatiga bog'liqdir.

*Yallig'lanishning eng xarakterli belgisi harorat ko'tarilib, isitma chiqishidir.* Bu narsa bakteriemiya hodisasiga, ya'ni qo'zg'atuvchining qon oqimiga tushib qolganiga bog'liqdir. Isitma chiqish mexanizmi to'la-to'kis aniqlangan emas. Bakteriya endotoksini va leykotsitlardan ajralib chiqadigan hamda endogen pirogen modda bo'lib hisoblanadigan interleykin-1 ning gipertermiya mediatorlari bo'lib xizmat qilishi aniqlangan, xolos. Interleykin-1 oldingi gipotalamusda prostaglandinlar sintezlanishiga sabab bo'lib, isitmani boshlab beradi deb taxmin qilinadi. Isitma tushiradigan dori preparatlari (masalan, aspirin) ta'sirining asosida bu preparatlarning prostaglandin Eg sintezini susaytirib qo'yishi yotadi. Ayni vaqtida interleykin-1 hosil bo'lishi o'zgarmaydi.

Yallig'lanish (xoh o'tkir yallig'lanish, xoh qo'zib qolgan surunkali yallig'lanish) ning ikkinchi muhim klinik belgisi *leykositozdir*. O'pka yallig'lanishi, ya'ni zotiljam, o'tkir appendisit va boshqa yallig'lanish jarayonlarining diagnostikasi uchun ana shu mezondan keng foydalaniladi. Masalan, o'tkir appenditsit mahalida 1mm<sup>3</sup> dagi leykotsitlar (asosan neutrofillar) soni oshib, 25 000 gacha borishi mumkin. Ba'zi yallig'lanish jarayonlari leykemiyaga xarakterli bo'lgan juda yuqori (50 000 gacha) leykositoz bilan birga davom etib boradi. Leykemoid reaksiya deb ana shunday hodisalarni aytildi. Yallig'lanish mahalida ko'rildigan leykositoz ko'mikda leykositlar hosil bo'lishi kuchayib, ularning periferik qonga chiqarilib turishiga bog'liqdir.

Yallig'lanish mahalida makrofaglar va faollashgan T-hujayralar alohida modda (koloniestimullovchi omil) ishlab chiqaradi. Shu modda ko'mikdagagi prekursorlardan granulositlar tabaqlananib chiqishini tezlashtiradi. Leykositoz zo'rayib borgan sayin periferik qonga ko'mikdan hali yetilmagan leykositlar ham o'tishi mumkin. Yosh leykosit shakllarining paydo bo'lishi chapga surilish ro'y berganini ko'rsatadi.

Yallig'lanishning ba'zi xillarida leykositoz bo'imasligi ham mumkin. Masalan, infektsion mononukleoz, ko'k-yo'tal, tepki, qizilcha kasalliklari limfotsitoz bilan xarakterlanadi. Tabiatan allergiyaga bog'liq yallig'lanish reaksiyalarini (pichan isitmasi, bronxial astma) va parazitar kasalliklar eozinofiliya bilan birgalikda davom etib boradi. Bundan tashqari, yallig'lanishning ba'zi xillarida aylanib yurgan qondagi leykositlar miqdori keskin kamayib ketishi mumkin. Chunonchi, viruslar, rikketsiyalar va salmonellalar tufayli paydo bo'lgan infeksiyalarda, shuningdek protozoy kasalliklarida leykopeniya hodisasi ko'rildi. Yallig'lanish jarayonlari bir qancha boshqa klinik alomatlar bilan birga davom etib borishi mumkin, bosh og'rishi, darmon qurishi, ishtaha pasayishi, umumiy bo'shashish shular jumlasidandir. Mana shu nospetsifik alomatlarning paydo bo'lishi asosan

tabiatini hali aniqlanmagan gumoral moddalar hosil bo'lishiga bog'liq deb taxmin qilinadi.

Pirovardida, yallig'lanish jarayonining o'tishiga nerv va gumoral omillar ta'sir qilinishini aytib o'tish kerak. Gormonlardan gipofiz va buyrak usti bezlari po'stloq moddasining gormonlari hamidan muhim ahamiyatga ega. Chunonchi, glukokortikoidlar (kortizon va uning unumlari), garchi bakteriosid ta'siriga ega bo'lmasa ham, yallig'lanishga qarshi ta'sir o'tkazadi. Giperemiya, ekssudatsiya, hujayralar migratsiyasi singari yallig'lanishga xos hodisalarning borishi shu gormonlar ta'siri ostida to'xtalib qoladi. Bu narsa shunga bog'liqliki, glyukokortikoidlar semiz hujayralar faoliyatini susaytirib, ularni halok qiladi va shu yo'l bilan yallig'lanish mediatorlari bo'lmish vazofaol aminlar hosil bo'lishiga to'sqinlik qiladi. Gipofizning somatotrop gormoni, aldosteron, dezoksikortikosteron, kortizonga qarama-qarshi o'laroq organizmdagi yallig'lanish reaksiyasini kuchaytiradi, lekin bular ta'sirining mexanizmi uncha aniq emas. Periferik innervatsiyaning buzilishi yallig'lanish jarayonining sust o'tib, uzoq cho'zilishiga olib keladi.

Yallig'lanishning organizm uchun ahamiyati juda katta, chunki yallig'lanish reaksiyasi tufayli: 1) yallig'lanish o'chog'i cheklanib, patogen omil o'sha joyda qamalib qoladi, 2) leykodiapedezi va fagotsitoz tufayli zararli moddalar yo'q qilinadi, 3) zararlangan to'qima tuzilishi va funktsiyasi tiklanib, asliga kelishi mumkin. Lekin sharoit noqulay bo'lgan hollarda turli asoratlар yuzaga kelishi mumkin. Yallig'lanish o'chog'ida fibroz paydo bo'lgan hollarda: parenxima bosilib qolib, seroz pardalar orasida bitishmalar paydo bo'lishi, bo'shlilqlar (masalan, perikard, plevra bo'shlilqlari) bitib ketishi mumkin, bu narsa yallig'lanishga uchragan organlar funktsiyasisini ancha izdan chiqarib qo'ya oladi. Organizmnning himoya kuchlari qo'zgatuvchini yengishga zaiflik qilib qolgan mahallarda yallig'lanish jarayoni tarqalib va avj olib borib, organizm uchun ko'ngilsiz oqibatlarga olib kelishi mumkin.

Interstisial yallig'lanish va granulyomatozning klinik ahamiyati bu hodisalarning qaysi joyda ro'y bergani va qancha joyni zararlantirganiga bog'liq. Bu turdag'i yallig'lanish jarayonlarining skleroz va gialinozga moyil bo'lishi alohida ahamiyat kasb etadi. Chunonchi, interstisial hujayra reaksiyasi bilan birga davom etib boradigan revmatik miokardit asorat berib, kardiosklerozga olib keladi. Bunda yurakning o'tkazuvchi sistemasi bo'ylab boshlangan skleroz yurak o'tkazuvchanligi izdan chiqib, yurak faoliyati to'xtab qolishiga olib boradi. Zaxm tufayli aorta zararlanganida boshlanadigan granulyomatoz anevrizma paydo bo'lishiga va keyin uning yorilib, qon ketaverishidan odamning o'lib qolishiga sabab bo'lishi mumkin. Silga aloqasi yo'q sababdan buyrak usti bezlarida boshlangan diffuz granulyomatoz bronza kasalligi (Addison kasalligi) paydo bo'lishiga olib boradi.

Granulyomatoz yallig'lanish bosilib qolganidan keyin oradan bir necha oy va yillar o'tgach yana qaytalana oladi, bu narsa shu turdag'i yallig'lanishga xos xusuiyatdir.

## VII Bob


### IMMUNATOLOGIK JARAYONLAR

<b>IMMUNSISTEMA</b>	Sistema qizil yugirigi
<b>TO'QIMALARNING TABIATAN</b>	Revmatoid artrit
<b>IMMUNITETGA ALOQADOR AL-</b>	Sistema sklerodermiyasi
<b>TERATSIYASI</b>	Tugunli periarterii
O'ta sezuvchanlik reaktsiyasining birinchi tipi	Vegener granulyomatozi
O'ta sezuvchanlik reaktsiyasining ikkinchi tipi	<b>IMMUNITET TANQISLIGI</b>
O'ta sezuvchanlik reaktsiyasining uchinchi tipi	<b>HOLATLARI</b>
O'ta sezuvchanlik reaktsiyasining to'rtinchi tipi	Birlamchilar Ikkilamchilar
<b>TRANSPLANTATNING KO'CHIB</b>	Turmushda orttirilgan immunitet
<b>TUSHISHI</b>	tanqisligi sindromi
<b>AUTOIMMUN KASALLIKLAR</b>	

### IMMUN SISTEMA

Odam organizmida hujayralardan iborat muntazam bir sistema borki, uning vazifasi organizmni unga yot moddalar — antigenlar tushishidan himoya qilish, saqlashdir (56-rasm). Ana shu moddalar o'z yo'lida bir nechta to'siqqa duch keladi. Birinchi to'siq, badan terisi va shilliq pardalar, keyin biriktiruvchi to'qima, bir qancha organlar (taloq, limfa tugunlari, ko'mik, jigar)ning monotsitar-makrofagal sistemasidir. Biroq, organizmnning shu xildagi sust himoyasi yetarli emas. Organizmnning yot moddalar yoki antigenlarga qarshi kurashida tayanadigan asosiy tayanchi immun reaktsiya deb atalmish reaktsiyada, antigenlarni yemiradigan yoki neytrallab qo'yadigan hujayralardir. Demak, *immun (hujayraviy va gumoral) reaktsiya tabiatan himoya reaktsiyasidir, chunki organizmni uning ichki muhiti muvozanatini buzadi ekzogen yot antigenlardan xalos qilishga qaratilgan bo'ladi.*

Immun reaktsyaning yuzaga kelishida immunitetga javobgar hujayralar (T-limfotsitlar, B-limfotsitlar, makrofaglar), tabiiy qotillar, sitokininlar va asosiy gistogram' ishuvchanlik kompleksi antigenlari ishtirot etadi, immunopatologik jarayonlarning mohiyatini tushunib olish uchun shularni birmuncha bat afsil ko'rib chiqish zarur.



56-rasm. Organizmning himoya sistemasi.

### T-LIMFOTSITLAR

Ma'lumki, T-limfotsitlar hujayra immuniteti mediatorlari bo'lib, qonda aylanib yuradi va periferik limfotsitlar umumiyo sonining 60-70 foizini tashkil etadi. Har bir T-hujayrada spetsifik antigenlarni tanib oladigan retseptorlar bo'ladи. 95 foiz hollarda shu retseptorlar disulfid bog'lar bilan birikkan alfa va beta polipeptidlardan iborat bo'ladи. Periferik qondagi T-limfotsitlarning juda oz qismi gamma va delta polipeptid zanjirlaridan iboratdir. Bu hujayralar nafas yo'llari va me'da-ichak yo'li shilliq pardalarida kichikroq to'plamlar ko'rinishida uchraydi. T-hujayralarda bo'ladigan ana shu to'rtala xildagi retseptorlarning har biri kovalentmas bog'lar yordamida beshta polipeptid zanjirini biriktirib olib, CD3 molekular kompleksini hosil qilishi mumkin. CD3 ning oqsillari antigen bilan birikishga qodir emas, lekin T-hujayralar antigen bilan birikkanidan keyin ulardag'i xabarni o'zgartirishga yordam beradi.

T-hujayralardagi retseptorlarning xilma-xilligi shu hujayralardagi retseptorlar  $\alpha$ ,  $\beta$ , yva  $\delta$  zanjirlarini kodlovchi somatik genlarning qayta tuzilishi bilan ta'minlanadi. Har bir somatik hujayrada murtaklik davridayok T-hujayra retseptorlarning genlari bo'ladи, deb taxmin qilinadi. Ontogenez jarayonida shu somatik genlarning qayta tuzilishi faqat T-hujayralarda bo'lib o'tadi.

T-hujayralar CD3 oqsillaridan tashqari, o'zlarining funktsiyalari jihatidan farq qiladigan boshqa molekulalar (CD4, CD8, CD2 adgeziya molekulaları, CDIIa) ni ham hosil qiladi. Bularidan CD4 va CD8 eng muhim ahamiyatga

ega, ular T-limfotsitlarning ikkita asosiy subpopulatsiyasida: 60 foiz hollarda T-xelperlarda va 30 foiz hollarda T-suppressorlarda hosil bo'ladi. Sogolom odamda CD4+ ning CD8+ ga nisbatli ( $CD4+: CD8$ ) 2:1 ni tashkil etadi va turli patologik holatlarda o'zgarib turadi.

T-hujayralarni ikki toifaga ajratish mumkin: hujayra immun reaktsiyasida bevosita ishtirok etadigan T-hujayralar va immun javobni idora etib boradigan T-hujayralar.

*Hujayralarni immun reaktsiyalari* markaziy effektor hujayralar T qotillar ta'siri bilan bog'liqdir. Bu hujayralar viruslar yuqqan hujayralarning asosiy gistogramsig'i shuvchanlik kompleksi va ba'zi o'sma hujayralari antigenlariga qarshi yuzaga keladi. T-qotillar o'zlarining markyorlari bo'yicha CD3+ va CD8+ jumlasiga kirdi. Asta-sekin yuzaga kelib boradigan o'ta sezuvchanlik hodisasi CD4+ hujayralarga bog'liq.

*Immun javobning idora etilishida CD4+ va CD8+ ishtirok etadi.* T-hujayralar B-hujayralar bilan o'zaro ta'sirlashib, immun javobni kuchaytirishi yoki susaytirishi mumkin. Chunonchi, T-xelperlar ( $CD4+$ ) «yordam omili», ya'ni interleykin-2 degan immun gormon ishlab chiqarib, immun reaktsiyani kuchaytiradi. Ikkinchisi tomondan, T-suppressorlar ( $CD8+$ ) hujayraga aloqador immunitetni ham, gumoral immunitetni ham susaytirib qo'yadi.

## B-LIMFOSITLAR

B-limfotsitlar gumoral immunitet mediatorlari bo'lib, qonda aylanib yurgan limfotsitlar umumiyligi sonining 10—20 foizini tashkil etadi. Ular ko'mikda, periferik limfold to'qima (limfa tugunlari, taloq, bodomcha bezlari), me'da-ichak yoldida bo'ladi. Limfa tugunlarida B-limfotsitlar po'stloq muddasida, taloqda — oq pulpasida topiladi (oq pulpada ular limfold follikulalarni hosil qiladi).

Antigen ta'sir etganida B hujayralar turli sinfdagi immunoglobulinlarni: M, G, A, E va D ishlab chiqaradigan plazmatik hujayralarga aylanadi.

Bularning birinchi 3 turi aylanib yuradigan jami immunoglobulinlarning 95 foizini tashkil etadi. Immunoglobulin E normada faqat yuqlar shaklida topiladi, lekin ba'zi patologik holatlarda ko'payib ketadi. Immunoglobulin D asosan B-hujayralar yuzasida uchraydi va antigen bilan induksiyalangan hujayralarning tabaqalanishida muhim rolni o'ynaydi. B hujayralar yuzasida antigen retseptordan tashqari immunoglobulin retseptori ( $Fs$ -retseptori), komplementni biriktirish retseptorlari ( $C3b$  va  $C3a$ ) topilgan. Bu retseptorlarning qanday vazifalarini ado etishi yetarlicha o'rganilgan emas, ular antitelolar sintezini idora etib boradi deb taxmin qilinadi, xolos.

## MAKROFAGLAR

Makrofaglar mononuklear-fagotsitar sistemaning bir qismi bo'lib, yalilg'anish reaktsiyasining avj olib borishida faol ishtirok etish bilangina qolmay,

immun javob shakllanishida ham bevosita qatnashadi. Makrofaglar ko'pgina funktsiyalarni ado etadi:

— ular T-hujayra immuniteti yuzaga kelishi uchun zarurdir, chunki ular antigendan iborat hujayralar jumlasiga kiradi. Ularning yuzasida ikkinchi sinf HLA (gistosig'ishuvchanlik bosh kompleksi) antigenlari bo'ladi. Ma'lumki, antigenlar T hujayralarni bular antigen beruvchi hujayralar bilan birikkan taqdirdagina faol holga keltirib, sitotitik limfotsitlar (T killerlar) hosil bo'lishiga olib borishi mumkin, antigen beruvchi hujayralar jumlasiga makrofaglarga emas, balki Langergans hujayralari o'simtali oq epidermositlar ham kiradi. Antigen erkin turib qolgan holda hujayra immuniteti yuzaga kelmaydi;

— T va B-limfotsitlar proliferatsiyasi va tabaqalanishini kuchaytiradigan interleykin-1 va eruvchan boshqa bir qancha omillarni ishlab chiqaradi;

— o'sma hujayralarini lizisga uchratadi. Makrofaglar toksik metabolitlar va proteolitik fermentlar ishlab chiqarib, o'smaga qarshi immunitetda ishtirok etib boradi;

— talaygina miqdordagi nospetsifik immunitet omillarini — transferrin, komplementlar, lizosim, interferon, pirogen va boshqalarni ishlab chiqaradi;

— seklinlik bilan yuzaga chiqadigan o'ta sezuvchanlik paydo bo'lishida muhim o'rinni tutadi.

## TABIYY KILLER HUJAYRALAR

Tabiiy killerlar deb nom olgan noma'lum hujayralarni o'rganish so'nggi yillarda katta qiziqish uyg'otdi. Bu hujayralar turli o'sma hujayralarini, viruslar yuqqan hujayralar, zamburug'larni va ba'zi normal hujayralarni lizis hodisasiga uchrata oladi. Xuddi T killerlar singari, tabiiy killerlar ham allotransplantat (ko'chirib o'tqazilgan organlar) ning yemirilishida ishtirok etadi. Bu shunga bog'liqliki, tabiiy killerlar asosiy kompleks antigenlari ko'p bo'lishi bilan xarakterlanadigan nishon hujayralarningina tanib, farq qilib olishga qodirdir. Tabiiy killer yuzasida CD16 va CD56 molekulalari topiladi.

Yuqorida ayтиб о'tilganidek, immun reaksiya (bu reaksiyaning hujayra varianti) yuzaga chiqishi uchun T-limfotsitlar bilan B-limfotsitlar avval antigenlar tasirida sensibillanishi kerak. Tabiiy killerlar bulardan farq qilib, o'zining sitototsik tasirini yuzaga chiqarish uchun oldindan sensibillanib olishga muxtoj bo'lmaydi. Shu bilan birga interferon va interleykin-2 ishtirokida bu hujayralarning faolligi ancha kuchayadi. Periferik qonda tabiiy killerlar limfotsitlarning umumiyl populyatsiyasiga nisbatan olganda 15 foizni tashkil etadi. Morfologik jihatdan aytildigan bo'lsa, ular donador yirik limfotsitlar bo'lib, sitoplazmasida bir talay azurofil donalarini bor, litik fermentlar, aftidan, ularning shu donalarida bo'ladi. Bu hujayralar, garchi o'z yuzasida bir qism antigenlar va Fs-retseptorlariga ega bo'sada, T, B-limfotsitlardan farq qiladi. Tabiiy killerlar o'sma hujayralari hamda virus yuqqan hujayralarni lizisga uchratishdek kuchli xususiyatga ega

bo'ladi va, chamasi, birinchi mudofaa chizig'ini tashkil etib, organizmni o'smalar hamda virusli infeksiyalardan saqlab qoladi.

## ANTIGEN YETKAZIB BERUVCHI HUJAYRALAR

Bular qatoriga dendritik o'simtalari borligi va o'z yuzasida talaygina II sinf HLA antigenlari bo'lishi bilan ajralib turadigan hujayralarning populyatsiyalari bo'lmish dendritik hujayralar va o'simtali yosh epidermotsitlar (Langergans hujayralari) kiradi. Dendritik hujayralar limfold to'qimada, Langergans hujayralari esa epidermisda hosil bo'ladi. Tasvir etilayotgan shu hujayralar makrofaglardan farq qilib, sust fagotsitar faoliyetta egadir, shu munosabat bilan ular mikroblarga qarshi faoliylik ko'rsata olmaydi va farroshlik vazifasini bajarmaydi.

## SITOKININLAR

Ma'lumki, immun javobning yuzaga chiqishi va idora etilishida limfotsitlar, monotsitlar, neytrofillar va endotelial hujayralarning eruvchan mediatorlar — sitokininlar yordamida o'zaro ta'sir qilishi muhim ahamiyatga ega. Sitokininlar o'zining kelib chiqishiga qarab T-limfotsitlardan kelib chiquvchi limfokininlar va monotsitlardan kelib chiquvchi monokininlarga bo'linadi. Bularning birinchi-siga, masalan, interleykin-2, ikkinchisiga — TNFa kiradi.

Sitokininlar tabiiy immunitet mediatorlari hamdir Bular jumlasiga interleykin-1, TNFa, interleykin-6 (IL6), I tipdagi interferon, IL-8 kiradi. Ba'zi sitokininlar (masalan, interferon) organizmni virusli infeksiyalardan saqlasa, boshqalari nospetsifik yallig'lanish reaktsiyasida ishtirok etadi.

Sitokininlar limfotsitlarning ko'payishi, faollashuvi va tabaqlanishini idora etib boradi, yallig'lanish hujayralarini faollashtiradi va nospetsifik effektor hujayralar funktsiyasini jonlantiradi. Ular gemopoezni ham kuchaytiradi. Sitokininlar nishon hujayralardagi spetsifik retseptorlar bilan birikkan mahaldagina o'z ta'sirini ko'rsatishini aytib o'tish kerak.

## ASOSIY GISTOSIG'ISHUVCHANLIK KOMPLEKSI ANTIGENLARI

Immun sistemaning ajoyib xossalardan biri shuki, bu sistema «o'z-o'ziniki» va «begona, yotniki» ni ajratib, farq qila oladi. Biror to'qima ko'chirib o'tkazilganida retsipyent uchun yot bo'lgan shu to'qimaning payvandlangan joyidan ko'chib, tushib ketishidan iborat hodisaning asosida immun sistemaning ana shu xususiyati yotadi. To'qimalarni ko'chirib o'tkazish ishining texnik jihatlarini ishlab chiqishda kattagina yutuqlar qo'lga kiritilgan bo'lishiga qaramay, immun sistema «yotniki» tanib oladigan bo'lgani uchun, organizmga yot bo'lgan o'sha obektni ko'chirib, tushirib yuborish uchun jon-jahdi bilan harakat qiladi.

«Ko'chib, tushib ketish» degan ibora irlari jihatdan to'g'ri kelmaydigan donordan olingan transplantatning retsipyentda yemirilib ketishiga olib keladigan

barcha immunologik reaktsiyalarni o'z ichiga oladi. Loaqlal bitta gen bo'yicha farq bo'lishi yot antigenlik xususiyati albatta yuzaga chiqishini ta'minlaydi.

Bir qancha immunologik belgilarni nazorat qilib boradigan genlar asosiy gistosig'ishuvchanlik kompleksi (MNS) deb ataladigan kichik bir genom qismiga jo bo'ladi. Bu kompleks odamning 6 xromosomasida joylashgan bo'lib, HLA deb ataladi. HLA genlar hujayralar membranasidagi uchta har xil sinfga mansub bo'lgan va o'zining kimyoviy tuzilishi, funktsiyalari hamda to'qimalarda taqsimlanishi jihatdan bir-biridan farq qiladigan molekulalarni kodlaydi. Shulardan ikki sinfga mansub molekulalar HLA antigenlar sifatida ahamiyatga egadir.

I sinf antigenlari glikoproteidlar jumlasiga kiradi va barcha yadroli hujayralarda hamda trombotsitlarda bo'ladi (ekspresslanadi). Aslida somatik hujayralarning barchasi o'zining yuzasida bir sinfga mansub antigenlarga ega bo'ladi. II sinfga mansub antigenlar ikkita zanjir (alfa va beta zanjirlar) dan iborat bimolekular komplekslardir. I sinf antigenlaridan farq qilib, ular to'qimalarda uncha ko'p bo'lmaydi, chunki faqat antigendan iborat hujayralarda (makrofaglar, dendritik hujayralarda), B-hujayralar va T faollashgan ba'zi limfotsitlarda topiladi, xolos. Odamda HLA kompleksi antigenining ikkala sinfi buyrak tomir koptokchalari endotelisida, buyrak kanalchalari, fibroblastlari va epiteliysida topiladi. Irsiy jihatdan bir-biriga mos kelmaydigan individiumlarda I sinfga mansub determinantlarning hammasi va II determinantlarning bir qismi gumoral antitelolar hosil bo'lishiga sabab bo'ladi.

HLA kompleksi lokuslari haddan tashqari turli-tuman bo'lganligi tufayli antigenlarning kombinatsiyalari ham son — sanoqsiz bo'ladi. Modomiki shunday ekan, har bir odam qo'llarmoqlarining izi faqat uning o'zigagina xos bo'lganidek, populyatsiyadagi har bir individuum hujayra yuzasida faqat o'ziga xos, yagona bir tarzdagi antigenlar nusxasiga ega bo'ladi.

**Bosh gistosig'ishuvchanlik kompleksi (MNS)ning immun reaktsiyalar avj olib borishidagi ahamiyati katta va turli-tumandir.**

Bu kompleks: 1) ko'chirib o'tkazilgan to'qimalarning ko'chib tushishida muhim ahamiyatga ega. Shu munosabat bilan donor va resipientlarni HLA-antigenlarga qarab tanlab olish transplantatning keyinchalik yashab keta olish ehtimolini ancha oshiradi;

2) HLA kompleksining fiziologik ahamiyati yana shundan iboratki, immun javob yuzaga chiqishida u limfotsitlarning bir-biri bilan, makrofaglar bilan o'zaro ta'sir qilishiga yordam beradi. Masalan, T-xelperlar (CD4+) antigen makrofaglar va boshqa antigendan iborat hujayralar yuzida joylashgan II sinf antigeni bilan birikkan taqdirdagina o'sha antigenni tanib, ajrata oladi;

3) gistosig'ishuvchanlik kompleksi organizmnинг chechak, herpes, gripp, qizamiq singari viruslarga qarshi himoyalishida ishtirok etadi. Bu himoyaning asosida T killerlar (CD8+)ning virus yuqqan hujayralarni eritib yubora oladigan sitotoksik ta'siri yotadi. Shu bilan birga virus antigenlari oldin HLA-kompleksining II sinf antigenlari bilan birikkan bo'lsagina, ana shundagina T

killerlar virus antigenlarini «tanib», ajrata oladi. Demak, virusga qarshi immun reaktsiya yuzaga chiqishi uchun makrofaglar oldin virus antigenlari bilan o'zaro ta'sir qilishga kirishmog'i kerak.

Viruslar har qanday somatik hujayralarga, masalan, gepatotsitlarga, hilphilovchi epiteliy hujayralariga yuqishi mumkin. Shu munosabat bilan ularda HLA kompleksi I sinfi antigenlarining bo'lishi virus yuqqan hujayralarning ajratib olishini, virusli infeksiyaga qarshi kurashish uchun zarur shart bo'lib hisoblanadi;

4) asosiy gistosig'ishuvchanlik kompleksi immun javobni idora etib boradi. Immun javobning jadalligi genetik nazorat ostida turadiki, bu ma'lum narsa. Immun javobni idora etadigan genlar (bularni 1ggenlar deb aytildi) HLA-D maydonda joylashgan bo'ladi.

**HLAning kasallik bilan aloqasi.** Gistosig'ishuvchanlik HLA sistemasiga aloqador ko'pgina kasalliklar tasvirlangan, bularning ko'pchiligi immun o'zgarishlar bo'lishi bilan ta'riflanadi. Kasalliklarga bunday moyillikning mexanizmi yetarlicha o'rganilgan emas, lekin tilga olib, aytib o'tishga arzigulik bir qancha taxminlar bor.

HLA bilan birikkan Ir genlar ko'p uchraydigan allergenlarga o'ta sezuvchanlik reaktsiyasi yuzaga kelishida ishtirot etadi deb taxmin qilinadi. Muayyan xildagi HLA ga ega bo'lgan odamlar immun tabiatli kasalliklarga moyil bo'ladi. Chunochni, vujudida HLA-B27 antigen bo'lgan odamlarning ankirozlovchi spondilit kasalligiga duchor bo'lish xavfi katta. HLA-A1 ning bo'lishi atopik allergiya, HLA-D4 bo'lishi esa revmatoid artrit boshlanishiga sharoit tug'diradi. Ba'zi autoimmun kasalliklarda HLA-D sohadagi allellar bilan bog'lanish topilgan. HLA D zonasida joylashgan Ir – genlar autoantitelolar paydo bo'lishini idora eta oladi.

HLA makromolekulalar kasallik paydo bo'lishida bevosita ishtirot etishi mumkin. Shu bilan birga HLA makromolekulalarining kasallik kelib chiqishida bevosita ishtirokini ta'minlaydigan mexanizmlar har xil. Patogen omillar antigenning HLA bilan yuzaga chiqaradigan chatishma reaktsiyasida bevosita ishtirot eta oladi deb taxmin qilinadi. Bu reaktsiya, bir tomondan, antigenni immun javobdan saqlaydi, ikkinchi tomondan, xo'ja organizmida uning o'z HLA-antigeniga qarshi tolerantlik paydo bo'lishiga olib keladi. Bundan tashqari, ma'lum HLA molekulalar viruslarni retseptorlar bilan ta'minlashi mumkin. Bu narsa yo virusning hujayra bilan bo'ladigan o'zaro ta'sirini kuchaytiradi, yoki bu hujayralarni xo'ja organizmidagi immunitetga javobgar hujayralar uchun nishon qilib qo'yadi (virus yuqqan hujayralarni shular yemiradi). Birinchi holda HLA-molekulalar virusli infeksiya boshlanib, avj olib borishiga yordam beradi, ikkinchi holda virus yuqqan hujayralarning organizmdan chiqarib tashlanishi uchun yo'l ochadi. HLA tabiatan immunitetga aloqador bo'lmagan kasalliklar, masalan, gemoxromatoz boshlanishida ham oqsillar retseptorlari va uzatuvchilar tariqasida ishtirot etishini ta'kidlab o'tish kerak.

Shunday qilib, immun reaktsiyalar organizmning antigenlar deb atalmish yot moddalardan himoyalanishida muhim ahamiyat kasb etadi.

Biroq o‘z tabiatiga ko‘ra himoya reaktsiyalari bo‘lmish shu immun reaktsiyalarining o‘zi inson organizmida patologik jarayonlar boshlanib ketishiga sabab bo‘la olishi so‘nggi yillarda aniqlandi. Chunonchi, immun reaktsiyalar organizmning o‘zidagi hujayra va to‘qimalarning normal antigenlariga qarshi kurashuvchi o‘ta reaktiv xarakter kasb etishi mumkin. Bunday sharoitlarda immun reaktsiyalar organizm hayotiga tahdid soladigan kasallikkarga (autoimmun kasallikkarga) olib kela oladi.

Immun reaktsiya hamisha ham xayrli, shifobaxsh bo‘lavermaydi, u bir organizmdan ko‘chirib olingen organ yoki to‘qimalarni ikkinchi bir organizmga payvandlab o‘tkazishga to‘sqinlik ham qiladi. Immun sistemaning zaiflashib qolishi III (immunitet tanqisligi holatining ro‘y berishi) organizmning infeksiyalarga sezgirligini kuchaytiradi, xavfli o‘smalar paydo bo‘lishiga olib boradi.

Yuqorida aytib o‘tilganlarga ko‘ra, immun reaktsiyalarning odam patologiyasi uchun ahamiyatini quyidagi nuqtai nazardan ko‘rib chiqish kerak: *to‘qimalarning tabiatan immunitetga aloqador zararlanishi; autoimmun kasallikklar; immunitet tanqisligi kasallikkari va sindromlari*.

## **TO‘QIMALARNING TABIATAN IMMUNITETGA ALOQADOR ALTERATSIYASI**

Tabiatan endogen yoki ekzogen antigenlar ta’sir ko‘rsatganida yuzaga chiqadigan immun reaktsiya himoya xarakteriga ega bo‘lish bilangina qolmasligi mumkin. Ayni vaqtda ro‘y beradigan gumoral yoki hujayra reaktsiyasi to‘qimalarning shikastlanishiga sabab bo‘ladi. Mana shunday hollarda bu xildagi immun reaktsiyalarni o‘ta *sezuvchanlik reaktsiyalari* deb aytildi. To‘qimalarni shikastlay oladigan ana shu xildagi immun reaktskyani yuzaga chiqarishga qodir antigenlar *ekzogen, gomologik va autologik* bo‘lishi mumkin.

Atrofdagi muhitdan o‘tdigan *ekzogen antigenlarni* aniqlab olish bir qadar oson, shunga ko‘ra ularni batamom ajratib qo‘yib, o‘ta *sezuvchanlik reaktsiyasi* yuzaga chiqishi uchun yo‘l bermaslik mumkin. Masalan, tabiatan allergik pollinozlar, dorilarga aloqador allergik reaktsiyalar shular jumlasidandir.

*Gomologik antigenlar* tufayli paydo bo‘lgan shikastlar individiumlar o‘rtasida genetik va antigen tafovutlar bo‘lishiga bog‘liqidir. Odamga to‘g’ri kelmaydigan qon quyib qo‘yliganida yuzaga kelib chiqadigan reaktsiyalar to‘qimalarning gomologik antigenidan shikastlanishiga misol bo‘la oladi.

*Autologik antigenlar* autoimmun tabiatli talaygina kasallikklar boshlanishi ga sabab bo‘ladi, bu kasallikklar organizmning o‘z antigenlariga qarshi immun reaktsiya boshlanishi tufayli kelib chiqadi.

To‘qimalar shikastlanishi immun mexanizmlarining turlicha bo‘lishiga asoslanib turib, o‘ta *sezuvchanlik reaktsiyalarining* to‘rt toifasi yoki tipi tafovut qilinadi.

— I tipdag'i reaksiyalar mahalida immun javob tomirlar o'tkazuvchanligi va silliq muskul hujayralariga ta'sir ko'rsatadigan vazofaol aminlar va lipid mediatorlar ajralib chiqishiga olib boradi.

— II tipdag'i o'ta sezuvchanlik reaksiyalarini paytida yuzaga keladigan gumoral antigenlar hujayralarning shikastlanishida bevosita ishtirok etib, ularning fagotsitar yoki lizisga moyilligini kuchaytiradi.

— III tip immunokompleks kasallikdir, bunda gumoralantitelolar antigenni biriktirib olib, komplementni faollashtiradi. Shuning natijasida to'qimalarni shikastlantiradigan neyrofil enzimlari va boshqa toksik moddalar (masalan, kislorod metabolitlari) ajralib chiqadi.

— O'ta sezuvchanlik reaksiyalarining IV tipi to'qimalarning sensibillangan leykotsitlar ta'sirida shikastlanishi bilan tafsiflanadi.

### O'TA SEZUVCHANLIK REAKSIYASINING BIRINCHI TIPI


O'ta sezuvchanlik reaksiyalarining birinchi tipi (*anafilaktik tip*) darhol yuzaga chiqadigan to'fadagi o'ta sezuvchanlik reaksiyasidir, chunki kompleks antigen-antitelolar semiz hujayralar bilan bazofillarning yuzasiga birikkanida juda tez ro'y beradi (57-rasm). Bu reaksiya patogenezida E immunoglobulin va C5a hamda C3a komplement qismlari ahamiyatlidir. Shu komplement qismlari o'zlarining semiz hujayralar membranasida joylashgan retseptorlar bilan birikkanda ishga tushadi: *boshlang'ich va kechki bosqichlari* tafovut qilinadi. *Boshlang'ich bosqichi* uchun tomirlar kengayishi, o'tkazuvchanligining kuchayishi, silliq muskulular spazmi xarakterlidir. U allergen ta'sir qilganidan 5—30 minutdan keyin boshlanadi va 60 minut ichida so'nib boradi *Kechki bosqichi* 2—8 soatdan keyin boshlanib, qoshimcha antigen ta'sir qilmasa, bir necha kun davom etadi. To'qimalarning eozinofillar, neyrofillar, bazofillar va monotsitlar bilan ko'p infiltranishi, shuningdek shiliq pardalar epitelial hujayralarining zararlanishi bilan xarakterlanadi.

Birinchi tipdag'i o'ta sezuvchanlikning boshlanishida semiz hujayralar bilan bazofillar asosiy o'rinda turadi. Semiz hujayralar ko'mikda ishlanib chiqadi va to'qimalarda, asosan tomirlar, nervlar atrofida, subepitelial zonada keng tarqalgan bo'ladi. Ularda biologik faol mediatorlarni o'ziga jo qilgan, aniq ko'rinish turadigan sitoplazmatik donalar bor. Bazofillar qonda kamroq bo'ladi, to'qimalarda topilmaydi. Ularning sitoplazmasida granulalar juda ko'p. Semiz hujayralar va bazofillar yuzida E immunoglobulin uchun Fs-retseptorlar bor. Allergen ta'sir qilganida B-hujayralardan T-xelperlar va T-supressorlar ishtirokida E immunoglobulin hosil bo'lishi kuchayadi.

Immunoglobulin E hujayralarning Fs-retseptorlari bilan birikkanida semiz hujayralar va bazofillar faol holga keladi.

Immunoglobulin E avval molekulalarining Fs qismi bilan bazofillar va semiz hujayralar membranalarining yuzalariga birikadi. Ammo ularning faol markaz-

lari (Fs-fragmentlar) boşligicha qolaveradi va allergen bilan o'ziga xos tarzda o'zaro ta'sir qilishi mumkin. Allergen ikkinchi marta kirganida u immunoglobulin E ning hujayralarga payvandlangan faol markazi bilan birikadi. Bu narsa bir qancha reaktsiyalar boshlanib, I tipdag'i o'ta sezuvchanlik reaktsiyasining klinik belgilarini yuzaga chiqaruvchi bir necha mediatorlar ajralib chiqishiga olib boradi. Hujayralar yuzasiga payvandlangan immunoglobulin E ning chatishib birikishi ikkita parallel va mustaqil jarayon boshlanishiga sabab bo'luvchi membrana xabarini yuzaga chiqaradi.



57-rasm. I tipdag'i o'ta sezuvchanlikning rivojlanish mexanizmi (Roitt J., 1985).

Shu jarayonlarning biri semiz hujayralar degranulyatsiyaga uchrab, birlamchi mediatorlar ajralib chiqishiga olib boradi, ikkinchisi ikkilamchi mediatorlar sintezi boshlanib, ularning ajralib chiqishiga sabab bo'ladı.

Semiz hujayralarning donalarida bo'ladigan *birlamchi mediatorlar* jumlasiga quyidagilar kiradi:

1) tomirlar o'tkazuvchanligi kuchayib, tomirlar kengayishiga, bronxlardagi silliq muskullarning qisqarishiga va shilimshiq ishlaniib chiqishi kuchayishiga sabab bo'ladigan gistamin;

2) eozinofillar va neytrofillar xemotaksisiga olib boradigan moddalar (omillar);

3) komplement va kininogenlarni parchalab, boshqa yallig'lanish mediatorlarini hosil qiluvchi neytral proteazalar.

*Ikkilamchi mediatorlar* araxidonat kislota metabolitlari bo'lib, semiz hujayralar membranalarida ketma-ket ro'y beradigan reaktsiyalar natijasida yuzaga keladi. Bu narsa membranalar fosfolipidlariiga ta'sir o'tkazib, araxidonat kislota hosil qildigan ferment fosfolipaza A2 ning faol holga o'tishiga olib boradi. Araxidonat kislota 5 lipoksgenaza fermenti yordamida ikkita tarkibiy qism — leykotrienlar va prostaglandinlarga parchalanadi.

Darhol yuzaga chiqadigan toifadagi o'ta sezuvchanlik patogenezida *leykotrienlar* nihoyat darajada muhim o'rinn tutadi. C4 va D4 leykotrienlar gistograminga qaraganda necha yuz barobar faolroq bo'lib, tomirlar o'tkazuvchanligining bir muncha sezilarli darajada o'zgarishiga va bronxlar silliq muskullarining ancha qisqarishiga sabab bo'ladı. Lekin ular gistograming qaraganda sekinroq ajralib chiqadi va shu sababdan *anafilaksiyaning seklinik bilan reaktsiyaga kirichi substansiysi deb* aytildi. Leykotrien B4, neytrolar, eozinofillar va monotsitlar uchun kuchli xemotrakt moddadir.

Araxidonat kislötaning boshqa bir metaboliti — prostaglandin D<sub>2</sub>ni odam o'pkasining semiz hujayralari ko'p miqdorda ishlab chiqaradi. Bu modda bronxlarning kuchli spazmiga uchrab, shilimshiq ishlaniib chiqishining keskin ko'payishiga olib boradi. Ikkilamchi mediatorlar jumlasiga trombotsitlarni faollashtiruvchi, trombotsitlar agregatsiyasiga va gistamin ajralib chiqishiga sabab bo'luvchi omil kiradi.

Semiz hujayralar allergenlarning ta'siri ostida har xil sitokinilarni, jumladan, TNFa, IL-1, IL-2, IL-6 larni ishlab chiqara boshlaydi, bular I tipdag'i o'ta sezuvchanlik reaktsiyasi boshlanishida ishtirot etadi. TNFa sitokinin to'qimalarning immun yallig'lanish hujayralari bilan infiltranishiga sabab bo'ladı.

Yuqorida aytib o'tilgan mediatorlar sensibillangan semiz hujayralardan tez ajralib chiqadi va bronxial astma, pichan isitmasi singari patologik holatlar yuzaga kelishida asosiy o'rinni tutadi. Bir qancha hollarda ba'zi kishilarda allergik reaktsiya bir necha soatdan keyin boshlanadi (reaktsiyaning kechki fazasi). Bunday reaktsiya faol holga o'tgan va xuddi semiz hujayralar singari bir talay ikkilamchi mediatorlar ishlab chiqara oladigan leykositlar (neytrofillar, eozinofil, makrofaglar) ishtirokida o'tadi deb taxmin qilinadi.

**Klinik manzarasi** I tipdagи o‘ta sezuvchanlik reaktsiyasi *sistema yoki mahalliy to‘qimalarning shikastlanishiga* olib kelishi mumkin. Masalan, oqsil antigenlari (antizardob) yoki dorilar (penisillin) singari moddalarni parenteral yo‘l bilan organizmga yuborish sistema *anafilaksiyasini* keltirib chiqarishi mumkin. Bunda bir necha minutdan keyin badan qichishib, eshakem toshadi, teri qizarib turadi, keyinchalik nafas qiyinlasha boshlaydi. Asosan o‘pka, chunonchi, uning tomirlari va nafas yo‘llaridagi silliq muskullari zararlanadi. Bronxlar obstruksiysi shilim-shiq ishlanib chiqishi kuchayishi bilan birga davom etib boradi. Hiqildoq shishib ketishi yuqori nafas yo‘llarining bekilib qolishiga (obstruksiyasiga) sabab bo‘lishi mumkin. Bundan tashqari, butun me‘da-ichak yo‘li mushaklari ham zararlanishi mumkinki, bu narsa qayt qilish bilan, ich surishi bilan birga davom etadi. Bemor odamda shok boshlanib, bir soat ichida o‘limga olib borishi mumkin.

Murdasi yorib ko‘rliganida o‘zgarishlar juda kam topiladi. O‘pka shishib, qon quyilgan joylar borligini ko‘rish mumkin, xolos, bunday gemorragiyalar ba‘zan o‘pka haddan tashqari cho‘zilib, o‘ng yurak kengayib ketishi bilan birga davom etgan bo‘ladi. Sistema anafilaksiyasi bir necha minut ichida o‘limga olib borishi mumkin. Penitsillin bilan davolananadigan bemorlarning 20 foizidashu antibiotik moddaga nisbatan sezuvchanlik kuchayib ketishini va bu narsa o‘sha odamlarda anafilaktik reaktsiyaga sabab bo‘la olishini aytilib o‘tish kerak.

Mahalliy reaktsiya odatda antigen ta’sir o‘tkazgan joydagi badan terisida yoki shilliq pardada boshlanadi. Immunoglobulin E sintezi, aftidan, regionar limfa to‘qimasida bo‘lib o‘tadi. I tipdagи mahalliy reaktsiya moyillik (sezuvchanlik) genlar nazorati ostida bo‘ladi va “atopiya” degan atama mahalliy reaktsiyaga oila-viy moyillikni ifoda etish uchun qo‘llaniladi.

Immunoglobulin E ni faqat kasallik paydo qila oladigan patologik omil deb qarash yaramaydi. Ba‘zi parazitar kasalliklarda u organizmni himoya qilishi ham mumkin. Gijja kasalliklarda muntazam ravishda immunoglobulin E ishlanib chiqib turadi va u gijjalarni quyidagicha zararlantirib boradi. Immunoglobulin E bilan sensibillangan semiz hujayralarning o‘zi parazitni bevosita shikaslantira olmaydi. Shuning uchun ular leykotsitlarni immunoglobulin E bilan qurollangan leykotsitlar bilan shikastlaydi.

## O‘TA SEZUVCHANLIK REAKSIYASINING IKKINCHI TIPI

II tip o‘ta sezuvchanlik reaktsiyasi I tipdagи reaktsiyasidan farq qilib, gomologik va autologik antigenlar sababli yuzaga chiqadi. Normal va shikastlangan hujayralar yuza membranalarining tarkibiy qismlari bunda antigen-nishon vazifasini o‘taydi. Tasvir etilayotgan toifadagi o‘ta sezuvchanlik yuzaga kelishi mexanizmi turlicha bo‘lib, uch xil tarzda(variantda) o‘tadi.

1. **Komplement tufayli yuzaga chiqadigan sitotoksiklik** – shu mexanizm bilan avj olib borganida antitelolar hujayra yuzasidagi antigenlar bilan reaktsiyaga kirishadi, bu reaktsiya komplementning payvandlanib qolishi va hujayra lizisiga olib keladi. Bundan tashqari, nishon-hujayralar antitelolar bilan o‘ralib

qoladi, shu narsa ularni fagotsitozga ancha sezgir qilib qo'yadi (58-rasm), komplementning payvandlanishi ham fagotsitozni yengillashtiradi. Qon hujayralarning shikastlanishi asosida ana shunday mexanizm yotadi. Biroq antitelolar boshqa to'qima elementlariga qarshi, masalan, Gudpascher sindromida buyrak koptokchalarini membranalariga qarshi bevosita ta'sir c' tkazishi ham mumkin.


II tipdagи ota sezuvchanlik reaksiysi (komplement yordamida yuzaga chiqadigan reaksiysi) mexanizmining bu xili klinikada uchraydigan quyidagi hollarda kuzatilishi mumkin:

1) transfuzion reaktsiya mahalida, bunda qon guruhi toq'ri kelmaydigan donor eritrotsitlari retsipyent qonida normada bo'ladigan antitelolar bilan o'rilib olgan zahoti yemirila boshlaydi;


2) rezus jihatdan to'g'ri kelmaydigan hollarda, bunda rezus-manfiy ona rezus-musbat bola eritrotsitlari bilan sensibillanadi. Onaning rezus antitelolarini plasenta orqali o'tib, rezus-musbat homilaning qizil qon tanachalari yemirilishi-ga sabab bo'lishi mumkin. Ana shunday hollarda ro'y beradigan sindrom homila eritroblastoz deb ataladi;

3) ba'zi kishilarda o'z qonining elementlariga qarshi antitelolar ishlaniб chiqishi va bu hodisa gemolitik anemiya, agranulositoz hamda trombotsitopeniyaga olib kelishi mumkin.

## I. Komplement ishtiroyidagi sitotoksiklik



## **II. Antitelolar ishtirokidagi sitotoksiklik**



58-rasm. II tipdagи о‘та сезувчанликning ривожлантарыш меканизми  
(Cotran R. , 1992).

**2) Antitelolar tufayli yuzaga chiqadigan sitotoksiklik II** tipdagi o'ta sezuvchanlik reaktsiyasi bu mexanizmning asosida o'z yuzasida G immunoglobulin-larning Fc qismiga retseptorlari bo'ladi hujayralar yordamida nishonlarning lizisga uchrashi yotadi. Neytrofillar, eozinofillar, makrofaglar va tabiiy killerlar ana shunday o'diruvchi, ya'ni killer hujayralar bo'lishi mumkin. Nishon hujayralar immunoglobulin G bilan qoplanib olsa, ana shundagina hozir aytib o'tilgan hujayralar tomonidan lizisga uchratilishi mumkinligini aytib o'tish kerak. Tabiiy killerlar nishon hujayralarni jarayonga antitelolar yoki Fc retseptorlar qo'shilmagan mahalda, ya'ni oldindan sensibilanish hodisasi bo'lmasdan turib, lizisga uchrashi mumkin.

**3) Antitelolarga bog'liq hujayralar disfunktsiyasi.** Ba'zi hollarda antitelolar hujayra membranalari retseptorlariga to'g'ridan-to'g'ri ta'sir ko'rsatib, hujayralar funktsiyasini susaytiradi yoki izdan chiqaradi. Masalan, miasteniyada antitelolar skelet muskullarining harakatlantiruvchi pilakchalaridagi asetilholin retseptorlari bilan reaktsiyaga kirishib, nerv-muskul o'tkazuvchanligini to'xtatib qo'yadida, muskullarning zaif bo'lib qolishiga olib keladi. Bazedov kasalligida antitelolar tiroksin gormoni sintezini jonlantiruvchi retseptorlarga birikadi. Natijada qalqonsimon bez gormonlarining sintezi kuchayib, gipertireoz boshlanadi.


### O'TA SEZUVCHANLIK REAKSIYASINING UCHINCHI TIPI

*O'ta sezuvchanlik reaktsiyasining uchinchi tipi to'qimalarda o'tkir yallig'lanish reaktsiyasini boshlab beradigan immun kompleksga bog'liq, bu reaktsiyaning muhim tomoni komplementning faol holga o'tishi va polimorf yadroli leykositlar to'planib borishidir. Immun kompleks ekzogen antigen-lar (bakteriya va viruslar) yoki endogen antigenlar (masalan, DNK) ta'sirida hosil bo'ladi.*

Patogen immun komplekslar yo aylanib yurgan qonda hosil bo'lib, keyin to'qimalarda to'xtalib boradi, yoki tomirlardan tashqari joylarda (ekstravaskular tarzda) hosil bo'lib, qanday bo'lmasin biror to'qima yoki organda antigenni biriktirib oladi. Birinchi holda to'qimalar sistema doirasida, ikkinchi holda komplement hosil bo'lgan joyda, mahally tarzda shikastlanadi (Artyus fenomeni).

**Sistema doirasidagi immunokompleks kasallik.** Sistema doirasida ro'y beradigan immunokompleks kasallik patogenezi uch bosqichdan tarkib topadi (59-rasm): 1) aylanib yurgan qonda antigen-antitelo kompleksi hosil bo'lishi; 2) immun kompleksning turli to'qimalarda to'planib borishi; 3) immun kompleks tufayli yallig'lanish boshlanishi.

Sistema doirasidagi immunokompleks kasallikning asl bir nusxasi zardob kasalligidir, bu kasallik peptidlар yoki hayvon oqsillaridan iborat geterologik zardoblar yoki zardob preparatlari (difteriya, qoqshol va boshqalarga qarshi antitoxik zardob, shuningdek dori-darmonlar) organizmga yuborilganida paydo bo'ladi.



59-rasm. III tipdag'i o' ta sezuvchanlikning rivojlantirich mexanizmi  
(Meitzer M. , 1990).

*Kasallikning birinchi fazasida* organizmga antigen yuborilganiga javoban immunoglobulinlarning har xil sinflariga kiradigan antitelolar hosil bo'ladi. Antitelolar, asosan immunoglobulin G antigen bilan reaksiyaga kirishib, qonda aylanib yuradigan immun komplekslar hosil qiladi. Bu komplekslar mononuklear fagotsitlar ta'sirida fagotsitlanishi hisobiga antigenning qon oqimidan yo'qolishiga yordam beradi. Demak, immun komplekslar hosil bo'lishi organizmni antigen dan saqlashga qaratilgan odatdag'i immun reaksiyadir. Biroq ba'zi sharoitlarda antigen-antitelo immun reaksiyasi patogen tabiatni kasb etishi mumkin. Immun komplekslarning to'qimalarda to'planib borib, bu to'qimalarni shikastlantirishiga olib keladigan omillar unchalik ochiq-oydin ma'lum emas. *Antigen-antitelo kompleksining katta-kichikligi va mononuklear fagotsitlovchi sistemaning funktional holati ahamiyatga ega deb taxmin qilinadi.*

Antitelolar hosil bo'lishida ortiqcha miqdorda yuzaga keladigan *yirik immun komplekslarining* fagotsitlovchi hujayralar tomonidan qon oqimidan tez chiqarib yuborilishi va shu sababdan ularning organizm uchun bezarar bo'lishi aniqlangan. Birmuncha mayda yoki o'rtacha kattalikdagi immun komplekslar qonda birmuncha uzoqroq aylanib yuradi va fagotsitozga uncha faollik bilan berilmaydi, natijada organizm uchun patogen bo'lib qoladi.

*Monositar makrofagal sistemaning* funksional holati ham muhim ahamiyatga ega. Bu sistema odatdagicha ishlab turgan mahalda paydo bo'lvchi immun komplekslar qon oqimidan o'z vaqtida va batamom yo'qotiladi. Monositar-makrofagal sistemaga ortiqcha zo'r kelganida va uning funksiyasi izdan chiqqan mahallarda immun komplekslarning qon oqimida uzoq saqlanib qolishi va keyinchalik to'qimalarda to'planib borishi uchun qulay shart-sharoit tug'iladi.

*Kasallikning ikkinchi fazasida* immun komplekslar asosan buyrak, bo'g'imbillarda, yurak, seroz sirtlar va mayda tomirlarning devorlarida to'planib boradi. Tomirlar devorining o'tkazuvchanligi kuchaygan bo'sagina, immun komplekslarning mikrosirkulator o'zandan tashqariga chiqib, to'qimalarda to'planib borishi mumkin bo'ladi. Tomirlar o'tkazuvchanligining aynashi bir nechta omilga bog'liq. Birinchidan, antigen ta'siri ostida biroz miqdor immunoglobulin E hosil bo'lishining ahamiyati bor. Immunoglobulin E sitotrop modda bo'lib, ba'zi hujayralar, jumladan bazofillar yuzasiga ham yopishib oladi. Bunday bazofillar faol holga o'tib, trombotsitni faollshtiruvchi modda (omil) ajratib chiqaradi, mana shu modda trombotsitlar agregatsiyasi boshlanib, ulardan tomirlar devori o'tkazuvchanligini kuchaytiruvchi gistamin bilan serotonin ajralib chiqishiga sabab bo'ladi. Natijada immun kompleks tomir devorlariga o'tib, unda to'planib boradi va qaysi to'qima tomirlarida yig'ilib borgan bo'lsa, o'sha to'qimani zararlaydi.

Bunda to'qimalar ora-oralab zararlanadi, nima sababdan shunday bo'lishi ko'pchilik hollarda noma'lum. Chunonchi, immun kompleksning yurakda to'planib qolishini uning asosiy filtratsion funksiyasiga bog'liq deb xayol qilinadi, bunda qonda ko'p miqdorda aylanib yurgan immun komplekslarning buyrak koptokchalari tomirlaridan o'tishi uchun qulay sharoitlar yuzaga keladi. Bundan tashqari, musbat zaryadga ega bo'lgan immun kompleks koptokchalar bazal membranasining o'zida manfiy zaryadni saqlovchi ichki yuzasiga tortiladi. Buyrak koptokchalari bazal membranasida depozitlar paydo bo'lishi, aftidan, shunga bog'liq.

*Kasallikning uchinchi fazasi* to'qimalarda immun komplekslar depozitlari to'planib borishiga javoban o'tkir yallig'lanish reaksiyasini boshlanishi bilan tariflanadi. Bu davrda tana harorati ko'tarilib, bo'g' imlarda og'riqlar paydo bo'ladi, badan terisiga toshma toshadi, siyidka oqsil paydo bo'ladi (proteinuriya), limfa tugunlari kattalashib qoladi. To'qimaning shikastlanish patogenezida immun kompleksning komplementni biriktirib olishi markaziy o'rinda turadi, shu narsa bu kompleksning faol holga o'tib qolishiga olib keladi. Ayni vaqtida

komplementning C3a va C5a singari tarkibiy qismlari ham ajralib chiqadi, bular tomirlar devori o'tkazuvchanligini kuchaytira oladigan anaflotoksinlardir. Bundan tashqari, C3a va C5a polimorf yadroli leykositlar xemotaksisi uchun kuchli omillar bo'lib, fagotsitozni jonlantiradi ham. Fagotsitoz jarayonida neytrofillar, masalan, neytral proteazalar singari lizosoma fermentlarini ham ajratib chiqaradi, bular bazal membranalari, kollagen, elastin, tog'aylarni zararlantiradi. Lizosoma fermentlari tufayli yallig'lanish jarayoni tabiatan birmuncha vaqt saqlanib turadigan bo'lib qoladi. Immun komplekslar, bundan tashqari, trombotsitlar agregatsiyaga uchrab, mikrotromblar paydo bo'lishi, to'qimalarning ishemiyadan zararlanishiga hamda yallig'lanish jarayonlarini kuchaytiruvchi Xageman omilining faol holga o'tishiga sabab bo'ladi.

*Tomirlarning immun komplekslar bilan zararlanishi morfologik jihatdan olganda o'tkir nekrotik vaskulit boshlanishi, to'qimalarda ishemik nekrozlarga olib kelgan mikrotromblar paydo bo'lishi bilan ifodalanadi. Bu o'zgarishlar shikastlangan organlarning o'tkir yallig'lanishi bilan birga davom etib boradi. Nekrotik vaskulitni fibrinoid nekroz deb ham ataladi. Elektron mikroskopda va immuno-fyuressensiya yo'li bilan tekshirib ko'rilganida to'qimalarda va tomirlar devorlarida immun komplekslar topiladi.*

Antigen bir marta ta'sir ko'ssatadigan *o'tkir hollarda* to'qimalarning shikastlanishi tabiatan qaytar bo'lishi mumkin, masalan, zardob kasalligi, streptokokk ta'siridan keyin boshlangan o'tkir glomerulonefritda shunday bo'ladi. Biroq antigenemiya davom etib borgan yoki antigen organizrniga takror-takror ta'sir o'tkazgan mahallarda *surunkali immunkompleks kasalligi* paydo bo'lishi mumkin.

Morfologik va klinik ko'rinishlari jihatidan immunkompleks kasalliklari toifasiga kiritса bo'ladigan bir qancha kasalliklarda, shu kasalliklarni keltirib chikargan antigenlarning tabiatini aniqlab bo'lmasligini aytib o'tish kerak. Revmatoid artrit, tugunchali periarterii, membranoz glomerulonefrit va ba'zi vaskulitlar ana shunday kasalliklar guruhiга kiradi.

Mahalliy immunokompleks kasalligi (Artyus fenomeni) asosida o'tkir immunokompleks vaskulit tufayli boshlangan to'qima nekrozi yotadi. Oldindan immunlangan hayvonga, ya'ni mazkur antigenga taalluqli antitelolari bor hayvonga o'sha antigenni teri ostidan yuborib, tajriba sharoitida shu fenomenni yuzaga keltirish mumkin. Takror marta antigen yuborish ko'p miqdor antitelolar hosil bo'lishiga olib keladi. Bular ayniqsa, tomirlar devorida antigen bilan tezlikda mahalliy (lokal) immun kompleks hosil qildi, tomirlar devorida yuborilgan antigen qonda aylanib yurgan antitelolar bilan darhol birikadi. Immun kompleks hosil bo'lgan zahoti sistema doirasidagi immunokompleks kasallikda ro'y beradigan o'xhash reaksiya zanjiri boshlanadi. Natijada antigen yuborilgan joyda, masalan, badan terisida nekrotik vaskulit boshlanib, atrofdagi to'qimada nekroz ro'y beradi va neytrofillardan iborat yallig'lanish infiltrati paydo bo'ladi.

Artyus fenomeni badan terisidagina emas, balki boshqa to'qimalarda ham paydo bo'lishi mumkin. Odamda uchraydigan ba'zi kasalliklar, jumladan, pi-chanda o'suvchi mog'or zamburug'iga insonda o'ta sezuvchanlik paydo bo'lishiga aloqador kasallik (pichan isitmasi) asosida Artyus reaktsiyasi yotadi, deb taxmin qilinadi.

## O'TA SEZUVCHANLIK REAKSIYASINING TO'RTINCHI TIPI

O'ta sezuvchanlik reaktsiyasining to'rtinchini tipi paydo bo'lish mexanizmiga qarab ikki turga ajratiladi. Birinchi turi T hujayralardagi CD4+ ishtirokida asta-sekinlik bilan yuzaga chiqadigan o'ta sezuvchanlik bo'lsa, ikkinchi turi sitototsik xossalarga ega hujayralar kloni (T limfotsitlardagi CD8+) paydo bo'lishidir. Asta-sekinlik bilan yuzaga chiqadigan o'ta sezuvchanlik T hujayralardagi CD4+ sitokininlar ishlab chiqaradi, bular boshqa hujayralarni, ayniqsa asosiy effektor hujayralar vazifasini o'tuvchi makrofaglarni ham jarayonga tortadi. Mexanizmining ikkinchi turida sensibillangan T-hujayralarning o'zi sitototsik ta'sir ko'rsatadi.

Asta-sekinlik bilan yuzaga chiqadigan o'ta sezuvchanlikning klassik misoli Mantu reaktsiyasidir. *Bu reaktsiya sil kasalligini boshdan kechirish munosabati bilan sil batsillasiga sensibillanib qolgan odamlarda yuzaga chiqishi mumkin.* Tuberkulinni teri orasiga yuborilganida yoki po'sti tirlalgan teriga tushirilganida 8-12 soatdan keyin eritema va zichlashish ko'rinishidagi javob reaktsiyasi ko'zga tashlanadi va 2-7 kuni hammadan yuqori darajaga yetadi. Organizm sezilarli darajada sensibillashib qolgan hollarda qizarib chiqib zichlashib qolgan joy yuzasi 2 sm dan ortiq bo'ladi va uning markazida nekroz ko'zga tashlanadi.

Mikroskopik yo'l bilan tekshirib ko'rilganida dermadagi venulalardan sezilarli miqdorda limfotsitlar bilan monotsitlar chiqib, perivaskular muftalar hosil bo'lgani ko'zga tashlanadi. Bu o'zgarishlar mikrosirkulator o'zan tomirlari o'tkazuvchanligining endotelialaro tirqishlar kengayib qolishi tufayli kuchayishi bilan birga darom etadi, bu narsa plazmoragiya boshlanib, derma shishib qolishiga va fibrin to'planishiga sabab bo'ladi. Patologik jarayon avj olib borgan sari endoteliy hujayralari giperstrofiyanib, soni ham ko'payib boradi. Sezilarli darajada sensibillanish bor hollarda endotelial hujayralar nekrozga uchraydi, bunda neytrofillar tobora ko'proq to'planib boradi. Antigen saqlanib turadigan bo'lsa, mononuklearlardan iborat dastlabki perivaskular infiltrat tomirlardan chiqqan monotsitlarning epiteliod hujayralariga aylanishi natijasida 2-3 hafta davomida granulyoma bilan almashinadi.


Marjondek tuzilgan limfotsitlar bilan o'ralgan epiteliod hujayralar to'plami granulyoma deb hisoblanadi. IV tipdagisi o'tkazuvchanlikka xarakterli bo'lgan shunday yallig'lanish *granulyomatoz yallig'lanish* deb ataladi.

Asta-sekin yuzaga chiqadigan o'ta sezuvchanlik reaktsiyasi organizm sil batsillasiga birinchi bor duch kelgan paytdayoq yuzaga chiqadi (60-rasm). CD4+

limfotsitlar makrofaglar yuzasida joylashib olgan asosiy gistosig'ishuvchanlik kompleksi II sind antigenlari ishtirokida sil qo'zg'atuvchilari antigenini tanib ola-di. Sil mikobakteriyalari o'sha makrofaglarning ishtirokida fagotsitanadi. Mana shu sensibilanish jarayoni qon oqimida necha-necha yillar saqlanib boradigan «xotira» T hujayralari paydo bo'lishini ta'minlaydi.

Infeksiyani boshdan kechirgan odamlarning terisi orasiga tuberkulin yubo-rliganida xotiraning T hujayralari antigen bilan o'zaro ta'sirga kirishib, faolla-shadi (blast transformatsiya va proliferatsiyaga uchraydi). Bu narsa biologik faol moddalar – har xil faollikka ega bo'lgan limfokinlar ajralishiga sabab bo'ladi. Limfokinlar jumlasiga quyidagilar kiradi:

- makrofaglar migratsiyasini bo'g'ib qo'yadigan (ingibirlaydigan) omil;
- neftrofillar, monotsitlar va eozinofillar xemotaksisiga yo'l ochadigan omil;
- xuddi boshqa interferonlar singari virusga qarshi faollikka ega bo'l-gan gamma interferon (bu interferon makrofaglarni faollashtiruvchi va gistosig'ishuvchanlik asosiy kompleksi II sindi antigenlarining har xil hujayra-larga, jumladan makrofaglar, endotelial hujayralar va fibroblastlarga o'r-nashib olishini kuchaytirib oluvchi omil bo'lib ham hisoblanadi);



60 -rasm. IV tipdag'i o'ta sezuvchanlikda granulyomalar shakllanish mexanizmi (Kumar V., 1992).

- har xil turdag'i hujayralarni, jumladan V hujayralar va tabiiy killerlar proliferatsiyasini jonlantiruvchi interleykin-2;
- endotelial hujayralardan qon oqimini tezlashtirib, limfotsitlar va monotsitlar emigratsiyasini kuchaytiruvchi prostasiklin ishlani bishigiga olib boradigan TNFa va limfotoksinlar;
- tomirlar devori o'tkazuvchanligini kuchaytiradigan vazofaol moddalar. Bularning tabiatini noma'lum.

Limfokinlarning paydo bo'lishi antigen va sensibilangan T-hujayralarning o'ziga xos o'zaro ta'siriga bog'liq ekanligiga qaramay, limfokinlarning yuzaga chiqaradigan ta'siri spetsifik emas. Masalan, sil batsillasi bilan faol holga o'tgan makrofaglar faqat sil mikobakteriyalariga qarshi ta'sir ko'rsatish bilangina qolmay, boshqa bakteriyalarga ham qarshilik ko'rsata oladi.

Asta-sekinlik bilan yuzaga chiqadigan shu o'ta sezuvchanlik reaktsiyasi organizmni mikobakteriyalar, zamburug'lar, parazitlar singari qo'zg'atuvchilardan saqlovchi asosiy omildir. O'ta sezuvchanlik reaktsiyasining bu xili o'smaga qarshi immunitet va to'qimalar sig'isha olmasligi reaktsiyalari yuzaga kelishida ham ahamiyatga ega.

**T-limfotsitlarga bog'liq** sitotoksiklik T-hujayralar kloni paydo bo'lishiga aloqadordir. Sitototsik xususiyatga ega bo'lgan shu hujayralar qatoriga o'zları ham nishon Hujayrani yo'q qila oladigan, sensibilangan CD8+ hujayralar kiradi. Sitototsik hujayralar bevosita hujayralarning yuzasidan joy olgan asosiy gistosig'ishuvchanlik kompleksi antigeniga qarshi ta'sir ko'rsatadi. Ular transplantning ko'chib tushib ketishida, organizmnинг virusli infeksiyalar va o'smalarga chidamli (rezistent) bo'lishida muhim ahamiyatga ega. Hujayraga virus yuqqanida shu hujayra yuzasida joylashgan antigen HLA alteratsiyaga uchraydi. Buning natijasida shu HLA antigenlar normal HLA antigenlardan farq qiladigan bo'lib boradi, mana shu narsa virus yuqqan nishon-hujayralarni yo'qotishga qodir bo'lgan sitototsik hujayralar kloni hosil bo'lishiga yo'l ochadi. Infeksiya yuqqan hujayralarning ulardagi virus replikatsiyasi boshlanmasidan ilgari lizisga uchrashi infeksiyaning batamom yo'qolib ketishiga olib keladi.

Sitototsik hujayralar sitolitik ta'sirini yuzaga chiqaradigan bo'lishi uchun T-hujayralar retseptori yordamida avval o'z nishonini tanib, ajratib olishi kerak, ana shundan keyin sitototsik hujayralar nishon-hujayra bilan mahkam aloqaga kirishadi. Lizisni boshlash to'g'risidagi xabar tez orada, komplement jarayonga qo'shilmasdan turib yetib keladi. Nishon-hujayra lizisga uchrashi bilan sitototsik hujayralar yana erkin harakatlanishga qodir bo'lib qoladiki, shu narsa unga boshqa nishon hujayralarni ham yana yo'q qilib borishga imkon beradi. Sitototsik hujayralarning sitolitik ta'siri antigenga nisbatan juda o'ziga xos, ya'nı spetsifik bo'ladi.

## TRANSPLANTATNING KO'CHIB TUSHISHI

Rivojlanish mexanizmi Transplantatning ko'chib tushishi, hozirgi fikrlarga muvofiq, ko'p bosqichlarni o'z ichiga oladigan haddan tashqari murakkab jarayon bo'lib, uning o'zaro bog'langan uch tarkibiy qismi tafovut qilinadi: 1) ko'chib tushish induksiyasi, chunki yot transplantat transplantatsion immun javob boshlanishiga sabab bo'ladi; 2) transplantatga javoban boshlanadigan immun reaksiya; 3) ko'chib tushishga oid yallig'lanish reaksiyasi va yallig'lanishga aloqador immun javobning idora etilishi.

*Transplantatning ko'chib tushishi* spetsifik antitelolar, T hujayra effektorlari, tabiiy killerlar va gistosig'ishuvchanlik asosiy kompleksining antigenlari ishtirok etadigan murakkab immunologik fenomendir.

Ko'chib tushish induksiyasida allotransplantat gistosig'ishuvchanlik asosiy kompleksining antigenlari, shuningdek, ko'chirib o'tkazilgan organ bilan birga o'tgan donor limfotsitlari (passajir limfotsitlar) nihoyat darajada muhim o'rinn tutadi. Shularning orasida yuksak immunogenlik xususiyatiga ega bo'lgan, o'ziga MNS antigenlarining ikkala sinfini (I va II sinf antigenlarini) jo qilgan Langer-gansning dendrit hujayralari alohida ahamiyatga egadir. Gistosig'ishuvchanlik asosiy kompleksining II sinf antigenlari T hujayralardagi CD4+ ni faol holga o'tkazib, ularning proliferatsiyasi uchun yo'l ochib beradi. Bunda T-xelperlar makrofaglarni jonlantiruvchi limfokin degan modda ajragib chiqaradi va o'z yuzasida immun gormonlar — interleykin 1 va interleykin 2 uchun retseptorlar hozirlay boshlaydi. Jonlangan makrofaglar interleykin-1 va interleykin 2 ni ajratib chiqarar ekan, T-xelperlar bilan o'zaro ta'sirga kirishadi. Interleykin 2 o'sish omillari ajralib chiqishi va B limfotsitlarning tabaqlanishga boshlashiga yo'l ochadi.

Shu bilan bir vaqtida I sinf HLA antigenlari uchun retseptorlari bo'lgan sitotoksik hujayralar prekursorlari — T-hujayralardagi CD8+ tabaqlanib, yetuk sitotoksik hujayralarga aylanadi, bular allotransplantat to'qimasini lizisga uchratadi. Sitotoksik hujayralardan tashqari asta-sekinlik bilan yuzaga chiquvchi o'ta sezuvchanlik reaksiyasi uchun xarakterli bo'lgan T-hujayralarni ishlab chiqaruvchi limfokin ham hosil bo'ladi. Ko'chirib o'tkazilgan organda asta-sekinlik bilan yuzaga chiqadigan o'ta sezuvchanlik reaksiyasi tufayli mikrosirkulator o'zan tomirlari zararlanib, to'qima ishemiyasi boshlanadi, yallig'lanish hujayralari ta'sirida allotransplantat to'qimasi destruksiya uchraydi.

Ko'chib tushish reaksiyasiда antitelolar ham ishtirok etadi, ya'ni hujayraga aloqador transplantatsion immunitetdan tashqari gumoral immunitet ham paydo bo'lib boradi. Gumoral immun javob ikki shaklda yuzaga kelishi mumkin:

— retsipyentning aylanib yurgan qonida antidor antitelolari bo'lsa, organni ko'chirib olib o'tkazish transplantatning nihoyatda tez ko'chib tushishiga olib kelishi mumkin. Bunday antitelolar odatda transplantat ilgari ham ko'chib tushib ketgan recipient qonida yuzaga keladi yoki oldin HLA jihatidan to'g'ri

kelmaydigan donor qoni quyilgan bo'lsa, ana shunday paytlarda paydo bo'ladi, chunki trombotsitlar va oq qon hujayralari HLA antigenlariga boy. Ana shunday hollarda sensibillangan resipientga biror organ ko'chirib o'tkaziladigan bo'lsa, u darhol ko'chib tushib ketadi, chunki qonda aylanib yurgan antitelolar antigen bilan tezda reaktsiyaga kirishib tomirlar endotelisida depozitlar hosil qiladi. So'ngra komplement fiksatsiyalanib, transplantatda Artyus fenomeni boshlanadi;

— organ sensibillanmagan resipientga ko'chirib o'tkazilganida gumoral anti-HLA-antitelolar kechroq yuzaga keladiva transplantatning birmuncha kechroq ko'chishida ahamiyatga ega bo'ladi. Bunday hodisa odatda immunosuppressorlar olib yurgan retsipyentlarda kuzatiladi, chunki immunosuppressorlar T-hujayra immun javobini antitelolar hosil bo'lishi davom etayotgan bo'lsa ham susaytrib qo'yadi. To'qimaning zararlanishi II tipdagi o'ta sezuvchanlik reaktsiyasi boshlanishiga va immun komplekslar vujudga kelishiga aloqador bo'ladi. Bunda tomirlar endotelisi asosiy nishon bo'lib qoladi, shu endoteliyning zararlanishi transplantatda tromb hosil bo'lib, keyin ishemik nekroz boshlanishiga olib keladi.

**Ko'chib tushish reaktsiyasining patologik anatomiysi.** Ko'chirib o'tkazilgan organda ro'y beradigan struktura o'zgarishlarining tabiatni va jadalligi retsipyenttimmun javobining mexanizmiga, javob reaktsiyasining tipiga, transplantatning ko'chish muddatlariga (juda ham tez, tez yoki surunkali tarzda ko'chib tushish) bog'liqdir. Buyrak transplantati morfologiyasi hammadan ko'ra ko'proq o'rganilgan.

*Juda ham tez ko'chib tushish* hodisasi operatsiyadan keyingi bиринчи minutlar yoki soatlardo yoq kuzatiladi va transplantat funktsiyasining butunlay to'xtab qolishi bilan ta'riflanadi. Ro'y beradigan asosiy struktura o'zgarishlari deyarli hamma tomirlarning zararlanib, ularda o'tkir arteriit va arteriolit, kuchayib boruvchi tromboz hamda ishemik nekroz boshlanishidan iborat bo'ladi. Ko'chib tushish reaktsiyasining bu xili gumoral tabiatga ega bo'lib, talaygina antitelolar yuzaga kelishi bilan birga davom etib boradi, Artyus fenomeniga o'xshab ketadigan reaktsiya boshlanishiga mana shu antitelolar sabab bo'ladi. Transplantat tomirlari zararlanishi munosabati bilan transplantatning qon bilan ta'minlanishi izdan chiqadi, shuning natijasida ko'chirib o'tkazilgan organda kortikal yoki total nekroz boshlanib, ko'p joylarga anchagina qon quyiladi.

Sirdan qaraganda buyrak ola-bula ko'rinishga kirib, qorayib boradi, ilvillagan bo'lib qoladi. Mikroskop bilan tekshirib ko'rildiganida arteriolalar va arteriyalarning devorida fibrinoid nekroz, M-immunoglobulin depozitlari ko'zga tashlanadi. Tomirlarga fibrin o'tirib qolgani uchun ularning yo'sli toraygan bo'ladi. Komplement ham topiladi.

Buyrak koptokchalari kattalashib, kapillarlar to'ri fibrinoid nekroz holatiga tushgan bo'ladi. Bazal membranalarda tarkibida immunoglobulinlar, C3 va fibrin bo'ladigan depozitlar topiladi. Kanalchalar epiteliysining hujayralari ishemik

nekrozga uchrab, interstisial to'qimashish, limfotsitlar va makrofaglardan iborat o'rtaча infiltratsiya paydo bo'ladi.


Juda ham tez ko'chib tushish reaktsiyasi ko'chirib o'tqazilan buyrakning qaytmas tarzda destruksiyaga uchrashiga olib boradi.

Tez ko'chib tushish reaktsiyasi immunodepressantlar bilan hech bir davolanmagan yoki davolangan bo'lsa ham bu davorib necha oy yoxud yil ilgari to'xtatib qo'ygan resipientda bir necha kundan keyin boshlanishi mumkin. Bunday reaktsiyaning asosida transplantatsion immunitetning ham gumoral, ham hujayralarga aloqador omillari yotadi. Shu munosabat bilan tez ko'chib tushish reaktsiyasida ko'chirib o'tqazilgan buyrakda ro'y beradigan morfologik o'zgarishlar xarakterli bo'lgan uchta alomatning qo'shilishi bilan ta'riflanadi: 1) interstisial mononuklear infiltratsiya, 2) vaskulitlar, 3) buyrak kanalchalari va koptokchalarining zararlanishi.

Ko'chib tushish reaktsiyasi munosabati bilan ko'chirib o'tkazilgan buyrakda ro'y beradigan struktura o'zgarishlariga ko'chib tushish nefropatiyasi deb qaraladi.

*Interstisial ko'chib tushish nefropatiyasi* transplantat to'qimasiga mononuklear hujayralar o'tishi, shish va interstisial gemorragiyalar paydo bo'lishi bilan ta'riflanadi. Odatda transplantatsiyadan keyin dastlabki oylar davomida boshlanadi va buyrak funksiyasi susayib borishi bilan birga davom etib boradi. Mononuklear yallig'lanish infiltratsiya limfotsitlardan iborat bo'ladi, bularning orasida blast shakllari ham uchraydi. T-hujayralar orasida CD4+ va CD8+ T-limfotsitlar ko'zga tashlanadi, plazmatik hujayralar ham uchraydi. Mononuklear infiltrat ko'chirib o'tqazilgan buyrakda har xil tarzda joylashgan bo'ladi. Yallig'lanish infiltratinining asosan qay tariqa joylashganiga qarab, ko'chib tushish nefropatiyasingning uch turi tafovut etiladi: *angiopat ko'chib tushish, glomerulopat ko'chib tushish va tubulopat ko'chib tushish*.

*Angiopat ko'chib tushishda* mononuklear hujayralar dastlab perivaskular tarzda joylashib, tomirlar devori o'tkazuvchanligi aynashiga va eritrotsitlar sizib chiqishiga, endovazal endoteliali giperplaziysi boshlanishiga, «piyoz tangachalari» ko'rinishida qalinlashmalar paydo bo'lishiga olib boradi. Intimada ham shish paydo bo'lib, tomir yo'lli torayib qoladi yoki hatto bekilib ketadi, so'ngra hujayralar tomir devoriga kirib, uning hamma qatlamlariga infiltratlanadi. Juda vaqtidan o'tgan hollarda tomir devorining hamma qatlamlari mononuklear hujayralardan iborat bo'lib qoladi va batarmom destruksiyaga uchraydi.



61-rasm. Ko'chib tushish nefropatiyasi morfologiyasi.

*Glomerulopat ko'chib tushishda* mononuklearlar buyrak koptokchaları atrofida joylashib, Shumlyanskiy-Boumen kapsulasining bo'rtib chiqishi hamda tolalarining ajralib turishiga hujayralarida giperplaziya boshlanishiga sabab bo'ladi. Kapsulaning o'zi infiltransa, u destruksiyaga uchraydi. Kapillyarlar tarmog'ida endoteliy bo'rtib, proliferatsiya boshlanadi. Bazal membranalar qalin tortib, tromboz paydo bo'ladi, kapillarlar yo'li bekilib qoladi. Fibrin to'planib boradi. Kamroq hollarda kapillarlar qovuzloqlarining fibrinoid nekrozi kuzatiladi. Immunoflyuoressensiya usulidan foydalananiladigan bo'lsa, M immunoglobulin depozitlari topiladi.

Buyrakdagi ko'chib tushish reaktsiyasining eng tipik alomati kanalchalar alteratsiyasidir (*ko'chib tushish tubulopatiyasi*), bu hodisa kanalchalar ornida mononuklearlar paydo bo'lib, o'tkir nekroz boshlanishiga qadar yetib boradi (61rasm).

*Surunkali tarzda ko'chib tushish* immunosupressiya uzoq davom etgan mahallarda kuzatiladi. Ko'chirib o'tkazilgan buyrak resipientlarida surunkali buyrak yetishmovchiligining alomati tariqasida qondagi kreatinin miqdori ko'payib ketadi. Sirtdan qaraganda buyrak ixcham tortib, kichraygan, zichlashib qolgan bo'ladi. Mikroskopik tekshirishda tomirlarda obliteratsiyalovchi endarteriiit manzarasi ko'zga tashlanadi, tomirlar devorida fibroz paydo bo'lib, tomir devorining qalinishib qolgani va yo'lining sezilarli darajada torayib qolgani ko'zga tashlanadi. Tomirlarda ro'y beradigan ana shu o'zgarishlar transplantatda surunkali ishemiya kanalchalar atrofiyasi, fibroz) boshlanishiga sabab bo'ladi. Buyrak koptokchalarida ro'y beradigan struktura o'zgarishari xilma-xildir. Ba'zi hollarda sezilarli glomeruloskleroz kuzatilsa, boshqa hollarda ekstrakapillar glomeruliting oqibati tariqasida Boumen—Shumlyanskiy kapsulasining bo'shligi: bitib ketgan bo'ladi (obliteratsiya). Kanallar atrofiyaga uchraydi. Allobuyrak parenximasida sezilarli fibroz ko'zga tashlanishi bilan bir qatorda interstisiyda

asosan plazmatik hujayralar va eozinofillardan iborat mononuklear infiltratsiya topiladiki, bu narsa jarayonning surunkali ekanligidan dalolat beradi.

Ko'chirib o'tqazilgan buyrak organizmda uzoq muddat turganida unda boshlanadigan destruksiyaning asosida ikki omil: 1) to'qimalar sig'isha olmasligi reaktsiyasi natijasida allobuyrak struktura qismlarining zararlanishi va 2) transplantat tomirlari shikastlanishi tufayli shu transplantatning surunkali ishemiyaga uchrashi yotishini yana bir karra ta'kidlab o'tish kerak.

Xarakterli morfologik va immunologik o'zgarishlar bilan birga davom etadigan ko'chib tushish reaktsiyasi ko'chirib o'tqazilgan buyrakning siyidik yo'llari va asosiy tomirlarida ham boshlanishi mumkinligi yaqinda biz tomondan o'tkazilgan tekshirishlarda ma'lum bo'ldi .

## AUTOIMMUN KASALLIKLAR

*Autoimmun kasalliklar jumlasiga organizmnning o'z to'qimalariga qarshi immun reaktsiyalar yuzaga kelishi munosabati bilan boshlanadigan bir qancha kasalliklar guruhi kiradi. Autoimmun javob organizmnning o'z antigenlariga qarshi autoantitelolar bilan immunitetga qodir sensibillangan hujayralar o'rtasidagi reaktsiyani o'z ichiga oladi.*

Autoimmun kasalliklarning o'ziga xos ba'zi xususiyatlari bor. Chunonchi, ularga alohida bir organning yakka holda zararlanishi ham, turli organlarning jarayonga qo'shilib, ma'lum bir sistema doirasida zararlanishi ham karakterlidir. Birinchi holda spetsifik immun reaktsiya bitta organga qarshi qaratilgan bo'lsa, ikkinchi holda talaygina organlarning sistema doirasida zararlanishi har xil tarzdagi talaygina autoantitelolar va hujayra reaktsiyalari paydo bo'lishiga bog'liqdir. Bu holda patologik jarayonlar asosan biriktiruvchi to'qima va tomirlarning devorlarida avj olib boradi. Bu kasalliklarning «kollagen kasalliklar», «biriktiruvchi to'qima kasalliklari» degan eski nomlari ana shundan kelib chiqqan. Autoimmun kasalliklar qo'zib turadigan va tobora zo'rayib boradigan bo'lishi, qon oqimida har xil autoantitelolar yuzaga kelishi, limfold organlarning plazmatizatsiyaga uchrashi bilan ham ajralib turadi.

Alohindan bir organning yakka holda zararlanishi bilan o'tadigan autoimmun kasalliklarga hozir quyidagilar kiradi: 1) Xashimoto tireoiditi, 2) autoimmun gemolitik anemiya, 3) autoimmun atrofik gastrit yoki pernisioz anemiya, 4) autoimmun ensefalomielite, 5) autoimmun orxit, 6) Gudpascher sindromi, 7) autoimmun trombotsitopeniyasi, 8) insulinga bog'liq qandli diabet, 9) gravis miasteniyasi. Immun kasalliklar deb gumon qilinadigan dardlar quyidagilardir: birlamchi biliar sirroz, surunkali faol gepatit, yarali kolit, membranoz glomerulonefrit.

Sistema doirasidagi asl autoimmun kasalliklar jumlasiga quyidagilar kiradi: 1) sistema qizil yugirigi (volchankasi), 2) revmatoid artrit, 3) Shagren sindromi, 4) Reyno sindromi. Quyidagilar sistema doirasida uchrashi mumkin bo'lgan

autoimmun kasalliklar deb tasvirlangan: dermatomiozit, sklerodermiya, tugunchali periarteriit, bod (revmatizm). **Autoimmun kasalliklarning avj olib borish mexanizmi** murakkab bo'lib, bir qancha omillarga bog'liq. Shu mexanizmlarning biri o'z to'qimalari antigenlariga organizm immunologik tolerantligining aynashiga, ya'ni spetsifik antigen ta'siriga organizmning immun javob berish qobiliyati yo'qolib qolganiga bog'liq. Normada organizmning o'z to'qimalari antigenlariga immun javob yuzaga chiqmaydi (organizm o'ziga nisbatan tolerant bo'ladi). Yuqorida aytilib o'tilganidek, immun reaksiya organizmga yot moddalar, ya'ni antigenlar kirishiga javoban yuzaga chiqadi, chunki bu reaksiya organizmni shu antigenlardan xalos etishga qaratilgan bo'ladi. Organizm antigenga immun reaksiya bilan javob bera olmaydigan mahallarni immunologik tolerantlik deb ataladi. Demak, *immunologik tolerantlik* spetsifik antigen ta'siriga organizmning immun javob berish layoqatini yo'qotib qo'yishidir.

Organizmning o'z to'qimalari antigenlariga nisbatan normada ham immunologik tolerantlik bo'ladi, ya'ni organizmning o'z to'qimalari antigenlariga normada yuzaga chiqmaydi. Butun bir limfotsitlar lashkari bilan totuvlikda yashamoqlik uchun inson to'qimalariga ana shunday immunologik tolerantlik zarur.

Organizmda immunologik tolerantlik shakllanib chiqadigan joy markaziy limfold organlar (ko'mik, timus) bilan periferik limfold organlar (taloq, limfa tugunlari) dir.

Organizmning o'z to'qimalariga qarshi immun reaksiya paydo bo'lishiga to'sqinlik qiluvchi mexanizmlar xilma-xildir. Shunga yarasha immunologik tolerantlikning ikkita asosiy turi: *klonal-defisit va suppressor tolerantlik tafovutqilinadi*. *Klonal-defisit immunologik tolerantlik* (klonal deleteziya) organizmning o'z antigenlarini tanib, ularga reaksiyako'rsata oladigan T va B-limfotsitlar bo'lмаган yoki ular faolligini yo'qotib qo'yan mahalda yuzaga chiqadi. Organizmning o'z to'qimalari antigenlariga reaksiya ko'rsata oladigan potensial limfotsitlar embrional rivojlanish davrida timusda yo'q qilib yuboriladi, deb taxmin qilinadi. Biroq, voyaga yetgan sog'lom odamda o'z antigenlari, jumladan tireoglobulin, kolagen, DNK, mielin uchun turli retseptorlari bo'lgan B-limfotsitlar topiladi.

Immunitetga qodir hujayralar faolligini susaytirib qo'yadigan yana boshqa mexanizm ham bor. Mana shu mexanizm *supressor immunologik tolerantlik* paydo bo'lishiga olib boradi, bu tolerantlikda T supressorlar muhim ahamiyat kasb etadi. Ma'lumki, T supressorlar T xelperlar va antitelolarni ishlab chiqaradigan V hujayralarning faolligini susaytirib qo'yadi. Shunday qilib, T supressorlar ham geterologik antigenlarga, ham organizm o'z to'qimalari antigenlariga bo'ladi dan immun javobni idora etib, rostlab boradi.

Demak, organizm o'z antigenlariga immunologik tolerantlik vujudga kelishiда ikkita asosiy mexanizm ahamiyatga ega: 1) limfold to'qimaning rivojlanish jarayonida organizm o'z antigenlariga nisbatan reaksiyaga kirisha oladigan hujayralar klonining yo'qolib ketishi va 2) autoreaktiv hujayralarni T supressorlar susaytirib qo'yishi.

Ma'lumki, autoantitelolar paydo bo'lishi uchun zarur shart T-xelperlar bilan B-hujayralar o'rtaSIDagi o'zaro ta'sirdir. T-supressorlar T xelperlarni susaytirib qo'ygan mahalda bu reaksiya yuzaga chiqmaydi, demak, autoantitelolar ham hosil bo'lmaydi. «O'ziga qarshi» immunologik tolerantlikni ta'minlab beradigan mexanizmlarning buzilishi autoimmun kasalliklar kelib chiqishining sabablaridan biridir. Bunda immunitetga qodir hujayralar «transplantat xo'jayinga qarshi» mexanizmi bo'yicha organizm to'qimasini zararlashga yordam beradi. Bu immunologik tolerantlikni quyidagi holatlarda yengish mumkin:

— *oqsil strukturalari antigen xossalaring o'zgartirishi.* Autoantigen determinantlarni tashuvchi asos shaklan o'zgarishga uchraydigan sharoitlarda ularni tolerantmas T-xelperlar kloni ham taniy oladigan bo'lib qoladi. Bu xelperlar gaptenospetsifik B-hujayralar bilan o'zarota'sir qilib, autoantitelolar hosil bo'lishini jonlantiradi. Autoantigen bilan dori moddalar yoki mikroorganizmlar kompleksi hosil bo'lganida determinant tashuvchi asos o'zgarishi mumkin. Masalan, ma'lum bir dori moddalar organizmga yuborilganida boshlanadigan autoimmun gemolitik anemiya shu dorilar ta'sirida induksiyalanadigan eritrotsitlar yuzasining alteratsiyaga uchrashiga bog'liq. Kollagen singari autoantigenning qisman parchalanishi (degradatsiyasi) yangi determinant tashuvchilari paydo bo'lishiga olib kelishi mumkin. Biriktiruvchi to'qima tuzilishining shu tariqa aynab ketishiga lizosoma fermentlari yoki ba'zi mikroorganizmlar, masalan, streptokokk ajratib chiqaradigan fermentlar (gialuronidaza) sabab bo'la oladi.

— *immunologik tolerantlikning yengilish hodisasi* mikroorganizmlar antigenlari bilan makroorganizm antigenlarining chatishma reaksiyasi mahalida ham kuzatilishi mumkin. Mikroblarning makroorganizmda yashashga moslashib borish jarayonida shu mikroblardan talayginasida xo'jalarining antigenlariga o'xshab ketadigan antigenlar paydo bo'lgan. Shu munosabat bilan mikroblarning antigenlari organizmning o'z antigenlarini tashuvchilari va infeksiya qo'zg'atuvchilari antigenlari bilan chatishma reaksiyaga kirisha oladigan antitelolar hosil bo'lishiga olib boruvchi immun javobni yuzaga chiqarishi mumkin. Ana shunday hollarda antigen organizm o'z to'qimalarini zararlay olish xususiyatiga ega bo'lib qoladi. Masalan, streptokokk infeksiyasi boshdan kechirilgandan keyin yurakning revmatizmga aloqador zararlanishi antitelolarning streptokokk Mprotein antigeni (gapten tariqasidagi antigen) bilan ham, yurak muskul tolalari sarkolemmasining antigenlari bilan ham chatishma reaksiyaga kirishishiga bog'liq. Yo'g'on ichak shilliq pardasi hamda ichak tayoqchasi ba'zi shtammlarda umumiyl antigenlar bo'lganligidan yarali kolit paydo bo'lishida ham xuddi ana shunday mexanizm ahamiyatga ega;

— *immun javob idora yetilishining buzilishi* ham immunologik tolerantlikni yengishga yol ochadigan muhim omildir. Chunonchi, autoreaktiv B-hujayralar faolligini tizginlab, nazorat qilib boruvchi T supressorlar funksional layoqatining susayib ketishi autoantitelolar hosil bo'lishiga olib keladi. Idora etuvchi

mekanizmlarning buzilishi limfokinlar sekretsiyasining izdan chiqishiga yoki antiidiopatik antitelolar paydo bo'lishiga bog'liq bo'lishi mumkin. Limfokinlar yo'q mahallarda makrofaglar jonlanmaydi, T-xelperlar esa interleykin-1 va 2 larni ekspresslash layoqatini yo'qotib qo'yadi, modomiki shunday ekan, T va B-limfotsitlarning sensibilanish hodisalari bo'lmaydi.

Autoimmun kasalliklarining kelib chiqishida irlar omillarning katta ahamiyati bor deb hisoblanadi. Yuqorida aytib o'tilganidek, HLA kompleksining B qismida immun javobni belgilab beradigan genlar (Ir genlar) joylashgandir. Ma'lum Ir genlar organizmning o'z antigenlariga qarshi immun javob yuzaga kelib chiqishiga olib keladi deb taxmin qilinadi. Shu munosabat bilan Iggenlarga ega bo'lgan kishilar autoimmune kasalliklarga moyil bo'lishadi. Irsiy o'zgarishlar borligi tufayli autoantitelolar ishlab chiqaruvchi immunitetga qodir hujayralarning taqiqlangan deb atalmish klonlari ishga tushadi deb ham kuzatiladi. Irsiy o'zgarishlar ahamiyati borligini tasdiqlab beradigan misollar tariqasida olaviy revmatizm, sistema qizil yuchirigi, autoimmune gemolitik anemiya va autoimmune tireoidit hodisalari ko'sratib o'tiladi. Bunda autoimmune kasalliklarga irlar yo'l bilan yuzaga kelgan moyillik atrofdagi muhitning kasallikka olib bora oladigan har xil omillari ta'siri ostida kasallik paydo bo'lishiga olib keladi. Mana shu omillar orasida viruslar alohida o'rinda turadi.

Autoimmune reaktsiyalarining paydo bo'lishida viruslar ahamiyati borligi bir qancha kuzatuvlar bilan tasdiqlanadi. Birinichidan, buyrak zararlangan mahallarda buyrak to'qimalarida to'planib boradigan immun komplekslarda virus antigenlari topiladi. Ikkinichidan, viruslar autoantigenlarni tashuvchilarni o'zgartirib qo'yishi va shu yo'l bilan T hujayralarni ishtirok ettirmasligi mumkin. Bir tomonidan, paydo bo'ladigan tolerantmas T-xelperlar B-hujayralarni faollashtiradi. Ikkinci tomonidan, viruslar T-supressorlarga ta'sir ko'sratib, ularni inaktiv holatga keltirishi mumkin. Uchinichidan, ba'zi viruslarning genomi xo'ja hujayralarning DNA si tuzilishiga qo'shilib olib, limfotsitlarning somatik mutatsiyasiga sabab bo'ladi. Natijada organizmning o'z to'qimalari bilan bo'ladigan immunologik reaktsiyalarda ishtirok eta oladigan limfold hujayralar kloni yuzaga keladi.

Autoimmune kasalliklar patogenezinining ba'zi jihatlarini ko'zdan kechirib chiqdik, endi shu kasalliklar guruhining patologik anatomiysi, immunologik va klinik tomonlarini o'rganishga o'tamiz.

## SISTEMA QIZIL YUGIRIGI (VOLCHANKASI)

*Sistema qizil yugirigi (volchankasi) biriktiruvchi to'qima sistemasining doirasidagi tabiatan autoimmune yallig'lanish kasalligi bo'lib, barcha tomirlarning zararlanishi va ularning devorlarida fibrinoid to'planib borishi hamda qonda aylanib yuradigan va keng doirada ta'sir ko'ssatadigan autoantitelolar, xususan antiyadro antitelolari hosil bo'lishi bilan ta'riflanadi.*

**Etiologiyasi va patogenezi.** Xo'ja organizmida hosil bo'ladigan autoantitelolar har xil nishonlar bilan: hujayralarning yadrolari, lizosomalar, mitoxondriyalar, qonning ivituvchi omillari, trombotsitlar, eritrotsitlar va boshqalar bilan reaksiyaga kirisha oladi. Antiyadro antitelolar o'zlarining nishonlari qanaqaligiga qarab to'rt guruhga bo'slinadi: DNK ga ta'sir o'tkazuvchi antitelolar, gistonlarga ta'sir qiladigan antitelolar, RNK ga birikkan oqsillarga ta'sir qiladigan antitelolar, yadrocha antigenlariga ta'sir o'tkazadigan antitelolar.

Yadro antitelolari sistema qizil yugirigi uchun spetsifik deb hisoblansa ham DNK organizmning o'z yadrolari DNK siga qarshi ta'sir ko'sratuvchi antitelolar paydo qila oladigan kuchli immunogen moddadir degan fikrni so'nggi yillardagi tadqiqotlar bir qadar o'zgartirib qo'ydi.

*Irsiyatga aloqador moyillik, immun sistemaning sezilarli yetishmovchiligi va atrofdagi muhit ba'zi omillarining ahamiyati bor deb hisoblanadi.*

*Irsiy omillar.* Autoimmun reaksiyasining yuzaga kelishida HLA ning qismida joylashgan va normada immun javob shiddatini idora etib boradigan Ir genlar muhim o'rinni tutadi deb taxmin qilinadi. Shu bilan birga HLA ning Dqismi individuumning autoimmune jarayonlarga moyil bo'lishini ta'minlaydi, xolos. Chunonchi, sistema qizil yugirigi bilan DR-2 va DR-3, ya'ni HLA kompleksi genlari o'rtasida bog'lanish borligi aniqlangan. Sistema qizil yugirigi uchraydigan ba'zi oilalarining a'zolarida yorug'likka ortiqcha sezuvchanlik va dori moddalarni ko'tara olmaslik holatlarining bo'lishi, qonda aylanib yuradigan har turli autoantitelshirning topilishi bu kasallikning paydo bo'lishida irsiy moyillik ahamiyati borligidan dalolat beradi.


Ba'zi dori moddalarni uzoq vaqt ishlatib yurish tabiatan *irsiyatga bog'liq bo'limgan*, lekin autoimmune sistema qizil volchankasini paydo qila oladigan omillar jumlasiga kiradi. Jinsiy gormonlar ham muhim o'rinni tutadi. Androgenlarning sistema qizil yugirigi paydo bo'lishiga yo'l qo'ymasligi, estrogenlar esa bu kasallikka yo'l ochib berishi aniqlangan.

So'nggi vaqtida organizmda *saqlanib turgan virus infeksiyasiga* katta etibor berilmoqda. Sistema qizil volchankasida qizamiq, qizilcha, paragripp va boshqa kasalliklar viruslariga javoban qonda yuqori titrlarda paydo bo'lgan antitelolar topilgan. Bemorlar va ularning qarindoshlarida saqlanib turgan virus infeksiyasining markerlari bo'lmish limfotsitotoksik antitelolar bo'lishi aniqlangan. Bemorlar bilan ishlovchi tibbiy xodimlarda virusli ikki spinal DNK ga qarshi antigenlar topilgan. Biroq, immun komplekslarda virus antigenlari hali topilgan emas.

*Immunologik omillar.* Sistema qizil volchankasi patogenezida B hujayralarning ota reaktivligi katta ahmiyatga ega deb hisoblanadi, bu hujayralarning faol holga o'tishi ham «begona» ham «o'z» antigenlariga qarshi zo'r berib antitelolar hosil bo'lishiga olib keladi. Ortiqcha antitelolar hosil bo'lishi quyidagi bir qancha omillarga bog'liq deb hisoblanadi: 1) *B-hujayralarning o'zida nuqsonlar borligiga*,

2) xelperlarda irlsiy kamchiliklar borligiga, bu narsa B-hujayralarning zo'r berib faol holga o'tishiga yordam beradi, 3) B hujayralar faolligini susaytirib qo'yadigan T-suppressorlar faolligining susayib ketishiga.

Hosil bo'ladijan antitelolar qonda aylanib yuradigan immun komplekslarni yuzaga keltirishi mumkin (o'ta sezuvchanlikning III tipi), bu komplekslar buyrak, badan terisining basal membranalarida to'planib borib, ularning shikastlanishi-ga va yallig'lanish boshlanishiga sabab bo'ladi. Membranaga avval DNK birikadi, immun kompleks (DNK — antiDNK) esa in situ hosil bo'ladi deb taxmin qili-nadi. Sistema qizil volchankasi uchun qondagi komplement, xususan uning C3 qismi miqdorining kamayib ketishi xarakterlidir. Gipokomplementemiya, tomir koptokchalari basal membranalarida donador komplement depozitlari paydo bo'lishi sistema qizil volchankasi genezida immun komplekslarning ahamiyati borligini ko'rsatadi.



62-rasm. Lyupus sistema qizil volchankasi, ya'ni qizil yugirik bilan og'rigan kasallar qonidagi eritematoz hujayralar.

Shu bilan bir vaqtدا eritrotsitlar, oq qon tanachalari va trombotsitlarga qarshi autoantitelolar o'z ta'sirini II tipdagi o'ta sezuvchanlik reaksiyasini yordamida yuzaga chiqaradi. Autoantitelolar ana shu hujayralar bilan birikib, ularga sitotoksik va sitolitik ta'sir o'tkazadi. Bunda ular yo komplementning hamma tarkibiy qismlarini faollahtirib, yoki neytrofillarni (bu neytrofillar ayni vaqtda hujayrani zararlovchi omillar ishlab chiqaradi) jarayonga kiritib, o'z ta'sirini yuzaga chiqradi.

Zararlangan hujaya yadrolari, ularga qay tariqa shikast yetganligidan qat'i nazar, yadrolarga qarshi autoantitelolar bilan reaksiyaga kirishadi, buning natijasida yadrolar denaturatsiyaga uchrab, keyinchalik komplementga mahkam-

lanib qoladi. Antitelolar bilan o'ralib olgan ana shunday yadrolar fagotsitlovchi hujayralar uchun kuchli xemotaksis omili bo'lib qoladi. Natijada gematoksilinli tanachalar yoki E hujayralar (qizil volchanka hujayralari) paydo bo'ladi. Mana shu hujayralar fagotsitlovchi leykosit (neytrofil yoki makrofag) bo'lib, sitoplazmasi nobud bo'lgan leykositning fagotsitlangan yadrosiga butunlay to'lib turadi (62-rasm). Demak, sistema qizil volchankasida neytrofil leykositlarning o'z-o'ziga fagotsitlanish jarayoni ro'y berib turadi.

**Patologik anatomiyasi.** Sistema qizil volchankasining patologik anatomiyasi juda har xil, chunki immun komplekslar turli to'qimalarda yuzaga kelib, jarayonning tarqalib borishiga sabab bo'ladi. Lekin organlar ham har xil darajada zararlanadi. Chunonchi, bu kasallikda badan terisi, buyraklar, bo'g'imlar ko'proq zararlansa, periferik nerv sistemasi kamroq zararlanadi. Shu bilan birga *mikrosirkulator o'zan tomirlari eng asosiy nishon bo'lib hisoblanadi*. Deyarli barcha to'qima va organlarda nekrozga olib boruvchi o'tkir vaskulit manzarasi ko'zga tashlanadi. Mayda arteriyalar va arteriolalarning devorida fibrinoid depozitlari topiladi, bularning tarkibida immunoglobulinlar, DNK, komplementning uchinchi tarkibiy qismi (C3) va fibrinogen bo'ladi. Fibrinoid nekroz keyinchalik tomirlar devorida fibroz paydo bo'lib, tomir devorining qalinlashib ketishi va shu tufayli tomirlar devorining torayib qolishi bilan tugallanadi. Tomirlar atrofida o'rtacha limfold infiltratsiyava sezilarli shish borligi ko'zga tashlanadi. Zararlangan organlarning interstitsiyasida tomirlar zararlanishi munosabati bilan har joy har joyga fibrinoid to'planib qolganini va nekroz fokuslari paydo bo'lganini ko'rish mumkin (ishemik nekrozlar).

*Badan terisining zararlanishi* sistema qizil volchankasining eng xarakterli alomatidir. Odamning yuz terisida simmetrik ravishda joy olgan qizil dog'lar, salgina po'st tashlab turgan va ingichka bo'yin bilan bir-biriga tutashgan «kapalaknusxa» joylar paydo bo'ladi. Mikroskop bilan tekshirnb ko'rilganida epidermis bazal qatlaming vakuol distrofiyaga uchragani, derma shishib, kollagen tolalar bo'kkani hamda irib ketgani, derma tomirlari devorida nekrozlovchi o'tkir vaskulit boshlanib, fibrinoid depozitlari paydo bo'lgani ko'zga tashlanadi. Teridagi dog'lar, toshmalar ko'rinishidagi shu xildagi o'zgarishlar ba'zi hollarda bo'yin, ko'krak qafasi, orqa, qorin sohasida ham kuzatilishi mumkin.

Immunoglobulin va komplement depozitlari terining faqat zararlangan joylarining o'zidagina emas, balki zararlanmagan joylarida ham topiladiki, bu—shu kasallikka juda ham xos bo'lgan alomatdir. 30 foiz hollarda *diskoid qizil volchanka* paydo bo'ladi, buning uchun teri yuzidan ko'tarilib turadigan eritematoz toshma bo'lishi, giperkeratoz yuzaga kelishi. ter va yog' bezlari atrofiyaga uchrab, o'sha joylardagi soch va junlar to'kilib ketishi xarakterlidir. Bu o'zgarishlar badan terisining har qanday joyida paydo bo'lishi mumkin. Shu bilan birga sistema doirasida ichki organlarning zararlanish hodisasi bo'lmasligi ham mumkin.

*Sistema qizil volchankasida seroz pardalar ham zararlanib, perikardit va plevrit boshlanadi.* Kasallikning o'tkir bosqichlaridagi serozitlar seroz va fibrinoz ekssudat paydo bo'lishi bilan ta'riflanadi, kasallik surunkali tarzda o'tganida fibrinoz o'zgarishlar ustun turadi. O'tkir serozitlar mahalida mikroskop bilan tekshirib ko'rilsa, shish borligi, perivaskular infiltratsiya bilan o'tayotgan o'choqli vaskulitlar boshlangani, o'choqli fibrinoid nekrozlar paydo bo'lgani, bularda LE-hujayralar borligi topiladi. Bunday o'zgarishlar seroz pardalarda makroskopik jihatdan aytarli o'zgarishlar bo'limgan paytlarda ham topilaveradi.



63-rasm. Libman-Saks endokarditi. Sistema qizil volchankasida mitral qopqoqning zaranlishi.

*Yurakning zaranlanishi* Libman – Saks bakterial endokarditi paydo bo'lishi bilan ta'riflanadi (63-rasm). Bunda yurak qopqoqlarining tavaqalari va hordalari yoki devor endokardi zararlanadi, bu — mitral qopqoq yetishmovchiligidiga olib borishi mumkin. Endokardda yakka-yakka yoki bir talay bo'ladigan noto'gri shaklli, so'gallli depozitlar topiladi. Ularning kattaligi 1 mm dan 3 mm gacha boradi. Bularning eng muhim xususiyati shuki, ular yurak qopqoqlari tavaqaclarining bir yuzasidan joy oladi. Mikroskopik jihatdan olganda ular atrofida yallig'lanish reaksiysi boshlangan fibrinoid depozitlaridir. Birmuncha kechki davrda bu tuzilmalar kollagenlanadi. Fibrinoid tarkibida plazma oqsillari, jumladan immunoglobulinlar bo'ladi. Diffuz tarqalgan o'choqli vaskulitlar, fibrinoid depozitlari, nuklear infiltratsiyani miokard stromasida ham ko'rish mumkin (volchanka karditi). Kardiomiotsitlarda yog' distrofiyasi boshlanadi.

*Buyraklarning zaranlanishi* (*lyupusnefrit*) sistemaqizil volchankasining eng xarakterli alomatlari dandir, chunki sistema qizil volchankasi bilan og'rigan kasallar o'limining bosh sababi buyrak yetishmovchiligidir.

Buyrakda paydo bo'ladigan morfologik o'zgarishlarning darajasi va tabiatini lyupus nefritning 5 xilini tafovut qilishga imkon beradi:

I xili, bunda optik, elektron mikroskopda immunoflyuoressensiya yo'li bilan tekshirilganda buyrakda morfologik o'zgarishlar topilmaydi; kasallikning bu xili juda ham kamdan-kam uchraydi.

II xili mezangial lyupusnefrit;

III xili o'choqli glomerulonefrit;

IV xili diffuz proliferativ glomerulonefrit;

V xili membranoz glomerulonefrit.

*Mezangial lyupus nefrit* o'rtacha darajada ifodalangan (linik simptomlar bilan ta'riflanadi). 10 foiz hollarda uchraydi va mezangial hujayralar proliferatsiyasiga aloqador bo'ladi. Mezangiyda doimo G immunoglobulin va komplementning uchinchi xili (C3) depozitlari topiladi. Depozitlarning to'planib turishi mezangial lyupusnefrit (volchanka nefriti) ning ilk bosqichi uchun xarakterlidir, chunki filtrlanadigan immunokomplekslar tez orada mezangiyga o'tirib qoladi.

*O'choqli glomerulonefrit* buyrak koptokchalarining qisman (50 foizgacha) zararlanishi bilan ta'riflanadi, bunda byrak koptokchalar bo'rtib, endotelial va mezangial hujayralar proliferatsiyaga uchraydi, kapillarlarda o'choqli nekrozlar, neytrofil infiltratsiyalari ko'zga tashlanash. Ba'zi joylarda fibrinoid depozitlar va intrakapillar tromblar topiladi. O'choqli glomerulonefrit klinik jihatidan olganda mikrogematuriya va proteinuriya ko'rinishida namoyon bo'ladi.

*Diffuz proliferativ glomerulonefrit* volchanka nefritining hammadan ko'ra ko'proq uchraydigan xili bo'lib, 40—50 foizda qayd etiladi. Morfologik o'zgarishlar endotelial mezangial hujayralarning proliferatsiyaga uchrab, bazal membrana qalin tortishidan iborat bo'ladi. Ba'zan Shumlyanskiy — Boumen kapsulasi epitelial hujayralari proliferatsiyaga uchrab, xarakterli yarimoy hosil bo'lganini va keyinchalik koptokchalarda skleroz boshlanganini kuzatsa bo'ladi. Buyraklarning simmetrik ravishda zararlanib, barcha koptokchalarning patologik jarayonga qo'shilib ketishi xarakterlidir.


*Membranoz glomerulonefrit* kapillarlar bazal membranasi qalin tortib, shu xil tomirlar endoteliysining ko'chib tushishi bilan ta'riflanadi. Yalang'ochlanib qolgan bazal membranalarga plazma oqsillari o'tib singiydi, bu narsa "sim qovuzloqlari" fenomeni degan hodisa boshlanishiga olib keladi. Bazal membranalarda immun komplekslar depozitlari to'planib boradi. Membranoz glomerulonefritda o'choqli nekrozlar, neytrofil infiltratsiyasi, mezangial hujayralar proliferatsiyasi singari o'zgarishlar bo'lmaydi. Bu xildagi nefrit 10 foiz hollarda uchraydi va o'zining klinikasi va morfologiyasi jihatidan olganda idiopatik membranoz glomerulopatiyaga juda oxshab ketadi.

Lyupus nefritning hozirgina tasvirlab o'tilgan barcha shakllari patogenezida tomirlar koptokchalarida DNK — antiDNK kompleksi (ya'ni antigen — antitelo kompleksi) ning to'planib borishi ahamiyatga egadir. Immun depozitlar endoteliy va epiteliy ostidagi mezangiyalarda topiladi. Diffuz proliferativ glomerulonefritda immun komplekslarning subendotelial ravishda joylashgan bolishi o'tkir davriga kirgan sistema qizil volchankasi uchun hammadan ko'ra xarakterlidir. Endotelial hujayralar proliferatsiyalanib, bazal membranalar alteratsiyaga uchrashi natijasida kapillarlarning yo'li torayib, ba'zan butunlay bitib ham ketadi (obliteratsiya). Bu o'zgarishlar buyrak kanalchalarining ishemiya tu-

fayli zararlanishiga va interstisial fibroz boshlanishiga olib keladi. Patologik jara-yonga qo'shilib ketgan buyrakning katta-kichikligi odatdagicha bo'lib qolaverishi mumkin. Keyinchalik u kattalashib, rangi oqara boshlaydi va po'stloq qatlamida bir talay mayda-mayda qon talashlar paydo bo'ladi. Borib-borib buyrakda uning ikkilamchi tartibda burishib qolishiga olib keladigan sklerotik jarayonlar boshlanadi. Sistema qizil volchankasida kanalchalar va interstisiy ham zararlanadi. Kanalchalar orasida immun komplekslar paydo bo'lishi diffuz interstisial fibroz boshlanishiga olib keladi.

*Bo'g'imlar* ham jarayonga qo'shilib, shish paydo bo'ladi va sinovial pardalarda nospetsifik mononuklear hujayra infiltratsiyasi boshlanadi. Subepitelial biriktiruvchi to'qimada fibrinoid nekroz o'choqlari paydo bo'ladi. Mikroskop bilan tekshirib ko'riganida sinovial pardalarning giperemiyaga uchrab, qalin tortib qolgani ko'zga tashlanadi. Biroq, sinovial pardalar va bo'g'im tog'aylorida destruksiya hodisasi kuzatilmaydi, bo'g' imlar shaklining o'zgarmay turishi, ya'nideformatsiya hodisasi bo'lmasligi shunga bog'liq.

*Taloq* odatdagagi kattalikda yoki sal kattalashgan, kapsulasi qalinishgan, follikulalari giperplaziyaga uchragan bo'lishi mumkin. Pulpasida tarkibida G va M immunoglobulinlar bo'ladigan bir talay plazmatik hujayralar topiladi. Taloq markaziy arteriyalarining atrofida kenglik ko'rinishida o'sib chiqqan xalqasimon qat-qat fibroz to'qima ko'zga tashlanadi, «so'g'onchasimon» skleroz deb shunga aytildi (64-rasm).



64-rasm. Sistema qizil volchankasida ta-loqdagi so'g'onchalarining periarterial sklerozi.

*Limfa tugunlari* folliculularining germinativ markazida boshlangan nospet-sifik o'zgarishlar hisobiga kattalashib ketadi. Perifollikular zonada plazmatik hujayralar ko'zga tashlanadi.

*Boshqa organ va to'qimallarda* mayda tomirlarida boshlangan o'tkir vaskulitlar, mononuklear infiltratsiya o'choqlari va fibrinoid depozitlari topiladi. Bosh va orqa miyada boshlangan nekrozlovchi o'tkir vaskulit yo mikroinfiltratlarga, yoki mikrogemorragiyalarga olib keladi.

**Klinik ko'rinishlari.** Sistema qizil volchankasi ko'pincha 20—30 yashar qiz-juvonlarda boshlanadi, aksari bu kasallikka o'smir yoshdag'i qizlar duchor bo'ladi. Isitma chiqib, bog'ilmalarning shakli o'zgarmagan holda ogrib turishi, ko'krak qafasida og'riq paydo bo'lishi (plevrit hisobiga), quyosh nuriga ortiqcha sezuvchan bo'lib qolish (otosensibilizatsiya), yuz terisida eritematoz toshmalar paydo bo'lishi («kapalaknusxa» naksh), qo'l-oyoqlar va shilliq pardalarda ham shunday toshmalar uchrashi xarakterlidir. Sistema qizil volchankasida 100 foiz hollarda va boshqa autoimmun kasalliklarda birmuncha kamroq darajada anti-yadro antitelolar topiladi. DNK — anti-DNK kompleksining titri sistema qizil volchankasining diagnostik belgisi bo'lib hisoblanadi va buyraklarning zararlanish darajasiga mos keladi. Lyupusnefrit uchun eng xarakterli bo'lgan klinik belgilari: gematuriya, proteinuriya, ba'zi hollarda esa klassik nefrotik sindromdir. Membranoz va diffuz proliferativ glomerulonefritda azotemiya bilan birga davom etib boradigan buyrak yetishmovchiligi kuzatiladi. Nerv sistemasining zararlanishi meningoensefalit, meningoensefalomieliitlar ko'rinishida ma'lum beradi, bular poliradikulonevrit bilan birga o'tadi. Psixozlar bo'lishi ham tasvirlangan. Ba'zan me'da-ichak yo'lining zararlanishiga xos alomatlar: qayt qilish, darmon qurishi, ishtaha yo'qolishi singari hodisalar kuzatiladi. Kasallikning oqibati nima bilan tugashini aytib bo'lmaydi. Bir qancha hollarda kasallik birdan boshlanadi va tez zo'rayib borib, bir necha oydan keyinoq o'limga olib keladi. Lekin aksari kasallik zimdan boshlanib, surunkasiga davom etib borishi va vaqt-vaqtida qo'zib, vaqt-vaqtida qaytib turishi bilan ta'riflanadi. Sistema qizil volchanasining asoratlari xilma-xildir. Eng ko'p uchraydigan asorati ikkilamchi infeksiya (kokklarga, sil mikobakteriyasi, zamburug'lar, viruslarga aloqador infeksiya). Infeksiya qo'shilishi tabiiy immunitetning susayib ketganiga yoki uzoq muddat immunosuppressorlar va osteoporoz, me'da-ichak yo'lining areaktiv yaralari, Isenko — Kushing sindromi sepsis, miliar silga olib boruvchi kortikosteroidlar ishlatilganiga bog'liq bo'ladi.

*O'limga olib boradigan asosiy sabablar:* buyrak yetishmovchiligi, pneumoniya, sepsis, yurak va bosh miyada infarktlar paydo bo'lishiga olib boradigan vaskulitlardir.

## REVMATOID ARTRIT

*Revmatoid artrit — sistema doirasidagi surunkali yallig'lanish kasalligi bo'lib, asosan bo'g'imirning zararlanishi bilan o'tadi. Kasallik yiringsiz proliferativ sinoviit boshlanishi bilan xarakterlanadi, bu sinoviit axir borib bo'g'im tog'ayi yemirilib ketishiga va bo'g'im shaklining tobora ko'proq o'zgarib borishiga olib keladi. Revmatoid artrit yosh ayollarda ko'proq uchraydi, lekin bu kasallik har qanday yosh-dagi odamlarda ham boshlanishi mumkin.*

**Etiologiyasi va patogenezi.** Revmatoid artritning patogenezida autoimmun reaksiyaning ahamiyati borligini hamma etirof qiladi. Biroq, autoimmun o'zgarishlarni keltirib chiqaradigan o'zgarishlar noma'lum. Bu kasallikning paydo bo'lishida uchta asosiy omil — infeksiya, immun sistemada yuz beradigan o'zgarishlar, irlsiy moyillik ma'lum; ahamiyatga ega deb taxmin qilinadi.

Kasallikka sabab bo'la oladigan infektion omil tariqasida turli mikroorganizmlar (streptokokklar, klostridiylar va boshqalar) tilga olinadi. Hujayraning genetik apparatiga ta'sir o'tkazib, bir qancha oqsillar sintezini izdan chiqaradigan, jumladan yuza retseptorlarni shikastlab, shuning natijasida immunologik tolerantlikni yo'qotib yuboradigan viruslar alohida diqqatga sazovordir. Virus infeksiyasi immun javobni idora etib boradigan mexanizmlarga bevosita ta'sir o'tkazishi mumkin deb ham taxmin qilinadi.

Revmatoid artrit patogenezida *ham gumoral, ham hujayraga aloqador immun javobning o'zgarishi ahamiyatga ega*. Kasallarning qon zardobida immunoglobulinlar miqdori ko'payib qoladi, autologik Ig G ning Fs qismiga qarshi revmatoid omil deb atalmish antitelolar paydo bo'ladi. Revmatoid omil (PF) faoliigi barcha sindagi immunoglobulinlarga, ayniqsa immunoglobulin G va immunoglobulin M ga bog'liq deb hisoblanadi. Immun komplekslar hosil bo'lishi, III toifadagi o'ta sezuvchanlik reaksiyasi (Artyus fenomeni), shuningdek sekinlik bilan boshlanigan o'ta sezuvchanlik reaksiyasi boshlanishining ham ahamiyati bor.

Revmatoid artritning avj olib borish mexanizmi hozir mana bunday deb hisoblanadi. Gipotetik omil sinovial pardani shikastlantiradi, buning natijasida immun reaksiya boshlanib, agregatsiyalangan immunoglobulinlar paydo bo'ladi. Ayni vaqtida immunoglobulin M faqat qon zardobida topiladi, immunoglobulin G esa bo'g'im suyuqligida ham topiladi. O'zgarib qolgan mana shu immunoglobulin G ham antigen, ham antitelo tariqasida ta'sir qiladi. Buning natijasida autoantitelolar paydo bo'lib, immun komplekslar yuzaga keladi, komplement to'planib boradi va III toifadagi o'ta sezuvchanlik reaksiyasi (Artyus fenomeni) boshlanadi. Neytrophilar, sinovial hujayralar va makrofaglar tomonidan ana shu komplekslarning fagotsitlanishi jarayonida lizosoma fermentlari, jumladan neytral proteazalar va kollagenazalar ajralib chiqadi. Bu fermentlar sinovial parda va bo'g'im tog'aylarini bir xil darajada zararlaydi. Revmatoid artrit bilan og'rigan bemorlar bo'g'imirning bo'shlig'ida doimo immunoglobulin G — antiglobulin G topiladi. G immunoglobulin bilan bog'langan revmatoid omil sinovial pardani


infiltrlaydigan plazmatik hujayralar yordamida in situ sharoitda yuzaga kelishi mumkin.

Sinovial pardani infiltrlaydigan hujayralar (B-hujayralar, plazmatik hujayralar, T-hujayralar) orasida CD4+ T-hujayralar ko'pchilikni tashkil etishi topilgan. Sensibillangan T hujayralar limfokinlarni ishlab chiqaradi, bular o'z navbatida makrofaglarni faol holatga keltiradi. Makrofaglar bir qancha omillarni, jumladan bo'g'imlarning destruksiyaga uchrashida muhim o'rın tutadigan kollagenaza, interleykin-1 singari moddalarni ishlab chiqaradi. Interleykin-1 xondrositlar, sinovial hujayralar va fibroblastlarga ta'sir qilib, bulardan prostaglandinlar va kollagenazalar ajralib chiqishiga sabab bo'ladi. Demak, sensibillangan T-hujayralar bo'g'imlarining destruksiyaga qatnashadigan qator reaktsiyalar boshlanib ketishiga olib keladi.

Revmatoid artritda shu kasallikka *rsiy moyillik bo'lishi* allaqachon aniqlangan. Kasallarning o'g'il-qızlari va nabiralari orasida bu dardning nisbatan ko'proq uchrashi, dizigot egizaklardan ko'ra ko'proq monozigot egizaklarning bir yo'la kasallanishi singari hammaga ma'lum faktlar ana shunday moyillik to'g'risida fikr yuritishga asos bo'ladi. Revmatoid artritning avj olib borishi HLA—DP4 ga bog'liq deb hisoblanadi.

**Patologik anatomiysi.** Revmatoid artrit sistema doirasidagi kasallik bo'lib, unda talaygina organ va to'qimalar patologik jarayonga tortilib ketadi. Biroq, *ushbu autoimmun kasallikning xarakterli xususiyati asosan bo'g'imlarni shikastlantirishi, shikastlantirganida ham simmetrik ravishda shikastlantirishidir*. Qo'l va oyoq panjalaringning bo'g'imlari, bilaguzuk, tizza, chakka-pastki jag', to'sh-o'mrov bo'g'imlari, eshituv suyakchalarining bo'g'imlari, hiqildoq togaylari, umurtqa bo'g'imlari, umurtqa pog'onasi bo'yin bo'limi bo'g'imlari ko'proq zararlanadi.

Jarayon sinovial pardaning nospetsifik yallig'lanishi (sinovit) tariqasida boshlanadi, bu xildagi yallig'lanish sinoviositlar va pastroqda joylashgan biriktiruvchi to'qimaning bo'rtib, gipertrofiyaga uchrashi bilan ta'riflanadi. Kasallik zo'rayib borib, surunkali shakliga aylanib ketganida: 1) sinovial parda hujayraları proliferatsiyaga uchrab, polisad tuzilmalar hosil bo'ladi; 2) sinovial pardaning gipertrofiyasi va tuksimon o'sishi boshlanadi; 3) to'qima plazmatik hujayralar, limfotsitlar bilan infiltrlanib, perivaskularyangiliklar va limfold follikular paydo bo'ladi; 4) ma'lum joylarga fibrinoid o'tirib qoladi; 5) o'choqli nekrozlar paydo bo'ladi (65-rasm).



65-rasm. Revmatoid artritda uchraydigan surunkali sinovit.

Sinovial parda tuksimon o'sib borib, bo'gim tog'ayining yuzasini pannus (yopqich) ko'rinishida qoplab boradi, bu narsa chaqalangan joylar (eroziyalar) va tog'ayda yoriqlar paydo bo'lishiga olib keladi. Subartikulyar suyak ham destruktivaga uchrashi mumkin. Pirovard natijada, pannus bo'g'im bo'shlig'ini butunlay to'ldiradi-da, keyin fibroz paydo bo'lib, kalsifikatsiya boshlanadi. Bo'g'im bo'shlig'inining bitishmalar bilan batamom bitib ketishi fibroz ankiloz boshlanishiha olib keladi. Osteoid to'qima proliferatsiyasi osteositlar (suyak o'siqlari) va suyak ankilozlari paydo bo'lishi bilan birga davom etib boradi.

Kasallikning ilk bosqichida bo'g'im bo'shliqlaridagi sinovial suyuqlik hajmi ko'payib, bu suyuqlikda talaygina neytrofillar, immun komplekslar bo'lganidan u loyqa tusga kirib qoladi. Eroziyalangan va tomirlardan mahrum bo'lgan tog'ay kalsifikatsiya va fragmentasiyaga uchrab, bo'g'im bo'shlig'ida yot tanalar paydo bo'ladi. Bo'g'im atrofida boshlangan yallig'lanish o'sha joyda miozit paydo bo'lishiga, keyinchalik muskullar atrofiyaga uchrashiga olib kelishi mumkin. Miozitda muskul to'qimasi epiteloid hujayralar aralash limfotsitlar, plazmotsitlar bilan infiltratlanadi.

Bo'g'im atrofidagi biriktiruvchi to'qimada teri osti revmatoid tugunchalari paydo bo'ladi, bular ko'pincha bilakning yozuvchi muskullari bo'ylab joy oladi. Ular diametri 2 sm gacha boradigan dumaloq yoki tuxumsimon shakldagi qattiqqina tugunchalardir. Bunday tugunchalar goho Axill payida, katta boldir suyagi bo'ylab ham paydo bo'ladi. Mikroskop ostida tekshirib ko'riganida ular makrofaglar va biriktiruvchi to'qima hujayralari bilan o'ralgan kichikroq fibrinoid nekroz qismlaridan iborat bo'lib chiqadi. Nekroz bor joyda ba'zan fibrinoid depozitlari topiladi. Nekroz yaqinida yuzaga keladigan polisadsimon tuzilmalar atrofida limfotsit va plazmatik hujayralardan tashkil topgan infiltratlar topiladi.

Revmatoid tugunchalar ichki organlarda, jumladan ópka, taloq, perikard va yurak qopqoqlarida ham paydo bo'lishi mumkin. Sistema doyrasidagi kasallik bo'l mish revmatoid artritda boshqa organ va to'qimalar ham jarayonga tortilib ketishi mumkin. Hammadan ko'ra ko'proq buyraklar zararlanib, ularda amiloidoz, glomerulonefrit va pielonefrit boshlanadi. Arteriyalarning nekrozlovchi o'tkir vaskulit ko'rinishida zararlanishi, seroz pardalar shikastlanishi (fibrinoz plevrit, keyinchalik fibrinoz bitishmalar paydo bo'lishiga olib boradigan perikardit) xarakterlidir. O'pkada diffuz interstisial fibroz manzarasi ko'zga tashlanadi. Bir qancha hollarda uveit va keratokonyunktivit manzarasi kuzatiladi.

**Klinik manzarasi.** Revmatoid artrit bo'g'imlarning simmetrik ravishda zarlanshisi bilan ta'riflanadi, ayni vaqtida bu kasallik lanj bo'lib darmon qurishi, subfebril darajada harorat ko'tarilishi bilan davom etib boradi. Kasallikning bu alomatlari interleykin-1 ajralib chiqayotganligiga bog'liq deb hisoblanadi. Ba'zan harorat ancha ko'tarilib ketadi. Kasallik asta-sekin avj olib borishi tipik hodisa bo'lib hisoblanadi, bunda zimdan doimiy og'riqlar paydo bo'lib, bo'g'imlar bir qadar shishib chiqadi va qotib qolgandek bo'lib sezilib turadi. Bo'g'imlarning ana shu sezgi ertalablarini birmuncha kuchliroq bo'ladi.

Revmatoid artritda asosan mayda bo'g'imlar zararlanadi, ayniqsa kasallik endi boshlanib kelayotgan paytda shunday bo'ladi. Biroq, kasallik zo'rayib borishi bilan bo'g'imlarning deyarli hammasi, hattoki, chanoq-son bo'g'imi singari yirik bo'g'imlar ham jarayonga qo'shilib ketadi. Zararlangan bo'g'imlar shishin-qirab turadi. Paypaslab va bosib ko'riganida bezillaydi, bo'g' imlar sohasidagi teri qo'lga issiq undaydi. Bo'gimlarning harakatchanligi cheklanadi. Qo'llarning proksimal falangalari ortasidagi bo'g'imlar zararlanganida qo'l barmoqlari shaklan dukka o'xshab qoladi. Kasallikning shu bosqichida bemorlarda kamqonlik, ya'ni anemiya borligi topiladi.

Nekrozlovchi o'tkir vaskulitlar oyoqlarda surunkali yaradar, me'da-ichak yo'li shilliq pardasida eroziyalar paydo bo'lishiga, miya, yurak, ichak infarktlari boshlanishiga sabab bo'lishi mumkin.

Organlar sistema doirasida zararlanganida revmatoid artritni sistema doira-sidagi qizil volchanka, sklerodermiya, dermatomiozit va revmatizmdan ajratish kerak bo'ladi. Revmatoid artritni ajratib turadigan belgilari quyidagilardir: 1) rentgenologik yo'l bilan tekshirishda tomirlarda topiladigan xarakterli o'zgarishlar; 2) bo'gim bo'shliqlarida steril loyqa sinovial suyuqlik bo'lishi; 3) 85—90 foiz hollarda revmatoid omil topilishi.

*Revmatoid artritning oqibati bir xil emas.* Taxminan 10 yil ichida kasallik turg'un bir holga kelishi yoki hatto susayib qolishi ham mumkin. Biroq, kuchli hollarda kasallik vaqtı-vaqtı bilan qo'zib turadigan surunkali tusga kiradi, shuning natijasida bemor 10—15 yilichida nogiron bo'lib qoladi. Revmatoid artrit

amiloidoz boshlanishiga olib kelishi mumkin. 5—10 foiz hollarda kasallikning ana shunday asorati uchraydi. Revmatoid artrit bilan og'igan kasallarning olimiga buyrak yetishmovchiligi, pnevmoniya, sil, ateroskleroz sabab bo'lishi mumkin.

## SISTEMA SKLERODERMIYASI

*Sistema sklerodermiyasi (sistema doirasidygi skleroz) badan terisi va ichki organlarda tobora zo'r rayib boruvchi tarqoq, fibroz paydo bo'lishi bilan ta'riflanadigan kasallikdir.* Badan terisining zararlanishi sistema skleroder-miyasining garchi asosiy belgisi bo'lib, 95 foiz hollarda kuzatilsa ham ichki organlar — me'da-ichak yo'li, o'pka, bo'yrap, yurak hamda ko'ndalang-targ'il muskullarning zararlanishi hayot uchun xavfli bo'lib hisoblanadi. Bu kasallik bilan asosan 30—50 yashar ayollar og'riydi, lekin odamning har qanday yoshda, jumladan perinatal davrda ham shu kasallik bilan og'rib qolish ehtimoldan holi emas.

Klinik ko'rinishlariga qarab sistema sklerodermiyasining quyidagi shakllari tafovut qilinadi: 1) badan terisi bir tekis zararlanish bilan o'tadigan klassik shakldagi sklerodermiya, bunda jarayon tez zo'r rayib boradi va kasallikning ilk davridayoq ichki organlar zararlanadi; 2) badan terisi cheklangan tarzda, asosan barmoq va yuz terisi zararlanishi bilan o'tadigan CREST sindrom. Bunda ichki organlar jarayonga ancha kechki muddatlarda tortiladi. Kalsinoz, Reyno sindromi, qizilo'ngach zararlanishi, teleangiektaziya bilan o'tadigan sklerodaktiliya qoshilishi xarakterlidir. Bu kasallik yengil shaklda o'tadi.

**Etiologiyasi va patogenezi.** Bu kasallikning etiologiyasi ma'lum emas, lekin sistema sklerodermiyasini an'anaga muvofiq autoimmun kasalliklar guruhiга kiradi deb hisoblanadi. Kasallikning patogenezida quyidagilar muhim o'rinda turadi: kollagen sintezining buzilishi, mikrosirkulator o'zan tomirlari birinchi navbatda zararlanib, songra o'ziga xos sklerodermik angiopatiya (obliteratsiya-lovchi endarteriolit) boshlanishi.

Terida zo'r rayib boradigan fibroz boshlanishi asosan fibroblastlar tomonidan zo'r berib odatdag'i tuzilishda bo'ladigan kollagen sintezlanishiga bog'liq. Bunda kollagen degradatsiyasida ishtirot etuvchi kollagenazani fibroblastlar norma uchun xarakterli bo'lgan miqdorda ishlab chiqaraveradi, shunga ko'ra kollagen sintezi kuchaygandek, ortiqchadek bo'lib qoladi.

Biriktiruvchi to'qimaning ortiqcha miqdorda va sistema doirasida o'sib borishida immunologik omillar muayyan o'r'in tutadi deb taxmin qilinadi. Kasallik endi boshlanib kelayotgan ilk davrda yallig'lanish infiltrati hujayralari orasida kollagenga sensibillangan T-limfotsitlar topiladi. Kollagenga nisbatan sekinlik bilan yuzaga chiqib boradigan o'ta sezuvchanlik reaksiysi limfokinlar ajralib chiqishini boshlab bersa ajab emas, ma'lumki, bu limfokinlar fibroblastlarni o'ziga tortib, kollagen sintezi kuchayishiga yo'l ochadi.

Sistema sklerodermiyasi mahalida gumoral immunitet ham izdan chiqadi. Qon zardobida ko'pincha gipergammaglobulinemiya, antinuklear antitelolar va revmatoid omil topiladi. Yaqinda antinuklear antitelolarning ikki turi aniqlandi. Ularning Sd-70 (skleroderma-70) deb ataladigan bir turi sistema sklerodermiyasi tarqoq xilining 30—40 foiz hollarida topiladi, holbuki, antisentromer antitelolar (markaziy xromatinga ta'sir o'tkazuvchi antitelolar) CREST-sindromida 50—70 foiz hollarda aniqlanadi.

Sistema sklerodermiyasi obliteratedsiyalovchi endarteliolitga o'xshab ketadigan va talaygina vazospastik o'zgarishlarga olib boradigan o'ziga xos tarqoq bir tomir patologiyasi deb ham hisoblanadi.

Mikrosirkulator o'zanning zararlanishi tomirlar endoteliysining bemorlar qon zardobida bo'ladigan sitotoksic omili ta'sirida birlamchi tartibda zararlanishiha bog'liq deb hisoblanadi. Endoteliyning zararlanishi trombotsitlar adgeziyasini bilan agregatsiyasiga va periadventisial fibrozga yo'l ochuvchi trombotsitar omillar ajralib chiqishiga olib keladi. Tomirlar yo'l torayib qoladi, shu narsa turli organlarning ishemiya tufayli zararlanishiha sabab bo'ladi.

**Patologik anatomiysi.** Sistema sklerodermiyasida patologik jarayon turli organlarda avj oladi, lekin badan terisi, suyak-mushak sistemasi, meda-ichak yo'li, o'pka, buyrak, yurak ko'proq zararlanadi.

*Teridagi o'zgarishlar* barmoqlardan, qollarning distal bo'limlaridan boshlanadi. So'ngra jarayon qollarning yuqoriroq qismilariga, yelkalar, bo'yin va yuzga tarqalib boradi. Morfologik o'zgarishlarning uch bosqichi tafovut qilinadi: 1) qatiq shish bosqichi; 2) induratsiya bosqichi; 3 ) atrofiya bosqichi.

Kasallikning *birinchi bosqichida* terida shish, bo'ladi, unda asosiy modda miqdori ko'payib, tomirlar va teri unumlari atrofida yallig'lanish infiltratsiyasi paydo bo'ladi. *Ikkinci bosqichida* dermada skleroz boshlanib, tomirlar devorida skleroz va gialinoz paydo bo'ladi, kollagen dastalari yo'gonlashadi, gialinoz boshlanib, teri osti kletchatkasi ham jarayonga qo'shilib ketadi. *Uchinchi bosqichi* — teri atrofiyasi, kasallik boshidan bir necha yil o'tganidan keyin boshlanadi. Mikroskop bilan tekshirib koriganida teri va teri osti kletchatkasida gialinlashgan to'qima maydonchalarini va diffuz epidermis atrofiyasi, mikrosirkulator o'zan tomirlarining ancha puchchayib qolgani, teri unumlarining atrofiyaga uchragani ma'lum bo'ladi (66-rasm). Ana shu o'zgarishlar nekrozlar hamda trofik yaralar bilan birga davom etib boradi. Bundan tashqari, terida oqarib qolgan (vitiligo bo'lgan) va dog' tushib, qoraygan joylar paydo bo'ladi. Kishining yuzi niqobga o'xshab qoladi. Teri osti kletchatkasida o'choqli va tarqoq ravishda ohak to'planib qolgan joylar topiladi, CREST-sindromida bular ayniqsa sezilarli bo'ladi.



66-rasm. Sklerodermiya. Teri atrofiyasi, sezilarli derma sklerozi.

Sistema sklerodermiyasida terida ro'y beradigan o'zgarishlar ko'pincha bo'g'imlar, suyaklar va muskullarning zararlanishi bilan birga davom etib boradi. Nospetsifik ekssudativ sinovit boshlanib, sinovial pardalar fibrozlanishi, keyinchalik pastda yotgan suyak so'rilib ketishi (rezorbsiya) kuzatiladi. Barmoqlar ingichkalashib, uchi o'tkirlashadi va parranda panjalariga o'xshab qoladi. Teri fibrozi ularning harakatini cheklab qo'yadi. Barmoq uchlarining sklerotik atrofiyasi barmoqlar uchi falangalarining yo'qolib ketishi bilan tugallanishi mumkin. Qaytalanib turadigan yaralar, tomirlar bituviga aloqador surunkali ishemiya barmoqlarning o'z-o'zidan tushib ketishiga olib kelishi mumkin. Periartikulyar biriktiruvchi to'qima sklerozi bo'g'imlar harakatini cheklab qo'yadi. Biroq, bo'g'imlar destruksiysi kamdan-kam kuzatiladi. Keyinchalik fibroz boshlanishi ga olib boradigan o'choqli yallig'lanish infiltratlari skelet muskullarida ham paydo bo'lishi mumkin. Buning natijasida sistema sklerodermiyasi bilan og'igan kasallarda muskullar atrofiyasi boshlanadi.

Me'da-ichak yo'lida shilliqparda va silliq muskullar atrofiyasi, shilliq parda orasidagi asos va seroz parda sklerozi bilan gialinozi boshlanib, eroziyalar va yaralar paydo bo'ladi. Asosan qizilo'ngach, me'da, ingichka ichak zararlanadi, yo'g'on ichakning zararlanishi kamroq uchraydi. Jigarda periduktal, perivaskulyar skleroz kuzatiladi. Bo'lakchalar ichida fibroz boshlanishi kamroq kuzatiladi. Tomirlarning devori gialinlanib, gepatositlar yog' distrofiyasiga uchraydi.

O'pkada alveolalar to'siqlarida diffuz interstisial fibroz boshlanib, mayda tomirlarning devorlari tobora qalinlashib boradi. O'pkada biriktiruvchi to'qima osib ketishi natijasida kistalar paydo bo'lishi mumkin.

Buyraklarda tromboz, mikroinfarktlar, po'stloq moddasining nekrozlari topiladi, sklerodermik buyrak deb aytildi. Mayda arteriyalarda intima konsentrik

ravishda proliferasiyaga uchraydi, glikozaminglikanlar depozitlari topiladi, ichki zlastik membrana reduplikasiyasi va gialinoz kuzatiladi. Lekin bu o'zgarishlar gipertensiya darajasiga to'g'ri kelavermaydi. Bundan tashqari, buyraklarda arteriolalarning fibrinoid nekrozi, koptokchalarning o'choqli nekrozlari topiladi, basal membrana qalin tortib, mezangiya kattalashadi, buyrak kanalchalari əpiteliysi distrofiya va nekrozga uchraydi. Kasallarning yarmidan ko'prog'i buyrak yetishmovchiligi tufayli o'lib ketadi.

Yurakda asosan tomirlar atrofida interstisial fibroz, limfotsitlar bilan makrofaglardan tashkil topgan perivaskulyar infiltratlar topiladi. Mayda arteriyalar va arteriolalarning devori qalinishib qoladi. O'pkadagi pnevmoskleroz yurak o'ng qismining gipertrofiyaga uchrashiga olib keladi.

Klinik ko'rinishlari. Kasallikning sistema doirasida tobora zo' rayib boruvchi tabiatini aks ettiradi. Aksari bu kasallik Reyno kasalligiga xarakterli bo'lgan tomirlarga xos o'zgarishdan boshlandi. Terida o'zgarishlar ro'y berishidan avval odatda tomirlarda o'zgarishlar boshlanadi. Terining tobora ko'proq kollagenlanishi qollarning atrofiyaga uchrab, tomirlar harakatchanligining cheklanib qolishiga, keyinchalik esa kontrakturalar paydo bo'lib, muskul harakatlari izdan chiqishiga olib keladi. Sklet muskullaridagi sklerotik jarayonlar va ularning atrofiyaga uchrashi bu o'zgarishlarni yanada kuchaytiradi. Sistemaga doir sklerodermiya bilan og'igan barcha kasallarda tayanch-harakat apparati zararlanadi va bu kasallarning majruh bo'lib qolishiga olib keladigan sabablardan biri bo'lib hisoblanadi.

Kasallarning 80-90 foizida teri xarakterli tarzda zararlanadi, shu narsa ularning tashqi qiyofasini o'zgartirib qo'yadi. Kasallarning yuzi shaklan niqobga o'shab qoladi, qo'l panjalarida sklerodaktiliya hodisasi kuzatiladi. Dard zo'rayib borgan sayin badan terisi tobora ko'proq zararlanaveradi. Terida sklerotik jarayonlar bilan birqalikda ba'zi joylarda rangi o'chib oqarib qolgan, rangi to'qlashib, dog' tushgan yerlar paydo bo'ladi.

Med'a-ichak yo'lining zararlanishi qizilo'ngach peristaltikasi susayib, ovqat yaxshi o'tmay qolishi disfagiya) ko'rinishida namoyon bo'ladi. Ingichka ichak shilliq pardasitagidagi asos va muskul qavati atrofiyaga uchrab, fibrozlanishi tu-fayli oziq moddalarning so'rishi izdan chiqadi.

O'pkada diffuz pnevmoskleroz boshlanib, ba'zan kistalar paydo bo'ladi. Plevra fibrozi ko'zga tashlanadi, shu narsa pirovardida bronxoektazar, emfizema boshlanishiga olib keladi. Klinik jihatdan olganda bu o'zgarishlar doimiy yo'tal, nafas yetishmovchiliga xarakterli simptomlar ko'rinishida namoyon bo'ladi. O'pkaning zararlanishi yurak o'ng qismida yetishmovchilik boshlanishiga olib boradi.

*Buyraklar* odatda sistema sklerodermiyasi yarim o'tkir va surunkali tarzda otib boradigan mahalda jarayonga tortilib, keyin glomerulonefrit va nefrotik sindrom boshlanadi. Buyrak chinakam sklerodermik holiga tushganida tez ora-

da buyrak yetishmovchiligi: azotemiya, oliguriya, anuriya, arterial gipertenziya boshlanishi xarakterlidir, shu narsa bermorlarning o'limiga sabab bo'lishi mumkin. Nerv sistemasida neyrosirkulator distoniya, polinevrit manzarasi kuzatiladi.

CREST-sindromida bermorlarda beshta xarakterli belgi: *kalsinoz, Reyno sindromi, qizilo'ngach zararlanishi (disfagiya), sklerodaktilya va teleangiektaziya* kuzatiladi. Shuning uchun ham bu sindromning nomi unda uchraydigan shu simptomlar lotincha nomlarining birinchi harflaridan olingan.

**Kasallikning oqibati** uning qay tariqa o'tishiga, o'z vaqtida aniqlab olinib, tegishlicha davo qilingan-qilinmaganiga bog'liq. Kasallik surunkali tarzda o'tadigan mahallarda odatda bir qadar yaxshiroq bo'ladi, chunki jarayon sekinlik bilan avj olib boradi va badan terisi bilan sklerotik jarayonlar asta-sekin boshlanadi. Sistema sklerodermiyasi o'tkir tarzda o'tadigan mahallarda, ayniqsa chin sklerodermik buyrak holati boshlanadigan hollarda kasallikning oqibati yomon, chunki buyrak yetishmovchiligi tez kuchayib borib, o'limga olib kelishi mumkin.


## TUGUNCHALI PERIARTERIT

*Tugunchali periarteriit deb ataladigan bu kasallik asosan orta va kichik kabibrli arteriyalarning o'choqlar tarzida zararlanishi tufayli boshlanadigan kasallik bo'lib, bunda nekrozlovchi vaskulit avj olib boradi.* Arteriitning bu turi boshqa xildagi vaskulitlardan faqat shu bilan farq qiladiki, bunda o'pka tomirlari jara-yonga qo'shilib ketmaydi.

**Etiologiyasi va patogenezi.** Tugunchali periarteriit polietiologik kasallik bo'lib, uning asosida immunologik mexanizmlar yotadi deb taxmin qilinadi. Chunonchi, tomirlar devorida Artyus fenomeni uchun tipik bo'lgan fibrinoid nekroz topiladi. Bunday nekrozning paydo bo'lishi immun komplekslarga bog'liqidir. Nekrozlovchi vaskulitlar revmatoid artrit, sistema qizil volchankasi uchun ham xarakterli ekanligini aytib o'tish kerakki, bularning immun komplekslar tufayli paydo bo'lishi shak-shubha tug'dirmaydi. Zararlangan tomirlar devorida immunoglobulinlar va komplement topiladi.

Immun komplekslarning ahamiyati borligini ko'rsatadigan muhim dalillardan biri shuki, gepatit B bilan og'igan kasallarda qonda aylanib yuradigan HbsAg — anti-HbsAg bo'lgan mahallarda tugunchali periarteriit boshlanadi. Bunda zararlangan arteriyalar devorida Hbs antigen, immunoglobulinlar va komplement topiladi. Har uch holning bittasida B gepatit virusining poliarteriit boshlanishiga sabab bo'lishi hozir isbot etilgan. Boshqa hollarda tomirlarning immunologik yo'l bilan zararlanshiga sabab bo'ladigan antigenning tabiatи noma'lum. Tomirlarda darhol yuzaga chiqadigan o'ta sezuvchanlik boshlanishi sulfanilamidlar, penisillin singari dorilar ishlatalishiga ham bog'liq deb hisoblanadi. Bu dorilar, aftidan, gaptenlar sifatida immun komplekslarga antitelolar paydo bo'lishiga yo'l ochadi.

**Patologik anatomiysi.** Tugunchali periarteriitning asosiy patognomonik belgisi turli organlardagi o'rta va mayda kalibrli arteriyalarda o'choqli nekrozlar paydo bo'lishidir. Autopsiyalardan olingen ma'lumotlarga qaraganda, ko'proq buyrak (80%), yurak (70%), jigar (65%) va me'da-ichak yo'li (50%) zararlana-di. O'pka arteriyalari amalda jarayonga berilmaydi. Kasallikning o'tkir davrida tomirlar devorlari qalinlashib, perivaskular shish boshlanadi. Mikroskop bilan tekshirib ko'rilganida nekrozlovchi yallig'lanish jarayoni avval intimada topiladi, keyin esa tomir devorining barcha qatlamlariga, jumladan adventisiyga ham tar-qalib boradi (67-rasm). Nekrozlangan joyda shu davrda fibrinoid depozitlari, bir ta'laj eozinofillar topiladi, shuningdek elastik tolalar, xususan ichki elastik mem-brana tolalari destruksiyaga uchraydi. Arteriyalar yorilib, tromblar hosil bo'lishi mumkin. Mana shu o'zgarishdan keyin tomirlar devorlari fibroplastik tarzda qalinlashib, tugunchalar paydo bo'lishi bilan almashinadi, bunda tomirlar yo'li torayib, goho bitib ham ketadi, perivaskular fibroz paydo bo'ladi. Arteriyaning zararlangan joyida anevrizma paydo bo'lishi mumkin. Bitta kasalning o'zida arteriyalar devorida o'tkir jarayondan boshlab to fibrozgacha yetib boradigan har xil shikastlarni ko'rish mumkinligini aytib otish kerak.



67-rasm. Tugunchali periarteriit. Nekrozlovchi o'tkir vaskulit va sezilarli perivaskular yallig'lanish infiltratsiyasi.

Tomirlardagi hozir tasvirlab o'tilgan o'zgarishlar turli organlarning ishemiya tufayli zararlanishiga, infarktlarga olib boradi. Buyrakda, bundan tashqari glo-merulalarda o'choqli nekrozlar boshlanishi mumkin.

**Klinik ko'rinishlari.** Periarteriit autoimmun kasalliklar jumlasiga kiradi. Erkaklarda ko'proq uchraydi. Kasallikning klinikasi qaysi joydagi tomirlar zarar-langaniga bog'liq. Teri, teri ostidagi tugunchalar biopsiyasi diagnostik jihatdan muhim ma'lumotlarni beradi.

Tugunchali periarteriit birdan boshlanishi yoki asta-sekin, zimdan avj olib borishi mumkin. Kasallikning o'tkir davrida odam lanj bo'lib, darmoni quriydi, harorati ko'tariladi, bir qadar ozadi. Buyrak tomirlari zararlanganida kasallik simptomatikasi ayniqsa sezilarli bo'ladi, bemorni ko'pincha o'limga olib keladigan sabab ham aksari buyrak yetishmovchiligidir. Buyraklarda o'choqli nekroz paydo bo'lganida gematuriya, albuminuriya, gipertenziya boshlanadi, bel sohasi og'rib turadi. Me'da-ichak yo'li tomirlari zararlaniganida qorinda og'riq paydo bo'lib, ich suraveradi (diareya).

Kasallikning oqibati nima bo'lishini oldindai aytib bo'lmaydi. O'tkir jarayon ba'zan bir necha hafta yoki oy davom etadida, keyin takrorlanmaydi.

Biroq, ko'pchilik hollarda jarayon saqlanib turadigan tusga kiradi va necha-necha yillar davomida goh qaytib, goh qo'zib turadi, natijada hayot uchun muhim organlarga jiddiy zarar yetadi. Immunosupressiv davo usullari qo'llanilganida besh yil davomida tirk yuradigan kasallar soni 55 foizni tashkil etadi.

## VEGENER GRANULYOMATOZI

*Vegener granulyomatozi* (Vegener sindromi) kamdan-kam uchraydigan kasalliklar jumlasiga kiradi. Va quyidagilar xarakterlidir:

1) barcha organlar arteriyalari jarayonga berilib, nekrozga olib boradigan o'tkir o'choqli vaskulitlar boshlanishi. Biroq nafas yo'llari, buyrak va taloq tomirlari ko'proq zararlanadi;

2) nafas yo'lida, jumladan burun va og'iz bo'shlig'i, paranasal sinuslar, hiqildoq, traxeya, bronxlar o'pka parenximasida nekrozga olib boradigan o'tkir granulyomatoz jarayon boshlanishi;

3) nekrozga olib boradigan o'choqli yoki tarqoq proliferativ glomerulonefrit, davo qilinmaydigan bo'lsa, bu glomerulonefrit tez zo'rayib boradi. Tomirlarda o'choqli fibrinoid nekroz, polimorf hujayrali va eozinofilli tarqoq infiltrasiya topiladi. Poliarteriittagidin farq qilib, Vegener kasalligida faqat mayda arteriyalar-gina jarayonga tortiladi. Bundan tashqari, o'pka tomirlari kam zararlanadi. Nafas yo'llarida o'rtasi nekrozga uchragan o'choqlar paydo bo'ladi, bu o'choqlar atrofiga yallig'lanish ulkan hujayralar va fibroblastlar joylashadi. O'zining tuzilishiga ko'ra bu o'choqlar sil mahalida paydo bo'ladigan granulyomatoz yallig'lanishga o'xshab ketadi.

Vegener granulyomatozining etiologiyasi noma'lum.

**Patologik anatomiysi.** Vegener granulyomatozi boshlanganida yuqori nafas yo'llarida yiringli nekrotik, gangrenoz va fibroplastik jarayonlar ko'zga tashlanadi. Bunda granulyomatoz jarayon tarqalib bormay turadi. Jarayonga buyraklar ham qo'shilib ketgan mahallarda buyraklarda yangi va chandiqlanib kelayotgan ishemik infarktlar, infarktdan keyingi chandiqlar, nefritgaxos hodisalar va buyrak po'stlog'ining atrofiyasi hamda yuzasining donador bo'lib golgani topiladi. Mana shu o'zgarishlar buyrak yetishmovchiligiga olib boradi. Mikroskop bilan

tekshirib ko'rilganida glomerulalar atrofida polimorf hujayrali granulyomalar joylashgan bo'ladi.

Kasallik tarqalib, o'pka ham jarayonga qo'shilib ketganida yuqorida aytib o'tilgan endo, mezo, peri va panvaskulitdan tashqari, organlarda ishemik shikastlar topiladi. O'pkada katta-kichik nekroz o'choqlari, pnevmoniya fokuslari, iring kovak bo'lib qolgan bo'shliqlar, assesslar, gemorragik infarktlar, pnevmoskleoz boshlangan joylar ko'zga tashlanadi. Med'a-ichak yo'li shilliq pardasida qon quyilgan joylar (gemorragiyalar), o'choqliq nekrozlar, yaralar bo'ladi.

Klinik ko'rinishlari har xil bo'lib, jarayonning asosan qayerdan joy olganiga bog'liq. Burunning xavfli granulyomasi ko'proq uchradi, bu granulyoma odamni badbashara qilib yuboradigan va ko'pincha o'limga olib boradigan burun granulyompsi deb ham ataladi. Jarayon faollik bilan davom etayotgan davrda burundan yiringli va qon aralash yiringli suyuqlik kelib turadi. Ogiz bo'shlig'iда keyinchalik yara bo'lib ketadigan yashil rangli nekrotik karashlar ko'zga tashlanadi. Bu jarayon tezda burun-halqumga, burunning yumshoq to'qimalari va yuzning boshqa qismlariga o'tib ketadi. Tanglay, burun suyaklari, yuqori jag'ning alveolyar o'sintiasi ham jarayonga turtilib, yumshoq to'qimalar bilan birga nekroza uchraydi. Kasallikning oxirgi davrida odamning yuzi, halqumi, hiqildog'i sohasida katta-katta yaralar paydo bo'ladi. Ayni paytda og'riq arzimas darajada bo'ladi. Tomirlar iring yorilishi natijasida qon ketishi boshlanib, ba'zan o'limga ham olib borishi mumkin. Traxeya va bronxial daraxt zararlanganida yiringli suyuq balg'am tashlab yo'talish, isitma chiqishi, bo'g'im va muskullarning og'rib turishi, badaniga polimrf toshma toshishi, hansirash, sianoz boshlanishi xarakterlidir. Bular o'pka va plevradagi infiltrativ-nekrotik jarayonlar tufayli boshlanadi. Ba'zan tez zo'rayib boradigan pnevmoniya manzarasi kuzatiladi. Kasallik avjiga chiqqan mahalda limfoadenopatiya va gepatolienal sindrom qayd qilingan.

Kasallikning yomon oqibati, ayniqsa o'pka va buyrakning zararlanishi.

## IMMUNITET TANQISLIGI HOLATLARI

Bu kasallklalar immun sistemaning tug'ma yoki turmushda orttirilgan kamchiligiga aloqador bo'ladi, immun sistemadagi kamchilik tufayli organizm hujayra immuniteti yoki (gumoral)immunitet reaksiyalarini yuzaga chiqarish layoqatini yo'qotib qo'yadi. Avvallari immunitet tanqisligi holati T va B hujayralar, yohud shu limfotsitlarning ikkala xili ham yoqligidan kelib chiqadi deb hisoblanar edi.

Lekin hozir bu holatning immun javob mexanizmi izdan chiqishiga ham bog'liq bo'lishi aniqlangan.

Immunitet tanqisligi holatlari yoki kasalliklarining hammasi ikkita asosiy turga bo'linadi: asosan immun sistema biror bo'g'inining rivojlanishidagi irlsiy kamchilikka aloqador bo'lgan birlamchi immunitet tanqisligi kasalliklari va immun sistemani zararlantiryadigan har xil ekzogen patogen omillar ta'siri ostida boshlanadigan ikkilamchi immunitet tanqisligi kasalliklari.

## BIRLAMCHI IMMUNITET TANQISLIGI HOLATLARI

Immunitet tanqisligi holatlari juda turli-tuman bo'lishiga qaramay, ularning ba'zi xillarigina yetarlicha to'la o'rganilgan, biz ham shularni ko'rib chiqamiz.

### BRUTON KASALLIGI

Bruton kasalligi (agammaglobulnnemiya) — birlamchi immunitet tanqisligining hammadan ko'ra ko'proq uchraydigan shakli bo'lib, immunoglobulinlar sintezining juda kamayib ketishi yoki yuzaga chiqmay qolishi tufayli g'umoral immunitetning keskin susayib ketishi bilan ta'riflanadi. Tajriba sharoitida bursek-tomiya o'tkazish yo'li bilan shu xildagi immunitet tanqisligi holatini yuzaga keltirish mumkin. Immunitet yetishmasligining asosida B-hujayralar o'tmishdoshlari (pre-B-hujayralar) ning tabaqalanib, yetuk B-hujayralarga aylanish jarayonining buzilishi yotadi.

Bu kamchilik molekulalar darajasida olib ko'rildigan bo'lsa, immunoglobulinli genlarning to'g'ri (muntazam) javob berish va qayta tuzilishga qodirmasligiga bog'liqdir. Bu kasallik faqat o'gil bolalarda uchraydi, chunki X xromosomaga tutashgandir, lekin ahyon-ahyonda qiz bolalar o'rtasida ham uchrab qoladi. Kasallik bola hayoti birinchi yilining o'rtalaridan (6 oylik yoshidan), ya'ni onasidan o'tgan immunoglobulinlarning himoyalovchi tasiri yo'qolib ketadigan vaqt-dan boshlab avj olib boradi.

*Klinik jihatdan* olganda bu kasallik tabiatan bakteriyalarga bog'liq bo'lgan va qaytalanib turadigan infektion kasalliklardan tarkib topadi va faringitlar, sinusitlar, otitlar, bronxitlar, pnevmoniylar ko'rinishida o'tadi. Unga aksari streptokokklar va tillarang stafilokokk sabab bo'ladi. Agammaglobulinemiyaga uchragan bemorlarda virusli va zamburug'li infeksiyalar tabiatan tarqoq tusga kiradi. Bemorlar virusli hepatit B, enterovirus infeksiyasi va pnevmosista pnevmoniyasiga ham moyil bo'ladi. Bu narsa organizmning antitelolar hosil qilib, antigenlarga qarshi reaksiya ko'rsata olish layoqatini yo'qotib qo'yanligidan dalolat beradi.

Klassik Bruton kasalligi quyidagilar bilan ta'riflanadi: 1) qon oqimida B-hujayralarning butunlay bo'lmasligi yoki ular miqdorining kamayib ketgani; 2) qonda aylanib yuradigan barcha sinflardagi immunoglobulinlar miqdorining keskin kamayib ketgani (bunda ko'mikdag'i pre B-hujayralar soni odatdagicha saqlanib qoladi); 3) limfatik tugunlarning germinativ markazlari, to'da-to'da joylashgan limfa follikulalari, appendiks va tanglay bodomcha bezlari rivojlanmagan yoki rudiment tuzilishda bo'ladi; 4) plazmatik hujayralar organizmda mutlaqo bo'lmaydi; 5) T-hujayralar sistemasi va hujayra immuniteti reaksiyalarini to'la-to'kis saqlanib qoladi. Agammaglobulinemiyasi bor bolalarda ko'pincha revmatoid artrit, sistema qizil volchankasi, dermatomiozit singari autoimmun kasalliklar boshlanadi.

## DI JORJI SINDROMI

Bu sindrom paydo bo'lishi timus aplaziyasiga bog'liq, timus aplaziya holatida bo'lgani tufayli immun sistemaga u immupogenez markazi organi tariqasida umuman ta'sir o'tkazmay qo'yadi. Shuning natijasida aylanib turgan qonda T-hujayralar yo bo'lmaydi, yoki miqdori keskin kamayib ketgan boladi. Periferik immunogenez organlarining timusga bog'liq maydonlarida ham T-limfotsitlar tanqisligi kuzatiladi. Di Jorji sindromi mahalida timus aplaziyasi bilan birga paratiroid bezlar aplaziyasini ham uchraydiki, shu narsa tetaniya paydo bo'llishiga olib boradi. Bundan tashqari, 3-4 oy qulqoq ravoqlarida paydo bo'lib boradigan bir qancha organlarning rivojlanishi ham izdan chiqadi. Ayrisimon bezning epitelial qismlari, paratiroid bezlari, aorta ravog'ining bir qismi, qulqoq solinchog'i va boshqalar yaxshi rivojlanmay qoladi. Shu munosabat bilan Di Jorji sindromi bor bolalarda yuz, qulqoq, yurak, yirik tomirlarning rivojlanish nuqsonlari uchraydi. Gipoparatiroidizm va boshqa tug' ma rivojlanish nuqsonlari bo'lmastidan, faqat timus yetishmovchiligining o'zi bo'ladigan holat Nezelof sindromi deb ataladi. Yuqorida tasvirlab o'tilgan sindromlar mahalida gumoral immunitet reaktsiyalari to'la-to'kis saqlanib qoladi.

## KOMBINATSIYALANGAN OG'IR IMMUNITET TANQISLIGI

Kombinatsiyalangan og'ir immunitet tanqisligi (agammaglobulinemiyaning Shveytsariya xili) gumoral va hujayra immunitetining izdan chiqishi bilan tariflanadi. Sezilarli darajada limfopeniya qayd qilinadi, ayni vaqtida T va B-hujayralar kamayib ketgan boladi. Gohida kasallarda B-hujayralar soni odatdagicha miqdorda bo'lgani holda T-xelperlar yo'qolib ketadi. Bundan tashqari, qonda aylanib yurgan limfotsitlar soni odatdagicha bo'lgani holda ba'zan ularning yuzasida yetilmagan timik T-hujayralar markyorlari boladi. Lekin hamma hollarda ham timusning gipoplaziyaga uchragani yoki butunlay yo'qligi ma'lum boladi. Limfa tugunlari juda ham kichrayib ketadi, shu munosabat bilan ularni ko'z bilan ko'rib topish qiyinlashib qoladi. Ulardagi germinativ markazlar va parakorteks ko'zga tashlanmaydi. Tanglay bodomcha bezlari va appendiks limfoid to'qimasi ham gipoplaziyaga uchraydi. T-hujayralar yetishmovchiligi B-hujayralar yetishmovchiliga qaraganda birmuncha kuchliroq ifodalangan boladi. Kombinatsiyalangan og'ir immunitet tanqisligining autosomalresessiv xiliga uchragan bemorlarda adenozindezaminaza fermenti, shuningdek purinlar al-mashinuvida ishtirot etuvchi fermentlar plazmada bo'lmaydi. Shu narsa limfotsitlar, ayniqsa T-hujayralar uchun haddan tashqari zaharli bo'lgan adenozin va dioksi-ATF to'planib borishiga olib keladi.

Kombinatsiyalangan og'ir immunitet tanqisligi bilan tug'ilgan chaqaloqlar barcha turdagи viruslarga, zamburug'larga va bakterial infeksiyalarga juda sezgir boladi va umrining birinchi yilidayoq o'lib ketishi mumkin.

## SELEKTIV A IMMUNOGLOBULIN TANQISLIGI

Selektiv A immunoglobulin tanqisligi birlamchi immunitet tanqisligining hammadan ko'p uchraydigan xili bo'lib, uning asosida ham zardob, ham sekretor A immunoglobulin tanqisligi yotadi. Bu kasallik simptomsiz o'tishi yoki nafas yo'llari infeksiyasi, surunkali ichketar, bronxial astma singari atopik kasalliklar ko'rinishida namoyon bo'lishi mumkin. Bu xildagi bemorlarda ko'pincha autoimmun kasalliklar paydo bo'lib turadi. Selektiv A immunoglobulin tanqisligi patogenezida A immunoglobulin ishlab chiqaruvchi B-hujayralar tabaqalashuvi so'nggi bosqichining to'xtab qolishi ahamiyatga egadir. Bemorlarning 44 foizida A immunoglobulinga nisbatan antitelolar topiladi. A immunoglobulin miqdori normal donordan olingan qon shu immunoglobulin selektiv tanqisligi bor bemorga (resipientga) quylganida o'limga olib boradigan anafilaktik reaksiya boshlanishi mumkin.

## VISKOTT — OLDRICH SINDROMI

Viskott — Oldrich sindromi — gush (ekzema), trombotsitopeniya boshlanishi va qaytalanib turadigan bakterial infeksiyalar paydo bo'lishi bilan ta'riflanadi. Xromosomaga tutashgan irlsiy kasalliklar jumlasiga kiradi. Bu xildagi immunitet tanqisligida B-hujayralar soni normaga yaqin bo'ladi-yu, lekin tabiiy antitelolarning ishlanib chiqishi va polisaxarid antigenlari (I va II toifadagi pnevmokokk-larga xos antigenlar)ga javoban antigenlar hosil qilish susayib ketadi. Kasallar qonining zardobida M immunoglobulin konsentratsiyasi pasayib ketadi, E va A immunoglobulinlar miqdori esa bir qadar ko'payadi. Kasallik endi avj olib kelayotgan davrda qondagi limfotsitlar soni o'zgarmaydi (yani T-sistema zararlanmagan bo'ladi). Jarayon zo'ravib borgan sayin sezilarli limfopeniya boshlanib, periferik immunogenet organlarining timusga bog'liq maydonlarida T-limfotsitlar soni kamayadi, T-hujayralar immuniteti reaksiyalari susayadi. Shu munosabat bilan limfotsitlarning antigen va allogen hujayralarga ko'rsatadigan javobi boshqacha bo'lib qoladi.

Viskott - Oldrich sindromining *patogenezi* noma'lum. Tanqislik immun javobning dastlabki davrida, antigen paydo bo'lgan va uni tanib olinadigan paytda boshlanadi deb taxmin qilinadi. Bemorlarda badan terisi zararlanishi, qayta-qayta yallig'lanish jarayonlari bo'lib turishidan tashqari xavfli o'smalar ham paydo bo'lishi mumkin.

*Immun sistemaning tug'ma yetishmovchiligiga aloqador yuqoridaagi sindromlardan tashqari, boshqa geterogen kasalliklar guruhi ham bor. Bular tabiatan sporadik yoki oilaviy bo'lishi mumkin. Ularning umumiyligi belgisi qonda aylanib yuradigan barcha turdag'i immunoglobulinlar miqdorining kamayib ketishidir.*

Gipogammaglobulinemiyaga quyidagilar sabab bo'lishi mumkin: 1) T-xelperlar bo'lgan taqdirda ham B-hujayralarning plazmatik hujayralarga aylanma olmasligi; 2) B-hujayralarning plazmatik hujayralarga aylanishiga yordam beruvchi T-xelperlar bo'lmasisligi; 3) T-supressorlar ortiqchaligi; 4) plazmatik hujayralarning immunoglobulinlarni sintezlash layoqati yo'qolib ketishi.

Immunitet tanqisligi holati uchun infeksiyalar (bakterial, virusli, zamburug'li infeksiyalar) qo'shilishi va o'sma paydo bo'lishi xarakterlidir. Bu guruhdagi bemorlarda autoimmun kasalliklar ko'p uchrab turishi diqqatga sazovordir.

## IKKILAMCHI IMMUNITET TANQISLIGI HOLATLARI

Inson patologiyasida ikkilamchi immunitet tanqisligi holatlari birmuncha ko'proq uchraydi, chunki ular odam ovqatga yolchimay qolgan paytlarda, infeksiyalar, xavfli o'smalar paydo bo'lganida, buyrak kasalliklari, Xojkin kasalligi va sarkoidoz vaqtida boshlanadi. Bundan tashqari, allogen organ recipientlari, autoimmun kasalliklar (sistema qizil volchankasi, sklerodermiya va boshqalar) bilan og'rigan kasallarning immunodepressantlar va kortikosteroidlarni, shuningdek o'smaga qarshi preparatlarni uzoq muddatdan beri ishlatib yurgani ham ikkilamchi immunitet tanqisligi holatlari boshlanishiga yo'l ochadi.

Homiladorlik uncha tekis o'tmagan paytlarda, gestozlar, anemiyalar vaqtida, virusli infeksiyalar bilan og'rib o'tilgan mahallarda yangi tug'ilgan bolalarda ikkilamchi immunitet tanqisligi holatlari paydo bo'la olishi bizning tekshirishlarimizdan ma'lum bo'ldi. Yaqinda tasvirlab berilgan, HTLV— III retrovirus tufayli boshlanadigan ikkiamchi immunitet tanqisligi holati hammadan katta diqqatga sazovordir.

## TURMUSHDA ORTTIRILGAN IMMUNITET TANQISLIGI SINDROMI (TOITS)

1981-yil iyun oyida Qo'shma Shtatlardagi kasalliklar ustidan nazorat markazida yosh gomoseksualistlardagi chuqur imunitet tanqisligi holatida boshlangan beshta pnevmosista pnevmoniysi hollari ro'yxatga olindi. Bu narsa opportunistik infeksiyalar va o'smalar bilan birqalikda sezilarli immunosupressiv holat bilan o'tadigan kasallik epidemiyasi boshlanib kelayotganidan darak beruvchi birinchi alomat edi. Qilingan taxmin to'g'ri bo'lib chiqdi. XX asr «o'lati» deb nomi berilgan orttirilgan immunitet tanqisligi sindromi (OITS — SPID), hozir 100 dan ko'ra ko'proq mamlakatga tarqaldi, u kasallik yuqqan odamlar soni, Jahon Sog'lijni saqlash tashkilotining ma'lumotlariga qaraganda, 12 mln. dan ortiqroq kishini tashkil etadi. AQSH, G'arbiy Yevropa mamlakatlari, Afrikada kasallar hammadan ko'ra ko'proq topilgan. MDH mamlakatlari hududida OITS hollari birinchi marta 1990-yil boshlarida ro'yxatga olingan.

OITS — odam immun sistemasining g'oyat darajada susayib ketishi va miyaning shikastlanishi bilan ta'riflanadigan kasallik bo'lib, opportunistik infeksiyalar va o'smalar boshlanishi bilan birga davom etib boradi. Bu xildagi ikkilamchi immunitet tanqisligi paydo bo'lishiga sabab virusdir.

**Epidemiologiyasi.** Kasallikni yuqtiradigan manba OITS bilan og'rigan bemor va virusni tashib yuruvchi kishidir. Limfotsitlarda tashiladigan virusning eng ko'p konsentratsiyasi qon, sperma, orqa miya suyuqligida topiladi. Kamroq hollarda virusni bemorning ko'z yoshi, so'lagi, bachadon bo'yni va vaginasi sekretlarida topish mumkin.

Hozir virus o'tishining uchta yo'lli tasvirlangan: 1) jinsiy yo'l; 2) qon-tomirlardan qon quyilganida yoki infeksiya tekkan asboblar ishlatalganida virusning parenteral yo'l bilan o'tishi; 3) onadan qorindagi bolaga transplasentar yo'l bilan o'tishi. O'tkazilgan epidemiologik tekshirishlar natijalariga qarab shu kasallik bilan og'rish xavfi ko'proq bo'lgan kishilarning oltita guruhi ajratilgan.

*Birinchi*, eng katta guruhni gomoseksualistlar tashkil etadi.

*Ikkinci guruhg'a* giyohvand moddalarni venasiga yuboradigan giyohvandlar kiradi.

*Uchinchi guruh* VIII omil konsentratlarini ko'p miqdorda olib turadigan geometriklardan tashkil topadi.

*To'rtinchi guruhg'a* ko'p martalab qon oladigan, ya'ni gemotransfuziya usulidan foydalanadigan retsipyentlar kiradi. Beshinchi guruhni dastlabki uch guruhg'a mansub ota-onalardan dunyoga keladigan chaqaloqlar tashkil etadi.

*Oltinchi guruh* birinchi uch guruhg'a mansub kishilar bilan jinsiy aloqa qiladigan geteroseksualistlardan iborat.

**Etiologiyasi va patogenezi.** OITS qo'zg'atuvchisi retroviruslar oilasiga kirdigan, inson organizmida yashaydigan virusdir. U ruscha virus immunodefitsita cheloveka, ya'ni inson immuniteti tanqisligi degan so'zlarning bosh harflari bo'lib, qisqacha VICH deb nomlanadi.

OITS bilan og' rigan kasallardan VICHning VICH 1 va VICH 2 degan ikki xil shakli ajratib olingan. VICH quyidagi xususiyatlarga ega:

— T-limfotrop virusdir, CD4+ molekulasi VICH uchun retseptor bo'ladi va shu narsa virus tropizmining asosida yotadi deb taxmin qilinadi;

— T-xelperlarga sitolitik ta'sir ko'rsatadi, ya'ni immunitetni niroyatda susaytirib yuboradi;

— boshqa hujayralar, ayniqsa monotsitlarni ham zararlay oladi;

— neyrotrop virus bo'lib, miya va miyachani zararlaydi.

VICH virioni diametri 100 nm atrofida keladigan sferadan iborat bo'lib, uning o'zagi RNA dan tashkil topgan. Virion membranasida turtib chiqib turadigan oqsil zarralaridan iborat «tikanaklari» bor.

*Immunitet tanqisligiga sabab bo'ladigan virusning yana bir xususiyati shuki, u odam organizmida hujayra ichida parazitlik qilib yashaydi. Virusning irlsiy axboroti hujayra yadrosida o'tib, genomiga joylashib oladi. Hujayra bo'lingan mahalda uning o'z genlari bilan birligida virus ham ko'payadi va keyingi hujayralar avlodiga o'tadi. Shuning natijasida infeksiya uzoq davom etadigan, amalda hujayra hayotining oxirigacha saqlanib boradigan bo'lib qoladi. Bunda odamning hujayra apparati virus oqsillarini sintezlab, yangi virus avlodlarini paydo qilib boradi. Virusning makkorligi yana shundaki, uning hujayralar xromosoma tu-zilmasidagi replikatsiyasi virusning perinatal davrda qorindagi bolaga o'tishiga yo'l ochadi, mana shu narsa OITS retroviruslarining inson populyatsiyasida uzoq saqlanib turadigan bo'lib qolishiga olib keladi.*

Kasallikning avj olishi infeksiyalangan CD4+ T-xelperlarning destruksiyalishiga bog'liq deb hisoblanadi. Mana shu subpopulyatsiyaning halok bo'lishi CD4+ va CD8+ T-hujayralar o'rtaqidagi nisbat buzilishiga olib boradi. Chunonchi, bularning nisbati normada 2:1 nn tashkil etadigan bo'lsa, OITS mahalida u kamayib, 0, 5 gacha tushib qoladi. T-xelperlar miqdorining kamayib qolishi immun sistema boshqa hujayralarining funktsiyasini izdan chiqishiga sabab bo'ladı, chunki limfokinlarni makrofaglar va V-hujayralar o'sish omili uchun xemotaksi omillarni hosil qiladigan manba CD4+ hujayralardir. Demak, OITS mahalida ham hujayraga aloqador, ham gumoral immun javob o'zgarib qoladi. Immun sistemaning zararlanishi og'ir o'tadigan ikkilamchi immunitet tanqisligi holati boshlanishiga olib keladi, shuning natijasida odam infeksiya va o'smalar paydo bo'lishiga juda moyil bo'lib qoladi. Immun sistemasi normal odam organizmida uchrab turadigan viruslar, bakteriyalar sodda jonivorlar, zamburug'lar OITS mahalida opportunistik infeksiyalarning qo'zg'atuvchilariga aylanib qolishi mumkin. Odamga VICH yuqqanidan keyin mana shu qo'zg'atuvchilar jolanib, kasallik tarqoq tus olishi mumkin.

OITS uchun xarakterli o'smalar ham "opportunistik" bo'ladı, chunki ular Herpes guruhiga mansub viruslar, eng avvalo sitomegaliya virusi (masalan, Kaposi sarkomasi) va Enshteyn-Barr (masalan, B-hujayrali xavfli limfomalar) tufayli yuzaga kelaveradi.

**Patologik anatomiysi.** *OITSda ro'y beradigan morfologik o'zgarishlar faqat shu kasallikning o'zigagina xos, ya'ni spetsifik bo'lmaydi.* Bemorlarning kattalashib qolgan limfa bezlari kasallikning boshlanishida biopsiya yo'l bilan tekshirib ko'rilsa, limfa follikulalari, parakorteksning nospetsifik giperplaziyasini va sinuslar gistiotitsitozi topiladi. Bu o'zgarishlar odatda turli infeksiya qo'zg'atuvchilarini ta'sirida ham kuzatiladi. OITS ning tipik-klinik manzarasi avj olib borgan sayin limfa tugunlari, taloq va timusdagi limfoid toqima holdan toyib, yo'qolib boradi.

Boshqa organlarda ro'y beradigan patologoanatomik o'zgarishlar opportunistik infeksiya yoki o'smaning tabiatiga bog'liq bo'ladi.

O'pkada turli etiologiyali pnevmoniylar boshlanadi. *Pnevmosistali pnevmoniya OITSda hammadan ko'p ko'rildigan opportunistik infeksiya bo'lib, kasallarning 85 foizida uchraydi. Mikroskopik jihatdan olganda pnevmosistali pnevmoniya alveolalarda ko'pinkilanib turadigan eozinofilli ekssudat bo'lishi bilan ta'riflanadi; alveolyar makrofaglar soni odatda ko'p emas; ahyon-ahyonda granulyomatoz yallig'lanish o'choqlari kuzatiladi, jarayon uzoq davom etgan mahallarda esa interstisial o'pka fibrozi boshlanib, kalsifikatlar paydo bo'ladi. Kasallik qo'zg'atuvchisi o'pka to'qimasida 5—6 haftagacha saqlanib turadi. Pnevmosistalar o'pka to'qimasida va bronxoalveolyar lavaj (BAL) da topiladi.*

*Sitomegalovirusli infeksiya* ham o'pkani ancha ko'p zararlaydi. Sitomegalovirus yuqqan yirik hujayralar (bularda yadro ichida joylashgan tipik kiritmalar bo'ladi) o'pka to'qimasiga notejis tarqaladi, yallig'lanish reaksiyasini juda sust bo'ladi yoki umuman bo'lmaydi. O'pka infeksiyasi og'ir o'tgan mahallarda difuz interstisial pnevmoniya, gialinli membranalar va hatto o'pka to'qimasining nekrozga uchragan joylari topiladi.

*Mikobakterial pnevmoniya atipik ravishda, granulyomatoz reaksiyasi o'tadi.* Bu infeksiya uchun SHIK-pozitiv sitoplazmali donador (ko'piksimon) makrofaglar to'planib turishi xarakterlidir, shu makrofaglarda mikobakteriyalar topiladi hamda miliar nekroz o'choqlari rivojlanadi.

*Bevosita VICH tufayli paydo bo'ladigan ensefalopatiya* uchun klinik jihatdan olganda odam shaxsiyati aynab, xotirasi susayishi (amneziya), o'zini odamlardan chetga olib yurish, tobora zo'rayib boradigan aqli pastlik xarakterlidir. Yarim o'tkir ensefalit ko'rinishidagi morfologik o'zgarishlar asosan miyaning oq moddasida va tuzilmalarida yuzaga keladi, miya po'stlog'i nisbatan saqlanib qoladi. Miyadagi morfologik o'zgarishlar nechog'lik kuchli ifodalangan bo'lsa, demensiya ham shuncha og'irroq bo'lib o'tadi. Makroskopik jihatdan olganda miya oq muddasi va po'stloq osti tuzilmalarida rangi o'chib oqargan va yumshab qolgan joylar bo'ladi. Markaziy nerv sistemasining viruslar, zamburug'lar, parazitlarga aloqador infektsion kasalliklari ham tasvirlangan (sitomegalovirusli, gerpetik meningoensefalitlar, kandidoz, gistolplazmoz, toksoplazmoz).

*Me'da-ichak yo'li zararlanganida* kasallarda ko'pincha sitomegalovirusli, mikobakterial infeksiyalar, kriptosporidioz, shuningdek Kaposi sarkomasi va xavfli limfoma singari o'smalar topiladi. OITS bilan og'rigan kasallarda kandidoz aksari og'iz bo'shlig'i va qizilo'ngach shilliq pardasi bilan cheklanib qoladi, lekin butun me'da-ichak yo'liga tarqalib ham ketishi mumkin. Kandidoz yaratlar odatda sayoz bo'ladi, SHIK-reaksiyada yara tubida bir.talay psevdomitseliy

iplari topiladi. Sitomegalovirusli infeksiya asosan yo'g'on ichakni, ayniqsa ko'r ichakni zararlaydi, ingichka ichakda ham penetratsiyaluvchi yaralar paydo bo'lishi mumkin. Ba'zan sust ifodalangan gastrit, ezofagit, goho xolesistit qayd qilinadi.

Mikroskopik jihatdan olganda yo'g'on ichak shilliq pardasi giperemiyaga uchragan bo'lib ko'zga tashlanadi, unda mayda-mayda oqish chuqurchalar, ya'ni yaralar bo'ladi. Yallig'lanish reaktsiyasi aksari bo'lmaydi; ichak kriptalari saqlanib qoladi, ularning o'z plastinkasidagi ba'zi hujayralarda tipik virus kiritmali bo'ladi. Virus bilan infeksiyalangan hujayralarning ko'pchiligi mezenximadan kelib chiqqan hujayralardir. Ingichka ichakda seroz pardagacha yetib boradigan va teshilib ketishi mumkin bo'lgan chuqur-chuqur yaralar paydo bo'lishi mumkin, bunda birmuncha sezilarli yallig'lanish reaktsiyasi bo'ladi. Mikroskop bilan tekshirilganida yara chetlarida plazmatik hujayralar, limfotsitlar, gistiotsitlar ko'p bo'ladigan granulatsion to'qima ko'zga tashlanadi; gistiotsitlarda virus kiritmali topiladi. Virus kiritmali fibroblastlarda, tomirlar endoteliysida, silliq muskul hujayralarida ham bo'lishi mumkin. Sitomegalovirusli infeksiya xuddi Kron kasalligiga o'xshab o'tadigan o'choqli yoki segmentar proliferativ yallig'lanishga sabab bo'lishi mumkin. Ichak sili tipik granulyomatozsiz o'tadi yoki nospetsifik yaralar ko'rinishida namayon bo'ladi.

*Kaposhi sarkomasi* OITS bilan og' rigan kasallar medasi bilan ichagida ancha ko'p uchraydi. Ko'pchilik hollarda teri kasalliklari bilan birga o'tadi, lekin ichak Kaposhi sarkomasi paydo bo'ladigan birdan-bir organ bo'lishi ham mumkin. O'sma shilliq parda tagidan joy oladi va yuzaki biopsiyada odatda aniqlanmay qolaveradi.

*OITSda me'da, ingichka va yo'g'on ichakda xavfli limfomalar* paydo bo'ladi. Ular og'iz bo'shlig'i da va anal sohada ham paydo bo'lishi mumkin. Oqibati yomon bo'ladigan B-hujayrali (limfoblastli, immunoblastli) limfosarkomalar hamidan ko'ra ko'proq uchraydi. Me'da-ichak yo'lini zararlaydigan limfogranulyomatoz hollari ham tasvirlangan. OITS bilan og'igan kasallarning *jigarida* atipik mikobakterial infeksiya, kriptokokkoz, sitomegalovirusli infeksiya va virusli ge-patit B, Kaposhi sarkomasi va nospetsifik o'zgarishlar paydo bo'ladi.

*Og'iz bo'shlig'i, halqum, tashqi jinsiy organlar terisi va shilliq, pardalari ko'pincha Kaposhi sarkomasi bilan zararlanadi.* Kandidoz yaralari, nekrotik gингivit, herpes zoster ham xarakterlidir; seboreya dermatiti uchraydi. OITS mahalida badan terisiga aloqador boshqa simptomlar ham ko'riladi: psoriaz, gerpes, yuqadigan yumshoq so'gallar shular jumlasidandir. OITS mahalida bo'ladigan Kaposhi sarkomasi uchun kasallangan joyda och qizil rangli infiltrativ pilak-chali o'choqlar bo'lishi xarakterlidir, bular oyoqlardagina emas, yuz, tashqi jin-

siy organlar va badan terisining boshqa joylarida ham uchraydi. Tugun-tugun tuzilmalar kamdan-kam ko'rildi. Gistologik tekshirishda yupqa devorli tomir bo'shliqlarini hosil qilgan tartibsiz angiogenet o'choqlari borligi, duksimon hujayralarning o'sib ketganligi, limfoidplazmo hujayrali va makrofagal infiltratsiya, gemosideroz, eritrofagiya borligi ma'lum bo'ladi.

OITS bilan og'igan kasallar *yuragida* Kaposi sarkomasining epikardial shakli va limfosarkoma uchraydi; ko'pincha perikardga qon quyiladi, viruslar, bakteriyalar, zamburug'lar yoki sodda jonivorlardan iborat opportunistik infeksiya tufayli paydo bo'lgan miokardit va perikardit tasvirlangan.

OITSdan o'lganlarning 50 foizidan ko'ra ko'prog' ida surunkali limfogistiotsitar ("idiopatik") miokardit topilgan.

*Buyraklarda* VICHga aloqador nefropatiya boshlanadi. Hammadan ko'ra ko'proq uchraydigan morfologik o'zgarishlar buyrak koptokchalarida immun komplekslar depozitlari paydo bo'lishi bilan o'tadigan o'choqli, segmentar glomeruloskleroz, kanalchalar mikrokistozi, stroma, limfogistiotsitar infiltratsiyasi dirki, bu narsa tubulointerstisial nefrit degan hodisa uchun xarakterlidir. Elektron mikroskop bilan tekshirib ko'rilganida koptokchalar endoteliysi va interstisiy infiltratinining hujayralarda virus zarrachalariga o'xshab ketadigan tubuloretikulyar tuzilmalar ko'zga tashlanadi. Buyrak kasallikning boshidan oxirigacha, toki uremiya boshlanguncha ham kichraymay qolaveradi.

**Klinik ko'rinishlari.** Kasallik yuqqanidan keyin uning belgilari ba'zi odamlarda necha-necha yillargacha ma'lum bermay turishi mumkin, ba'zilarda tez orada uzoqqa cho'zilmaydigan, mononukleozga o'xshab ketadigan kasallik boshlanadi, ayni vaqtida odam harorati ko'tarilib, lanj bo'lib yuradi, ba'zan badaniga toshma toshadi. Ana shu vaqtga kelib (odam kasallikni yuqtirib olganidan keyin odatda ikki haftadan to uch oygacha boradigan vaqt ichida, goho birmuncha kechroq), VICH antitelolalarini topish mumkin bo'ladi. OITS ro'yi-rost avj olguncha shu vaqtidan boshlab hisoblaganda oradan 8—9 yil o'tib ketishi mumkin. OITSda kasallikning o'lim bilan tugashi 100 foizga yetadi. Rivojlangan mammatlarda kasallarning 50 foizga yaqini diagnoz aniqlangan paytdan boshlab hisoblaganda 18 oy ichida va 80 foizi 36 oy ichida o'lib ketadi.

Kasallik ko'rinishining dastlabki alomatlari qatorida aksari limfa tugunlaring kattalashib qolgani qayd qilinadi. Bo'yinning orqa tomoni, o'mrov ust, qo'ltiq taglarda limfa tugunlari paydo bo'lishi yoki shu yerdagi tugunlarning kattalashishi shubha tug'diradi. Limfa tugunlarining OITS mahalidagi reaksiyasi ularning giperplaziysi bilan boshlanib, atrofiyasi bilan tugallanadi.

VICH infeksiyasida albatta bir nechta tugunlar, shu bilan birga har xil joydag'i limfa tugunlari kattalashib ketishini, ayni vaqtida ularning bir oy va bundan ko'ra

uzoqroq vaqt mobaynidagi kattalashgan holda turaverishini aytib o'tish kerak. Limfa tugunlari kattalashuviga bilan birga ba'zan harorat ko'tarilib, bosh og'riydi, uyqu buziladi, badanga dog'-dog' toshma toshadi, ich surib turishi mumkin. Bu simptomlar tez orada bosilib qoladi va kasallikning uzoq davom etadigan yashirin davri boshlanadi. Shu davr ichida odam o'zini to'la-to'kis qanoatlanarli his qiladi. Kasallikning yashirin davrida ba'zan virusning immunitetni susaytiruvchi ta'sir o'tkazayotganidan dalolat beradigan ayrim belgilar paydo bo'ladi: chipqonlar chiqishi, og'iz bo'shlig'i, jinsiy organlar shiliq pardasining yara bo'lib ketishi, uchuq toshishi, oddiy temiratki paydo bo'lishi shular jumlasidandir. Teri va shiliq pardalarning zamburug'li kasalliklari paydo bo'lishi ham mumkin. OITS avj olishidan avval ba'zan ancha vaqtgacha odam o'z-o'zidan isitmalab yuradi, ozib ketadi, ichi aynaydi.

Rosa avj olgan OITS turi opportunistik infeksiyalar va o'smalar klinikasi bilan ta'riflanadi. O'pka, me'da-ichak yo'li, nerv sistemasi zararlanishi bilan o'tadigan boshqa opportunistik infeksiyalarning qo'zg'atuvchilari aspergiliyalar, kandida, sitomegaloviruslar, toksoplazma, herpes virusi bo'lishi mumkin. OITS bilan og'rigan kasallarda paydo bo'luvchi Kaposhi sarkomasi uchun o'smaning haddan tashqari tajovuzkor bo'lishi xarakterlidir, shuning natijasida o'sma faqat badan terisidagina emas, balki ichki organlarda ham paydo bo'laveradi. Juda ko'p hol-larda kasallarda Berkitt limfomasи va Xojkin kasalligi boshlanadi, markaziy nerv sistemasi zararlanadi. Markaziy nerv sistemasida opportunistik infeksiyalar va o'smalardan tashqari *yarm o'tkir ensefalit* bo'lishi ham tasvirlangan. Bu xildagi ensefalit virusning markaziy nerv sistemasiga to'g'ridan-to'g'ri ta'sir o'tkazishi tufayli paydo bo'ladi deb hisoblanadi. Demak, retrovirus limfotrop ta'sirdan tashqari, neyrotrop ta'siriga egadir deb aytish mumkin.

## VIII Bob

### REGENERATSIYA

FIZIOLOGIK REGENERATSIYA  
REPARATIV REGENERATSIYA  
Epiteliy regeneratsiyasi  
Biriktiruvchi to'qima  
regeneratsiyasi  
Yumshoq to'qimalar  
regeneratsiyasi  
Suyak va tog'ay to'qimalarining regeneratsiyasi

Qon va tomirlar regeneratsiyasi  
REGENERATSIYA MEXANIZMI  
REGENERATSIYAGA TA'SIR  
O'TKAZUVCHI OMILLAR  
PATOLOGIK REGENERATSIYA

*Regeneratsiya (regeneratio) — to'qima tuzilishi va funksiyasi zararlanganidan keyin yoki to'qima eskirib, qariganidan keyin ularning tiklanishi, asl holiga kelishidir.*

Regeneratsiya normal biologik hodisa, fiziologik jarayondir, chunki organizm hayot faoliyati jarayonida undagi tuzilmalarning yangilanishi asosida yotadi. Biroq, to'qimalar zararlangan sharoitlarda regeneratsiya hammadan ko'ra aniq-ravshan namoyon bo'ladi.

Regeneratsiya butun hayvonot va o'simliklar olamiga xos bo'lgan hodisadir, lekin har xil turdag'i tirik organizmlarda regeneratsiya har xil korinishda yuzaga chiqadi. Masalan, tuban darajada turadigan hayvonlar (yassi chuvalchanglar, ba'zi igna terililar) da regeneratsiya yalpi bo'lishi mumkin, ya'ni tananing 1/100 yoki 1/1000 qismi regeneratsiyalaniib, yaxlit organizm hosisi bo'lguncha qaytadan tiklanishi mumkin. Tritonlarda oyoqlari uzib tashlansa, ular regeneratsiyalaniib yana qaytadan butlanib oladi. Yuqori darajali hayvonlar va odamda regeneratsiyaning bunday shakkiali kuzatilmaydi, ya'ni hayvonlarning tana tuzilishi murakkablashib borgan sayin, regeneratsiya ham, xuddi yallig'lanish kabi, filogenezi jarayonida yangi sifatlarni kasb etadi.

Odam organizmidagi hamma hujayralarni ularning regeneratsiyaga layoqati qanchalik ekaniga qarab, uch guruhg'a - labil (beqaror), stabil (barqaror) va permanent (doimiy) hujayralarga ajratish mumkin. Labil va stabil hujayralar o'zining butun umri davomida proliferatsiyaga layoqatli bo'lsa, permanent hujayralar bo'linishga layoqatli emas. Shu munosabat bilan, permanent hujayralar zararlanganida ularning strukturalari va funksiyasi tiklaimasdan, balki bu hujayralarning chandiq to'qima bilan almashinishi kuzatiladi.

Labil hujayralar tinmay bo'linib borib, ishdan chiqqan yoki halok bo'lgan hujayralarning ornini to'dirib turadi. Shilliq pardalar epiteliysining hujayralari,

limfoid hujayralar va ko'mik hujayralari ana shunday labil hujayralar jumlasiga kiradi. Epidermis, og'iz bo'shlig'i, me'da-ichak yo'li, nafas yo'llari, erkak va ayollar jinsiy yo'llari, epitelial yo'llarning shilliq pardalari ayniqsa, tez regeneratsiyalanadi. Mana shu epitelial qoplamlarning hujayralari har kuni yoki bir necha kun mobaynida yangilanib turadi, shu munosabat bilan ular haddan tashqari tez bo'linib boradi. Ko'mik va limfoid organlar, jumladan taloq hujayralari ham labil hujayralar jumlasiga kiradi, chunki bu organlarda ham ishdan chiqqan, eskirgan hujayralar doimo yashashga layoqatlari bo'lgan yosh hujayralarga almashinib turadi. Biroq, bu hujayralar bir necha kundan bir necha yilgacha umr ko'radi va epitelial hujayralardan farq qilib, unchaliq yuksak regenerator layoqatga ega bo'lmaydi.

Stabil hujayralar latent holdagi regeneratsiya layoqatiga ega bo'ladi va shu sababdan fiziologik sharoitlarda bo'linmaydi, chunki ular labil hujayralarga qaraganda yillar bilan o'chanadigan ancha uzoq umr ko'radi va balki odamning butun hayoti davomida ham yashab boradi. Barcha bezlar, jumladan jigar, me'da osti bezi, so'lak bezlari, endokrin sistema va teri bezlarining *parenximatoz elementlari* stabil hujayralar jumlasiga kiradi. Buyraklar kanalchalarining epiteliy hujayralari ham shunday hujayralardandir. Masalan, katta yoshli odamning jigarida normal sharoitlarda gepatotsitlarda mitozlar uchramaydi. Biroq, jigar qisman rezeksiya qilinganida saqlanib qolgan parenximada gepatotsitlar ancha ko'p bo'olina boshlaydi, ko'zga tashlanadigan mitozlar va amitotik bo'linish usullari shundan darak beradi. Mana shu narsa jigar hajmi va og'irligining ortib borishiga olib keladi. Tajribada jigar parenximasining 80 foizi olib tashlangan mahallarda ham gepatotsitlarning zo'r berib giperplaziyanishi hisobiga oradan bir hafta o'tganidan keyin jigar og'irligi avvalgi darajaga yetib qolishi mumkin (regeneratsion gipertrofiya). Odam jigarining hujayralari ham bo'linish xususida katta imkoniyatlarga egadir, o'smalar mahalida jigardan bir bo'lagining olib tashlashdan keyingi natijalar ana shundan darak beradi.

*Mezenximal hujayralar va ularning derivatlari* ham stabil hujayralar jumlasiga kiradi. Ma'lumki, fibroblastlar va birmuncha jo'n tuzilgan mezenximal hujayralar yuqori darajadagi regenerator faolligini saqlab qoladi va bo'linish jarayonida har xil turdag'i hujayralarga aylanish xususiyatiga egadir. Masalan, qovuq devori shikastlanganida mezenximal hujayralarning proliferatsiyalanishini kuzatish mumkin, bu proliferatsiya mahalida ular fibroblastlarga tabaqalanish bilangina qolmasdan, balki xondroblastlar, osteoblastlar va yog' hujayralariga ham aylanib boradi.

*Endotelial hujayralar bilan silliq, muskul hujayralari* ham stabil, ya'ni barqaror elementlardir. Endotelial hujayralar odatda sekinlik bilan yangilanib boradi, tomirlar zararlangan mahallarda esa ular tez regeneratsiyalanadi. Bachadonning

silliq muskul hujayralari jinsiy gormonlar ta'siri ostida zo'r berib bo'linib boradi (proliferatsiya). Muskul tipidagi tomirlar zararlanganida ham silliq muskul hujayralari zo'r berib ko'payva boshlaydi.

Permanent hujayralar *jumlasiga neyronlar, skelet muskullari va miokard hujayralari* kiradi. Markaziy nerv sistemasi neyronlari halok bo'lganida ularning strukturasi tiklanmaydi, lekin shikast aksonlarga yetgan bo'lsa-yu, nerv hujayralarining tanasi saqlanib qolgan bo'lsa, bunday mahallarda aksonlar regeneratsiyalanishi mumkin. Aksonlar o'sishining tezligi kuniga 3 mm dan 4 mm ga-cha borishi aniqlangan. Bunda akson o'rning saqlanib qolgan bo'lishi muhim, aks holda aksom qisman regeneratsiyalanadi va o'z funktsiyasini bajara olmay qoladi. Aksomning notogri o'sib borishi bir qancha chalkash nerv stvollari paydo bo'lishiga olib kelishi mumkin, mana shunday stvollarni *amputatsion yoki travmatik nevroma deylidi*.

Kardiomiotsitlar va skelet muskullarining hujayralari ham bo'linishga qodir emas, shu munosabat bilan bu hujayralar halok bo'lganida biriktiruvchi to'qima elementlari hisobiga regeneratsiya boshlanib, chandiq hosil bo'ladi.

Bu organlarda ham, xuddi nerv sistemasidagidek, regeneratsion gipertrofiya saqlanib qolgan hujayralardagi ixtisoslashgan tuzilmalar massasi kattalashib borishi hisobiga ro'y beradi (hujayra ichi giperplaziysi). Masalan, miokarda o'lib ketgan muskul tolalari o'rnda chandiq hosil bo'ladi, saqlanib qolgan muskul tolalarida esa ultrastrukturalarning soni ko'payib, ular (miofibrillalar) kattalashib boradi. Bu hodisa gipertrofiya bilan davom etadi, ya'ni bunda muskul tolalari uzayib, qalinligi ortadi.

Parenximatoz elementlarning to'la regeneratsiyasi ularning regeneratsiya yaga nechog'lik layoqqatliligiga va zararlangan to'qima stromasining qanchalik saqlanib qolganligiga bog'liq bo'lishini ta'kidlab otish kerak. Masalan, jigar zararlangan mahalda uning retikulyar stromasi saqlanib qoladigan bo'lsa, jigar parenximasini to'la regeneratsiyalanib, odatdagagi jigar bo'lakchalarini hosil bo'ladi, gepatit kasalligining yengil xilida ana shunday hodisa kuzatilishi mumkin. Gepatitning bir talay nekrozlar bilan birga davom etadigan og'ir xilida boshqacha manzara kuzatiladi, bunda gepatotsitlargina emas, balki stroma elementlari ham halok bo'lib ketadi. Ana shu narsa stromaning kollapsiga uchrab, keyinchalik bu yerda chandiq to'qima o'sib borishiga olib keladi. Buyrak burama kanalchalarining epiteliysi nekrozga uchrab qoladigan nekrotik nefroz ham yana boshqa bir misol bo'lishi mumkin. Bunda basal membrana saqlanib qolgan bo'lsa, kanalchalar epiteliysi to'la regeneratsiyalanadi. Kanalchalar basal membranasi yemirilib ketgan hollarda epiteliy tiklanmaydi, masalan, buyrak infarktida ana shunday hodisa kuzatiladi.

**Tasnifi.** Regeneratsiyaning sabablari va mexanizmiga qarab uning uchta asosiy turi tafovut qilinadi: *fiziologik, reparativ va patologik regeneratsiya*.

## FIZIOLOGIK REGENERATSIYA

*Parenximatoz elementlar, shuningdek organlar stromasi hujayralari va tolali tuzilmalarining timasdan yangilanib borishi ko'rinishida organizmnning butun umri davomida bo'lib turadi.* Qon hujayralari ham timasdan yangilanib boradi. Odamda har kuni ko'p miqdorda leykositlar, eritrotsitlar, badan terisining epitelial hujayralari fiziologik yemirilishga uchrab turadi. Shu bilan birga ushbu hujayralarning tuzilishi buzilganidan keyin hosil bo'ladigan mahsulotlar avvalgidek strukturalarni qurish yoki hayot uchun muhim sekretlar (ichak shirasi, o't pigmentlari, gormonlar, sut va boshqalar) hosil qilish uchun sarflanadi. Organizmda biron ta bo'sin organ yoki to'qima yo'qki, unda minut sayin, soat sayin va sezilmasdan turib regeneratsiya yuzaga chiqmaydigan bo'sin. Fiziologik regeneratsiya natijasida badan terisi, tirnoqlar, sochlardan timmay almashinib boradi, ichki organlarning hujayralari yangilanib turadi.

Regeneratsiyaning eng muhim morfologik belgilari hujayra bo'linishidir.

Fiziologik sharoitlarida hujayra ichidagi tuzilmalar ham asta-sekin yangilanib boradi, ya'ni ularda to'xtovsiz regeneratsiya bo'lib turadi, shuning natijasida nerv va muskul hujayralari oradan ma'lum vaqt o'tganidan keyin avvalgi hujayralar bo'lmay, balki boshqacharoq hujayralar bo'lib qoladi.

Subekt nechog'lik yosh bo'lsa, fiziologik regeneratsiya shu qadar jonliroq o'tadi. Odam yoshi nechog'lik katta bo'lsa, bu xildagi tiklanish shuncha sekinlik bilan boradi, regeneratsiyaning so'nayotgani shu qadar ko'proq bilinadi. Bu narsa o'z navbatida yosha aloqador involyutsiya asosida yotadi.

## REPARATIV REGENERATSIYA

*To'qima zararlangani, shikastlangani yoki patologik jarayonga uchraganidan keyin, hujayralar fiziologik sharoitlardagidan ko'ra ancha tez halok bo'ladigan mahallarda yuzaga chiqadigan regeneratsiyadir.*

Regeneratsiyaning bu turida halok bo'lib ketgan hujayralar yashashga qodir bo'lgan yosh hujayralar bilan almashinib, buzilgan struktura va funksiyalar asliga kelib qoladi, shu munosabat bilan bundan regeneratsiya reparativ regeneratsiya (tiklanish regeneratsiyasi) deb ataladi. Bunday regeneratsiyani organizmning shikastga javoban ko'rsatgan normal, odatdagisi reaksiyasi deb qarash kerak. Bu xildagi regeneratsiya turli organlarda turli o'tadi, shu munosabat bilan ayrim to'qimalar regeneratsiyasining xususiyatlarini alohida-alohida yoritib o'tish maqsadga muvofiqdir.

## EPITELIY REGENERATSIYASI

Epiteliy regeneratsiyasi jadal davom etib, epitelial to'qimaning to'la tiklanishiiga olib keladi. *Teri va shilliq pardalar epiteliysi ayniqsa yaxshi regeneratsiyalasadi.*

Epidermis regeneratsiyasida zararlangan joy (raxna) chetlaridagi malpigiy qatlaming kambial (murtak) hujayralari zo'r berib ko'payva boshlaydi. Proliferatsiyalayotgan hujayralar bir qavat bo'lib rahnani qoplaydi, keyin tabaqalashadi. Hosil bo'ladiqan ko'p qavatli yassi epiteliy oldingisidan hech farq qilmaydi va epidermis uchun xarakterli qavatlardan iborat bo'ladi. Hujayralar yetilib borib ularning sitoplazmasida *keratogialin*, shuningdek muguzlanuvchi epiteliyga xos spetsifik oqsil sintezlanadi.

Shilliq pardalar *qoplovchi epiteliysining* regeneratsiyasi ham, bu epiteliy qanday (ko'p qavatli yassi, oraliq, prizmatik va boshqacha) bo'lishidan qat'iy nazar, xuddi shu tarzda otadi. Shilliq parda rahnasi bezlar kriptalari va chiqarish yo'llarini qoplab turgan hujayralar proliferatsiyasi hisobiga bitadi. Yuzaga keldigan yosh, tabaqalashmagan hujayralar yassi shaklda bo'ladi, keyin ular kattalashib, tegishli epitelial qoplamlar hujayralariga xos shaklga kiradi. Shu bilan birga shilliq parda bezlari ham asliga kelib boradi.

## BIRIKTIRUVCHI TO'QIMA REGENERATSIYASI

Biriktiruvchi to'qima regeneratsiyasi to'qima va organ butunligining asliga kelishida muhim o'rinni tutadi. Uning asosida fibroblastlar va kapillarlarda proliferatsiya boshlanib, keyinchalik kollagen va chandiq to'qima hosil bo'lishi yotadi. Biriktiruvchi to'qima regeneratsiyasi tabiatan jarohatlarning yo' birlamchi, yoki ikkilamchi tartibda bitishi tarzida boradi. Jarohat tiqilib, uning chetlari bir-biriga zich taqalib turadigan, to'qima hech yo'qolmagan yoki juda kam yo'qolgan, shu bilan birga yiringlamagan bo'lsa, u *birlamchi tartibda botib*, biriktiruvchi to'qima asliga keladi. Jarohat yiringlab, chetlari nekrozga uchragan va jarrohlar shu joylarni kesib olib tashlaydigan mahallarda biriktiruvchi to'qima regeneratsiyasi *ikkinchchi tartibda*, ancha sekinlik bilan, oldiniga granulatsion to'qima paydo bo'lishi bilan *bitib boradi*. Bunday hollarda rahna bo'lib qolgan joy o'rnnini yuzasi yirik donali bo'ladiqan kulrang-qizil to'qima bilan to'ladi. Granulatsion to'qima mikroskopik tuzilishi jihatidan olganda yangi paydo bo'lgan bir talay tomirlar, juda shishib ketgan stromadan tashkil topadi, mana shu stromada yosh fibroblastlar va polimorf yadroli leykositlar, monotsitlar bo'ladi.

Granulatsion to'qima jarohat bitisha boshlagan ilk davrdayoq paydo bo'la boshlaydi. To'qima detriti va halok bo'lgan leykositlarni fagotsitlaydigan makrofaglarning shikastlangan joyda 48 soat ichidayoq to'planib borishi shunga sabab bo'ladi. Makrofaglardan tashqari, bu joyda limfotsitlar, eozinofillar, semiz hujayralar, persistlanadigan neytrofillar paydo bo'ladi. Jarohat chetlari tomonidan kapillarlar osib chiqa boshlaydi, makrofaglarning yangi tomirlar paydo bo'lishiga yordam beradigan modda ajratib turishi shunga sabab bo'ladi. Kapillarlar kurtaklari avvaliga endotelial hujayralar to'plamidan iborat bo'ladi, shu hujayralar orasida tezdan tomir paydo bo'ladi. Yangi hosil bo'lgan tomirlar juda o'tkazuvchan bo'lishi bilan ajralib turadiki, bu narsa perivaskular bo'shligqa

plazma oqsillari va leykotsitlar chiqib turishini osonlashtiradi. Yuqorida aytiganlar munosabati bilan granulatsion to'qima yumshoq va sezilarli darajada shishib turgani bilan farq qiladi.

Kapillarlar o'tkazuvchanligining zo'rliqi fibroblastlar tomonidan jadallik bilan asosiy modda va kollagen hosil qilish uchun zarur bo'lgan oziq moddalar ning chiqib turishiga yo'l ochadi deb taxmin qilinadi. Fibroblastlar ham, xuddi leykotsitlar singari, xemostatik omillar ta'siri ostida zararlangan joy tomoniga otib, sershira donador endoplazmatik retikulum membrana tomonining giperplaziyaga uchrashi hisobiga gipertrofiyalangan bo'ladi. Granulatsion to'qima yetilib borgani sayin unda yallig'lanishga xos hujayralar, kapillarlar soni kamayib boradi, fibroblastlar kollagen ishlab chiqara boshlaydi. Natijada tomirsiz, hujayrasiz chandiq to'qima yuzaga keladi, bunday to'qimada kollagen tolalar orasida joylashgan duksimon fibrositlar bo'ladi, xolos. Chandiqlanish yo'li bilan yuzaga chiqadigan reparatsiya organ va to'qimalarning funksional faolligi susayib qolishiiga olib keladi.

### **YUMSHOQ TO'QIMALAR REGENERATSIYASI**

*Operatsiya jarohatining birlamchi tartibda bitishi.* Operatsiya qilinib, jarohat tikib qo'yilganidan keyin birinchi sutkada uning chetlari orasida qon laxtalari bo'ladi. Jarohat atrofidagi to'qimada o'tkir yallig'lanish manzarasi yuzaga kelib, polinuklear hujayralardan iborat infiltrat paydo bo'ladi. Ikkinchi kuni ikki xil jarayon — subepitelial to'qimada qaytadan epiteliy paydo bo'lishi va fibrinoz ko'prichka yuzaga kelishidan iborat jarayon avj olib boradi. Fibrin iplaridan iborat to'r paydo bo'lishi mana shu jarayonlarning avj olishiga yordam beradi, mana shu to'r epithelial, mezenximal hujayralar va kapillarlar uchun go'yoki bir sinch bo'lib xizmat qiladi. Qaytadan epiteliy paydo bo'lishi shundan boshlandiki, proliferatsiyalanayotgan hujayralar bir-biriga qarab cho'zilib boradigan va 48 soatdan keyin jarohatning o'rtaida bir-biriga tutashib, jarohat yuzasini qoplovchi bir qavat epithelial hujayralar hosil qiladi. So'ngra bu hujayralar zo'r berib proliferatsiyalanib va tabaqalashib, ko'p qavatlari yassi epitheliy hosil qiladi. Jarohat chetlaridagi fibroblastlar gipertrofiyanadi, ular sitoplazmasining bazofiliysi kuchayadi.

Operatsiyadan keyingi uchinchi kuni o'tkir travmatik yallig'lanish alomatlarini bir qadar bosilib qoladi, neytrofillar orniiga makrofaglar paydo bo'ladi. Bu makrofaglar yemirilgan hujayralarni, fibrin parchalarini fagotsitlay boshlaydi. Beshinchi kuni jarohat tomirlar bilan yaxshigina ta'minlangan, hajmi jihatidan uncha katta bo'limgan granulatsion to'qima bilan to'ldi, bu to'qimada har yer har yerga sochilgan kollagen fibrillalarini ko'rish mumkin. Birinchi haftaning oxiriga kelib jarohat epitheliy bilan qoplanadi, epitheliy tagidagi (subepitelial) to'qimada esa tomirlar bilan ta'minlangan biriktiruvchi to'qima fibroblastlari kollagen ishlab chiqara boshlaydi. Ikkinchi hafta davomida fibroblastlar bilan tomirlarning

proliferatsiyasi davom etib boradi, kollagen miqdori ko'payadi. Hosil bo'lgan chandiq tomirlar bilan zo'r ta'minlanishi hisobiga qip-qizil rangda bo'lishi bilan ajralib turadi, lekin u elastik (yaxshi cho'ziladigan) bo'lmaydi. Yallig'lanish reaktsiyasi batamom barham topadi, lekin to'qimada bitta-yarimta makrofaglar va limfotsitlarni ko'rish mumkin. Ikkinchи haftaning oxirlariga borib chandiq hosil bo'lish jarayoni poyoniga yetadi, lekin chandiq avvalgi teriga o'xshab yaxshi cho'ziladigan, elastik bo'lmaydi.

*Jarohatning ikkilamchi tartibda bitishi.* Bu jarayon jarohatning birlamchi tartibda bitishiga qaraganda uzoqroq davom etadi, chunki jarohatning to'qima detritidan tozalanib olishi va jarohat nuqsonining yashashga qodir hujayralar bilan to'lib borishi uchun ma'lum vaqt kerak bo'ladi. Granulatsion to'qima avvaliga nuqsonning tagida va chetlarida yuzaga keladi, chunki jarohat markazida yallig'lanish reaktsiyasi saqlanib qolgan bo'ladi. Ekssudat so'rilib ketib, to'qima detriti parchalari yo'qolishi bilan jarohat boshdan-oyoq granulatsion to'qima bilan to'ladi. Bu to'qima jarohat chetlaridagi epitelial hujayralar proliferatsiyasi va migratsiyasi uchun o'rин bo'lishini ta'minlab beradi. Jarohatning ikkilamchi tartibda bitishida ko'rildigan regeneratsiyaning *birinchi xususiyati* shuki, granulatsion to'qima yumshoq va muloyim bo'ladi, epitelial hujayralar bir-biriga raso ro'para bo'lib harakatlanmasdan, balki og'ishib, pastdag'i granulatsion to'qimaga o'tib borishi mumkin. *Ikkinci xususiyati* jarohatning qisqarishidir, shu narsa katta-katta nuqsonlarning ham reparatsiyalanishiga yordam beradi. Barcha jarohatlarning o'lchamlari dastlabki kattaligiga nisbatan olganda 5—10 foizga kichrayishi aniqlangan, granulatsion to'qimadagi miofibroblastlarning qisqarishi shunga sabab bo'ladi. Bu fibroblastlarda miofilamentlar topiladi. Demak, mana shu multipotent mezenxima hujayralari nuqson o'lchamlarini kichraytira oladi, bu nuqson keyin granulatsion to'qima bilan to'lib, epiteliy bilan qoplanadi.

Shunday qilib, jarohatning ikkilamchi tartibda bitishi birlamchi tartibda («per prima» tarzida) bitishidan farq qiladi. *Birinichidan*, katta-katta jarohatlar to'qimalarning nekrozga uchrashi va ekssudativ yallig'lanish reaktsiyasi boshlanishi bilan birga davom etib boradi. *Ikkinichidan*, granulatsion to'qima jarohatlarning ikkilamchi bitishida ancha katta o'r'in tutadi. *Uchinichidan*, granulatsion to'qimada neytrofillar va makrofaglar ancha ko'p bo'ladi, ya'ni to'qimaning sezilarli darajada zararlanishi birmuncha kuchli yallig'lanish reaktsiyasi bilan birga davom etib boradi. To'rtinichidan, jarohatning qisqarishi jarohat juda katta bo'lgan mahallarda kuzatiladi.

*Jarohatlarning ikkilamchi tartibda bitishi hozir aytib o'tilgan xususiyatlarga ega bo'lgani tufayli hamisha chandiq to'qima paydo bo'lishi va to'qima yoki organning ixtisoslashgan funktsional faoliigi susayib qolishi bilan tugallanadi.* Chunonchi, badan terisida katta-katta jarohatlar bo'lganida teri unumlari (junlar yoki sochlar, yog' va ter bezlari) qadar halok bo'lib ketadi. Jarohatlarning ikkilamchi tartibda bitishining asorati ortiqcha granulatsion to'qima paydo bo'lishidirki, bu

narsa jarohatning qaytadan epitely bilan qoplanishiga jiddiy to'sqinlik qiladi. Bunday hollarda granulatsion to'qimani qirqib tashlash yoki koagulatsiyalash yo'li bilan olib tashlanadi. Jarohatning bitishi birlamchi yoki ikkilamchiligidan qat'iy nazar, chandiq to'qima hosil bo'lganida kollagen ham ortiqcha hosil bo'lishi mumkin, bu narsa *keloid* deb ataladigan o'smasimon chandiq paydo bo'lishi olib keladi. Keloid hosil bo'lishiда odamning shunga o'ziga xos tarzda moyil bo'lishi ahamiyatga ega. Ammo keloid hosil bo'lishing mekanizmi unchalik aniq emas. Badan terisidagi operatsiya jarohati regeneratsiyasining yuqorida tasvirlab o'tilgan xususiyatlari zararlangan boshqa to'qima va organlarda, masalan, o'pka absessi, buyrak infarktida bo'ladigan reparatsiyaga ham xarakterlidir. Oldiniga to'qima detriti yo'qolib, yallig'lanish jarayoni barham topib ketishi kerak, shundan keyin halok bo'lgan hujayralar o'rniغا yashashga qodir hujayralar paydo bo'lib, o'rniغا tomir ortgan biriktiruvchi to'qima yuzaga keladi va chandiq hosil bo'ladi. Modomiki shunday ekan, har qanday jarohatning bitishi ham parenxima tomonidan, ham stroma tomonidan boshlanadigan regenerator jarayonlar bilan birgalikda davom etib boradi. Bu holda chandiq hosil bo'ladi.

Regenerator jarayonlarda kollagen muhim rolni o'ynaydi, u asosan organ va to'qimalar parenximasining o'ziga xos tuzilishi shakllanib olishi va barqaror bo'lishiда ishtirot etadi. Kollagen biriktiruvchi to'qima assosiy oqsillaridan biridir. Hozirgi vaqtida kollagenning 8 ta xili ajratilgan, bular molekulalarining tuzilishi va odam organizmida olgan joyi jihatidan bir-biridan farq qiladi. Kollagenning birinchi, ikkinchi va uchinchi xili interstisiydan joy oladi va fibrillyar tuzilishga ega bo'ladi, to'rtinchi va beshinchi xillari tuzilishi jihatidan amorf bo'lib, interstisiy va bazal membranada joylashadi. Oltinchi, yettinchi, sakkizinchi xillari kam bo'ladi, to'la-to'kis ta'riflangan emas. Kollagenning struktura birligi—o'zak shaklidagi molekuladir. Ularning har biri buralgan spiraldan iborat uchta apolipeptid zanjirlardan tuzilgan.

Birinchi xili badan terisi, paylar, boylamlar, shox pardada ko'plab topiladi va teri bilan suyaklar kollagennining 80—85 foizini tashkil etadi. Ikkinchi xili tog'ay, ko'zning shishasimon tanasida topiladi. Uchinchi xili qon tomirlarida ko'p bo'ladi, teridagi umumiy kollagenning 10-20 foizini tashkil etadi. To'rtinchi va beshinchi xillari to'qimalarning bazal membranalarida uchraydi.

Kollagenning o'tmishtoshlari fibroblast ribosomasida sintezlanadi. Yangi hosil bo'lgan kollagen endoplazmatik retikulum sisternalarida o'zgarishlarga uchrab, keyin Golji kompleksi tomonidan eruvchan prokollagen shaklida ajratib chiqariladi. Bu prokollagen fibroblastdan chiqqanidan keyin tezgina erimaydigan kollagenga aylanadi. So'ngra kollagen molekulalari agregatsiyalanib, yetuk kollagen fibrillalarini hosil qiladi.

Fibroblastlar biriktiruvchi to'qimaning elastik tolalarini va tarkibida glikozaminglikanlar va fibronektin, laminin singari bir nechta glikoproteidlar bo'ladigan gelmatriksni ham sintezlab chiqaradi. Glikozaminglikanlar oqsil bi-

Ian birikib, fibronektinga o'xshash proteoglikanlar hosil qiladi. Elastik tolalar, barqarorlashtiruvchi va tayanch funktsiyasini bajaruvchi kollagenden farq qilib, to'qimalarga elastiklik, cho'ziluvchanlik beradi.

Biriktiruvchi to'qima regeneratsiyasini uchta fazasi tasvirlangan. Birinchi fazasi katabolik davrdan iborat bo'lib, bunda kollagen destruksiyasi kuzatiladi. Ikkinci fazasi anabolik, proliferativ yoki kollagen fazasidir, u odatda operatsiyadan keyingi beshinchchi kuni boshlanadi, asta-sekin pishiq tortib, 3 oydan keyin juda ham pishiq bo'lib qoladigan kollagen hosil bo'lishi bilan davom etadi. Bunda uzilishga pishiqlik darajasi ushbu davrda jarohatlanmagan teri pishiqligining atigi 70—90 foiziga yetadi (uchinchchi fazasi). Bu fazada jarohatdagi kollagen miqdori barqarorlashib borishi aniqlangan, lekin u zo'r berib sintezlanib boradi. Yallig'lanish hujayralari va fibroblastlar tomonidan ishlanib chiqadigan kollagenaza fermenti ta'sirida ortiqcha kollagen parchalanib ketadi. Shunday qilib, *kollagen lizisi muhim omil bo'lib, regeneratsiya jarayonida kollagen hosil bo'lishini idora etib boradi*.

Jarohatning pishiq bo'lib bitishi undagi kollagen miqdorigagina bog'liq emasligini aytib o'tish kerak, jarohatda paydo bo'ladi kollagenning toifasi ham ahamiyatga ega. Masalan, katta yoshli odam jarohatlanmagan terisining 80—85 foizini uzilishga haddan tashqari pishiq bo'ladi kollagen tashkil etadi. Holbuki, jarohatda paydo bo'lib boradigan kollagen III toifaga kiradi. Bu xildagi kollagen embrional terida ko'proq bo'ladi. Vaqt o'tishi bilan I va III toifadagi kollagenlar o'zgarib, tuzilishi jihatidan jarohatlanmagan yetuk teri uchun xarakterli bo'lgan kollagenga yaqinlashib qoladi.

## SUYAK VA TOG'AY TO'QIMALARI REGENERATSIYASI

Suyak to'qimasi regeneratsiyaga ko'p darajada layoqatlidir, uning regeneratsiyasida endost, periost, pastda yotgan biriktiruvchi to'qima fibroblastlari ishtirot etadi. Tabaqalashmagan mezenxima hujayralari ham suyak hosil qiluvchi manba bo'lishi mumkin. Suyak shu qadar yaxshi regeneratsiyalanadi, singan joyini keyinchalik na rentgenologik yo'l bilan, na gistologik yo'l bilan aniqlab olish mumkin bo'lmaydi.

Tomirlar bilan yaxshi ta'minlangan to'qimalar jumlasiga kiradigan suyak singan mahalda bir talay qon quyilib qoladi. Bunda qon laxtalari suyak siniqlari o'rtasidagi bo'shliqni to'diradi. So'ngra koptokdek bo'lib turgan fibrin iplari doirasida granulatsion to'qima hosil bo'la boshlaydi. Suyak singan joyda 2—3 kuni periost bilan endostning zararlangan joyidan sal proksimalroq tomonda jadal proliferatsiyalani boradigan xondroblastlar va fibroblastlar paydo bo'ladi. So'ngra qon laxtalari granulatsion to'qima bilan almashinadi, ana shu to'qimada tog'ay to'qimasi orolchalari yuzaga kela boshlaydi. Tarkibida fibroblastlar bilan xondroblastlar bo'ladi bu to'qima suyakning singan uchlari o'rtasidagi bo'shliqni to'dirib, ularni tutashtiradi va suyak siniqlarining tez orada qimir-


lamay turadigan bo'lishini ta'minlaydi. Bu to'qima *yumshoq yoki dastlabki birkittiruvchi to'qima qadog'i deb ataladi*.

Keyinchalik unda dag'al dastali osteogen to'qima hosil bo'lib, osteoblastlar ko'payib boradi va *osteoid to'qima* paydo qiladi. Singan suyakning uchlari o'rtaqidagi kamgak osteoid va dag'al dastali to'qima osteoblastlanadi, shuningdek yangi paydo bo'lgan tomirlar bilan to'lib boradi – shu tariqa *dastlabki suyak qadog'i* hosil bo'ladi.

Birinchi haftaning oxirlariga kelib tog'ayning asosiy muddasida biroz miqdor kalsiy to'planib boradi, mana shu kalsiy dastlabki suyak qadog'ini qattiqlashtirib, pishiq qiladi. Shu bilan bir vaqtida periost va endostdan kelib chiqqan osteoblastlar suyak asosiy muddasining oqsilini - osteoidni ishlab chiqara boshlaydi. Dastlabki suyak qadog'ida tartibsiz joylashgan osteoid trabekulalar paydo bo'ladi, kalsiy to'planishi kuchayib boradi, shuning natijasida dastlabki suyak qadog'i singan suyakning uchlarni bir-biriga mahkam birlashtirib turadigan *uzil-kesil suyak qadog'iga* aylanib qoladi. Suyak qadog'i undagi suyak to'sinlarining tartib-siz joy olganligi bilan odatdagisi suyak to'qimasidan ajralib turadi (68-rasm). Bunda suyak qadog'i atrofida ham, suyak singan joy tevaragida ham ortiqcha suyak to'qimasi paydo bo'lib borishi mumkin. Ortiqcha suyak to'qimasi keyinchalik osteoklastlar yordamida qayta so'rilib ketadi (rezorbsiya). Borib-borib ko'mik turadigan bo'shliq ham paydo bo'ladi va unda yuzaga keladigan ko'mik o'zining tuzilishi jihatidan odatdagisi ko'mikdan farq qilmaydi. Osteoblastlar atrofiyaga uchrab, yo'qolib ketadi, qisman suyak hujayralariga aylanadi. Qon tomirlariga muvofiq keladigan Gavers kanallari paydo bo'ladi.

Suyak to'qimasining odatdagidek va o'z vaqtida regeneratsiyalanishi bir qancha omillar va shartlarga bog'liq. Shu omil va sharoitlar orasida singan suyakning hech qimirlamasdan *tinch turishi (immobilizatsiya)* muhim ahamiyatga ega. Sababi shuki, singan suyak uchlari yetarli darajada qimirlamaydigan qilib qo'yilmagan bo'lsa, ularning orasida kalsifikatsiyalangan osteoid trabekulalari bor qattiq suyak to'qimasi orniga kollagenga serob fibroz to'qima paydo bo'ladi va suyak to'qimasining yana regeneratsiyalanishini to'xtatib qo'yadi. Natijada singan suyakning uchlari harakatchan bo'lib qolib, *sixta bog' imlar* yuzaga keladi.

Suyak singan joy atrofiga talaygina qon quyilib qolgan mahallarda ham regenerativ jarayon paysallanib qolishi mumkin, chunki bunday sharoitlarda g'oyatda katta dastlabki suyak qadog'i hosil bo'ladi, uning haqiqiy suyak qadog'i bilan almashinishi uchun odatdagididan ko'ra ancha ko'p vaqt o'tishi talab qilinadi, shuningdek, oldindan hosil bo'lgan suyak qadog'i ham qiyinlik bilan so'rilib boradi. Suyak singan joyga infeksiya tushishi jiddiy asorat bo'lib hisoblanadi, chunki infeksiya to'qimalar shikastlanishini kuchaytirishdan tashqari suyak qadog'i hosil bo'lishini ham susaytirib qo'yadi.



68-rasm. Siniqdan keyin paydo bo'lgan suyak qadog'i: 1 — suyak sinig'i; 2 — fibroz qadog'i; 3 — suyak qadog'i; 4 — tog'ay qadog'i.

Suyak singanida shikastlangan joyni tegishlicha qilib, to'gri taxtakachlab qo'yish (immobilizatsiya) suyakning to'g'ri bitishini tezlashtiradi, chunki bunda suyak siniqlarining uchlari orasidagi masofa qisqaradi. Bordi-yu, taxtakachlash yoki singan suyak uchlarini bir-biriga yaqinlashtirib tog'rilab qo'yishi, ya'ni repozitsiya noto'g'ri o'tkazilgan bolsa, uvaqtida regeneratsiya susayib, suyak noto'g'ri bitadi, suyakning deformatsiyalaniq bitishi deb shuni atiladi. Bunday suyak zo'r kelganda bardosh berolmaydigan bo'lib qoladi.

Quyidagilar ham regeneratsiyaning borishiga sezilarli ta'sir ko'rsatadi: 1) gormonal omillar, ayniqsa osteoblastlarning faolligiga ta'sir o'tkazadigan estrogenlar, 2) qon bilan ta'minlanish darajasi, masalan, suyak singan joyning arterial qon bilan ta'minlanishi izdan chiqqan mahallarda suyakning bitishi juda sekinlashib, ba'zan necha oylar va yillarga ham cho'zilib ketadi, 3) odamning ovqatlanishi va organizmdagi almashinuv jarayonlarining holati. Masalan, ovqatda oqsil yetishmasligi yoki kalsiy tanqisligi suyak to'qimasi regeneratsiyasini susaytirib qo'yadi.

Suyak to'qimasining regeneratsiyasi, turli asoratlар bilan davom etib borishi mumkinligiga qaramay, organizm reparativ imkoniyatlarini namoyish qiladigan yorqin misol bo'lib hisoblanadi.

*Tog'ay to'qimasining regeneratsiyasi* suyak regeneratsiyasidan farq qilib, odatta chala bo'ladi. Nuqsonlar juda kichik bo'lgan mahallardagina tog'ay to'qimasi to'la-to'kis asliga kelishi mumkin. Bu jarayonda togay ust pardasining asosiy tog'ay moddasini ishlab chiqaruvchi kambial hujayralari faol ishtirot etadi. Tog'ay reparatsiyalaniq borgan sayin xondroblastlar xondrositlarga aylanaveradi. Tog'ay to'qimasidagi katta-katta nuqsonlar chandiq bilan almashinadi.

## QON VA TOMIRLAR REGENERATSIYASI

*Qonning reparativ regeneratsiyasi* odatda odam qon yo'qotib qo'ygandan keyin kuzatiladi. Tomirlarga to'qima suyuqligi o'tishi hisobiga plazma kamomadi tolib boradi, qon shaklli elementlarining miqdori esa qon yaratish organlarida zo'r berib yangi qon hujayralari paydo bo'lishi natijasida asliga keladi. Eritrotsitlar, donador leykotsitlar va trombotsitlar qizil ko'mikda, limfotsitlar taloq va limfa tugunlarida hosil bo'lib boradi.

Odam birdaniga talay qon yo'qotib qo'ygan mahallarda kuzatiladigan reparativ regeneratsiya fiziologik qon regeneratsiyasidan ancha jadal borishi bilan farq qiladi. Bunda qon yaratuvchi to'qimaning haddi-hududi ham kengayadi. Normada qon yaratuvchi to'qima taloq va limfa tugunlaridan tashqari umurtqa, to'sh, qovurg'a, mayda suyaklarning bulutsimon suyak moddasida joylashgan.

Qon regeneratsiyasi ba'zan patologik tusga kirishi mumkin. Masalan, qon yaratishda chuqur o'zgarishlar ro'y bergan mahallarda (leykemiya paytida), regeneratsiya kuchayib ketgan vaqtarda funksional jihatdan noraso bo'lgan, yetilmagan qizil, oq qon tanachalari qonga tushib turadi. Bunda ular tez yemirilib ketadi. Ilik mieloid o'zgarishga uchraydi. Boshqa organlarda, masalan, jigarda qon yaratuvchi to'qima orolchalari paydo bo'ladi, ekstramedullyar qon yaratish ochoqlari deb shularni aytildi.

**Tomirlar regeneratsiyasi.** Mayda tomirlar hammadan ko'ra ko'proq regeneratsiya layoqatiga ega bo'ladi. Tomirlar regeneratsiyasi ikki yo'l bilan: *kurtaklanish* yoki *autogen* yo'l bilan boradi. Birinchi holda avvaliga endotelial hujayralar dastasi do'mpayib kengayib chiqib, keyinchalik tomir yo'li paydo bo'lib boradi. Autogen yo'l bilan regeneratsiyalarini borishda hujayralar tomirga bog'lanmagan holda to'planib qoladi, ularning orasida tirqish paydo bo'lib, keyinchalik u endoteliy bilan qoplanadi. Bunday tomirlar plastik xossalarga ega bo'lmaydi.

## REGENERATSIYA MEXANIZMI

Yuqorida aytilanlardan ko'rinib turibdiki, regeneratsiya jarayonida ko'pgina struktura elementlari — epitelial, endotelial hujayralar, fibroblastlar, tomirlar ishtirok etadi. Bularning hammasi turli vazifalarni bajaradi — epitelial hujayralar proliferatsiyalarini, nuqsonli joy tomon o'tib borishi kerak, endoteliy hujayralari yangi tomirlar hosil qilishi, fibroblastlar kollagen va asosiy modda ishlab chiqarishda ishtirok etishi kerak va hokazo. Shu strukturalarning barcha amallari qat'iy tartibga solinib, uyg'unlashtirilib boriladi. Biroq bunday uyg'unlashuvning mexanizmi aniq emas.

Hozirgi kunda jarohatning bitishini idora etib boradigan uchta omil: *hujayralar o'rtaсидаги о'заро та'sир*, *hujayraning matriks bilan о'заро та'siri* va *regeneratsiyaning jonlanishi* (*o'sish omillari ta'siri ostida*) ma'lum.

Hujayra o'rtasidagi o'zaro ta'sir. Regenerator jarayon shikastlangan joydagi hujayralarning zo'r berib ko'payishiga olib keladi, lekin hujayralarning shu tariqa ko'payishi ma'lum davrga borib paysallanib qoladi. Masalan, jigarning biror qismi olib tashlanganida gepatotsitlar mitoz yo'li bilan bo'lina boshlaydi, lekin jigarning hajimi asliga kelishi bilan hujayralarning bo'linishi to'xtaydi. Xo'sh, hujayralarning ko'payishi qanday xabarga ko'ra to'xtaydi degan savol tug'iladi.

Hujayralarning in vitro sharoitlaridagi atvorini o'rganishda shu savolga javob olingan. Normal hujayralar Petri kosachasiga solib qo'yilganida ular bo'lina boshlab, migratsiyalanishga o'tadi va pirovard-natijada sidirg'a bir qatlam hosil qiladi. Mana shu paytda hujayralar bo'linishdan to'xtaydi. Bu fenomeniga *kontakt ingibitsiya* deb nom berilgan. Hujayralar bir-biriga to'qnash kelgan mahalla, ya'ni kontakt paytida signallar yoki qandaydir modda bilan almashinadi, shu narsa ularning keyinchalik yanada ko'payib borishini susaytirib qo'yadi deb taxmin qilinadi.

To'qimalar kulturasidagi normal hujayralarning bo'linishi ham hujayralar zichligiga bog'liqligi aniqlangan, *zichlikka bog'liq ingibitsiya* deb shuni aytildi. Regeneratsiyaning shu tariqa idora etilishi muhim ahamiyata ega, chunki jarohat bitib kelayotgan joyda o'sma paydo bo'lishiga yo'l qo'ymaydi.

**Hujayra bilan matriksning o'zaro ta'siri.** Jarohat bitib kelayotgan joydagi hujayralarning harakati, ko'payishi *hujayradan tashqaridagi matriks* ta'sirida ham idora etilishi hozir isbot etilgan. Ma'lumki, hujayradan tashqaridagi, ya'ni ekstra-sellyulyar matriks kollagen, glikozaminglikanlar, glikoproteidlardan (fibronektin, laminin)dan iborat murakkab kompleksdir. Bularning orasida fibronektin — yuqori molekulali glikoproteid alohida ahamiyatga ega. U hujayralar yuzasida, basal membrana va perisellular matriksda bo'ladi. Buni fibroblastlar, endotelial hujayralar, monotsitlar ishlab chiqaradi. Plazmada ham xuddi ana shunday fibronektin topiladi. Jarohat bitayotgan mahalda jarohatdag'i fibronektin konsentratsiyasi keskin ortadi. Jarohat bitishining ilk davrlarida plazma fibronektini fibrin iplaridan tashkil topgan va qon laxtasidagi sinchlar vazifasini bajaradigan to'rn'i o'rabi olib deb taxmin qilinadi. Fibronektin adgeziv, ya'ni yopishtirib oluvchi xossaga ega bo'lgani uchun shu narsa epithelial va yallig'lanish hujayralarining fibrin sinch bo'ylab o'tib borishini tezlashtiradi. Inaktiv fibronektin va uning fragmentlari ham monotsitlar uchun va eng muhimi fibroblastlar uchun musbat xemotaksis xossasiga egadir. Fibronektinning endotelial hujayralar migratsiyasi va kapillarlar hosil bo'lishi (angiogenezini tezlashtirishi) tajribada isbot etilgan. Bundan tashqari, u monotsitlardan fibroblastlar uchun o'sish omili ajralib chiqishini jonlantiradi. Fibroblastlar jarohat tomoniga o'tib, o'zlarini ham talaygina fibronektin va III tipdag'i kollagen ishlab chiqara boshlaydi.

Mana shu kuzatuvlarning hammasi granulatsion to'qimalar hosil bo'lishida fibronektin asosiy vazifani bajaradi deb taxmin qilishga imkon beradi. Jarohatning bitishi tugallanishi bilan fibronektin va III toifa kollageni sintezi susayib qoladi, fibroblastlar esa yana I toifadagi kollagenni sintezlay boshlaydi.

**O'sish omillari.** O'sish jarayonini jonlantiradigan turli omillar (o'sish omillari) ning kashf etilgani katta diqqatga sazovordir. Tasvirlab berilayotgan o'sish omillarining soni uzlusiz ko'payib bormoqda. Hozir ulardan epidermal o'sish omili (EGF), nervga aloqador o'sish omili (NGF), trombotsitlardan paydo bo'ladijan o'sish omili (PDFG), makrofaglardan hosil bo'ladijan o'sish omili (MDFG) va fibroblastlar o'sish omili (fibroblastik o'sish omili — FG) hammadan ko'ra ko'proq o'rganilgan. Bu o'sish omillarining hammasi polipeptidlar bo'lib, gormonsimon tuzilishga ega, har xil toifadagi hujayralar ana shu omillar ta'siri ostida bo'linish layoqatini kuchaytiradi. Chunonchi, epidermal o'sish omili ta'siri ostida har xil toifadagi epitelial hujayralargina emas, balki fibroblastlar, gliya hujayralari, buyrak hujayralari ham bo'rina boshlaydi. Nervga aloqador o'sish omilning nishon hujayralari biriktiruvchi to'qima hujayralari (fibroblastlar) bilan silliq muskul hujayralaridir. Makrofaglardan hosil bo'ladijan o'sish omili fibroblastlar va endotelial hujayralarga ta'sir o'tkazadi. Mana shu hollarning hammasida nishon hujayralarning yuzasida o'sish omillari uchun o'ziga xos retseptorlari bo'ladi.

Proliferatsiyalanayotgan hujayralar jarohatga o'tib, qo'shni hujayralar va hujayradan tashqari matriksdan kelayotgan signallar ostida bo'linishdan to'xtaydi. Demak, o'sma proliferatsiyasidan farq qilib, hujayralarning regeneratsiyaga aloqador ko'payishi idora etib boriladi va jarohat bitib bo'lishi bilan to'xtab qoladi.

## REGENERATSIYAGA TA'SIR O'TKAZUVCHI OMILLAR

Regeneratsiyaning jadalligi va odatdagidek to'gri o'tishi talaygina omillarga bog'liq. Shularning eng muhimlari jumlasiga quyidagilar kiradi: 1) odamning yoshi, 2) ovqatlanishi, 3) innervatsiyasining ahvoli, 4) qon yaratishining ahvoli, 5) qon va limfa aylanishining ahvoli, 6) gormonal statusi.

Yosh kishilarda regenerativ jarayonlar ancha jonli va to'la bo'lib o'tadi. Chala yoki atipik regeneratsiya degan narsa aksari yoshi qaytib qolgan odamlarda ko'rildi. Masalan, hajmi 20 sm<sup>3</sup> keladigan jarohat 30 yashar odamda, 10 yashar boladagi xuddi shunday jarohatga qaraganda ikki baravar uzoqroq muddatda bitadi.

Organizmda regeneratsiya bekamu-ko'st o'tadigan bo'lishi uchun ovqatdagi oqsillar, aminokislolar va vitaminlar ham bekamu-ko'st bo'lishi kerak. Ovqat noraso bo'lib, gipoproteinemiya yuzaga keladigan bo'lsa, bu narsa regenerator jarayonlar jadalligi pasayishiga olib boradi. Organizmda vitaminlar, ayniqsa vitamin S yetishmasligi regeneratsiyaning borishiga nihoyatda katta ta'sir o'tkazadi. Masalan, S avitaminozda kichikroq jarohat, yara ham bitmasdan turaveradi, bu narsa yaxshi kollagen hosil bo'lmasligi va kollagen tolalarning yetarlichcha ishlaniib chiqmasligiga bog'liqdir. Vitamin S yetishmaydigan mahallarda jarohatning bitishi sekinlashadi va jarohat pishiqlik bo'lib bitmaydi.

Jarohatning o‘z vaqtida bitishi uchun ruxning ham ahamiyati bor. Odamning to‘qimalarida rux yetishmaydigan mahallarda reparativ renegeratsiya sekinlashib qoladi. Ruxning ahamiyati uning RNK va DNK sintezida ishtiroki borligiga bog‘liq.

*Quyidagi leykositlarning holati* regeneratsiyaga kattagina tasir ko‘rsatadi. Leykopeniya yoki leykositlar funksional faolligining yetishmasligi singari o‘zgarishlar organizmning himoyalovchi xossalari susaytirib, uning infeksiyaga moyilligini kuchaytiradi. Neytrofillar sonining kamligi halok bo‘lgan hujayralarning lizosomalar ishtirokida proteolizga uchrashini, ya’ni yemirilib ketishini susaytiradiki, bu ham reparatsiyani sekinlashtirib qo‘yadi.

Odamda diabet borligi reparativ regeneratsiyani anchagina sekinlashtirib qo‘yadi. Diabet organizmning infeksiyaga moyilligini oshiradigan omildir. Diabet bilan og‘rigan kasallarda ko‘pincha sil, teri kasalliklari, siyidik chiqarish yo‘llari kasalliklari, zamburug‘li kasalliklar boshlanadiki, bular birinchi galda regeneratsiyaning o‘z vaqtida bo‘lib o‘tishiga to‘sqinlik qiladi.

Bundan tashqari, diabetda to‘qimalar, jumladan jarohatlarning qon bilan ta‘minlanishi kamayadi. Shu narsa elektrolitlar muvozanati buzilishiga olib keladi. Diabet bilan og‘rigan kasallarning neytrofillari xemotaksis hodisasiga kam layoqatli bo‘lib, fagotsitar faolligi kamayib ketganligi bilan ta‘riflandi. Ularning mikroblarni oldirish xususiyati ham pasayadi. Regeneratsiyani qalqonsimon bez, gipofiz, jinsiy bezlar, buyrak ustini bezlarining gormonlari kuchaytiradi.

Kortikosteroidlar reparativ regeneratsiyani susaytiruvchi ta’sir o‘tkazadi. Tajriba sharoitlarida kortizol yuborilganida yangi kollagen hosil bo‘lishi susayib qoladi, yangi tomirlar bitishi sekinlashadi. Steroidlar yetuk kollagen sintezlanib chiqishida muhim o‘rin tutadigan asosiy modda hosil bo‘lishini susaytirib qo‘yadi.

Regeneratsiyaning borishiga quyidagilar ham ta’sir o‘tkazadi: 1) qon bilan ta‘minlanish darajasi, 2) jarohatga infeksiya o‘tgan-o‘tmaganligi, 3) jarohatda yetuk jismlar borligi, 4) immobilizatsiya darajasi, 5) jarohatlangan joyning olgan o‘rni.

Arterial qon bilan ta‘minlanishning yetishmasligi, venoz qon dimlanib, qon oqib ketishining qiyinlashuvi reparativ regeneratsiya uchun jiddiy to‘siq bo‘lib hisoblanadi. Masalan, oyoqlarida sezilarli darajada ateroskleroz boshlangan bemorlarda regenerativ jarayonlar anchagina susayib qoladi. Venalarning varikoz kengayishida paydo bo‘ladigan trofik yaralar uzoq vaqtgacha bitmay yuradi. Bundan tashqari venoz giperemiya sharoitlarida limfa dimlanib qoladi, shuning natijasida parenxima regeneratsiyasiga halal beradigan biriktiruvchi to‘qima o‘sib boraveradi.

Jarohatning infeksiyalanishi uning ikkilamchi tartibda et olib bitishiga olib keladi. Bunda regeneratsiya to‘la bo‘lishi uchun ancha vaqt talab etiladi. Yet tana bo‘lishi ham reparatsiyani susaytirib qo‘yadi, agar uni jarrohlik yo‘li bilan olib tashlanmasa, ulkan yet jism tanalari hujayralari ishtirokida sekvestrlan-

maydigan, fermentlar bilan lizislanmaydigan bo'lsa, reparatsiyani susaytirib qo'yadi. Innervatsiyaning ahamiyati quymich nervni kesib qo'yib o'tkazilgan tajribalarda isbot etilgan. Bunday mahallarda bitmaydigan trofik yara paydo bo'ladi. Quyoshsimon chigal zararlanganida eksperimental yo'g'on ichak yaralari regeneratsiyasining susayib qolishi tasvirlangan.

## PATOLOGIK REGENERATSIYA

Innervatsiyaning izdan chiqishi, qon bilan ta'minlanishning yetarli emasligi (ateroskleroz, venoz to'lanqonlik), keksalik, avitaminoz, ayniqsa vitamin S yetishmovchiligi, oqsillar tanqisligi patologik regeneratsiya boshlanishiga olib kelishi mumkin. Bunday regeneratsiya reparatsiyaning susayib qolishi yoki regeneratsiyalanayotgan to'qimaning ortiqcha hosil bo'lishi ko'rinishida namoyon bo'la oladi. Bundan tashqari, hujayralar regeneratsiyaning bиринчи fazasida zo'r berib ko'payayotgan mahalda hujayralarning tabaqalashuvি bузилиши mumkin. Tabaqalashmay qolgan hujayralarning zo'r berib ko'payib borishi atipik elementlar paydo bo'lib, o'sma yuzaga kelishiga olib kela oladi.

Shunga muvofiq, patologik regeneratsiya 3 turga bo'linadi: 1) susaygan, 2) ortiqcha, 3) atipik regeneratsiya.

Kollagenning ortiqcha hosil bo'lishi keloid degan o'smasimon chandiq paydo bo'lishiga olib keladi, keloid paydo bo'lishining mexanizmi aniq emas. Patologik regeneratsiyaning boshqa bir ko'rinishi granulatsion to'qimaning ortiqcha paydo bo'lishidir, bu narsa jarohatning et olib bitishiga to'sqinlik qiladi.

Chandiq olib tashlanganidan keyin bir qancha hollarda fibroblastlar va biriktiruvchi to'qimaning boshqa elementlari haddan tashqari ko'p o'sib ketadi. *Tajovuzkor fibromatoz* deb shuni aytildi, bunday fibromatoz regeneratsiyaga harakterli odatdagи giperplaziya bilan atipik regeneratsiya mahalida boshlanadigan neoplaziya o'rтasida oraliq o'rinni egallaydi.

Regeneratsiya paytidа kuzatiladigan fibroplaziya asosida yotuvchi mexanizmi (hujayralar proliferatsiyasi, hujayralar va matriks o'rтasidagi o'zaro ta'sir, o'sish omillarining o'zaro ta'siri), masalan, revmatoid artrit, o'pka fibrozi, jigar sirrozida kuzatiladigan surunkali yallig'lanish fibrozining paydo bo'lish mexanizmiga o'xshashdir.

Biriktiruvchi to'qima regeneratsiyasini idora etuvchi molekulyar mexanizmlarning fibrozlovchi surunkali yallig'lanish jarayonlariga olib borishi mumkiliги diqqatga sazovordir.

Regeneratsiya jarayoni bузилиши natijasida ha deganda bitavermaydigan jarohatlar paydo bo'lib, singan suyaklarning uchi ancha vaqtgacha bir-biriga payvandlanmay, bitmay turadi o'sma paydo bo'lishi uchun sharoit tug'iladi.

## IX Bob

### INFEKTSION KASALLIKLAR

#### ETIOLOGIYASIVA PATOGENEZEI

#### VIRUSLAR QO'ZG'ATADIGAN KASALLIKLAR

O'tkir respirator virusli infeksiyalar:

*Gripp*

*Paragripp*

*Adenovirus infeksiyasi*

*Respirator-sinsital Infeksiya*

*Sitomegalovirusli infeksiya*

*Qizamiq*

#### BAKTERIYALAR

#### QO'ZG'ATADIGAN

#### KASALLIKLAR

*Difteriya*

*Skarlatina*

*Qorin tifi (ich terlama)*

*Salmonellyozlar*

*Dizenteriya (ichburug')*

#### O'ta xavfli infeksiyalar

*Vabo*

*Toun*

*Kuydirgi*

*Sil*

*Zaxm*

#### PATOGEN ZAMBURUG'LAR

#### QO'ZG'ATADIGAN

#### KASALLIKLAR

*Dermatomikozlar*

*Visseral mikozlar*

*Kandidoz*

*Aktinomikoz*

*Mogor mikozlari*

*Koksidioidoz*

#### SODDA JONIVORLAR QO'Z-

#### G'ATADIGAN KASALLIKLAR

*Bezgak*

*Ichak amyobiasi*

*SEPSIS*

Odam organizmiga patogen agentlar o'tib qolishidan kelib chiqadigan kasalliklar dardlarning katta guruhini tashkil etadi. Viruslar, bakteriyalar, zamburug'lar qo'zg'atadigan kasalliklar infektzion kasalliklar deb, sodda jonorvorlar va gjijalar organizmga kirganida paydo bo'ladigan kasalliklar esa invazion yoki parazitar kasalliklar deb ataladi.

Infektzion kasalliklar organizmning umumiy xastaligi bo'lib, mazkur infeksiyaga moyil odamlarda kuzatiladi. Ularni somatik kasalliklardan ajratib turadigan o'z xususiyatlari bor:

1) infektzion kasallikning paydo bo'lishi qanday bo'lmasin biror infekt (qo'zg'atuvchi) ta'siriga bog'liq, shu bilan birga har bir infektzion kasallikning o'z qo'zg'atuvchisi bo'ldi; 2) infektzion kasalliklar contagioz, ya'ni yuqumli bo'ldi, ma'lum muddat davom etadigan yashirin — inkubatsion davrdan keyin boshlanadi, siklik ravishda o'tib, mazkur infeksiya uchun tipik bo'lgan va birma-bir avj olib boradigan umumiy hamda mahalliy jarayonlar bilan birga davom

etadi; 3) infektsion kasalliklar postinfektsion immunitet paydo bo'lishi bilan tugallanadigan murakkab immunologik jarayonlar bilan birga boradi; 4) infektsion kasalliklarning avj olib borish mexanizmida bir-biriga bog'liq bo'lgan ikkita omil: infektning organizmga kirishiga javoban makroorganizm tomonidan ko'satsiladigan reaktsiyaning xususiyatlari va mikroorganizmlarning o'ziga xos xossalari (virulentligi, patogenligi, invazivligi va boshqalar) muhim ahamiyatga ega.

Mikroorganizm bilan makroorganizm birga yashashining uch turi tasvirlangan:

- 1) simbioz—mikroorganizm bilan makroorganizmning bir-biriga foyda keltirib birga yashashi;
- 2) kommensalizm, bunda mikroorganizm va makroorganizm bir-biriga ta'sir ko'sratmaydi;
- 3) parazitizm, bunda mikrorganizm makroorganizm hisobiga yashaydi, shu narsa kasallik paydo bo'lishiga olib keladi.

Patogen mikroorganizmlar odam organizmiga har xil yo'llar bilan kirishi mumkin. Ularning organizmga kiradigan joyi «infeksiya darvozasi» yoki «kirish darvozasi» deb ataladi. Badan terisi, ayniqsa chaqalangan, yaralangan hollarda, nafas yo'llari, ichak, siyidik-tanosil organlarining shilliq pardalari ana shunday kirish darvozalari bo'lishi mumkin. Shu munosabat bilan kasallik yuqori nafas yo'llari, o'pka, ichak va boshqalar orqali yuqa oladi.

Qo'zg'atuvchilar to'qimalarda keltirib chiqaradigan reaktsiyalar tabiatiga qarab bir-biridan farq qiladi. Masalan, bakteriyalar to'qimaga kirib olganidan keyin odatda ekssudativ yoki granulyomatoz yallig'lanishga sabab bo'ladi. Hujayra ichida yashovchi obligat parazitlar bo'lmish viruslar hujayraning distrofiya va nekrozga uchrashiga, shuningdek hujayralarda proliferatsiya va transformatsiya boshlanishiga olib keladi. Zamburug'lar atrofdagi to'qima alteratsiyaga uchrab, ularda proliferativ reaktsiya boshlanishiga sabab bo'ladi.

Infektning organizmga kirgan joyida shu organizm himoya reaktsiyasining ifodasi sifatida yallig'lanish jarayoni boshlanadi, birlamchi o'choq birlamchi affekt deb shuni aytildi.

Birlamchi o'choqdan infeksiya limfogen, gemitogen, intrakanalikular, perinevral yo'llar va kontakt yo'li bilan tarqalib boradi.

## ETIOLOGIYASI VA PATOGENEZI

Infektsion kasalliklarning qo'zg'atuvchilari bakteriyalar, viruslar, rikketsiyalar, spiroxetalar, mikoplasmalar, zamburug'lardir. Sodda jonivorlar qo'zg'atadigan kasalliklar parazitar, invazion kasalliklar jumlasiga kiradi.

Viruslar hammadan ko'p tarqalgan qo'zg'atuvchilar bo'lib, hujayra ichida yashovchi obligat parazitlar deb hisoblanadi, chunki o'zidan nasl qoldirish uchun hujayraning sintetik apparati, fermentlari va energiya hosil qiluvchi sistemalaridan foydalananadi.

Viruslarda, hayotning hujayrali shakllaridan farq qilib, faqat bitta tipdag'i nuklein kislotasi bo'ldi, xolos, shu munosabat bilan RNK, viruslar va DNK viruslar tafovut qilinadi. Virusning nuklein kislotasi tashqi parda kapsid bilan o'rallan, shu pardasi nuklein kislotani himoya qilish bilan birga virusning hujayralarga o'rashib olishiga, adsorblanishiga yo'l ochadi.

Viruslar organizmiga o'tganida hamisha ham kasallikka sabab bo'lavermaydi. Shu munosabat bilan organizmning infisirlanishi (ya'ni unga virus o'tib, virusning shu organizm hujayralarida replikatsiyalanishi) va virusning infektion kasallikni qo'zg'atishini (to'qimalarni zararlab, replikatsiyalanishini) aniq farq qilish kerak.

Viruslar obligat qo'zg'atuvchilardir, lekin virusli infeksiyalarning ko'pchiligi simptomlarsiz o'tadi va aniqlanmay qolaveradi. Bundan tashqari, viruslar ko'pincha organizmdan ajratib olinmay qoladi va ko'p yillar, hatto butun umr bo'yи organizmda saqlanib turib, surunkali infeksiyaga yoki uning latent xiliga sabab bo'lishi mumkin. Ana shunday holda patologik jarayon uzoq davom etadigan inkubatsion, ya'ni yashirin davrdan keyin boshlanadi va vaqt-bavaqt qo'zib turadi. Masalan, herpes zoster spinal gangliyalarda uzoq muddat saqlanib qolib, jonlangan davrida og'riqlarga sabab bo'lishi mumkin.

Viruslar niyoyat darajada mayda (20—30 nm) bo'ldi, shu munosabat bilan elektron mikroskopda sferik yoki silindrsimon tuzilmalar ko'rinishida aniq ko'zga tashlanadi. Ba'zi virus zarralari infeksiyalangan hujayralarda hattoki optik mikroskop bilan ham topiladigan xarakterli kiritmalarni hosil qiladi. Masalan, sitomegalovirus yuqqan hujayralar kattalashib borib, ularning yadrolarida yirik eozinofil kiritmalar hosil bo'ladi. Sitoplazmasida bir muncha mayda bazofil zarralari ko'zga tashlanadi. Gerpes virusi hujaya yadrolari ichida och tusli gardish bilan o'rallan yirik kiritmalar hosil qilsa, quturish kasalligining virusi xarakterli sitoplazmatik kiritmalar paydo qiladi. Biroq, ko'pchilik hollarda virus yuqqan hujayralarda hattoki elektron mikroskop yordami bilan ham virus zarralari borligini topib bo'lmaydi.

Infektion kasalliklarga bakteriyalar migratsiyasi va yuqishiga yo'l ochadigan genetik elementlar bo'lmish *bakteriofaglar*, *plazmidalar*, *transpozonlar* ham sabab bo'lishi mumkin. Shularning ta'siri ostida bakteriyalar virulent moddalarini, jumladan, toksinlar, gemolizinlar va o'zlarini dori preparatlari ta'siriga chidamli qilib qo'yadigan fermentlarni ishlab chiqish xususiyatiga ega bo'lib qoladi. Undan tashqari, bakteriofaglar va plazmidalar patogenmas bakteriyalarini patogen bakteriyalarga aylantirishi mumkin. Bakteriyalar bir hujayrali organizmlar bo'lib, yadrovi va endoplazmatik retikulumi yo'qligi bilan eukariotik hujayralardan farq qiladi. Viruslardagiqa qarshi o'laroq, bakteriyalarda DNK ham RNK ham bo'ladi, bular ribosomalarda sintezlanib chiqadi.

Bakteriya hujayrasining devori ikki qavat fosfolipid membranadan tuzilgan. Grammusbat bakteriyalarda bu membranalar glikoproteiddan iborat qavat bilan, grammanfiy bakteriyalarda liposaxarid qavati bilan bir-biridan ajralib turadi.

Bakteriyalar tuproq, suv, odam va hayvonlar organizmida yashaydi. Odam tanasining bakteriyalar ko'p to'planib qoladigan eng muhim sohalari badan terisi, og'iz bo'shlig'i, bronxial daraxt, ichak, siyidik-tanosil yo'llaridir. Bakteriyalar odam organizmiga o'tganida ular hujayradan tashqarida, ya'ni ekstrasellyullyar tarzda joylashadi. Biroq, hujayralar ichida ham yashovchi fakultativ bakteriyalar, masalan, sil mikobakteriyalari hujayralar ichida ham, tashqarisida ham ko'payva oladi.

Bakteriyalarning infektsion kasalliklarni qo'zg'ata oladigan potensial xususiyati kasallik ko'zg'atuvchanligi yoki patogenligi deb aytildi.

Rikketsiyalar, xlamidiyalar va mikoplazmalar tuzilishi jihatidan bakteriyalariga yaqin turadi va metabolizmining xususiyatlari hamda tuzilishidagi ba'zi elementlarining xossalari bilan ulardan farq qildi (masalan, mikoplazmada rigid hujayra devori bo'lmaydi).

Xlamidiyalar va rikketsiyalar hujayra ichida yashovchi obligat parazitlar bo'lib, epitelial hujayralarning fagosomalarida va endotelial hujayralar sitoplazmasida ko'payadi. Rikketsiyalar yuqib, endotelial hujayralar sitoplazmasida ko'paygan mahallarda gemorragik infektsion vaskulit boshlanib, tugunchalar paydo bo'ladi. Sezilarli darajadagi intoksikatsiya va tomirlardagi diffuz granulyomatoz markaziy nerv sistemasi va mikrosirkulyatsiya o'zanida kattagina o'zgarishlar ro'y berishiga olib keladi.

Mikoplazmalar, asosan, nafas organlarini zararlantiradi va havo-tomchi yo'li bilan yuqadi. Ular nafas yo'llari epitelial hujayralarining yuzasiga birikib olib, atipik pnevmoniyanı qo'zg'atadi, bunda limfotsitlar va plazmotsitlardan iborat peribronxial infiltratlar paydo bo'ladi. Siyidik-tanosil sistemasi zararlanib, gonorokkga bog'liq bo'lмаган uretrit boshlanishi ham mumkin.

Parazit zamburug'lari tuban darajadagi xlorofilsiz o'simliklar—zamburug'lar jumlasiga kiradigan mikroorganizmlardir. Bularning hujayralari qattiq pardaga bilan qoplangan. Zamburug'larning vegetativ tanasi miseliy hosil qiluvchi fibrillalardan iborat. Ular fakultativ yoki obligat parazitlardir.

Zamburug'lar qo'zg'atadigan kasalliklar zamburug'li kasalliklar yoki *mikozlar* deb ataladi. Odamda badan terisi va teri ortiqlari (soch-jun, tirnoqlar)ni zararlantiradigan mikozlar dermatomikozlar degan umumiyy nom bilan bitta guruhga birlashtiriladi. Parazit zamburug'larining boshqa vakillari ichki organlar ni zararlab, *chuqur* (*visseral*) mikozlarga sabab bo'ladi. Bunday mikozlar ko'proq uchraydigan joylar bor, ya'ni ular o'z geografiyasiga ega, masalan, blastomikozlar nuqul tropik mamlakatlarda, koksidiozozlar AQSHda uchraydi. O'zbekistonda chuqur mikozlar dermatomikozlardan farq qilib, nihoyat darajada kam uchraydi.

Zamburug'lar odatda granulyomalar hosil bo'l shiga olib keladi va im-munitet tanqisligi holatida tarqalib boradi. Bunda ko'p sonli nekroz o'choqlari yuzaga kelib, hujayra reaksiyasi juda sust bo'ladi va ko'pgina joylarga qon quyladi. OITS bilan kasallangan odamlar uchun og'iz bo'shlig'inining zararlanishi va

ko'pincha aspergillalar hamda pnevmosistalar qo'zg'atadigan sistema infeksiyasi boshlanishi xarakterlidir.

Sodda jonivorlar (Protazoa) mikroskopdagina ko'rinaldigan mayda organizmlar bo'lib, yadroli bitta hujayradan iborat.

Ular ham ayniqsa rivojlanib kelayotgan mamlakatlarda odam uchun patogendir, bu mamlakatlarda ular o'limga olib boradigan turli parazitar kasalliklarga sabab bo'lishi mumkin.

Trixomonozlarning qo'zg'atuvchilari hammadan ko'p tarqalgan. Bu qo'zg'atuvchilar jinsiy yo'l bilan yuqadi va ayollarning qinida, erkaklarning siyidik chiqarish kanalida yashaydi. Ichakda yashaydigan sodda jonivorlardan Entamoeba histolytica hammadan ko'ra ko'proq tarqalgan, bu parazit ichak devorida yashab, uning destruksiyaga uchrashiga sabab bo'ladi. Bezzak qo'zg'atuvchilari — plazmodiyalar eritrotsitlarga o'rashib olib, ularning halok bo'lishiga olib keladi.

Infektion kasalliklarning avj olib borish mexanizmi har xil, bu qo'zg'atuvchining biologik xossalari, virulentligi, invazivligiga, makroorganizm himoya mexanizmlarining ahvoliga, kasallik qo'zgatuvchisining organizm bilan qay tariqa o'zaro ta'sir qilishiga bog'liq.

Kasallik qo'zg'atuvchisi odam organizmiga o'tganida ximoyalovchi-moslashtiruvchi murakkab reaksiyalar sistemasiga duch keladi. Infektning organizmga o'tish yo'lidagi birinchi to'siq: 1) intakt holdagi badan terisi va shilliq pardalardir, bularning himoyalovchi xossalari ulardag'i normal mikrofloraga; 2) bakterisid moddalari (masalan, ko'z yoshida lizotsim) bo'lganligidan bakteriya va viruslarni o'diruvchi bez sekretlari (shilimshiq, me'da shirasi, o't, ko'z yoshi) ta'siriga bog'liq.

Ko'pgina kasallik qo'zg'atuvchilarining mana shu to'siqlarni yengib o'tishi qiyin. Masalan, badan terisi va shilliq pardalar shikastlanmagan, ya'ni intakt holda bo'lsa, OITS virusi organizmga o'ta olmaydi. Me'da shirasi normal bo'lgan odamda esa Kox vibrioni organizmga juda ko'p miqdorda (1011) o'tganidagina vaboga sabab bo'la oladi. Ammo bir qancha qo'zg'atuvchilar, masalan, shigel-lalar, mikobakteriyalar hozir ko'rsatilgan to'siqlarni buzib, bermalol yengib o'ta olishi mumkin. Shu sababdan ham sog'lom odam organizmiga intakt epitelial to'siqlarni zararlay oladigan virulent bakteriyalar o'tganida ko'pincha nafas, me'da-ichak yo'li va siyidik tanosil sistemasining infeksiyalari boshlanadi. Bundan tashqari, masalan, ichak infeksiyalarining boshlanishida:


- 1) me'da shirasi sekretsiyasining susayishi, 2) antibiotiklar bilan davolash,
- 3) ichak motor funktsiyasining izdan chiqishi ham ahamiyatga ega.

Bir qancha viruslar, masalan, enteroviruslar, gepatit A virusi, shuningdek amyoba, me'da shirasi, ichak proteazalari va o't ta'siriga chidamlidir. Ba'zi enteropatogen bakteriyalar enterotoksin ishlab chiqaradi, bu toksin tabiiy to'siqlarning destruksiyaga uchrashiga yoki ichak yo'liga ko'p miqdor suyuqlik ajralib chiqishi sabab bo'ladi. Ichak yo'liga bir talay suyuqlik ajralib chiqqan holda juda

kam morfologik o'zgarishlar ro'y beradi. Biroq, masalan, dizenteriya mahalida bo'lganidek, ichak epiteliysiga o'tib, uni yemiradigan va yallig'lanishga, yara paydo bo'lishiga hamda qon quyilishiga sabab bo'ladigan bir guruh bakteriyalar bor.

Monotsitar-makrofagal sistema, leykositlar, autoflora, shuningdek immun sistema ham himoya qiluvchi to'siq, ya'ni baryer hisoblanadi.

Kasallik qo'zg'atuvchisi mana shu to'siqlarni yengib o'tadigan bo'lsa, ichak, o'pka, siyidik-tanosil yo'llarining yuzasidagi epiteliy bo'ylab tez tarqalib boradi (69-rasm).



69-rasm. Kasallik qo'zg'atuvchilarining organizmga kirishi, unda tarqalish va undan chiqarilish yo'llari (Mims S. A., 1987).

Bir qancha qo'zgatuvchilar, masalan, stafilokokklar, streptokokklar gialuronidaza ishlab chiqarib, ekstrasellyulyar matriksni yemiradi, shu narsa ularga chuqruda yotgan to'qimalarga ham yetib borish uchun imkon beradi. Bundan tashqari, ular limfa tugunlari va limfa tomirlariga o'tib, limfadenit va limfanigit boshlanishiga sabab bo'lishi mumkin. Qo'zg'atuvchilar limfa to'sig'ini yengib o'tadigan bo'lsa, qon oqimiga tushib, bakteriemiya boshlanishiga sabab bo'lib, olisdagi organlarda (yurak, jigar, taloq, miya, suyaklarda) ikkilamchi infeksiya o'choqlari paydo bo'lishiga olib keladi. Kasallik qo'zg'atuvchilari qonga tushganida har xil usullar bilan tarqalib boradi. Masalan, hepatit B, polimielite virusi, ko'pchilik bakteriyalar, zamburug'lar erkin holda qon plazmasi bilan tarqaladi. Gerpes virusi, mikobakteriyalar, leyshamaniyalar va toksoplazmalar leykositlar bilan, bezgak qo'zg'atuvchisi eritrotsitlar bilan bir joydan ikkinchi joyga o'tadi.

Kasallik qo'zg'atuvchisining gematogen yo'l bilan tarqalib borishi infeksiyaning umumiy simptomlari yuzaga chiqishiga, masalan, harorat ko'tarilib ketishiga, bosh og'rig'i, bo'g'inlar va muskullarda og'riq turishiga olib keladi. Piogen bakteriya yoki parazitlar (masalan, bezgak plazmodiyilari) ning juda ko'payib zo'r invaziyaga sabab bo'lishi o'limga olib kelishi mumkin.

Infektion kasalliklar uchun qo'zg'atuvchilarning organizmdan tashqi muhitga qanday yo'llar bilan chiqib turishi ham epidemiologik jihatdan olganda muhim ahamiyatga ega, chunki bu narsa kasal odam aksa urganida, yo'talganida, undan boshqa kishiga, shuningdek oral fekal yo'l bilan sog' lom odamga kasallik qo'zg'atuvchisi o'tishiga sabab bo'lishi mumkin. Axlat tushib ifloslangan ovqat va suv epidemiya hamda endemiyalarning muhim manbalaridir. So'lak bezlarida bo'ladigan viruslar (gerpes, tepki viruslari) gaplashish, kuylash, o'pishish mahalida tashqariga chiqadi. Jinsiy aloqalar va hashoratlar chaqishi natijasida ham bir qancha kasalliklarning qo'zg'atuvchilari o'tib qolishi mumkin.

Infektion kasalliklar boshlanib avj olib borishida quyidagi asosiy mexanizmlar ahamiyatga ega:

1) infektning hujayralarga o'rashishi yoki kirib qolishi, bu ularning halok bo'lishiga olib keladi;

2) qo'zg'atuvchilarning hujayralarni naridan turib halok qiladigan endotoksinlar va ekzotoksinlar ishlab chiqarishi;

3) to'qima yoki tomirlar destruksiyasiga sabab bo'ladigan fermentlar ishlab chiqarishi. Tomirlar zaralanganida ishemik nekrozlar boshlanishi mumkin;

4) infektlar organizmning immun reaksiyasiga olib kelishi mumkinki, shu reaksiyaning o'zi ham to'qimalar yemirilishiga sabab bo'la oladi.

Hujayraning virusdan zararlanish mexanizmi virusning odam organizmi hujayrasiga o'tishi va replikatsiyalanishi bilan bog'liq. Ma'lumki, virion yuzasida hujayralar yuzasidagi muayyan retseptorlarga mos keladigan o'ziga xos retseptorlar bo'ladi. Shu narsa virusning u ko'paya oladigan hujayralargagina adsorbsiyalanishiga imkon beradi. Virusning hujayraga kirish jarayonining hammasini bir nechta bosqichga bo'lish mumkin.

*Birinchi bosqichda* virus hujayra retseptorlariga adsorbsiyalanganidan keyin hujayra membranasiga duch keladi, bunda shu membrana hujayra ichiga tortilib, vakuol hosil qiladi. Mana shu davrda kapsid destruksiya uchraydi va hujayra proteazalariga sezgir bo'lib qolib, batamom yemirilib ketadi, bu narsa virus nuklein kislotosining ajralib chiqishiga olib keladi.

*Ikkinci bosqichda* virus nuklein kislotosi hujayraga o'tganidan keyin virusning replikatsiyasi uchun zarur bo'lgan maxsus ferment va oqsillar sintezlana boshlaydi.

*Uchinchi bosqichi* virus nuklein kislotosining replikatsiyalanishi bilan ta'riflanadi.

*To'rtinchi bosqichida* informatsion RNK sintezlanib, virionlar tarkibiga kি radigan oqsillarni kodlab beradi. Shu bilan bir vaqtida virionlar ham shakllana boshlaydi.

Viruslar muayyan troplik xossasiga egadir, bu odam organizmi hujayralarida virusning ma'lum hujayraga birikib olishiga imkon beradigan retseptorlar bor-yo'qligiga va viruslarning hamma hujayralarda ham ko'payavermasdan, balki faqat ma'lum hujayralardagina ko'paya olishiga bog'liqdir. Viruslarning hujayralarni zararlaydigan va nekrozga uchratadigan turli yo'llari tasvirlangan:

1) viruslar hujayralarda nuklein kislotalar va oqsillar sintezini susaytirib qo'ya oladi (ingibir laydi),

2) virus oqsillari plazmatik membranaga suqilib kirib, uni emirishi mumkin;

3) viruslar ma'lum hujayralarda ko'payib, ularning lizisga uchrashiga sabab bo'ladi. Masalan, sariq isitma virusi gepatotsitlar, gripp virusi respirator yo'llar epitelial hujayralari, quturish kasalligi va poliomielit virusi harakatlantiruvchi neyronlarning halok bo'lishiga sabab bo'ladi;

4) virus yuqqan hujayralar T-limfotsitlar hujumi uchun nishon bo'lib qoladi, masalan, virus B gepatitda shunday hodisa kuzatiladi;

5) viruslar mikroblarga qarshi himoyada ishtiroya etuvchi hujayralarni ham zararlaydi, bu narsa ikkilamchi infeksiya boshlanishiga olib keladi. Masalan, respirator epiteliyining zararlanishi keyinchalik bakterial infeksiya boshlanishiga sharoit tug'diradi; immunitet tanqisligiga sabab bo'ladigan virus T-xelperlarni zararlab, talaygina opportunistik infeksiyalar uchun darvozalarни ochib beradi;

6) virus o'zi yashab turgan hujayralarning halokatiga sabab bo'lishi bilan birgalikda funktsional jihatdan shu hujayralarga mahkam bog'langan boshqa hujayralarni ham bilvosita yo'l bilan zararlaydi. Chunonchi, poliomielit virusi orqa miyadagi harakatlantiruvchi neyronlarning halok bo'lishiga sabab bo'lib, distal skelet muskullari hujayralarining denervasiyaga, atrofiya va nekrozga uchrashiga ham olib keladi;

7) viruslar hujayralar proliferatsiyasiga sabab bo'lib, ularni o'sma hujayraliga aylantirib yubora oladiki, bu o'sma paydo bo'lishiga olib keladi.

**To'qimalarning bakteriyalardan zararlanish mexanizmi** asosida bir nechta omil yotadi:

1) bakteriyalarning xo'ja hujayralariga yopishuvchanligi. Bunda bir qancha bakteriyalarning infeksiyalanayotgan hujayralarga yopishib olishi — adgeziyasi fimbriylarning uchida ularning tropligini belgilab beradigan oqsil bo'lishiga bog'liq;

2) bakteriyalarning epitelial hujayralar tomonidan endositozga yoki mak-rofaglar tomonidan fagotsitozga uchrashi;

3) bakteriyalarning toksinlar ishlab chiqarishi;

4) hujayra to'sig'i ni yengib o'ta oladigan ferment va gemolizinlar ishlab chiqarish. Ko'p sondagi juda xilma-xil hujayralarni zararlantira oladigan viruslardan farq qilib, hujayra ichida yashaydigan fakultativ bakteriyalar epitelial hujayralar-

ni (shigellalar, ichak tayoqchasi) va makrofaglarni (mikobakteriyalar) zararlashi mumkin. Shigellalar va ichak tayoqchasi hujayraga kirar ekan, undagi oqsil sintezini bo'g'ib qo'yib, tez ko'payib boradi va 6 soat davomida hujayralarni lizisga uchratadi. Salmonellalar, mikobakteriyalar makrofaglarning fagolizosomalarida replikatsiyalanadi. Hujayra immun reaktsiyasi bo'limgan mahalda ko'pgina mikroorganizmlar makrofaglarda saqlanib qoladi, bu esa organizmga yomon ta'sir qiladi, chunki infektion jarayonning tarqalib borishiga sabab bo'ladi.

Bakteriyalar ishlab chiqaradigan toksinlar endotoksinlar va ekzotoksinlarga bo'linadi.

*Bakteriya endotoksinlari* — liposaxaridlar — grammnfiy bakteriyalar tashqi devorining tuzilishihsa ishtirok etadi. Endotoksinlar makroorganizmga o'ziga xos, ya'ni spetsifik ta'sir ko'rsatish xususiyatiga ega emas. Chunonchi, ular ko'pincha odam organizmiga bir zaylda ta'sir ko'rsatib, isitma chiqishiga, septik shokka, tomirlar ichida qon quyilib qolishiga, o'tkir respirator distress sindromga sabab bo'ladi.

*Bakteriya ekzotoksinlari* nihoyat darajada o'ziga xos, ya'ni spetsifik ta'sir ko'rsatadi, kasallik klinik ko'rinishlarining o'ziga xos, ya'ni ma'lum bir zaylda bo'lishi ana shunga bog' liq. Chunonchi, botulizm ekzotoksini faqat periferik nerv oxirlariga ta'sir ko'rsatib, qo'l-oyoglarda zo'rayib boradigan falaj boshlanishiga sabab bo'ladi. Vabo ekzotoksini ichak epitelial hujayralaridan izoosmotik suyuqlik ishlanib chiqishini kuchaytiradi, bu narsa ich surib, suv elektrolitlari yo'qolib borishiga olib keladi. Difteriya ekzotoksini yurak muskuli, periferik nervlar va buyrak ustti bezlarini zararlaydi.

Kasallik qo'zg'atuvchilarining organizmga o'tishiga javoban unda tegishli reaktsiya boshlanadi, shu reaktsiyaning asosiy ko'rinishi yallig'lanishdir, yallig'lanish reaktsiyasi esa pirovardida immunitet yuzaga kelishiga olib boradi.

*Infektion kasalliklar tasnifi.* Bu kasalliklar juda xilma-xil. Chunonchi, *biologik belgisiga ko'ra* infeksiyalarning quyidagi turlari tafovut qilinadi:

1. Antropozolr — faqat odamdagina uchraydigan infektion kasalliklar.
2. Antropozoonozlar — odamda ham, hayvonlarda ham uchraydigan infektion kasallik.
3. Biosenozlar — hasharotlar chaqqan mahalida o'tib qoladigan antropoz va antropozoonoz infeksiyalar guruhi.

*Etiologik belgisiga ko'ra* infektion kasalliklar quyidagilarga ajratiladi:

- 1) virusli infeksiyalar, 2) rikketsiozlar, 3) bakterial infeksiyalar, 4) zamburug'li infeksiyalar, 5) protozoy infeksiyalar, 6) parazitar infeksiyalar.

*Klinik-anatomik ko'rinishlarining tabiatiga ko'ra* infektion kasalliklarning quyidagi turlari tasvirlangan: 1) asosan badan terisi, kletchatka, muskullar, zararlanadigan infeksiyalar (chechak, kuydirgi, anaerob gangrena); 2) asosan nafas yo'llari zararlanadigan infeksiyalar (o'tkir respirator infeksiyalar, pneumoniya, sil); 3) asosan hazm yo'li va shu yo'ldagi bezlar zararlanadigan infeksiyalar (dizenteriya, vabo, amyobiaz, virusli hepatit, qorin tifi); 4) asosan nerv

sistemasi zararlanadigan infeksiyalar (quturish kasalligi, poliomielit); 5) asosan qon sistemasi zararlanadigan infeksiyalar (bezgak, qaytalama tif); 6) asosan tomirlar sistemasi va ichki muhit to'qimalari zararlanadigan infeksiyalar (zaxm, brusellyoz, tepkili tif); 7) asosan siyidik-tanosal yo'llari zararlanadigan infeksiyalar (so'zak, yumshoq shankr va boshqalar). *Klinik o'tishiga qarab infeksiyalar quyidagi turlarga bo'linadi:* 1) o'tkir, 2) surunkali, 3) latent (yashirin) infektsion kasalliklar, 4) sekinlik bilan o'tadigan 5) tashuvchanlik.

## VIRUSLAR QO'ZG'ATADIGAN KASALLIKLAR

Virusli infeksiyalar juda xilma-xil bo'lishi bilan ajralib turadi, chunki infektsion kasalliklarni, jumladan latent, ya'ni yashirin holda o'tadigan kasalliklarni qo'zg'ata oladigan viruslar nihoyatda ko'p. Viruslar ma'lum bir troplik xususiyatiga ega. Chunonchi, bir qancha viruslar yuqori nafas yo'llari infeksiyalarini (o'tkir respirator virusli infeksiyalarini) qo'zg'atsa, boshqalari hepatotrop viruslardir (A, B, S hepatit, deltagepatit viruslari). Faqat nerv sistemasini tanlab zararlantiradigan bir guruh viruslar ham bor (sustlik bilan o'tadigan infeksiyalar, ensefalitlar, quturish, poliomielit va boshqalar).

## O'TKIR RESPIRATOR VIRUSLI INFEKTSIYALAR

O'tkir respirator virusli infeksiyalar (O'RV) ayniqsa yoshi qaytgan kishilar va go'dak bolalar orasida uchraydigan kasallanish va o'lish hollarining asosiy sabablaridan biridir. O'RV ning asosiy qo'zg'atuvchilari A, B, gripp, paragripp viruslari, adenoviruslar, respiratorsinsital viruslardir, O'RV orasida gripp, paragripp, respiratorsinsital va adenovirusli infeksiyaları hamdan ko'ra ko'proq uchraydi.

### GRIPP

*Gripp (sinonimi — inflyuensa) nafas yo'llari shilliq pardasi zararlanib, umumi intoksikatsiya hodisalari bilan o'tadigan o'tkir virusli kasallikdir.* Epidemiyalar, pandemiylar ko'rinishida tarqaladi. Sporadic hollari ham uchraydi. Gripp keng tarqalishi odamlarning shu kasallik qo'zg'atuvchisiga yuqori darajada beriluvchanligi, kasallikning havo-tomchi yo'li bilan o'tib, infeksiya yuqib turishi, hosil bo'ladigan immunitetning uzoq cho'zilmasligi va virusning o'zgaruvchan bo'lishiga bog'liqdir.

**Etiologiyasi va patogenezi.** Gripp qo'zg'atuvchilari ortomiksoviruslar oilasiga mansub bo'lib, RNK li pnevmotrop viruslardir. Bular uch tipga: A, B va S tiplarga bo'linadi. Bu tiplari o'zlarining antigen xossalari bilan farq qiladi va fermentativ hamda gemagglutinatsiyalovchi faollikka ega. Viruslarning pishiq po'sti bor, shu po'stning tashqi qavati uglevod guruhi ega bo'lgan polipeptidlardan tashkil topgan. Glikoproteidlardan iborat bo'lgan shu uglevod guruhi funksional jihatdan gemagglutinatsiyalovchi va neyramnidaz faollikka egadir.

Virusning o'zagi (nukleokapsidi) spiral ribo-nukleoproteiddan iborat. Virion-larning kattaligi 80—100 nm keladi.

Kasallikni yuqtiradigan manba bemor kishidir, bemor infeksiyaning inkubatsion davridayoq kasallik qo'zg'atuvchilarini nafas yo'llari orqali tashqariga chiqarib olib turishi mumkin. Virus bemor odam gaplashganida, yo'talgan va aksa organida so'laklari, shilimshiqlari, balg'am zarralari bilan birga tashqariga chiqib turadi. Mana shu tomchi yoki zarralar lahma o'tmasdan qurib, havoda uzoq saqlanib tura oladigan aerozollarga aylanadi. Gripp virusi kurib qolgan va cho'kib tushgan aerozollarda 5 haftagacha uy changida, 2 haftagacha o'rino'kpalarda saqlanib turishi mumkin. Mana shu narsa kasallikning chang aerozollari, ro'zg'or buyumlari, o'yinchoqlar, sochiq va boshqalar orqali yuqishiga yo'l ochadi.

Gripp patogenezida virusning respirator epiteliya tropligi, qon aylanishining izdan chiqishi va organizm himoya reaktsiyalarining susayib qolganligi ahamiyatga egadir. Gripp virusi yuqori nafas yo'llari epitelial to'sig'ining hujayralariga tez o'rashib olib, shu yerda ko'payadi va hujayralarning destruksiya bilan nekrozga uchrashiga sabab bo'ladi. Virus qonda aylanib yurib, organizmnинг zaharlanishiga (intoksikatsiya) va stazlar, plazmorragiyalar hamda gemorragiyalar paydo bo'lishiga olib boradi.

**Patologik anatomiyasi.** Yuqori nafas yo'llari shilliq pardasida seroz, katal, seroz-gemorragik rinit, laringit, traxosit, traxeobronxit ko'rinishida o'tkir yallig'lanish reaktsiyasi boshlanadi. Bunda shilliq pardalarning yallig'lanib qip-qizarib turishi, ularda nuqta-nuqta qontalashlar bo'lishi grippning xarakterli belgisi hisoblanadi, shilliq pardalarda nekrotik jarayon boshlanganini ko'rsatuvchi sarg'ish tusli joylar ham topilishi mumkin.

Mikroskopik jihatdan olganda nafas yo'llari epiteliysida vakuolli distrofiya boshlanadi. Hujayralarning virus antigeni bo'lgan ustki qavatlari ajralib tusha boshlaydi. Shilliq pardadan olingen surtmalar immunoflyuoressent yo'l bilan tekshirib ko'riganida silindrsimon epiteliy hujayralarida tovlanib turadigan virus antigenlari topiladi.

Bronzial epiteliy hujayralarida vorsinkalar yo'qolib ketadi. Gripp virusi ko'payib borishi natijasida sitoplazma nekrozga uchragan joyda autofagosomalardan iborat sitoplazmatik kiritmalar yuzaga keladi. Subepitelial qatlama sezilarli darajada shish va yirik hujayrali infiltratsiya borligi ko'zga tashlanadi. Gripp virusi alveolalar va alveola yo'llarini qoplab turadigan hujayralarni ham zararlab, ularning ko'chib tushishiga sabab bo'ladi (deskvamatsiya). O'pkaning intramural nerv tolalarida, elastik va retikulyar asosida ham alteratsiya boshlanadi.

Qon aylanishining izdan chiqishi tomirlarning paralitik giperemiyaga uchrab, nafas yo'llari shilliq pardasiga qon quyilishi bilan ifodalanadi. Alveolyar to'siqlarda o'choqlar holida giperemiya yuzaga kelib, o'pka kapillarlarida stazlar, trombozlar boshlanadi. Bir qancha olimlar nekrotik arteriitlar va periarteriitlar

ham boshlanadi deb hisoblaydi. Alveolyar to'siqlarda proliferativ alveolit manzarasi ko'zga tashlanadi.

Grippga ikkilamchi bakterial infeksiya (ayniqsa, stafilokokk infeksiyasi) ham qo'shiladigan bo'lsa, yallig'lanishga xos va destruktiv jarayonlar yanada kuchayadi. Virusli-bakterial kasallik uchun yiringli nekrotik, fibrinoz traxeo-bronxitlar, bronxiolitlar, absesslovchi pnevmoniya va plevritlar xarakterlidir.

Destruktiv jarayonlarning kuchayib borishi yuqori nafas yo'llarida, bronxial daraxtning turli doiralarida nekrotik o'zgarishlarning zo'rayib borishida o'z ifodasini topadi. O'pkada katta-kichikligi va ekssudatinining tabiatini jihatidan har xil bo'lgan yallig'lanish o'choqlari, nekrotik fokuslar, qon quyilib qolgan va atelektazga uchragan joylar bo'lishi mumkin. Mana shularning hammasi grippdan zararlangan kattakon ola-bula o'pka degan klassik manzarani yuzaga keltiradi, bunda plevra ham jarayonga qo'shilib ketadi (fibrinoz-yiringli yoki nekrotik plevrit ham boshlanadi).

Nafas organlarida grippdan keyingi o'zgarishlar (postgrippo o'zgarishlar) regenerator jarayonlar boshlanishi bilan ta'riflanadi. Ko'pchilik hollarda nafas yo'llari epiteliysi butunlay reparatsiyalanadi, ayni vaqtida *psevdometaplaziya* degan xarakterli bosqich bo'lib o'tadi, bunda yangi hosil bo'lgan epiteliy qatlami ko'p qavatlari yassi epiteliyiga o'xshab turadi. Bir qancha hollarda gripp asorat berib, ha deganda barham topmaydigan bronxoektaqlar bilan o'tuvchi surunkali bronxitlar, surunkali interstisial pnevmoniyalar boshlanadi, bular pnevmosklerozga olib kelishi mumkin. Grippda boshqa organlarda ham har xil patologik jarayonlar bo'lib o'tadi, bu jarayonlar nainki intoksikatsiyaning o'ziga, balki virusning o'sha organlar parenximatoz hujayralarida rivojlanib borishiga ham bog'liqidir. Yurakda fibrinoz yoki fibrinoz-yiringli perikardit, endokardit, parenximatoz miokardit boshlangani tasvirlangan jigarda gepatotsitlar distrofiyasi, Kupfer hujayralari giperplaziysi va biriktiruvchi to'qima qatlamlarining yirik hujayrali infiltratsiyasi bilan birga davom etib boradi. Toksik dissirkulator ensefalopatiya ham boshlanishi mumkinki, grippning bu asorati shish yuzaga kelishi, staz boshlanishi, qon quyilishi, neyronlarning distrofiyaga uchrashi bilan ta'minlanadi.

Klinik manzarasi har xil, uning qanday bo'lishi kasallik qo'zgatuvchisining virulentligiga, organizmnning rezestentligi va unda avvaldan biror xildagi kasallik bor-yo'qligiga, grippga ikkilamchi bakterial infeksiya qo'shilgan-qo'shilmaganligiga bog'liq. Grippning prodromal davri odamning sal lanj bo'lib, eti uvishib turishi, bog'img'lari va muskullarining zirqirab og'rishi bilan ta'riflanadi. Kasallik birdan boshlanadi. Kasallikning o'tishida ikkita asosiy sindrom tafovut qilinadi: *intoksikatsion va kataral sindrom*. Et uvishib qaltirash, isitma chiqishi, bosh og'rishi, muskullar va bog'img'larning zirqirab turishi singari simptomlar organizmnning zaharlanishiga, ya'ni intoksikatsiyaga bog'liqidir. Intoksikatsiya kuchayib borganida odam ko'ngli aynib qusishi, talvasaga tushishi, bunda gemorragiyalar boshlanishi mumkin. Kasallikning birinchi yoki ikkinchi

kuni oxiriga kelib, rinit, faringit va laringit, gohida traxeit ko'rinishida kataral sindrom paydo bo'ladi.

**Asoratlari.** Gripping eng ko'p uchraydigan asoratlari jumlasiga pnevmoniyalar (virusli, virusli-bakterial pnevmoniyalar) kiradi. Bundan tashqari, intoksikatsiya tufayli buyraklar zararlanib, mikrogematuriya va proteinuriya boshlanishi, toksik gepatit, o'tkir otit, gaymorit, gipertenziv sindrom, toksik ensefalopatiya bo'lishi mumkin. O'limning asosiy sabablari intoksikatsiya, birdan miya shishuvi, miyaga qon quylishi, o'pkaga aloqador asoratlardir.

## PARAGRIPP

*Ancha keng tarqalgan o'tkir respirator virusli infeksiya bo'lib, unda yuqori nafas yo'llari zararlanadi.* Sporadik hodisalar va ayniqsa bolalar jamoalari o'ttasida ayrim epidemiyalar ko'rinishida uchraydi. Infeksiya manbai kasal odam, infeksiya havo-tomchi yo'li bilan tarqaladi.

**Etiologiyasi va patogenezi.** Paragripp qo'zg'atuvchisi paramiksoviruslar oиласига kiradigan I—IV tipdagi pnevmotrop RNK viruslardir. Ular noto'g'ri sferalar shaklida bo'lib, diametri 150–300 nm keladi. Virus kapsidida ko'p yadroli hujayra simoplastlari hosil bo'lishiga olib boradigan modda bor.

Paragripp avj olib borish mexanizmi jihatidan grippga o'xshaydi, lekin kamroq darajada intoksikatsiyaga sabab bo'ladi. Virusning qaysi joylarni zararlashi tipiga bog'liq. Chunonchi, o'tkir laringit, hiqildaq shishib, soxta krup paydo bo'lishi I va II tiplardagi viruslar uchun xarakterlidir. III tipdagi virus bronxiolit va pnevmoniya sabab bo'ladi. Odamga IV tipdagi virus yuqqanida yuqori nafas yo'llarining katari boshlanadi.

**Patologik anatomiysi.** Paragripp kataral laringotraxeobronxit boshlanib, hiqildaqda hammadan yaqqol ko'rindigan o'zgarishlar paydo bo'lishi bilan ta'riflanadi. O'pkadagi yallig'lanish o'choqlari o'pkaning orqa-pastki bo'limlarida qizg'ish-ko'kimir tusdagi zichroq o'choqlar ko'rinishida ko'zga tashlanadi.

Mikroskop bilan tekshirib ko'rilmaganida yuqori nafas yo'llari epitelisida distrofik o'zgarishlar va epiteliy deskvamatsiyasi topiladi. Traxeya va bronxlar epiteliysining har yer har yerida proliferatsiyaga uchrab, yostiqsimon o'simtalar hosil qilishi xarakterli o'zgarishlar jumlasiga kiradi. Subepitelial qavatlarda shish borligi, qon to'lib turgani, o'choq tarzidagi limfold infiltratsiya paydo bo'lgani ko'zga tashlanadi. Bronxlarning bo'shilig'ida seroz suyuqlik, ko'chib tushgan epiteliy hujayralari, bitta-yarimta leykotsitlar, makrofaglar, eritrotsitlar topiladi. O'pkada serozdeskvamativ pnevmoniya boshlanib, ba'zi alveolalarda gialin membranalari paydo bo'ladi.

Virusning ichki organlarga tarqalib, ularda ko'payib borishi munosabati bilan shu organlarda ro'y beradigan o'zgarishlar qon aylanishining izdan chiqishi, distrofiya ko'rinishida ifodalananadi. Buyrak, me'da osti bezi, ingichka ichak epiteliysida respirator epiteliy uchun xarakterli bo'lgan yostiqsimon o'simtalar paydo bo'lgani tasvirlangan. Bunday o'simtalar yumshoq miya pardasi tomirlari,

bosh miya tomir chigallari va yon qorinchalar ependifmasi endoteliysi hujayralarda ham uchraydi.

**Klinik manzarasi** asta-sekin yuzaga chiqib boradi, sust ifodalangan intoksi-katsiya va nafas yo'llarining zararlanganiga xos simptomlar: rinit, faringit, laringit, bronxit bo'lishi xarakterlidir. Soxta krup kamdan-kam, faqat I tipdagi virus yuqqan mahallarda kuzatiladi. Yengil xildagi paragrippning qo'zg'atuvchilari II va III tipdagi viruslardir. Odamga IV tipdagi virus yuqqanida kasallik og'irroq o'tadi. **Asoratlari** pnevmoniya, tonsillit, sinusit, otit ko'rinishidagi ikkilamchi infeksiyalar qo'shilishiga bog'liq. Yevstaxit boshlanishi ham mumkin.

## ADENOVIRUS INFEKTSIYASI

*Adenovirus infeksiyasida nafas yo'llari, ko'z konyunktivasi, tomoq va hiqildoq limfov to'qimasi patologik jarayonga tortilib ketadi. Ichak va qorin bo'shlig'idagi limfa tugunlari ham zararlangani tasvirlangan.*

**Etiologiyasi va patogenezi.** Bu kasalliklarning qo'zgatuvchilari turli serotiplariga mansub bo'lgan va hujayralarning yadroli ichida kiritmalar hosil qiladigan DNKli adenoviruslardir. Adenovirus infeksiyaları jahonning deyarli baracha mamlakatlarida tarqalgan. Infeksiya manbalari bemorlar, rekonvalessentlar va sog'lom virus tashuvchilaridir. Bu infeksiya sporadic kichik epidemiyalar va sporadic kasalliklar ko'rinishida o'tadi.

Adenovirus infeksiyasining patogenezida kasallik qo'zg'atuvchisining si-topatogen ta'siri, viremiya va ikkilamchi infeksiya qo'shilishining ahamiyati bor.

**Patologik anatomiyasi.** Kasallikning yengil xilida yuqori nafas yo'llarining o'tkiz katalar yallig'lanishi boshlanadi. Oq'ir xilida virus tarqalib ketadi yoki ikkilamchi infeksiya ham qo'shiladi. Birinchi holda yuqori nafas yo'llari shilliq pardasi qizarib, shishib qolgani, unga mayda-mayda bo'lib qon quylgani ko'zga tashlanadi. O'pkaning orqa va pastki bo'limlari zararlanadi, bu narsa o'pka to'qimasining zichlanib qolgani va kulrang-qizil tusdagi o'choqlar paydo bo'lgani bilan ifodalanadi.

Mikroskopik tekshirishda adenovirus hujayralari deb ataladigan hujayralarning topilishi xarakterli belgi bo'lib hisoblanadi, bu hujayralar yadroso yirik hamda ularda och tusli kambar gardish bilan o'ralib turgan tuxumsimon yoki dumaloq shakldagi kiritmalar borligi bilan ajralib turadi. Hujayralarning sitoplazmasi va yadrolarida fuksinofil kiritmalar ham topiladi. Epiteliy hujayralari ko'chib tushadi, ba'zida palaxsa-palaxsa bo'lib tushadi. Shilliq parda ostidagi qatlama limfogistotsitar infiltratsiya ko'zga tashlanadi. Bronxlar yo'lli ko'chib tushgan hujayralar, makrofaglar va bitta-yarimta leykositlar aralashgan seroz ekssudat bilan to'lib turadi. Alveolyar epiteliyda ham xuddi shunday o'zgarishlar topiladi. Alveola yo'llari va alveolalarda deskvamatsiyaga uchragan adenovirus hujayralaridan tashqari, ipir-ipir oqsil massasi ham bo'ladi, bunda bir oz miqdor eritrotsitlar, makrofaglar, limfotsitlar va neftrofillar ko'zga tashlanadi. ba'zan gialin membranalar topiladi. Alveolalar orasidagi to'siqlarda mononuklear hujayra infiltratsiyasi bo'lishi xarakterlidir.

Adenovirus infeksiyasining tarqoq holdagi og'ir xilida ko'pgina ichki organlar ham zararlanadi. Ularda qon aylanishi izdan chiqib, distrofik, nekrotik jarayonlar bilan yallig'lanish jarayonlari boshlanishidan tashqari, epiteliyning yuqorida aytib o'tilganidek, o'ziga xos tarzda o'zgarishi ham xarakterlidir. Bu kasallikda ichak, appendiks, jigar, me'da osti bezi, buyrak va buyrak ustini bezlari zararlanishi mumkin. Limfa tugunlarida mononuklear infiltratlar paydo bo'ladi.

**Klinik manzarasi.** Adenovirus infeksiyasi faringokon'yunktival isitma, yuqori nafas yo'llari katari ko'rinishida va ichak kasalligi shaklida o'tadi. Yuqori nafas yo'llari katari (rinit, traxeobronxit) da astmatik sindrom va laringit boshlanishi mumkin. Kon'yunktivit kataral, follikulyar va pardali bo'lishi mumkin. Adenovirus infeksiyasiga aloqador pnevmoniya va uning ichak kasalligi shaklida o'tadigan xili ko'pincha yoshiga to'limgan bolalarda uchraydi. Adenovirus asoratlarining jumlasiga otitlar, sinusitlar, anginalar va pnevmoniyalar kiradi.

## RESPIRATOR-SINSITIAL INFEKTSIYA

*Respirator-sinsitital infeksiya yuqori darajada kontagioz, ya'ni tez yuqadigan kasallikdir, lekin uning epidemiyalari tabiatan kichik, mahalliy bo'ladi. Bu kasallikda nafas yo'llari zararlanadi.*

**Etiologiyasi va patogenezi.** Qo'zg'atuvchisi paramiksoviruslar oиласига мансуб бо'лган RNKli respirator-sinsitital virus (RS-virus)dir. RS-infeksiya bolalarda ko'проq kuzatiladi. Patogenezi gripp bilan paragrippning avj olib borish mexanizmi bilan bir xil.

**Patologik anatomiysi.** Ko'rinarli morfologik o'zgarishlar asosan nafas yo'llarida topiladi. Hiqildoq, traxeya va yirik bronxlarning shilliq pardasi o'zgarmaydi yoki sal qizarib turadi. Ularning bo'shlig'iда ko'piksimon, ozmoz qon aralashgan shilimshiqsimon suyuqlik bo'ladi. O'pkaning orqa-pastki bo'limlarida to'q qizil tusli zikh o'choqlar topiladi, bular kesib ko'rilganida yuzidan qon aralash loyqa suyuqlik oqib tushadi. O'pkaning oldingi bo'limlari emfizemaga xos tarzda shishib turadi. Plevrada nuqtalar ko'rinishida mayda qontashlar bo'ladi.

Mikroskop bilan tekshirib ko'rilganida mayda bronxlar, bronxiolalar va alveolyar yo'llar epiteliysining proliferatsiyaga uchrab, so'rg'ichsimon o'simtalar yoki och tusli yirik yadrolari bilan ajralib turadigan yirik hujayralardan iborat qatlamlar ko'zga tashlanadi. Immunofluorescent tekshiruvda epithelial hujayralar sitoplazmasida virus antigenlari topiladi. Optik mikroskop bilan tekshirib ko'rilganida infeksiyalangan hujayralar sitoplazmasida fuksinofil kirimlar ko'zga tashlanadi. Epitelial proliferatlar va ekssudat bronxial daraxtning obstruktsiyaga uchrab, o'tkir o'pka emfizemasi va ateletkazi boshlanishiga sabab bo'lishi mumkin. O'pkaning interstisial toqimasida hujayralar infiltratsiyasi va alveolalar devorlarining destruksiyasi kuzatiladi.

Infeksiya tarqalib ketgan hollarda ichak, jigar, me'da osti bezi, buyrak zararlanishi mumkin. Bu organlarda nospetsifik o'zgarishlar bilan bir qatorda ushbu

infeksiya uchun xarakterli bo'lgan so'rg'iichsimon epitelyi o'simtalari ham topiladi.

Klinik manzarasi yuqori nafas yo'llarining juda yengil kasalliklaridan tortib, og'ir bronxiolitlar, bronxitlar va pnevmonyalarni ham o'z ichiga oladi. RS-infeksiyaning yengil xilida harorat ko'tarilmasdan yoki subfebril darajagacha ko'riliши bilan o'tadigan yuqori nafas yo'llarining katari kuzatiladi. Kasallikning og'ir xili aksari yoshiga to'limgan bolalarda kuzatiladi. Bu narsa bronxlar va o'pkaning jarayonga qo'shilib ketganiga bog'liqdir. Obstruktiv sindrom manzarasi bilan o'tadigan nafas yetishmovchiligi boshlanishi xarakterlidir.

## SITOMEALOVIRUSLI INFEKTSIYA

*Sitomegalovirusli infeksiya (inkluzion kasallik, sitomegaliya) ko'pgina organlar va sistemalar zararlanib, ularning to'qimalarida ko'p yadroli yirik kiritmasi bo'ladigan ulkan hujayralar paydo bo'lishi bilan ta'riflanadi.* Bu virus kasalligi asosan har xil turdag'i immunitet tanqisligiga aloqador bo'lgan opportunistik infeksiyalar jumlasiga kiradi.

**Etiologiyasi va patogenezi.** Infeksiya qo'zg'atuvchisi turga xos hamma xususiyatlarni o'ziga jo qilgan DNKli sitomegalovirusdir. Bu virus dam-badam virus zarralarini hosil qilib, organizmda saqlanib borish layoqatiga ega bo'lgan gerpetik viruslar oilasiga kiradi. Sitomegalovirusning sitopatogen ta'siri zararlangan organlarida ulkan hujayralar paydo bo'lishi bilan namoyon bo'ladi. Infeksiya manbai shu kasallikning har xil turlari bilan og'igan kasallar yoki virusni surunkasiga tashib yuruvchi kishilardir.

Sitomegalovirus infeksiyasida turli organlar zararlanadi. Ko'pgina mammakatlarda 50—100 foiz katta yoshli bemorlarning qonida sitomegalovirus uchun spetsifik bo'lgan antitelolar topiladi. Sitomegalovirus tez tarqalib boradi, shu munosabat bilan bu virus yuqqanidan keyin ko'p o'tmay uni qonda, miyada, qindan chiqqan ajratmalar, ko'krak suti, urug', ko'z yoshi, so'lak, axlatda topsa bo'ladi. Sitomegalovirus har qanday yoshdag'i odamga yuqishi mumkin, lekin quyidagi hoidisalar tasvirlangan: 1) onada infeksiya bo'lganida qornidagi homilaga o'tishi (prenatal infeksiyalanish); 2) hayotining birinchi yilida, ya'ni ona immunoglobulinlari bolada yo'qolib ketgan mahalda infeksiya yuqishi; 3) aerogen, peroral yo'l bilan, qon quyilganida, organlar ko'chirib o'tqazilganida va ajabmaski, jinsiy aloqa mahalida ham infeksiya yuqishi. Kasallikning avj olib borish mexanizmi va patogeneziga qarab *sitomegalovirusli infeksiyalarning tug'ma va turmushda orttirilgan xillari* tafovut qilinadi. *Tug'ma xili* sitomegalovirus sindromi degan narsani ham o'z ichiga oladi (bola tashlash bolaning o'lik, chala tug'ilishi, jigar zararlanib, sariqlik boshlanishi, markaziy nerv sistemasi zararlanishi trombotsitopenik purpura, tarqoq sepsis).

Kasallikning *turmushda orttirilgan xili* isitma chiqishi, intoksikatsiya boshlanishi, muskullarda og'riq turishi (mialgiya), limfoadenopatiya, sialoadenit bilan o'tadi.

**Patologik anatomiysi.** Bunday qaraganda anatomik o'zgarishlar juda kam bo'ladi, zararlangan organlar, ayniqsa jigar bilan taloqning salgina kattalashib turgani kuzatiladi, xolos. Bosh miya hajmi kichrayib (mikrosefaliya) unda petrifiksatsiya o'choqlari paydo bo'ladi.

Mikroskopik tekshirishda parenximatoz elementlarning alteratsiyaga uchragani topiladi. Bezli organlarda epitelial elementlar, bosh miyada neyronlar, o'pkada alveolyar epiteliy hujayralari, buyrakda kanalcha epiteliysi zararlanadi. Zararlangan hujayralar polimorfizm bilan ajralib turadi, bular kattalashib, diametri 40 mkm ga yetib qoladi, ulkan giperxrom yadrolari bo'ladi. Hujayralarning yadrolarida och tusli gardish bilan o'ralsan kiritmalar aniq ko'zga tashlanadi. Sitoplazmasida mayda bazofil kiritmalar bo'ladi. O'pkada interstisial pnevmoniya boshlanishi va jigar bilan buyrak ustini bezlarida nekroz o'choqlari bo'lishi mumkin. Bosh miyada zararlangan neyronlar atrofida glial reaktsiya boshlanadi.

**Klinik jihatdan** sitomegalovirusli infeksiya badan sarg'ayishi, hepatosplenomegaliya, anemiya boshlanishi va trombotsitopeniyaga aloqador gemorragik diatez bo'lishi bilan ifodalanadi. Ruhiy rivojlanishda orqada qolish hollari, nevrologik o'zgarishlar ham kuzatiladi. Birmuncha yengil hollarda interstisial pnevmoniya, hepatit, ensefalist boshlanadi va qon yaratish ham izdan chiqadi. Sitomegalovirusli infeksiya postnatal davrda yuqqan hollarda ancha yengil shaklda, hatto simptomsiz o'tadi. Bu kasallikning og'ir xili nihoyatda kam uchraydi. Bunda interstisial pnevmoniya, hepatit, me'da va o'n ikki barmoq ichak yara kasalligi, anemiya yoki trombotsitopeniya boshlanadi. Katta yoshli odamlarda sitomegalovirusli infeksiya odatda simptomsiz o'tadi. Biroq OITS bilan og'rib, immunitet tanqisligiga uchragan kasallarda, shuningdek allogen buyrak retsipyentlarida bu xastalik og'ir o'tadi.

## QIZAMIQ

*Qizamiq haddan tashqari tez yuqadigan (kontagioz) bo'lishi bilan ajralib turuvchi o'tkir virusli kasallikdir, yuqori nafas yo'llari shilliq pardalari va ko'z konyunktivasida kataral yallig'lanish boshlanishi, badan terisiga dog'simon-palyoz toshma toshishi bilan ta'risflanadi. Bu kasallik bilan asosan bolalar og'riydi.*

**Etiologiyasi va patogenezi.** Qizamiq qo'zg'atuvchisi tarkibida RNK tutuvchi, miksoviruslar guruhi kira digan virusdir, o'lchami 150 nm keladi. Bu infeksiya havo-tomchi yo'li bilan yuqadi. Ayni vaqtida virus yuqori nafas yo'llari va ko'z konyunktivasiga tushadi. Lekin virusning organizmiga tushadigan asosiy yo'li, ya'ni kirish darvozasi ko'z konyunktivasi deb hisoblanadi. Virus epiteliyda distrofik o'zgarishlarga sabab bo'ladi va shilliq parda ostidagi qatlama o'tib, shu yerdan limfa tornirlari orqali regionar limfa tugunlariga yetib boradida, shu tugunlarda to'planib ko'payta boshlaydi. Limfatik to'siqni yengib o'tganidan keyin virus qon oqimiga tushadi va bu yerdan yana limfov to'siqmaga boradi. Nati-jada tipik ulkan hujayralar hosil bo'ladi. Qizamiq virusi leykositlarning fagotsi-

tar faolligini, hujayra va gumoral immunitetni pasaytirib, respirator epiteliyning to'siqlik, ya'nı baryer funktsiyasını susaytiradi. Ana shu mahalda avvaldan bor infektsion kasalliklar, ayniqsa sil qo'zib qlishi mumkin (go'yoki qizamiq uya qu-radiyu, sil tuxum qo'yadi). Qizamiq virusi organizmda uzoq saqlanish turishi va surunkali panensefalit boshlanishiga olib kelishi mumkin degan gaplar bor.

**Patologik anatomiyasi.** Konyunktiva, tomoq, traxeya va bronxlarning shilliq pardalarida kataral yallig'lanish boshlanib, og'ir hollarda nekroz ham ro'y beradi. Hiqildoqning shishishi va nekrozga uchrashi uning muskullari reflektor yo'l bilan tortishib, spazmga uchrashiga va asfiksiya boshlanishiga olib kelishi mumkin (soxta krup). Shilliq pardalar epiteliysining metaplaziyaga uchrab, ko'p qavatlari yassi epiteliyga aylanishi, shuningdek enantema va ekzantema paydo bo'lishi xarakterli struktura o'zgarishlari jumlasiga kiradi.

**Enantema** lunjlar shilliq pardasida oqish dog'lar ko'rinishida paydo bo'ladı. Ular pastki ildizli tishlar damida ko'zga tashlanadi va diagnostik jihatdan muhim ahamiyatga ega bo'lib hisoblanadi.

**Ekzantema** yuz, bo'yin, gavda terisida va qo'l-oyoqlarning yoziluvchi yuzalarida paydo bo'ladigan dog'simon yirik toshmadir. Mikroskop bilan tekshirib ko'rilganida toshma elementlari shish, giperemiya o'choqlaridan, ba'zan dermaning so'rg'ichli qavatida paydo bo'lgan perivaskular limfogistiotsitar infiltratsiyali qontalashlar ko'rinishida bo'lib chiqadi epidermis hujayralarida shish, nekroz va parakeratoz o'choqlari bo'lgan vakuollanish hodisalari topiladi. Bu narsa pirovard natijada epiteliyning kepakka o'xshab ko'chib tushishiga olib keladi. Bodomcha bezlari, appendiks va limfa tugunlarida qizamiq uchun xarakterli bo'lgan ko'p yadroli ulkan makrofaglar yuzaga keladi.

Qizamiqdagi shu kasallikka aloqador proliferativ panbronxit boshlanib, ikkilamchi infeksiya qo'shilgan mahallarda bronxlar devorida keyinchalik nekrozin paydo bo'lishi mumkin. Peribronzial o'pka to'qimasi ham jarayonga qo'shilib ketgan mahalda «qizamiqqa xos o'pka» manzarasi yuzaga keladiki, bunda o'pka to'qimasida miliar sil do'mboqchalariga o'xshab ketadigan sarg'ish-kulrang tughunchalar topiladi. Ularning o'rtasida bronx yo'lli ko'rinish turadi. Qizamiq munosabati bilan ensefalit va seroz meningit ham boshlanishi mumkin.

**Klinik o'tishi** uch davrga bo'linadi: kataral davri, toshma toshish va pigmentasiya davri (3—4 kun).

*Qataral davri* tana haroratining 39° S gacha ko'tarilishi, yuqori nafas yo'llari shilliq pardasida o'tkir kataral yallig'lanish boshlanishi bilan ta'riflanadi ba'zan soxta krup (bo'gma) boshlanishi mumkin (enantema ham shu davrda paydo bo'ladı).

*Toshma toshish davri* (4—5 kun) dog'simon-papulyoz toshma paydo bo'lishi bilan ta'riflanadi. Bunda bemorning yuzi kerkib, burni bilan yuqori labi shishib turadi, ko'zlari qizarib, yiringlab turadi. *Pigmentasiya davrida* toshma rangi o'zgarib, qoraya boshlaydi-da, keyin jigarrang tusli bo'lib qoladi.

Qizamiq asoratlari jumlasiga laringit, laringotraxeit, pnevmoniya, otit, yuz yumshoq to'qimalarinining namli gangrenasi (noma) kiradi.

## BAKTERIYALAR QO'ZG'ATADIGAN KASALLIKLAR DIFTERIYA

*Difteriya — shilliq pardalar, asosan yuqori nafas yo'llari shilliq pardalarida fibrinoz yallig'lanish boshlanishi va kasallik qo'zg'atuvchisining ekzotoksnsini ta'sirida umumiy intoksikatsiya bo'lishi bilan ta'riflanadigan o'tkir infektsion kasalliklar jumlasiga kiradi.*

**Etiologiyasi va patogenezi.** Difteriya qo'zg'atuvchisi Klebs — Leffler batsilasidir. U tashqi muhitda ancha keng tarqalgan. Odamlarning tomog'i, ichagi, terisida va jarohatlar yuzasida ko'p topiladi (batsilla tashuvchanlik).

Difteriya tayoqchasi o'ziga xos ekzotoksin ishlab chiqaradigan korinobakte riyalar guruhiga kiradi. Bu ekzotoksnini difteriya qo'zg'atuvchisi virulentligining asosiy omildir. Difteriya qo'zg'atuvchisining patogenligini belgilab beradigan kompleksga toksindan tashqari gialuronidaza, neyramnidaza va antifagotsitar omillar kiradi. Hujayra ichida sintezlangan toksin hujayra devoridagi kanallar orqali atrofdagi muhitga chiqib, makroorganizmda boshlanadigan mahalliy va umumiy hodisalarga sabab bo'ladi deb taxmin qilinadi.

*Mahalliy jarayonlarning boshlanish mexanizmi* infekt kirgan joydagi to'qim alarga batsillalar va toksinlarining ta'sir qilishi natijasida o'sha to'qimalarning to'g'ridan-to'g'ri zararlanishiga bog'liq deb hisoblanadi. Difteriya patogenezida ekzotoksinlarning qonda aylanib yurishi alohida ahamiyatga ega. Kasallikning o'ziga xos intoksikatsiya tufayli og'ir o'tadigan umumiy simptomlari nafas yo'llari difteriyasida nima sababdan hech qachon kuzatilmaydiyu, lekin tomoq difteriyasida ko'p kuzatiladi degan masala hamon sir bo'lib qolmoqda. Difteriya tayoqchasi shilliq pardadagi kirish darvozasi sohasida ko'payib boradi. Bunda shu mikrobdan ajralib chiqadigan ekzotoksin epiteliy nekrozi, tomirlar pareziga sabab bo'lib, tomirlar devori o'tkazuvchanligining o'zgarib qolishiga olib keldi. Mana shu narsa tomir yo'lidan fibrinogen ajralib chiqishiga sabab bo'ladi. Infeksiyalangan shilliq parda yuzasida fibrinogen ivib qolishi natijasida fibroz parda hosil bo'ladi. Difteriyada boshqa organlar, ayniqsa, yurak-tomirlar, nerv sistemasi, buyrak ustni bezlari ham zararlanadi. Ekzotoksin organizmdan ajralib chiqar ekan, buyrak kanalchalari epiteliysiga ta'sir etib, uni zararlaydi. Immunitet tanqisligi, endokrin sistemaning norasoligi alohida ahamiyatga ega bo'ladi.


Infeksiya manbai kasal odam yoki toksik batsilla shtammlarini tashib yuruchi kishilardir. Difteryaning atipik xillari bilan og'rigan bemorlar epidemiologik jihatdan ayniqsa xatarli hisoblanadi. Bu kasallikning sporadik hollari ham, epidemiyalari ham uchrab turadi. Infeksiya o'tishining asosiy mexanizmi havotomchi yo'lidir.

**Patologik anatomiysi** infeksiya darvozalarida ro'y beradigan mahalliy o'zgarishlar va turli ichki organlarda boshlanadigan jarayonlardan tarkib topadi.

Mahalliy o'zgarishlar, ayniqsa bodomcha bezlari, yumshoq va qattiq tanglay, halqum devorida ro'y beradi. Ular og'iz, burun, burun-halqum bo'shlig'ida ham

bo'lishi mumkin. Ba'zan difteriya pastga tushib, hiqildoq, traxeya, yirik va mayda bronxlarga ham o'tadi (70-rasm).

Hiqildoq, traxeya va bronxlarning krupoz-difteritik zararlanishi chin krup deb ataladi. Difteriyada hammadan tipik tarzda zararlanadigan joylar tomoq, burun, hiqildoq, traxeyadir. Kasallikning ko'z kon'yunktivasi va shox pardasida, qin shilliq pardasida, badan terisida ham bo'lishi uncha tipik emas deb hisoblanadi. Difteriyada kuzatiladigan mahalliy o'zgarishlar mohiyat e'tibori bilan o'tkir yallig'lanish jarayoni boshlanishidan (dastlabki hafta davomida) iborat bo'ladi. Oldiniga (birinchи davrida) bu jarayon katar tusida bo'ladi — shilliq parda juda giperemiyalanib, shishib turadi. So'ngra bu jarayon fibrinoz shaklga kiradi. Shishib, juda giperemiyalangan shilliq pardada kulrang-gungurt yoki sarg'ish tusli karashlar paydo bo'ladi. Mana shu qalin karashlar shilliq parda yuzasiga zikh yopishib turadi va qirilganida arang ko'chadi. Ular leykotsitlar aralashgan fibrin, ko'chib tushgan epiteliy va bir talay difteriya batsillalaridan iborat bo'ladi. Fibrinoz yallig'lanish krupoz va difteritik bo'lishi mumkin.



70-rasm. Tomoq, hiqildoq, traxeya, bronxlar differiyasi. Bular shilliq pardasint yuzini sarg'ish karash zikh qoplab olgan:  
1 — bodomcha bezlari, 2 — hiqildoq, 3 — traxeya.

Krupoz yallig'lanishda fibrinoz pardalar shilliq pardanining yuzasida o'tiradi va oson ko'chib tushadi. Shu xildagi yallig'lanish traxeya va bronxlarda, ya'ni silindr-simon epiteliy bilan qoplangan joylarda kuzatiladi. Asl difteritik yallig'lanish ko'p qavatli yassi epiteliy bilan qoplangan joylarda ko'rildi (tomoq, bodomcha bezlari, ovoz boyqlamlari, hiqildoq qopqog'i orqa yuzasi, badan terisida). Bunday hollarda karash mahkam yopishgan va uni shilliq pardadan ajratish qiyin bo'ladi.

Hiqildoq, traxeya va bronxlarning fibrinoz yallig'lanishida chin krup boshlanishi mumkin. Buni qizamiq va gripp mahalida bo'ladi soxta krupdan farq qilish, ajratib olish kerak. Soxta krupda fibrinoz pardalar umuman bo'lmaydi va yallig'lanish tabiatan katar tarzda o'tadi. Nafasning qiyinlashib, stenotik bo'lib qolishi xiqildoq muskullarining alohida bir tarzda ta'sirlanib, spazmga uchrashi ga bog'liq.

Kasallikning ikkinchi davrida (birinchi haftasining oxiri va ikkinchi haftasining boshlarida) pardalar ko'chib tusha boshlaydi, bu narsa shilliq parda yuzasida rahnalar (nuqsonlar) paydo bo'lishiga olib keladi. Bu rahnalar keyinchalik asar qoldirmasdan yo'qolib ketadi (kasallikning uchinchi davri). Pardalarning ko'chib tushishi yuzaga kelgan nekrozlar chizig'i bo'ylab boshlanadigan demarkatsion yallig'lanish yo'li bilan yoki yirngili yallig'lanish yo'li bilan bo'lib o'tadi. Difteriya uchun zararlangan to'qimalarda birdan seroz shish boshlanishi xarakterlidir. Mana shunday shish ma'lum joylarda (bodomcha bezlari, ovoz boyqlamlari so-hasida) paydo bo'lganida asfiktik hodisalarga olib kelishi mumkin. Shish ba'zan bo'yin yumshoq to'qimalarining kattagina qismiga ham o'tib ketadi, shuning natijasida bo'yin o'z shaklini yo'qotib, odamning boshi to'g'ridan-to'gri gavdasi ustida turgandek bo'lib tuyuladi. Difteryaning og'ir o'tadigan umumiylar hodisalar bilan ta'riflanadigan ana shu xili toksik difteriya deb ataladi. Bunda o'lim hollari 34 foizni tashkil etadi. Difteryaning og'ir turlaridan biri gemorragik, xavfli yoki giptoktsik difteriya degan xilidir. Difteryaning bu xilda badan terisi, shilliq pardalarga, difteriyadan zararlangan va bundan tashqari joylarga qon quyilib, ulardan qon oqib turadi (DVS sindrom).

Difteriya eng boshidanoq *kataral yallig'lanish* tariqasida o'tishi va difteritik yallig'lanishga aylanmasligi mumkin. Kataral yallig'lanish ko'pincha chaqaloqlar, go'dak bolalarda, shuningdek burun difteriyasi mahalida kuzatiladi. *Gipertoksik difteriya* hollarida eng boshidanoq shilliq pardalarda ko'rinarli ekssudat bo'lmasdan turib nekroz boshlanadi, ya'ni qoraqotir paydo bo'lib boradi.

Shunday qilib, difteriya mahalida shilliq pardalarda yallig'lanishning har xil turlari: *kataral, krupoz, difteritik yallig'lanish* boshlanadi. Difteriya uchun regionar limfa tugunlarining zararlanishi ham xarakterlidir, ular kattalashib, qonga to'lib turadi. Kamroq mahallarda follikullarda katta-katta nekrozlar yoki nekrobiozlar boshlanadi. *Toksik difteriyada* nekrobioz va yallig'lanishga xos o'zgarishlar sinuslar bo'ylab ro'y bergan bo'ladi (sinus tipi) limfa tugunlari zararlanishining tomir tipi ham kuzatiladi va follikulalar markazida karioreksis boshlanadi. Peritonzillyar absesslar ham boshlanishi mumkinki, bu hodisa *difteryaning mahalliy asorati* deb hisoblanadi.

Umumiylar o'zgarishlar difteriya tayoqchalari ko'payib, bir talay ekzotoksin ishlab chiqaradi, bu toksin limfa va qon tomirlariga tushib, har xil organlar ning zararlanishiga va umuman og'ir zaxarlanish boshlanishiga sabab bo'ladi. *Miokard, buyrak ustti bezlari va nerv sistemasining zararlanishi* hammadan ko'ra ko'proq xarakterlidir.

*Nerv sistemasining zararlanishi. Periferik nerv sistemasi* asosan parenximatoz toksik nevrit deb ataladigan bir tarzda zararlanadi. Nevrit mahalida miyelin yemirilib boradi, keyinchalik esa o'q silindrлari ham yemirila boshlab, peri va endonevriya shish keladida, yumshoq infiltratlari paydo bo'ladi. Tomoq difteriyasida til-halqum nervi, adashgan nerv, bo'yinning ustki simpatik gangliylari, yurak gangliylari yallig'lanadi (nevritlar yuzaga keladi).

Yumshoq tanglayning parezga uchrab, ovozning bog'ilib qolishi, nafas muskullarining parez bo'lishi ham nervlarning zararlanishiga bog'liq. Adashgan nerv, bo'yin simpatik gangliylari va yurak ganglionar apparatining zararlanishi nafas va qon aylanishi izdan chiqib, birdan *yurakning to'xtab qolishiga* ham olib kelishi mumkin.

*Markaziy nerv sistemasida* giperemiya boshlanib, miya moddasi shishadi, ba'zan qon qayiladi. Bu o'zgarishlar reflekslarning aynishiga, delirioz, talvasa hodisalari va meningeal hodisalar ro'y berishiga olib keladi.

*Miokard zararlanishi* difteriyaga alohida xatar tug'diradigan tus beradi, chunki bunda *parenximatoz yoki interstisial miokardit* boshlanishi mumkin.

Parenximatoz miokarditda quyidagi hodisalarni ko'rish mumkin: 1) muskul tolalarida ro'y beradigan kattagina distrofik o'zgarishlarni; 2) muskul tolalarning koagulatsion nekrozini (miokardning ancha kattagina qismida palaxsa-palaxsa va donador nekroz boshlanadi); 3) muskul tolalarining butunlay irib ketishi, ya'ni mioliz hodisasini. Ana shu o'zgarishlar barvaqt yurak falajiga sabab bo'lishi mumkin. Difteriyadan o'lgan odamlarning 50 foizida muskul tolalarining ana shunday o'zgarishlari bilan bir qatorda limfotsitlar, makrofaglar, biroz miqdor leykositlardan iborat infiltratlar topiladi.

U ba'zi hollarda muskul tolalarining parenximatoz distrofiyasi bilan birgalikda davom etib boradi. Miokardit chap qorincha devori va papillyar muskullarda birmuncha sezilarli bo'ladi. Kesib ko'rliganda miokardit rangi xira, ora-sira qonga to'lgan, dog'-dog' bo'lib ko'zga tashlanadi. Miokarditlarning boshlanadigan payti kasallikning ikkinchi haftasiga to'g'ri keladi. Difteriyaga aloqador miokarditlar, ayniqsa ularning xiyla mioliz hodisalar bilan o'tayotgan xillari, odatda, qadoqlar paydo bo'lishi, ya'ni kardioskleroz boshlanishi, *yurakning nisbiy zaiflikka* uchrab, bir qadar ishdan chiqib qolishi bilan tuyaydi. Ba'zan, yurak uchi sohasida devorga yopishgan tromblar kuzatiladi yoki yurakning biror bo'shlig'ida obliteratsiyalovchi tromboz boshlanadi. *Yurak falaji kechki muddatlarda* boshlanishi ham mumkin, chunki kasallikning hamma asosiy alomatlari barham topganidan keyin ham yurakning nerv apparati va muskullarida organik o'zgarishlar astasekin zo'rayib borishi mumkin.

Difteriya asorati tariqasida juda kamdan-kam hollarda endokardit yuzaga keladi. Bunda uch tavaqali klapanning zararlanishi xarakterlidir.

*Buyrak usti bezlarining zararlanishi.* Difteriya bilan og' rigan kasallarda qon bosimi o'zgarib, pastga tushib ketadi, u labil bo'lib qoladi, kollapslarga moyillik yuzaga keladi. Mana shu hodisalarning hammasi buyrak usti bezlarining zararlanganiga bog'liq. Bu bezlarning po'stloq qavatida shish paydo bo'lib, keskin giperemiya boshlanadi va parenximasini destruksiya uchraydi. Shuning natijasida bez po'stloq qavatining hujayralari butunlay tartibsiz tarzda joylashib, hammasi deyarli nekrobioz holatiga tushib qoladi. Buyrak usti bezlarining miya qatlamida hujayralardagi xromaffin moddasi kamayib ketadi, bu narsa adrenalin ishlab chiqishining keskin kamayganiga bog' liqdir, qon bosimining o'zgarib turishiga ham xuddi shu narsa sabab bo'ladi.

Shunday qilib, difteriyada qon aylanishining markaziy organi bo'lmish yurakda (uning harakatlanuvchi qismi — miokarddagina emas, balki nerv aparatida ham) va buyrak usti bezlarida og'ir o'zgarishlar ro'y beradi. Buyrak usti bezlaridagi o'zgarishlar shu bezlarning simpatik nerv sistemasi va tomirlarga ko'ssatadigan ta'siri yo'qolib ketishiga olib keladi. Bu o'zgarishlarning hammasi bir bo'lib kasallikning og'ir o'tishiga olib boradi va ko'pchilik hollarda nima sababdan yurak falajlanib, odamning o'lib qolishiga olib kelishini tushunarli qilib qo'yadi. Falaj hodisasi kechroq boshlanishi ham mumkin, chunki nerv va muskul apparatining organik o'zgarishlari kasallikning barcha asosiy belgilari barham topib ketganidan keyin ham asta-sekin zo'rayib borishi mumkin.

Boshqa organlardan *taloqda* ham o'zgarishlar ko'rinishi. Taloq kattalashib, follikulyar apparatining markazida karioreksis tarzida nekrobiotik o'zgarishlar ro'y beradi. Jigarda distrofik o'zgarishlar boshlanib, bir qancha nekroz fokuslari paydo bo'ladi. *Buyraklarda* kanalchalar epiteliysida distrofik hodisalar boshlanadi. *Me'dada* birlamchi *difteritik gastrit* bilan bir qatorda aksari hollarda va birmuncha barvaqt *toksik gastrit* deb ataladigan hodisa manzarasi kuzatilishi mumkin. Bu xildagi gastritta asosan me'da tubi sohasi zararlanadi. Morfologik jihatdan olganda toksik gastrit gemorragik katar ko'rinishida, ba'zan shilliq pardaning o'choqli nekrozlari bilan birga o'tadi.

Difteriyaning juda ko'p uchraydigan asoratlari jumlasiga seroz yoki fibrinoz ekssudat paydo bo'lishi bilan o'tadigan lobular yoki lobar tusdagi *pnevmoniyalar* kiradi. *Fibrinoz bronxopnevmoniyalar* ham xarakterlidir (ekssudatda ora-sira difteriya tayoqchalari bilan birgalikda pnevmokokklar va streptokokklar to piladi). Bunda difteriya tayoqchalari pnevmoniyaga sabab bo'lishi mumkin deb hisoblanadi.

Difteriya bilan og'rikan kasallarga xizmat qiluvchi *vrachlarda jarohatlar difteriyasi* kuzatilishi mumkin. Karash tagida bir qadar chuqurdagi to'qimalarning fibrinoz ekssudat boshlab nekrozga uchragani ma'lum bo'ladi.

Klinik manzarasi. Inkubatsion davri ikki kundan o'n kungacha davom etadi. Jarayonning olgan joyi va nechog'lik og'irligiga qarab, bu kasallikning juda ko'p klinik xillari tafovut qilinadi. Olgan joyi, ya'ni lokalizatsiyasiga qarab, tomoq, hiqildoq, traxeya, bronxlar, ko'z, tashqi jinsiy organlari, teri difteriyasi ajratiladi. Organlar aralash zararlanishi ham mumkin.

Kasallikning eng ko'p uchraydigan xili — *tomoq difteriyasi* — uchta asosiy turga — *subtoksik*, *toksik*, *gipertoksik* turlarga bo'linadi. Dastlabki ikki turida kasallik, odatda, birdan boshlanib tana harorati 38—39° gacha ko'tariladi va birinchi ikki kun davomida shu darajada turadi. Intoksikatsiya o'rtacha bo'ladi. Tomoq difteriyasining barvaqt paydo bo'ladigan belgisi yutish mahalida tomoq og' rishidir.

Intoksikatsiya og'riq sezgilari regionar limfadenit, shilliq pardalarning shishib chiqishi kasallikning subtoksik, toksik va xususan gipertoksik xillarida hammadan ko'p ifodalangan bo'ladi. Bo'yin teri osti kletchatkasi ham shishadi.

Tana harorati 39—41° ga yetadi. Difteriya intoksikatsiyasining ilk ko'rinishlari bosh og'rigi, et uvishishi, ancha darmon qurishi, qayta-qayta qayt qilish qorinda og'riq turishidir. Miokard, buyrak usti bezlari va periferik nerv sistemasi zararlanishi kasallikni og'irlashtiradi. Miokardit boshlanishi, adashgan nerv va yurak nerv apparatining zararlanishi tufayli kollapslar boshlanishi yurak to'satdan to'xtab qolishi mumkin.

Difterianing gipertoksiq xilida infektsion-toksiq shok ham boshlanishi mumkin. Nafas yo'llari difteriyasida intoksikatsiya kamroq ifodalangan bo'ladi.

*Nafas yo'llari difteriyasi (difteriya krupi).* Bu xildagi difterianing avj olib borishida uch davr tafovut qilinadi: 1) ovoz xirillab, chiqmay ham qoladigan disfoniya davri, 2) nafas qiyinlashadigan stenotik davri va 3) dam-badarn nafas siqib turadigan asfiktik davri.

**Asoratlari.** Eng og'ir asoratlari jumlasiga nafas bo'g'ilishi, ya'ni asfiksiya hodisalari bilan o'tadigan chin krup va miokarditlar (parenximatoz va interstisial miokardit), periferik falajlar (toksiq nevritlar) kiradi. Toksiq nevritlar mahalida pastki hiqildoq nervi, qovurg'alararo nervlar, diafragma nervi va yurakni innervatsiyalovchi mexanizmlar falajlari katta xatar tug'diradi, chunki bu o'zgarishlar yurak, hiqildoq muskullari, qovurg'alararo muskullari, diafragma muskullarining falaj bo'lishiga olib kelishi mumkin.

Buyrakda nefrotik sindrom boshlanishi mumkin. Hozir aytib o'tilgan asoratlardan tashqari, pnevmoniya, otit, yiringli limfadenit ham uchrashi mumkin.

## SKARLATINA

*Skarlatina (qizilcha) asosan bolalarda uchraydigan o'tkir infektsion kasallik bo'lib, ko'pincha tomoqda yallig'lanishga doir o'zgarishlar ro'y berishi, sezilarli intoksikatsiya boshlanib, badan terisiga toshma toshishi bilan ta'riflanadi.*

**Etiologiyasi va patogenezi.** Skarlatina qo'zg'atuvchisi A guruhiga kiradigan beta-gemolitik streptokokkdir, u nazofaringit, angina, saramas, streptodermiya, flegmonaga ham sabab bo'lishi mumkin. Bu streptokokk toksinlar ishlab chiqaradi, umumiylashtiradi. Dik toksini mikroboning asosiy toksinidir. Skarlatina qo'zg'atuvchisinining tajovuzkorligi va invazivligini streptolizin, streptokinaza, gialuronidaza va boshqa fermentlarga bog'liq deb hisoblanadi.

Streptokokning turli serovarlari sifat jihatidan olganda bir xildagi ekzotoksin ishlab chiqaradi, bunday ekzotoksin antitoksik immunitet paydo bo'lishiga olib boradigan antigenlik xossalariiga egadir.

Skarlatinada kasallikni yuqtiradigan manba shu kasallik bilan og'igan bemor va bakteriya tashuvchidir. Kasallik qo'zg'atuvchisi asosan havo-tomchi yo'lli bilan yuqadi. Bolalar ikki yoshdan to yetti yoshgacha bo'lgan mahalda bu kasallikka hammadan ko'ra ko'proq moyil bo'ladi. Beta-gemolitik streptokokk odam yo'talgan, aksirgan va gaplashgan mahalda tomoq va burun-halqum shilliq par dasi sekreti bilan birga atrofdagi muhitga chiqadi.

Infeksiyaning kirish darvozalari tomoq va halqumning shilliq pardasidir. Kamdan-kam hollarda kasallik qo'zg'atuvchisi shikastlangan teri yoki jinsiy organlarning shilliq pardasi orqali ham organizmga kirishi mumkin. Skarlatina patogenezining bir-biriga mahkam bog'langan uchta asosiy qismi: toksik, septik va allergik qismlari tafovut qilinadi. So'nggi ma'lumotlarga qaraganda yallig'lanish reaksiyasi streptokokkning bevosita ta'sirigagina bog'liq bo'lib qolmasdan, balki toksik-allergik jarayon boshlanishiga ham bog' liqdir. Streptokokk toksini badanga toshma toshib, markaziy nerv sistemasi, endokrin va yurak-tomirlar sistemalarining zararlanganiga xos simptomlar yuzaga chiqishiga sabab bo'ladi. Organizmda allergik hodisalarning ro'y berib, kechki asoratlar boshlanishi uchun qulay sharoit yuzaga keladigan davr kasallikning 2—3 haftalaridir (kasallikning ikkinchi davri deb shu davrga aytiladi).

**Patologik anatomiysi.** Skarlatina mahalida ro'y beradigan morfologik o'zgarishlar mahalliy va umumiy o'zgarishlarga bo'linadi.

*Mahalliy o'zgarishlari* streptokokk dastlab o'rashib olgan joyida, ya'ni og'iz bo'shlig'ida (skarlatinaning bukkal xili) va og'iz bo'shlig'idan tashqarida (ekstra-bukkal xili) boshlanadi. Kasallik qo'zg'atuvchisi kirib, yallig'lanish boshlanadi-gan joyni birlamchi skarlatina affekti deb, regional limfadenit ham qoshilgan joyni esa birlamchi skarlatina kompleksi deb qaraladi. Birlamchi skarlatina af-fekti ko'pchilik hollarda tanglay bodomcha bezlari, goho teri va o'pkada bo'ladi.

*Umumiy o'zgarshilar.* Skarlatinada ro'y beradigan *umumiy o'zgarishlar* mayda-mayda nuqta ko'rinishida badan terisiga toshma toshishi va turli organlar-ning zararlanishidan iborat bo'ladi. Skarlatinaning o'tishida klinik va patologo-anatomik belgilari jihatidan ajralib turadigan *ikki davri* tafovut qilinadi.

Skarlatinaning *birinchi davrida* skarlatinoz angina boshlanadi, u kataral. differitik bo'lishi mumkin. Og'iz bo'shlig'ida shilliq parda qizarib (giperemiya), til epiteliysining yuza qatlamlari ko'chib tushadi. Shunga ko'ra tilning ust uddi malinadek qip-qizil bo'lib turadi (skarlatinaga xos malinasimon til).

Skarlatina uchun regionar limfa tugunlarining yallig'lanishi va nekrotik jarayonga doim qoshilib ketishi xarakterlidir. Mana shu narsa kasallikning eng yorqin klinik va patologoanatomik belgilardan biri bo'lib hisoblanadi.

Skarlatinoz anginada limfa tugunlari hamisha kattalashib, zichlashgan, qonga to'lib ketgan bo'ladi. Ularda *otkir giperplastik limfadenit* manzarasi yuzaga kelib, sinuslarda miyeloid to'qima paydo bo'ladi (miyeloz). To'qima ko'pincha nekrozga uchraydi. shu bilan birga nekrotik to'qimada bir talay streptokokklar topiladi. Limfa tugunlari yiringlab ketishi va bu kapsulasiga va to'qimalariga ham o'tishi mumkinki, shu narsa ularda flegmonalar boshlanishiga olib keladi. Tanadagi boshqa limfa tugunlari ham kattalashib, qonga to'lib turadi. Ularda limfold to'qima giperplaziyaga uchrab, sinuslar endoteliysi ko'chib tusha boshlaydi (deskvamatsiya). Ichakdag'i peyer pilakchalari va solitar follikulalarda ham giperplaziya boshlanadi.

Skarlatinada ko'rildigan umumiyo'zgarishlar xilma-xildir. Kasallikning birinchi kunidayoq paydo bo'ladiyan skarlatina toshmasi juda xarakterli. U butun badanga toshib, burun bilan ustki labni ochiq qoldiradi, xolos (skarlatina uchun xarakterli bo'lgan och tusli uchburchak yoki kapalak nusxasi).

Toshma elementlari mikroskopda tekshirib ko'rilganida perivaskular giperemiya borligi, teri so'rg'ichli qavatining leykotsitlar bilan infiltrlangani topiladi. Ekssudat va leykotsitlar aksari epidermisga o'tib, ba'zan uni sal ko'tarib qo'yadi. Epidermis koagulatsion nekrozga uchrab, keyin palaxsa-palaxsa bo'lib ko'chib tushadi (epidermisning plastinkasimon ko'chib tushishi).

Nerv sistemasida, xususan vegetativ nerv sistemasida kattagina o'zgarishlar yuzaga keladi, chunonchi, bo'yin gangliyalarida, adashgan nervning tugunsimon gangliyalar, intramural vegetativ gangliyalarda giperemiya, qon quyilib qolgan joylar, destruksiyaga uchragan nerv hujayralari ko'zga tashlanadi (xromatoliz, distrofik yog' bosishi va nekroz). Nerv tolalarida mielin donador shaklda par-chalanib, o'q silindrлari qismlarga bolinadi (fragmentasiya) va shvann hujayralari proliferatsiyaga uchraydi. Vegetativ nerv sistemasining nechog'lik ko'p zararlansihi skarlatinaning og'ir yengilligiga bog'liqligi aniqlangan. Skarlatinaning toksik xilda markaziy nerv sistemasida bosh miya katta yarim sharlari po'stlog'idagi neyronlar distrofiyaga uchraydi.

Skarlatinaning o'tkir toksik xillarida taloq uncha kattalashmaydi-yu, lekin qonga to'lib turadi. Pulpasida giperplaziya va nekroz topiladi. Kasallikning ancha uzoqqa cho'ziladigan septik xillarida taloq deyarli 2–3 barobar kattalashib ketadi. Kesib ko'rildigan bo'lsa, eti ancha sidirilib chiqadi. Mikroskopda tekshirib ko'rilganida mieloz boshlangani, plazmatik hujayralar soni ko'payib qolganini topiladi.

Parenximatoz organlarda distrofik o'zgarishlar boshlanib, ayni vaqtida stromasida yallig'lanishga aloqador infiltrativ jarayonlar ham avj olib boradi.

**Klinik manzarasi.** Kasallikning inkubatsion davri 1 kundan 12 kungacha davom etadi. Tipik hollarda kasallik harorat ko'tarilishi, qayt qilish va yutish vaqtida og'riq sezilishi bilan birdan boshlanadi. Intoksikatsiya nechog'lik zo'rligi va mahalliy o'zgarishlarni *tabiatiga qarab skarlatinaning yengil, o'rtacha og'ir va og'ir xillari* tafovut qilinadi. Hammadan ko'p uchraydigan yengil xilda tana harorati o'rtacha ko'tarilib, intoksikasiya alomatlari sust ifodalangan bo'ladi. Faqat kataral angina boshlanadi. Toshma bo'lmasligi mumkin. Ichki organlarda qanday bo'lmasin funktsional yoki struktura o'zgarishtari bo'lmaydi.

*O'rtacha og'ir xilda* kasallikning hamma alomatlari yaqqol bilinib turadi. Tana harorati 39° gacha ko'tariladi. Bodomcha bezlarining lakunalarida ko'pincha nekrotik o'zgarishtar topiladi. Asoratlar yengil xilidagiga qaraganda ko'proq uchraydi.

Skarlatinaning og'ir xillariga juda kam uchraydigan *gipertoksiq va toksik skarlatina* kiradi. Bular juda sezilarli intoksikatsiya belgilari (yuqori harorat, qayta-qayta quisish talvasaga tushish, hushidan ketish, o'tkir tomir yetishmovchi-

ligi) bilan o'tadi. Skarlatinaning *gipertoksik xili* kamdan-kam uchraydi va kasallikning xavfli turi bo'lib hisoblanadi. Keskin ifodalangan umumiyl intoksikatsiya bilan ta'riflanadi. Skarlatinaning bu xilida mahalliy o'zgarishlar arzimas darajada bo'ladi, chunki ular avjiga chiqmay turib odam 2—3 kundan keyin o'lib qoladi. Tomoqda o'tkir katar va endigina boshlanib kelayotgan nekroz hodisalari topildi, xolos. Limfa tugunlari ham bir qadar kattalashgan bo'ladi. Ichki organlarda ularning qonga to'lib ketgani va distrofiyaga uchragani ko'zga tashlanadi.

*Toksik skarlatina* gipertoksik skarlatinadan ko'proq uchraydi va birmuncha uzoqroq davom etadi. Nekrotik-yarali angina, faringit, bo'yin limfadeniti, taloq giperplaziysi interstisial gepatit, nefrit va boshqalar boshlanadi. Toksik skarlatinada yo umumiyl intoksikatsiya, yoki har xil yiringli jarayonlardan iborat asoratlar, yo bo'lmasa, septikopiemiya o'limga sabab bo'lishi mumkin. Chunonchi, toksik skarlatinada chakka suyagi osteomieliyi bilan birga yiringli otitlar boshlanishi mumkin. Otit zo'rayganida yallig'lanish jarayoni ko'ndalang sinusga o'tib, tromboflebit va yiringli meningitga sabab bo'la oladi.

Halqumda yaralar paydo bo'lganida halqum orti absesslari yuzaga kelishi mumkin. Eng dahshatli asoratlariga qon ketishi ham kiradi yarali-nekrotik jarayon arteriya devorini(ichki uyqu, tanglay arteriyasi, halqumning yuqoriga ko'tariluvchi arteriyasi devorini) iritib yuborganida ana shunday qon ketish hodisalari boshlanishi mumkin. Bunday hodisalar ko'pincha o'limga olib bora-digan bo'ladi.

Tomoqdagi nekrotik-yarali jarayon va bo'yindagi nekrotik limfadenit bo'yinda flegmona boshlanishiga sabab bo'lishi mumkin, bunday flegmona ba'zan *qattiq flegmona* tusiga kirib bo'yining hamma to'qimalari diffuz seroz-yiringli infiltratsiyaga uchrashi tufayli xuddi yog'ochdek qattiq bo'lib qoladi. Bunday flegmonada odatda to'qimalar nekrozga uchraydi. Qattiq flegmona ko'pincha o'limga olib keladi. Septikopiemiyada yiringli perikardit, peritonit, plevra empiemasi, bo'g'imirning yiringli yallig'lanishi boshlanadi.

*Kasallikning ikkinchi davri.* Skarlatinaning har qanday xili ham, agar u 15 kundan ortiqroq davom etadigan bo'lsa, birinchi davridagi o'zgarishlar barham topish tomoniga o'tib, ahvol yaxhilangandek bo'lib boradi. Biroq, aksari kasallikning 18—20 kuni angina qayta qo'zib qoladi-yu, lekin toshma bo'lmaydi. *Skarlatinaning ana shu ikkinchi davri* yoki *ikkinchi skarlatina*, yangi asoratlar paydo bo'lishi, jumladan buyrak, yurak va bo'g'imirlar qon tomirlarining o'ziga xo's tarzda zararlanishi bilan ham ta'riflanadi. Buyrakda o'tkir proliferativ glomerulonefrit boshlanib, Shumlyanskiy — Boumen kapsulasi bo'shlig'ida gemorragik ekssudat paydo bo'ladi (gemorragik yoki fibrinoz-gemorragik glomerulonefrit). ba'zan kapsula epitelyisida ham barvaqt proliferatsiya boshlanib, tomir tashqi pardasida granulyatsiyalar o'sadida, xarakterli yarim oylar paydo bo'ladi. Keyinchalik anevrizma yuzaga kelib, tomirlar trombozi boshlanadi. Aortada mezaortit boshlanishi mumkin. Sog'ayish jarayonida tomirlar sklerotik o'zgarishlarga uchraydi.

Endokard va miokardda revmatik granulyomalarga o'xshab ketadigan tugunlar paydo bo'ladi. Granulyomalarning shakllanishi asosida tomirlar endo-

telisi va ostidagi to'qima gistiotsitlarining proliferatsiyasi yotadi. Skarlatinaning ikkinchi davri juda kamdan-kam hollarda yurak qopqoqlarining so'gallli endokarditiga ham olib kelishi mumkin.

Kasallik ikkinchi davrining asoratlari tariqasida seroz artritlar paydo bo'lishi tasvirlangan. Shu davrda buyraklar, tomirlar, miokardda va bo'g'imdarda paydo boladigan patologik jarayonlar allergik o'zgarishlarga xos belgilarga ega bo'ladi va giperergik reaksiya ifodasi bo'lib hisoblanadi. Skarlatinaning birinchi davrida organizm umumiy qon aylanish doirasiga qayta-qayta o'taveradigan zaharli mahsulotlar bilan sensibillanadi deb taxmin qilinadi. Sensibilanish avjiga chiqqan mahalda allergiyaga sabab bo'lувchi ana shunday moddalarning takror qonga o'tib turishi «ikkilamchi skarlatina» manzarasini beradigan giperergik simptomokompleksga sabab bo'lishi mumkin. Skarlatinada bemor zaharlanish, yani intoksikatsiya natijasida o'ladi. Toksik skarlatina tomirlar kollapsi hodisalari bilan o'tadigan kuchli intoksikatsiya bilan birgadavom etib boradi, ana shunday intoksikatsiya va kollaps bemorni o'limga olib boradi. Kasallikning septik xilida septikopiemiya, qon ketib turishi, uremiya, pnevmoniya o'limga sabab bo'lishi mumkin.

## QORIN TIFI

*Qorin tifi (ich terlama) o'tkir ichak infeksiyalarini jumlasiga kiradi va asosan ingichka ichak limfa apparatining zararlanishi, bakteriemiya bo'lishi, intoksikatsiya hodisalari boshlanishi va nerv sistemasida chuqur o'zgarishlar yuzaga kelishi bilan ta'riflanadi.*

Qorin tifi (ich terlama kasalligi) ancha keng tarqalgan kasallikdir. Osiyo va Afrika qit'alarining rivojlanib kelayotgan mamlakatlarida bu kasallikning epidemiyalari kuzatiladi. Rivojlangan mamlakatlarda bu infeksiya sporadic tusga egadir. O'zbekistonda qorin tifining endemik mintaqasi Qashqadaryo viloyati bo'lib hisoblanadi.

**Etiologiyasi va patogenezi.** Qorin tifining qo'zgatuvchisi butun jahonda keng tarqalgan (*Salmonella typhi*) dir. Bu mikroblarning tabiiy yashash joyi: odam organizmi, suv havzalari, oqava suvlar, tuproq. Qorin tifi tayoqchasi tashqi muhit obektlarida nisbatan uzoq muddat saqlana oladi, chunki turli tabiiy va kimyoviy omillar ta'siriga ancha chidamli. Qorin tifi fekal oral yo'l bilan yuqadigan antro-ponozlar jumlasiga kiradi. Infeksiya manbai kasal odam yoki bakteriya tashuvchi kishidir. Kasallik qo'zgatuvchisi bemordan sog'lom odamga kontakt yo'li bilan, suv, oziq-ovqat bilan va pashsha orqali o'tadi.

Qorin tifi tayoqchasi og'izdan me'da va o'n ikki barmoq ichakka tushib, och ichakka o'tadi va shu yerda ko'payisha boshlab, ichakning limfold apparatiga joylanib oladi, so'ngra limfa tomirlari bo'ylab mezenterial limfa tugunlariga va qorin pardasi ortidagi limfa tugunlariga o'tadida, bu yerdan ko'krak limfa yo'li orqali qon tomirlar sistemasiga tushadi. Ana shunday bakteriemiya mahalida kasallik qo'zgatuvchisi gematogen yo'l bilan turli to'qima va organlarga — jigar,

taloq, ko'mikka ham o'tib, ularda qorin tifiga xos granulyomalarini hosil qiladi. Bundan tashqari, qorin tifi tayoqchasi jigarning o't kapillarlariga va o't pufagiga ham o'tib, bu yerda yashash va ko'payish uchun o'ziga juda qulay sharoitlarni topadi (*bakterioxoliya*). Bakterioxoliya, ya'ni batsillarning o't yo'llari sistemasiga o'tishi epidemiologik jihatdan nihoyatda katta ahamiyatga egadir, chunki bu mikroblar o't yo'llarida uzoq vaqt tirik saqlanib, vaqt-i-vaqt bilan ichakka, tashqi muhitga chiqib turishi mumkin.

Bakteriyalar o't bilan birga ingichka ichak yo'liga tushib, limfatik va solitar follikullarda Artyus fenomeniga o'xshab ketadigan giperergik reaksiya boshlanishiga sabab bo'ladi. Ichak, qon va o'tga yana infekt tushishi ichakning limfoid apparatida morfologik o'zgarishlar har xil muddatlarda boshlanishiga ham sabab bo'ladi.

Kasallik patogenezida organizmning qorin tifi bakteriyalari endotoksini bilan zaharlanishi, xususan yurak-tomirlar sistemasi, markaziy nerv sistemasining zaharlar ta'siridan zararlanishi, shuningdek moddalar almashinuvining izdan chiqishi ayniqa ahamiyatlidir.

**Patologik anatomiysi.** Qorin tifida yuzaga keladigan struktura o'zgarishlari mahalliy va umumiy xillarga bo'linadi.


Granulyomatoz yallig'lanish ko'rinishida birga davom etadigan *mahalliy o'zgarishlar* asosan ichakning limfa apparatida, guruhiy va solitar limfa follikulalarida yuzaga keladi. Bunda yonbosh ichak pastki bo'limining Peyer pilakchalarida eng xarakterli va og'ir o'zgarishlar ro'y beradi (*ileotif*). Qorin tifining ba'zi hollarida xarakterli o'zgarishlar faqat yo'g'on ichakda bo'ladi (*kolotif*). Ingichka ichak bilan yo'g'on ichak kasallikka birga qo'shilib ketgan hollarni ileokolotif deb aytildi. Bundan tashqari, birinchi bo'lib o'pka zararlanishi (qorin tifining pneumonik xili), buyrak (*nefrotif*), yumshoq miya pardalari (meningotif), hiqildoq (laringotif) ham tasvirlanganki, bunday mahallarda kasallik o'zgarishlari asosan hozir aytib o'tgan organ va to'qimalarda boshlanadi.

Ichakning limfa apparatida ro'y beradigan struktura o'zgarishlari tabiatan siklik bo'lib, besh bosqichda o'tadi: 1) miyasimon bo'kish bosqichi, 2) nekroz bosqichi, 3) yaralar paydo bo'lish bosqichi, 4) yaralarning tozalanish bosqichi, 5) yaralarning bitish bosqichi.

*Miyasimon bo'kish bosqichi* Peyer pilakchalari va solitar follikulalar hajmi kattalashishi bilan ta'riflanadi, shuning natijasida ular shilliq parda damidan ko'tarilib turadi (normada arang bilinadigan bo'ladi) (71-rasm). Ularning yuansasida egatchalar va pushtalar hosil bo'ladi. Kesib ko'riltganida ular kulrang qizil tusda, sershira bo'lib ko'zga tashlanadi va bola miyasi muddasiga o'xshab ketadi (miyasimon bo'kish nomi ham shundan olingan). Miyasimon bo'kish asosida Peyer pilakchalari monotsitlari, gistotsitlari va retikulyar hujayralar proliferatsiyasi yotadi. Bu hujayralar ko'payib borib limfotsitlarni qisib chiqaradi. Proliferatsiyaga uchragan hujayralarning ko'pchilik qismi qorin tifi tayoqchalarini fagotsitlaydigan, och tusdag'i yadrolari bo'ladi qolay yirik hujayralarga aylanadi.

Qorin tifi hujayralari deb ataladigan mana shu makrofaglar Peyer pilakchalari va solitar follikulalarda *qorin tifi granulyomalarini* hosil qiladi. Xuddi mana shu tif granulyomalari nekrozlanish boshlanadigan markazlar bo'ladi. Ichak devori chuqur (to seroz pardasigacha yetib boradigan) qatlamlarining limfa tomirlari-dagi yirik tif hujayralari proliferatsiyasi tufayli teshilib ketadigan yaralar paydo bo'lishi uchun qulay sharoitlar yuzaga keladi.

Kasallik birinchi haftasining oxiri va ikkinchi haftasining boshini o'z ichiga oladigan *nekroz bosqichi* bo'rtib chiqqan limfa tuzilmalarining nekrozga uchrashi bilan ta'riflanadi. Nekroz ba'zi hollarda pilakcha va follikulning asosiy qismiga birdan o'tadi (sekvestrlaydigan xili), boshqa hollarda ayrim joylarda bo'ladi. Nekroz yuza qatlamlarda boshlanib, keyin chuqurlashib boradida, seroz pardani ham o'z ichiga oladi. Bu davrda ichakning limfa apparati gungurt-kulrang bo'lib yoki imbibitsiya hodisasi ro'y bersa, safrodek yashil-sarg'ish bo'lib ko'zga tashlanadi. Peyer pilakchalarining yuzasida ba'zan fibrinoz ekssudat paydo bo'ladi, shunga ko'ra shilliq parda yuzasi kulrang tusga kiradi (*qorin tifining ekssudativ-ulseroz xili*). Bayon etilayotgan shu davrda tif hujayralarining tif granulyomalari hosil qilib proliferatsiyalanishi so'nib boradi. Nekrotik massalar atrofida demarkatsion yallig'lanish boshlanadi.



71-rasm. Qorin tifi. Peyer pilakchasi (1) va solitar follikula (2) ning miyasimon bo'rtish davri; Peyer pilakchasing nekrozi (3).

*Uchinchi bosqichi* (kasallik ikkinchi haftasining oxiri va uchinchi haftasining boshi)da nekrotik massalar ko'chib tushib, yaralar hosil bo'ladi. Nekrozning sekvestrllovchi xilida o'lgan to'qimalar tez va ko'plab ko'chib tusha boshlaydi. O'choqli nekrozlarda bular birmuncha sekin va kamroq seziladigan darajada ko'chib tushadi. O'lik to'qimalar ko'chib tushganida shilliq parda va uning ostidagi parda, jumladan qon tomirlarining chuqur qatlamlari yalang'ochlanib qoladi. Yara jarayonlari avj olib borgani sayin leykotsitar infiltratsiya, granulatsion to'qima paydo bo'lishi singari nospetsifik hodisalar kuchayib boradi.

*To'rtinchi bosqichi* (kasallik uchinchi-to'rtinchi haftasining oxirlarida) nekrozga uchragan joylarning ko'chib tushishi tugallanadi (yaralarning tugallanish bosqichi). Yara tubi nekrozga uchragan to'qima parchalaridan xalos bo'lib, toza va silliq bo'lib qoladi (72-rasm). Ichak halqasimon muskullari qatlami ko'rinish turadi. Yaralar ichakning uzun oqi bo'ylab joy oladi, chetlari tekis, sal dumaloqlangan bo'ladi. Kasallikning mana shu davrida xavfli asorat boshlanishi — ichak devori teshilib ketishi mumkin.

*Kasallikning beshinchi bosqichi* — yaralarning bitish davri bo'lib, to'rtinchi haftasining oxirini va beshinchi haftasining boshini o'z ichiga oladi. Bu davr yaralarning umuman regeneratsiya qoidalariga muvofiq davom etib boradigan bitish jarayonlari bilan ta'riflanadi. Yara o'mnida avvaliga nozik chandiq paydo bo'ladi, shu chandiq tabaqalashib, ikki yillardan keyin odatdag'i vorsinkali limfoid apparatga aylanadi.



72-rasm. Qorin tifida toza yaralar davri. Tif yarasi (1).

*Abortiv* tarzda o'tadigan qorin tifida limfa apparatida ro'y beradigan o'zgarishlar umuman olganda kasallik birinchi bosqichining chegarasidan tashqariga chiqmaydi va nekroz hamda yaralar hosil bo'lmasdan turib qaytib keta boshlaydi. Peyer pilakchalari va solitar follikulalarda ro'y beradigan spetsifik o'zgarishlardan tashqari, bu tuzilmalarda katalar o'zgarishlar ham boshlanadiki, shu narsa ichak shilliq pardasiga pushti tus berib turadi.

Qorin tifida ichakning o'zidan tashqari, regionar limfa tugunlari ham zararanadi. Ular bo'rtib, shirador, qonga to'la bo'lib turadi va kasallikning birinchi bosqichida — miyasimon bo'kish davridagi solitar follikulalarga o'xshab ketadi (73-rasm).

Mikroskop bilan tekshirib ko'rilganida regionar limfa tugunlarida retikulyar stroma hujayralari, monotsitlar va gistiotsitlarning diffuz hamda tugunsimon giperplaziyasi, shuningdek o'choqli nekrotik jarayonlar ko'zga tashlanadi. Bu xildagi nekrotik jarayonlar ba'zan limfa tugunining asosiy qismini egallab oladi.

Qorin tifida kuzatiladigan umumiyl o'zgarishlarni ikkita asosiy guruhga bo'lish mumkin: *spetsifik* va *nospetsifik* o'zgarishlar. Bularning birinchisiga toshma toshishi, turli organlarda qorin tifi granulyomalari hosil bo'lishi kirsa, ikkinchisiga limfa sistemasi organlarida yuzaga keladigan giperplastik jarayonlar va parenximatoz organlarda boshlanadigan distrofik o'zgarishlar kiradi. *Qorin tifi toshmasi* gavrida, ayniqsa qorin terisiga toshadi, rozeolapapula tusida bo'ladi, teri yuzasidan ko'tarilib turadi va bosib ko'riganida yo'qolib ketadi. Mikroskop bilan tekshirib ko'riganida toshmalarda proliferativ-yallig'lanish jarayoni topiladi. *Qorin tifi granulyomalari* taloqda, limfa tugunlari, ko'mik, o't pufagi, buyrakda, shuningdek taloq venalari sinuslarining devorida, ichak, jigar venalarining devorida, o'pka arteriyasi tarmoqlarida hosil bo'ladi. Ular fibrin va epitelioid hujayralardan iborat bo'ladi. Bu tugunchalarda nekrozlar boshlanib, tomirlar devorlari yemirilishi ham mumkin. Bu tugunchalar petrifiksatsiyaga uchrab, miliar flebolitlar (vena toshlari) paydo bo'lishi ham mumkin. Bundan tashqari, tomirlarda ularning yo'llarini berkitib qo'yadigan mana shu o'zgarishlar ma'lum joylarda qon aylanishi izdan chiqib, mayda infarktlar paydo bo'lishiga ham olib kela oladi.



73-rasm. Qorin tifida ichak tutqich limfadeniti.

Tif tugunchalari *jigarda* ham topiladi, ularning paydo bo'lishi jigar kapillarlarini endoteliysining proliferatsiyaga uchrashiga bog'liq. Bunda jigar trabekulalaring tarkibi o'zgarib ketadi. Tugunchalarga aksari fibrin o'tib, ular nekrozga uchraydi. Jigar shishib ketgan, xira bo'lib ko'zga tashlanadi, kesib ko'riganida yumshoq bo'ladi. Qorin tifida aksari o'pkaning orqa-pastki bo'slimlarida tabiatan spetsifik bo'lмаган pnevmoniylar kuzatiladi.

*Miya toqimasida* o'choqlar tarzida glioz reaksiya ro'y beradi. Ingichka va yo'g'on ichakdagi Meysner va Auerbach nerv chigallarining neyronlarida distrofik jarayonlar boshlanadi. Muskullar ichida absesslar yuzaga kelishi, osteoperiostitis-

lar, osteomiyelit boshlanishi ham mumkin. Badan terisining yuza qatlamlarida proliferativ yallig'lanishga xos o'zgarishlar boshlanib, rozeolopapullyoz toshmlar paydo bo'lishi ham kuzatiladi. Qorinning to'gri muskullarida koagulatsion nekroz (senker nekrozi) kuzatilishi mumkin.

**Klinik manzarasi** qorin tifining qay darajada og'irligi va asoratlari bor-yoqligiga bog'liq. Kasallikning yengil xiliga abortiv qorin tifi kiradi, bunda ichakning limfa apparatida faqat birinchi bosqichdagi struktura o'zgarishlari ro'y beradi va kasallikka xarakterli klinik belgilari butunlay bo'lmasligi mumkin. O'rtacha darajadagi qorin tifida markaziy nerv sistemasi anchagina zaharlanishi munosabati bilan bemorda apatiya, adinamiya kuzatiladi, bemor hushini yo'qotib, unda yo'q narsalar ko'ziga ko'rinishi, yo'q ovozlar eshitilishi va taktil gallyutsinasiyalar bo'lishi, bemor alahlashi mumkin. Yurak qon-tomirlar sistemasi tekshirib ko'rileganida yurak tonlarining bo'g'iqligi aniqlanadi, kollapslarga moyillik paydo bo'ladi. Gepatolienal sindrom ham boshlanadi.

Qorin tifining og'ir xilida giperpireksiya va gemorragik sindrom kuzatiladi. Badan terisi va shilliq pardalarda bir talay petexiyalar, rozeolyoz toshmalar bilan aralash ekximozlar paydo bo'ladi. Bunday kasallarda burundan, ichakdan, bachadondan qon ketib turishi mumkin, makrogematuriya boshlanib, o'pkaga ham qon quyiladi.

Qorin tifining o'tishida shunday hususiyati borki, kasallikning boshidan hisoblaganda 3—4 haftasiga borib, u qaytalanib qolishi (residivlar berishi) mumkin.

Qorin tifining asoratlari jumlasiga kollaps, ichakdan qon ketishi kiradi, bular kasallikning 18—25 kunlari boshlanadi. Birmuncha erta muddatlarda (kasallikning 9—15 kunlari) ichakdagi tif yaralari teshilib, peritonit boshlanishi mumkin. Qorin tifiga aloqador xolesistit boshlanib qolgundai bo'lsa, bunday peritonit o't pufagi yorilib ketganda ham boshlanadi. Peritonit boshlanishi ichak tutqich limfa tugunlari nekroziga, taloq absessi va infarktiga, tif salpingitiga ham bog'liq bo'lishi mumkin. Kam uchraydigan asoratlari jumlasiga qorin tifiga aloqador xolangit va jinsiy organlarning yallig'lanishi kiradi. Toksiko-infektsion shok boshlanib, tomirlar ichida qon ivib qolishi bu kasallikning dahshatli asoratidir.

## SALMONELLYOZ

*Salmonellyoz — o'tkir infektsion kasallik bo'lib, unda asosan med'a ichak yo'lli zararlanadi.*

**Etiologiyasi va patogenezi.** Salmonellyozning qo'zg'atuvchisi ichak mikroblari oilasining *Salmonella* avlodiga mansub mikroorganizmlardir. Odam patologiyasida *Salmonella typhi* murium, *Salmonella enteritidis*, *Salmonella choleraesuis* hammadan katta ahamiyatga ega. Kasallik manbalari turli hayvonlar: qoramol, cho'chqa, otlar, itlar, mushuklar, kemiruvchilar, xonaki parrandalar (ayniqsa, suzuvchi parrandalardir). Odamga kasallik infeksiya yuqqan qoramol va parranda go'shtini, shuningdek infeksiya yuqqan parranda tuxumlarini

iste'mol qilinganida o'tadi. Infeksiya yuqqan kemiruvchi hayvonlar bo'lgan omborlarda saqlangan boshqa masalliqlar iste'mol qilinganida ham odamga kasallik yuqib qolishi mumkin.

Salmonellyoz bilan og'igan kasal yoki salmonellalarni tashib yuruvchi kishi ham infeksiya manbai bo'la oladi. Infeksiya havo-tomchi yo'il bilan ham ota oladi degan taxminlar bor.

*Salmonellyozning patogenezi* murakkab bo'lib, unda kasallikning tirik qo'zg'atuvchisi va toksinlari asosiy mexanizm vazifasini o'taydi. Salmonellalar ingichka ichak bo'shlig'iga tushganidan keyin enterositlarga o'tib olib, cho'tkasimon jiyagidan lizosoma vakuollaridagi epithelial hujayralarning asosiga qarab harakatlanib boradi. Salmonellalarning enterositlarga o'tishi va bir qancha fermentlar (dekarboksilazalar, proteazalar, musinazalar va boshqalar) ajratib chiqarishi natijasida ichak baryeri o'tkazuvchanligi buzilib, salmonellalar hayot faoliyati va yemirilishida hosil bo'ladigan mahsulotlarning so'rilib o'tishi mumkin bo'lib qoladi. Kasallik qo'zg'atuvchilar ingichka ichak shilliq pardasining o'z plastinksiga o'tganida ularni neytrofillar va makrofaglar yutadi, bunda ular shu fagotsitlarda ko'payadi va bularning halok bo'lib ketishiga sabab bo'ladi. Fagotsitlar halok bo'lganida yallig'lanish mediatorlari (kininlar, gistogramin, serotonin va boshqalar) ajralib chiqadi.

Salmonellalar ajratib chiqaradigan toksin ta'sirida enterositlarda adenozin monofosfat, prostaglandinlar, fosfolipidlар konsentratsiyasi ortib, guanozin monofosfat miqdori ko'payib ketadi. Mana shu o'zgarishlar, enterositlarning membrana strukturalaridagi bo'ladigan murakkab molekulyar o'zgarishlar bilan birga qo'shilib, hujayra membranalarini o'tkazuvchanligining aynashiga olib bora-di va intoksiatsiya zo'rayib, ich ketishiga, to'qimalarning suvsizlanib qolishiga sabab bo'ladi. Suv-elektrolitlar muvozanati ham izdan chiqadi.

Salmonellyozning tarqoq xilida salmonellalar ichki organlarda ko'payib, to'planib boradi, bu joyga ular limfa baryerini yengib o'tib, gematogen yo'il bilan tushadi.

**Patologik anatomiysi.** Bu kasallikning quyidagi klinik xillari tafovut qilinadi: 1) gastrointestinal salmonellyoz, 2) tarqoq salmonellyoz, 3) bakteriya tashuvchanlik (o'tkir, surunkali, tranzitor bakteriya tashuvchanlik).

*Gastrointestinal xilining uch turi tasvirlangan — gastritik, gastroenteritik, gastroenterokolitik salmonellyoz.* Bu kasallikning tarqoq xili ikki turda: *tifoid* va *septikopiemik salmonellyoz* tarzida o'tadi.

Salmonellyozning *gastrointestinal xilida* jarayon me'da, ingichka yoki yo'g'on ichakda avj olib boradi (aksari ingichka ichak zararlanadi). Ichak falajlanib, kengaygan holda ko'zga tashlanadi, shilliq pardasi fibrinoz karash bilan qoplangan, mayda qontalashlar bilan giperemiyalangan bo'ladi. Ingichka ichak yo'lida yashil-roq shilimshiq aralash bo'tqasimon massa topiladi. Salmonellyozning juda o'tkir xillarida ichak suyuqligi ichakka ko'chib tushgan epiteliy aralashgani uchun bir qadar loyqa bo'lib qoladi. Me'dada qo'ng'irnamo suyuqlik topiladi. Mikroskop

bilan tekshirib ko'rilganda ichak shilliq pardasi shishib, giperemiya boshlangani, epiteliy ko'chib tushayotgani, qontalashlar, yuza nekrozlar, mayda eroziyalar borligi va nospetsifik hujayra infiltratsiyasi boshlangani topiladi. Tomirga aloqador o'zgarishlar ancha sezilarli bo'lgani holda gemorragik yallig'lanish avj olib boradi. Ichakning limfa apparati va ichak tutqichining limfa tugunlari shishib, qonga to'lib turadi. Kasallik zo'rayib borgani sayin venalarning qonga to'lishi kuchayib, ular parezga uchraydi va diapedez boshlanib, ichak shilliq pardasiga qon quyiladi. Venalar va limfa tomirlarida tromboz yuzaga kelib, ichak shilliq pardasida distrofik va nekrobiotik jarayonlar avj olib boradida, shilliq parda yara bo'lib ketadi. Shilimshiq ko'p ishlanib chiqib, epiteliy ko'chib tusha boshlaydi. Shilliq parda stromasi bir talay limfotsitlar va plazmotsitlar bilan infiltrlangan bo'ladi. Ba'zan gemorragik nekroz manzarasi ko'zga tashlanadi. Regionar limfa bezlari shishib, qonga to'lib turgani va limfotsitlar proliferatsiyasi borligi hisobiga bo'rtib, kattalashib ketadi. Parenximatoz organlarda distrofiya, stazlar, diapedez qontalashlar paydo bo'ladi.

Salmonellyozning *tarqoq septik xili* ichakda ancha kam o'zgarishlar ro'y berishi va peyer pilakchalari sohasida mayda qontalashlar paydo bo'lishi bilan ta'riflanadi. Turli organ va to'qimalarda ko'pdan-ko'p yiringlagan o'choqlar paydo bo'lishi bilan birga davom etib boradigan septik hodisalar birinchi o'ringa o'tadi. Absessga olib keladigan pnevmoniya, nefrit, yiringli meningit, endokardit boshlanadi. Ancha kuchli intoksikatsiya boshlanib, jigar, buyrak, yurakda sezilarli distrofik jarayonlar avj olib borishiga sabab bo'ladi. Salmonellyozning septik xiliga ichak limfa apparatidagi monotsitlar, retikulyar hujayralar va gistiotsitlarning reaktiv giperplaziyaga uchrashi ham xarakterlidir.

Klinik manzarasi salmonellyozning xiliga bog'liq. Gastrointestinal xilida dispeptik simptomlar, intoksikatsiya, isitma holatlari ustun turadi. Qayt qilish, qorinning tutib-tutib og'riishi, ich ketishi, et uvishishi xarakterlidir. Harorat ko'tarilib, eksikoz kuchayib boradi.

Kasallikning gastroenteroklitik turida qorinning pastida ham tutib-tutib turadigan og'riqlar bo'ladi. Kasallik avjiga chiqqan mahalda axlat juda kam keladigan bo'lib qoladi va yashil tusdag'i loyqa, ba'zan qon aralashgan shilimshiqdan iborat bo'ladi. Kasallikning tarqoq xili isitma chiqib turadigan davrning nisbatan uzoqroq davom etib turishi va kasallikning klinik manzarasida intoksikatsiya simptomlarining ustun turishi bilan ta'riflanadi.

## DIZENTERIYA

*Dizenteriya (ichburug'), ya'ni ichburug' kasalligi o'tkir inektsion kasallik bo'lib, unda asosan yo'gon ichakda yalig'lanish va destruktiv jarayonlari avj olib boradi.*

**Etiologiyasi va patogenezi.** Juda tayinli alohida bir qo'zg'atuvchisi yo'q. Bu kasallik Shigella avlodiga kiradigan butun bir bakteriyalar guruhiiga bog'liq deb hisoblanadi, shu bakteriyalarning to'rt turi — Grigorev — Shig — Kruze, Fleksner, Shtuser — Shmids va Zonne bakteriyalari hamidan muhim ahamiyatga

ega. Paratif bakteriyasi, ko'k yiring oyoqchasi, protey, gemolitik streptokokk, stafilokokk va boshqalar ham dizenteriya qo'zg'atuvchilari tariqasida tasvirlangan. Demak, dizenteriya ancha har xil mikrobiologik millar ta'sir qilib turgan sharoitlarda organizm yuzaga chiqaradigan reaksiyalarning bir tipi bo'lib hisoblanadi.

Dizenteriya katta yoshti odamlarda ham, bolalarda ham uchraydi, sporadik hollar yoki epidemiyalar ko'rinishida kuzatiladi. Bu kasallik bilan og'tish hollar asosan yoz-kuzgi vaqtarga to'g'ri keladi, buning sababi fekaliyalar bilan ifloslangan meva, sabzavot va tozalanmagan suvni iste'mol etishdir.

Dizenteriya uchun infeksiya o'tishining fekal oral mexanizmi xarakterlidir. Dizenteriya qo'zg'atuvchisi bermor yoki bakteriya tashuvchi organizmdan uning axlati bilan birga tashqariga chiqadi va turli narsalarni ifoslantirishi mumkin. Ayni vaqtida dizenteriya kontakt-maishiy yo'l bilan, suv yoki oziq-ovqat mahsulotlari orqali, shuningdek pashsha yordami bilan tarqaladi. Pashshaning ichagida yoki tanasining yuzasida dizenteriya qo'zg'atuvchilari 2—3 kungacha tirik saqlanib turadi.

*Dizenteriyaning patogenezida* kasallik qo'zg'atuvchisining toksinlariga asosiy ahamiyat beriladi, shunisi borki, bu toksinlar kislotali me'da shirasи os-tida ajralib chiqadi. Shigellalarning hamma turlarida endotoksinlar, Grigorev — Shig turida esa ekzotoksin ham bor. Endotoksinlar organizmda ikki xil ta'sir o'tkazadi: 1) bevosita shilliq pardaga ta'sir etadi — shigellalar epitelial hujayralarning ichiga kirib olib, shu hujayralarning destruktсиya va deskvamatsiya ga uchrashiga sabab bo'ladi. Bundan tashqari, kasallik qo'zg'atuvchisi me'da ichak yo'li shilliq pardasidagi retseptorlar va tomirlardagi nerv oxirlariga ta'sir ko'rsatadi, ya'ni vazoneyoparalitik ta'siriga ega; 2) toksinlar so'rilib, ichki organlarga va nerv sistemasining turli bo'limlariga ta'sir qiladi.

Ekzotoksinlar sezilarli darajada neyrotrop ta'siriga egadir. Toksinlar ajralib chiqayotgan mahalda buyrak va yo'g'on ichak zararlanishi mumkin. Kasallikning patogenezida allergik omillar, shuningdek shigellalarning hujayra ichiga o'tib olishi ham muayyan ahamiyatga ega deb hisoblanadi.

**Patologik anatomiysi.** Dizenteriyada mahalliy va umumiyo'zgarishlar ro'y beradi. Tabiatan mahalliy o'zgarishlar yo'g'on ichak shilliq pardasida boshlanib, infektion kolitga olib boradi. Ayni vaqtida ro'y beradigan struktura o'zgarishlari to'rt davrda bo'lib o'tadi.

Bularning birinchi davri yo'g'on ichak shilliq pardasida kataral yallig'lanish bo'lishi bilan ajralib turadi.

Ikkinci davrida yallig'lanish difteritik tusga kiradi.

Uchinchi davrida yaralar hosil bo'ladi.

To'rtinchi davrida regenerator jarayonlar bo'lib o'tadi.

*Birinchi davrida* yo'g'on ichakda diffuz katar kuzatiladi. Ichak shilliq pardasi juda shishib, qizarib chiqadi, bir talay shilimshiq bilan qoplanadi (yalquq' bosadi). Shilliq parda tez orada nekrozga uchrab, fibrinoz yoki fibrinoz-yiringli ekssudat bilan qoplanadi, shunga ko'ra uning bunday joylari gungurt-kulrang tusga kirib qoladi.

Juda ko'pchilik hollarda dizenteriyada faqat yo'g'on ichak, chunonchi, uning distal qismi — to'g'ri ichak, sigmasimon, pastga tushib boruvchi, ko'ndalang-chambar ichak zararlanadi. Ko'pgina hollarda fibrinoz karash yo'g'on ichakni boshidan oxirigacha qoplab oladi. Qizilo'ngach, me'da va och ichak juda kamdan-kam hollarda zararlanadi. Dizenteriya mahalida yo'g'on ichak muskul qatlamida keskin spazmlar bo'lib turadi. Shuning uchun ham qorin paypaslab ko'rilganida ichak qattiqqina bo'lib, bezillab turgan tortmalar ko'rinishida qo'lga unnaydi. Ichakda spazm bo'lib turganligi munosabati bilan uning ko'ndalang kesmasida yo'lining ancha torayib turgani yoki butunlay bekilib qolgani kuza tiladi. Ichakning ana shunday holatda bo'lishi dizenteriyani ich ketishiga emas, balki *qonashga sabab bo'ladigan spastik qabziyat* deb atashga asos beradi. Buning ustiga axlat massalari qon aralash shilimshiqdan iborat bo'ladi.

Mikroskop bilan tekshirib ko'rilganida kasallikning birinchi davrida shilimshiq ko'p ishlanib chiqib, ichak shilliq pardasi qizarib, shishib ketganligi topiladi.



74-rasm. Dizenteriyada yo'g'on ichak shilliq pardasining fibrinoz yallig'lanishi.

*Kasallikning ikkinchi davrida* ichak shilliq pardasi yuzasida fibrinoz yoki fibrinoz-yirningli ekssudat paydo bo'lib, u qisman shu shilliq pardaga singib ketadi ham. Shilliq pardada distrofik va nekrobiotik ózgarishlar ko'zga tashlanadi (74-rasm). Uning ostidagi qatlam ham shishib turadi, shuning hisobiga ichak devori qalinlashib qoladi. Meysner va Auerbax nerv chigallari distrofiyasini ham ko'zga tashlanadi. Kasallikning ikkinchi, uchinchi haftalarida fibrinoz karash leykotsitlar bilan tobora ko'proq boyib borib, bir qismi ichak yo'liga tushadi, bir qismi autolizga uchraydi. shu munosabat bilan ichak shilliq pardasida rahnalar (nuqson) paydo bo'ladi.

*Kasallikning uchinchi davrida* yaralar paydo bo'la boshlaydi (75-rasm). Yaralarning chuqurligi odatda ichakning shilliq pardasi va uning ostidagi parda

bilan cheklanib qoladi. Yaralar ba'zan bir-biriga qo'shibil, yaxlit bo'lib ketishi mumkin. Ularning chetlari tik, yemirilgan bo'ladi. Juda kamdan-kam hollarda teshiladigan yara kuzatiladi. Basharti peritonit ro'y bergudek bo'lsa ham (seroz, seroz-fibrinoz-yiringli peritonit) bu peritonit ko'pincha *mikroperforatsiyalar* tu-fayli yuzaga keladi, ya'ni ichak florasi qorin pardasiga to'g'ridan-to'g'ri o'tmasdan, balki limfa tomirlari orqali o'tib boradi. Qon tomirlari iring, ichakning ichiga qon ketish hodisalari yanada kamroq uchraydi.

*Kasallikning to'rtinchi davri* regenerativ jarayonlar bilan ta'riflanadi. Oldiniga yaraning tubi shilliq parda qo'shni qismlarining epiteliysi bilan qoplanadi. Songra bu epitelyi proliferatsiyalani, rahna ichkarisiga tomon o'tib boradi va Liberkyun bezlarini paydo qiladi. Shu bilan birga retikulyar stroma ham asliga keladi.



75-rasm. Dizenteriyada yo'g'on ichakda (B. Aliev) yaralar hosil bo'lishi.

Regeneratsiya jarayoni to'qimalarning asli holiga kelib qolishi bilan tugallanadi. Biroq regeneratsiya chala bo'lib qolishi ham mumkin. Yaralar ancha chuquva katta bo'lgan mahallarda regeneratsiya ancha uzoq davom etadi. Bunda shilliq parda va uning ostidagi parda chandiqlanib, atipizm, atrofiya hodisalari kuzatiladi, shilliq pardada polipoz o'simtlari paydo bo'ladi. Ahyon-ahyonda ichakda strukturalar yuzaga keladi.

Dizenteriya hamisha ham xuddi yuqorida tasvirlangandek bo'lib o'tavermaydi, ba'zan o'tkir kataral o'zgarishlarning o'zigina ko'riladi-yu, lekin nekrozlar, yaralar paydo bo'lmaydi (*kasallikning kataral xili*). Lekin klinik jihatdan ular ham ancha keskin o'tib, sezilarli intoksikatsiya hodisalari bilan davom etib borishi mumkin (xuddi toksik dispepsiya, toksik dizenteriya, bolalarda birdan boshlanadigan ich ketar kasalligi singari). Kasallikning bunday xillarida uglevodlar bir muncha

kamroq hollarda dizenteriyaning shunday xili uchraydiki, bunda *ichak shilliq pardasida* yaralar oldin difteritik yallig'lanish boshlanmasdan turib, *oddiy yir-inglash natijasida* paydo bo'ladi.

Dizenteriya xillarining biri *gangrenoz dizenteriyadir*, unda barcha o'zgarishlar haddan tashqari tez zo'rayib boradi, shu bilan birga ekssudativ yallig'lanish jaryonlari bir muncha sust bo'lgani holda nam gangrena ko'rinishlari birini o'ringa o'tib qoladi: ichak ilvillab, qorayib boradi, badan deyarli qop-qora bo'lib qoladi. Kasallikning bunday xili kamdan-kam uchraydi va, aftidan, anaerob infeksiya qo'shilishining natijasi bo'lib hisoblanadi. Kasallikning o'ziga xos bir turi *follikul-yar dizenteriyadir*, bunda o'zgarishlarning hammasi faqat follikulalarga dahldor bo'ladi. Mohiyat e'tibori bilan jarayon ichak shilliq pardasidagi follikulalarning yiringlab, yara bo'lib ketishi, keyin bu yaralarning shilliq parda yuzasiga yorilishi bilan ifodalanadi. Bunda mayda-mayda teshiklar paydo bo'lishi natijasida yiringning ichak yuzasiga chiqib, unda tekis tarqalib borishi ichak devoriga yopishgan o'ziga xos yiringli jarayon manzarasini hosil qiladi. Dizenteriyaning o'tishida ko'zga tashlanadigan u yoki bu xildagi yana bir farqi shundan iboratki, kasallikning ikkinchi, yara paydo bo'ladigan davri uzoq cho'zilib, regeneratsiya sust o'tib boradi yoki chuqur nekrozlar paydo bo'lib, to'xtab ham qoladi. Yaralar o'choq bitmay yurgan mahallarda shilliq pardada bir talay va chuqur tushgan chandiqlar, polipoz, pigmentatsiya paydo bo'ladi.

Organizmda umumiy marazm manzarasi yuzaga kelib, shishlar paydo bo'ladi, shunda kasallik shish kasalligiga o'xshab qoladi. Umumiy amiloidoz, gidropik nekroz boshlanishi ham mumkin.

Dizenteriya mahalida *boshqa organlarda kuzatiladigan o'zgarishlar* qanday bo'lmasin xarakterli bir tusga ega bo'lmaydi. Nerv sistemasida distrofik o'zgarishlar ko'zga tashlanadi. Taloq, qorin pardasi ortidagi limfa tugunlari biroz kattalashadi. Buyrak, miokard, jigarda har xil darajadagi distrofik o'zgarish bo'ladi. Jigarda ba'zan miliar nekrozlar yuzaga keladi. Dizenteriya mahalida kuzatiladigan artritlar seroz tusda, steril va allergik genezga ega bo'ladi.

**Klinik manzarasi.** Klinik o'tishiga qarab dizenteriya o'tkir, surunkali dizenteriya va bakteriya tashuvchanlik hodisasiga bo'linadi. Kasallikning klinik jihatdan qanday o'tib borishi makroorganizmning holatiga, kasallik qo'zgatuvchisining turiga va qaysi muddatlarda hamda qay taripa davo qilin-ganiga bog'liq. Grigorev — Shig — Kruze shigellalari tufayli paydo bo'lgan dizenteriya hammadan ko'ra og'irroq o'tadi. O'tkir dizenteriyaning to'rtta klinik xili bor: *kolitik, gastroenterokolitik, gipertoksik xili va bilinmaydigan xili*. Kasallik harorat keskin ko'tarilishi, bosh og'rishi bilan birdan boshlanadi. Asosiy klinik ko'rinishlari yalqug' (shilimshiq) aralash ich surishi, qorinda og'riq turishidir. Gipertoksik xilida intoksikatsiya belgilari birinchi o'ringa o'tib, hattotki toksik ensefalopatiya, toksikinfektion shok ham boshlanadi. Surunkali dizenteriya ikki xil shaklda — *qaytalanib turadigan va uzlusiz dizenteriya* tarzida o'tadi. Bakteriya tashuvchanlik dizenteriya infeksiyasi jarayonining hammadan ko'

uchraydigan xilidir. Uni kasallikning subklinik shakli deb qarash kerak, chunki ichak shilliq pardasi biopsiyalarini o'rganishda va immunologik tekshirishlarda infektsion yallig'lanish jarayoniga xos belgilar topiladi.

**Asoratlari.** Kam uchraydigan, lekin eng dahshatli bo'lib hisoblanadigan asorati peritonitdir. Mudom ich ketaverishi va ichak doim spazm bo'lib turaverishi natijasida ichakda invaginatsiya hodisasi ham boshlanishi mumkin. Poliartritlar, nefritlar, iridosiklitlar, polinevritlar, toksik hepatitlar singari asoratlari ham tasvirlangan.

## O'TA XAVFLI INFEKTSIYALAR

### VABO

*Vabo — o'tkir infektsion kasallik bo'lib, me'da-ichak yo'lining zararlanishi, suv-tuz almashinuvining buzilishi va organizmnning suvsizlanib qolishi bilan ta'riflanadi.* Bu kasallik antropozolalar, ya'ni insondagina uchraydigan kasalliklar jumlasiga kiradi, haddan tashqari yuqumli boladi va o'ta xavfli infeksiyalardan biri bo'lib hisoblanadi. Hozir vaboning ikki xili klassik vabo, ya'ni Osiyo vabosi va El-Tor vabosi tasvirlangan.

**Etiologiyasi va patogenezi.** Osiyo vabosining qo'zg'atuvchisi Kox vibrioni, El-Tor vabosining qo'zg'atuvchisi esa El-Tor vibrionidir (76-rasm). Bular kasallarning axlati va qusuq massalarida, me'da-ichak yo'li suyuqligi va safro, ya'ni o'tda hamisha topiladi. El-Tor vibrioni Kox vibrioniga qaraganda birmuncha yengilroq tusda o'tadigan kasallikni keltirib chiqaradi, o'limga kamroq sabab boladi.


Vabo vibrioni xolerogen deb ataladigan enterotoksin ishlab chiqaradi, bu toksin oqsildan iborat bo'lib, unda immunologik jihatdan bir-biridan farq qildigan ikkita fragment bor.

Vabo qo'zg'atuvchisining ko'payish joyi odamning ichagi, kasallik manbai esa bemor odam yoki vibrion tashib yuruvchi kishidir. El-Tor vibrionining yashaydigan, ko'payib va to'planib boradigan oziq muhiti, ochiq suv xavzalarining gidrobiontlari bo'lishi mumkinligi so'nggi yillarda aniqlangan. Infeksiyaning o'tish mexanizmida vabo vibrionlarining ifloslangan suv yoki oziq-ovqat mahsulotlari bilan birga me'da-ichak yo'liga tushishi asosiy o'r'in tutadi. Kasallik kontakt yo'li bilan ham yuqishi mumkin. Vabo epidemiyalar va pandemiyalar ko'rinishida tarqaladi.

**Patogenezi** yetarlicha aniq emas. Vabo vibrionlari me'da-ichak yo'liga tushganidan keyin ingichka ichak bo'shlig'ida zo'r berib ko'payib boradi, degan nazariya ko'proq o'r'inli bo'lib hisoblanadi. Vabo vibrionlarining ko'payishi va yemirilib turishi bir talay enterotoksin ajralib chiqishi bilan birga davom etib boradi. Ichak shilliq pardasining epiteliysi shu toksin ta'sirida ko'p miqdor izotonik suyuqlik ajratib chiqaradi. Xolerogenning enterositlar ferment sistemalari bilan o'zaro ta'sir etishi natijasida shu xildagi suyuqlik gipersekretsiyasi kuchayib

boradi. Enterositlardagi adenilatsiklazaning faol holga o'tishi siklik 3, 5-adenozinmonofosfat sintezi kuchayishiga olib keladi, shu modda nechog'lik ko'p hosil bo'lsa, ichak sekretsiyasining ishlanib chiqishi ham shuncha ko'payadi. Bunda hujayraning «natriy nasosi» ishdan to'xtab qoladi, natijada ichak yo'lidan suyuqlikning qayta so'riliishi izdan chiqadi. Suyuqlikning mo'l-ko'l ishlanib chiqishi va qayta so'riliشining deyarli yo'qolib ketishi shirillab ich ketib turishiga olib keladi.

Kasallik mahalida birdan izotonik degidratatsiya boshlanishi vabo patogenezining muhim bo'g'ini bo'lib hisoblanadi, bu hodisa tomirlarda aylanib yurgan qon hajmining kamayib ketishi (gipovolemiya), arterial bosim pasayishi, gemonidamik o'zgarishlar boshlanishi va toqima metabolizmining izdan chiqishi bilan birga davom etib boradi. Bu esa o'z navbatida sezilarli oliguriya bilan o'tadigan o'tkir buyrak yetishmovchiligiga, organizmdagi bir qancha muhim sistemalar funktsional holatining buzilishiga olib keladi. Bundan tashqari, vaboda elektrolitlar (kaliy, natriy, xlor) yo'qolib boradi. Chunonchi, organizmda kaliy yo'qolib, avvalgi miqdorining 1/3 qismigacha tushib qolishi mumkinki, bu narsa miokard funktsiyasi izdan chiqib, buyrak tubulyar apparatining buzilishiga, ichakda muskullarning juda zaifligi bilan o'tadigan parez boshlanishiga olib keladi. Oliguriya ham tobora kuchayib boradi.



76-rasm. El-Tor vabo vibzionining ultrastrukturasi (B. Aliev, 1980).

Sanarelli fikriga qaraganda, vibzionlar ichakka to'g'ridan-to'g'ri tushmay, balki gematogen yo'l bilan o'tadi, ayni vaqtida burun-halqum halqasidagi bodomcha bezlari infeksiyaning kirish darvozalari bo'lib xizmat qiladi. Vibzionlar burun-halqum xalqasining limfa sistemasida ko'payib olib, keyin qon oqimiga tushadi. Vibzionlarning ichakka o'tishining o'zida ikkita davr tafovut qilinadi: 1) vibzionlarning ichak devori bag'riga gematogen yo'l bilan o'tib borishi; 2) vibzionlarning tinmay ichak yo'liga tushib turishi. Vaboning klinik sindromi vibzion ta'sirida sensibilangan ichakning allergik reaksiyasidir deb hisoblanadi. Ayni vaqtida vibzionning o'zi emas, balki ichak tayoqchasi hal qiluvchi omil hisoblanadi. Demak, vaboda ichakka aloqador hodisalarning avj olib borish mexanizmi, Sanarelli fikriga ko'ra, bevosita enterogen mexanizm bo'lmay, balki nevrogen-gematogen mexanizmdir.

**Patologik anatomiysi.** Vaboda ro'y beradigan struktura o'zgarishlarining tabiatiga va bu kasallikning klinik o'tishiga qarab, uning avj olib borishida uch davr tafovut qilinadi: 1) vabo enteriti, 2) vabo gastroenteriti, 3) algid davri. *Vabo enteriti* davrida ingichka ichak devorida boshlangan seroz-gemorragik yalig'lanish manzarasi kuzatiladi. Ichak shilliq pardasi shishib, qonga to'lib turadi, qon quyilgan joylar paydo bo'ladi, shilimshiq ko'p ishlanib chiqadi (gipersekretsiya). *Vabo gastroenteritida* jarayon medaga ham o'tib, meda shilliq pardasida ham seroz-gemorragik gastrit manzarasi avj olib boradi. *Algid davrida* o'zgarishlar hammadan ko'p ifodalangan bo'ladi. Ingichka ichak shilliq pardasidagi distrofik o'zgarishlar kuchayib, epithelial hujayralar vakuollanadi, mikrovorsinkalarini yo'qotadi, bir qismi ko'chib tushadi (deskvamatsiya). Shilliq parda limfotsitlar va plazmatik hujayralar bilan infiltrlandi. Bemorlar ko'pincha kasallikning algid davrida o'lib qoladi. O'lganlarning ko'rinishi juda xarakterli bo'ladi. Odam ancha ozib, ayniqsa, lunjlar va ko'zları ich-ichiga tortib, burni bilan engagi cho'chchayib chiqib qoladi. Tishlari qisilgan, qorni ichiga tortgan, muskullarining konturlari juda bilinib turadigan bo'ladi, murdaning hamma muskullari yog'ochday qotib qoladi. Shunga ko'ra o'lgan kishining jasadi juda kuchli, muskullari baquvvat odam jasadiga o'xshaydi (gladiator vaziyati). Turli toqimalar ko'zdan kechirilganida ularning suvi qochib, badan terisi, ayniqsa qol barmoqlari terisi quruq, ajin bosgan bo'ladi (kirchi ayol qo'lli). Barmoqlar bukilgan bo'lib akusher qo'liga o'xshab ketadigan holatda turadi, muskullar qat-tiq va qoraygan bo'ladi. Seroz pardalar quruq bo'lib, sovun surib qo'yilgandek sirg'anchiq shilimshiqsimon yupqa karash bilan qoplanadi, bu pardalarga qo'il urilsa, o'sha shilimshiq ingichka iplar ko'rinishida cho'zilib chiqaveradi.

Vabo bilan og'rigan kasalda seroz bo'shliqlardagi suyuqlik, qon, quyuqlashib qoladi (angidremiya), periferik qondagi eritrotsitlar sonining ko'payib qolishi (polisitemiya bo'lishi) ham shundan darak beradi.

Kasallik jarayoni avj olib borgani sayin ichakdag: patologoanatomik o'zgarishlar zo'rayib boradi. Ichak juda dam bo'lib, devori shishiadi va qonga to'lib turadi, ko'pincha qon talashlar ham paydo bo'ladi. Ichak follikulyar apparati shishib chiqadi. Ichak shilliq pardasida karashlar ham paydo bo'ladi (vabo-dizintitik jarayon), shilliq pardaning burmalar uchidagi qismi safro bilan bo'yalib qoladi.

Ichak suyuqligi juda ko'payib, guruch qaynatmasi ko'rinishiga kirib qoladi, uning rangi oqish yoki go'sht seli rangida bo'ladi. Axlatning rangi o'chadi. Mikroskop bilan tekshirib ko'rilganida ichak suyuqligida ko'chib tushgan bir talay epithelial hujayralar, shilimshiq va g'ij-g'ij vibzionlar topiladi. Ichak shilliq pardasida vorsinkalar va Liberkyun bezlari epitheliysining ko'plab deskvamatsiyaga uchragani ko'zga tashlanadi. Epitelial qoplidan mahrum bo'lgan vorsinkalar gullab bo'lgan momaqaymoq o't boshchasiga o'xshab ketadi.

Patologoanatomik tekshirish mahalida topildigan boshqa o'zgarishlar jumlasidan quyidagilarni aytib o'tish kerak: 1) o't pufagi ancha kengayib, shilliq pardasida kataral o'zgarishlar boshlanadi. O't suyuqligi tiniq va och rangli bo'lib qo-

ladi («oq safro»); 2) sfinkterlar falajga uchraydi (anusdan ikkita barmoq bermalol o'tadigan bo'lib qoladi); 3) bosh miya va orqa miya nerv hujayralarida distrofik, nekrobiotik o'zgarishlar paydo bo'ladi; 4) yurakning nerv tugunlariga shish kelib, ularga qon quyiladi va dezintegratsiya boshlanadi; yurak ilvillab qoladi; 5) nekrotik nefroz kuzatiladi, buyrak shishib, qonga to'lgan bo'ladi, parenximasini kapsula tagidan do'mpayib chiqib turadi; 6) taloq kichrayib, kapsulasi bujmayib qoladi, bu narsa suv yo'qliganini, ya'ni qon massasi kamayib qolganligini ko'rsatadi. Taloq markaziy arteriyalari gomogenlashib, endoteliyisi deskvamatsiyaga uchragan bo'ladi; 7) o'pkani rangi o'chib, quruqshab turadi, ba'zan unda qon quyilib qolgan joylar bo'ladi. Bronxopnevmoniya boshlanib, ekssudatda vibzionlar topilishi mumkin. Bunda fibrin kam miqdorda topiladi, tomirlar devoriga fibrin singigan bo'ladi. Epitely nekroza uchrab, ko'chib tushadi.

**Klinik manzarasi.** Klinik jihatdan olganda vabo juda o'tkir gastroenterit simptomlari bilan ta'riflanadi. To'xtovsiz ich ketishi boshlanib, bemor qusaveradi, qorinda og'riq paydo bo'ladi. Bu hodisalardan keyin ko'p o'tmay kollaps boshlanadi: badan terisi ko'kimdir rangga kirib, turgori yo'qolib, ilvillab qoladi. Harorat pasayib,  $35^{\circ}\text{S}$  gacha tushadi (kasallikning algid, ya'ni sovuq davri degan nom shundan olingan). Bemorning ko'zlarini ich-ichiga tortib, talvasalar boshlanadi. Kasallikning algid davrida ba'zan kollaps manzarasi ustun turadi, gastroenteriting tashqi ko'rinishlari esa bo'lmaydi.

Vabo asoratlari spetsifik va nospetsifik asoratlarga bo'linadi. Spetsifik asoratlari jumlasiga vabo tifoidi va vabodan keyin boshlanadigan uremiya kiradi. Vabo tifoidi hozir vibrionlarning takror yuqishiga javoban ro'y beradigan giperergik reaksiya deb hisoblanadi. Harorat  $40^{\circ}$  gacha ko'tarilib, bemor isitmataloytgan yoki koma holatiga tushgan kasalga o'xshab qoladi. Asosiy patologoanatomik o'zgarishlar yo'gon ichakda bo'ladi, unda difteritik yallig'lanish boshlanadi (difteritik kolit). Taloq ham kattalashib, pulsasi giperplaziyaga uchragani holda unda infarktlar ro'y beradi. Jigarda bo'laklar orasidagi tomirlar tromboziga aloqador nekroz o'choqlari paydo bo'ladi. Buyrakda yarim o'tkir ekstrakapillar glo-merulonefrit va nekrotik nefroz manzarasi kuzatiladiki, shu narsa vabo tifoidida ko'rildigan uremiyaga olib keladi. Ikkinci asorat paydo bo'lishi — vabodan keyin uremiya boshlanishi buyraklarning po'stloq moddasida infarktg'a o'xshash bir talay nekrozlar paydo bo'lishiga bog'liq.

Vaboning nospetsifik asoratlardan pnevmoniya, abtsesslar, flegmona, saramas, sepsisni aytib otish kerak. Vabo bilan og'igan kasallar o'llimining sababi suvsizlanish, koma, uremiya, intoksikatsiyadir.

## TOUN

*Toun (o'lat)* — juda o'tkir infektsion zoonoz kasallik bo'lib, organizmda og'ir intoksikatsiya va badan terisi, limfa tugunlari, o'pkada xarakterli yallig'lanish jarayonlari boshlanishi bilan o'tadi. O'ta xavfli infeksiyalar (karantinli, konvension infeksiyalar) jumlasiga kiradi.

**Etiologiyasi va patogenezi.** Toun qo'zgatuvchisi — Iersinia pestis gemorragik septisemiyalar qo'zg'atuvchilar guruhiga kiradi. Sporalar hosil qilmaydi. Toun kasalligini tashib yuruvchi asosiy jonzotlar kemiruvchilardir, shu hayvonlar bu kasallikning tabiiy o'choqlarida to'xtovsiz epizootiyalar bo'lib turishini ta'minlaydi va toun qo'zg'atuvchilarining rezervuari bo'lib hisoblanadi. Suvsarlar, kulrang va qizil sug'urlar, qumsichqonlar, kichik yumronqoziq ana shunday hayvonlar jumlasiga kiradi. Infeksiyaning tabiatda saqlanib qolishida alohida o'rinn tutadigan ikkinchi darajali kasallik tashuvchi hayvonlar uy sichqonlari, oddiy dala sichqonlari, kalamushlardir. Uy hayvonlaridan tuyalar va mushuklar toun bilan og'riydi. Odamlar ham touniga juda beriluvchan bo'ladi. Shu munosabat bilan bu kasallik bilan og'rish hollari asosan tounning tabiiy o'choqlari joylashgan hududlarda yashovchi aholi orasida qayd qilinadi. Kasallik tabiiy o'chog'inining Markaziy Osiyodagi tog' mintaqasi Pomir va Oloy tog'larining bir qancha joylarini o'z ichiga olsa, tekislik mintaqasi Markaziy Osiyodagi sahro va yarim sahrolar hududida joylashgandir. O'zbekistonda Buxoro va Qashqadaryo viloyatlarida tounning tabiiy o'choqlari bor.

Tabiiy o'choqlarda kasallik transmissiv, kontakt, alimentar va aspiratsion yo'llar bilan, shuningdek ikkilamchi tartibda ifloslangan narsalar orqali yuqadi. Infeksiyaning kemiruvchi hayvonlardan transmissiv yo'l bilan odamga yuqishida har xil yovvoyi kemiruvchi hayvonlarning ektoparazitlari bo'lmish burgalar ayniqsa ahamiyatlidir. Kemiruvchi hayvonlar va kasal tuyalarga bevosita yaqin yurilganida (kasal tuyaning terisi shilinganida, go'shti nimtalanganida). Ham infeksiya odamga yuqib qolishi mumkin. Touniga aloqador birlamchi yoki ikkilamchi pnevmoniya bilan og'rib yurgan odamlar ham kattagina xavf tug'diradi, chunki kasallardan tushadigan balg'amaida juda ko'p toun mikroblari bo'ladi. Kasallikning tabiiy o'choqlari hududlarida toun epidemiyalari boshlanishida biologik omillar ma'lum ahamiyatga ega (kemiruvchi hayvonlar o'rtasida bo'lib turadigan epizootiyalar, kasallik qo'zgatuvchisining virulentligi, burgalarning ko'pligi). Bundan tashqari, ijtimoiy-iqtisodiy omillar, masalan: turar joyning tabiiy toun o'choqlariga yaqinligi, kishilarning kasb-kori, aholining sanitariya-gigienik va madaniy saviyasi ham ahamiyatlidir.

Kasallikning organizmda dastlab qayerdan boshlanishi asosan kasallik qo'zg'atuvchisining kirish darvozalariga bog'liq. Badan terisi va shilliq pardalar toun tayoqchasi o'tishiga bir qadar sust to'sqinlik qiladi, shunga ko'ra kasallik qo'zg'atuvchisi kirgan joyda reaksiya boshlanib, birlamchi affekt hosil bo'lishi mumkin. Tounning avj olib borishini uchta davrga ajratsa bo'ladi: 1) kasallik qo'zg'atuvchisining organizmga kirib olgan joydan limfa tugunlarigacha limfa orqali o'tib borishi, 2) bakteriemiya — mikroblarning limfa tugunlaridan qon o'zanigacha tarqalishi, 3) septisemiya — infeksiyaning tarqalib avj olib borishi.

Toun patogenezida ko'pdan-ko'p miqdordagi mikroblarning birdan ko'payib, tarqalib borishi, bo'g'imlar atrofidan joy olishi, barvaqt qon oqimiga tushib, og'ir intoksikatsiyaga sabab bo'lishi ayniqsa muhim ahamiyatga ega.

Kasallikning o'tishida tomirlar apparati: kapillarlar, yirik qon tomirlari, birinchi navbatda venalarning zararlanishi, qonni ivituvchi sistemaning buzilib, fibrinoliz kuchayib ketishi yetakchi rolni o'ynaydi. Biroq, toun patogenezi xususiyatlaridan biri shuki, bu kasallik qo'zib turishga moyil bo'ladi, bu narsa kasallik qo'zg'atuvchisining limfa tugunlarida uzoq saqlanib turishiga bog'liq. Infeksiya aerogen yo'l bilan yuqqanida mikroblar bronx va bronxiolalar orqali to'g'ridan-to'g'ri alveolalarga kirib boradi va shu narsa tounga aloqador pnevmoniya boshlanishiga olib keladi. Tounga aloqador pnevmoniyada bakteriemiya va jarayonning tarqalib borishi bubonli toundagidan ko'ra ancha tezroq boshlanadi.

**Patologik anatomiysi.** Toun mahalida ro'y beradigan patologik o'zgarishlarning asosida toun mikroblarining to'qimalarda to'xtovsiz ko'payib borib, o'tkir gemorragik yallig'lanishga sabab bo'lishi yotadi. Jarayonning olgan joyi va tounning klinik o'tishiga qarab bu kasallikning quyidagi xillari tafovut qilinadi: 1) teri touni, 2) teri-bubonli toun, 3) bubonli toun, 4) birlamchi o'pka touni, 5) ikkilamchi o'pka touni, 6) ichak touni, 7) tarqoq, ya'ni birlamchi-septik va ikkilamchi — septik toun.



77-rasm. Bo'yin va jag' burchagi sohasidagi toun buboni.

*Teri touni* (tounning terida bo'ladigan xili) — o'zgarishlar dastlab kasallik qo'zg'atuvchisining organizmiga kirgan joyida boshlanadi. O'sha joyda oldin burga chaqqaniga o'xshash qizil nuqta paydo bo'ladi. Keyinchalik u kattalashib, markazidagi epidermis ko'tarilib chiqadi va yiringli-gemorragik ekssudat bilan to'lib turgan pufakcha (pustula) hosil bo'ladi. Mana shu yallig'lanish ekssudatida bir talay toun tayoqchalari topiladi (birlamchi fliktena). Pustulalar ba'zan bir-biriga qo'shilib, nekrozga uchraydigan va yara bo'lib ketadigan konglomerat hosil qiladi (birlamchi affekt).

*Bubonli toun.* Yallig'lanish jarayoni infekt tarqalib borgan yo'ldagi limfa tugunlarida boshlanib, juda o'tkir gemorragik nekrotik limfadenit ko'rinishida

avj olib boradi. Bubonlar birinchi kunning o'zidayoq, aksari chov va son, goho bo'yin sohalarida paydo bo'ladi. Bolalarda odatda qo'ltilq osti sohasidan joy oladi.

Patogenetik jihatdan quyidagilarni tafovut qilish rasm bo'lgan: 1) regionar limfa tugunlari zararlanishidan paydo bo'ladijan birinchi tartibdag'i birlamchi bubonlar; 2) regionar limfa tuguniga yaqin joylashgan limfa tugunlari zararlaniganida yuzaga keladigan ikkinchi tartibdag'i birlamchi bubonlar; 3) infeksiya gematogen yo'l bilan tarqalib borganida yuzaga keladigan ikkilamchi yoki gematogen bubonlar.

Bubonlar, odatda tovuq tuxumidek yoki o'rtacha olmadek keladi, ba'zan kataroq bo'ladi. Xamir singari berch bo'lishi bilan ajralib turadi. Bubon ustidagi teri tarang tortilib, yaltillab turadi, odatda harakatchan bo'ladi, ba'zi hollarda yara bo'lib ketadi.

Limfa tugunlari kesib ko'riganida to'qimasi bo'rtib, yumshab qolgan va to'q qizil rangga kirgan bo'ladi. Limfa tugunlari atrofidagi kletchatka shishib, qon hujayralari bilan infiltranadi (periadenit boshlanadi). Ba'zan ularda har xil kattalikdagi nekroz o'choqlari topiladi. Jarayon bir qadar bexatar o'tgan mahallarda nekrotik limfadenit yiringlab irish davriga kiradi. Shuningdek, bubonlar o'tkir gemorragik nekrotik limfadenit va periadenit manzarasini namoyon qiladi (77-rasm). Mikroskop bilan tekshirib ko'riganida limfa tugunlar to'qimasida bir talay toun mikroblari, anchagina qon, kichik-kichik limfoid to'qima orolchalarini topiladi, shu orolchaldagi saqlanib qolgan hujayralar orasida nekrobioz o'choqlarini ko'rish mumkin. Atrofdagi to'qima qontalashib, juda shishib ketadi va unda bir talay toun mikroblari bo'ladi.

Bubonlarning paydo bo'lishi bakteriemiya va tokseminiya bilan birga davom etib boradi, shu narsa yurak-tomirlar, nerv sistemasi va organizmdagi boshqa muhim sistemalarning zararlanishiga olib keladi. Bubonlar shakllanib bo'lganidan keyin ularning bir yoqli bo'lish davri boshlanadi, bu davr uch xil shaklda o'tishi mumkin: *sor'ilib ketish*, *yiringlash*, *skleroz*.

Tounning bubonli xilida miokardda distrofiya boshlanib, perikardga va endokard ostiga qon quyiladi. Tomirlarning devorlarida nekrozlar, qontalashlar, yallig'lanish infiltratsiyasi, endotelij hujayralari proliferatsiyasi, deskvamatsiyasi, nekroz ko'zga tashlanadi. Buyrak ubsti bezlarida qontalashlar, nekrobioz qayd qilinadi, mikrob to'dalari topiladi. Boshqa organlarda distrofiya va qon quyilish hodisalari sezildi.

Taloq 1, 5—2 barobar kattalashib, kapsulasiga qon quyiladi, pulpasi sidirib ko'riganida ko'plab ko'chib chiqadi.

*Ikkilamchi toun pnevmoniysi* bubonli tounning xatarli asoratlari jumlasiga kiradi va tabiatan bronxopnevmoniyaga o'xshaydi. Yallig'lanish o'choqlari seroz-gemorragik tusga kirib, plevra tagidan joy oladi. Ularning atrofida qon quyilgan va nekrozga uchragan joylar topiladi. Fibrinoz va fibrinoz gemorragik plevrit boshlanishi mumkin. Yuqori nafas yo'llaridagi o'zgarishlar (giperemiya, nuqtanuqta bo'lib qon quyilgan joylar) sust ifodalangan bo'ladi. Toun pnevmoniysi

nekrotik jarayonga aylanib ketishi mumkin. *Birlamchi o'pka touni* nihoyat derajada og'ir o'tadi va aksari o'choqli tusda (bronxopnevmoniya tarzida) bo'ladi. Bu kasallikni ajratib turadigan belgilari uning haddan tashqari tez boshlanib, juda tez avj olib borishi, nihoyatda og'ir intoksikatsiya bo'lishi (bu intoksikatsiya kasallikning dastlabki davridayoq boshlanadi) va bemorni tez orada o'limga olib borishidir. Toun pnevmoniyasining o'choqlari paypaslab ko'rilganida qat-tiqqina dumaloq tuzilmalar ko'rinishida qolga oson unnaydi, kesib ko'rilganida do'mpayib chiqadi. Juda ko'pchilik hollarda plevra ham yallig'lanish jarayoniga qo'shilib ketadi (fibrinoz, fibrinoz-yiringlip levrit) plevra bo'shliqlarida seroz, seroz-yiringli yoki yiringli ekssudat paydo bo'lishi mumkin.

O'pka touni epidemiyalari mahalida pnevmoniya tabiatan lobar tusda bo'lib, makroskopik jihatdan olganda krupoz pnevmoniyanadan kam farq qiladi. Odatda o'pkaning bir yoki bir nechta bo'lagi zararlanadi. Bunda hamisha plevra ham yallig'lanish jarayoniga qo'shilib ketadi (lobar plevro-pnevmoniya). To'qima kesib ko'rilganida qo'ngir qizil yoki sarg'ish qizil rangda bo'ladigan yuzasidan qon aralash loyqa yoki qaymoqqa o'xshab ketadigan yiringsimon suyuqlik oqib tushadi, bu suyuqlik sof toun qo'zg'atuvchisi kulturasidan iborat bo'ladi.

Tounga aloqador lobar pnevmoniyaning avj olib borishida: 1) seroz-gemorragik ekssudatsiya, 2) leykositar ekssudatsiya, 3) nekrotik o'zgarishlar davri tafovut qilinadi.

*Birinchi davrda* keskin ifodalangan giperemiya boshlaib, alveolalarning bo'shliqlarida seroz-gemorragik ekssudat topiladi. Bu bo'shliqlarning ba'zilarida eritrotsitlar aralashmasi shuncha ko'p bo'ladiki, ekssudat alveolalar ichiga qu'yilib qolgan qonga o'xshab turadi. Bronxlar atrofidagi va plevra tagidagi ekssudatda toun mikroblari to'dalari topiladi.

*Ikkinchi davrda* polimorf yadroli leykotsitlar ko'payib, alveolalar bo'shlig'i ni butunlay to'ldirib qo'yadi, shu munosabat bilan ekssudat tabiatan yiringga o'xshab qoladi.

*Uchinchi davrda* pnevmoniya o'choqlarida alveolalarning devorlari, kapillarlar va ekssudat hujayralari nekrotik o'zgarishlarga uchraydi. Yallig'lanish fokuslarida faqat fibrinolitik xossalariiga ega bo'lgan toun mikroblari topiladi, shuning uchun ham ekssudatda fibrin hamisha ham bo'lavermaydi. Traxeya va yirik bronxlarning shilliq pardasi keskin giperemiyaga uchrab, qonga to'lib turadi, qonga o'xshab ketadigan ko'pinkli suyuqlik bilan qoplanib turadi. Tomoq, halqum va bodomcha bezlari ham qizarib ketganligi ustiga ularda nekroz o'choqlari topiladi.

Paratraxeal va bronxial limfa tugunlari kattalashib, qonga to'lgan, yumshoq va sershira bo'ladi. Ularning sinuslarida bir talay toun mikroblari uchraydi.

*Touning septik (birlamchi va ikkilamchi) xili* regionar limfa tugunlaringi baryerlik funktsiyasi yetarli bo'lmaydigan, fagotsitoz pirovardigacha bormaydigan va kasallik qo'zg'atuvchisi turli organ va to'qimalarda zo'r berib ko'payaveradigan mahallarda kasallikning septik xillari boshlanadi: 1) birlamchi septik xili (bunda odamga kasallik yuqqanidan keyin jarayon darhol zo'rayib,

tarqala boshlaydi), 2) bubonli toun yoki birlamchi o'pka touni ustiga boshlanadigan ikkilamchi septik xili shular jumlasidandir.

Birinchi holda tounning pnevmoniya va bubonlar ko'rinishidagi tipik belgilar bo'lmaydi. Kasallik sepsisiga xos klinik-anatomik belgilari bilan ta'riflanadi. Diagnozi epidemik ko'rsatkichlarga va qondan toun mikroblarini ajratib olish imkoniyatiga asoslanadi. Murda yorib ko'rilganida topiladigan o'zgarishlarda toun uchun xarakterli hisoblanadigan qanday bo'lmasin belgilari bo'lmaydi.

*Tounning ichakni zararlaydigan birlamchi xili* ingichka va yo'g'on ichak devorlarida qon quylishi, ichak tutqichidagi regionar limfa tugunlarining kattalashuvi, ularda gemorragik-nekrotik limfadenit boshlanishi bilan ta'riflanadi. Ichak suyuqligida bir talay toun tayoqchalari topiladi.

**Klinik manzarasi.** Kasallikning xili klinik jihatdan qanday bo'lmasin, u azoyi-badan qaqshashi, qattiq bosh og'rib, aylanishi, harorat yuqori ko'tarilishi bilan to'satdan boshlanadi. Yurak faoliyati susayib, tomir urishi tezlashib qoladi, arang qo'nga unnaydigan bo'ladi. Yurak tonlari bo'g'iq eshitiladi. Bemorning yuzi ifodasiz bo'lib qoladi, kon'yunktivasi qizarib ketadi, bemor yurganida gandiraklab qoladi. Tashqi ko'rinishi ichkilik ichib mast bo'lgan odamga o'xshaydi. Ancha og'ir hollarda bemorning yuzi chakak-chakak bo'lib, ko'karib ketadi va chidab bo'lmas darajada azob chekayotgani chehrasidan ma'lum bo'lib turadi. Tilida bo'ladigan o'zgarishlar juda xarakterlidir—til oppoq karash bilan qoplangan bo'ladi (bo'rsimon til). Jigar, taloq kattalashadi. Gemorragik toshmalar odatda gavdada uchraydi, ular to'q qizil rangda bo'ladi. O'lim oldidan toshma qora tusga kiradi (qora ajal).

Hozir aytib o'tilgan simptomlardan tashqari, tounning u yoki bu klinik xiliga xarakterli belgilari ham bo'ladi. Chunonchi, bubonli xilida toshma bubon sohasida paydo bo'ladi, bu bemorni majburiy holat olishga majbur qiladi. Birlamchi o'pka touni uchun ko'krakda qattiq og'riq turib, yo'tal boshlanishi, yo'tal mahalida qon aralash balg'am tushishi, keskin ifodalangan intoksikatsiya bo'lib, toksik shok boshlanishi xarakterlidir. Auskultatsiya va perkussiya juda kam ma'lumot beradi. Tounning septik xili anchagina intoksikatsiya boshlanib, kasalning hushdan ketishi, bezovtalanaverishi, alahlashi, sezilarli gemorragik hodisalar bo'lishi bilan xarakterlanadi.

Tounda o'lim hollari juda ko'p (80—90%) bo'ladi, uning o' pka xilida 100% ga yetadi.

**Asoratlari** jumlasiga touniga aloqador marazm, o'limga olib boradigan yiringli meningit kiradi. Yiringli infek ko'rinishidagi asoratlar ham uchrashi mumkin. O'lim sabablari septisemiya, kaxeksiya, intoksikatsiya, o'pka kasalliklaridan iborat bo'lishi mumkin.

## KUYDIRGI

*Kuydirgi (sinonimi xavfli karbunkul, qora yara) o'tkir infektsion kasallik bo'lib, og'ir intoksikatsiya boshlanishi, badan terisi o'pka, ichak zararlanishi bilan*

*ta'riflanadi, bu kasallikda sepsis boshlanishi ham mumkin.* Kuydirgi o'ta xavfli infeksiyalardan hisoblanadi.

**Etiologiyasi va patogenezi.** Kuydirgi qo'zg'atuvchisi ikki xil shaklda — vegetativ va sporali shaklda yashaydigan kuydirgi batsillasidir. Tirik organizmda vegetativ shakli rivojlanib boradi. Organizmdan tashqarida sporali shaklda mavjud bo'ladi.

Kuydirgi qo'zg'atuvchisi sust gemolitik, lesitinaz va fosfataz ta'siriga ega bo'ladi. Bundan tashqari, kuydirgi batsillasasi shu batsillalar avlodiga xos somatik antigenga ega bo'lib, ekzotoksin ishlab chiqaradi.

Infeksiya manbai kasal hayvonlardir, ular o'txo'r qishloq xo'jalik hayvonlari orasida ham, yovvoyi hayvonlar orasida ham uchrashi mumkin. Bunday hayvonlar orasida kuydirgi epizootiyalar ko'rinishida uchrab turadi. Odam ham kuydirgiga moyil bo'ladi-yu, lekin hayvonlardagidan farq qilib, kasallik odamdan odamga yuqmaydi. Kuydirgi odamga kontakt, aerogen, alimentar va transmissiv yo'llar bilan yuqishi mumkin. Kasbi chorvachilikka, mo'yna, jun, terini ishlashga bog'liq odamlarda, qushxonalar xodimlarida bu kasallik birmuncha ko'proq kuzatiladi va hokazo.

Kasallik kontakt yo'li bilan yuqqanida qo'zg'atuvchisi badan terisidagi mayda-mayda tirlangan, shilingan joylar orqali organizmga kiradi, bunda kuydirgining teriga aloqador xili — teri kuydirgisi boshlanadi. Kasallikning odamlarga aerogen yo'l bilan yuqishi po'stindozlik korxonalarida, junnii ishlash mahalida, kuydirgi tarqalgan joylardan keltirilgan xom ashyodan foydalanish kezlarida kuzatiladi. Kasal hayvonlarning go'shti va boshqa mahsulotlari yaxshilab pishirilmasdan iste'mol qilinadigan bo'lsa, kasallik alimentar yo'l bilan yuqishi mumkin. Kasallik qo'zg'atuvchisi qon so'rар hashoratlari — so'nalar, it, pashshalar va boshqalar orqali ham yuqishi mumkin, bu kasallikning transmissiv yo'l bilan yuqishidir. Demak, *kuydirgi batsillalari uchun zararlangan teri, nafas yo'llari va meda-ichak yo'lining shilliq pardalari kirish darvozalari bo'lib xizmat qila oladi*. Bu batsillaning patogen ta'siri ekzotoksiniga bog'liq, ekzotoksinining bir fraksiyasi oqsillar koagulatsiyasiga, to'qimalar shishiga sabab bo'ladi. Bundan tashqari, ekzotoksin toksikoinfektion shok boshlanishiga ham sabab bo'ladi. Kuydirgi tayoqchasining tirik organizmda kapsula hosil qila olish xususiyati uni to'qima shiralarining lizislovchi ta'siri va fagotsitoz hodisasidan himoya qilibgina qolmaydi. Mikrob kapsulasi shu qo'zg'atuvchi patogenligining muhim omili bo'lib ham hisoblanadi. Infeksiyaning kirish darvozalaridan limfa yo'llari bilan regionalar limfa tugunlarigacha tarqalib borishida makrofaglar ma'lum ahamiyatga ega. Bu kasallikda hosil bo'ladigan immunitet barqaror emas.

**Patologik anatomiyasi.** Kuydirgi kasalligi odamda infeksiyaning qay tariqa yuqqaniga qarab: *teri, konyunktival, ichak va opka formalari ko'rinishida o'tishi mumkin*.


*Kuydirgining teri formasida* patologik jarayon aksari badanning ochiq qismida (yuz, bo'yin, qo'l, oyoq panjalarida) boshlanadi. Kasallik qo'zg'atuvchisi kirgan joyda 2—3 kundan keyin kichikroq qizil dog' paydo bo'lib, birmuncha

vaqtidan keyin uning o'rtasida konusga o'xshab ko'tarilib chiqadigan zichlashma yuzaga keladi. Ana shu konusning uchida 10—12 soatdan keyin tiniq gemorragik suyuqlik bilan to'lib turgan pufakcha paydo bo'ladi. U yorilganidan keyin ornida qora tusli po'st yuzaga kelib, atrofi ancha shishadi va qizarib chiqadi — karbunkul paydo bo'ladi. Bu karbunkul og'rimaydi, diametri bir necha sanimetrgacha borishi mumkin. Bir qancha hollarda karbunkullar ko'p bo'ladi.

Mikroskop bilan tekshirib ko'rilganida karbunkul o'tkir seroz-gemorragik yallig'lanish o'chogidan iborat ekanligi ko'zga tashlanadi. Yara sohasidagi epidermis va uning tagidagi to'qima qatlamlari nekrozga uchragan, ularga qon singigan bo'ladi. Terining yaqin atrofidagi joylari ham shishib, neytrofil infiltrasiya, qon quyilib qolgan joylar yuzaga keladi. Ekssudatda bir talay kuydirgi tayoqchalar, biroz miqdor leykositlar topiladi, ba'zi hollarda fagotsitar reaksiya belgilari bo'lmaydi. Shish har xil darajada bo'lib, katta-katta joylarga o'tishi mumkin. Ba'zan tomir devorlari nekrozga uchrab, tomirlarda tromboz paydo bo'ladi. Karbunkul paydo bo'lishi bilan bir vaqtida regionar limfa tugunlari zararlaniib, ularda juda o'tkir seroz-gemorragik yallig'lanish manzarasi yuzaga keladi va yallig'lanish jarayoni atrofdagi kletchatkaga ham o'tib boradi (nekrozga olib keladigan seroz-gemorragik limfadenit va periadenit boshlanadi).

Kuydirgida teri zararlanishining boshqa bir shakli saramasga o'xshab ketadigan o'tkir yallig'lanishga aloqador shish boshlanib, uning regional limfa tugunlariga ham o'tib borishidir. Mikroskop bilan tekshirib ko'rilganida zararlangan to'qimalarda seroz-gemorragik yallig'lanish manzarasi ko'zga tashlanadi, batsillalar juda ko'p bo'ladi.

Shunday qilib, kuydirgi teri formasining yuqorida tasvirlab o'tilgan xillarida terida paydo bo'ladigan dastlabki kasallik alomati (karbunkul, shish) va limfadenitdan iborat birlamchi kuydirgi kompleksi yuzaga keladi (78-rasm). Limfa tugunlarining kasallilikka qarshilik ko'rsatuvchi to'g'oni, ya'ni baryeri buzilib ketgan hollarda kuydirgi tayoqchasi qonga o'tib, sepsis boshlanadi (ikkilamchi kuydirgi sepsisi).



78-rasm. A — lunjdagi kuydirgi karbunkuli;  
B — bo'yin tugunlarining regionar limfadeniti.

*Kuydirgining o'pka forması* kuydirgi sporalari yuqib qolgan chang zaratralari odam nafasiga kirganida boshlanadi. Bunda kuydirgi sporalari nafas yo'llarining turli qismlarida o'tirib qolishi mumkin, lekin bularning hamma-dan ko'p ornashib oladigan joyi traxeya bifurkatsiyasi sohasidagi shilliq pardadir. Mikrob yuqqan joyda karbunkul paydo bo'lib, bo'yin va ko'ks oralig'idagi limfa tugunlarida xarakterli seroz-gemorragik va nekrotik o'zgarishlar boshlanadi. Traxeya va bronxlarning shilliq pardasi gungurt-qizil tusga kirib, xira bo'lib qoladi, eroziyalanadi. O'pkada nekrozga moyil bo'lgan seroz-gemorragik pnevmoniya boshlanadi. O'pka to'qimasining qancha qismi zararlanishiga qarab, bu pnevmoniya o'choqli, segmentar yoki bo'lak pnevmoniyasi bo'lishi mumkin. Ko'pincha, seroz-gemorragik mediastenit va plevrit boshlanib, plevra bo'shlqlarida seroz-gemorragik ekssudat to'planib boradi. Bronx-o'pka, traxeya oldi va traxeya-bronxlardagi limfa tugunları kattalashib ketadi. Kuydirgi tufayli boshlangan pnevmoniya morfologik jihatdan olinganida tounning o'pka shakliga juda o'xshab ketadi, shu munosabat bilan differensial diagnostika maqsadida bakterioskopik tekshirish o'tkazish muhim ahamiyat kasb etadi.

*Kuydirgining ichak forması.* Kasallik alimentar yo'l bilan yuqqanida dastlabki o'zgarishlar yonbosh ichakning distal bo'limida, gohida esa ileosekal qopqoq orqasida va me'dada boshlanadi. Kuydirgi tufayli ichak zararlanishining ikki xili tafovut qilinadi: *diffuz gemorragik enterit va kasallikning yarali forması*.

*Kasallikning yarali formasida* hazm yo'li hozir aytib o'tilgan bo'limlarning devorida o'choqli infiltratlar (birlamchi karbunkullar) paydo bo'ladi, ularda nekrotik jarayonlar boshlanishi yaralar paydo bo'lishiga olib keladi. *Gemorragik enteritda* shilliq parda xira tusga kirib, dog'simon qontalashlari bo'lgan kulrang karash bilan qoplanib turadi. Ichak tutqichi limfa tugunları kattalashib ketadi va paketlar ko'rinishiga kiradi. Mikroskop bilan tekshirib ko'rilganida ichak devorining hamma qatlamlarida seroz-gemorragik yallig'lanish boshlanib, tomirlar devorida degenerativ nekrobiotik o'zgarishlar yuzaga kelgani topiladi. Ichak shilliq pardasining o'z plastinkasida kasallik qo'zg'atuvchilari ko'zga tashlanadi.

*Kuydirgi sepsisi* kasalligining har qanday formasida jarayon tarqalib, kasallik qo'zgatuvchilari qonga o'tib ketishi tufayli boshlanishi mumkin, ya'ni ikkilamchi hodisa bo'lib hisoblanadi. Bunda sezilarli gemorragik sindrom boshlanib, badan terisi, shilliq pardalarda bir talay qon talashlar, turli organlarda qon quyilib qolgan joylar paydo bo'ladi. Bundan tashqari, bakterial-toksik shok uchun xarakterli patologoanatomik o'zgarishlar yuzaga keladi: qonning suyuq bo'lib, to'q rangga kirishi, ichki organlarning qonga to'lib turishi, tomirlar ichida qon ivib qolishi, taloq kattalashib, pulpasining ilvillab qolishi, buyrak ustti bezlari po'stlog'iga ham qon quyilishi shular jumlasidandir. Ko'pincha gemorragik meningoense-falit boshlanib, yumshoq miya pardasiga qon shimalidi, bu ham gemorragik yallig'lanish tufayli, ham qon quyilishiga (diapedez yo'li bilan qon quyilishi va tomirlar nekrozga uchrab, yorilishi natijasida qon quyilishiga) bog'liqdir. Miya to'qimasida nekrozga uchragan va qon quyilib qolgan joylar paydo bo'ladi. Nek-

rotik jarayonlar tomirlar devorida ham ko'zga tashlanadi. Kuydirgi batsillalari ning tomirlar atrofidagi limfa tugunlarida ko'payib borishi xarakterlidir. Neyronlar distrofik o'zgarishlarga uchraydi.

**Klinik manzarasi.** Kuydirgi kasalligining teri formasi karbunkulyoz, edematoz, bullyoz va saramasga o'xshash xillarga bo'linadi. Ko'proq karbunkulyoz xili uchraydi. Kasallik batsilla kirgan joy qichishib, o'sha joyning terisi zichlashib borishi va pufakcha paydo bo'lishi bilan boshlanadi. Keyin bu joyda karbunkul paydo bo'ladi. Karbunkul kattalashib borgani sayin bemorning ahvoli og'irlashib, bosh og'rig'i paydo bo'ladi. Harorat ko'tariladi, odam lanj bo'lib quvvatsizlanadi. Bu karbunkulning xususiyati shuki, u og'rimaydi. Badanning teri osti yog' qatlamni rivojlangan joylari (ko'z qovoqlari, bo'yinning oldingi va yon yuzalari, ko'krak qafasining oldingi yuzasi, yorg'oq) zararlangan mahallarda kasallikning klinik ko'rinishlari hammadan yorqin ifodalanim turgan davrda karbunkuldan bir qadar narirog'dagi to'qimalarda ikkilamchi nekroz boshlanishi mumkin. Shu joyda paydo bo'lgan qora qo'tir tushib ketganidan keyin teri va tagidagi to'qimalarda juda katta va chuqur bo'ladigan xunuk nuqsonlar paydo bo'lishi mumkin.

Infeksiya aerogen yo'l bilan yuqqanida kasallik azoyi badan qaqshab, tana harorati keskin ko'tarilishi, yo'tal, hansirash, bosh og'rig'i paydo bo'lishi, to'sh orqasida og'riq turib, sezilarli intoksikatsiya avj olib borishi bilan boshlanadi. Auskultatsiya va perkussiyada o'pkada pnevmoniya uchun xarakterli o'zgarishlar borligi ma'lum bo'ladi. Rentgenologik tekshirishda ko'ks oralig'ining shakli o'zgarib, qizilo'ngachning o'rnidan surilib qolgani, limfa tugunlari kattalashib ketgani topiladi. Kuydirgining ichak formasi uchun ham kasallikning shu tariqa shiddat bilan boshlanishi xarakterlidir, lekin bunda me'da-ichak yo'lining zararlanganiga xos simptomlar: ko'ngil aynab, qayt qilish, qon aralash ich ketishi, ichakning parezga uchrashi ustun turadi. Kasallikning septik xili odatdag'i sepsis singari o'tadi, differensial diagnozi bemon kishining qonidan kuydirgi batsillalari topilishiga bog'liq.

**Asoratlari.** Kuydirgida asorat tariqasida sepsis, peritonit, toksik infektion shok boshlanishi mumkin.

## TUBERKULYOZ

*Tuberkuloyoz, ya'ni sil kasalligi surunkali infektzion kasallik bo'lib, granulyomatoz reaksiya boshlanishi va organizm turli sistemalarining zararlanishi bilan xarakterlanadi, bu kasallikda organizm turli sistemalarining zararlanishi munosabati bilan uning klinik alomatlari va patologoanatomik ko'rinishlari ham odatdan tashqari xilma-xil bo'ladi.* Tuberkuloyoz eng ko'p tarqalgan infektzion kasallikdir, bu, bir tomonidan, kasallik qo'zg'atuvchisining tashqi muhitda juda ko'p uchrashiga bog'liq bolsa, ikkinchi tomonidan, odamda sil bilan kasallanishga ancha moyillik borligiga bog'liqidir.

**Etiologiyasiva patogenezi.** Odamda uchraydigan tuberkulyoz qo'zgatuvchisi uch turdag'i mikobakteriyalar: *Micobakterium tuberculosis* (odamda

uchraydigan turi), *Micobakterium africanum* (oraliq turi), *Micobakterium boVINUS* (qoramolda bo'ladigan turi) dir. Odam uchun asosan odamda va qoramolda uchraydigan turlari patogen. Tuberkulyozni yuqtiradigan manba mikobakteriyalarni tashqariga chiqarib turadigan kasal odam yoki hayvondir. Tuberkulyoz yuqishining eng ko'p uchraydigan yo'li aerogen yo'l. Lekin kasallik zararlangan teri, shilliq pardalar orqali, me'da-ichak va nafas yo'li orqali yuqishi ham mumkin. Kasallikning me'da-ichak orqali yuqishi tuberkulyoz bilan og'rigan sigirlarning sutini xomligicha iste'mol qilingan mahallarda ko'riladi. Lekin kasallik boshlanishi uchun organizmga kasallik qo'zg'atuvchisi tushishining o'zигина kifoya emas. Sil bilan kasallanish va undan o'lishga ta'sir ko'rsatadigan bir qancha omillar bor. Chunonchi, ijtimoiy, maishiy omillar (moddiy jihatdan nochorlik, odamlarning g'uj bo'lib yashashi, yetarlicha ovqatlanmasligi, stresslar, kishining infeksiyali muhitda doim yoki uzoq bo'lishi), kasb-korning xususiyatlari ana shunday omillardan birdir. Qandli diabet, ruhiy kasalliklar, kortikosteroidlarni uzoq q'llanish, turli sabablar tufayli yuzaga kelgan immunitet tanqisligi ham tuberkulyoz yuqish xavfini kuchaytiradigan omillar jumlasiga kiradi.

Tuberkulyoz patogenezi murakkab. Uning rivojlanishi ikkita asosiy davrda — birlamchi va ikkilamchi davrlarda bo'lib o'tadi. *Birlamchi davri* kasallik qo'zg'atuvchisining organizmga kirgan vaqtidan boshlab, tuberkulyoz o'chog'ining butunlay bitib ketishigacha bo'lgan vaqtini o'z ichiga oladi.

Tuberkulyozning *ikkilamchi davri* oshkora klinik belgilari barham topib ketganidan birmuncha vaqt o'tganidan keyin boshlanadi va hozir eski kasallik o'choqlarining endogen tarzda qaytadan jonlanishining oqibati deb hisoblanadi. Kasallikning birlamchi davri to'qimalarning kasallik qo'zg'atuvchisiga had-dan tashqari yuqori darajada sezgir bo'lishi bilan ajralib turadi, ana shu narsa toksik-allergik trombovaskulitlar boshlanishi va jarayonning tarqalib zo'rayib borishiga zamin hozirlaydi. Tuberkulyozning ikkinchi davri uchun patologik jarayonning qanday bo'lmasin biror o'choqda avj olib borishi xarakterlidir. Jarayonning zo'rayib borish hodisalari organizm uchun noqulay bo'lgan sharoitlardagina kuzatiladi. Mikobakteriyalar organizmga tushgach hamisha ham yallig'lanish jarayoniga darrov sabab bo'lavermaydi. O'ziga xos, ya'ni spetsifik yallig'lanish o'chog'i yuzaga kelishidan avval latent mikroorganizm davri bo'lib o'tishi mumkin. Tuberkulyoz gumoral va hujayraga aloqador immunitet yuzaga kelishi bilan birga davom etib boradi. Darhol yuzaga chiqadigan o'ta sezuvchanlik reaksiyalarini avj olgan mahalda nekroz va ekssudativ yallig'lanish boshlanadi. Granulyomatoz sekinlik bilan yuzaga chiqadigan o'ta sezuvchanlik reaksiysiga bog'liqidir, bunda sensibilangan T-limfotsitlar limfokinlar ishlab chiqaradi va granulyomalar paydo bo'lishiga sabab bo'lib, makrofaglarning fermentativ funktsiyasini kuchaytiradi, ana shu narsa mikobakteriyalarning organizmdan chiqib turishiga olib keladi.

**Patologik anatomiysi.** Mikobakteriyalar o'tgan to'qimada ekssudativ reaksiya va granulyomatoz boshlanadi. Organizm kasallik qo'zg'atuvchisiga

haddan tashqari sezgir bo'lsa-yu, yetarli darajada unga qarshilik ko'rsata olmasa, birlamchi suzmasimon nekroz o'chog'i paydo bo'lishi mumkin. Tomirlarda boshlanadigan ekssudativ reaktsiya har joy — har joyda yoki hamma joyda fibrin, leykositlar, ba'zan eritrotsitlarning sizib chiqishi bilan ta'riflanadi va bunday qaraganda turli infeksiyalar mahalida ko'rildigan odatdagagi ekssudativ jarayonlar dan hech bir farq qilmaydi. Bunday ekssudatlar ham xuddi odatdagagi ekssudatlar singari, so'rilib ketishi mumkin. Ko'pchilik hollarda esa ekssudat qaysi to'qimada hosil bo'lsa, o'sha to'qima suzmasimon nekroza uchraydiki, shu narsa tuberkulyoz uchun xarakterlidir.

Granulyomatoz reaktsiya infektion granulyomadan iborat bo'lmish tuberkulyoz do'mboqchasi paydo bo'lishi bilan birga davom etib boradi. Kattaligi jihatidan olganda bu granulyoma tariq donidek keladi, buning «miliar do'mboqcha» degan nomi ham shundan olingan. Bu do'mboqchaning tuzilishida uch xil hujayralar — epitelioid, limfold hujayralar va Pirogov-Langxansning ulkan hujayralari ishtirok etadi. Do'mboqchaning asosiy qismini uning o'rtasidan joy oladigan epitelioid hujayralar tashkil etadi. Bularning orasida Pirogov-Langxansning ulkan hujayralari ko'zga tashlanishi mumkin. Do'mboqchaning chetlarida limfold hujayralar joylangan bo'ladi. To'qimalarning tuberkulyoz mikobakteriyalariga ko'rsatadigan har xil reaktsiyalari kasallik qo'zg'atuvchisi yoki makroorganizmda qanday bo'lmasin xususiyatlар borligigagina bog'liq bo'lib qolmasdan, balki o'sha organning tuzilishiga ham bog'liqdir. Chunonchi, o'pka tuberkulyozyi hamisha ekssudativ jarayon tariqasida boshlanadi, o'sha bemornning talog'i, buyraklari, terisida esa granulyomatoz o'zgarishlar ro'y beradi. Seroz pardalar, miya pardalari va sinovial pardalari ham ekssudativ reaktsiya ko'rsatish xususiyatiga ega dir.

Tuberkulyoz kasalligining xarakterli xususiyati shuki, u pirovardida suzmasimon nekroz boshlanishiga olib keladi. Bu nekroz tabiatan yallig'lanishiga aloqador elementlar (do'mboqcha yoki ekssudat) gagina emas, balki kasallik jarayoni avj olib borayotgan to'qimaga ham o'tadi. Nekroz natijasida hosil bo'lgan suzmasimon massalar hadeganda so'rila vermaydi. Bu narsa amalda ularning suvi qochib, zichlashib qolishiga olib keladi. Ularda ko'pincha ohak tuzlari to'planib boradi, tuberkulyoz o'chogining petrifikatsiya o'chog'i deb shuni aytildi. Qurib, qattiq bo'lib qolgan yoki bo'rga aylangan ana shunday massada kasallik qo'zg'atuvchisi necha yillar saqlanib turishi mumkin. Tuberkulyoz o'chog'i nimadan iborat bo'lishidan qatiy nazar, ya'ni u do'mboqcha bo'ladimi, nekroz bo'ladimi, ekssudat bo'ladimi, baribir, uning atrofida keyinchalik hamisha fibroz-chandiq ko'rinishida kapsula hosil bo'lib boradi. Kasallik o'chog'i bunda ham spetsifik granulatsion to'qima hisobiga, ham nospetsifik granulyatsiya hisobiga shu tariqa kapsula bilan o'raladi. Birinchi holda kapsula to'qimasi, ya'ni chegara to'qima tuberkulyoz do'mbog'i periferik qismining o'zgarishidan hosil bo'ladi. Ikkinchi holda kapsula hosil bo'lishi odatdagagi chandiqlanish jarayonidan iborat bo'ladi. Granulyomatoz chandiqlanish jarayonlari ba'zi hollarda birinchi o'ringa

o'tib, jarayonning spetsifikligini niqoblab qo'yadi. Granulyomatoz va chandiq to'qima ba'zan shu qadar ko'p o'sib, kattalashib ketadiki, jarayonni o'sma kasalligi deb o'ylash mumkin. O'smaga o'xshab ketadigan ana shunday tuberkulyoz ichak yo'li bo'ylab, hiqildoq, burun, badan terisida ayniqsa ko'p kuzatiladi.

Tuberkulyoz organizmda har xil yo'l bilan, limfa va qon-tomirlar orqali, bir-biriga taqalib turadigan organlar orqali (masalan, umurtqa pog'onasidan aorta devoriga) tarqalishi mumkin. Jarayonning organlardagi kanallar orqali tarqalishi, ya'ni *intrakanalikular* yo'l ko'rinarli o'rinda turadi, masalan, kasallik bronxial daraxt bo'ylab, buyrak kanalchalar bo'ylab tarqalishi, siyidik yo'llaridan qovuqqa o'tishi mumkin. Shunisi borki, tuberkulyoz jarayoni bunda fiziologik sekretlar oqimi bo'ylab tarqalib boradi.

Bu kasallikda aksari butun bir sistema zararlanadi. Masalan, tuberkulyoz faqat mezodermal (urogenital sistemani zararlaydigan), entodermal (o'pka, hiqildoq, ichakni zararlaydigan) yoki mezenximal (suyaklar, seroz pardalar zararlanadigan) bo'lishi mumkin. Mana shu sistemalar zararlanishda ba'zan o'ziga xos bir nav raqobat ham qiladi.

Tuberkulyozning hamma xillari hozir *birlamchi, gematogen* va *ikkilamchi tuberkulyozga* bo'linadi, buni quyidagi tasnifdan ko'rish mumkin.

## BIRLAMCHI TUBERKULYOZ

Birlamchi tuberkulyoz odam kasallik qo'zg'atuvchisiga birinchi bor to'qnash kelganida boshlanadi. Kasallik aksari bolalik davrida — 2 yashardan 5 yoshgacha bo'lgan mahalda, asosan nafas yo'llari orqali yuqadi. Ba'zida ichak ham infeksiyaning kirish darvozasi bo'lib xizmat qiladi. Birlamchi tuberkulyoz uchun quyidagilar ham xarakterlidir: 1) organizm sensibiliyati, allergiya boshlanib borishi, 2) ekssudativ-nekrotik o'zgarishlarning ustun turishi, 3) kasallikning gematogen va limfoid yo'l bilan tarqalib borishi, 4) juda har xil organ va to'qimalarda paraspetsifik reaksiyalar (vaskulitlar, serozitlar, artritlar va boshqalar) boshlanishi.

Yurak-tomirlar sistemasi va parenximatoz organlarda birlamchi tuberkulyoz o'choq tarzida yoki diffuz ravishda tarqalgan gistiotsitar va limfotsitar inflitratsiya ko'rinishida namoyon bo'ladi. Biriktiruvchi to'qima va arteriolalarning devorlarida fibrinoid o'zgarishlar ham yuzaga keladi. Amiloidoz hollari ham tasvirlangan.

*Birlamchi tuberkulyoz birlamchi o'choq (affekt), limfangoit va limfadenitdan iborat birlamchi tuberkulyoz kompleksi* hosil bo'lishi bilan ta'riflanadi.

*Birlamchi affekt* umumiy kasallikning hammadan ilgari ko'zga tashlanadigan morfologik ifodasidir. O'pkada u bir nechta asinusga yoki o'pkaning bir-ikkita bo'lakchasiiga o'tgan ekssudativ yallig'lanish o'chog'i, ya'ni pnevmoniya fokusidan iborat bo'ladi, bu jarayonga goho o'pka segmenti va bo'lagi ham qo'shib ketishi mumkin. Birlamchi affekt asosan subplevra sohasidan, ba'zida o'pkaning uchidan joy oladi. O'pkaning o'ng va chap tomonidagi ustki bo'laklari hamidan ko'ra ko'proq zararlanadi. Affekt subplevral tarzda joylashgani munosabati

bilan plevra yuzasida fibrinoz eksudat paydo bo'ldi, bu narsa oxiri borib o'pka plevra varaqlari yoki bo'laklari orasida bitishmalar paydo bo'lishiga olib kelishi mumkin.

Yallig'lanish jarayoni birlamchi o'choqdan unga yaqin turgan limfa tomirlari devoriga tez o'tadi va spetsifik limfangoit boshlanishiga va limfaning dimlanib turib qolishiga (limfostazga) sabab bo'ldi. Limfa yo'llari bo'ylab kasallik jarayoni regionar limfa tugunlariga yetib borib, tuberkulyoz limfadenitini boshlanishiga olib keladi (79-rasm) limfa tugunlari juda katta bo'lib, zichlashadi va suzmasimon, ya'ni kazeoz ko'rinishga kiradi. Kazeoz odatda birlamchi o'pka affekti qaysi tomonda joylashgan bo'lsa, o'sha tomondagi bronxlar bifurkatsiyasi tugunlariga o'tadi. Limfa tuguni va kapsulasining xiyla suzmasimon nekrozga uchrashi yaqin atrofdagi bronxlar devoriga perifokal shish kelishi va ularda katar boshlanishi bilan birga davom etib boradi. Nekrotik jarayon ba'zan limfa tugunidan bronx devoriga o'tishi mumkin.



79-rasm. Birlamchi o'pka sili: 1 — birlamchi affekt, 2 — limfadenit.

*O'pkadan tashqarida uchraydigan birlamchi affektlardan ichakda bo'ladigan xili hammadan ko'ra katta ahamiyatga ega. Ichakda birlamchi affekt odatda yon-bosh ichakning pastki bo'limida, ba'zida Baugin qopqog'ining shundoqqina yonda yuzaga keladi. Bu affekt chetlari noto'g'ri shaklda va tubida do'mboqchalari bo'lgan kichkina yara ko'rinishida ko'zga tashlanadi. Limfa tugunlariga kelganda ularning o'ng tomonidagi ichak tutqichining pastki cheti yaqinidagi eng pastki limfa tugunlari zararlanadi. Tuberkulyoz limfangiti limfa tomirlari bo'ylab do'mboqchalar paydo bo'lishi bilan ta'riflanadi.*

Birlamchi tuberkulyozning avj olib borishi uch xil yo'nalishda o'tishi mumkin: 1) birlamchi tuberkulyoz jarayonining so'nib, birlamchi kompleks o'choqlarining bitib ketishi; 2) birlamchi tuberkulyozning zo'rayib, jarayonning tarqalib borishi; 3) o'tkir spetsifik jarayonning surunkasiga davom etib boradigan birlamchi tuberkulyozga aylanishi.

*Birlamchi tuberkulyoz so'nib*, kasallik o'choqlari bitib ketadigan bo'lsa, o'pkadagi kollateral shish qaytib, batamom yo'qoladi. Pnevmoniya fokusining markaziy qismi kamroq hollarda qaytib, yo'qoladi. Granulyomatoz to'qimada zo'ravib boradigan fibroplastik o'zgarish yuzaga kelib, pirovard-natijada birlamchi o'choq atrofida qattiq chandiq kapsulasi paydo bo'lishiga olib keladi. Kapsulada ba'zan o'choq atrofida tutash bo'lib joylashgan to'sinchalar ko'rinishidagi suyak to'qimasi paydo bo'ladi. Suzmasimon massalarning o'zi esa ohaklanadi yoki suyakka aylanib qoladi. Suyakka aylanib qolgan ana shunday o'choqlar hamisha aynan birlamchi affektlarga daxldor bo'ladi. Inkapsulyatsiya va ossifikatsiya natijasida qiyosan birmuncha yirik affektlar ham to'g' nog'ich boshidan boshlab olcha danagicha bo'ladigan kattalikda kulrang yoki sarg'ish tusli, kichik-kichik, zinch tuzilmalarga aylanadi, Gon o'choqlari deb shularni aytildi. Shunday qilib, birlamchi tuberkulyozning odadtagi nihoyasi, oqibati — jarayonning so'nib, birlamchi kompleks tarkibiy qismlarining kapsulaga o'ralishi, petrifikatsiyaga, ko'pincha esa ossifikatsiyaga ham uchrashidir.

Lekin yuzaga kelgan birlamchi kompleks immunitet hosil qilmasa, yoki uzoq davom etmay tez yo'qolib ketsa, o'sha birlamchi kompleks bitib ketishi or'niغا zo'ravib jarayon tarqalib borishi mumkin.

**Birlamchi kompleks zo'ravib borishining** to'rt xili tafovut qilinadi: 1) birlamchi affektning o'sib borishi; 2) gematogen yo'l bilan tarqalib borishi (miliar yoki yirik o'choqli tuberkulyoz); 3) limfogen yo'l bilan va limfa bezlari orqali tarqalib borishi; 4) aralash yo'l bilan tarqalib borishi.

*Birlamchi affektning o'sib borishi.* Birlamchi affekt inkapsulyatsiyasi uncha sezilmaydigan bo'lsa, kazeoz nekroz o'choqlari havo o'tkazuvchi yo'llarga, ya'ni bronxlarga yorilishi va ichkariga o'tib ketishi natijasida infektning o'pka ichida tarqalishiga, birlamchi o'pka sili boshlanishiga olib keladi. Masalan, lobitlar tarzidagi yirik birlamchi affektlar bo'lgan mahallarda ilk muddatlarda kavernalar, ya'ni suzmasimon-yiringli massalar bilan to'lib turgan bo'shliqlar hosil bo'lishi mumkin. Ana shunday kavernalar bo'lgan mahallarda kasallikning bronxlar bo'ylab yana tarqalib borish xavfi, ya'ni o'pka sili boshlanish xavfi tug'iladi.

Tuberkulyoz limfadeniti boshlangan joyda ro'y beradigan asoratlardan cheklangan yoki diffuz mediastenit, o'pka darvozalari sohasidagi bronxlar katari yuzaga kelishi mumkinligini aytib o'tish kerak. Suzmasimon massalar bronx bo'shlig'iga yorib chiqishi mumkin. Shu narsa eng og'ir asoratlarning biridir. Ya'ni u oldiniga o'pka atelektaziga sabab bo'ladi, keyinchalik xuddi shu joyda kazeoz pnevmoniya ko'rinishida spetsifik jarayon boshlanadi, natijada o'pka sili avj olib boradi. Kazeoz massalar ba'zan qizilo'ngachga yorilib, qizilo'ngach bilan bronxlar ortasida teshik yara hosil qiladi. O'pka atelektazlari juda kattalashib ketgan limfa tugunlarining bronxlarni bosib qo'yganiga bog'liq bo'lishi ham mumkin. Bunday atelektazlar spetsifik jarayonlar boshlanishi bilan birga davom etib bormaydi, o'pka to'qimasi esa havo o'tmaydigan bo'lib, chandiqlashgan maydonlarga aylanadi.

O'pka ildizidagi spetsifik bronxoadenit peribronxial va perivaskular limfa kamgaklarida ham jarayon boshlanib ketishiga moyillik tug'diradi. Perivaskular kazeoz limfadenitlar qon tomirlarining teshilib ketishiga olib kelishi va qon ketib, kasalning o'lib qolishiga ham sabab bo'lishi mumkin. O'pka ildizi yaqinida uzoq davom etadigan peribronxial jarayonlar bronxlarning shakli o'zgarib, bronxoektazarlar, bronxoektatik kavernalar paydo bo'lishi va o'pka ildizi sohasida pnevmoskleroz boshlanishi bilan tugallanadi.

Shunday qilib, birlamchi o'pka kompleksi bir necha oydan to bir necha yilga-cha davom etib boradigan ma'lum bir muddat ichida zo'rayib boruvchi o'pka tuberkulyoziga, ya'ni o'tkir ekssudativ reaksiyalar ustun turadigan birlamchi o'pka siliga aylanib ketishi mumkin.

*Ichakdagli birlamchi kompleksning mahalliy asoratlari* hamisha ham katta ahamiyatga ega bo'lavermaydi. Gohida surunkali ichak yaralari paydo bo'lib, ular ichakning torayib qolishiga olib kelishi mumkin. Ichak yarasi teshilib, tuberkulyoz peritonitiga ham sabab bo'lishi mumkin.

*Birlamchi affektning gematogen yo'l bilan tarqalib borishi anatomik jihatdan olganda deyarli barcha organlarda miliar (tariqsimon) fokuslar paydo bo'lishi bilan ta'riflanadi.* Ba'zi organlarda bu odatdagi sil do'mboqchalari bo'ssa, boshqa organlarda (masalan, o'pkada) miliar ekssudativ o'choqlardan iborat bo'ladi. ba'zan, ayniqsa yosh bolalarda, hech qanday proliferativ yoki ekssudativ reaksiyasiz o'tadigan miliar nekrotik fokuslar yuzaga keladi. Bunday hollarda *umumiy miliar tuberkulyoz* boshlanadi. Jarayon zo'rayib borsa, yirik o'choqli tuberkulyoz boshlanishi mumkin.

Birlamchi kompleksning o'zida jarayonning birmuncha jonlanishi kuzatiladi, bu affektning chetlarida va kapsulasining bag'rida bir qancha do'mboqchalar hosil bo'lishi bilan ta'riflanadi.

Batsillalar qon tomirlar sistemasiga quydagi yo'llar bilan o'tadi:

- 1) limfa yo'lli orqali, 2) bevosa o'pka tomirlari, ayniqsa o'pka venalari orqali;
- 3) ba'zan o'pka ildizi yaqinida kazeoz nekrozga uchragan tugunlarning to'g'ridan-to'gri venalar yo'liga o'tishi kuzatiladi, tomirlarga aloqador Veygert o'chogi deb shuni aytildi.

Miliar tuberkulyoz ko'pchilik hollarda o'lim bilan tugallanadi.

Birlamchi affektning gematogen yo'l bilan tarqalib borishida yumshoq miya pardalarida tuberkulyozga aloqador yallig'lanish, ya'ni leptomeningit boshlanishi mumkin. Tuberkulyozga aloqador ana shunday meningit ba'zillyar bo'ladi, ya'ni miya asosida avj olib boradi. Shu sohadagi miya pardalarida ko'kimtir-sariq jelatinoz ekssudat paydo bo'ladi, uning tagida do'mboqchalar ko'rinish turadi.

Mikroskop bilan tekshirib ko'rilganida miya pardalarida kazeoz nekrozga uchragan ekssudat topiladi. Qon tomirlarining devorlari ham nekrozga uchrab boradi. Ularda intima hujayralarining sezilarli infiltratsiyasi ko'zga tashlanadi. Ba'zan miya moddasida destruktiv o'zgarishlar ro'y berib, miya moddasi shishadi, unga qon quyiladi, talaygina qismlari yumshab qoladi. Modomiki, shun-

day ekan, bunday hollarda meningeal hodisalar ensefalistik hodisalar bilan birga davom etib boradi deb aytish mumkin (meningoensefalist).

Birmuncha keyingi muddatlarda miyada sezilarli istisqo boshlanishi, miya qorinchalarining pardasi va ependimasida esa produktiv sklerotik o'zgarishlar ro'y berishi mumkinki, bular tuberkulyozga aloqador meningit davo bilan yo'q qilib yuborilganidan keyin ham saqlanib qolaveradi.

*Tuberkulyozning limfogen yo'l bilan tarqalishi.* Kasallik tarqalishining bu turi regionar limfa tugunlaridan boshlab yangi-yangi limfa tugunlarining tobora ko'proq kazeoz nekrozga uchrab borishiga bog'liqdir. O'pka affektida medias-tinal, o'mrov usti va bo'yin limfa tugunlari kazeoz nekrozga uchrashi mumkin. Ba'zan limfa tugunlari yoppasiga zararlanadi. shu bilan birga infekt limfa oqimi bo'ylab ham, unga teskari yo'nalishda ham tarqab boradi. Limfa tugunlarining kazeoz nekrozi aksari tevarak-atrofdagi kletchatkaga, badan terisiga ham o'tib, teshik yaralar hosil qiladi. Limfa tugunlarining tarqoq tuberkulyozi ko'pincha surunkali tarzda o'tib boradi. Skrofulyoz, teri sili deganda ham tuberkulyozning limfogen yo'l bilan tarqalgani va shu bilan birga terini ham zararlantirganini tu-shunmoq kerak. Bunday hollarda limfa tugunlari kazeoz nekrozga uchrabgina qolmay, balki badan terisida tarqoq giperplastik jarayonlar ham boshlanadi.

Teri sili tuberkulyozning bir qadar yengilroq o'tadigan xillaridan biridir.

## GEMATOGEN TUBERKULYOZ

Gematogen tuberkulyoz odam birlamchi tuberkulyoz bilan og'rib o'tganidan keyin, birlamchi tuberkulyoz kompleksi bitib ketgan mahallarda boshlanadi. Bu xildagi tuberkulyozning boshlanishida organizm reaktivligining kuchaygani va birlamchi tuberkulyoz davrida kasallik yuqtira oladigan o'choqlar borligi ahamiyatga ega. Ana shunday o'choqlar, shuningdek kazeoz o'zgarishga uchragan limfa bezlari tuberkulyozni organizmga yoyib yuboradigan manba bo'lib qoladi.

Gematogen tuberkulyozning uchta asosiy tur-xillari tafovut qilinadi: 1) tarqoq gemitogen tuberkulyoz; 2) asosan o'pkani zararlaydigan tuberkulyoz; 3) asosan o'pkadan tashqaridagi to'qimalarni zararlaydigan gemitogen tuberkulyoz.

Tarqoq gemitogen tuberkulyoz barcha organlarda birdek spetsifik o'choqlar paydo bo'lishi bilan ajralib turadi. Ayni vaqtida to'qima reaksiyalari tabiatan haqli bo'lishi mumkin. Chunonchi, juda o'tkir tuberkulyoz sepsisida kasallik o'choqlarida alteratsiya kuzatiladi, ya'ni ichida bir talay batsillalar bo'ladiyan nekrotik o'choqlar yuzaga keladi. Nekroz o'choqlari atrofida to'qima reaksiysi bo'lmaydi. Bir tekis toshgan do'mboqchalar paydo bo'lishi mumkin (o'tkir, umumiy, miliar tuberkulyoz). Qanday bo'lmasin biror tuberkulyoz o'chog'idan qon oqimiga tuberkulyoz batsillalari o'tadigan va uning ustiga organizm reaktivligi o'zgarib qolgan bo'lsa, ana shunday mahallarda miliar tuberkulyoz boshlanadi.

Kasallik uzoqqa cho'zilib, do'mboqchalar chandiqlanib va gialinlanib borishi bilan bir qatorda yangi do'mboqchalar ham paydo bo'lib turadigan bo'lsa, buni surunkali umumiy miliar sil deb aytildi.

*Asosan o'pkani zararlaydigan tuberkulyoz o'pkada bir tekis tarqalgan spetsifik yallig'lanish o'choqlari paydo bo'lib, proliferativ to'qimasi reaktsiyasi ustun turiishi bilan ta'riflanadi. Tuberkulyoz o'choqlarining katta-kichikligiga qarab miliar o'pka tuberkulyozi (ot'kir va surunkali) va surunkali yirik o'choqli o'pka tuberkulyozi tafovut qilinadi. Boshqa organlarda tuberkulyoz o'choqlari arzimas dara-jada bo'ladi. Tuberkulyozning miliar xilida o'pka xuddi emfizemaga uchragandek, shishib, yumshoq bo'lib turadi, butun to'qimasi qolga yaxshi unnaydigan mayda-mayda do'mboqchalar bilan qoplangan bo'ladi. Kesib ko'rilsa, o'pkaning qonga to'lib ketganligi ustiga donalar ko'rinishida do'mbayib chiqib turgan bir talay yarim tiniq do'mboqchalar borligi ko'zga tashlanadi. Surunkali miliar tuberkulyozda do'mboqchalar bilan bir qatorda chandiqlar ham topiladi.*

*Surunkali yirik o'choqli o'pka tuberkulyozi uchun spetsifik jarayonning simmetrik ravishda avj olib borishi, granulyomatozning ustun turishi, to'simon skleroz, emfizema bo'lishi xarakterlidir. Miliar tuberkulyozdagidan ko'ra bir-muncha kattaroq yallig'lanish o'choqlarida kazeoz nekrozga moyillik bo'lmaydi. Organizm rezistentligi pasayib ketganida granulyomatoz ekssudativ reaktsiya bilan almashinib, nekroza uchragan bo'shlilqar va kavernalar paydo bo'lishi, keyinchalik infeksiya bronxogen yo'l bilan tarqalib borishi mumkin.*

*Asosan o'pkadan tashqaridagi to'qimalarni zararlaydigan gematogen tuberkulyoz. Organlarda uchraydigan tuberkulyoz bo'lib, aslida birlamchi tuberkulyozning metastazlar hosil qilishiga bog'liq. Kasallikning gematogen yo'l bilan tarqalishi davrida yuzaga keladigan shu metastatik o'choqlar barcha organ va o'choqlarni zararlashi mumkin. Organlar tuberkulyozining mohiyati anatomiq jihatdan olganda shundan iboratki, birlamchi jarayon so'nib borayotgani holda qanday bo'lmasin boshqa bir organda tuberkulyoz zo'rayib boraveradi. Organlar tuberkulyozi ko'pincha suyak va bo'g'imlarda, barcha ichki organlarda, ayniqsa buyrak, seroz pardalar, buyrak usti bezlari, jinsiy organlarda boshlanadi (80-rasm).*



80-rasm. Miliar o'pka sili.

Organ-sistema tuberkulyoziga miya tuberkulyozi, hazm, nafas sistemalari ayrim organlari (til, ichak, hiqildaq) tuberkulyozi kirdi. Organlar tuberkuloyzining avj olib borish mexanizmini tuberkulyoz batsillalarining gematogen yo'l bilan tarqalib borishining oqibatlaridan biri deb qarash kerak.

Umumbiologik nuqtai nazaridan olganda, organlar tuberkulyozi nisbatan yuksak darajadagi immunitet borligidan darak beradi, chunki infekt tarqalib, ko'pgina organlarda o'choqlar yuzaga kelishiga qaramay, ulardan faqat bittasida jarayon mahalliy infeksiya tariqasida davom etib boradi.

**Suyak va bo'g'imlar tuberkulyozi.** Bu xildagi tuberkulyozning asosiy qismi o'n yoshgacha bo'lgan davrga tog'ri keladi. Suyaklar tuberkulyozi ikki xil: sekvestrlar hosil qiladigan o'choqli kazeoz osteomielit tarzida yoki granulatsion tuberkulyoz tarzida bo'ladigan spetsifik osteomielit ko'rinishida o'tadi.

**Birinchi xili** do'mboqchalar hosil bo'lmasdan, suyak va ko'mikning keng qolamda kazeozga uchrashi bilan ifodalanadi. Sekvestrlarning so'rilib ketishi ichi kazeoz yiringli suyuqlik bilan to'lib qolgan bo'shlqliqlar (suyak kavernalari) paydo bo'lishiga olib keladi (81-rasm). Tuberkulyoz spondilitllari, ya'ni umurtqalar sili alohida ahamiyatga egadir. Tuberkulyoz jarayoni osteomielit tarzda boshlanadida, umurtqa doirasidan chetga chiqib, umurtqa pog'onasi boylam apparatini yemirishga moyil boladi. Ko'tarilib chiqqan yoki sovuq absesslar deb ataluvchi kazeoz yiringli massalar chov sohasiga, teri ostiga, orqa miya kanaliga tarqalishi mumkin. Ular orqa miya kanaliga tarqaganida kazeoz leptomeningit boshlanishi mumkin. Spondilitlar umurtqa pog'onasining kiyshayib qolishiga (tuberkulyoz munosabati bilan kifozlar boshlanishiga) yoki umurtqalar orasidagi bo'g'imlarning ankilogza uchrab, harakatchanligi cheklab qolishiga olib keladi.



81-rasm. Umurtqa pog'onasining silga aloqador osteomiyeliti, kifoz boshlangan, 1-sekvestr.

*Boğ'imir tuberkulyozi.* Birlamchi artrit (tuberkulyoz sinoviti) tariqasida davom etib borishi yoki kasallikning epifizdan o'tishi natijasida boshlanishi mumkin. Tuberkulyoz artriti quyidagi shakllarda: 1) polipoz o'simtalar paydo bo'lishi bilan birga davom etadigan surunkali boğ'im istisqosi shaklida; 2) granulyomatoz yallig'lanish shaklida; 3) yiringli artrit shaklida o'ta oladi, suyak-boğ'imlar tuberkulyozi umumiy amiloidozga olib keladi.

*Jinsiy organlar tuberkulyozi.* Erkaklarda prostata bezlari, moyak ortiqlari, urug' chiqaruvchi yo'li tuberkulyozi uchraydi. Birmuncha kechki muddatlarda kasallik moyak parenximasiga o'tishi mumkin.

Ayollar jinsiy organlari orasida bachadon naylari hammadan ko'ra ko'proq zararlanadi. Silga aloqador salpingit bolalikda boshlanishi va tabiatan ikki tomonlarma bo'lishi mumkin. Bachadon naylari yo'gonlashgan bo'lib ko'zga tashlanadi, ularning o'tasida kazeoz massa bo'ladi yoki shilliq pardasining bag'rida, seroz pardasida bir talay do'mboqchalar yuzaga keladi. Kasallik tuxumdonlarga, bachadon shilliq pardasiga o'tishi mumkin. Bachadon shilliq pardasiga o'tganida granulyomatoz yoki kazeoz endometrit manzarasi vujudga keladi. Yolg'iz bachadon va qinga tutash qismining tuberkulyozi ham tasvirlangan.

*Buyraklar tuberkulyozi* ko'pincha tuberkulyozga aloqador pielit yoki buyrak so'rg'ichlari tuberkulyozi tariqasida boshlanadi.

## IKKILAMCHI TUBERKULYOZ

Ikkilamchi tuberkulyoz odatda katta yoshli odamlarda uchraydi va kasallikning qo'zishi, residivi bo'lib hisoblanadi.

Bakteriologik nuqtai nazardan olganda nafaqat birlamchi kompleksning qismlari, nafaqat normal organlar (kasallik qo'zg'atuvchisi bo'lgan limfa tugunlari), balki bir zamondagi birlamchi tuberkulyoz mahalida o'pkadan tashqarida yuzaga kelgan kasallik o'choqlari ham reinfeksiya manbai bo'lishi mumkin. Ikkilamchi tuberkulyozning asosiy xususiyatlari jarayonning nuqul deyarli bronxlar bo'ylab, o'pkada intrakanalikular tarzda asta-sekin tarqalib borishga moyil bo'lqidir. O'pka reinfeksiyasi katta yoshli odamlarda uchraydigan o'pka tuberkulyozi yoki o'pka silidir. Ko'pgina hollarda reinfeksiya 18—25 yoshlarda uchraydi.

Anatomik jihatdan olganda Abrikosov o'chog'i (reinfeksiya o'chog'i) ekssudativ pnevmoniya fokusidir. Uning birlamchi affektidan farqi quyidagilardan iborat: 1) reinfeksiya o'chogi oxiri baxayr hollarda kapsula bilan o'rilib, petrififikatsiyalanadi, lekin reinfekt kapsulasi va chandiqlarida hech qachon suyak toqimasi paydo bo'lmaydi; 2) reinfektning asosan o'pkaning ustki qismlaridan, ya'ni o'pka uchlaridan joy olishi xarakterlidir. Birlamchi affektning o'pka uchlarida bo'lishi juda kamdan-kam uchraydi. 3) reinfeksiya o'choqlari tabiatan ko'p bo'ladi; 4) birlamchi affekt uchun limfa tugunlarining zararlanishi xos bo'lsa, bunda ular zararlanmasdan, faqat kattalashib turadi, xolos; 5) birlamchi affekt odamda

plevra tagida joylashadi, reinfeksiya o'chog'i esa o'pka to'qimasining ichkarisida, ba'zan o'pka darvozasining shundoqqina yonidan joy oladi.

Ikkilamchi tuberkulyozda o'pka har xil tarzda zararlanadi, shu munosabat bilan ikkilamchi tuberkulyozning turli xillari tafovut qilinadi:

1) o'tkir o'choqli tuberkulyoz; 2) fibroz o'choqli tuberkulyoz; 3) infiltrativ tuberkulyoz; 4) tuberkuloma; 5) kazeoz pnevmoniya; 6) o'tkir kavernozi tuberkulyoz; 7) fibroz kavernozi tuberkulyoz; 8) sirrotik tuberkulyoz.

Tuberkulyozning hozir ko'sratib o'tilgan xillaribir vaqtning o'zida kasalilikning avj olib borishidagi turli bosqichlar bo'lib hisoblanishini ham takidlاب o'tish kerak.

O'tkir o'choqli tuberkulyoz ikkilamchi tuberkulyozning eng dastlabki va ilk turidir. Yuzaga kelgan reinfekt o'choqlari tabiatan kazeoz, atsinoz, lobular bronxopnevmoniya tarzida bo'lishi mumkin.

Lobular, bituvchi lobular va lobar pnevmoniyalari kazeoz, kavernozi tuberkulyoz deb ham yuritiladi, chunki ular suzmasimon nekroz boshlanishi, suzmasimon massalarning irib, kavernalar hosil bo'lishi bilan ta'riflanadi.

O'pka bo'lakchalaridagi bronxlarga ham infeksiya o'tib, spetsifik endobronxit, mezobronxit va peribronxit boshlanishi ham mumkin. Tuberkulyoz do'mboq-chalaridagi suzmasimon nekroz bronx devoriga rahna yetib, kazeoz panbronxit boshlanishiga olib boradi. Jarayon so'nib boradigan hollarida kazeoz pnevmoniya o'choqlari epitelioid hujayralar va ora-sira limfold hujayralar bilan Pirogov-Langxansning ulkan hujayralaridan iborat ko'tarma bilan o'rallib boradi. Keyinchalik bu o'choqlar kapsula bilan o'rallib, petrifiksatsiyaga uchrashi mumkin.

**Fibroz o'choqli tuberkulyoz** o'tkir o'choqli tuberkulyozning o'tib borishidagi bir davr bo'lib, bunda Abrikosov o'choqlari bitganidan keyin jarayon yana qo'zib qoladi. Reinfeksiya o'choqlari bitganida kapsulaga o'ralgan va qisman petrifiksatsiyalangan ancha yirik o'choqlar (Ashoff-Pulev o'choqlari) hosil bo'ladi, bular o'pkaning birinchi va ikkinchi segmentlarida jarayonning qo'zishida ma'lum ahamiyatga ega. Bundan tashqari, birlamchi infeksiya davridagi gematogen o'choqlarning oqibatida yuzaga keladigan Simonov o'choqlari ham topiladi. Demak, fibroz o'choqli tuberkulyozlar skleroz maydonlari, kapsulada o'ralgan kichikroq o'choqlar va spetsifik jarayonning yangi atsinoz yoki nodoz o'choqlari birga uchrab turadi.

**Infiltrativ tuberkulyoz.** Infiltrativ tuberkulyozning xususiyati shuki, asosan nospetsifik perifokal yallig'lanish hisobiga o'pkaning talaygina qismi zararlanadi. Tuberkulyozning hamma xillarida ham odatda perifokal infiltratlar deb ataladigan tuzilmalar paydo bo'ladi, ularni ba'zan jelatinoz yoki deskvamativ pnevmoniya deb ham yuritiladi, chunki alveolalar epiteliysi ko'plab ko'chib tushib turadi. Perifokal yallig'lanish hajmi jihatidan spetsifik fokusdan ko'ra katta bo'ladi, bunday o'choqni Assmann-Redeker o'chog'i deyiladi. Bu xildagi katta-katta infiltratlar o'pkaning nafas ishtirot etadigan yuzasi juda kichrayib qolib, gazlar almashinuvli buzilishiga olib keladi va shu tariqa kasallikning yomon oqibat bilan tugashiga sabab bo'lishi mumkin. Perifokal infiltratlarning asosiy qismi so'rilib

ketadi va ahyon-ahyondagina o'rniда skleroz va karnifikatsiyaga uchragan joylar qoladi. Infiltrativ pnevmonik tuberkulyoz klinik jihatdan simptomsiz o'tib borishi mumkin. Bunday hollarda bemorning o'zini ortiq charchatib qo'yishi, turmush maromiga uncha rioya qilmasligi organizmnинг himoya kuchlarini susaytirib qo'yishi mumkin, shunda tuberkulyoz tobora zo'rayib boradigan bo'lil qoladi.

**Tuberkuloma** infiltrativ tuberkulyozning o'tishidagi o'ziga xos bir davr sifatida boshlanadi, bunda perifokal yallig'lanish so'rilib boradi. Ayni vaqtida nozik biriktiruvchi to'qima kapsulasi bilan o'ralgan suzmasimon nekroz o'chogi saqlanib qoladi va irimay turaveradi. Lekin bu o'choq suvi so'rilib, quriydi va bo'rga aylanib boradi. Tuberkuloma ancha yirik, 2—5 santimetrgacha kattalikda bo'lishi mumkin (82-rasm). Uni ko'pincha o'pkaning periferik raki deb ham adashtirishadi. Tuberkuloma uzoq muddat davomida o'zgarmay turishi va bemorni bezovta qilmasligi mumkin. Uning chetki tomonlarida tuberkulyoz mikobakteriyalari topiladi. Ko'pincha segmentar bronxlar ham kasallikka qo'shilib ketadi.



82-rasm. O'pka tuberkulomasi.



83-rasm. O'tkir kavernozo o'pka sili.

O'tkir kazeoz pnevmoniya infiltrativ tuberkulyoz zo'rayib borib, *kazeoz o'zgarishlar perifokal o'zgarishlardan ustun bo'lib ketgan mahallarda* kuzatiladi. Ekssudat juda tez nekrozga uchraydi. Odatda zaiflashib qolgan bemorlarda ku zatiladi, lobar tusda bo'lishi mumkin. Atsinoz, lobular, segmentar, kazeoz pnevmotik o'choqlar ham yuzaga kelishi mumkin. Kazeoz pnevmoniya ko'pincha har qanday turdag'i tuberkulyozning oxirgi davrida boshlanadi, organizm himoya kuchlarining susayib qolishi shunga olib keladi.

Kazeoz pnevmoniyada ópka kattalashib, zich bo'lib qoladi, kesib ko'riganida sariq bo'lib ko'zga tashlanadi. Plevrada fibrinoz karashlar topiladi.

O'tkir kavernoza tuberkulyoz suzmasimon yiringli massalar bilan to'lib turgan bo'shliqlar, ya'nı kavernalar paydo bo'lishi bilan ta'riflanadi (83-rasm). Kaverna bronxial daraxt bilan tutashgan bo'lsa, buni *ochiq yoki nafas oluvchi kaverna* deb ataladi. Bronxga tutashmagan kaverna *yopiq kaverna* bo'ladi. Kavernalarning asosiy qismi ekssudativ jarayonlar natijasida yuzaga keladi. Ularning kattaligi yasmiq donidan to chaqaloq bola boshidek bo'ladi. Kavernalar asosan ham ekssudat, ham ópka to'qimasining suzmasimon nekrozga uchrab, irib borishi natijasida paydo bo'ladi.

Irish boshlanganidan keyin kazeoz yoki kazeoz-yiringli massalar tegishli bronx yo'lidan chiqqa boshlaydi. Suzmasimon massalarning asosiy qismi tushib ketganidan keyin kaverna ichki yuzasi granulyatsiya bilan qoplanadigan davr boshlanadi. Bunda spetsifik tuberkulyoz jarayonlari endi keyingi o'ringa o'tib qoladi, lekin ósha kavernalarning ózida bir talay Kox batsillarini bo'lishi mumkin. Yangi kavernalar yupqa devorli boladi, shu devorining chetida irimay qolgan suzmasimon massalar qoldiqlarini ko'rish mumkin, *elastik kavernalar* deb shularni aytildi. Yirik kavernalarda ko'pincha qo'shni kavernalarni bir-biriga tutashtirib turadigan bir nechta yo'l va kavernalar bo'ladi. Ana shunday yo'llarning yuzaga kelishi shunga bog'liqki, suzmasimon massalar bronxga yorilbgina qolmay, balki oldin ham mayjud bo'lgan eng yaqindagi kavernaga yoriladi. Kavernalar aksari plevra tagida joylashgan bo'ladi, lekin plevra bo'shlig'iga nisbatan kam hollarda teshib chiqadi (piopnevmotoraks boshlanishi kam uchraydi). Sababi shuki, bu joyda qattiq va qalin plevra bitishmalari bo'ladi. Eski kavernalarning devori qalin bo'lib, chandiq ko'rinishida ko'zga tashlanadi. Ularning puchchayishi ancha qiyin (*rigid, elastikmas kaverna*). Ichki yuzasi silliq va ba'zi joyda ko'p qavatlari yassi epiteliy bilan qoplangan (epitelizatsiya boshlangan) bo'ladi.

Kavernalar kattagina xavf tug'diradi, chunki ular quyidagi asoratlarni keltirib chiqarishi mumkin: 1) ichidagi massalar sog'lom ópka parenximasiga aspiratsiyalanganida yangi fokuslar paydo bo'ladi; 2) kavernalar devorida tomirlar (ópka, bronx arteriyalari, ópka venalari tarmoqlari) anevrizmasi yuzaga kelishi mumkin. Bunday anevrizmalarning yorilishi odatda holdan toydiradigan, ko'pincha o'limga olib boradigan qon ketishiga sabab bo'ladi; 3) kavernalar devoridagi venalarda varikoz kengaymalar paydo bo'lishi mumkinki, bu ham qon ketishiga olib kela oladi.

Yirik va eski kavernalar odatda o'z-o'zidan bitib ketmaydi. Mayda bo'shlilqlar chandiqlanib qolishi mumkin. Bunda avval bo'shliq puchayib, tirkishsimon kaverna yuzaga keladi. Suniy pnevmotoraks (o'pka tuberkulyoziga davo qilishning eng ko'p rasm bo'lgan usullaridan biri) qo'llanilganida ham kavernalar shu tariqa yassilanib, puchayadi. Kavernaga keluvchi bronxning bekilib qolishi ham uning bitib ketishini osonlashtiradi. Ba'zi hollarni kavernaning biologik yo'l bilan bittihi deb ham aytildi, bunda kaverna ancha bujmayib, ko'p pigmentlangan va do'mboqchalar ko'rinishidagi o'ziga xos belgilari mutlaqo bo'limgan qalin fibroz kapsula bilan o'ralib qoladi.



84-rasm. Fibroz-kavernozi o'pka sili.

**Fibroz-kavernozi tuberkulyoz** yoki surunkali o'pka sili — kasallik surunkali tarzda o'tadigan bo'lib qolganda o'tkir kavernozi tuberkulyozdan paydo bo'ladi. Bunday hollarda kaverna devori qattiq bo'lib qoladi, u uch qavatdan tuzilgan bo'ladi 1) ichki —piogen, nekrotik qavat, bunda parchalanib kelayotgan bir talay leykositlar topiladi; 2) o'rta — tomirlarga boy bo'lib, granulyatsiya boshlangan qavat; 3) tashqi —biriktiruvchi qavati.

Kavernaning ichki yuzi notejis bo'ladi. Jarayon asimmetrik tarzda avj olib boradi, ya'ni u hamisha bir o'pkada ko'proq ifodalangan bo'ladi (84-rasm). Spetsifik tuberkulyoz jarayoni yuqori segmentlardan pastki segmentlarga kontakt yo'li bilan ham, bronxlar orqali ham asta-sekin tushib boradi.

Kaverna ba'zan o'pkaning bir segmentini, gohida esa ikkala segmentini ham egallab olishi mumkin. Ichida yiringli suyuqlik va bir talay mikobakteriyalar bo'lishi xarakterlidir. Kavernalar atrofida xilma-xil o'choqlar (to'qima reaksiyasing ning xiliga qarab) va bronxoektaqlar ko'zga tashlanadi. Biriktiruvchi to'qima o'pkaning shaklini o'zgartirib yuboradigan tarzda o'sib, rivojlangan bo'lsa, bunday hollarni *sirotik o'pka* tuberkulyozи deb aytildi. Bunda o'pka shakli o'zgarib, to'qimalari zichlashib qoladi.

Ikkilamchi o'pka tuberkulyozida o'pkadan tashqarida uchraydigan asoratlari. O'pqa reinfeksiyasida ko'pincha kasallikning gematogen yo'l bilan tarqalib boril-

shi, infeksiyalangan sekretlarning yutib yuborilishi natijasida boshqa organlarda ham o'zgarishlar boshlanadi. Ichki organlarda yuzaga keladigan o'zgarishlar toqimaning parchalanish mahsulotlari bilan organizmning uzoq muddat davomida umuman zaharlanib borishiga bog'liq bo'lishi ham mumkin.

*Plevra* — tuberkulyozning yangi xillarida seroz fibrinoz yoki gemorragik ekssudati fibrinoz plevrit boshlanadi. Birmuncha kechki davrlarda plevra bo'shlig'i bitib, uning visseral va parietal varaqlari orasida zikh va katta-katta bitishmalar yuzaga keladi.

Plevra bitishmalari tuberkulyozning turli hillarida, birlamchi affekt, reinfeksiya mahalida, kasallik gemitogen yo'l bilan tarqalgan paytlarda hosil bo'lishi mumkin. Plevra empiyemasi, piopnevmotoraks bitishmalarning hajmini kattalashtiradi.

*Perikardda* obliteratsiyalovchi, ya'ni bituv jarayonlari kamroq ko'rildi. Tuberkulyozga aloqador yangi perikarditlar mahalida fibrinozgemorragik ekssudat va mayda-mayda do'mboqchalar paydo bo'ladi.

*Nerv sistemasi* — bo'yinning simpatik tugunlari, adashgan nervda distrofik jarayonlar avj olib boradi.

*Limfa tugunlari* — mediastinal va peribronxial tugunlar — hamisha bo'rtib turadiyu, lekin ularda spetsifik jarayonlar bo'lmaydi. Juda kamdan-kam hollarda ba'zan ayrim do'mboqchalarni topish mumkin.

*Taloq* — kasallikka hamisha ham berilavermaydi. Unda anchagina do'mboqchalar yuzaga kelgani jarayonning obdon tarqalib bo'lganini ko'rsatadi. Ko'pincha yog' yoki sago tipida amiloidoz boshlanadi. Amiloidoz boshlanishida jarayonning nechog'lik tarqalgani emas, balki uning qanchadan beri davom etib kelayotgani ahamiyatga egadir.

Tuberkulyoz munosabati bilan boshqa organlarda ham amiloidoz boshlanishi mumkin. Tuberkulyoz jarayoni hazm organlarida avj olib borishi mumkin. *Til, yumshoq tanglay, bodomcha bezlari, halqum tuberkulyozi tasvirlangan.* Bu organlarda tubi qo'ng'ir tusda bo'ladigan yaralar va do'mboqchalar yuzaga keliishi xarakterlidir.

*Ichak* ko'pchilik hollarda zararlanadi. Solitar follikularlar va peyer pilakchali sohasida kulrang-sarg'ish do'mboqchalar yuzaga kelib, keyinchalik ularning o'rnida yaralar paydo bo'ladi. Bunday yaralar ko'ndalangiga joy oladi va chandiqlanishga moyil bo'ladi. Shu munosabat bilan stenoz va ichak tutilishiga olib kelishi mumksn.

Yaralar yonbosh ichakning Baugin qopqog'iga yaqin joyidagi qismida hammadan ko'ra ko'proq paydo bo'ladi. Ichak tuberkulyozida ichak tutqich limfa tugunlari spetsifik jarayonga tortilib ketmaydi.

Hiqildaq, traxeya, bronxlar tuberkulyozi. Bular ancha ko'p uchrab turadi. Jarayon hiqildaqning orqa devoridan boshlanib, ovoz boyqlamlari sohasida chetlari qizg'ish va tubi gungurt rangda bo'ladigan noto'g'ri shaklli yaralar yuzaga keliishiha olib boradi.

Traxeya va bronxlarda yaralar tog'ay halqlari orasida paydo bo'lib, keyin tarqalib boradi. Jarayon aksari tog'aylarning yalang'ochlanib, yirning perixondrit, bo'yin flegmonasi boshlanishiga olib boradi. Shunday qilib, kattalarda uchraydigan o'pka sili o'pkadan yuqorida nafas organlari, hazm organlari va boshqa sistemalarning ham birgalikda zararlanishiga olib borishi mumkin.

Ikkilamchi tuberkulyoz asoratlari qatoriga qon ketib turishi, kaverna ichidagi suyuqlikning plevra bo'shlig'iga yorilib, pnevmotoraks, plevra empiemasini va amiloidoz boshlanishi kiradi. Tuberkulyozda qon ketishi, amiloidoz, asosiy jarayonning qattiq ko'zib qolishi tufayli o'paning birdan shishib ketishi, plevra bilan o'pkadagi sirrotik jarayonlar tufayli boshlanadigan yurak kompensatsiyasi o'limga sabab bo'lishi mumkin. Kamdan-kam hollarda pnevmotoraks munosabati bilan nafas bog'ilib qolishi o'limga sabab bo'ladi.

## ZAXM

*Zaxm (sifilis) — surunkali infektzion venerik kasallik bo'lib, bunda odamning hamma organ va to'qimalari: badan terisi, shilliq pardalari, ichki organlari, suyaklari, nerv sistemasini zararlanadi. Zaxmnинг tobora zo'rayib boradigan bo'lishi xarakterlidir.*

**Etiologiyasi va patogenezi.** Zaxm qo'zg'atuvchisi oqish treponema, ya'ni bakteriyalar bilan sodda jonivorlar o'rtaida oraliq o'rinni egallaydigan anaerob mikroorganizmdir. Infeksiya manbai zaxm bilan og'rigan bermor. Kasallik quydagi yo'llar bilan yuqadi: 1) jinsiy organlarning shilliq pardalari orqali, ya'ni *jinsiy yo'l bilan*; 2) lab, ko'z konyunktivasi shilliq pardalari orqali (*kasallikning maishiy yo'l bilan yuqishi*); 3) *badan terisining tirnalgan, shilingan joylari orqali (kasbga aloqador zaxm)*; 4) ona qornida yo'l dosh orqali (*tug'ma zaxm*); 5) emizikli ona suuti orqali.

Kasallik yuqtiruvchi manbalarning to'la aniqlanmay qolishi, aholining ko'chib yurishi, narkomaniya, alkogolizm, urbanizatsiya, fohishalik, gomoseksualizm, sanitariya maorifi saviyasining pastligi singari omillar zaxmnинг tarqalishiga yo'l ochishi mumkin.

Kasallik qo'zg'atuvchisi uchun badan terisi, shilliq pardalar kirish darvozalari bo'lib xizmat qiladi. Kasallik qo'zg'atuvchisi organizmga kirganida allergiya bilan birga davom etib boradigan steril infektion immunitet paydo bo'ladi. Zaxmda hujayra immuniteti ham, gumoral immuniteti ham yuzaga keladi.

Zaxmda to'qimalarda ro'y beradigan o'zgarishlarning hammasi organizm reaktivligining o'zgarib borishiga bog'liq bo'ladi, bu narsa zaxmnинг uch davr bilan o'tishida o'z ifodasini topadi. Chunonchi, infeksiyaning *birinchi davri* sensibilanish zo'rayib boradigan mahalda vujudga kelsa, *ikkinci davri* giperergiya boshlanganini aks ettiradi va infeksiyaning tarqalib borishi bilan o'tadi. *Uchinchi davri* immunitet qaror topgan mahalda boshlanadi va sekinlik bilan yuzaga chiqadigan o'ta sezuvchanlikka bog'liq bo'ladi. Kasallikning bu davrlari klinik va patologoanatomik jihatdan bir-birdan farq qiladigan bo'ladi.

**Patologik anatomiyası** kasallikning davri, jarayonning olgan joyiga qarab har xil bo'ladi.

*Zaxmning birinchi davri* infeksiya kirgan joy sohasida yallig'lanish o'chog'i hosil bo'lib, regionar limfa tugunlarining zararlanishi bilan ta'riflanadi. Infekt kirgan joyda asosan limfotsitlar va plazmatik hujayralardan iborat bo'lgan, yallig'lanish infiltrati yuzaga keladi, o'sha hujayralar orasida bir talay oqish treponemalar topiladi. Yallig'lanish o'chog'i sohasidagi to'qimalarning hammasi shishadi. Mana shu o'zgarishlar munosabati bilan yallig'lanish o'chog'i juda zichlashib, qattiq bo'lib qoladi va shu sababdan *qattiq shankr* deb ham ataladi. So'ngra qoplovchi epiteliy va biriktiruvchi to'qimaning yuza qatlami yara bo'ladi. Natijada tubi silliq va yaltiroq, chetlari tekis, tog'aysimon bo'ladigan, og'rimaydigan dumaloq yara yuzaga keladi. Qattiq shankr ko'p bo'lishi va doimo regionar limfadenit bilan birga davom etib borishi mumkin. Limfa tugunlarida limfotsitlar, plazmatik hujayralar va retikuloendoteliy hujayralari proliferatsiya uchraydi. Tomirlarda endarteriitga xarakterli o'zgarishlar ro'y beradi: proliferatsiya boshlanib, endoteliy bo'rtib chiqadi, shu narsa tomirlarning torayib qolishi va yo'li bekilib, mayda nekroz fokuslari paydo bo'lishiga olib keladi. Qattiq shankr *birlamchi effekt* deb ham ataladi. Birlamchi effektni limfadenit bilan birga qo'shib, *birlamchi zaxm kompleksi* deyiladi.

Yallig'lanish so'nib borganida biriktiruvchi to'qimaning rivojlanishi kuzatiladi. Natijada qattiq shankr bo'lgan joyda pigmentdan mahrum chandiqlar yuzaga keladi.

Zaxm odamga jinsiy yo'l bilan yuqqanida birlamchi effekt jinsiy organlar sohasida bo'lsa, jinsiy yo'ldan boshqa yo'lda yuqqanida kishining lablari, milklari, tili, tanglayi, og'iz bo'shlig'i shilliq pardasi, bodomcha bezlari, ko'z kon'yunktivasi, sut bezlari so'rg'ichi sohasi, qol' barmoqlari (akusherlarda) bo'lishi mumkin. Birlamchi davrning oxiriga borib, bemorlarda prodromal holatlar—holsizlik, tana haroratining ko'tarilishi, suyaklarning og'rishi va bosh og'rishi yuzaga keladi.

*Zaxmning ikkinchi davri* kasallik yuqqanidan 6—10 hafta keyin boshlanib, o'tkir infektion kasallikka xos simptomlar bilan ta'riflanadi va 3—4 yilga cho'ziladi. Bemor lanjanadi, harorati ko'tarilib, boshi, bo'g'imgilari, muskullari og'rib turadi. Badan terisi va shilliq pardalarida bir talay yallig'lanish o'choqlari (sifilidlar) paydo bo'ladi. Ular dog'lar (rozeolalar), papulalar va tugunchalar (pustulalar) ko'rinishida ko'zga tashlanadi.

Mana shu sifilidlarda shish yuzaga kelib, epidermis yumshab qoladi, tomirlar qonga to'lib, yallig'lanish infiltratsiyasi (limfold va plazmatik hujayralardan iborat infiltratsiya) yuzaga keladi. Rozeolalar atrofida perivaskular infiltrat yuzaga keladi, papulalar toshgan mahalda bunday infiltrat diffuz bo'ladi. Papulyoz toshmalar bo'lgan joyda vaskulit hodisalari sezilib turadi. Elektron mikroskop bilan tekshirib ko'rilganda endoteliositlarning fagolizosomalari, periendotelial bo'shliq, makrofaglar, plazmotsitlarda kasallik qo'zg'atuvchilarini topiladi. Sifilidlar oqish treponemalarga juda boy bo'ladi, shuning uchun ham ko'pincha kon-

takt yo'li bilan kasallik yuqtiruvchi manba bo'lib hisoblanadi. Zaxmnning ikkinchi davri juda yuqumlidir.

Limfa tugunlarida yuzaga keladigan struktura o'zgarishlari o'ziga xos, ya'ni spetsifik o'zgarishlar emas, balki shunchaki shish, giperplaziya, nekroz o'choqlari, oqish treponemiyalar o'choqlaridan paydo bo'ladi.

Zararlangan joylarning ko'p, toqimalardagi o'zgarishlarning tabiatan ekssudativ bo'lishi, bularning kasallik yuqqanidan bir muncha keyin paydo bo'lishi ikkilamchi zaxmning giperergik reaksiya tarzida o'tayotganidan dalolat beradi. Ichki organlarning zararlanishi ham kuzatiladi. Chunonchi, jigarda perixolan-gitga xos manzara va nekroz o'choqlari, buyrakda proliferativ glomerulonefrit paydo bo'ladi.

*Uchinchi davri* 3—6 yildan keyin boshlanadi, surunkali diffuz interstisial yallig'lanish boshlanishi, turli organ va toqimalarda o'smaga o'xshash tugunlar — gummalar hosil bo'lishi bilan ta'riflanadi. Birinchi holda tomirlar yo'li bo'ylab lim-foid va plazmatik hujayralardan tashkil topgan infiltratlar paydo bo'ladi, proliferativ endarteriit va limfangit boshlanadi. Gummava zaxmga aloqador granulyomatoz yallig'lanish o'chog'i (zaxm granulyomasi) bo'lib hisoblanadi. Gummalarda treponema ahyon-ahyonda topiladi. Gummalar ko'pincha turli suyaklarning suyak ust pardasida (masalan, burun qirrasida), jigar va bosh miyada bo'ladi (zaxm granulyomasi). Gummalar talaygina limfotsitlar, plazmatik hujayralar, epiteliod va ulkan hujayralardan iboratdir. Granulatsion toqima kapillarlarga boy bo'ladi. Gummalar markazida mudom nekroz o'choqlari hosil bo'lib turadi. Granulyasiyalar keng miqyosda nekrozga uchragan mahallarda suyak toqimasining ba'zi joylarida ham nekroz boshlanib, nekrotik karies yuzaga keladi.

Yallig'lanish jarayoni so'nib borganida nekrotik massalar so'rilib ketadi. Gummava o'rni esa chandiq bo'lib qoladi. Gummalarning chandiqlanishi organlar shaklining o'zgarib ketishiga olib kelishi mumkin (masalan, burun sohasining zararlanishi burunning tushib ketishiga sabab bo'la oladi, zaxm yeb yuborgan burun deb shuni aytildi).

Miya toqimasida gummava hosil bo'lishi miya o'smalarida ko'riladigan simptomlarga juda o'xshab ketadigan mahalliy simptomlar paydo bo'lishiga olib ketadi.

Jigarning gummadan zararlanishi oqibatida jigar toqimasi yemirilib, zaxm dan bo'laklarga bo'lingan jigar degan narsa yuzaga keladi (85-rasm). Bunda chandiqlar shu qadar ko'payib ketadiki, jigar sirrozig'a xos bo'lgan simptomlar paydo bo'lishi mumkin, zaxmga aloqador sirroz deb shuni aytildi.

Kasallikning uchinchi davri uchun ichki organlar, jumladan yurak, hazm yo'li tomirlari, nerv sistemasining zararlanishi, ya'ni visseral zaxm boshlanishi xarakterlidir. Bular orasida tomir va yuraklarning zararlanishi klinik jihatdan katta ahamiyatga ega.



85-rasm. Zaxmdan zararlan-gan yirik bo'lakli jigar.

### VISSERAL ZAXM

Yurakning zararlanishi gummalar paydo bo'lishi va surunkali oraliq miokardit boshlanishiga bog'liq. Gummalar yurakning har qanday bo'limida joylasha oladi. Ularning yurak o'tkazuvchi sistemasi sohasida bo'lishi yurak blokadasi-ga olib keladi. Oraliq miokardit natijasida dag'al kardioskleroz avj olib boradi. Yurak zaxmida aorta qopqoqlari ham zararlanishi mumkin. Bularning shakli o'zgarib qolishi tufayli qopqoqlar yetishmovchiligi boshlanadi yoki yurak teshiklari torayib qoladi (stenoz). Arteriyalar zaxmi proliferativ arteriit ko'rinishida namoyon bo'ladi, bunda keyinchalik borib arterioskleroz boshlanadi. Aorta hammadan ko'ra ko'proq zararlanadi, zaxmga aloqador mezaortit deb shuni aytildi. Yallig'lanish jarayoni tomirning tashqi pardasida boshlanadi. Adventitsiyadagi *vasa vasorum* atrofida limfov va plazmatik hujayralardan iborat infiltratlar paydo bo'ladi. Keyin bu infiltratlar tomirning o'rta pardasiga o'tadi va shu yerda elastik muskul elementlari parchalanib, fibroz va granulatsion to'qima bilan almashinib boradi. Aortaning zararlangan qismi puls zarblarining ta'siri ostida do'mpayib chiqib, anevrizmalar hosil qila boshlaydi (zaxmga aloqador anevrizma paydo bo'ladi) bunday anevrizma ko'pincha aortaning yuqoriga ko'tariluvchi qismi va ravog'ida ko'rildi. Anevrizma tazyiqi ostida atrofdagi to'qimalar atrofiyaga uchraydi. Anevrizmaning yana bir asorati perikardit, plevra, qizilo'ngach, bronxlar bo'shlig'iga yorilib, o'limga olib boradigan qon ketishi-ga sabab bo'lishidir.

Aorta yuqoriga ko'tarilib boruvchi qismi boshlang'ich bo'limlarining (toj tomirlari chiqib keladigan joy atrofining) zararlanishi shu aorta qismining tora-yib, miokardning qon bilan yetarli ta'minlana olmay qolishiga olib keladi.

Bosh miya, o'pka arteriyalarining zararlanib, ularda anevrizmalar hosil bo'lishi qiyosan kamroq uchraydi.

Hazm yo'li va nafas organlarining zaxmi gummalar hosil bo'lishi bilan ta'riflanadi, gummalar ko'pincha qattiq va yumshoq tanglay, bodomcha bezlari, jigar, o'pkada hosil bo'ladi.

Neyrosifilis — nerv sistemasining zaxmdan zararlanishi bo'lib, ko'pincha kasallikning uchinchi davrida boshlanadi. Neyrosifilisning *gummoz va oddiy xili, zo'rayib boradigan falaj, so'xta degan xillari* tafovut qilinadi.

*Gumma xili* odatdagи tuzilishda bo'lib, kattaligi har xil—tariq donasidan to kaptar tuxumigacha kattalikdagi gummalar uchraydi. Granulyomatoz to'qima diffuz ravishda o'sib, miya va pardalarining to'qimasini zararlashi ham mumkin.

Neyrosifilisning *oddiy xili* miya to'qimasida ham, miya pardalarida ham ak-sari limfotsitar hujayralardan iborat yallig'lanish infiltratlari paydo bo'lishi bilan ta'riflanadi.

Tomirlarning zararlanishi zaxmga aloqador obliteratsiyalovchi endarteriit va endoflebit ko'rinishida namoyon bo'ladiki, bu narsa qon aylanishining izdan chiqib, miya to'qimasida yumshab qolgan joylar paydo bo'lishiga olib keladi.

*Zo'rayib boradigan falaj* sifilisning kechki ko'rinishi bo'lib hisoblanadi. Bunda bosh miya hajmi kichrayib, jo'yaklari yupqa tortadi, po'stloq ostidagi tugunlar va miyacha atrofiyaga uchraydi.

Mikroskop bilan tekshirib ko'riganida neyronlarda distrofik o'zgarishlar boshlanib, miya po'stlog'i arxitekonikasining aynagani, miyelin yo'qolib ketgan joylar borligi topiladi. Orqa miyada uning orqa, goho yon bo'limlari ham degeneratsiyaga uchraydi.

*So'xta* zaxmnинг kechki ko'rinishlari jumlasiga kiradi, bunda orqa miya zararlanadi. Distrofik jarayon Burdax tutamlari va orqa miyaning orqa ustunlarida boshlanib, nerv tolalari mielin pardalarini hamda orqa miyaning orqa ildizlarini zararlaydi. Mielin yemirilganida mikrogliositlarga va makrofaglarga yutiladigan neytral yog'lar ajralib qoladi. Miyaning yumshoq pardalarida yallig'lanishga xos o'zgarishlar boshlanadi. Yallig'lanish o'choqlarida va orqa miya to'qimasida oqish treponemalar topiladi.

## TUG'MA ZAXM

Tug'ma zaxm — infeksiya ona qornidagi homilaga o'tganida boshlanadi (plasentar yo'l bilan infeksiya yuqishi). Onadagi zaxmnинг ikkinchi davri nasl uchun hammadan ko'ra xatarlidir, lekin onada uchinchi davrdagi zaxm bo'lganda ham kasallikning yuqish ehtimoli yo'q emas. Kasallik qo'zgatuvchisi homila organizmiga kindik venasidan embol ko'rinishida, ona qon oqimi bilan kindik tomirlaridagi limfa tirqishlari orqali, shuningdek platsenta orqali o'tadi, chunki kasallik qo'zg'atuvchisining toksinlari platsentaning o'tkazuvchan bo'lib qolishiga sabab boladi. Natijada homila organizmida o'ziga xos, ya'ni spetsifik septisemiya boshlanadi, bunda homilaning turli organlarida oqish treponema topiladi. Homilada kuzatiladigan *ertangi tug'ma zaxm*, emadigan bolalarda va 1 yashardan 4 yashargacha bo'ladigan bolalarda uchraydigan tug'ma zaxm hamda 4 yashardan oshgan bolalarda uchraydigan *kechki tug'ma zaxm* tafovut etiladi.

Tug'ma zaxm mahalida organlarda ro'y beradigan to'qimalar reaksiyasi zaxmnинг ikkinchi va uchinchi davridagi to'qima reaksiyalariga juda o'xshaydi. Homila zaxmida barcha organ va to'qimalarda limfotsit va plazmotsitlardan iborat diffuz yallig'lanish infiltratsiyasi paydo bo'lib, keyinchalik o'sha joylarda biriktiruvchi to'qima o'sib boradi. Bundan tashqari, miliar va solitar gummalar

paydo bo'lishi ham xarakterlidir. Infeksiyadan platsentaning zararlanishi, oqish treponemadan ajraladigan zaharli mahsulotlarning ta'siri tufayli homila ona qornida olib qoladi.

Chaqaloqlar, shuningdek emadigan bolalar zaxmi badan terisi, shilliq pardalar, ichki organlar, nerv sistemasining zararlanishi bilan ta'riflanadi. Suyaklarning o'zgarishlarga uchrashi tug'ma zaxm uchun ayniqsa tipikdir, bu o'zgarishlar zaxmga aloqador osteoxondrit manzarasini keltirib chiqaradi. Bunda tog'ay petrifikatsiyaga uchrashi kerak bo'lgan joylarda ohak notejis ravishda to'planib boradi yoki petrifikatsiyalangan tog'ay to'sinlarini yemirib yuboradigan gummoz to'qima yuzaga keladi. Gohida zaxmga aloqador periostit boshlanadi. Tug'ma zaxmda badan terisida ro'y beradigan o'zgarishlar sifilidlar ko'rinishida namoyon bo'ladi, ayni vaqtida sezilarli shish bo'lib, giperemiya boshlanadi, limfotsitlar, plazmatik hujayralardan iborat diffuz infiltratlar paydo bo'ladi. Kechki tug'ma zaxmda badan terisida gummoz infiltratlar yuzaga keladi. Tug'ma zaxm uchun o'ziga xos, ya'ni spetsifik leptomeningit boshlanib, yumshoq miya pardasiga sezilarli shishi kelishi, giperemiya bo'lishi, limfold va plazmotsitar infiltratsiya yuzaga kelishi xarakterlidir.

Zaxmga aloqador leptomeningit nekroz o'choqlari ko'rinishida miliar gummalar paydo bo'lishi bilan ham ta'riflanadi. Birmuncha kechki tug'ma zaxmda aksari yumshoq miya pardasining tomirlari zararlanadi. Gummoz infiltratlar tomirlarning adventitsiyasida joylashadi va zaxmga aloqador endarteriit paydo bo'lib boradi. Endoteliyning endovazal giperplaziysi tomirlar yo'li torayib, qon bilan ta'mirlanish buzilishiga olib keladi, bu miyada ishemik nekrozlar yuzaga kelishiga sabab bo'lishi mumkin.

Jigarda gummoz perixolangit va periflebit manzarasi yuzaga keladi, bunda o't yo'llari va qopqa venasi tarmoqlari bo'ylab spetsifik yallig'lanish infiltratsiyasi paydo bo'ladi. O'pkada oq pnevmoniya manzarasi ko'riliishi mumkin, ayni vaqtida spetsifik jarayon o'paning turli bo'lagiga o'tib ketishi mumkin. Alveolalarning to'siqlarida limfotsitlar, plazmatik va epitelioid hujayralar ishtiropi bilan proliferativ yallig'lanish boshlanadi. Alveolalar bosilib qoladi, tomirlarda ularning ichki pardasi o'sib borib, tomir yo'lining torayib borishiga olib keladi.

Tug'ma zaxmda o'pkada kulrang yoki qo'ng'ir sariq tusli tuguchalar ko'rinishida gummalar paydo bo'lishi mumkin. ularning kattaligi har xil—tariq donidan tortib, o'rmon yong'og'idek kattalikda bo'ladi. O'pkadagi gummalar nekrotik o'zgarishlarga uchrab, keyinchalik fibroz boshlanashiga olib keladi.

Kech ma'lum bergen tug'ma zaxm parenximatoz keratit boshlanishi, qulolarning kar bo'lib qolishi, tishlar shaklining o'zgarib ketishi bilan ta'riflanadi, bu hodisalar

*Getchinson uchligi degan* manzarani hosil qiladi. Tishlar shaklining o'zgarib ketishi asosan emalning gipoplaziyaga uchrab, tishlarning kichrayib va qiyshayib qolishiga bog'liq.

## PATOGEN ZAMBURUG'LAR QO'ZG'ATADIGAN KASALLIKLAR

Mikozlar deb ham ataladigan bu kasalliklar etiologiyasi, klinik ko'rinishlari va morfologik xususiyatlari jihatidan bir-biridan farq qiladigan turli xil kasalliklardir. Bularning birinchi guruhiga badan terisi va uning unumlarini zararlaydigan mikozlar kiradi (dermatomikozlar). Ikkinci guruhi chuqur (visseral) mikozlarni o'z ichiga oladi, bu mikozlarda ichki organlar zararlanadi.

### DERMATOMIKOZLAR

Terining zamburug'li kasalliklari uch guruhga bo'linadi: epidermomikozlar, yuza va chuqur dermatomikozlar. *Epidermomikozlar* har xil turdag'i epidermofit zamburug'lar tufayli boshlanadi va epidermisning zararlanishi bilan ta'riflanadi. Kepaksimon lishay va epidermositiya degan xillari hammadan ko'ra ko'proq uchraydi. *Yuza dermatomikozlar* orasida trixofitiya va kal ko'proq tarqalgandir, asosiy o'zgarishlar epidermisda bo'ladi. *Chuqur dermatomikozlar* asosan asl dermaning zararlanishi bilan ajralib turadi.

### VISSEERAL MIKOZLAR

Bu guruhdagi mikozlar jumlasiga kandidoz, mog'or mikozlari, aktinomikoz kiradi. Ularning qo'zg'atuvchilari saprofitlar bo'lib, makroorganizmda disbakterioz, immunitet tanqisligi ro'y berganda, zamburug'larning o'sishini quvvatlaydigan antibakterial va immunodepressiv vositalar ko'p ishlatilgan mahallarda patogen xossalarni kasb etadi (*endogen mikozlar*). Bundan tashqari, mikozlar tashqi muhitdan organizmga patogen zamburug'lar o'tib qolishi natijasida ham paydo bo'lishi mumkin, *ekzogen mikozlar* deb shular aytildi. Bu ekzogen mikozlar jumlasiga koksidioidoz va gistoplazmoz kiradi.

Etiologiyasiga qarab hamma mikozlar to'rtta asosiy guruhga bo'linadi: 1) shu'lasimon zamburug'lar qo'zg'atadigan mikozlar — aktinomikoz, nokardioz; 2) achitqisimon zamburug'lar bilan achitqilar qo'zg'atadigan mikozlar, kandidoz, blastomikozlar; 3) mog'or zamburug'lari qo'zg'atadigan mikozlar — aspergilloz, penisilloz, mukormikoz; 4) har xil zamburug'lar qo'zg'atadigan kasalliklar — koksidioidoz, sporotrixoz va gistoplazmoz.

Bu o'rinda yuqorida aytib o'tilgan mikozlar jumlasidan eng ko'p uchraydigan xillari ko'zdan kechiriladi.

### KANDIDOZ

*Kandidoz* yoki og'iz oqarishi eng ko'p tarqalgan *chuqur mikozlar* jumlasidan bo'lib, uni Kandida avlodiga kiradigan *achitqisimon zamburug'lar* qo'zg'atadi. Bu zamburug'lar tabiatda keng tarqalgan va havo, tuproq, sabzavotlarda, qandolatchilik mahsulotlariда ko'p uchraydi. Kasallik ekzogen yoki endogen yo'l bilan yuqishi mumkin. Kandidozning autoinfektion kasallikning klassik xili tariqasidagi endogen turi ko'proq kuzatiladi.

Kandidoz asosan chaqaloqlarda, xususan ta'sir doirasi keng bo'lgan antibiotiklar va kortikosteroidlar noto'g'ri ishlataliganida zaif hamda og'ir kasal bolalarda boshlanadi. Kasallikning ona qornida yuqib qolgan hollari ham ma'lum.

Kandidoz odatda tashqi muhitga tegib turadigan organ va sistemalarda: badan terisi, hazm yo'llining turli bo'limlari, respirator va siyidik-tanosil sistemasi paydo bo'ladi. Bunda asosan ko'p qavatlari yassi epiteliy bilan qoplangan shilliq pardalar zararlanadi, chunki kasallik qo'zg'atuvchisi glikogenga boy hujayralardan tashkil topgan epiteliyiga o'ch bo'ladi. Kandidoz mahalliy bo'lishi yoki tarqoq tusga kirishi mumkin. Birlamchi va ikkilamchi kandidoz ham tafovut qilinadi.

**Patologik anatomiysi.** Kandidoz cheklangan holda bo'lishi yoki tarqoq tusga kirishi mumkin. Kasallikning qaysi joyda avj olishidan qatiy nazar, zararlangan o'choqlar morfoloyiyasi bir zaylda bo'lib, to'qimalarda har xil bosqichdagi o'tkir ekssudativ va ekssudativ-nekrotik o'zgarishlar ro'y berishi, granulyomatoz boshlanib, granulyomalar hosil bo'lishi bilan ta'minlanadi.

Ekssudativ nekrotik jarayonlar mahalida zararlangan shilliq pardalarda gi-peremiya boshlanib, shish keladi, og'iz, qizilongach, hiqildaq bo'shlig'ida oqish sarg'ish tusli zikh karashlar paydo bo'ladi (kasallikning og'iz oqarishi degan nomi shundan olingan). Ichakda bunday karashlar ularga o't suyuqligi shimpligani tufayli ko'kish-qo'ng'ir rangda bo'ladi. Bu karashlar ko'chib tushganida ornida eroziyalar, yaralar paydo bo'lishi mumkin. Nekrozga uchragan joylar neytrofildan iborat demarkatsion ko'tarma bilan sog'lom to'qimadan chegaralanib turadi.

Ichakdagagi gemorragik nekrotik enterit yoki enterokolitda ichak devori te-shilib, kandidoz peritonit boshlanishi ham mumkin. Patologik jarayon hikilda qda boshlangan mahalda ovoz boyamlarining chetlarida oq-sarg'ish tusli par dasimon tipik karashlar paydo bo'lishi hiqildaq stenoziga olib kelishi mumkin. Traxeya va bronxlar kamdan-kam zararlanadi. Ulardagi karashlar achitqisimon hujayralarning chirmashib ketgan psevdomitseliy iplari, ko'chib tushgan epiteliy hujayralari va neytrofillardan iborat bo'ladi. O'pka kandidozida leykotsitar pnevmoniya boshlanib, ekssudatda leykotsitlar, seroz suyuqlik va makrofaglar paydo bo'ladi. Ayni vaqtida sezilarli darajada gemorragik hodisalar yuz beradi. Zamburug'lar ko'p to'plangan joylarda absesslar paydo bo'lishi mumkin. Kasallikning birmuncha kechki davrlarida limfotsitlar, epithelioid hujayralar va Pirogov-Langxansning ulkan hujayralaridan iborat granulyomalar yuzaga keliishi mumkin.

Ayrim organlar kandidozi mahalida kasallik qo'zg'atuvchisi qon oqimiga tushib qolsa (psevdomiseliyning tomir ichiga o'sib kirishi yo'li bilan), tarqoq zamburug' infeksiyasinining ikki xili boshlanishi mumkin:

1) kandidoz meningoensefalit, buyrak, jigar, taloqda metastatik absesslar paydo bo'lishi, miokarditlar, perikarditlar boshlanishi bilan o'tadigan sepsis va  
2) ichki organlarda granulemlar paydo bo'lishi bilan ta'riflanadigan *surunkali granulyomatoz kandidoz* shular jumlasidandir.

*Kandidoz sepsisida* metastatik o'choqlarning markazida nekroz boshlanib, radiar ravishda joylashgan psevdomiseliy iplari va achitqisimon hujayralar paydo

bo'ladi. Metastatik o'choqning chetki tomonlarida neytrofil leykotsitlar ko'zga tashlanadi.

Klinik o'tishi kandidozning xili va kasallikning qaysi joyda boshlanganiga bog'liq. Go'daklik mahalida og'iz bo'shlig'ining oqarishi bilan boshlanadigan surunkali tarqoq kandidozda tirnoq chetlari va tirnoq plastinkalari hamda bosh terisining sochli qismi, yuz, gavda va qo'l-oyoqlar terisi kasallik jarayoniga tortilib ketadi. Bularda tagi infiltranib, qip-qizarib ketgan va po'st tashlab turadigan dog'lar paydo bo'ladi. Ko'pchilik kasallarda qaytalanib turadigan pnevmoniya boshlanadi va quyonchiqsimon talvasalar paydo bo'ladi. Jigar va buyraklar ham zararlanishi mumkin. Kasallik surunkasiga davom etib boradi va qo'zib turadi. Nafas yo'llari kandidozi har xil o'tadi. Kandidoz laringitida odam ovozining ohangni o'zgarib, quruq yo'tal paydo bo'ladi, hiqildoq torayib qolishi, o'pka siliga o'xshab ketadigan mikotik pnevmoniya boshlanishi mumkin. Hazm yo'li zararlanganida ishtaha pasayib, yutish qiyinlashadi, odam qayt qilib, suzmasimon pardalar aralash qusadi, ichi ketib, axlatiga shilimshiq aralashib tushadi. Ichak kandidozi zo'rayib borganida organizm suvsizlanib qoladi va intoksikatsiya boshlanadi. Siyidk-tanosil yo'llari kandidozi uchun siyidikda oqsil, qon va silindrlar paydo bo'lib, buyraklarning filtratsion funktsiyasi buzilishi mumkin. Siyidkda zamburug'larning bir talay parchalari uchraydi. Ikkilamchi kandidoz uchun badan terisiga allergik toshmalar toshib, bosh og'rishi, lohaslanish, yurak faoliyatining buzilishi xarakterlidir. Bu kasallikning eng og'ir asorati sepsisdir.

## AKTINOMIKOZ

Aktinomikoz chuqur mikozlar jumlasiga kiradi, bunday mikozlar uchun: 1) kasallikning endogen yo'l bilan yuqishi, 2) surunkali tarzda o'tib borishi, 3) granulyomalar hosil bo'lishi xarakterlidir.

Aktinomikoz kasalligining qo'zgatuvchisi shu'lasimon zamburug'lar, ya'ni aktinomisetlardir.

Kasallikning hammadan ko'p yuqadigan usuli endogen yo'l, chunki anaerob shu'lasimon zamburug' sog'lom odamlarda ham uchraydi (karies bo'lgan tishlarda, bodomcha bezlarining kriptalarida). Kasallik ekzogen yo'l bilan yuqqanida qo'zg'atuvchisi hazm yo'li, nafas yo'llari orqali yoki yot jismlar bilan birga organizmga kiradi.

Birlamchi, ya'ni cheklangan va kasallik qo'shni organlardan o'tganida yoki zamburug'lar gematogen yo'l bilan tarqalganida boshlanadigan ikkilamchi aktinomikoz tafovut qilinadi.

**Patologik anatomiyasi.** Bu kasallikda barcha organ va to'qimalar zararlanshi mumkin. Lekin ko'proq qaysi organning zararlanishiga qarab, kasallikning bir necha xili, chunonchi, o'pkani zararlaydigan, abdominal xili va boshqalar tafovut qilinadi. Aktinomikoz granulyomalar paydo bo'lishi bilan birga davom etib boradi. Kasallangan joylar bulutsimon ko'rinishga kirib, ari uyalariga o'xshab qoladi. Mikroskop bilan tekshirib ko'rilmaganida granulyomalarining markazida

uchlari yo'g'onlashib kelgan va bir-biri bilan chirmashib ketgan miseliy iplari, ya'ni druzlar topiladi, to'qimalarning irib, yiringlab ketgani ko'zga tashlanadi. Kasallik o'chog'i atrofida yosh biriktiruvchi to'qimaga xos elementlar, plazmatik hujayralar, makrofaglar, ksantom hujayralar proliferatsiyasi boshlanadi. Keyinchalik bu joyda fibroz to'qima paydo bo'ladi. Granulyomalar ba'zan bir-biri bilan qo'shilib, katta-katta aktinomikotik infiltratlar hosil qiladi. Aktinomikoz uchun ana shunday aktinomikotik infiltratlarning kletchatka hamda biriktiruvchi to'qima qatlamlari bo'ylab organ yuzasi tomon tarqalib borishi va oqma yaralar hosil qilishi xarakterlidir. Granulyomalar oxiri borib fibrozga uchraydi va ularda gialinlashgan qattiq chandiqlar paydo bo'ladi.

Klinik otishi : 1) qaysi joy zararlanganiga, 2) kasallikning davriga (boshi, surukali xili, sog'ayish davri boshlanganiga), 3) kasallikning xiliga (mahalliy, tarqalgan bo'lishiga) bog'liq.

Kasallikning olgan joyiga qarab, torakal, abdominal, pararektal aktinomikoz, siyidk-tanosil organlari va og'iz bo'shlig'i organlari aktinomozi tafovut qilinadi.

Tarqoq aktinomikozning klinik manzarasi sepsisiga o'xshab ketadi: bunda turli organlarda metastazlar ham paydo bo'ladi. Aktinomikozning asoratlari jumlasiga zararlangan organning chandiqlanib shakli o'zgarib ketishi, ichki organlar amiloidozi boshlanishi kiradi, kasallik o'chog'ida o'sma paydo bo'lishi ham mumkin.

## MOG'OR MIKOZLARI

Mog'or zamburug'lari paydo qiladigan kasalliklar jumlasiga aspergillyoz, penisillyoz va mukoroz kiradi. Shulardan aspergillyoz degan kasallik bo'lib, uni Aspergillus avlodiga mansub zamburug'lar qo'zg'atadi. Bu zamburug'lar aerob organizmlar bo'lib, tabiatda keng tarqalgan va hamisha tuproqda yashaydi. Aspergillyozning quyidagi xillari bor: *yuzaki, visseral, tarqoq va ona qornidagi homilada uchraydigan xili*. Visseral aspergiloz jumlsidan o'pka aspergillozi hammadan ko'ra ko'proq uchraydi. Hozir o'pka aspergillyozining to'rt xili tasvirlangan:

1. Yiringsiz aspergiloz, bunda o'pka to'qimasida o'rtasi oqish bo'lib turadigan kulrang-gungirt rangli qattiq o'choqlar paydo bo'ladi, shu o'choqlarning o'rtasida infiltrat yuzaga kelib, zamburug'lar to'planib boradi.

2. Yiringli aspergiloz, bunda o'pka to'qimasida nekroz o'choqlari va yiringlangan joylar paydo bo'ladi.

3. Bronxoektatik bo'shliq yoki o'pka absessi paydo bo'lishi bilan ta'riflanadigan misetomaaspergiloz. Bunda kasallik qo'zg'atuvchisi o'pkadagi bo'shliqning ichki yuzasida o'sib, burishib qolgan qalin membranalar hosil qiladi.

4. Silnamo o'pka aspergilzozi, tuberkulyoz tugunchalariga o'xshab ketadigan tugunchalar paydo bo'lishi bilan ajralib turadi. Kasallik atrofida granulatsion to'qima paydo bo'lib, asta-sekin yetilib boradi.

Atrofdagi to'qimalarda ekssudativ yallig'lanish boshlanib, fibrinoz ekssudat hosil bo'ladi.

*Tarqoq aspergillozda* barcha ichki organlar va markaziy nerv sistemasi zararlanadi. Bunda zamburug' tomirlarga o'tib, turli organlarda (o'pka, bosh miya va boshqalarda) bir talay abscesslar hosil qiladi, taloq kattalashib ketadi. Aspergillyozga aloqador otitlar va konyunktivitlar tasvirlangan aspergillyoz tufayli organizm sensibilashganida har xil allergik toshmalar toshadi, blefarokonyunktivitlar boshlanadi. *Ona qornidagi homilada uchraydigan aspergilloz.* Bosh miya zararlanishi bilan ta'riflanadi va yo'ldoshning zarb yeyishi natijasida infeksiyaning ona jinsiy organlaridan yuqoriga ko'tarilib, homilaga o'tishi natijasida boshlanadi. Nuqul deyarli miya yon qorinchalarining atroflari zararlanadi. ba'zan yon qorinchalarining devorlarida qo'ziqorinsimon o'simtalar paydo bo'lishi mumkin (granulyar ependimatit).

**Klinik manzarasi.** Aspargillozning klinik manzarasi turlicha bo'lib shikastlanish o'choqlarining joylashuviga bog'liq. *Teri, shiliq pardalar, ko'ruv va eshituv a'zolarining hamda visseral aspergilloz turlari* tafovut qilinadi. Visseral zararlanishlar ko'pincha o'pkada bo'ladi. O'pkaning zamburug'li zararlanishi tuberkulyoz jaryonini eslatadi. Infeksiya tarqalganda septikopiemiya rivojlanadi va bunga bosh miya, o'pkada abscesslar paydo bo'lishi, va splenomegaliya xosdir. Aspergillozli otitlar va kon'yunktivitlar ham kuzatilgan. Aspargillozning sensibilanishi oqibatida har xil allergik toshmalar va blefarokonyunktivitlar paydo bo'ladi.

## KOKSIDIOIDOZ

*Koksidioidoz organizmiga patogen zamburug'lar o'tishiga aloqador zamburug'li infeksiyadir.* Endemik kasalliklar jumlasiga kiradi va dasht joylarda keng tarqalgan. Qo'zg'atuvchisi tuproqda yashaydigan Coccidioides immitis degan zamburug'dir, u odam organizmiga zamburug'li chang nafasga olingen mahalda o'tib qoladi. Bemorlar organizmida kasallik qo'zg'atuvchisi to'qimalarda yashaydigan parazit holiда bo'ladi va aniq bilinib turadigan ikki qavat parda bilan o'ralgan yirik dumaloq tuzilmalar ko'rinishida ko'zga tashlandi. Ana shu sferulalarda endosporalar bo'ladi, endosporalar yetilganidan keyin sferulalar devori yoriladida, endosporalar atrofdagi to'qimalarga tarqalib boradi, bir qismi leykositlarga fagotsitlanadi. Kasallik ingalyatsion yo'l bilan yuqqanligi uchun u dastlab sog'ayish bilan tugallanadigan o'tkir o'pka absessi singari boshlanadi. Odamga kasallik ikkinchi marta yuqqanida (0,2—2% hollarda) ikkilamchi koksidioidoz boshlanadi, u deyarli barcha organlarni zararlaydigan, zo'rayib boradigan surunkali, tarqoq koksidioidoz ko'rinishida bo'ladi. Kasallik o'chog'ida ro'y beradigan struktura o'zgarishlarining tabiatini kasallik qo'zg'atuvchisining rivojanish sikliga bog'liq. Yorilgan sferulalardan atrofdagi to'qimalarga endosporalar chiqib kelganida polinuklear reaksiya ro'y berib, absesslanish boshlanadi. Bo'shalib qolgan sferulalarning yetilib borish jarayonida gistiotsitlar, epiteliod hujayralar va Pirogov-Langxansning ulkan hujayralari ishtirokida granulyomatoz reaksiya yuz beradi. Pirogov-Langxansning ulkan hujayralari sitoplazmasida sferulalar topiladi. Keyinchalik kasallik o'choqlarida fibroz to'qima paydo

bo'lib, ichida sferulalar devorlarining parchalari bo'lgan absesslar yuzaga keladi. Koksidiodozning tarqalib ketgan xillarida o'llim hodisalari ko'p (50-90%) bo'ladi.

**Klinik manzarasi** ko'pchilik hollarda patognomonik emas. Birlamchi o'pka koxsidiodizi odatda har xil og'irlikda o'tayotgan grippga o'xshab ketadi yoki simptomsiz ham o'tib borishi mumkin. Yo'tal paydo bo'lsa, balg'amda sferulalar topiladi.

O'pkadan tashqaridagi birlamchi koxsidiodoz teri osti yog kletchatkasida yuzaga kelgan chuqur infiltratlar ko'rinishida namoyon bo'ladi. Bu infiltratlar keyin yara bo'lib, limfangit boshlanadi. Kasallikning tarqalib ketgan ikkilamchi xili miliar o'pka kasalligi, o'tkir yoki surunkali meningit tariqasida o'tadi. Kasallik gematogen yoki limfogen yo'l bilan tarqalib borganida turli ichki organlar, suyaklar, badan terisi jarayonga qo'shilib ketadi.

## SODDA JONIVORLAR QO'ZG'ATADIGAN KASALLIKLAR BEZGAK

*Bezgak (botqoq isitmasi, tutib turadigan isitma) — protozoylar, ya'ni sodda jonorvorlar turkumiga kiradigan organizmlar qo'zg'atuvchisi o'tkir infektion kasallik bo'lib, qo'zg'atuvchining odam qonida parazitlik qilib yashashi, vaqt-i-vaqt bilan isitma tutib turishi, anemiya boshlanishi, kasallikning qaytalanib turishi bilan ta'riflanadi. Bezgakning to'rt xili tafovut qilinadi, 1) tropik, 2) uch kunlik, 3) to'rt kunlik, 4) ovale-bezgak.*

**Etiologiyasiva patogenezi.** Bezgak qo'zg'atuvchilari Plasmodium avlodiga kiradigan bir hujayrali sodda mikroorganizmlardir. Odamda uchraydigan bezgak qo'zg'atuvchisining to'rt turi ma'lum. Uch kunlik bezgakni Plasmodium vivax, to'rt kunlik bezgakni Plasmodium malariae, tropik bezgak qo'zg'atuvchisi Plasmodium falciparum, ovale-bezgak qo'zg'atuvchisi Plasmodium ovaledir.

Bu bezgak qo'zg'atuvchilari o'zining virulentligi, immunologik xususiyatlari, chivinlarga yuqish xususiyati, kasallik yashirin davrining muddati va boshqalar jihatidan bir-biridan farq qiladi. Ular murakkab rivojlanish siklini boshdan kechirib, hayoti davomida o'z xo'jasini almashtirib boradi. Odam organizmida plazmodiyalar jinssiz yo'l bilan ko'paysa, urg'ochi chivinlar organizmida ular jinsiy yo'l bilan ko'payib boradi. Odam organizmida plazmodiyalar o'z taraqqiyotining ikki bosqichini: 1) hepatotsitlarda ekzoeritrotsitar shizogoniya (eritrotsitlardan tashqarida, to'qimalarda o'tadigan shizogoniya), 2) eritrotsitlarda o'tadigan eritrotsitar shizogoniya davrlarini boshidan kechiradi.

Odamga bezgak so'lagida sporozoitlar bo'lgan chivin chaqqanida yuqadi. Sporozoitlar qon va limfa tomirlari orqali jigarga boradi. Birinchi fazasida jigar hujayralariga kirib olib, ular avval trofozoidlarga, keyin to'qimada (eritrotsitlardan tashqarida bo'ladigan — ekzoeritrotsitar) shizontlarga aylanadi. Keyin 5—15 kun davomida shizontlar rivojlanib boradi va bo'linib, 10—50 ming ekzoeritrotsitar merozoitlar hosil qiladi. Bu merozoitlar keyinchalik qon plazmasiga

o'tib oladi. Merozoit qon plazmasiga tushganidan keyin eritrotsit membranasiga yopishib oladi, membrana invaginatsiyalanib, merozoitni yutadi, bunda parazitaform vakuola hosil bo'ladi.

Ikkinchisi fazasida plazmodiy eritrotsitda quyidagi rivojlanish davrlarini o'tkazadi: oldin halqasimon trofozoit, keyin yosh trofozoit, yarim yetilgan trofozoit va yetuk trofozoit hosil bo'ladi. Etilgan trofozoit oldingi bosqichlardagilar dan farq qilib, eritrotsitni boshidan oxirigacha egallab oladi va talaygina miqdorda pigmentlari bo'ladi. Parazitda pigmentlar gemoglobin molekulasiidan uning oqsilli qismi — globin ajralib chiqishi natijasida hosil bo'ladi, parazit eritrotsitlar ichida rivojlanib borar ekan, ana shu globindan foydalanadi. Eritrotsitar shizogoniya vaqt-bavaqt, ya'ni siklik ravishda takrorlanib turadi. Eritrotsitlarda gametositlar ham rivojlanib boradi. Parazitning jinsiy yo'l bilan ko'payishi kasal odam qonini so'rib olgan chivinning medasida bo'lib o'tadi. Shizontlar hazm bo'lib ketadi va faqatgina gametositlar keyingi o'zgarishlarga uchraydi (erkak va urg'ochi gametositlardan pirovardida sporozoitlar yuzaga keladi). Chivinning so'lak bezlarida sporozoitlar paydo bo'lishi bilan bu chivin yuqumli bo'lib qoladi.

Invaziya manbai bezgak bilan og'rigan bemor va parazitni vujudida tashib yuruvchi kishidir. Infeksiyani Anopheles avlodiga kiradigan chivinlarning urg'ochisi tarqatadi. Parazitni tashib yuruvchi kishidan olingen qon quyliganida yoki yuqumli qon bilan ifloslangan asboblar bilan muolajalar qilinganida odama ga bezgak yuqib qolgan hollar ma'lum. Bezgak mavsumiy invaziyalarni jumlasiga kiradi va chivinlarning mavsumiy faolligi (yilning issiq paytlari) bilan mahkam bog'liq bo'ladi.

Bezgak xuriji merozoitlarning eritrotsitlardan qon plazmasiga chiqish mahaliga to'g'ri keladi. Bezgak qonga aloqador tipik infeksiya bo'lib, unda plazmodiylar eritrotsitdarda uzoq muddat parazitlik qilib boradi, shunga ko'ra eritrotsitlar timmay yemirilib turadi. Zararlanmagan eritrotsitlarning gemolizi eritrotsitlarga qarshi autoantitelolar paydo bo'lishiga bog'liq. Infeksiya yuqmagan eritrotsitlarda o'zgarishlar boshlanib, eritrotsitlar bazofiliyasi, polixromatofiliyasi anizo va poykilositoz paydo bo'ladi. Gemolizga uchragan eritrotsitlarda kininlar, gistanmin va tomirlar devori o'tkazuvchanligi kuchayishiga sabab bo'ladigan boshqa biologik faol moddalar ajralib chiqishiga sabab bo'ladi. Kapiliyarlarda infeksiya yuqqan eritrotsitlardan tashkil topgan stazlar boshlanib, endoteliy zararlanadi. Trombotsitlar agregatsiyaga uchrashi va fibrinoliz susayib qolishi natijasida tomirlar ichida koagulatsiya boshlanadi. Bezgak patogenezida allergik omil muhim o'rinni tutadi, bu narsa badanga eshakem toshishi, ichak ishining buzilishi, uch kunlik bezgak yashin tezligida o'tganida miya birdan shishib ketishi bilan ifodalanadi. Eritrotsitlarda boshlangan yemirilish jarayonlarining oqibati o'laroq bir tomondan zo'rayib boruvchi anemiya hodisalarini, ikkinchi tomondan mela-nozli melanemiya hodisalarini boshlanadi.

Parazit bo'lingan mahalda qon plazmasiga tushadigan pigmentni taloq, jigar, ko'mikdagini monotsitar-makrofagal sistema hujayralari yutib oladi. shu organ-

larda ko'p miqdor pigment to'planib qolishi munosabati bilan ular ko'kintir-kulrang, deyarli qora tusga kirib boradi. Bu organlarda shizontlar fagotsitozga ham uchraydi, ular hazm bo'lib ketganidan keyin pigmentlari monotsitar — makrofagal sistema hujayralarida saqlanib qoladi.

**Patologik anatomiysi.** Eng ko'p morfologik o'zgarishlar *taloqda* topiladi. Kasallik xurujining boshlanishida taloq birdan qonga to'lib-toshib ketadi. Nati-jada organning yorilib, qon ketish xavfi tug'iladi. Taloq pulpasida infarktlarga o'xshab ketadigan nekrozlar paydo bo'ladi. Keyingi 2—3 hafta davomida giperplastik jarayonlar zo'rayib borib, organ kapsulasi qalın tortadi, fibroretikulyar to'qima ham o'sib boradi, shunga ko'ra taloq qattiq bo'lib qoladi. Taloq og'irligi ortib, 1 kg gacha, goho 5—6 kg gacha ham boradi. Surunkali bezgakda taloq juda kattalashib ketadi (*bezgakka aloqador splenomegaliya deb shuni aytildi*), unda bir talay infarktlar boshlanib, taloq yuzasini xunuklashtirib qo'yadi.

Bezgakning o'tkir hollarida *jigarda* distrofik va nekrobiotik o'zgarishlar ustun turadi. Kupfer hujayralarining giperplaziyaga uchrashi va organning qonga to'lib ketishi *jigarning* kattalashuviga sabab bo'ladi (*bezgakka aloqador hepatomegaliya*). *Jigarda* baralla ko'zga tashlanadigan pigmentatsiya bo'ladi. Keyinchalik *jigarda* fibroz boshlanishi mumkin.

*Ko'mikda* pigment to'planib borib, parazitlar fagotsitozga uchraydi, retiku-loendoteliy giperplaziyalanib, qon hujayralari ko'plab hosil bo'lib turadi. ba'zan ko'mik aplaziysi boshlanadi. Uch va to'rt kunlik bezgakda boshqa organlarda ro'y beradigan o'zgarishlar zo'rayib boradigan anemiya bog'liq bo'ladi.

Tropik bezgakda, yuqorida tasvirlab o'tilgan o'zgarishlardan tashqari, turli organlar: miokard, me'da osti bezi, buyrak, me'da va ichak shilliq pardasi, bosh miya va miyacha kapillarlarida parazitar stazlar yuzaga keladi. Tropik bezgak uchun eng xarakterli o'zgarishlar bosh miyada ro'y beradi: miya muddasining tutun tusiga kirib bo'rtishi, pushtalarining tekislanib, yassilanib qolishi, mayda-mayda qontlashlar paydo bo'lishi shular jumlasidandir. Miya gistologik yo'l bilan tekshirib ko'riganida bir talay parazitar stazlar, perivaskular, halqasimon qontalashlar ko'zga tashlanadi, ensefalit manzarasi yuzaga keladi, gliya perivaskular va perineyronlar tarzda uya-uya bo'lib to'planib qoladi. Infektion granulyomalar jumlasiga kirmaydigan, balki halqasimon qontalashlar rivojining eng kechki bosqichlaridan biri bo'lgan Dyurk granulyomasining paydo bo'lishi bezgakda miya zararlanganini ko'rsatadigan patognomonik beligidir. Mana shunday qontalashlar markaziy qismida eritrotsitlar stazi yoki bir jinsli gialin trombi bo'lgan tomir ko'zga tashlanadi. Qontalashlarning atrofida nekrozga uchragan joy bo'lib, unda gliya reaktiv ravishda to'planib va o'sib boradi. Granulyomalar ko'pincha miyaning oq muddasida mielin pardalar destruksiyaga uchragan joylarda paydo bo'ladi.

Bezgakda «neyronlar ishemik kasalligi»ga o'xshash tarqoq distrofik jarayonlar bo'lishi, neyron va kapillarlarda petrifiksatsiya fokuslari yuzaga kelishi tasvirlangan yumshoq miya pardalari shishib, ularda limfold infiltratsiya va keyinchalik skleroz boshlanadi.

Bezgak komasida ro'y beradigan patologoanatomik o'zgarishlar mikrosirkulator qon o'zanida ko'plab stazlar boshlanishi, turli organlar, seroz va shilliq pardalarga qon quyilishi, o'pka shishuvi bilan ifodalanadi. Bosh miya kapillarlarida yuzaga keladigan parazitar stazlar bezgak komasining patogenetik asosi bo'lib hisoblanadi.

Odam bezgak bilan og'rib o'tishi natijasida unda faol immunitet yuzaga keladi.

**Klinik o'tishi.** Bezgak o'ziga xos xurujlar tutib turishi bilan ta'riflanadi. Xurujlarning tabiatli kasallik qo'zg'atuvchisining turiga bog'liqdir. Tropik bezgakda eng og'ir xurujlar kuzatiladi. Kasallikning prodromal davri lanj bo'lish, uychananlik, bosh og'rig'i, subfebril darajada harorat ko'tarilishi bilan ta'riflanadi. 3—4 kundan keyin xarakterli xurujlar boshlanadi, shu xurujlarning o'tishida uchta klinik fazfa tafovut qilinadi. Birinchi fazasida odam qaltirab, isitmasi chiqadi, bu hol to'satdan boshlanadi va 30—60 minutdan 2—3 soatgacha davom etadi. Ana shu mahalda bemorning muskullari va boshi og'rib turadi, ba'zan u ko'ngli aynab qusadi. Xurujning keyingi ikkinchi fazasida harorat 40° gacha ko'tariladi, bemorning umumiy ahvoli og'irlashib, bosh og'rig'i kuchayadi, hansirash boshlanadi bemor juda bezovtalanib, ba'zan alahsiraydi, qayt qiladi Harorat pasayishi 2—5 soat davomida suvdek ter quyib turishi bilan birga davom etib boradi va kasallik xurujining tugaganidan darak beradi (uchinchi fazasi). Ba'zan gerpetiktoshmalar, eshakem toshishi, gemorragiyalar paydo bo'lishi mumkin. Splenomegaliya bilan hepatomegaliya muhim diagnostik belgi bo'lib hisoblanadi. Jigar zararlanganida badan sarg' ayadi hamda buyraklarda tranzitor glomerulonefrit boshlanib, pigment to'planib boradi va siyidik bilan ajralib turadi. Yurakda miokardiodistrofiya manzarasi yuzaga keladi.

Kasallik xuruji mahalida bemorlar isitmabal, alahsirashi, ularda vegetonevrozlar, psixozlar boshlanishi mumkin.

**Asoratlari** ko'pincha tropik bezgak mahalida kuzatiladi. Miya shishuvi, bezgak komasi, o'tkir buyrak yetishmovchiligi, bezgak algidi, ruhiy o'zgarishlar bezgak asoratlarining eng jiddiy xillaridan bo'lib hisoblanadi. Bezgak o'choqlarida yashab turgan kishilarda gemoglobinuriyalı isitma ham boshlanishi mumkin.

## ICHAK AMYOBIAZI

*Ichak amyobiazasi (amyobali endemik dizenteriya) — surunkali protozoy kasallik bo'lib, qaytalanib turadigan gemorra-gik yarali kolit boshlanishi bilan ta'riflanadi.*

**Etiologiyasi va patogenezi.** Bu kasallikning qo'zg'atuvchisi Entamoeba histolytika nomli sodda jonivor (dizenteriya amyobasi, ichak amyobasi) dir. Ichak amyobasining rivojlanish siklida ikki davr: vegetativ davr bilan tinchlik davri bo'lib o'tadi. Vegetativ davrida uning to'qimada yashaydigan, katta vegetativ shakli, ichak yo'lida yashaydigan va sista oldi shakli tafovut qilinadi. To'qimada yashaydigan va katta vegetativ shakllari o'tkir amyobiaz mahalida ichak suyuqligida va ichak devorida topiladi; ichak yo'lida yashaydigan va sista oldi

shakllari, shuningdek sistalarning o'zi kasallikdan tuzlib kelayotgan va sista-larni tashib yuruvchi kishilarda tashqariga chiqib turadi.

Amyobiaz issiq iqlimli mamlakatlarda, jumladan Markaziy Osiyo va Kavkaz orti mamlakatlarida keng tarqalgandir. Bu kasallikning asosiy manbai axlati bilan tashqi muhitga amyobalarni chiqarib turadigan odam (1 g axlatda ba'zan 6 mln. gacha amyoba sistalari bo'ladi). Sistalar yuqqan ovqat yoki suv iste'mol qilinganida kasallik odamlarga yuqib qoladi. Sistalar odamlarning iflos qollari va pashshalar orqali yuqadi. Ayniqsa issiq mamlakatlarda sog' lom odamlar ora-sida amyobalarni tashib yurish hodisalari ko'p uchrashini aytib o'tish zarur.

Infeksiyaning avj olib borish mexanizmida amyobalarning ichak devoriga va hatto qon tomirlariga kirib olishi muhim ahamiyatga ega, bu hodisa amyobalarning harakatchan bo'lib, to'qimalarni lizisga uchratadigan gialuronidaza va boshqa fermentlarni chiqarib turishiga bog'liq. Gialuronidaza ishlab chiqaradigan ba'zi bakteriyalar ham amyobalarning ichak devoriga o'rashib olishiga yordam beradi. Amyobalar ichak bezlari orqali shilimshiq parda tagidagi qatlamga otib, shu yerda ichak mikroflorasini bilan infeksiyalangan nekroz o'choqlarini hosil qiladi. Natijada ichakda yaralar paydo bo'ladi, amyobalar gematogen yo'l bilan tarqalganida esa jigar va boshqa organlar ham zararlanadi. Organizm amyoba al-lergenlari va kasalning autoallergenlari bilan sensibilanib borishini hisobga olib borish kerak. Amyobiazning avj olib borishida amyobalar virulentligi, kasallik yuqqan odamning shaxsiy xususiyatlari, hazm yo'lining ahvoli ham ahamiyatga ega. Amyobiaz va asoratlarining klinik jihatdan ifodalangan shakkllari ko'pincha tropik va subtropik iqlim mintaqalarida uchraydiki, bu organizmning haddan tashqari qizib ketishi, suv va tuz almashinuvining izdan chiqib ketishi, aholining ovqatlanish va turmush sharoitlariga bog'liq bo'lsa ajab emas.

**Patologik anatomiyasi.** Bakterial dizenteriyadan farq qilib, patologik jarayon asosan ko'richak sohasidan joy oladi. Sigmason ichak, yo'g'on ichakning, taloq va jigar yonidagi bukilmalari alohida-alohida zararlanishi ham mumkin. Kasallikning ilk bosqichida zararlangan ichak bo'limining shilliq pardasi o'rtaida sarg'ish-oq nuqtasi bo'ladigan qizg'ish rangli dog'lar ko'zga tashlanadi. Kasallik zo'rayib borgani sayin ichak shilliq pardasida diametri 1 sm keladigan, yiringlab turgan bir talay yaralar yuzaga keladi, ularning chetlari juda qizarib ketgan, bir qadar o'yilgan bo'ladi. Amyoba dizenteriyasi mahalida ko'rildigan ana shunday yaralarni ko'pincha flyaga yoki butilka shishaga o'xshatishadi, chunki bu yaranning shilliq pardaga ochiladigan og'zi juda kichkina bo'ladi. Ichkarida asosan, shilliq parda tagidagi qavatda va bundan chuqurroqda nekrotik jarayon tarqalib boraveradi. Bu yaralarning tubi och yashil rangda bo'ladi. Faqat shilliq parda tagidagi qavatgacha tushib boradigan dizenteriya yaralaridan farq qilib, amyobiaz mahalidagi yaralar ichakning seroz qatlamigacha tushib borishga moyil bo'ladi. Shu narsa ichak teshilib, peritonit boshlanish xavfini tug'diradi. Yara sekinlik bilan chuqurlashib boradigan bo'lsa, qo'shni organlar va qorin pardasi o'rtaida bitishmalar paydo bo'lib, ichak teshilmay qolishi mumkin. Ichakning

muskulli qatlami parezga uchraydi, shu munosabat bilan ichak yo'li kengayib turadi. Uncha tipik bo'lмаганхолларда yaralar bir-biriga qo'shilib ketadi (diffuz amyobiaz deb shuni aytildi). Ichak devorida gangrenoz o'згарishlar boshlanib, ichak devori juda shishib ketadi.

Nekrotik massalar iriganida ichida yarim suyuq, kulrang-gungirt yoki jigar-rangnamo (qon aralashgani uchun) moddalar bo'ladiqan bo'shlqlar yuzaga keladi. Biriktiruvchi toqima qatlamlarining qoldiqlari ana shunday bo'shlqlarning ichki yuzasini tukdor qilib ko'ssatadi yoki bulutsimon moddaga o'xshatib qo'yadi. Ikkilamchi bakterial infeksiyada chinakam absesslar paydo bo'ladi. Ichak tayoq-chasi va anaerob mikroblar yiringni juda qo'lansa xidli qilib qo'yadi. Absesslar ancha katta — bolaning boshiday va bundan ko'ra kattaroq bo'lib qolishi mumkin. Mikroskop bilan tekshirib ko'riltganida shilliq pardada detrit, leykositlar va odatdag'i ichak florasi bilan to'lib turgan rahnalar paydo bo'ladi. Fibrin topilmaydi. Yara tubining sohasida qisman parchalanib turgan amyobalarni ko'rish mumkin. Ichakdan ishlanib chiqadigan shilimshiqda amyobalar ko'p bo'ladi. Kasallik avj olib borgani sayin ichak shilimshig'i tobora quyuq, yopishqoq, qatlam-qatlam bo'lib boradi. Amyobiazda toqimalar irishga moyil bo'ladi, bu narsa kasallik jarayoniga o'ziga xos tus beradi. Hujayralarning kasallikkha javoban ko'ssatadigan reaksiyasi sust ifodalangan bo'ladi. Amyobalarning patogen-xossallarini yuzaga chiqaradigan litik fermentlar amyobalar o'lganidan keyin ajralib chiqishi elektron mikroskop bilan olib borilgan tekshirishlarda aniqlangan. Kasallikdan holi toqima chegarasida amyobaning toqimalarda yashaydigan shakllarini ko'rish mumkin, bular har xil kattalikda, soxta oyoqli bo'ladi. Vakuolashgan sitoplazmasida har xil kiritmalar, eritrotsitlar, boshqa hujayralarning parchalari ko'zga tashlanadi, lekin bakteriyalari bo'lmaydi. Noqulay sharoitlarda parazit sista oldi davriga o'tib, kichrayib qoladi. Sistalarning devori me'da shirasining hazm qiluvchi ta'siriga berilmaydi. Shu sababdan ham amyobalar pardasining yemirilishi faqat ko'richakda ko'rildi.

Yaralar aksari bitib, asar qoldirmaydi yoki chandiqlanib bitadi. Ba'zan zararlangan ichak bo'limida chandiqlanib qolgan joylar kuzatiladi. Ingichka ichak amyobiaz bilan juda kamdan-kam zararlanadi, bunda asosan Peyer pilakchalarini ham shikastlanadi.

**Klinik manzarasi.** Bu kasallik birdan boshlanib, qaytalanib turadigan surunkali dard tusiga kirib boradi. Kasallikning o'tkir davrida bemorlar darmon qurib holsizlanishdan, ba'zan ishtaha pasayib ketgani, qorinda og'riq borligidan, bosh og'rib turishidan noliydi. Keyinchalik ich surib, odam kuniga 5 martadan 15 martagacha hojatga boraboshlaydi. Axlatda bir talay shilimshiq va qon bo'ladi, shuning uchun u go'sht seli tusiga kirib qoladi. Harorat ko'tarilmaydi yoki subfebril darajada bo'ladi, lekin 39° gacha ko'tarilishi mumkin. Surunkali amyobiaz uzoq davom etganida odam tinkasi qurib, ozib ketadi, gipovitaminoz, ba'zan kaxeksiya boshlanadi.

**Asoratlari** ichakka aloqador va ichakdan tashqaridagi asoratlarga bo'linadi. Bularning birinchisi jumlasiga ichakdag'i yaralarning teshilishi tufayli boshlan-

gan peritonit, to'g'ri ichakning tashqariga chiqib qolishi, amyobaga aloqador appenditsit, ichakdan qon ketishi, ichakning torayib qolishi kiradi.

Amyobalarning gematogen yo'l bilan ichakdan o'tishiga aloqador ikkinchi turdag'i asoratlardan ko'pincha amyobalar tufayli boshlangan gepatit, o'tkir ichak amyobiazi mahalida boshlanadigan jigar abssessi kiradi. Amyobalar qopqa venasi bo'ylab tarqalib borib, jigarga yetishi va unda mayda yoki katta-katta abssesslar hosil qilishi mumkin. Lekin bular aslida abssesslar bo'lmay, balki nekroz o'choqlari bo'ladi. Ulardan chiqadigan yiring juda quyuq bo'lib, yumshab, shilimshiqsimon bo'lib qolgan to'qimaga o'xshab qoladi. Absessning chetlarida sirrotik tarzda o'zgargan ancha keng joylar ko'zga tashlanadi.

O'pka zararlanganida pnevmopatiya boshlanishi va abssesslar paydo bo'lishi mumkin. Amyobiazning ancha kam uchraydigan asoratlari jumlasiga metastatik miya abssesslari kiradi, bular nekroz o'choqlari va yumshab qolgan joylardan iborat bo'ladi, bunday joylarda hujayra reaksiyasi odamda uncha sezilmaydi va atrofdagi to'qima bilan o'tradagi chegarada amyobalar topiladi.

Taloq, limfa tugunlari, o'tpufragi, qovuq, moyak, bo'g'imlar, bachardon bo'yni, qinda ham metastatik moddalar bo'lganligi tasvirlangan. Amyobalarning teriga ham o'tishi oraliq sohasida yaralar paydo bo'lishiga olib keladi.

Peritonit ham o'limga sabab bo'lishi mumkin.

## LEYSHMANIOZ

Leyshmanioz faqat ma'lum geografik mintaqalarga xos bo'lgan transmissiv kasalliklar jumlasiga kiradi. Odamda uchraydigan leyshmaniozning ikki xili tafovut qilinadi: teri leyshmaniozi va visseral leyshmanioz. Shu ikkala xilining turli geografik va klinik-epidemiologik variantlari bor.

**Etiologiyasi va patogenezi.** Leyshmaniozning qo'zg'atuvchilarini ikki turdag'i leyshmaniylardir, ular bir-biridan tamom boshqacha bo'lib o'tadigan ikki xil kasallikka olib boradi. Ularning biri badan terisini zararlab, unda yaralar paydo qiladi (teri leyshmaniozi — «yomon jarohat»), ikkinchisi ichki organlar zararlanishiga sabab bo'ladi (umumiy infektion kasallik hisoblanadigan visseral leyshmanioz). Teri leyshmaniozi qo'zg'atuvchisini 1898-yili P. F. Borovskiy Toshkentda kashf etgan, visseral leyshmanioz qo'zg'atuvchisini esa 1902-yili Donovan Hindistonda topgan. Shu ikkala xil leyshmaniylarning qo'zg'atuvchilarini mustaqil turlar bo'lib hisoblanadi. Chunonchi, shaharlarga xos teri leyshmaniozining qo'zg'atuvchisi *L. tropika minor* bo'sha, qishloqlarga xos teri leyshmaniozining qo'zg'atuvchisi *L. tropika majordir*. Visseral leyshmanioz qo'zg'atuvchisi esa *L. donovani* bo'lib hisoblanadi. Leyshmaniylarning shu keyingi turi o'zining hayot siklida ikki davrni boshdan kechiradi: 1) xivchinsiz davri, bunda leyshmaniylar umurtqali xo'jayin organizmida hujayra ichida parazitlik qilib yashaydi (badan terisi, shilliq pardalar, taloq, jigar, ko'mik, limfa tugunlarining makrofaglari va fagotsitlovchi boshqa hujayralarida); 2) leyshmaniylarning xivchinli davri, bunda kasallik qo'zg'atuvchisi shu kasallikni yuqtiruvchi umurtqasiz hayvon (iskab-topar chivin)ning ichagida parazitlik qilib yashaydi.

## TERI LEYSHMANIOZI

Teri leyshmaniozini (Borovskiy kasalligi, Ashxobod, Qo'qon yarasi, yomon jarohat, pendin yarasi va hokazo) tarqatuvchilar shaharlarda iskabtopar chivinlar, qishloq joylarida esa mayda kemiruvchi hayvonlar (qum sichqonlari, yumronqoziqlar), shuningdek suvda va quruqlikda yashovchi har xil jonivorlardir. Markaziy Osiyoda Ashxobod, Mari, Andijon, Qo'qon, Xo'jand atroflarida va boshqa joylarda teri leyshmaniozining tabiiy o'choqlari bor.

Bu kasallikning ikki turi tafovut qilinadi: yarasi kech ochiladigan, shaharlarga xos xili (quruq xili) va tez yara bo'lib ketadigan qishloqlarga xos xili (pilchirab turadigan xili).

Antroponoz leyshmaniozini yuqtiradigan manba shu kasallik bilan og'igan bemorlar bo'lsa, zoonoz leyshmaniozi mayda kemiruvchi hayvonlardan yuqadi.

Kasallik qo'zgatuvchilarini Flebotomus avlodiga kira digan har xil iskabtopar chivinlar tarqatadi. Osiyodagi kasallik o'choqlarida Flebotomus papatasi turiga kira digan iskabtopar chivinlar epidemiologik jihatdan xavfli bo'lib hisoblanadi.

**Patologik anatomiysi.** Patologik jarayon kasallik qo'zgatuvchisining organizmga kirgan joyda proliferativ yallig'lanish o'chogi (leyshmanioz granulyoması) ko'rinishida boshlanadi. Leyshmaniozning avj olib borishida kasallikning *yashirin davri*, *proliferatsiya* (*papula*, *dö'mboqcha*, *infiltrat*) *davri*, *destruksiya-lanish* (*yara*) *davri* va *reparatsiya* (*chandiqlanish*) *davri* tafovut qilinadi. Teri leyshmaniozi har xil turlarining patomorfologiyasida ba'zi xususiyatlар bor. Chunonchi, shaharlarga xos teri leyshmaniozi uchun ko'proq polimorf hujayrali proliferativ yallig'lanishning ustun turishi xarakterlidir. Yallig'lanish infiltrati dastlabki 6–8 oy mobaynida gistiotsitlardan, epitelioid va ulkan hujayralardan iborat bo'lib turadi. Infiltratda leyshmaniyalar topiladi. Infiltrat sohasidagi teri epiteliysi asta-sekin yemirilib, po'st hosil qilib boradi. Yaralanish jarayoni mahalida infiltratda neytrofil leykotsitlar paydo bo'ladi. Birmuncha kechki muddatlarida (8-oydan keyin) infiltrat tarkibi o'zgaradi: limfold va plazmatik hujayralar ustun turadigan bo'lib boradi. Teri leyshmaniozining qishloqlarga xos bo'lgan zoonoz xilida yallig'lanish infiltrati birmuncha keng va chuqr bo'lib, teri unumlari va tomirlarga ham o'tadi. Jarayon teri osti kletchatkasigacha tarqalib boradi. Ushbu turdag'i teri leyshmaniozi uchun yallig'lanish infiltrati sohasida nekroz bo'lishi xarakterlidir. Nekrotik massalar ko'chib tushganidan keyin yaralar hosil bo'ladi. Yaqin atrofdagi joylarda vaskulitlar boshlanib, biriktiruvchi to'qima mukoid va fibrinoid bo'kish hodisasiga uchraydi, biroq, kasal joy batamom et olganidan keyin ham perivaskular limfogistotsilar infiltratlar va leyshmaniyalar uzoq vaqtgacha saqlanib qoladi.

Infeksiya yuqqan mahalda *leyshmaniozning diffuz-infiltrativ xili va tuberkuloid leyshmanioz* boshlanishi ham mumkin. Birinchi holda terida faqatgina diffuz gistiotsitar infiltratsiya paydo bo'lib, terining chuqr qatlamlariga juda sezilarli darajada shish keladi, limfoldplazmatik reaksiya bo'lmaydi. Leyshmaniozning tuberkuloid xili uchun epitelioid, limfold va plazmatik hujayralardan tashkil topgan tugunchalar xarakterlidir.

Leyshmaniyalar dastlabki kasallik o'choqlaridan limfa yo'llari bo'ylab regionar limfa tuguniga yetib borishi va u yerda do'mboqchalar hosil qilishi, limfangitlar va limfadenitlarga sabab bo'lishi mumkin. Teri leyshmaniozi tabiatan qaytalanib turadigan surunkali kasallik tusiga kirishi va chandiq sohasida mayda-mayda do'mboqchalar paydo bo'lishi bilan davom etib borishi mumkin.

**Klinik manzarsi.** Teri leyshmaniozining yuqorida aytilg'an hollari uchun kasallikning siklik tarzda o'tib borishi xarakterlidir. Teri leyshmaniozining klinik ko'rinishlari birlamchi leyshmanioma (ertangi, kechki leyshmanioma), diffuz-infiltrlovchi leyshmanioma va tuberkuloidni o'z ichiga oladi.

Teri leyshmaniozining shaharga xos xilida kasallikning yashirin davri 2—8 oy, goho 3—5-yilgacha boradi. Kasallik bir yil chamasi davom etadi. Bemorning umumiy ahvoli qoniqarli bo'ladi. Papulalar, do'mboqchalar ko'rinishidagi tashqi o'zgarishlar asta-sekin avj olib boradi, yaraalar yuza bo'ladi. Odatda 1—3 ta dumaloq shaklli yara hosil bo'lib, uning atrofida kattagina infiltrat yuzaga keladi (kasallikning boshidan hisoblaganda 10—13-oyma borib). Yaradan seroz-yiringli suyuqlik chiqib turadi. Hosil bo'ladigan chandiq oldiniga qizil bo'lsa, keyin oqarib boradi.

Teri leyshmaniozining qishloqqa xos xili og'irroq o'tadi. Kasallikning yashirin davri birmuncha qisqa (1—4 hafta) bo'ladi. Keyin do'mboqcha yuzaga kelib, tezgina o'sib boradida, chipqonga o'xshagan infiltratga aylanadi. Barvaqt nekrotik jarayonlar boshlanib, chuqur yaralar, do'mboqchalar hosil bo'lishi, limfangoitlar va limfadenitlar boshlanishi xarakterlidir. Yaralar bezillab turadigan, og'riydigan bo'ladi.

**Asoratlari.** Yaralarning atrofida saramasga o'xshab ketadigan o'zgarishlar ro'y berishi va limfangitlar boshlanishi xarakterlidir. Oyoq zararlanib, limfangitlar bo'lganida oyoq panjası, boldir juda sezilarli darajada shishib ketadi. Ikkilamchi infeksiya qo'shilgudek bo'lsa, kasallikning o'tishi og'irlashib qoladi.

## VISSERAL LEYSHMANIOZ

Visseral leyshmanioz (bolalar leyshmaniozi, ichki leyshmanioz, kala-azar va hokazo) barcha qitalarning tropik, subtropik va qisman mo'tadil iqlimli mintaqalarida tarqalgan. Asosan uchta turi bor: o'rta dengiz — O'rta Osiyo turi, hind turi va Sharqiy Afrika turi.

Shahrlar va qishloqlardagi kasallik o'choqlarida visseral leyshmanioz qo'zg'atuvchilarining rezervuarlari itlar, chiya bo'rilar, tuliklar, yumronqoziqlardir. Uning tarqatuvchilari esa har xil turdag'i iskabtopar chivinlar bo'lib hisoblanadi.

**Patologik anatomiysi.** Kasallik qo'zg'atuvchisi badan terisiga kirgan joyda birlamchi affekt — papula yuzaga keladi, unda leyshmaniyalar bo'ladi. Leyshmaniyalar papuladan regionar limfa tuguniga yetib borib, so'ngra limfa tomirlariga o'tadi, bu yerdan esa qon oqimiga tushib, kasallikning tarqalib borishiga sabab bo'ladi. Ichki organlar — taloq, jigar, ko'mik, limfa tugunlari, buyrak, o'pkadagi monotsitar-makrofagal sistema hujayralari leyshmaniyalarini

yutib oladi, shu narsa bu organlarning kattalashib borishiga olib keladi. Sistemaga dahldor endotelioz boshlanadi.

Taloq to'q qizil tusga kirib, asta-sekin kattalashib boradi. Eti qattiq bo'lishi bilan ajralib turadi. Ba'zan g'oyatda kattalashib, kichik chanoq bo'shlig'igacha tushib boradi. Kesib ko'rildiganida infarktlar ko'zga tashlanadi. Mikroskop bilan tekshirganida taloq limfov to'qimasi bilan pulpasining atrofiyaga uchragani ma'lum bo'ladi. O'sib ketgan biriktiruvchi to'qima orasida ichiga leyshamiyalar qalashib ketgan yirik hujayralarni ko'rish mumkin. Ko'mik giperemiya tufayli qizariq ketadi. Hujayralarining tarkibi promiyelotsitar bo'ladi.

Jigarda Kupfer hujayralari leyshmaniyarga to'lib-toshib ketadi, gipertrofiya tufayli jigar to'sinlari bosilib qoladi. Gepatotsitlarda yog'li va oqsilli distrofiya boshlanadi. Splenotoksik jigar sirrozi boshlanishi mumkin.

Buyrak, miokardda yog'li va oqsilli distrofiya manzarasi ko'zga tashlanadi. Leyshmaniyalar ingichka va yo'g'on ichaklar shilliq pardasining stromasiga joylashib olganida monotsitar-makrofagal sistema ishlamay qo'yadi, natijada ikkilamchi infeksiya qo'shilib, enterit va kolit avj olib boradi.

**Klinik manzarasi.** Inkubatsion davri o'rtacha 3-6 oy. Kasallikning o'tkir va surunkali tarzda o'tib boradigan xillari tafovut qilinadi. Kasallikning o'tkir tarzda o'tishi aksari yosh bolalarda kuzatiladi. Uning surunkali turi katta yoshdag'i bolalarda uchraydi.

Bu protozoy infeksiya uzoq davom etadigan notoq'ri isitma, zo'rayib boruvchi anemiya, leykopeniya va trombopeniya bilan o'tadi. Sust ifodalangan kolit, umumiy darmon qurishi, badan terisining kerib turishi xarakterlidir. Kasallikning 3—6 oyida taloq keskin kattalashib, qorin bo'shlig' ining ko'p qismini egallab olishi mumkin. Jigar, limfa tugunlari kamroq darajada kattalashadi. Moddalar almashinuvi ancha izdan chiqib, parenximatoz organlarda distrofik jarayonlar boshlanadi. Kasallikning keyingi davrlarida shishlar paydo bo'lib, gemorragik sindrom boshlanadi —petexiyalar yuzaga kelishi, burun, milklardan qon ketib turishi shular jumlasidandir.

**Asoratlari.** Ko'pincha kasallikning keyingi davrlarida sezilarli leykopeniya borligi ustiga boshlanadi. Ikkilamchi bakterial infeksiyaning qo'shilishi yiringli-yallig'lanish va nekrotik jarayonlar: piodermiya, bronxopnevmoniya, flegmonoz va nekrotik angina, enterit va enterokolit boshlanishiga olib keladi.

## SEPSIS

*Sepsis (lotincha chirish degan so'zdan olingan) nospetsifik infektsion kasallik bo'lib, organizm reaktivligi aynab qolgan sharottlarda mahalliy infekcion jarayonlar, infekcion va noinfekcion kasalliklarning asorati tariqasida boshlanadi. Sepsis infeksiya o'chog'idan qon tomirlar sistemasiga mikroorganizmlar va toksinlarning timmay yoki vaqt-bavaqt tushib turishi oqibatida avj olib boradi va etiologiyasi, patogenezi, patologik anatomiysi, shuningdek klinikmorfologik xususiyatlarga ko'ra boshqa hamma umumiy infektsion kasalliklardan keskin farq qiladi.*

1. Sepsis polietiologik kasallikdir, chunki har xil mikroorganizmlar, jumladan saprofitlar tufayli ham boshlanishi mumkin va yuqumli kasallik bo'lib hisoblanmaydi.

2. Kasallik qo'zg'atuvchisining tabiatidan qat'i nazar, uning ko'rinishlari, belgi-alomatlari bir xil bo'lib qolaveradi, bu — infektning nechog'lik tarqalganiga va organizmning noadekvat reaktsiyasiga bog'liq. Sepsis sikl bilan o'tmaydi, ya'ni uning tayinli bir yashirin davri, avj olib borish bosqichlari va tugallanish mudatlari yo'q.

3. Sepsis, ko'pchilik infektsion kasallikkarda bo'lganidek, faqat uning o'ziga xos, ya'ni spetsifik bo'lgan umumiyligi va mahalliy morfologik o'zgarishlarni keltirib chiqarmaydi. Ro'y beradigan morfologik o'zgarishlar turli mahalliy yallig'lanish jarayonlarida ham uchrayveradigan bo'ladi.

4. Sepsisda immunitet yuzaga kelmaydi va giperergik reaktsiya ustun turadi.

5. Sepsis hamisha ham qanday bo'lmasin biror mahalliy yallig'lanish jarayoni yoki umumiyligi infektsion kasallik asorati bo'lib hisoblanadi, ya'ni patogenetik jihatdan oldin bo'lib o'tgan boshqa kasallikkarga bevosita bog'liq bo'ladi.

**Etiologiyasiva patogenezi.** Sepsis qo'zg'atuvchisi juda xilma-xil mikroorganizmlar bo'lishi mumkin, aksari yiring tug'diruvchi va anaerob bakteriyalar dan iborat bo'ladi. Stafilokokklar, streptokokklar, ichak tayoqchasi, pnevmokokklar, meningokokklar, ko'k yiring tayoqchasi, Klebsiella, Protey, anaeroblar, zamburug'lar, viruslar ham sepsis qo'zg'atuvchilari sifatida tasvirlangan.

Sepsisning ayj olib borishi hamma hollarda ham organizm ichki muhitiga mikroorganizmlar va toksinlari o'tganiga bog'liq bo'ladi. Ayni vaqtida *sepsis ning darvozasi*, ya'ni kasallik qo'zg'atuvchisining kirgan joyi (masalan, shikastlangan teri yoki shilliq parda) va *sepsis o'chogi*, ya'ni kasallik qo'zg'atuvchisi ko'payib, yallig'lanish o'chog'ini paydo qilgan joy tafovut qilinadi. Jarayon sepsis o'chog'idan gematogen yoki limfogen yo'l bilan tarqalib boradi, bu narsa limfangit, limfadenit yoki tromboz boshlanishi bilan birga davom etishi mumkin. Keyinchalik metastatik o'choqlar ham paydo bo'lishi mumkin, asosan jarayon gematogen yo'l bilan tarqalib, bakteriemiya boshlanganida shunday hodisa ro'y beradi.

Sepsisning avj olib borishida immunitetning aynashi va spetsifik himoya omillarining buzilishi muhim o'rinda turadi. Ayni vaqtida: 1) leykositlar xemotaksisi susayib, neytrofillarning fagotsitar faolligi pasayib qoladi; 2) limfotsitlarning faolligi ham susayib; 3) immun antitelolar ishlanib chiqishi kamayadi.

Anemiya, shok, gipovitaminoz, intoksikatsiya, moddalar almashinuvining buzilishi, endokrin bezlar funktsiyasining izdan chiqishi va boshqalar immunitet tanqisligi holati boshlanishiga yo'l ochadi. Kasallik qo'zg'atuvchisining turi, biologik xususiyatlari, infektning ko'pligi, shuningdek proteazalar faolligining kuchayishi sepsis patogenezining muhim halqasidir. Proteazalar, bir tomonidan, organizm intoksikatsiyasiga olib borsa, ikkinchi tomonidan, turli organ va to'qimalarda nekroz o'choqlarini paydo qilib, qonning ivituvchi va fibrinolitik

sistemalarini faollashtiradi va ikkilamchi fibrinoliz boshlanishiga hamda qonning tomirlar ichida ivib qolishiga sabab bo'ladi (DVS-sindromi).

Kasallik qo'zg'atuvchisining mikrosirkulyatsiya tomirlari o'zanida to'planib borishi bir talay infeksiya mikroo'choqlari yuzaga kelib, mikrosirkulyatsiyining izdan chiqishiga olib keladiki, sepsis patogenezida shu narsa ham muhim o'rinni tutadi. O'pka, jigar, buyrak, yurak-tomirlar sistemasi funksiyalarining buzilishi, oqsillar va uglevodlar almashinuvining izdan chiqishi ham sepsis patogenezida katta ahamiyatga ega.

Sepsis mahalida ko'pchilik hollarda bir talay metastatik o'choqlar, yallig'lanish o'choqlari yuzaga keladi, bular tabiatan abssesslar, septik infarktlar, yiringli serozitlar (plevrit, perikardit, peritonit, artritlar, meningitlar) tarzida bo'ladi.

Metastatik o'choqlar tromboflebit bo'lgan mahalda ham, bo'lмаган mahalda ham yuzaga kelishi mumkin. Metastatik o'choqlarning hosil bo'lishi mikroblarning intravaskular tarzda ko'payishidan boshlanadi. Bular shu tariqa ko'payib borganida nekrozlar paydo bo'lib, tomirlar devori yiringlab iriydi. So'ngra perivaskular modda paydo bo'ladi.

Bakteriya tiqilib qolgan mahalda infarkt boshlanib, unga emboldan mikroblar o'tadi va nekrotik massalarning irib, qoshni to'qimalar bilan chegarada demarkatsion chiziq paydo bo'lishiga olib keladi.

Yiringleshning metastatik o'chog'i sifatida septik endokardit boshlanishi mumkin. Bunda chap yurak qopqoqlari ko'proq zararlanadi. Yallig'lanish yurak qopqog'i to'qimasining chuqur nekrozga uchrashi va trombotik karashlar paydo bo'lishi bilan birga davom etib boradi. Bunday karashlarda mikrob koloniyalari bo'ladi.

Yiringleshning metastatik o'choqlari yirik va mayda arteriyalarning devorlarida ham paydo bo'lib, yiringli nekrotik vaskulitlar boshlanishiga va anevrizmalar yuzaga kelishiga olib boradi.

**Sepsisning tasnifi.** Sepsis klinik jihatdan qanday o'tishiga, infeksiya darvozasining, sepsis o'chog' ining qayerdaligiga, shuningdek patologoanatomik o'zgarishlarning tabiatiga qarab bir necha xillarga bo'linadi. Qo'zg'atuvchisining turiga qarab: *bakterial, zamburug'li va virusli sepsis* tafovut qilinadi va hokazo. Infeksiya darvozasi va sepsis o'chog'ining olgan joyi va qanaqaligiga qarab sepsisning quyidagi turlari ajratiladi:

1) *jarrolikka aloqador*, 2) *terapeutik*, 3) *urologik*, 4) *akusher-ginekologik sepsis*, 5) *rinogen*, 6) *oral (stomatogen)*, 7) *tonzillogen*, 8) *kindikka aloqador*, 9) *angio-gen*, 10) *criptogen sepsis*, 11) *otogen*.

Klinik-morfologik belgilariiga asoslanib sepsisning to'rtta klinik-anatomik xillari tafovut qilinadi: 1) *septisemiya*; 2) *septikopiemiya*; 3) *cho'ziladigan septik endokardit*; 4) *xroniosepsis*.

**Patologik anatomiyasi.** *Septisemiya* sepsisning eng xavfli turi bo'lib, yashindek tez, juda o'tkir va o'tkir xillarini o'z ichiga oladi. Uning uchun sezilarli daramada zaharlanish hodisalarini boshlanishi yiringli metastazlar bo'lmasligi va kasal-

likning tez o'tishi xarakterlidir. Septisemiyadan o'lgan kishilar murdasi yorib ko'rilganida sepsis o'chog'i odatda bo'lmaydi yoki sust ifodalangan bo'ladi. Gemoliz munosabati bilan ko'z oqlari va badan terisi sarg' ayib turadi, badan terisida petexial toshma ko'rinishida gemorragik sindrom ko'zga tashlanadi, seroz pardalar bilan shilliq pardalarga qon quyilgan, parenximatoz organlarda interstisial yallig'lanish boshlangan bo'ladi. Septisemiyani ajratib turadigan xususiyati shuki, unda allergik vaskulitlar boshlanishi mumkin.

*Septikopiemya* sekinlik bilan o'tadi va kamroq xavfli bo'lib hisoblanadi. Bu xildagi sepsisning asosiy belgisi infeksiya kirgan joylarda yiringli jarayonlar boshlanib, bakterial emboliya yuzaga kelishi munosabati bilan ko'pgina organ va to'qimalarda metastatik yiringli o'choqlar paydo bo'lishidir. Septikopiemyada sepsis o'chog'inining olgan joyi va morfologiyasi juda har xil (septik endometrit, septik jarohat, septik o'pka infarktlari, plevra empieması, surunkali osteomielit tarzida) bo'lishi mumkin. Aslida har qanday yallig'lanish jarayoni ham ana shunday o'choq bo'lib qolishi mumkin. Sepsis o'chog'idan qon olib ketuvchi venalarda ko'pincha tromboflebit boshlanadi, bunday tromboflebit ba'zan metastatik yiringlash o'choqlari bilan bog'langan bo'ladi (trombobakterial emboliya). Mana shu hollarning hammasida ham tromblar vena devorlaridan o'tgan yoki trombotik massalarda ko'payib borayotgan mikroblarning fermentlari ta'siri ostida iringlashi mumkin.

Sepsisdan o'lgan odam murdasi yorib ko'rilganida qonning to'qimalarda suyuq bo'lib turgani, uning barvaqt gemolizga uchrab, intimaga ham o'tib ketgani (imbibitsiya) topiladi. *Taloqda* hammadan tipik o'zgarishlar ko'zga tashlanadi. U 2–3 baravar kattalashib (og'irligi 400–500 g ga yetib qoladi), juda ilvillab turadi. Kesib ko'rilganida yuzasidan bir talay qirma chiqishi xarakterlidir (septik taloq). Mikroskop bilan tekshirib ko'rilganida taloq pulpasida yemirilib bora-digan segment yadroli leykositlarning to'planib qolgani, monotsitar-makrofagal hujayralarining proliferatsiyasi, miyeloz o'choqchalari va bir talay plazmatik hujayralar topiladi. Limfa tugunlari, bodomcha bezlari, ichakning follikulyar apparati bir qadar kattalashadi. Mikroskop bilan tekshirib ko'rilganida sinuslarda katar boshlanib, retikulyar hujayralarning ko'chib tushgani, miyeloz o'choqchalari, qon to'lib ketganligi topiladi. Bodomcha bezlarning kriptalari ko'pincha yiring-simon suyuqlik bilan to'lib turadi, bezlar to'qimasi yumshoq, sershira bo'ladi. Parenximatoz organlar miokard, jigar, buyraklarda sezilarli distrofik o'zgarishlar topiladi, shunga ko'ra bu organlar ilvillagan, to'qimasining rangi xiralashgan, oqish, bo'rtib chiqqan bo'ladi. Mikroskop bilan tekshirib ko'rilganida oqsil va yog'li distrofiya manzarasi, nekrobioz va nekroz o'choqlari ko'zga tashlanadi. Distrofik o'zgarishlardan tashqari, parenximatoz organlarda diffuz yallig'lanish jarayonlari — septik gepatit, miokardit, nefrit (interstisial nefrit yoki glomerulo-nefrit) boshlanishi mumkin.

*Buyrak usti bezlari* ro'y beradigan o'zgarishlar ancha doimiy bo'ladi: bu bezlar po'stloq qismining bo'rtib, kulrang tusga kirishi, unga qon quyilishi, ba'zan

anchagina qon quyilishi va miya qatlamida bo'shliqlar hosil bo'lishi shular jumlasidadir. Mikroskop bilan tekshirib ko'rildigida bez postloq qismidagi hujayralarda lipoidlar kamayib qolgani, distrofik, nekrobiotik va nekrotik o'zgarishlar ro'y berib, stazlar boshlangani, qon quyilib qolgani ma'lum bo'ladi. Seroz pardalarda — endokard, plevra tagida, shuningdek me'da-ichak yo'lining shilliq pardasida mayda-mayda qontalashlar paydo bo'ladi. Septikopiemiya aksari yiring topplangan moddalar qayta-qayta takrorlanib, oylab davom etadigan va bemorni tobora holdan toydirib boradigan surunkali sepsis tusiga kiradi. Septikopiemiya uchun yiringli tromboflebit va septik endokardit xosdir.

*Jarrohlikka aloqador sepsis*, shuningdek badan terisi va kletchatkadagi o'choqli va tarqoq yiringli jarayonlar (furunkullar, karbunkullar, flegmona, ichki organlardagi abscesslar) natijasida boshlanadigan sepsis alohida guruhni tashkil etadi, jarrohlikka aloqador sepsisda infeksiyaning kirish darvozasi bo'lib jarohat hisoblanadi.

*Terapevtik sepsis* infektsion kasalliklar — tiflar, skarlatina, pnevmoniya mahalida yoki bularning oqibatida boshlanadi. *Kriptogen sepsisining asosiy qismi* ham shu guruhga kiradi. *Urologik sepsisida* yiringli pielonefrit, yiringli jarayonlar boshlangan buyrak, shuningdek siyidik yo'llari infeksiya darvozasi bo'lib xizmat qiladi (buyrak shikastlanib, yiringlagan, qovuqda sistit va boshqa yallig'lanish jarayonlari bo'lganida). Urosepsisga 80 foizdan ko'ra ko'proq hollarda ichak tayoq-chasi sabab bo'ladi, ya'ni bu kasallik koliseptis tariqasida o'tadi.

*Akusher-ginekologik sepsis* ayollar jinsiy organlarida oldindan yallig'lanish jarayoni bo'lgan mahallarda boshlanadi. U yashirinchabtida abort, tug'ruq asorati tariqasida (chilla davri sepsisi), surunkali salpingit asorati tariqasida boshlanishi mumkin. Ichki jinsiy organlarning xavfli o'sma paytlarida ham ba'zan sepsis boshlanadi. Yashirin abort oqibatida yiringli yoki chirik endometrit boshlanib, jarayon aksari miometriy va fallopiy naylari shilliq pardasiga ham otishi mumkin. Bunda bachardon va parametriy venalarida yiringli tromboflebit boshlanadi. Abort va tug'ruqlardan keyin uchraydigan sepsis yashinday tez o'tadigan bo'lishi mumkin, shunday hollarda uning morfologik belgilari aniq-ravshan bilinmaydigan bo'ladi. Abortdan keyin yiringli endometrit ustiga boshlanadigan juda o'tkir sepsisda ba'zan septikopiemiya avj olib, buyrak ustti bezlari va buyraklarda yiringli metastazlar paydo bo'ladi. Boshqa hollarda chirik endometrit mahalida ikkala buyrak ustti beziga, miyaning stvol qismiga bir talay qon quyilib qolgani topiladi, qon aylanishida og'ir o'zgarishlar bo'lib o'tgani ko'riladi.

*Otogen sepsis* yiringli otitning asorati bo'lib, jarayonning nog'ora bo'shlig'i devorlariga, so'rg'ichsimon o'simtaga tarqalishi, osteomielit boshlanishi bilan birgalikda davom etib boradi. Sepsisdan avval odatda sigmasimon sinus, goho qattiq miya pardasidagi boshqa sinuslar, yumshoq miya pardalari venalari, ichki bo'yinturuq venasida tromboz bo'lib o'tadi. Jarayon aksari tabiatan ixoroz bo'lishi mumkin.

*Rinogen sepsis* burun yordamchi bo'shlqlaridagi o'tkir yallig'lanish, burun furunkullari va travmalarining asorati tariqasida yuzaga keladi, surunkali gaymorit, etmoidit, frontit asorati bo'lishi ham mumkin. Sepsis boshlanishidan oldin burun va yordamchi bo'shlqlaridan qon olib keladigan venoz kollektorlarda tromboz bo'lib o'tadi. Ko'pincha g'orsimon va uzunasiga ketgan ustki sinus zararlanadi.

*Oral (stomatogen) sepsis* tishlar pulpasida, ildiz yoni granulyomalari bilan davom etayotgan yallig'lanish jarayonlariga stomatit jag' suyaklari osteomielitiga aloqador bo'ladi. Og'iz bo'shligida boshlangan jarayon aksari yiringli, gangrenoz tusga kiradi. Otogen, rinogen va stomatogen sepsislarning patologik anatomiyasi bir-biriga o'xshash, odatda tromboflebit bilan birgalikdagi ishemiya uchraydi, o'pka va katta qon aylanish doirasidagi organlarda bir talay yiringli, aksari gangrenoz metastatik o'choqlar bo'ladi.

*Tonzillogen sepsis* nisbatan kam uchraydi va bodomcha bezlaridagi yallig'-lanish jarayonlarining asorati tariqasida angina mahalida, surunkali tonzillit qo'zib qolgan paytlarda, shuningdek bu kasalliklarning retrotonzillyar, parafaringeal absesslari va boshqalar ko'rinishidagi asoratlari mahalida boshlanadi. Bu jarayonlar bo'yin limfadeniti, ba'zan bo'yinturuq venasi tromboflebiti bilan birga davom etib boradi (juda o'tkir septisemiya va septikopiemiya).

*Angiogen sepsis* birlamchi infeksiya o'chog'ining tomirlar ichida bo'lishi bilan ta'riflanadi va odatda tomirlarning ichini asboblar bilan tekshirish, tomirlarda qilingan operatsiyalardan keyin, venalarga kateter solinganidan keyin shu muolajalarning asorati tariqasida boshlanadi.

Ba'zan (10 foiz hollarda) septik o'choqningborligini aniqlab bo'lmaydi. Ana shunday *sepsisni kriptogen sepsis* deyiladi.

Kasallik qo'zg'atuvchisining turiga qarab bakterial sepsis, mog'orlar va viruslarga aloqador sepsis tafovut qilinadi. Bakterial sepsislardan streptokokklar, stafilocokklar, pnevmokokklar anaerob, chirituvchi bakteriyalarga aloqador sepsislardan hammadan katta ahamiyatga ega.

*Streptokokklarga aloqador sepsis* bu kasallikning juda o'tkir, yashinday tez o'tib, septisemiya tarzida davom etib boradigan xillarida kuzatiladi. Goho septikopiemiya shaklida o'tishi mumkin. Antibiotiklar rasm bo'lmasidan avval bu kasallikdan o'lish hollari 65 foizga borar edi.

*Stafilocokklarga aloqador sepsis* piemiya ko'rinishida o'tib, ko'pincha tromboflebitlar boshlanishiga va bir talay metastatik yiring o'choqlari paydo bo'lishiha olib boradi. Metastazlar ba'zan mikroabsesslar tusida bo'ladi, yarali endokardit ham ko'p uchrab turadi. Sepsisning bu turi surunkali shaklga kirib to'lqinsimon bo'lib o'tishi mumkin (vaqt-vaqtida qo'zib, metastazlar berib turadigan bo'lib).

*Pnevmonokklarga aloqador sepsis* pnevmoniyalar paytida parainfeksiya tariqasida boshlanadi, yiringli otitlar, rinitlar, endokarditlar, yiringli meningit, plevrit, peritonit asorati ham bo'lishi mumkin.

*Anaerob sepsis* kasallikning juda kam uchraydigan xilidir. Anaerob gangrena qo'zg'atuvchilar sabab bo'ladi. Septisemiya tarzda juda og'ir o'tadi, ko'pincha pirovardida gemoglobinuriyali nekroz va uremiya boshlanadigan gemoliz bilan birga davom etib boradi. Anaerob sepsisning manbalari jarohatlar, yashirin abort natijasida boshlangan endometrit, xolesistit, appendisitdir. *Chirituvchi bakteriyalarga aloqador sepsis* fuzospiroxeta florasini tufayli boshlanadi. Odamda chirik septikopiemiya tarzida o'tadi. Mahalliy jarayonlar o'pka gangrenasi, putrid bronxoektaqlar bu sepsisning o'choqlari bo'lib hisoblanadi.

**Klinik o'tishiga** qarab sepsisning mana bunday xillari ajratiladi:

- 1) yashindek tez o'tib, o'limga olib boradigan (2 kun ichida) sepsis; 2) o'tkir;
- 3) yarim o'tkir; 4) surunkali; 5) qaytalanadigan sepsis; 6) surunkali sepsis;
- 7) sepsis lenta.

Sepsisning klinik o'tishi infeksiyaning klinik-anatomik xiliga bog'liq. Sepsisning yashinday tez o'tadigan xili (septisemiya)da kasallik shiddat bilan avj olib borib, tez orada infektsion-toksyk shok boshlanadi. Bemorlarning nobud bo'lishi kasallikning boshidan hisoblaganda aksari 1—3 kuni kuzatiladi. O'tkir sepsisda gektit tarzda harorat ko'tarilib, bemor juda holsizlanadi, badan terisi sarg'ayib, mayda-mayda qontalashlar paydo bo'ladi, jigar va taloq kattalashib, oliguriya, o'choqli pnevmoniya boshlanadi. Sepsisning piemik xilida ko'pgina organlarda metastatik absesslar paydo bo'ladi. Sepsis bilan og'rigan kasallarda kuzatiladigan infektsion psixozlarga asosan toksik ensefalopatiya sabab bo'ladi. Es-hushing yemirilishi degan sindrom ham boshlanishi mumkin.

Sepsisiga xos bo'lgan klinik belgilari sepsisdan boshqa mahallarda, masalan, cheklangan yiringli jarayonlar paytida, ayniqsa yiring turib qolgan mahallarda kuzatilishi mumkin. Sepsis uchun xarakterli bo'lgan bakteriemiya ko'pgina infektsion kasalliklarda ham kuzatiladi.

**Asoratlari.** Sepsisning kasallik oqibatini belgilab beradigan asosiy oqibatlarining jumlasiga buyrak-jigar yetishmovchiligi, nafas, yurak-tomirlar yetishmovchiligi, tromboemboliya, pnevmoniya, endokardit kiradi. Bunday asoratlarning paydo bo'lishi intoksikatsiya va jarayonning tarqalib ketganiga bog'liqdir.

Sepsisning eng dahshatli asorati — septik shok.

## X Bob

### I R S I Y K A S A L L I K L A R

#### POLIGEN KASALLIKLAR

#### MONOGEN KASALLIKLAR

Autosom-dominant tarzda

naslga o'tadigan kasalliklar

*Marfan kasalligi*

*Oilaviy gipercolesterinemiya*

*Tarqoq neyrofibromatoz*

*(Reklingrauzen kasalligi)*

Autosom-resessiv tarzda

naslga o'tadigan kasalliklar

*Kistoz fibroz*

*Fenilketonuriya*

*Galaktozemiya*

*Albinizm*

*Vilson kasalligi*

*Glikogenozlar*

Lizosomal to'planish kasalliklari:

*Goshe kasalligi*

*Nimann — Pik kasalligi*

*Tey — Saks kasalligi*

*Mukopolisaxaridozlar*

X-xromosoma bilan tutashib, resessiv  
va dominant tarzda naslga o'tadigan  
kasalliklar

#### XROMOSOMA KASALLIKLARI

*Daun kasalligi*

*Klaynfelter sindromi*

*Shereshevskiy-Terner sindromi*

*Irsiy kasalliklar jumlasiga xromosoma va gen mutatsiyalari tufayli paydo bo'ladi*gan kasalliklar kiradi. Bu kasalliklar odamotga juda qadim zamondardan beri ma'lum, lekin inson ularning sir-asrorini faqat so'nggi o'n yilliklar mobaynida bilib oldi. Irsiyatni tashib yuruvchi modda — DNK, kodlanish mexanizmlarining kashf etilishi irsiy kasalliklar paydo bo'lishida mutatsiyalar qanday ahamiyatga ega ekanligini tushunib olishga imkon berdi.

Irsiyat birligi gendir, irsiy axborot shu gen yordamida hujayradan hujayraga o'tib boradi. Genlar DNK dan tuzilgan bo'lib, xromosomalarda joylashgan. Har bir genda DNKmolekulasiagi purin va pirimidin nukleotidlarning o'ziga xos alohida bir tartibda joylashuvi ko'rinishida kodlangan axborot bo'ladi, bu axborot, ya'ni o'sha nukleotidlarning DNKmolekulasida joylashish tartibi va tarzi boshqa hechbir genda takrorlanmaydi. Genetik axborotning birligi uchta yondosh nukleotiddan tashkil topgan tuzilma — kodondir; har bir kodon polipeptid zanjirining bitta aminokislotasini belgilab beradi. Shunday qilib, irsiy, ya'ni genetik kod uch qismdan tarkib topgan, ya'ni tripletdir.

Kodlangan axborot gen DNK sidan informatsion RNK degan modda yordamida molekulaga «ko'chirib yoziladi», RNK hujayra yadrosida sintezlanib, keyin sitoplazmaga, endoplazmatik to'r ribosomalariga otadi. Bu yerda uning molekulalari 5—10 ta ribosoma molekulalari bilan birikib, poliribosomalar hosil qiladi va u yoki bu ferment yoki ma'lum bir oqsil sintezi uchun bir nav qolip, ya'ni matrisa rolini o'ynaydi. Aminokislolar oqsil sintezida ishtirok eta oladigan

bo'lishi uchun ular adenozintrifosfat (ATF) yordamida «faol holga o'tkazilishi», so'ngra esa akseptor molekulalarga (transport RNK ga) birikishi kerak.

Shunday qilib, dastlab DNK da nukleotidlarning maxsus tarzda joylashuvi ko'rinishida kodlangan axborot RNK nukleotidlarining o'ziga xos tartibda, maxsus tarzda joylashuviga olib keladi, ya'ni *transkripsiya* hodisasi bo'lib o'tadi, so'ngra oqsil molekulasidagi aminokislotalarning ma'lum tartibda joylashuvi qaytadan kodlanadi, *translatsiya* deb shuni aytildi.

Genetik materialning asosiy xususiyatlari shundan iboratki, u axborotni olib yuruvchi modda bo'lib, yuqorida aytigelganlardan ko'rinishi turganidek, o'z-o'zini qaytadan yuzaga keltira oladi. Umuman aytganda, genlar hayron qolarli darajada barqaror bo'ladi va odatda, o'zgarmagan holda keyingi avlodlarga o'tib bora-di. Biroq, vaqt-i vaqt bilan ularda har xil sabablarga ko'ra o'zgarishlar ro'y berib qoladi, mutatsiyalar deb shuni aytildi. Mutatsiyaga uchragan ana shunday yangi shakldagi gen odatda unchalik barqaror bo'lmaydi va yangi o'zgarishlarga ham boshqa genlar kabi unchalik yaxshi berilmaydi.

*Mutatsiyani genetik axborotning to'satdan o'zgarib qolishiga olib keladigan irsiy o'zgarish deb atash mumkin.* Mutatsiyalarning xromosoma mutatsiyalari deb ataladigan ba'zi turlari xromosomalar tuzilishida sezilarli o'zgarishlar ro'y berishi bilan birga davom etib boradi. Bu o'zgarishlar xromosomadan qanday bo'lmasin biror qismining yo'qolib ketishi (yetishmasligi yoki deletsiya) yoxud ikki baravar ko'payib, ikki nusxa bo'lib qolishi (duplikatsiya) dan iborat bo'lishi mumkin. Xromosoma tuzilishining o'zgarishi xromosomadan qanday bo'lmasin biror qismining uning boshqa joyiga o'tib qolishi, ya'ni translokatsiyadan iborat bo'lishi ham mumkin. Niroyat, xromosomaning qanday bo'lmasin biror qismi o'zining o'sha joyida turgani holda 180° ga buralgan bo'lishi mumkin (inversiya).

Gen mutatsiyalari yoki nuqta-nuqta mutatsiyalar molekula tuzilishidagi shunday kichik o'zgarishlar bilan aloqador bo'ladi, ularni mikroskop ostida ham ko'rib bo'lmaydi. Ular DNK molekulasi ma'lum qismidagi nukleotidlar tartibining o'zgarib qolganiga, aksari u yoki bu kodondagi biror nukleotidning boshqa nukleotid bilan almashinib qolganiga bog'liq bo'ladi.

Mutatsiyaga olib keladigan sabablar xilma-xildir. Har xil turdag'i ionlashtiruvchi nurlar, rentgen nurlari bilan kosmik nurlar, ba'zi kimyoviy moddalar (iprining azotli analoglari, formalin, alkillovchi moddalar), ultrabinafsha nurlar mutatsiyaga sabab bo'lishi mumkin, mutagenlar deb ana shunday omillarni aytildi.

Irsiy kasallikkarni o'rganishda ularni *tug'ma* va *oilaviy kasallikkardan* aniq farq qilmoq kerak.

*Tug'ma* kasalliklar — *bolada tug'ilishdan bo'lgan kasallikkardir.* Ular irsiy omillarga ham, ekzogen sabablarga ham bog'liq bo'lishi mumkin. Masa-lan, *tug'ma* zaxm irsiy sabablarga aloqador kasallik bo'lib hisoblanmaydi. Ba'zi *tug'ma* rivojlanish nuqsonlari embrionga, ekzogen omillar (radiatsiya, kimyoviy birikmalar, virusli infeksiyalar) ta'siriga bog'liq bo'ladi. Ikkinci tomondan, irsiy kasalliklarning hammasi ham tabiatan *tug'ma* bo'lavermaydi, boshqacha aytgan-

da, ular bola tug'ilishi bilan darrov ma'lum bo'lavermaydi. Masalan, Getington xoreyasi irlsiy kasallikdir, lekin u odam 40 yoshdan oshganidan keyin boshlanadi. Oilaviy *kasalliklar jumlasiga nafaqat irlsiy omillar, balki oilaning turmush sharoitlari yoki kasb-koriga doir ana'nalari tufayli paydo bo'ladigan kasalliklar* kiradi.

Irsiy kasalliklar keng tarqalgan. Hozir ularning ikki mingdan ortiqroq turi ma'lum. Bolalar o'limining sabablari orasida irlsiy sabablarga aloqador o'lim hollari 42 foizni tashkil etadi. Homiladorlikning birinchi uch oyi davomida ko'rildigan bola tashlash hollarining yarmisi xromosoma o'zgarishlariga bog'liqidir.

Insonda uchraydigan barcha kasalliklar irlsiy va ekzogen omillarning roliga, etiologiyasi va patogeneziga qarab, ananaviy ravishda uch guruhga bo'linadi.

*Birinchi guruhga* genetik yol bilan belgilangan kasalliklar, ya'ni patologik mutatsiyalarga aloqador irlsiy kasalliklar kiradi. Bunda ekzogen omillar kasallikning paydo bo'lishiga aslida ta'sir o'tkazmaydi. Xromosoma va genlarga aloqador hamma irlsiy kasalliklar, masalan, Daun kasalligi, fenilketonuriya, gemo-filiya, mukopolisaxaridozlar kasalliklarning shu guruhiha kiradi.

*Ikkinci guruh* ham etiologiyasi xromosoma va gen mutatsiyalariga aloqador bo'lgan kasalliklarni birlashtiradi-yu, lekin mutant genlarning namoyon bo'lishida tashqi muhit omillari muhim rol o'ynaydi.


Podagra, qandli diabetning ba'zi shakllari, giperlipoproteinemiya ana shunday kasalliklar jumlasidandir.

*Uchinchi guruhga* asosan va nuqul tashqi muhitning noqulay va zararli omillari ta'sirida boshlanadigan kasalliklar kiradi. Biroq, ularning nechog'lik ko'p uchrashi, qanchalik og'ir o'tishi odamning irlsiy moyilliigiga bog'liq bo'ladi. Bu guruhdagi kasalliklar jumlasiga, masalan, gipertoniya kasalligi va ateroskleroz, me'da yara kasalligi, allergik, infektsion kasalliklar kiradi. Avvallari infeksion kasallikning paydo bo'lishi hamisha va faqat mikrobiologik omilga bog'liq deb hisoblanar edi. Lekin hozirgi vaqtida infektsion jarayon boshlanishida irlsiyatga aloqador immun sistema ahamiyatining roli muhim ekanligi aniqlangan. Odamning qanday bo'lmasin biror kasallikka yuqori darajada sezgirligi yoki moyilligini ko'p jihatdan immun sistema belgilaydi.

Irsiy kasalliklar uchta asosiy guruhga bo'linadi (86-rasm):

- 1) poligen (multifaktorial) kasalliklar yoki irlsiy moyillik tufayli boshlanadigan kasalliklar;
- 2) asosan gen mutatsiyalari tufayli paydo bo'ladigan monogen kasalliklar;
- 3) xromosomalardagi o'zgarishlar yoki qismlarining boshqacha tuzilishi munosabati bilan paydo bo'ladigan xromosoma kasalliklari.

## IRSIY KASALLIKLAR



86-rasm. Asosiy irsiy kasalliklar tasnifi.

## POLIGEN KASALLIKLAR

Poligen (multifaktorial) kasalliklar yoki irsiy moyillik tufayli boshlanadigan kasalliklar. Bularning paydo bo'lishi genlar (poligen sistema) va atrofdagi muhit omillarining birga ta'sir ko'rsatishiga bog'liq. Poligen kasalliklar jumlasiga diabet, gipertenziya, podagra, shizofreniya, maniakal depressiv sindrom, tug'ma yurak kasalliklarining tegishli boblarda tasvirlangan ba'zi xillari kiradi.

## MONOGEN KASALLIKLAR

*Asosan struktura genlari mutatsiyasiga bog'liq bo'lgan monogen kasalliklar Mendel qonuniga to'la muvofiq ravishda nasldan-naslga o'tadi, shuning uchun ularni Mendel kasalliklari deb ham aytildi. Bu kasalliklarning soni 4000 dan ortadi. Resessiv, dominant va xromosoma (jinsiy) bilan tutashgan genlar tafovut qilinadi. Mazkur individda bir genlarning o'zi ikkita boladigan bo'lsa, bunday genlarni resessiv genlar deb aytildi. Dominant genlar esa bitta bo'lgan taqdirda ham o'zini namoyon qiladigan genlardir. Mazkur organizmda tamomila bir xil gendan ikkita bo'lsa (masalan, qora rang geni ikkita bo'lsa), u holda bu organizmni gomozigot yoki mazkur belgisi bo'yicha «sof» organizm deyiladi. Bordiyu, unda bitta dominant va bitta resessiv gen bo'lsa, u vaqtida bu organizmni geterozigot yoki duragay organizm deb aytildi. Mana shu atamalardan foydalanib turib, dominant va resessiv genga birmuncha to'laroq tarif berish mumkin. Retsessiv gen — faqat gomozigot holatda namoyon bo'ladigan gendir, dominant gen*

*esa gomozigot holatda ham, geterozigot holatda ham o'z ta'sirini namoyon qilaveradi.*

Genlar xromosomalarda jam bo'lib, muayyan tartibda joylashadi. Har bir hujayrada har bir toifaga mansub ikkita xromosoma bo'ladi. Jinsiy xromosomalalar shu umumiy qoidadan istisnodir. Ayollarda X xromosoma (XX) deb ataladigan ikkita o'xshash xromosoma bo'lsa, erkak jinsiga mansub individlarda faqat bitta X xromosoma va yana Y xromosoma deb ataladigan, birmuncha kichik jinsiy xromosoma bo'ladi. Shunday qilib, erkaklarda 22 juft odatdag'i xromosoma (yoki autosomo) va yana bitta X xromosoma va bitta Y xromosoma bor, ayol kishida esa 22 juft odatdag'i xromosoma va yana ikkita X xromosoma bo'ladi.

Odam X xromosomasining tarkibida genlar ko'p, holbuki, Y xromosomada ular juda kam bo'lib, bular asosan erkak jinsini belgilab beradigan genlardan iboratdir. X xromosomada joylashgan genlar tomonidan nazorat qilib boriladigan belgililar *jinsga tutashgan belgililar* deb yuritiladi, chunki ularning nasldan-naslga o'tishi jinsning nasldan-naslga o'tishiga bog'liq. Masalan, gemofiliya va rang ko'rmaslik genlari Y xromosomada joylashgan va shu kamchiliklarning naslga o'tishi jins bilan tutashgan. Mutatsiyaga uchragan gemofiliya geni qon ivishi mexanizmida ishtirok etuvchi antigemofilik globulin degan bir modda bo'lmasligiga sabab bo'ladi.

Yuqorida aytilganlarga muvofiq, uch xil tarzda naslga o'tadigan kasalliklar tafovut qilinadi: 1) *autosomo dominant*, 2) *autosomo resessiv*, 3) *jinsga (X xromosomaga) tutashgan kasalliklar*.

Autosomo dominant tarzda naslga o'tadigan kasalliklar quyidagilardir: 1) Al-port sindromi, 2) Marfan sindromi,

3) Elers — Danlos sindromi (nomukammal desmogenez),

4) tarqoq neyrofibromatoz, 5) otoskleroz, 6) giperbilirubinemiya, 7) paroksizmal mioplegiya, 8) oilaviy giperxolesterinemiya, 9) buyraklar polikistozi, 10) tug'ma sferositoz, 11) tarqoq neyrofibromatoz.

Kasalliklarning autosomo retsessiv tarzda naslga o'tishi Tey—Saks kasalligi, fenilketonuriya, to'planish kasalligi (mukopolisaxaridoz, galaktozemiya), o'roqsimon hujayrali anemiya kasalliklari uchun koproq xarakterlidir.

Kasalliklarning X xromosoma bilan tutashib, resessiv tarzda naslga o'tishi: 1) Dyushen tipidagi zo'rayib boruvchi muskul atrofiyasi, 2) A va B gemofiliya, 3) Lesh — Nixen sindromi, 4) Gunter kasalligi uchun xarakterlidir.

Gen va shu gen belgilab beruvchi belgi o'rtasida odatdagicha bir nisbat bo'lishi, ya'ni bitta gen faqat bitta belgini yuzaga chiqaradigan bo'lishi mumkin. Boshqa hollarda bitta genning o'zi turli organ va to'qimalarga taalluqli bir necha yoki bir talay belgilarning yuzaga chiqishida ishtirok etishi, yoxud, niyoyat, qanday bo'lmasin biror belgining namoyon bo'lishini bir nechta gen birgalikda yo'lga solib borishi mumkin. Masalan, Marfan sindromi skelet, ko'z, yurak tomirlar sistemasining ko'p joyi zararlanishi bilan xarakterlanadi, bularning asosida

bitta genning mutatsiyaga uchrab, biriktiruvchi to'qimaning yetishmay qolishi yotadi. Ikkinchi tomondan, bolalarda uchraydigan gunglik 16 xil autosomoresessiv mutatsiyalarning klinik jihatdan ma'lum beradigan birdan-bir belgisidir.

## PATOGENEZE

*Monogen irlsiy kasalliklarning faqat bitta oqsil molekulasida bo'lgan dastlabki kamchilik oqibati ekanligi hozir aniqlangan.*

Mutatsiya paytida zararlanadigan oqsillarning uch turi aniqlangan: 1) fermentlar, 2) struktura oqsillari, 3) reguliyatorlar vazifasini bajaruvchi oqsillar. Qanday bo'lmasin biror ferment funksiyasining buzilishi enzimopatiyalar deb ataladigan kasalliklarga asosiy sabab bo'ladi, enzimopatiyalar irlsiy kasalliklarning eng katta va hammadan ko'ra yaxshiroq o'rganigan guruhidir. Bu enzimopatiyalar ko'pchilik holda autosomo resessiv tarzda nasldan-naslga o'tib boradi.

Gen mutatsiyasi struktura oqsillari (masalan, kollagen) yoki reguliyatorlar vazifasini bajaruvchi oqsillar (masalan, membranalar retseptori) ning o'zgarishga uch rashiga olib kelishi mumkin. Autosomo dominant tarzda nasldan-naslga o'tadigan ko'pchilik kasalliklar uchun mana shu oqsillar patologiyasi xarakterlidir.

Irlsiy kasalliklar paydo bo'lishining to'rtta mexanizmi tafovut qilinadi: 1) fermentlar nuqsonlari va bularning oqibatlari, 2) hujayra membranalari retseptorlarining nuqsonlari va turli birikmalar tashilishining izdan chiqishi, 3) fermentmas oqsillar tuzilishi, funksiyasi va miqdorining o'zgarishi, 4) dori preparatlariga nojoya reaksiya ko'rsatishga moyil qilib qo'yadigan mutatsiyalar.

**Fermentlar nuqsonlari va bularning oqibatlari.** Muhim biologik xulosalarning biri J. Bidl va E. Tatum tomonidan 1941-yili maydonga qo'yilgan «bir gen — bir ferment — bir reaksiya» degan gipoteza bo'ldi. Ko'plar tomonidan etirof etilgan ana shu nazariyaga muvofiq, har bir kimyoiy reaksiyani muayyan organizmning rivojlanish jarayoni va hayot faoliyatini davomida alohida bitta ferment nazorat qilib boradi, bu fermentning o'zi esa, o'z navbatida boshqa bitta yagona gen nazorati ostida bo'ladi.

Genda ro'y beradigan o'zgarishlar (mutatsiyalar) fermentopatiyaga sabab bo'lishi mumkin, fermentopatiyaning asosida turli mexanizmlar yotadi: 1) fermentning butunlay sintezlanmasligi, 2) ferment molekulasidagi aminokislotalar tartibining buzilgani, ya'ni ferment birlamchi strukturasining buzilgani, 3) tegishli ferment kofermentining yo'qligi yoki noto'g'ri sintezlanishi, 4) boshqa ferment sistemalaridagi kamchiliklar munosabati bilan ferment faolligining o'zgarib qol-gani.

Fermentopatiyalarning oqibati har xil bo'ladи. Ularning ba'zi xillari *odatda uchramaydigan moddalarning* (oraliq almashinuv mahsulotlarining) organizmda *to'planib borishiga* olib kelishi mumkin. Ana shunday moddalarning yuqori

konsentrasiyalarda to'planib qolishi toqimalarning shikastlanishiga olib keladi. Masalan, yemiruvchi xossaga ega bo'lgan lizosoma fermentlarining yetishmasligi lizosomalarda murakkab moddalar to'planib borib, «lizosoma to'planish kasalliklari» degan asoratlarga sabab bo'ladi.

Fermentning avvaldan yetishmasligi toqima va organlarning odatdagicha ishlab turishiga zarur bo'lgan *metabolizm reaksiyalarini va oxirgi mahsulotlarni hosil bo'lishini susaytirib qo'yishi* mumkin. Masalan, melanin bo'lmasligiga sabab tirozinaza fermentining etishmasligidir, tirozinaza fermenti melanin prekursori — tirozinning biosintezi uchun zarur. Albinizm, tug'ilishdan melanin tanqisligi singari hodisalarining asosida ana shu ferment yetishmovchiligi yotadi.

Fermentlar yetishmaydigan bo'lsa, ular toqimalarni zararlaydigan moddalarini inaktiv holga keltirolmay qoladi. Masalan, plazma proteazasining asosiy ingibitorji jigarda ishlanib chiqadigan va neytrofil elastazasini inaktiv holga keltiradi-gan alfa-1-antitriipsindir. Genning alfa-1 antitriipsin kodlanadigan nuqtasida ro'y beragan mutatsiya mutant oqsil ishlanib chiqishiga olib boradi, bunday oqsilning jigarda ishlanib chiqishi kamayib ketadi. Plazmada so'riladigan ferment miqdori pasayadi, shu narsa neytrofillar elastazasining yemiruvchanligi kuchayishiga olib keladiki, buning natijasida alveolalar devorining elastikligi aynab, o'pka emfizemasini paydo bo'lib boradi.

**Membranalar retseptorlaridagi nuqsonlar va transport sistemalarining buzilishi.** Yuqorida aytib o'tilganidek, biologik jihatdan faol bo'lgan ko'pgina moddalar (organik birikmalar, ionlar va boshqalar) hujayralar membranasi orqali faollik bilan tashiladi, bu hodisa dastlab ularning o'ziga xos retseptorlar yoki tashuvchi membrana oqsillariga birikib olishiga bog'liq. Retseptorlarda irlsiy nuqson bo'lsa, bu narsa biologik jihatdan faol moddalarining hujayralar membranalari orqali tashilishi izdan chiqishiga olib keladi. Oilaviy giperxolesterin-emiya bunga misol bo'la oladi, oilaviy giperxolesterinemiyada past zichlikdagi lipoproteidlarning hujayralarga tashilishi izdan chiqib, natijada ortiqcha xoles-terin sintezlana boshlaydi. Aminokislotalar tashilishining nuqsoniga aloqador irlsiy kasallikka sistinuriya misol bo'la oladi, bunda ichakda ham, buyraklarda ham bir qancha diaminokarbon kislotalar (arginin, lizin)ning tashilishi izdan chiqadi.

**Fermentmas oqsillar tuzilishi va funksiyasining o'zgarishi struktura oqsilaringa zarar ko'rishiga olib boradigan genetik nuqsonlar turli kasalliklar paydo bo'lishiga olib keladi.** Misol tariqasida o'roqsimon hujayrali anemiyani aytib o'tsa bo'ladi, buning asosida globin molekulasi tuzilishining nuqsoni yotadi. Gemoglobinning 300 dan ortiq odatdan tashqari shakllari tasvirlangan, shu xildagi anomal gemoglobin paydo bo'lishi globin tuzilishidagi genetik nuqsonga bog'liqidir. Masalan, Elers — Danlos sindromlari boshqa bir misol bo'lib xizmat qila oladi, bular uchun kollagenda genetik nuqson bo'lishi xarakterlidir.

Irsiy o'zgarishlar munosabati bilan organizmning dori preparatlarga boshqacha reaksiya ko'rsatishi. Genetik sabablarga aloqador ba'zi fermentlar yetishmovchiligi organizmga ma'lum turdagi moddalar ta'sir qilganidan keyin gina namoyon bo'ladi. Masalan, genetik moyilligi bo'lgan odamda glyukoza 6 – fosfatdegidrogenaza yetishmasligi mumkin. Normal sharoitlarda bu ferment yetishmasligi kasallikkha olib bormaydi. Lekin, glyukoza 6 – fosfatdegidrogenaza fermenti yetishmaydigan odamga, masalan, bezgakka qarshi dori (primakvin) beriladigan bo'lsa, u vaqtida sezilarli darajada gemolitik anemiya boshlanadi.

### AUTOSOM-DOMINANT TARZDA NASLGA O'TADIGAN KASALLIKLAR

Bu guruhga kiradigan kasalliklar quyidagi xususiyatlari bilan ajralib turadi:

— klinik ko'rinishlari o'zgarib turadigan bo'lib, gen penetrantligi susayganida boshqacha bo'lib qolishi mumkin;

— ularning ko'pchiligi odam tug'ilganidan ancha vaqt o'tganidan keyin ma'lum beradi. Masalan, Getington kasalligi odam 40 yoshdan oshganidan kein paydo bo'ladi;

— kolagen singari struktura oqsillari yoki almashinuv funksiyalarini idora etuvchi, ya'ni regulyator oqsillar mutatsiyaga uchraydi.

Autosomo dominant tarzda naslga o'tadigan irsiy kasalliklar orasida Marfan kasalligi, oilaviy giperxolesterinemiya, neyrofibromatoz (Reklingxauzen kasalligi) ko'proq uchraydi.

### MARFAN KASALLIGI

*Marfan kasalligi (nomi fransuz pediatri sharafiga qo'yilgan) kolagen va elastik tolalar rivojlanishining irsiy nuqsoniga aloqador sindromdir.* Bunda gen mutatsiyasi pishiqmas bo'lishi bilan ajralib, odatdan tashqari kolagen molekulalari sintezlanishiga olib keladi. Bu xildagi nuqson elastik tolalar tuzilishida ham bo'lishi mumkin.

Marfan kasalligi uchun *skelet, ko'zlar, yurak-tomir sistemasining zararlansihi* xarakterlidir. Bu kasallik bilan og'rigan bemorlarning tashqi ko'rinishi juda xarakterli — tana tuzilishining ko'rinishi astenik tarzda, kalla suyagi uzunasiiga juda ixcham tortgan ko'zlar bir-biriga yaqin joylashgan, bo'g'imgilari likillab turadigan, qo'l-oyoqlari nomutanosib ravishda uzun bo'ladi. Qo'l oyoqlarining panjalari uzun va barmoqlari «o'rgimchaknikidek» ingichka bo'ladi (araxnodaktilya). Tanglayi yuqori ko'tarilgan, shaklan gumbazimon. Kifozlar va skoliozlar xarakterlidir. Ko'zni ushlab turadigan boyqlamlar zaif bo'lganligi uchun ko'z gavhari o'rnidan chiqqan yoki ko'chgan bo'lishi mumkin.

Yurak-qon tomirlar sistemasi doirasidagi o'zgarishlar ayniqa xavfidir. Aorta o'rta pardasidagi kollagenda nuqson borligi va elastiklik yo'qolganligi tufayli aortada kengaymalar va qatlamlari ajralib turadigan anevrizmalar paydo bo'ladi, yurak qopqoqchalar, ayniqa mitral va uch tavaqali qopqoqchalar oson cho'ziladigan bo'lib osilib turadi, bu narsa *taqqillovchi klapanlar sindromi* paydo bo'lishiga olib keladi, mana shu o'zgarishlar asosida tug'ma yurak yetishmovchiligi yotadi. Aorta yorilib ketishidan odam har qanday yoshida ham o'lib qolishi mumkin. Kasallar ko'pincha 30—40 yoshida o'lib ketadi.

Morfologik tekshirishda elastik tolalar yupqa tortgan, notekis, ba'zi yerlarda tartibsiz joylashgan bo'lib chiqadi. Yirik tomirlarning o'rta pardasi qatlamlarga ajralib qolishi mumkin. Aorta va o'pka bosh tomirining elastik sinchi sust rivojlangan bo'ladi. Yurakda kardiomotsitlarning vakuolli distrofiysi topiladi. Suyak to'qimasida suyak to'sinlari g'ovaklashib, ularga notekis ravishda ohak o'tirib qolgan bo'ladi. Tog'ay to'qimasining tuzilishi oraliq moddani qatlamlarga ajratib qo'yadigan collagen tolalar dastalari hosil bo'lishi hisobiga o'zgarib ketadi.

## OILAVIY GIPERXOLESTERINEMIYA



*Oilaviy giperxolesterinemiya — bu turdag'i irlsiy kasallikning paydo bo'lishi past zichlikdagi lipoproteidlar (xolesterin plazmada asosan shunday lipoproteidlar shaklida tashiladi) uchun o'ziga xos retseptor bo'lib xizmat qiladigan gen mutatsiyasiga bog'liqidir.*

Qonda aylanib yuradigan past zichlikdagi lipoproteidlarning taxminan 85—90 foizi normada retseptor mediatorlar ishtirokida o'tadigan jarayonlar natijasida plazmadan chiqarib tashlanadi. Ma'lumki, ko'pgina xillardagi hujayralar membranalarida retseptorlar bo'ladi, lekin past zichlikdagi lipidlar retseptorlarining asosiy qismi (75 foizi) gepatotsitlarda joylashgandir. Past zichlikdagi lipidlar tashilishining birinchi bosqichi hujayra yuzasidagi retseptorlarning past zichlikdagi lipoproteidlarni biriktirib olib, keyin endositozga uchratishidan iborat (87-rasm). Past zichlikdagi lipoproteidlarni o'ziga jo qilgan endovezikulalar hujayralarning ichida lizosoma fermentlari ta'siri bilan erib ketadi. Bunda past zichlikdagi lipoproteid molekulasi parchalanib, plazmaga erkin xolesterin ajralib chiqadi.

Xolesterinining bir qismi hujayra (gepatotsit) tomonidan uning o'z membranalarini sintezlash uchun o'zlashtiradi. Xolesterinining qolgan qismi uning miqdorini doim bir xilda saqlab turish uchun kerak bo'ladi. Past zichlikdagi lipoproteidlar retseptorlarining gendagi mutatsiyasi shu lipoproteidlarning hujayraga o'tishini, shuningdek ularning o'zlashtirilishini pasaytirib yuboradi. Natijada bu moddalar plazmada to'planib boradi (87-rasm). Bundan tashqari, gepatotsitlarda past zichlikdagi lipoproteidlar bo'lmasligi shu moddalar sintezining kuchayishiga olib keladi. Shunday qilib, oilaviy giperxolesterinemiya da

xolesterin miqdorining ko'payib qolishi bu modda katabolizmining susayishiga ham, uning plazmada ortiqcha hosil bo'lishiga ham bog'liqdir.

Oilaviy giperxolesterinemiya — autosomo dominant kasallikdir. Geterozigotlarda qondagi xolesterin miqdori normadagiga qaraganda 2—3 baravar ko'paysa, gomozigotlarda u 5 baravar ko'payib ketadi. Bunday kishilarda xolesterol miqdori azaldan (tug'ilishdan) ko'p bo'ladi. Biroq, geterozigotlardagi giperxolesterinemiya odamning bolalik chog'ida belgi bermay o'tadi va kishi voyaga yetganidan keyingina paylar pardasida ksantomalar paydo bo'ladi (xolesterol to'planishi). Bularning yurak tomirlari devorida to'planib qolishi koronar kasallikka sabab bo'ladi. Gomozigotlarda patologik jarayonlar bolalik davriday-oq boshlanadi: badan terisida ksantomalar bo'ladi va bunday kasal bolalar 15 yoshidayoq miocard infarktidan o'lib qolishi mumkin.



87-rasm. Zichligi past lipoproteidlarning normada va oilaviy giperxolesterinemiya mahalida jiggardagi metabolizmi sxemasi (1992).

### TARQOQ NEYROFIBROMATOZ (REKLINGXAUZEN KASALLIGI)

Bu kasallik tarqoq neyrofibromatoz deb ham ataladi. U o'sma kasalligi bo'lib, neyrofibromalar va pigment dog'lari yuzaga kelishi bilan xarakterlanadi. Neurologik, ruhiy o'zgarishlar bo'lishi va suyaklarning aynab ketishi bilan birga davom etadi.


Neyrofibromalar aksari badan terisida, gavda, bo'yin va qo'l-oyoqlar sohalaring teri osti kletchatkasida yuzaga keladi, lekin har qanday to'qima va har qanday organda (me'da-ichak yo'li, qorin pardasi ortidagi bo'shliq, bosh miya nervlarida) ham uchrashi mumkin. Tarqoq neyrofibromatozda ko'pgina hol-larda tug'ma rivojlanish nuqsonlari, aqli pastlik, akromegaliya hodisalari, ko'z xiraligi, umurtqa pog'onasining qiyshayganligi, feoxromositoma, qalqonsimon bez medullyar karsinomasi, miya o'smalari topiladi.

**Patologik anatomiyasi.** Neyrofibromatozda har xil shakl va kattalikda bo'ladigan (diametri 2 mm dan bir necha santimetrgacha boradigan) bir talay, ba'zan 5—7 ming donagacha neyrofibromalar yuzaga keladi (88-rasm). Og'irligi 15kg gacha boradigan o'smalar ham topilgan. Talaygina tugunlar aksari nerv va uning tarmoqlari bo'ylab joylashadi (89-rasm). *Filyoqsimon kasallik* degan dard neyrofibromatozning bir turi bo'lib, dermaning sezilarli darajada giperplaziya va gipertrofiyaga uchrashi bilan ta'riflanadi (90-rasm).



88-rasm. Reklingxauzen neyrofibromatozi.

*Kapsulaga o'ralgan va diffuz neyrofibromalar tafovut etiladi. Kapsulaga o'ralgan neyrofibromalar, odatda yirik nerv stvollarida, diffuz xillari esa birmuncha mayda teri nervlarining tarmoqlarida hosil boladi. Mikroskopda tekshirib ko'rilganida tugunlarda periferik nervlarning hamma elementlari, lemmositlar (Shvann hujayralari), nerv stvollari, shuningdek perinevriy, endonevriyning biriktiruvchi to'qima hujayralari topiladi, bular nozik tolali yumshoq dastalar hosil qiladi. Etuk tugunlar Shvann sinsitisi soni kamayib, nerv dastalari kolagen asosining zichlashib qolgani va gialinlashgani bilan ajralib turadi. Bunday neyrofibromatoz tugunlar mikroskopik jihatdan olganda fibromalarga o'xshash boladi.*



89-rasm. Yelka va quymich  
nervlarining kapsulaga  
o'ralgan neyrofibromasi.



90-rasm. Filoyoqsimon shakldagi  
neyrofibromatoz.

Pigment dog'lari odatda gavda va qo'l-oyoqlar terisida, goho odamning yuzi va bo'ynda joylashgan bo'ladi. Ular teri sathi ustidan ko'tarilib turmaydi, yuzasi silliq bo'ladi, rangi och malla tusdan to'q jigarranggacha boradi. Mikroskopik jihatdan olganda pigment dog'lari dermaning so'rg'ichli qatlamida diffuz ravishda to'plangan melanoblastlar, melanositlardan iboratdir, bularning sitoplazmasida melanin ko'p miqdorda bo'ladi. Neyrofibromatozda suyaklarda atrofik va destruktiv o'zgarishlar boshlanishi mumkinki, bu umumiy trofik o'zgarishlarga bog'liqdir.

Kasallik ko'rinishlari aksari qay tariqa joy olganiga qarab neyrofibromatozning o'choqli, periferik va markaziy xillari ajratiladi.

O'choqli xilda neyrofibromalar tana sohalarining bittasida yoki bitta organda joylashgan bo'ladi. Neyrofibromatozning periferik xili bir nechta tana sohalarining zararlangan bilan ta'riflanadi. Markaziy xili bиринчи bo'lib, bosh miya zararlanishi natijasida yuzaga keladi. *Neyrofibromalar malignizatsiyaga uchrashi* mumkin. Bunday hollarda ular tobora kattalashib boraveradi, keyinchalik o'sma tuguni yara bo'lib, irishi va qonab turishi mumkin.

Neyrofibromatozning organizm uchun ahamiyati tugunlarning olgan joyiga bog'liq. Orqa miya zararlangan mahallarda u bosilib qolib, falajlar boshlanishi mumkin. Bo'yin sohasi va ko'ks oralig' ida tugunlar bo'lishi hayot uchun muhim organlar bosilib qolib, ular funksiyasining izdan chiqishiga olib kelishi mumkin. Masalan, nafas yo'llari bosilib qolganida boshlanadigan nafas yetishmovchiligi sindromi, qon tomirlari bosilib qolganida o'sha joyda qon aylanishining izdan chiqishi shular jumlasidandir. O'smasimon tugunlarning ayniqsa oyoqlarda ko'p bo'lishi limfa oqib ketishini izdan chiqarib, neyrofibromatoz filoyoqlik manzara-sini paydo qilishi mumkin.

O'sma tugunlarining bosh miyada bo'lishi va neyrofibromalarning malignizatsiyaga uchrab, neyrofibrosarkomaga aylanib ketishi hayot uchun hamma-dan xavflidir.

## AUTOSOM-RESESSIV TARZDA NASLGA O'TADIGAN KASALLIKLAR

Autosomo-dominant tarzda naslga o'tadigan kasallikkaldan farq qilib, irlsiy kasallikkaldning ushbu guruhi quyidagi xususiyatlari bilan ta'riflanadi:

- 1) gen nuqsoni ko'proq bir zaylda ma'lum beradi,
- 2) genning to'la penetratsiyasi xarakterli bo'ladi,
- 3) kasallikning klinik belgilari yosh go'daklik davridayoq ko'zga tashlanadi,
- 4) ko'pchilik hollarda ferment oqsillari mutatsiya tufayli oqsillanadi.

Quyida autosomo resessiv tarzda nasldan-naslga o'tadigan kasallikkaldning eng ko'p uchraydigan xillari ko'zga tashlanadi.

## KISTOZ FIBROZ

*Kistoz fibroz (mukovissidoz)* — bu endokrin bezlar sistemasining zararlanishi bilan o'tadigan kasallik bo'lib, ular sekretor funksiyasining buzilishiga olib boradi. Bolalik chog'ida paydo bo'ladi. Ko'proq ter va shilimshiq bezlari, me'da osti bezi zararlanadi. Bronx va ichak bezlari ham zararlanishi mumkin. Bu kasallikda shilimshiq bezlarining sekreti haddan tashqari yopishqoq bo'lishi bilan ajralib turadi.

Kasallikning patogenezi uncha aniq emas. Mukovissidoz membranalalar orqali o'tkazuvchanlik aynashi va endokrin bezlar sekretor funksiyasi buzilishi

tufayli avj olib boradigan kasalliklar jumlasiga kiradi deb taxmin qilinadi Bu kasallikning patogenezi to‘g‘risida har xil farazlar bor, lekin eng to‘g‘ri keladigan faraz quyidagilarni tushuntirib beradigan bo‘lishi kerak: 1) boshqa to‘qimalar o‘z holicha qolavergani holda endokrin bezlarning nima uchun ko‘plab jarayonga tortilib ketishini, 2) bezlar zararlanmasdan avval nima sababdan normal tuzilishda bo‘lishini, 3) terida natriy xlорид konsentratsiyasi nega yuqori bo‘lishini.

Shilimshiqning yopishqoq bo‘lib chiqishi fizik kimyoviy xossalaring o‘zgorganiga bog‘liq. Shilimshiqda elektrolitlar va oqsillar konsentratsiyasining kuchayishi xlор ( $C\ M+$ ) ionlarining epitelial hujayralar membranalari orqali tashilishida nuqson borligiga aloqadordir. Bu jarayon 7 – xromosomada joylashgan gen mutatsiyasiga bog‘liq.

**Patologik anatomiyasi.** Morfologik o‘zgarishlar kasallikning qachon boshlanganiga va genetik o‘zgarishlarning nechog‘lik ko‘pligiga qarab juda har xil bo‘ladi. Hammadan ko‘ra ko‘proq (80 foiz hollarda) me‘da osti bezi zararlanaadi. Yopishqoq sekretning to‘planib borishi avvaliga bez yo‘llarining kengayib ketishiga olib keladi. *Kasallik zo‘rayib, sekret turib qolishi natijasida me‘da osti bezining yo‘llari kistalarga aylanadi. Bez to‘qimasi esa atrofiyaga uchrab, undan keyin fibroz boshlanadi.* Mikroskop bilan tekshirib ko‘rilganida kasallik juda vaqtidan o‘tib ketgan bo‘lsa, me‘da osti bezida kistasimon kengaygan yo‘llar topiladi, ular Langergans orolchalari va fibroz to‘qimaning qalin tortmalari bilan ajralib turgan bo‘ladi. Mana shu o‘zgarishlar bu kasallikni *me‘da osti bezining fibrokistoz kasalligi* deb atashga asos berdi.

Pankreatik fermentlar sekretsiyasining buzilishi yog‘larning so‘rilishi izdan chiqishiga — malabsorbsiyaga olib keladi. Natijada yog‘da eruvchi vitamin D tanqisligi boshlanib, bez chiqarish yo‘llaridagi epiteliy ko‘p qavatlari yassi epiteliya aylanadi (metaplaziya). Me‘da osti bezining butunlay chandiqlanib ketishi bolalarda 2—3 yoshidayoq kuzatilishi mumkin. Kasallik juda vaqtidan o‘tgan mahallarda me‘da osti bezi ancha qattiqlashib, butun ekskretor bez parenximasini aynab ketadi va kistalar paydo bo‘ladi. Bez yo‘llarida *eozinofilli quyuq shilimshiq sekret to‘planib* boradi. Bu sekret ba‘zan qavat-qavat bo‘lib turadi. Fibroz stroma da talaygina limfotsitlar, plazmotsitlar va gistiotsitlardan tashkil topgan hujayra infiltratsiyasi ko‘zga tashlanadi. Langergans orolchalari o‘zgarmagan bo‘ladi.

*Ichakda* duodenal bezlarga va ingichka ichak shilliq pardasining qadahsimon hujayralariga shilimshiq to‘planib boradi. Yelimdek yopishqoq sekret mekoniy va axlat massalarini zichlashtirib, bir-biriga yopishdirib va quyuqlashtirib qo‘yadi. Bu steatoreya bilan birga qo‘silib, koprostazga, ya‘ni ich yurishmay qolishiga olib boradi, bunday koprostaz ichak tutilishi (*ileus*) ga, ichak devori yara bo‘lib, teshilib ketishiga va shu tariqa qorin bo‘shlig‘iga mekoniy yoki axlat o‘tib, peritonit boshlanishiga sabab bo‘lishi mumkin.

Jigarda diffuz yog‘ distrofiyasi kuzatiladi, o‘t yurishmay qolib, xolestatik gepatit va biliar sirroz boshlanishi mumkin.

*Bronx bezlarida* shilimshiq dimlanib turib qolishi jiddiy oqibatlarga olib boradi. Bunda bronx va bronxiolalar kengayib ketadi, ikkilamchi infeksiya

qo'shilganida surunkali bronxit, bronxoektatik kasallik va o'pka absessi boshlanadi. Ayni vaqtida shartli patogen flora ham nafas yo'llari kasalliklariga sabab bo'lishi mumkin. Mukovissidozda erkaklar jinsiy bezlari zararlanishi ham mumkinki, bu pushtsizlikka olib boradi.

Kasallikning klinik ko'rinishlari mekonial ileus tarzida chaqaloqlik davrida ma'lum berishi mumkin, bunday holatning asorati sifatida ichak teshilib, peritonit boshlanadi.

Qaysi bezlarning ko'proq zararlanishi va buning qanday simptomlar bilan o'tayotganiga qarab kistozfibrozning bir qancha klinik xillari ajratilgan: 1) chaqaloqlar mekonial ileusi, 2) o'pkani zararlaydigan xili, 3) ichakni zararlaydigan xili, 4) me'da-ichak yo'li bilan bronx-o'pka sistemasi bir yo'la zararlanadigan aralash xili shular jumlasidandir

O'pkani zararlaydigan xilda kasalni vaqtı-vaqtida yo'tal tutib, hansirash, sianoz paydo bo'ladi, cor pulmonum shakllanib boradi. 80 foiz hollarda o'pka infeksiyalari o'limga sabab bo'ladi. Kasallikkina klinika ma'lumotlari va ter bezlari sekretidagi biokimiyoviy o'zgarishlarga asoslanib turib diagnoz qo'yiladi.

## FENILKETONURIYA

*Fenilketonuriya (Felling kasalligi, fenilpirouzum oligofreniyasi) — bu fenilalanin almashinuvi buzilishiga aloqador kasallik bo'lib, aqli pastlik hodisasi tobora zo'rayib borishi bilan ta'riflanadi.*

Autosomoresessiv o'zgarishlari bor gomozigotlarda jigardan ishlanib chiqadigan va fenilalanining tirozinga aylanishini to'xtatib qo'yadigan fenilalanin-4-gidroksilaza fermenti bo'lmaydi, shunga ko'ra fenilalanin tirozinga aylanmay qolaveradi. Bunda fenilalanining qondagi miqdori ko'payib ketadi. Dezaminlanish natijasida fenilalanindan fenilsirka, fenilsut, fenilpirouzum kislotalar, shuningdek fenilasetilglutamin hosil bo'ladi. Bu birikmalar siyidik bilan ortiqcha miqdorda chiqib turadi (fenilketonuriya), ularning bir qismi ter bilan ham ajralib chiqadi. Ikkilamchi tartibda tirozin, triptofan almashinuvi buziladi, bu narsa noradrenalin, adrenalin, dofamin, melanin hosil bo'lishi karnayib ketishi ga olib keladi. Ana shunday biokimiyoviy o'zgarishlar bosh miya zararlanishiga sabab bo'ladi. Hozir aytib o'tilgan o'zgarishlar bola tug'ilganidan keyingi dastlabki kunlarda paydo bo'lib, 1—2 haftadan keyin juda avjiga chiqadi va kasallikka davo qilinmaydigan bo'lsa, bemor butun umri bo'yи davom etib boradi.

Bola tug'ilganida sog'lom bo'lib ko'rindi, lekin bir necha haftadan keyin fenilalanin miqdori ko'paya boshlaydi (15—20 mg/100 ml gacha, normada 0,5 mg/100 ml), bu narsa miyaning yaxshi rivojanmay qolishiga olib keladi. Birinchi yarim yillikning oxirlariga kelib ruhiy rivojanishning sustligi ma'lum bo'la boshlaydi, bu hol zo'rayib, og'ir darajadagi aqli pastlikka — imbetsillik yoki idiopatiyaga olib boradi. Jismoniy rivojanishning orqada qolganligi ham ma'lum bo'ladi. Bolalarning uchdan bir qismi yura olmaydi, uchdan ikki qismi esa gapira olmaydi ham. Davolanmagan bolalarda giperrefleksiya kuzatiladi, g'ayri-

ixtiyoriy harakatlar bo'lib turadi, soch va ko'zlarining rangi och tusda bo'ladi (melanin hosil bo'lishi izdan chiqqanligi uchun).

**Patologik anatomiysi.** Asosiy morfologik o'zgarishlar miyada topiladi. Miya og'irligi 5 baravargacha kamayib ketadi, mielinlanish kechikib, mielin yo'qolib ketgan joylar ko'zga tashlanadi. Arzimas darajada glioz bo'ladi. Bosh miyaning orqa miya suyuqligi o'tib turadigan bo'shlqlari bir qadar kengayib ketadi. Badan terisida melanositlar soni ozayadi. 20—25 foiz hollarda terida ekzematoz o'zgarishlar bo'lishi mumkin.

Bu kasallikning oqibati, agar unga hayotning dastlabki oyida davo qilina boshlasa, xayrlı.

## GALAKTOZEMIYA

*Galaktozemiya — autosom-retsessiv tarzda naslga o'tadigan irlsiy kasallik bo'lib, galaktozani parchalaydigan fermentlar yetishmasligi tufayli kelib chiqadi.* Sutda bo'ladijan asosiy unglevod — lakteza normada ichak mikrovorsinkalarida glyukoza bilan galaktozagacha parchalanadi, keyin turli fermentlar yordamida glyukozaga aylanib boradi, mana shunday fermentlar bo'lmasa, u holda galaktozemiya boshlanadi. *Galaktozo-1-fosfo-uridiltransferazaning yetishmasligi galaktozaning og'ir xili paydo bo'lishiha olib keladi, bunday kasallik klinik jihatdan zo'rัยib boradigan hepatomegaliya, jigar sirrozi va assit, katarakta, psixomotor rivojlanishning kechikib qolishi bilan ta'riflanadi.* Transferaza fermenti yetishmay qolganida zaharli ta'sirga ega bo'lgan galaktozo-1-fosfat jigar, taloq, ko'z gavhari, buyrak, yurak, muskullar, bosh miya po'stlog'i va eritrotsitlarda to'planib boradi. Mana shu muddaning to'planib borishi natijasida to'qimalar toksik shikastga uchraydi.

**Patologik anatomiysi.** Eng tipik struktura o'zgarishlari jigar, markaziy nerv sistemasida paydo bo'ladi. Jigar sezilarli yog' distrofiyasiga uchrashi tufayli unda hepatomegaliya, shuningdek alkogol sirroziga o'xshab ketadigan sirrotik o'zgarishlar boshlanadi. Katarakta paydo bo'lishi, aftidan, ko'z gavarining ko'p darajada hidratatsiyaga uchrashiga va uning elektrolitlar muvozanatining buzilishiga bog'liqidir. Markaziy nerv sistemasida tabiatan nospetsifik bo'lgan o'zgarishlar yuzaga keladi, neyronlar soni kamayib shish, glioz paydo bo'ladi; mana shunday struktura o'zgarishlari miyacha va uzunchoq miyada, ayniqsa sezilarli bo'ladi.

Mazkur irlsiy kasallikda jigar va miyaning zararlanish mexanizmi unchaliq aniq emas. Metabolitlarning zaharliligi, shuningdek tarkibida galaktoza bo'ladijan miya lipidlarining hosil bo'lishi ahamiyatga ega deb taxmin qilinadi.

Galaktozemiyaning klinik ko'rinishlari quisish, ich surishi, tobora ozib borish tarzida bola tug'ilganidan keyin ko'p o'tmay ma'lum bo'lishi mumkin. Bu simptomlar bola sut emaboshlashi bilan paydo bo'ladi. Birinchi hafta davomida badani sarg'ayib, jigari kattalashadi, buni ba'zan chaqaloqlar sariqligi deb o'ylashadi. Bir necha haftadan keyin katarakta boshlanadi, oradan 6—12 oy

o'tganidan keyin bolaning psixomotor rivojlanishida o'zgarishlar paydo bo'la boshlaydi. Buyrakda galaktoza va galaktozo-1-fosfat to'planib borishi aminokislotalar tashilishi izdan chiqib, aminoasiduriya boshlanishiga olib keladi. Bu, o'z navbatida, aksari hollarda ichak tayoqchasi tufayli boshlanadigan va yashin tezligida o'tadigan bir turdag'i septisemiya boshlanishiga olib boradi.

Kasallikni o'z vaqtida aniqlab olib, bola tarkibida galaktoza bo'lmaydigan ovqatlar bilan boqib boriladigan bo'lsa, hozir ayтиб o'tilgan klinik va morfologik o'zgarishlar yuzaga kelmasligi mumkin. Diagnoz va davolash kech boshlanadigan bo'lsa, ko'z gavhari va jiggardagi o'zgarishlar, tabiatan qaytar tusga kirishi mumkin (agar sirroz boshlanmagan bo'lsa), markaziy nerv sistemasidagi strukturna o'zgarishlari qaytmasdan, umrbod saqlanib qoladi.

Kasallik **diagnostikasi** leykotsitlar bilan eritrotsitlarda transferaza tanqisligini aniqlashga asoslangan.

## ALBINIZM

*Albinizm resessiv tarzda naslga o'tadigan kasalliklar jumlasiga kiradi, faqat gomozigotlarda uchraydi va melanin sintezining genetik sabablarga ko'ra tug'ilishdan buzilgan bo'lishi bilan ta'riflanadi.* Albinizm genetik variantlarining juda ko'p xili tasvirlangan. Normada tirozinni melanin sintezi uchun zarur bo'lgan 3, 4-dioksifenilalaninga (DOPAg) aylantirib ko'radian tirozinaza fermenti yoqligiga aloqador albinizm hammadan ko'ra ko'proq uchraydi. Albinizm «pigmentlar almashinuvining buzilishi» bo'limida batatsil tasvirlab o'tilgan. Bu o'rinda faqat quyidagilarni ta'kidlab o'tish kerak: 1) ko'z skleralari rangli pardasida pigment bo'lmasligi ko'z to'r pardasining zararlanishiga yo'l ochadi; 2) badan terisida melanin bo'lmasligi teri raki paydo bo'lish xavfini tug'diradigan omil bo'lib hisoblanadi.

## VILSON KASALLIGI

*Vilson kasalligi (gepatoserebral distrofiya) autosomo-retsessiv tarzda naslga o'tadigan kasallik bo'lib, asosan mis almashinuvi buzilishi tufayli boshlanadi. Uchta asosiy belgisi bilan ta'riflanadi: 1) jigar hujayralarida ortiqcha mis to'planib qolishi bilan, bu narsa sirroz boshlanishiga olib keladi, 2) bosh miyada, asosan yasmisqimon yadrolarda destruktiv o'zgarishlar bo'lishi bilan (kasallikning hepatolentikular degeneratsiya degan yana bir nomi shundan olingan); 3) ko'z shox pardasi aylanasi bo'ylab tarkibida mis bo'ladigan yashilnamo-qo'ng'ir pigment to'planib borishi (Kayzer — Fleysher xalqasi) bilan.*

Gepatobiliar distrofiya patogenezida oqsillar va mis almashinuvining genetik sabablarga ko'ra buzilishi asosiy rolni o'ynaydi. Bu o'zgarishlarning tabiatini uncha o'rganilgan emas. Jigarda seruloplazmin, ya'ni mis bilan birikkan oqsil sintezining buzilishi ahamiyatga ega deb hisoblanadi. Shuning natijasida mis albumin bilan juda bo'sh birikadi va undan salga ajralib chiqib, to'qimalarda to'planib boradi va siyidik bilan ko'p miqdorda chiqib turadi (giperkupruriya). Jigar, bosh

miya, ko'z shox pardasida mis hammadan ko'ra ko'proq to'planib boradi. Vilson kasalligi uchun xarakterli bo'lgan genlarning ikkita har xil xromosomadan joy olganligi yaqiniginda aniqlandi.

Vilson kasalligi **patogenezida** jigarda mis almashinuvi buzilishi munosabati bilan misning biliar sistemadan chiqarilib turishining o'zgarib qolishi ahamiyatga ega deb hisoblanadi. Bu taxmin oldindan bo'lgan, birlamchi nuqsonning ge-patotsitlarda seruloplazmin sintezini ikkilamchi tartibda bo'gib qo'yishiga sabab bo'ladi degan xayolga olib keladi. Modomiki, shunday ekan, biokimiyoviy nuqtai nazaridan olganda, Vilson kasalligi quyidagilar bilan ta'riflanadi: 1) qon plazmasidagi misning normal yoki sal ortiq miqdorda bo'lishi bilan, 2) plazmadagi seruloplazmin miqdorining kamayishi, 3) albumin bilan birikkan mismiqdori ko'payishi bilan.

**Patologik anatomiysi.** Vilson kasalligida yog' distrofiyasi va gepatotsitlar yadrolarida glikogen to'planib qolganligi topiladi. Kasallik zo'rayib borganida ge-patotsitlar nekrozi boshlanib, jigarning alkogoldan zararlanishida uchraydigan ga o'xshash gialin to'plamlari hosil bo'ladi. Lizosomalarda mis to'planib boradi.

Nekrotik jarayonlar natijasida o'z morfologiyasi jihatidan postnekrotik sir-rozga yaqin turadigan atrofik jigar sirrozi boshlanadi.

Bosh miyada yasmiqsimon yadrolar, ayniqsa ularning po'stlari yumshab, mayda kistalar hosil bo'ladi. Boshqa tuzilmalar — miyachaning dumli tanasi, tishsimon yadrosi, do'mboqosti yadrolar ham zararlanishi mumkin. Ba-zal gangliyalarda atrofiya boshlanadi. Bosh miyada ro'y beradigan morfologik o'zgarishlar *angiotoksik* va *sitoloksik* o'zgarishlarga bo'linadi. Ularning angiotok-sik xillariga mayda tomirlar atoniysi, stazlar, tarqoq perivaskular shish, gemor-ragiylar kiradi. Sitotoksik o'zgarishlar makroqliya va neyronlardagi tarqoq dis-trofik o'zgarishlardan iborat bo'ladi. Bunda makroqliya va neyronlar halok bo'lib, bo'shliqlar yuzaga keladi. I va II tipdag'i Alsgeymen astrositlari paydo bo'lishi xarakterlidir (I tipdag'i astrositlar tanasi katta hujayralar bo'lsa, II tipdagilari sito-plazmadan mahrum bo'lgan va bitta yirik yadrodan tashkil topgan astrositlardir).

Vilson kasalligining *klinikasi* jigarning zararlanishiga bog'liq simptomlar, nevrologik simptomlar va ruhiy o'zgarishlardan tashkil topadi. Jigar patologiyasi bolalik davridayoq (3 yashardan 5 yashargacha bo'lgan davrda) ma'lum bo'ladi, lekin buning birinchi simptomlari odam voyaga yetganidan keyin paydo bo'lishi ham mumkin. Bu kasallik o'z klinikasi jihatidan virusli hepatit, surunkali faol hepatita o'xshaydi. Portal gipertenziyaga olib kelgan jigar sirroziga o'xshab va buyrak yetishmovchiligi bilan birgalikda o'tishi ham mumkin.

*Nerv sistemasining zararlanishi klinik jihatdan* olganda muskullarning qat-tiq tortishib (rigid bo'lib) va titrab turishi, ekstrapiramidal o'zgarishlar bo'lishi bilan ta'riflanadi, keyinchalik bularning asoratlari sifatida parezlar, quyonchiqsimon tutqanoqlar va og'ir aqli pastlik holati boshlanadi. Nerv sistemasidagi o'zgarishlar sezilarli darajada bo'lganida aqli pastlik kuchayib borgani holda odam ruhiyati aynab, kayfiyati tez-tez buzilib turadi, u mudom tushkunlik hola-tiga tushib, alahlash bilan o'tadigan psixozlar boshlanadi.

Toqimalarda mis toplanib qolishini kamaytiradigan dori preparatlarini ishlatalish yo'li bilan jigar va nerv sistemasining zararlanishining oldini olish mumkin.

## **GLIKOGENOZLAR**

Glikogenozlar — bu glikogenning parchalanish yoki sintezlanish jarayonlarini katalizlovchi fermentlar yetishmasligi munosabati bilan paydo bo'ladigan irlsiy kasalliklar guruhidir. Shu fermentlarning yetishmasligi turli organ va toqimalarda glikogen ortiqcha to'planib borishiga olib keladi. Anomal glikogen to'planishi hujayralarning sitoplazmasi va ba'zan yadrosida kuzatiladi.

Glikogen almashinuvida har xil fermentlar ishtirok etadi. Qanday bo'lmasin biror fermentning yo'qligi yoki yetishmasligi har xil tipdag'i glikogenozlар boshlanishiga sabab bo'ladi. Glikogenning qaysi joylarda odatdan tashqari to'planib borishiga qarab, glikogenozning jigar, muskullarga aloqador va tarqoq shakli tafyut qilinadi.

Glikogenozlarning asosiy tiplari I tipdagи glikogenoz (Girke kasalligi) glyukozo-6-fosfataza degan ferment yetishmovchiligiga bog'liq. Autosomo-retsessiv tarzda naslga o'tadi. Girke kasalligi glikogenozning hepatorenal xili qatoriga kiradi, bunda hepatotsitlarning sitoplazmasi va yadrolarida, shuningdek buyrak burama kanalchalarining epiteliysida glikogen, lipidlar to'planib borib, jigar va buyraklarning kattalashib ketishiga olib keladi. Klinik manzarasi jihatidan Girke kasalligi hepatomegaliya va nefromegaliya bilan ta'riflanadigan hepatorenal kasallik jumlasiga kiradi. Bunda hepatotsitlar sitoplazmasi va yadrolarida glikogen bilan lipidlar to'planib boradi. Buyraklarning burama kanalchalari epiteliy-sida ham glikogen to'planib qolgani topiladi.

*I tipdagи glikogenoz klinik jihatdan olganda odam bo'yining o'smay qolishi, tana qismilari mutanosibligining buzilishi, muskullar gipotoniysi, hepatomegaliya, nefromegaliya, gipoglikemik sindrom bilan ta'riflanadi. Qonda urat kislota va lipidlar miqdori ko'payib boradi. Gipoglikemiya, giperlipidemiya hodisalari ham qayd qilinadi. Ko'pgina kasallarda podagra boshlanadi. Bu kasallikda bo'ladigan o'lim hollari 50 foizga yetadi.*

*II tipdagi glikogenoz (Pompe kasalligi) — tarqoq glikogenoz bo'lib, lizosoma-larga tegishli alfa-1, 4-glyukozidaza (nordon maltaza) yetishmasligiga bog'liqdir. Autosom-retsessiv tarzda naslga o'tadi.*

Patologoanatomik tekshirishda hamma organ va toqimalarda glikogen toplanib qolgani, ortacha hepatomegaliya borligi topiladi. Glikogen lizosomlarda toplanib boradi, bular raso shishirilgan sharlar ko'rinishiga kirib qoladi, shu munosabat bilan sitoplazmasi kashta to'rga oxshab ko'zga tashlanadi. Muskul tolalariga anchagina glikogen shamilishi hisobiga kardiomegaliya boshlanadi. Lekin yurak qopqoqlarida organik o'zgarishlar kuzatilmaydi. Tilning muskul tolalarida glikogen toplanishi makroglossiyaga sabab bolsa, diafragma va nafasda qatnashuvchi boshqa muskullarda toplanishi nafas yetishmovchiligi olib boradi.

**II tipdagi glikogenez klinik jihatdan olganda xiyla kardiomegaliya, muskul gipotoniysi va kardiorespirator yetishmovchilik bilan ta'riflanadi.** Qon zardobida urat kislota, aldolaza miqdori ko'payib ketadi. Muskullarda, jigar va leykotsitlarda nordon (lizosomaga taalluqli) alfa-1, 4-glyukozidaza yetishmasligi ma'lum bo'ladi.

**III tipdagi glikogenoz (Kori kasalligi)** amilo-1, 6-glyukozidaza faolligi butunlay yoki qisman yo'qolib ketganiga bog'liqdir. Glikogenolarning muskul yoki jigarga aloqador xili bo'lib hisoblanadi. Hayotning dastlabki oyalaridan gepatomegaliya boshlanishi, muskul gipotoniysi bolishi, ayrim muskul guruuhlari va miokardning gipertrofiyaga uchrashi, o'tkazuvchanlik va qon aylanishining izdan chiqishi, gipoglikemiya bo'lishi, eritrotsitlarda glikogen miqdori ko'payib ketishi bilan ta'riflanadi.

**IV tipdagi glikogenoz (Andersen kasalligi)** — autosom-resessiv tarzda yoki jins bilan tutashgan holda naslga o'tadigan irsiy kasallik bo'lib, *jigar sirrozi bilan davom etib boradigan diffuz glikogenoz hisoblanadi*. aD-1, 4—glyukan, 6-a-glyukoziltransferaza yo'qligiga bog'liq.

Jigar hujayralari, miokard va skelet muskullarida odatdan tashqari glikogen (amilopektin) to'planib boradi. Hujayralar sitoplazmasida gialin, diastazaga chidamli SHIK-musbat modda paydo bo'lishi ham xarakterlidir.

Bu kasallik hayotning dastlabki kunlaridan boshlab ma'lum beradi va gepatosplenomegaliya, jigar sirrozi, assit, sariqlik, gipoglikemiya boshlanishi bilan ta'riflanadi. Bemorlar ikki yoshga to'lar-to'imas jigar yetishmovchiligidan o'lib ketadi.

**V tipdagi glikogenoz (Mak-Ardl kasalligi)** *muskul fosforilazasi yetishmasligi munosabati bilan paydo bo'ladi*. Jigar fosforilazasining faolligi o'zgarmaydi. Bu kasallik autosomo-resessiv tarzda naslga o'tadi va glikogenozning muskullarga aloqador xillari jumlasiga kiradi, chunki asosan skelet muskullari zararlanadi. Ko'pincha erkak jinsli odamlarda bo'lib, 20 yasharli paytidan boshlanadi. Mio-globinuriya (50 foiz hollarda), muskullar zaifligi, tortishib turishi, taxikardiya bo'lishi, qonda laktat miqdori kamayishi bilan ta'riflanadi. Oqibati xayrli.

## TURLI MODDALAR TO'PLANIB QOLISHIGA ALOQADOR LIZOSOMA KASALLIKLARI


Ma'lumki, lizosomalarda murakkab moddalar (masalan, sfingolipidlar, mukopolisaxaridlar) ning eruvchan oxirgi mahsulotlarga parchalanishida qatnashadigan turli proteolitik fermentlar bo'ladi (91-rasm). Yirik molekulalni bunday birikmalar almashinuv jarayonlarida hujayraning o'zida ham yuzaga kelishi va autofagotsitzoda lizosomalar tomonidan ushlanib qolishi yoki hujayraga fagotsitzojarayonida tashqaridan tushishi mumkin.

Lizosoma fermentlari tug'ilishdan bo'lмаган mahallarda murakkab birikmalarning to'la parchalanishi mumkin bo'lmay qoladi, shu narsa lizosomalar da erimaydigan metabolitlar to'planib borishiga olib keladi (91-rasm). Asosan

lizosoma fermentlari yo'qligi sababli paydo bo'ladigan bunday irsiy kasalliklar autosom-retsessiv tipda naslga o'tib boradi. Ayni vaqtida murakkab birikmalar ning chala parchalanishida yuzaga keladigan erimas metabolitlar monotsitar makrofagal sistema hujayralarida to'planib boradi (ma'lumki, bularda eskirgan eritrotsitlar, leykositlar va to'qimalar irishidan hosil bo'ladigan boshqa mahsulotlar parchalanadi).

Lizosoma kasalliklarining talayginasi tasvirlangan, lekin oraliq almashinuv moddalarining biokimyoiy tabiatiga qarab, asosan ularning ikki guruhi tafovut qilinadi: 1) sfingolipidozlar, 2) mukopolisaxaridozlar. Bu guruhlarga kiradigan kasalliklar lizosomalarda qanday fermentlar yo'qligiga qarab har xil turlarga bo'linadi.

Moddalar to'planib qolishiga aloqador kasalliklarning eng ko'p uchraydigan xillarinigina ko'zdan kechirib chiqamiz.




91 -rasm. Lizosomal to'qimaning kasalliklari patogenezi sxemasi  
(Grundis S, 1990).

### GOSHE KASALLIGI

*Goshe kasalligi — gangliozidzlarning bir turi bo'lib, glyukoserebrozidaza ferment yetishmasligi tufayli boshlanadi.* Ko'pchilik hollarda autosom-resessiv tarzda naslga o'tadi shu sababdan tug'ishgan aka-uka va opa-singillarda ko'proq kuzatiladi. O'sha fermentning yetishmovchiligini fagotsitlaydigan mononuklearlar sistemasi hujayralarida glyukoserebrozidlar to'planib, Goshe hujayralari paydo bo'lishiga olib boradi. Glukolipidlar normada qon hujairalari, ayniqsa eritrotsitlar yemirilganida hosil bo'ladi. Goshe kasalligida yemirilish glyukoserebrozidlar darajasiga kelib to'xtab qoladi. Keyin bular qon oqimi bilan tarqaladi va

jigar, taloq, ko'mikning fagotsitlovchi hujayralari tomonidan makromolekulalar tariqasida ushlab olinadi Glukoserebrozidlarni yutib olgan fagotsitlar Goshe hujayralari deb aytildigan hujayralarga aylanadi ular katta va dumaloq bo'lishi bilan ajralib turadi. Och kulrang tusli mo'l-ko'l sitoplazmasida xarakterli fibrillar chiziqlar bo'ladi (92-rasm).



92-rasm. Sitoplazmasi vakuollashgan yirik Goshe hujayralari.

Bu sitoplazma Schiff reaktivida to'qrangga bo'yaladi, chunki tarkibida talaygina uglevodlar bo'ladi. Elektron mikroskopiyada Goshe hujayralarida normada uchramaydigan lipid sitosomalari, tarkibida glyukoserebrozidlar bo'ladigan, membrana bilan chegaralangan naychalar to'plami ko'rinishidagi tuzilmalar ko'zga tashlanadi. Goshe hujayralarida eritrotsitlarning qoldiqlari ham uchrashi mumkin.

**Patologik anatomiysi.** Goshe kasalligida ko'proq darajada taloq zararlanadi. U kattalashib, yuzi gadir-budir bo'lib qoladi. Kesib ko'rilganida to'qimasi kulrang-qizg'ish, och qizg'ish yoki to'q jigarrang bo'lib ko'zga tashlanadi. Unda angiokavernoz o'choqlar, infarktlar, chandiqlar topiladi. Mikroskopda tekshirib ko'rilganida hujayralar to'plamlari qizil pulpa, trabekulalar, follikulalarda ko'proq ko'zga tashlanadi. Ularning sitoplazmasida och jigarrang pigment bo'ladi. Jigar, unda Goshe hujayralari garchi kamroquchrasada, bir qadar kattalashib ketadi. Bu hujayralar jigar bo'lakchalar, kapillarlar devorlari va sinuslari tevaragida dif-fuz holda joylashadi.

Ko'mikda Goshe hujayralari to'planib qolgan joylarda suyak to'sinlari so'rilib, biriktiruvchi to'qima o'sib ketgan bo'ladi. Goshe hujayralari boshqa to'qimalarda ham topiladi. Chunonchi, buyrak usti bezlarida ularni assasan retikulyar zonada, o'pkada interstisial to'qimada, alveolalar to'siqlarida ko'rish mumkin. Bosh miyada nerv hujayralaridagi distrofik o'zgarishlar bilan bir qatorda glioz boshlanadi, ba'zi tuzilmalarda miyelin pardasi yo'qolib ketadi.

Klinik ko'rinishlariga yarasha Goshe kasalligining uchta asosiy xili tafovut qilinadi. *Birinchi xili hammadan ko'p* (80 foiz hollarda) va asosan katta yoshli kishilarda uchraydi. *Gepatosplenomegaliya, markaziy nerv sistemasining zararlanishi bilan ta'riflanadi.* Taloq ancha kattalashib, butun qorin bo'shlig'ini toldirib oladi. Jigar, taloq, limfa tugunlari va ko'mikda Goshe hujayralari paydo boladi. Ko'mik o'rnni ba'zan Goshe hujayralari egallab olib, suyak to'qimasida eroziyalar yuzaga keladi. Gipersplenomegaliya anemiya va leykopeniya boshlanishi bilan birga davom etib boradi.


*Goshe kasalligining ikkinchi xili bolalik davriga xarakterlidir, bola hayotining dastlabki oylarida (olti oyligidan boshlab) ma'lum beradi va asosan markaziy nerv sistemasini zararlanishi bilan ajralib turadi.* Kasallikkja jigar bilan taloq ham beriladi, lekin nevrologik simptomatika ustun turadi. Miya zararlanishida ko'rildigani asosiy morfologik belgi neyronlar soni kamayib, ichiga lipidlar tiqilib olgan perisitlar paydo bo'lishidir. Kasallikning bu turi klinik jihatdan olganda bolaning jismoniy va ruhiy rivojlanishda orqada qolishi, kalla ichki bosimi ko'tarilganiga xos belgilari bilan birga qo'shilgan piramida simptomlari, g'ilaylik, aqli pastlik (dementsiya) bilan ta'riflanadi. Bu kasallik ko'p hollarda olim bilan tugaydi.

*Kasallikning uchinchi (osmirlarga xos) xilida ichki organlar ham, miya ham zararlanadi.*

Goshe kasalligining birinchi xili glyukoserebrozidaza yetishmasligi bilan, ikkinchi xili bu fermentning to'qimalarda butunlay bo'lmasligi bilan ta'riflanadi. Leykositlar yoki fibroblastlar kulturasidagi shu ferment miqdori Goshe kasalligi diagnostikasi uchun muhim dalil bo'lib xizmat qiladi.

### NIMANN — PIK KASALLIGI

*Nimann — Pik kasalligi — lipidlar almashinuvu buzilishiga aloqador irlsiy kasallik. Fagotsitlaydigan hujayralar va markaziy nerv sistemasida sfingomielin to'planib borishi bilan ta'riflanadi.* Autosom-retsessiv tarzda naslga otadi.



93-rasm. Nimann — Pik kasalligi. Taloqda sfingomielin to'planib qolgani uchun sitoplazmasi vakuollashgan yirik Goshe hujayralar topiladi.

Hujayra barcha membranalari (jumladan organellalar membranalari)ning tarkibiy qismi bo'lmish sfingomiyelin sfingomiyelinaza degan lizosomal ferment yetishmasligi tufayli to'planib boradi (bu ferment sfingomiyelinning seramid va fosforilholingacha to'la parchalanishi uchun zarur). Fagotsitlar ortiqcha sfingomiyelinini ushlab olib, Pik hujayralariga aylanadi. Bular tuxumsimon shaklda bo'ladigan yirik-yirik hujayralardir. Bittadan to'rttagacha yadrosi bo'lib, sitoplazmasi unda sfingomiyelin to'mchilari to'planib borishi hisobiga ko'piksimon bo'lib ko'zga tashlanadi (93-rasm). Monotsitar-makrofagal sistema taloq, ko'mik, jigar, limfa tugunlari va o'pkada ko'proq bo'lganligidan, shu organlar hammadan ko'p darajada zararlanadi.

**Patologik anatomiyasi.** Murda yorib ko'rilganida jigar, taloq, limfa tugunlari keskin kattalashib, to'qimasi sariq rangga kirib qolgani ko'zga tashlanadi. Gistologik tekshirishda jigarda Pik hujayralari, sfingomielinni fagotsitlab olgan Kupfer hujayralari topiladi. Taloqdagagi limfa, follikulalari bilinmay ketadi, taloq pulpasi Pik hujayralari bilan infiltrlangan bo'ladi, nekroz bo'lgan va qon quyilib qolgan joylar uchraydi. Buyrak usti bezlarida Pik hujayralari miya qatlamida bo'ladi, buyraklarda kam uchraydi, nefroteliyda yog' distrofiyasi sezilib turadi. Bosh miyaning nerv va gliya hujayralarida ham sfingomielin to'plangan bo'ladi. Neyronlarda lipidlar to'planib borishi munosabati bilan ular gipertrofiyaga uchrab, sitoplazmasi vakuollashadi. Ko'z to'r pardasi neyronlari ham zararlanadi.

Patologik jarayon har xil joyda bo'lishi munosabati bilan Nimann — Pik kasalligining beshta asosiy turi tafovut qilinadi, bular A dan E gacha bo'lgan harflar bilan belgilanadi. Yuqorida bayon etib o'tilgan o'zgarishlar bu kasallikning A xiliga xosdir. Bu xilining oqibati yomon. U bolalarning tez orada holdan ketib, o'lib qolishiga sabab bo'ladi, bolalar odatda 3—4 yasharligida o'lib ketadi. Sfingomielin Pik hujayralaridan tashqarida, masalan, kardiomiotsitlar, yurak qopqoqlari, ko'ndalang-targ'il muskullar, boylamlar, bo'g'imlarda ham topilishi mumkin. Ba'zi hollarda asosan suyak to'qimasi zararlanadi, buning natijasida kalla gumbazi suyaklarida teshiklar va boshqa xil o'zgarishlar paydo bo'ladi.

## TEY — SAKS KASALLIGI

Tey — Saks kasalligi (*gangliozidoz*) autosom-retsessiv tarzda nasga o'tadigan kasalliklar jumlasiga kiradi. Bu kasallikning boshlanishi gangliozidlarning parchalanishi uchun zarur bo'ladigan geksozaminidaza fermenti yetishmasligiga bog'liqidir. Shuning natijasida gangliozidlar gliya hujayralari, o'q silindrлari ning aksonlarida va neyronlarda to'planib boradi. Sitoplazmasida gangliozidlar to'planib boradigan hujayralar kattalashib, dumaloq shaklga kiradi. Sitoplazmasi ko'pikka o'xshab qoladi. Bu hujayralar tashqi ko'rinishi jihatidan Pik hujayralariga o'xshab ketadi. Elektron mikroskopiyada lizosomalarda qonsentrik shakkilar ko'zga tashlanadi (94-rasm). Degenerativ o'zgarishlar markaziy nerv sistemasida (jumladan orqa miyada), periferik nervlar va vegetativ nerv sistemasida topiladi. Ko'z to'r pardasining neyronlari ham jarayonga qo'shilib ketadi, ichki

organlarda jarayon kamroq darajada avj oladi. Bunda jigar, taloq va ópkaning parenximatoz hujayralarida lipid kiritmalari ko'zga tashlanadi.

Xuddi boshqa lipidozlarda bo'lganidek, bu kasallik ham geterozigotlarda uchraydi. Qon zardobidagi geksozaminidaza fermentining miqdori diagnostik mezon bo'lib xizmat qiladi. Tey — Saks kasalligini antenatal davrda ham aniqlab olish mumkin.



94 -rasm. Tey — Saks kasalligi. Neyronlarda bir talay lizosomalar bor.

### MUKOPOLISAXARIDOZLAR

*Mukopolisaxaridozlar — bular mukopolisaxaridlarning parchalanishi uchun kerakli fermentlarning yetishmasligidan paydo boladigan va shu munosabat bilan turli toqimalarda mukopolisaxaridlar toplanib qolishi bilan tariflanadigan bir guruh irlsiy kasalliklardir.*

Ma'lumki, mukopolisaxaridlar molekulasi oqsilli qism va shu qismiga kovalent tarzda birikkan uglevod zanjirlaridan iborat murakkab birikmalardir. Mukopolisaxaridlar biriktiruvchi toqima asosiy moddasining tarkibiga kiradi va fibroblastlarda sintezlanadi.

Mukopolisaxaridlarning biologik roli turli-tumandir: 1) ular «tayanch» va «yopishtruvchi» material bo'lib hisoblanadi, 2) toqimalarning osish va regeneratsiyalanish jarayonida, urug'lanish va ko'payish jarayonlarida hamda hujayra membranalarining o'tkazuvchanligida muhim o'rinn tutadi, 3) deyarli barcha hayvon hujayralarining yuzini qoplab, ionlar almashinuvni, immun reaksiyalar, toqimalarning tabaqalanishida ishtirot etadi va hokazo. Fibroblastlarda sintezlanib chiqadigan mukopolisaxaridlarning ko'p qismi biriktiruvchi toqima asosiy moddasini qurishga sarflanadi, qolgan kichikroq qismi esa lizosomalarda turli fermentlar ishtirokida parchalanadi. Lizosoma fermentlarining yoqligi yoki yetishmasligi mukopolisaxaridlarning shu lizosomalarda toplanib qolishiga olib keladi.

Qanday ferment yetishmasligiga qarab, mukopolisaxaridlarning 7 xil klinik-biokimyoiy tipi tafovut qilinadi (2-jadval): I tipi — Gurler sindromi, II tipi —

Gunter sindromi, III tipi — Sanfilippo kasalligi, IV tipi — Morkio kasalligi, V tipi — Sheye kasalligi, VI tipi — Maroto — Lami kasalligi, VII tipi — nomsiz kasallikdir. Mukopolisaxaridozlarning II va VII tiplarini aytmaganda, qolgan hamma tiplari autosomo-resessiv tarzda naslga o'tadi. Gunter sindromi (II tipi) X-xromosomaga tutashgan resessiv tarzda naslga o'tadi.

*2-jadval.*

### Mukopolisaxaridozlarning klinik-biokimyoiyi tiplari

Tipi	Kasallik (sindromi) nomi	Yo'q yoki yetish- maydigan ferment	Organ biriktiruvchi to'qimasida to'planadigan glikozaminglik
I	Gurler sindromi	alfa-L-iduronidaza	dermatansulfat, geparansulfat
II	Guntersindromi	alfa-L-iduron-sulfat- sulfataza	dermantansulfat, geparansulfat
III	Sanfilippo kasalligi	geparansulfat-sulfataza	geparansulfat
IV	Morkio kasalligi	xondroitinsulfat-N- asetilgeksozoaminsulfat	keratansulfat
V	Sheye kasalligi	alfa-L-iduronidaza	dermatansulfat, geparansulfat
VI	Maroto—Lami kasalligi	N-asetilgalaktoza minsulfat-sulfataza	dermatansulfat
VII	nomsiz kasallik	beta-glyukuronidaza	xondroitinsulfat

Jadvaldan ko'rinish turganidek, o'sha fermentlar yetishmay qolganida biriktiruvchi to'qimada asosan dermatansulfat, geparansulfat, keratansulfat, goho xondroitinsulfat to'planib boradi.

Mukopolisaxaridozlar zo'rayib boradigan kasallik bo'lib, ularda turli organ va to'qimalar, jumladan, jigar, taloq, yurak va tomirlar zararlanadi. Kasallar miyasi ning to'qimasida mukopolisaxaridlar miqdori ko'payib ketadi.

Yuqorida aytib o'tilgan 7 xil mukopolisaxaridozlardan 2 xili — Gurler sindromi bilan Gunter sindromi ko'proq o'rinalgan, biz shularni ko'rib chiqamiz.

*Gurler sindromi yoki I tipdag'i mukopolisaxaridoz alfai-L-iduronidaza yetishmasligidan paydo bo'ladi.* Bolalikda, odatda 6—10 yasharlik mahalda ma'lum beradi. Kasal bolalarda turli bosh miya nervlariga aloqador kamchiliklar bilan bir qatorda skelet o'zgarishlari kuzatiladi (gargoilizm). Yurakning toj arteriyalari va yurak qopqoqlarining tabaqalarida mukopolisaxaridlar to'planib borishi tuyayli boshlanadigan yurak yetishmovchiligidan bolalar o'lib ketadi. Dermatansulfat va geparansulfatning to'planishi monotsitar-fagotsitar sistema hujayralarida, fibroblastlar, endoteliy hujayralari va tomirlar devoridagi silliq muskul

hujayralarida ham kuzatiladi. Zararlangan hujayralar kattalashib, sitoplazmasining rangi oqaradi. Bo'kib, vakuollashgan lizosomalarda SHIK-musbat material topiladi. Lizosoma kiritmalari neyronlarda ham uchraydi.

Mukopolisaxaridozlarning klinik ko'rinishlari to'qimalarda ortiqcha mukopolisaxaridlar to'planib qolishiga, kolagen sintezi ikkilamchi tartibda buzilishiga bog'liqidir. Kasallarda umurtqa pog'onasining shakli o'zgarib, bo'g'imlar yaxshi harakat qilmaydigan va shakli boshqacha bo'lib qoladi, gepatomegaliya, splenomegaliya, garanglik, aqliy qololqik boshlanadi. Ko'zda bo'ladiqan o'zgarishlar ko'z shox pardasi xiralashuvi, ko'ruv nervlari disklarining atrofiyaga uchrashi bilan ifodalanadi.

*Gunter sindromi (II tipdagи mukopolisaxaridoz)* birmuncha yengilroq o'tishi bilan farq qiladi. Bu kasallikning boshlanishi alfa-L-iduronsulfat — sulfataza yetishmasligiga bog' liq, to'qimalarda esa geparansulfat bilan dermatansulfat to'planib boradi.

## X – XROMOSOMA BILAN TUTASHGAN, RESESSIV VA DOMINANT TARZDA NASLGA O'TUVCHI KASALLIKLAR

Jins (X-xromosoma) bilan tutashgan retsessiv irsiylanish shundan iboratki, jinsiy xromosomalar to'plami XY holida bo'lganida, ya'ni o'g'il bolalardagina mutant gen ta'siri yuzaga chiqadi. Naslga o'tishning bu turi Dyushen tipidagi zo'rayib boradigan muskul distrofiyasi, Lesh — Nixon sindromi, Fabri kasalligi, glyukoza-6-fosfatdehidrogenazaning irsiy yetishmovchiligiga aloqador A va B gemofiliya uchun xarakterlidir.

X xromosoma bilan tutashgan dominant tipda naslga o'tish shundan iboratki, mutant genning ta'siri dominant tarzda, ya'ni jinsiy xromosomalar har qanday to'plamda bo'lganida ham yuzaga chiqaveradi.

## HAR XIL TARZDA NASLGA O'TADIGAN IRSIY KASALLIKLAR

Bularga tug'ma rivojlanish nuqsonlari, Elers—Danlos sindromi va o'smalar kiradi. Tug'ma rivojlanish nuqsonlari organ yoki organizmning normal tuzilish doirasidan tashqariga chiqadigan, unda mudom saqlanib turadigan o'zgarishlaridir.

Tug'ma rivojlanish nuqsonlarining kelib chiqishida mutatsiya hodisisi muhim ahamiyatga ega. Genlar mutatsiyaga uchrashi natijasida monomutant rivojlanish nuqsonlari paydo bo'ladi. Gen mutatsiyalari va tashqi muhit omillarining ona qornidagi embrionga birgalashib, aralash ta'sir ko'rsatishi tufayli multifaktorial rivojlanish nuqsonlari yuzaga keladi.

Monomutant rivojlanish nuqsonining asosida bitta genning bemor otanonalar yoki birmuncha uzoq ajdodlari jinsiy hujayralarida mutatsiyaga uchrashi yotadi. Naslga o'tishning dominant, resessiv yoki X-xromosoma bilan tutashgan xiliga qarab, rivojlanish nuqsonlari: 1) dominant, 2) retsessiv, 3) X-tutashgan tarzda bo'ladi.

*Dominant rivojlanish nuqsonlari* yangi mutatsiya tufayli yoki mutatsiyaga uchragan gennen odatda shunday rivojlanish nuqsoni bo'lgan ota yoki onadan o'tishi natijasida yuzaga keladi. Bunday nuqsonlar jumlasiga polidaktiliyaning ba'zi turlari, katta yoshli kishilarda uchraydigan buyrak polikistozi, Marfan sindromi kiradi. *Resessiv rivojlanish nuqsonlarining* paydo bolishi shunga bog'liqki, kasalning ota-onalari sog' bo'lgani holda ularning ikkalasi ham vujudida o'zgargan genni tashib yuradi. Resessiv rivojlanish nuqsonlari jumlasiga go'daklar buyrak polikistozi, Mekkel sindromi kiradi. *X-tutashgan tarzda nasiga o'tadigan rivojlanish nuqsonlariga* odatda X-xromosomada joylashgan patologik genni onasidan olgan o'g'il bolalarda uchrovchi obstruktiv gidrosefaliya kiradi.

*Multifaktorial rivojlanish nuqsonlari* eng katta guruhni tashkil etadi va ularning paydo bolishi tegishli patologik genlar tufayli yuzaga keladigan irsiy moyillikka bog'liq bo'ladi. Yurakning rivojlanish nuqsonlari, anensefaliya, orqa miya churralari, proensemfaliya (oldingi miya pufagining katta yarim sharlarga bo'linmay qolishi), obstruktivmas gidrosefaliya, lab va tanglay tirtiqliklarining ko'pchiligi, tug'ma pilorostenoz, maymoqlik, buyrak displaziyalari, son chiqiq'i, megakolon va boshqalar kiradi.

Nuqsonlar paydo bolishiga olib bora oladigan teratogen omillarga ba'zi viruslar, protozoy infeksiyalar, etil spirti, ba'zi dori preparatlari kiradi.

Rivojlanish nuqsonlarining paydo bolish mexanizmi yetarlicha o'rganilgan emas. Rivojlanish nuqsonlarining paydo bolishi quyidagi sabablarga: ko'payish jarayonlarining buzilishi, ayrim hujayra massalarining boshqa joyga o'tib qolishi, tabaqalanishining o'zgarishi, halok bo'lib ketishi, to'qimalar adgeziyasining buzilishiga bog'liq deb taxmin qilinadi.

## XROMOSOMA KASALLIKLARI

*Xromosomalar mutatsiyasiga aloqador irsiy kasalliklar xromosoma kasalliklari deb ataladi.* Xromosomalar hujayra yadrosining asosiy struktura-funksional elementlari bo'lib, chiziqli tartibda joylashgan genlarni o'zida jo qiladi va irsiy axborotni saqlash, qayta tiklashni, shuningdek bu axborotni belgilarni ko'rinishida yuzaga chiqarishning boshlang'ich qismini ta'minlab beradi.

Xromosomalarning asosiy vazifalari:

- 1) molekulaning DNK tuzilmasida joylashgan irsiy axborot tashuvchilarini — genlarni saqlab borish,
- 2) irsiy axborotning o'z-o'zidan takrorlanishini ta'minlash,
- 3) uni belgi holida yuzaga chiqarish uchun o'tkazish,
- 4) ota-onalar belgilarni avlodda biror tarzda qayta uchrashini ta'minlash va boshqalardan iborat.

*Tutashgan genlar guruhlarining soni va tutashuv tartibining o'zgarishi — biologik turlari evolyusion o'zgaruvchanligining muhim omilidir.*

Xromosomalarning o'z vazifalarini ado etib borishi ular tuzilishining o'zgarib turishi bilan mahkam bog'liq. Hujayraning bo'linishi, mitoz yoki meyoz vaqtiga

kelib, xromosomalar konsentratsiyasi oshib borishi natijasida har kimda har xil bo'ladigan xromosomalar shakllanib oladi.

Individ xromosomalari va ularning to'plamlarini hujayra bo'linishining metafaza davrida tasvirlab berish mumkin.

*Bo'linishning metafaza davridagi somatik hujayralar to'la xromosoma to'plami morfologik belgilarining jami majmuasi kariotip deb ataladi.* Odamning normal kariotipida 23 juft xromosoma bo'ladi, shularning 22 jufti autosomolar va 1 jufti jinsiy xromosomalardir. Ayollarda XX, erkaklarda esa XY xromosomalar uchraydi. Sentromerning olgan orni har bir xromosoma uchun doimiy bo'ladi.

Xromosoma tanasi har xil darajada (och, to'q bo'lib) bo'yaladigan segmentlarga bo'linadi. Har bir xromosomadagi ana shunday segmentlarning vaziyati va katta-kichikligi, soni o'ziga xos tarzda bo'ladi, shuning uchun har qanday xromosoma to'plamini kimga tegishli ekanini aniqlab olish mumkin. *Xromosomaning undagi genlar qanday tartib bilan va bir-biriga nisbatan qanday masofada joylashgani belgilab qo'yilgan tasviri xromosoma xaritasi deb aytildi.* Alovida olingen genlar juda kichik bo'lgani uchun xromosomalar xaritasida ular nuqtalar holida tasvirlanadi. Ana shunday nuqtalarni genetik lokuslar deyiladi. Xromosomalarda genlar doimo o'zgarmas tartib bilan, ma'lum nuqtalarda joylashgan bo'ladi.

Ota-onalar gametalari (yetilgan jinsiy hujayralari) yoki endigina bo'line boshlagan zigota (urug'langan tuxum hujayra) dagi xromosomalar soni yoki tuzilishining o'zgarishi xromosoma kasalliklariga olib keladi.

Inson populyatsiyasida uchraydigan xromosoma kasalliklari umuman olin-ganda 1 foizga boradi. Homiladorlikning birinchi uch oyida uchraydigan bola tushish hollarining 50 foizi xromosoma o'zgarishlariga aloqadorligi aniqlangan.

**Xromosomal sonining o'zgarishi.** Xromosomalar kamchiliklarining hamma shakl va xillari odamda topilgan. Hozir xromosoma to'plamlari sonining ikki xil o'zgarishi aniqlangan: *poliploidiya* va *aneuploidiya*. Poliploidiyada gaploid to'plam karrali suratda ko'payib ketadi (3p — triploidiya, 4p — tetraploidiya). Poliplodiya o'z-o'zidan bola tushishiga, ya'ni spontan abortlarga olib keladi. Xromosoma to'plamidagi xromosomalar sonining karralimas tarzda hamma o'zgarishlari *aneuploidiya* degan atama bilan birlashtiriladi. Bunda ayrim xromosomalardan soni o'zgaradi. Chunonchi, diploid to'plamda qo'shimcha xromosoma bo'lishi — *trisomiya*, xromosomalardan bittasining bo'lmasisligi — *monosomiya* shular jumlasisidandir.

Ma'lumki, normada gametalar yetilib kelayotganligida gomologik xromosomalardan turli hujayralarga ajralishi kerak. Xromosomalardan biror juftining ajralmay qolishi va shu juftning tuxum hujayra yadrosiga o'tishi natijasida onada qo'shimcha xromosomali to'plam yuzaga keladi (*trisomiya*). Bordi-yu, ajralmay qolgan xromosoma jufti yo'naltiruvchi tanachaga o'tib qolsa, u holda yadroda bitta xromosoma yetishmay qoladi (*monosomiya*). Ana shunday tuxum spermatozoid bilan urug'langanida zigitada odatdag'i diploid to'plam orninga aneuploid to'plam paydo bo'ladi. Autosomalarning monosomiyasi hayot

bilan sig'ishmaydigan hodisadir. Trisomiya odamda ko'proq uchraydigan patologiya bo'lib hisoblanadi, masalan, Patau sindromi (autosomolarning 13 juft xromosomalar bo'yicha trisomiyasi), Edvards sindromi (18-juft bo'yicha), Daun kasalligi (21 juft) shular jumlasidandir.

Bir qancha xromosoma kasalliklari jinsiy xromosomalar sonining o'zgarligiga bog'liqidir. Masalan, X-xromosoma monosomiyalari Shereshevskiy — Terner sindromiga sabab bo'lsa, jinsiy xromosomalar trisomiyasi Klaynfelter sindromiga sabab bo'ladi.

Xromosomalar mutatsiyasi har xil bo'lishini ham eslatib o'tish kerak. Jinsiy hujayralardagi mutatsiyalar ba'zi hollarda to'la shakldagi xromosoma kasalliklari paydo bo'lishiga olib keladi. Bunda organizmning hamma hujayralarida embriogenezda (ayniqsa, zigota bo'linishining boshlang'ich davrlarida) yuzaga keladigan bir xildagi xromosoma mutatsiyalari bo'ladi. Boshqa hollarda aralash shakldagi xromosoma kasalliklari yuzaga keladi, bunda hujayralarning faqat bir qismida xromosoma anomaliyasi bo'ladi (mozaizism).


**Xromosoma tuzilishining anomaliyalari.** Xromosoma tuzilishi xromosomalarga biror zarar yetishi natijasida o'zgaradi. Bunda xromosoma materialining bir qismi yo'qolib ketishi, segmentlarining joylashuv tartibi o'zgarib, xromosoma materiali ko'payib qolishi mumkin. Qanday sabablar genetik mutatsiyalarga olib boradigan bo'lsa, o'sha sabablarning o'zi xromosomalar tuzilishi o'zgartirishlariga ham olib boradi.

Autosom-retsessiv sindromning xromosoma destruksiyaga uchrab, xromosoma materiali yo'qolib ketadigan 3 turi tasvirlangan. Bular *Frankoni anomaliyasi*, *Blum sindromi* va ataksik teleangiektaziyadır.

**Xromosomalar strukturasiningqayta tuzilishi.** Xromosomalar strukturasi qayta tuzilishiga aloqador kasalliklar xromosoma kasalliklarining ancha katta guruhini tashkil etadi. Bularga: translokatsiya, deletsiya, inversiya kiradi (95-rasm).

*Translokasiya* segment (yoki segmentlar)ning xromosoma to'plami ichida boshqa joyga o'tib qolishi natijasida xromosoma strukturasining qayta tuzilishidir. Xromosomalar ichidagi translokatsiya va xromosomalararo translokatsiya tafovut etiladi.

*Deletsiya* — xromosoma terminal yoki interstisial uchining yo'qolib ketishi. Xromosomada bitta uzuq bo'lganida terminal, ikkita uzuq bo'lganida interstisial deletsiya yuzaga keladi. Deletsiyalar radiatsiya, fizik va kimyoviy omillar ta'siri ostida (induksiyalangan deletsiyalar) yoki o'z-o'zidan paydo bo'ladi. Deletsiya xromosomalar aberratsiyasining eng ko'p tarqalgan xillari jumlasiga kiradi.



95-rasm. Xromosomalar strukturasining qayta tuzilish tiplari.

Yirik deletsiyalarni metafaza yoki anafaza davrida o'tkaziladigan sitologik tahlil yo'li bilan aniqlab olish mumkin. Nuqtasimon deletsiyalar genetik tahlil davomida topilishi mumkin, xolos. Yirik interstisial deletsiyalar hamisha o'limga olib boradi. Deletsiyaning turlaridan biri halqasimon shaklda xromosoma paydo bo'lishidir, bunda xromosomaning har qaysi uchidan bittadan (hammasi bo'lib 2 ta uchki) segment yo'qolib ketadi.

*Inversiya* — xromosoma struktura o'zgarishlarining tabiatda eng ko'p uchraydigan xildir. Xromosoma ikki nuqtasidan uzilganida qismlari (fragmentlari) ning 180° ga burilib qolishidan iborat. Inversiya o'z-o'zidan va turli mutagenlar (masalan, radiatsiya) ta'siri ostida paydo bo'ladi. Inversiya: 1) gen faolligining o'zgarishi, 2) uzilgan bitta joydagи genetik materialning o'zgarishi yoki yo'qolib ketishi, 3) gomozigot qismidagi genlar o'rtaсидagi nisbiy masofaning o'zgarishi (buning natijasida genning tutashish darajasi boshqacha bo'lib qoladi), 4) meyoz bosqichida gomologik xromosomalar jufti konyugatsiyalanishida kamchiliklar bo'lishi bilan birga davom etishi mumkin.

Yuqorida tasvirlanganlarni yakunlab, xromosoma kasalliklarining mana bunday asosiy xususiyatlarini ta'kidlab o'tish mumkin:

— xromosoma kasalliklari xromosomalarning yo'qolib ketishi (deletsiya, monosomiya), ortiqcha bo'lishi (trisomiya) yoki odatdan tashqari qayta tuzilishi (translokatsiya) ga bog'liq bo'ladi;

- xromosoma materialining kamayishi uning ortib ketishidan ko'ra chucher-roq darajadagi nuqsonlarga olib keladi;
- jinsiy xromosomalarning o'zgarishi bola tug'ilganida sezilmaydigan anomaliyalarga sabab bo'ladi; pushtsizlik jinsiy xromosomalar patologiyasining eng ko'p uchraydigan xili bo'lib, o'smirlik davridagina aniqlanishi mumkin;
- ko'pchilik hollarda xromosoma kasalliklari *de novo* paydo bo'ladi;

So'nggi vaqtida bir necha xil trisomiyalar aniqlanib, tasvirlangan, shulardan 3 ta autosomo trisomiyalari (21, 18, 13) va 5 xromosoma qisqa yelkasining qisman deletsiyasiga aloqador bitta deletsiya sindromi ko'proq uchraydi. Trisomiyalardan eng ko'p uchraydigani Daun kasalligidir.

## DAUN KASALLIGI

*Daun kasalligi — xromosoma kasalligi bo'lib, uning asosida xromosoma to'plamining anomaliyasi yotadi.* Oligofreniya aqli pastlik bilan ta'riflanadi, bunda kasal aqli past bo'lishi bilan bir qatorda tashqi qiyofasi jihatidan ham o'ziga xos bir ko'rinishda bo'ladi. Kasallarning 92—95 foizida 21 xromosomaga doir trisomiya topiladi, shu munosabat bilan hamma hujayralarda 47 tadan xromosoma bo'ladi. Yuqorida ko'rsatib o'tilganidek, trisomiyaning sababi ayol jinsiy hujayrasini yetilayotgan mahalda xromosomalardan bir juftining ajralmay qolishidir.

Daun sindromi paydo bo'lish xavfini oshiradigan jiddiy omil onaning yoshidir, chunonchi ona 20 yosh atrofida bo'lganida Daun sindromi 1000—1500 chaqaloqqa bitta to'g'ri keladigan bo'lsa, yoshi 45 dan oshgan onalardan tug'ilgan bolalarda bu kasallik 25 ta chaqaloqda bittadan to'g'ri keladi. Ona yoshining kattalashishi bilan kasal bolalar ko'proq tug'ilishi o'rtasida bog'lanish borligi hozir aniq-ravshan isbot etilgan. Buning asosida tuxum hujayraning atrofdagi tashqi muhit zararli omillari ta'siriga juda sezgirligi yotadi deb taxmin qilinadi. Odamning yoshi ulg'ayib borgan sayin mana shu ta'sir kuchayib; to'planib bora-di, bu narsa oxiri xromosomalardan bir juftining ajramay qolishiga olib keladi. Kamdan-kam (20 foiz atrofida) hollarda Daun kasalligining sababi mozaitsizmdir, bunda hujayralarning ba'zisi normal (46 xromosomadan tashkil topgan) to'plamga ega bo'lsa, boshqalarida ortiqcha xromosoma bo'ladi. Bunday hollarda kasallikning begilarini bemorlarda aniq-ravshan bilinib turmaydi.

**Patologik anatomiysi.** Daun kasalligida asosiy struktura o'zgarishlari bosh miyada kuzatiladi. Bu o'zgarishlar miya peshona bo'laklarining yetarli rivojlanmaganligi, yon qorinchalar hajmining kichrayib qolgani, miya egatlari va pushtalari sust rivojlanib, yaxshi tabaqalashmaganidan iborat bo'ladi. Bir qancha hollarda miyaning rivojlanishida anomaliyalar uchraydi: nevronlar tabaqalashining aynashi, bosh va orqa miya nerv tolalarining mielin bilan qoplanshi shular jumlasidandir. Ichki sekretsiya bezlarida sezilarli gipoplaziya borligi seziladi. Qalqonsimon bez, buyrak usti bezlari po'stlog'i va jinsiy bezlar, ayniqsa ko'proq zararlanadi. Ichki organlar atrofiyaga uchragan, aorta tor, devorlari yupqa, yirik tomirlar kichrayib qolgan bo'ladi.

Daun kasalligining klinik ko'rinishlari xilma-xildir. Kasallarda aqliy qoloqlik, quloq supralari shaklining o'zgarib ketganligi topiladi. Ularning bo'yni kalta, bosh aylanasi kichik (mikrobraxisfaliya), ko'zi g'ilay bo'ladi. Tug'ma yurak poroklari, muskullar gipotoniyasi borligi ma'lum bo'ladi, Moro refleksi yo'qolib ketadi, harakatlar uyg'unligi buziladi, vegetativ-endokrin o'zgarishlar bo'ladi. Kasallar qo'l-oyoqlarining panjalari kalta va serbar bo'lib ko'zga tashlanadi. Bunday kasallar ko'pincha leykemiya bilan og'rishga moyil bo'ladi.

Ruhiy yetilmaganlik (oligofreniya) ko'pchilik (75 foiz) hollarda imbesillik darajasiga yetadi, 20 foiz hollarda idiотiya va atigi 2 foiz hollarda debillik ko'rildi.

## KLAYNFELTER SINDROMI

*Klaynfelter sindromi — jinsiy xromosomalar sonining o'zgarib qolganiga alovqador xromosoma kasalligi.* Spermatogenez buzilishi, moyaklar va ikkilamchi jinsiy belgilari yetilmay qolishi bilan ta'siflanadi. Tana qismlarining mutanosibligi ham buziladi. Bu kasallik faqat erkaklarda kuzatiladi. Kasallikning paydo bo'lishi xromosoma to'plamiga qo'shimcha X-xromosoma kirib qolishi hisobiga jinsiy xromosomalar sonining ko'payib ketganligiga bog'liqdir. Shunday qilib, xromosoma to'plamida ikkita X-xromosoma va bitta Y-xromosoma (XXY) paydo bo'lib qoladi. Determinatsiyalovchi ta'sir Y xromosomaga bog'liqdir, shu xromosoma ta'siri tufayli erkak jinsiga mansub homila rivojlanib boradi. Klaynfelter sindromining xromosomalar to'plami XXYY, XXXY, XXXXY bo'ladigan xillari, shuningdek 46XY/47XXY, 47XXY/48XXXX shakldagi mozaitsizm xillari ham tasvir etilgan. Klaynfelter sindromi ko'pchilik hollarda xromatin-musbat bo'ladi.

Bittadan ortiq X-xromosoma paydo bo'lishi birinchi meyoz bo'linishida jinsiy xromosomalarining ajralmay qolishiga bog'liqdir. Qo'shimcha xromosoma ona xromosomasi ham, ota xromosomasi ham bo'lishi mumkin. Bu kasallik paydo bo'lishida onaning yoshi (35—40 yoshdan oshganligi) va ota-onalar organizmiga radiatsiya singari mutagen omillar ta'sir qilganligi ham muhim ahamiyatga ega.

**Patologik anatomiyasi.** Kasallikning asosiy morfologik o'zgarishlari voyaga yetish davri boshlanishi bilan moyaklarda paydo bo'ladi. Moyaklar juda ixchamlashib, eng katta deganda diametri 2 sm ga teng bo'ladi. Gistologik yo'l bilan tekshirib ko'riganida urug' kanalchalari germinativ epitelyisi atrofiyaga uchrab, devorlari gialin bilan qoplanguani ko'zga tashlanadi. Ba'zi kanalchalarda germinativ epiteliy bo'lmaydi, ularning devori esa suspensitlar (Sertoli hujayralari) bilan qoplangan bo'ladi. Shu narsa spermatogenezning nihoyat darajada susayib ketishiga olib keladi. Moyaklar o'z pardasining elastik tolalari yo'qolib ketadi. Leydig hujayralarining soni keskin ko'payib ketgan bo'ladi.

**Klinik manzarasi.** Asosiy klinik belgisi odamning pushtsiz bo'lib qolib, farzand ko'rolmasligidir. Birgina moyaklar emas, balki ichki jinsiy organlar, prostat bezi, urug' pufakchalari, moyak ortiqlari ham atrofiyalangan bo'ladi.

Kasallar tana tuzilishi nomutanosibroq bo'lib qolgani bilan ajralib turadi: oyoqlari uzun, ko'krak qafasi tor, chanog'i keng va bel lordozi bo'ladi. Ko'pincha umurtqa suyaklari osteoporozga uchrab, umurtqa pog'onasi rivojlanishida anomaliyalar paydo bo'ladi. Kasallarning 25—50 foizida ginekomastiya hodisasi kuzatiladi. Yuzda soqol moylov, badan va oyoq-qollarda jun siyrak bo'ladi, ba'zan butunlay bo'lmaydi. Kasallar fahm-farosati pastligi bilan ajralib turadi (debilik paydo bo'ladi). Xromosoma mozaisizmida kasallikning klinik ko'rinishlari xromosoma to'plami XXY bo'lgan paytdagidan ko'ra kamroq ifodalananadi.

### SHERESHEVSKIY — TERNER SINDROMI

*Shereshevskiy — Terner sindromi — jinsiy xromosomalardan bittasi (X yoki Y) bo'lmasligiga aloqador xromosoma kasalligidi.* Birlamchi agonadizm, somatik rivojlanish anomaliyasi va bo'y o'smay qolishi bilan ta'riflanadi. Monosomiya to'la yoki qisman bo'lishi mumkin. Kasallarning yarmidan ko'ra ko'prog'ida X-xromosoma bo'lmaydi, shu narsa perinatal davridayoq Shereshevskiy — Terner sindromining sezilarli darajada yetishiga olib keladi. Shereshevskiy — Terner sindromining X-xromosoma tuzilishidagi kamchiliklarga (qisqa yelkadeletsiyasiga, X-xromosomaning xalqasimonligiga) bog'liq bo'lgan xillari ham tasvirlangan. Bu kasallikning ota-onalar yoshi yoki qanday bo'lmasisin kasalligiga bog'liqligi aniq belgilangan emas. Biroq, homiladorlik toksikozlari shu kasallik paydo bo'lishini ehtimol qilib qo'yadigan omil bo'lib hisoblanadi.

**Patologoanatomik o'zgarishlar** Shereshevskiy — Terner sindromida xilmashildir. Tuxumdonlarda tabaqalashmagan biriktiruvchi to'qima tortmalari topiladi, xolos, buferda follikulalar bo'lmaydi. Moyaklar ba'zan rudiment holiga kirib qoladi va ularda ovarial stroma hamda ayrim follikulalar bo'ladi. Boshqa sistemalar va organlar xususiga kelganda suyak-bo'g'im sistemasida (Spina bifida, bo'g'imlar deformatsiyasi, osteoporoz), shuningdek yurak-tomirlar sistemasida o'zgarishlar hammdan ko'proq topiladi. Tomir va yurakning rivojlanish nuqsonlari: aorta koarktatsiyasi, Botallo yo'li va qorinchalar orasidagi to'siqning bitmay qolganligi, aorta, buyrak arteriyalari og'zi stenozi kuzatiladi. Buyraklar rivojlanishining nuqsonlari ham topiladi: taqasimon buyrak, buyrak jomlari va siyidik yo'llarining ikkiga bo'linib qolgani va boshqalar shular jumlasidandir.

**Klinik manzarasi** xilma-xil. Eng xarakterli klinik belgilari: gavda yuki ortiqcha bo'lgani holda bo'y pakanaligi, jinsiy organlarning yetilmay qolgani, birlamchi amenoreya va pushtsizlik, umumiyligi displastiklik, ko'krak qafasining boch-kasimon, bo'yining kalta bo'lishi, culoq supralari shakli o'zgarib, tanglayning «gotik» shaklga kirganligi, tirnoq va tirsak bo'g'imlari deformatsiyasi, limfostaz, buyrak va tomirlarning rivojlanish nuqsonlaridir. O'ziga xos ruhiy infantilizm kuzatilishi mumkin. Qonda gipofiz gormonlari miqdori yuqori bo'lgani holda estrogenlar kam bo'ladi. Shereshevskiy — Terner sindromi ko'pincha qiz bolalarda rivojlanadi.

# XI Bob

## EKOLOGIK PATOLOGIYA

### OZIQLANISHNING BUZILISHI

*Oqsil yetishmovchiligi:*

*Kvashiorkor*

*Marazm*

*Vitaminlar yetishmovchiligi*

*va ortiqchaligi*

*Vitamin A*

*Vitamin D*

*Vitamin E*

*Vitamin K*

*Vitamin B<sub>1</sub>*

*Vitamin B<sub>2</sub>*

*Vitamin B<sub>6</sub>*

*Vitamin B<sub>12</sub>*

*Vitamin S*

*Mikroelementozlar*

### KASBGA ALOQADOR KASALLIKLAR

*Sanoatda uchraidiyan kimyoviy*

*Zaharlardan paydo bo'ladigan*

*kasalliklar*

*Sanoatda uchraydigan*

*changlardan paydo bo'ladigan*

*kasalliklar (pnevmonokionozlar)*

*Antrakoz*

*Silikoz*

*Silikatozlar*

*Berillioz*

*Fizik omillar ta'siriga*

*aloqador kasalliklar*

*Vibratsion kasallik*

*Kesson kasalligi*

*Korxonalardagi shovqin-*

*dan paydo bo'ladigan kasalliklar*

*Elektromagnit to'lqinlari*

*ta'siriga aloqador kasalliklar*

*Ionlashtiruvchi nurlar*

*ta'siri ostida kelib chiqadigan*

*kasalliklar*

### OZIQLANISHNING BUZILISHI

Ma'lumki, insonning salomatligi uchun 40—50 xilga yaqin oziq moddalar, jumladan aminokislotalar, yog' kislotalari, bir qancha anorganik elementlar, vitaminlar zarur. Shu munosabat bilan oziqlanishning buzilishi odam patologiyasida muhim o'rinn tutadi. Chunonchi, ovqatga yolchimaslik, bir tomondan, immun javob izdan chiqib, hayot uchun muhim almashinuv jarayonlarining buzilishiga olib kelishi mumkin bo'lsa, ikkinchi tomondan, ovqatga ruju qo'yib, ko'p ovqat yeyish aterogenlik, kanserogenlik, yog' bosishi va boshqalar singari muammolar bilan mahkam bog'langandir.

Ovqatga yolchimaslik bolalarni turli infeksiyalarga — ko'pincha bolalar o'limiga sabab bo'ladigan bakterial, parazitar, virus kasalliklariga moyil bo'lib qolishiga olib keladigan omillarning biridir. Oziqlanishning buzilishi uzoq vaqt kasalxonada yotadigan, ayniqa parenteral yo'l bilan oziqlantiriladigan odamlar orasida ham kuzatilishi mumkin.

Quyidagi sabablar oziqlanish buzilishiga olib kelishi mumkin: 1) ochlik yoki ovqatga yolchimaslik (birlamchi tartibda oziqlanish buzilishi), 2) so'rilish va

hazm qilish jarayonlarining izdan chiqishi (ikkilamchi tartibda oziqlanish buzilishi), 3) ovqatga ehtiyoj ortishi (masalan, homiladorlik paytida).

Oziqlanish buzilishi munosabati bilan odamda patologiya paydo bo'lishida oqsil yetishmovchiligi, avitaminozlar, mikroelementlar tanqisligi, yog' bosishi muhim orinda turadi.

## **OQSIL YETISHMOVCHILIGI**

Oqsil yetishmovchiligi bolalar ovqatida hayvon oqsillari (go'sht, sut va boshqalar) mudom yetishmaydigan mahallarda, shuningdek hazm jarayonlari izdan chiqqanida paydo bo'ladi.

Oqsil yetishmovchiligiga aloqador ikkita sindrom tasvirlangan: 1) *kvashior-kor*, 2) *marazm*.

## **KVASHIORKOR**

Kvashiorkor bolalarda birlamchi oqsil yetishmovchiligi tufayli boshlanadi va jismoniy rivojlanishning orqada qolishi gipoalbuminemiya, tarqoq shishlar boshlanishi, teri pigmentatsiyasining o'zgarishi, ichakda so'rilib jarayonlarining izdan chiqishi va ruhiy o'zgarishlar bilan ta'riflanadi. Bolalar pellagrasi, gidrokaxeksiya deb ataladigan kvashiorkor Afrika, Markaziy va Janubiy Amerika, Hindistonda ko'p tarqalgan. Odatda bolani ko'krakdan ajratilganidan keyin boshlanadi. Ovqatda oqsillar yetishmasligi va hazm bezlari sekretor funksiyasining buzilishi qon plazmasida albuminlar miqdori kamayib ketishiga olib keldiği, mana shu narsa manfiy azot balansi vujudga kelib, qon plazmasida onkotik bosim pasayib ketishiga sabab bo'ladi. Natijada hujayralar gipergidratisiyaga uchrab, shishlar paydo bo'ladi.

Badan terisida, ayniqsa oyoq va yuz terisida giperkeratoz boshlanib, teri post tashlab turadi. Og'ir hollarda epidermis ajralib tushadi. Sochlardan tikkayib, xiralashadi, malla tusga kirib qoladi. Bir qancha hollarda ular butunlay rangini yo'qotib, to'qilib ketadi va tepakal paydo bo'ladi. Me'da-ichak ishi buzilib, qorin kattalashadi, hepatomegaliya, anemiya, limfopeniya boshlanadi, immun javob, ayniqsa T-hujayraga taalluqli immun javob susayib qoladi.

Kvashiorkorning yengil shakli faqtgina hepatomegaliya boshlanishi va o'rtacha gipoalbuminemiya hamda biroz shish bo'lishi bilan birga davom etib boradi.

**Patologik anatomiysi.** Kvashiorkorda hammadan ko'ra ko'p ifodalangan morfologik o'zgarishlar jigar, me'da osti bezi va me'da-ichak yo'lida topiladi. Jigar kattalashgan, kesib ko'rilganda sariq bo'llib ko'zga tashlanadi. Mikroskopda tekshirib ko'rilganida hepatotsitlarning yog' distrofiyasi, limfotsitar infiltratlar topiladi, jigar bo'lakchalarining chetlarida biriktiruvchi to'qima o'sib ketgan bo'ladi. Jigardagi yog' distrofiyasi, aftidan, lipoproteidlar sintezi pasayib ketganligiga bog'liqidir. Bolalarda odatda sirroz boshlanmaydi va bolaning ovqati izga

tushirilsa, gepatotsitlardagi yog' kiritmalari yo'qolib ketadi. Me'da osti bezida bez hujayralarida atrofiya boshlanib, asinuslar yo'qolib ketgani, sekretor granulalar kichrayib qolgani, Langergans orolchalari gipertrofiyasi, bez bo'lakchalarining chetlari va markazida biriktiruvchi to'qima osib ketgani topiladi. Ichakda vorskinkalar soni kamayib, ichak shilliq pardasida atrofik jarayonlar boshlanadi. Ichakdagagi atrofik jarayonlar ba'zi ichak fermentlari yo'qolib ketishi bilan birga davom etadi, bu narsa disaxaridazalar yetishmay qolishi va sutni ko'tara olmaslik hodisalarini ko'rinishida namoyon bo'ladi.

Kvashiorkorda boshlanadigan anemiya odatda normoxrom, normositar bo'lib, temir va folat kislota yetishmovchiligidan birga davom etadi.

Ko'mikda eritrotsitar qator hujayralari gipoplaziyaga uchraydi. Immunitet tanqisligi — T va B-hujayralar yetishmasligi ham xarakterlidir.

### MARAZM

Marazm ham, kvashiorkor singari, birlamchi oqsil yetishmovchiligi natijasida paydo bo'ladi. Bolalarda rivojlanish jarayonlari sekinlashadi yoki to'xtab qoladi, yog' to'qimasi bilan muskul to'qimasida atrofiya boshlanadi (96-rasm).

Ozib cho'pdek bo'lib ketgan qo'l-oyoqlar terisi ilvillab, erkin osilib turadi. Cho'p-ustixon bo'lib ketgan gavda oldida kalla juda katta bo'lib ko'rinaldi. Ichak gjijalar bilan zich to'lgan bo'ladi. Anemiya va polivitamin yetishmovchiligi, barcha organ va sistemalarda boshlanadigan chuqur atrofik o'zgarishlar ham xarakterlidir. Atrofiya timusda ham topiladi, bunda T-hujayralar soni keskin pasayib ketgan bo'ladi.



96-rasm. Birlamchi oqsil yetishmovchiligi mahalidagi yog' va muskul to'qimalarining atrofiyasi.

Kasallarning infeksiyalarga, ayniqsa bakterial va parazitar kasalliklarga ortiq darajada sezgir bo'lishi ham shunga bog'liq.

Oqibati infeksiya qoshilgan mahallarda yomon. Infeksiya boshlanishining oldi olinib, ovqat toq'ri yo'nga qo'yilganida bu patologiya oqibati xayrli bo'lishi mumkin.

## VITAMINLAR YETISHMOVCHILIGI VA ORTIQCHALIGI

*Vita'minlar yetishmovchiligi va organizmda vitaminlar tanqisligi munosabati bilan yuzaga keladigan patologik holatdir.* Biror vitamin tamomila yetishmay qolsa, avitaminoz hodisasi vujudga keladi. Vita'minlarning qisman yetishmovchiligi gipovitaminoz deyiladi.

Ma'lumki, insonning salomatligi uchun 13 ta vitamin zarur, shularning to'rttasi yog'larda, to'qqiztasi esa suvda eriydigan vitaminlardir. Vita'minlarning ba'zi xillari biroz miqdorda organizmning o'zida sintezlanishi mumkin. Masalan, vitamin B prekursor steroidlardan sintezlansa, vitamin K va biotin ichakda undagi mikroflora yordamida sintezlanadi.

*Vitamin yetishmovchiligi* qanday sabablarga bog'liq ekanligiga qarab, ekzogen va endogen xillarga bo'linadi. Ekvogen yoki birlamchi vitamin yetishmovchiligi odam nuqul bir xil, rasamadiga keltirilmagan ovqat iste'mol qilganida unda qanday bo'lmasin biror vitaminning yo'qligi yoki kamligiga bog'liq bo'ladi.

Endogen vitamin yetishmovchiligining sabablari birmuncha ko'p. Ularga quyidagilar kiradi: 1) o'tkir va surunkali me'da-ichak kasalliklarida ichakda vitaminlar so'rlishining izdan chiqishi; 2) gjija invaziyalari; 3) vitaminlar singishi, o'zlashtirilishining buzilishi; 4) o'tkir va surunkali jigar kasalliklarida vitaminlarning siyidik va axlat bilan chiqib ketishi; 5) xavfli o'smalar, 6) leykozlar, 7) irlisy enzimopatiyalar bilan og'rigan mahallarda, 8) endokrin o'zgarishlar bo'lganida, 9) vitamin antagonistlaridan iborat dori preparatlari (streptomitsin, levomitsettin va boshqalar) qollanilganida ham boshlanishi mumkin. Ovqatda vitaminlar miqdori yetarli bo'lsa-yu, lekin organizmning vitaminlarga talabi ortib ketgan bo'lsa, ana shunday paytlarda ham vitamin yetishmovchiligi bo'lishi mumkin.

Ikkinci tomondan, organizmga ortiqcha vitaminlar kirib turishi zaharlanish hodisasiga o'xshab ketadigan toksik sindrom boshlanishiga olib borishi mumkin. Vita'minlar yetishmovchiligi ko'pincha oqsil yetishmovchiligi bilan birga davom etishini aytib ketish kerak.

## VITAMIN A

Vitamin A (retinol) yog'da eriydigan vitaminlar qatoriga kiradi va ko'payish hamda o'sish, immun holatni saqlab borish jarayonlari bilan, ko'rish funksiyasi (fotoresepsiya), epitelial to'qimalarning tabaqalashuvi bilan mahkam bog'langan. Vitamin A manbalari tarkibida karotin ko'p bo'ladigan o'simliklar: sabzi, namatak, gilos, qovoqdir. Sariyog', sut, tuxum sarig'i, jigarda ham karotin ko'p boladi. Vitamin A asosan jigarda to'planib boradi, shu yerdan u retinol hosil qilib, retinol-

oqsil kompleksi ko'rinishida qonga o'tadi. Jigardagi vitamin zahiralari ancha katta bo'ladi, shunga ko'ra ovqatda bu vitamin bo'lmay qolishi faqat 23 yildan keyingina vitamin yetishmasligiga xos klinik belgilar bilan namoyon bo'ladi.


Birlamchi vitamin A yetishmovchiligi ko'proq rivojlanib kelayotgan mammalakatlardagi bolalarda ko'rildi va ikkilamchi avitaminozga qaraganda og'irroq o'tadi. Ikkilamchi tartibdag'i vitamin A yetishmovchiligi jigar, biliar yo'l, me'da osti bezi, ingichka ichakda patologik jarayonlar bo'lishiga bog'liqdir, chunki bunda vitamin A so'rilishi izdan chiqib, jigarda zahira ko'rinishida to'planishi, retinol-oqsil kompleksi sintezlanishi buziladi.

Organizmda vitamin A yetishmovchiligining dastlabki belgilari jumlasiga *g'ira-shirada yaxshi ko'rmaslik* (*shabko'rlik*) kiradi. Ko'zning qorong'ulikka moslasha olmay qolishiga sabab shuki, vitamin A aldegi — retinal degan suvda erimaydigan membrana oqsili bilan unga birikkan retinol xromosorining kompleksidan iborat ko'ruv pigmenti tarkibiga kiradi.

Yorug'lik ta'sir etgan mahalda ko'ruv pigmentida bir qancha fotokimyoviy o'zgarishlar bo'lib o'tadi. Ayni vaqtida retinol stereokimyoviy konversiyaga uchraydi (sis-shakldan trans shaklga o'tadi), shuning natijasida yorug'lik signali nerv signaliga aylanadi. Pigment qorong'ilikda izomeraza pigmenti ishtiroki bilan o'z-o'zidan qaytarilib, faol shaklga (ya'mi sis-shaklga) o'tadi. Mana shu jarayonning yuzaga chiqishi uchun yetarli miqdorda vitamin A bo'lishi kerak, vitamin A yetishmay yoki bo'lmay qolgan mahallarda ko'ruv pigmenti (rodopsin) hosil bo'lishi buziladi va odam shabko'r bo'lib qoladi.

Avitaminoz A da, bundan tashqari kseroftalmiya boshlanadi, buning asosida ko'z shox pardasi va konyunktivasi epiteliysining muguzlanadigan ko'p qavatlari yassi epiteliya aylanishi metaplaziya yotadi. Shu bilan bir vaqtida ko'z yoshi bezlari atrofiyaga uchrab, ularning sekretor faoliyati buziladi. Natijada ko'z shox pardasi va konyunktiva quruqshab, tiniqmas, oqish bo'lib qoladi. Keyinchalik ko'z shox pardasi to'qimalarida distrofik va nekrotik jarayonlar — keratomalatsiya va panoftalmiya boshlanadi.

Epiteliy fiziologik regeneratsiyasi buzilib, atrofiya va metaplaziya boshlanishi bilan o'tadigan hodisalar yuqori nafas yo'llari shilliq pardalarida, bronxlar, og'iz bo'shlig'i, siyidik yo'llarida ham ko'rildi. Bronx epiteliysining metaplaziya uchrab, ko'p qavatlari yassi epiteliya aylanib qolishi bronxlar epiteliysining himoya xossasini susaytirib yuboradi, bu narsa bronxlar va o'pkada yallig'lanish jarayonlari boshlanishiga olib keladi. So'lak bezlari chiqarish yo'llaridagi epiteliyning zo'r berib po'st tashlashi bu bezlar yo'li bitib ketib, retention kistalar hosil bo'lishiga olib boradi. Buyrak jomlari, siyidik yo'llari va qovuq epiteliysining metaplaziya uchrashi pielitlar, sistitlar boshlanishiga yo'l ochadi, muguzlanuchi epiteliyning zo'r berib ko'chib tushishi esa, toshlar hosil bo'lishiga sabab bo'lishi mumkin. Og'iz bo'shlig'i, terida follikular giperkeratoz kuzatiladi (97-rasm). Shilliq pardalarda yuzaga keladi deb yuqorida aytib o'tilgan o'zgarishlar ularda yallig'lanish jarayonlari va yaralar paydo bo'lishiga yo'l ochadi. Ayni vaqtida avitaminoz A paytida yaralarning bitishi ancha qiyin bo'ladi.



97-rasm. Avitaminoz mahalidagi teri follikulyar keratozi (A) va jun follikulasining giperkeratozi (B).

Vitamin A ning hujayralar tabaqalanishiga ta'sir ko'rsatish mexanizmi unchalik aniq emas. Uni steroid gormonlar ta'sir mexanizmiga o'xshash deb taxmin qilinadi. Shunisi diqqatga sazovorki, vitamin A va uning sintetik analoglarining yetishmovchiligi epiteliy metaplaziyasiga yo'l ochadigan bo'lgani uchun vitamin A rakka davo qilishda ishlatilishi mumkin.

Qon plazmasida retinol miqdori kam bo'lganida o'pkada rak boshlanish ehtimoli ortadi degan ma'lumotlar bor. Shu bilan birga qondagi retinol miqdorining ko'payishi o'pka va boshqa organlar rakinig oldini olish mumkin. Badanning o'sma paydo bo'lgan joylariga retinol ishlatilganida bazal hujayrali rak, melanoma, turli o'sma oldi giperplaziyalarning regressiyaga uchraganligi qayd qilingan.

*Vitamin A ning toksik ta'sri.* Vitamin A organizmga ortiqcha miqdorda kirib turgan mahallarda zaharlanish hodisasi boshlanib, u kalla ichi bosimi ko'tarilishi, bosh og'riqlari, quşish, suyaklarda og'riq boshlanishi bilan namoyon bo'ladi. Gepatomegaliya boshlanib, jigar va qon yaratish organlarining ishi buziladi. Homiladorlik davrida davo maqsadlarida sintetik vitamin A analoglarini uzoz muddat ishlatish natijasida homilada tug'ma rivojlanish nuqsonlari paydo bo'lishi mumkin.

### VITAMIN D (KALSIFEROL)

**Vitamin D (kalsiferol)**—bu yog'da eriydigan vitamin, bolalarda skeletning normal rivojlanib borishi va minerallashuvi, katta yoshli odamlarda esa suyaklar regeneratsiyasi uchun zarurdir. Bolalarda vitamin «D» yetishmovchiligi raxit kasalligiga olib borsa, katta yoshli odamlarda osteomalyatsiyaga olib keladi. Vitamin D suyaklarning mineral almashuvida muhim rolni o'ynaydigan kalsiy paratireoid gormon va fosfor almashinuvida katta ahamiyatga ega.

Issiq iqlimli mamlakatlarda terida bo'ladigan 7-degidrocolesterindan to'lqin uzunligi 280—320 nm keladigan ultrabinafsha nur ta'sirida vitamin D endogen

yo'l bilan sintezlanadi va bu sintez organizmning vitamin D ga bo'lgan ehtiyojini to'la qondirib turadi. Biroq, shimoliy mamlakatlarda vitamining ovqat bilan birga organizmga kirib turishi muhim ahamiyatga ega.

*Bolalarda vitamin D yetishmasligi raxit kasalligiga olib boradi.* Bu kasallik fosforkalsiy almashinuvi va suyak paydo bo'lishining izdan chiqishi, nerv sistemasi va ichki organlar funktsiyalarining buzilishi bilan ta'riflanadi.

Raxit odatda 1 yoshgacha bo'lgan mahalda (bir yoshning ikkinchi yarmi davomida) yoki hayotning ikkinchi yilida boshlanadi, lekin bu kasallik birmuncha kattaroq bolalarda ham paydo bo'lishi mumkin (4 yoshdan keyin). Tug'ma raxit hollari ham tasvirlangan, bunday raxit homiladorlikning ikkinchi yarmida og'ir toksikoz bilan og'rigan ayollardan tug'ilgan bolalarda ko'proq ko'rildi.

Raxitning nechog'lik ko'p uchrashi va klinik ko'rinishlарining qanchalik sezilgan bo'lishi ijtimoiy-iqtisodiy shart-sharoitlarga va joyning iqlimiyy-geografik xususiyatlari bog'liqdir. Chunonchi, Angliyaning iqlim sharoitlari o'ziga xos (oftob kam chiqadigan, havo nam) bo'lib, raxit yuzaga kelishini osonlashtiradigan bolgani uchun bu kasallik ingлиз kasalligi deb ham aytildi. Rivojlaniib kelayotgan mamlakatlardagi moddiy-maishiy sharoitlar, ovqatga yolchimaslik ham raxit paydo bo'lish extimolini ko'paytiradigan jiddiy omillardir. Raxit paydo bo'lishiga sabab bo'luchchi sharoitlar jumlasiga emadigan bolalarga yaxshi parvarish qilmaslik va ularni notoq'ri ovqatlantirish ham kiradi (masalan, bolani sun'iy ovqatlar bilan ovqatlantirish kalsiy so'riliшини qiyinlashtiradi).

Raxit va osteomalyatsiya boshlanishiga quyidagilar sabab bo'lishi mumkin: 1) masalan, quyosh nurlari yetishmaydigan sharoitlarda endogen yo'l bilan vitamin sintezlanishining susayishi; 2) yog'da eruvchan vitamining inglechka ichakda yaxshi so'rilmasligi (ovqat bilan yetarlicha kirib turmasligi, biliar yo'l, me'da osti bezi, inglechka ichak funktsiyasining buzilishi natijasida); 3) dori preparatlari ta'siri ostida (masalan, fenobarbital ta'siri ostida) vitamin D ning parchalanib ketishi; 4) buyrak kasalliklarida faol shakldagi vitamin sintezining buzilishi (vitamin D ning shu shakli, ya'ni [1, 25 (OH<sub>2</sub>)D] ichakdan vitamin so'riliшини va suyak depolaridan kalsiy sarflanishini jonlantiradi); 5) irlsiy sabablarga ko'ra faol metabolitlar retseptorlari yo'qligi yoki norasoligi tufayli faol shakldagi vitamin D ga nishon bo'lib hisoblanadigan organlar rezistentligi; 6) buyraklar kalsiy apparati zararlanganida fosfatlar so'riliши izdan chiqishi munosabati bilan organizmda fosfatlar yetishmay qolishi.

Shunday ekan, raxit va osteomalyatsiya boshlanishiga jigar, buyraklarning zararlanishi, jigar va buyrak yetishmovchiligi asosiy o'rinda turadi.

Avitaminoz D da, uning sabablaridan qat'iy nazar, gipokalsiemiya boshlanib, vitamin D faol shakli [1, 25 (OH<sub>2</sub>)D] va paratgormon miqdori ko'payadi, buyraklarda fosfor reabsorbsiyasi pasayadi. Bunda qondagi kalsiy miqdori asliga keladiyu, lekin fosfatlar ekskretsiyasining kuchayishi gipofosfatermiya boshlanib, suyaklarning minerallanishi buzilishiga olib boradi. Shu bilan bir vaqtida suyak to'qimasi mineral matriksining sintezlanishi jarayonlari buziladi, bu — ishqoriy fosfataza faolligining kuchayishiga bog'liq.

Raxitda magniy, kaliy, mis, temir, rux, kobalt, ya'ni butun bir qator mikroelementlar almashinuvi ham buziladi.

Shunday qilib, raxit uchun quyidagilar xarakterlidir: 1) tog'ayda kalsiy va fosfor to'planib borishining susayishi; 2) tog'ay hujayralari yetilishi izdan chiqib, ortiqcha miqdorda persistlovchi tog'ay toqimasi paydo bo'lishi; 3) ortiqcha miqdorda osteoid toqima yuzaga kelishi; 4) suyak va tog'ay tuzilishi aynagan joylarga odatdan tashqari kapillarlar va fibroblastlar o'sib kirishi; 5) yumshoq osteoid va tog'ay toqimasining kompressiya va mikrofrakturalarga uchrab, keyinchalik skelet shaklining aynab qolishi.

Ortiqcha tog'ay toqimasi tilchalar ko'rinishida bo'lib, suyakning uzunasiga ketgan o'qiga nisbatan qiyshiqlik yoki ko'ndalang yo'nalishda joy oladi. Osteoid toqimaning suyak toqimasiga aylanishi izdan chiqqanligi munosabati bilan osteoid toqima ham ortiqcha hosil bo'lib boradi. Osteoid toqima endova periostal suyak hosil bo'lish zonalarida ham ortiqcha miqdorda to'planib boradi, shuning natijasida suyak o'siqlari (osteofitlar), raxitga xos "bilakuzuklar" va «tasbehlar» yuzaga keladi. Osteoid toqimada osteoblastlar soni kamayadi. Ohak notejis to'planib boradi va yetishmay qoladi. Ohaklanmay qolgan asosiy modda ichida joylashgan osteositlar distrofik o'zgarishlarga uchrab, qisman halok bo'lib ketadi. Osteoklastlar soni ko'payadi, shu munosabat bilan raxit mahalida suyak toqimasida rezorbsiya jarayonlari kuzatiladi. Suyaklarning yetarlicha minerallanmasligi suyak toqimasining yumshab qolishiga va shu munosabat bilan skelet turli qismlari shaklining o'zgarib ketishiga sabab bo'ladi (raxitga xos bukrilik va boshqalar hosil bo'lishiga).

**Klinik manzarasi.** Raxitning sezilari xili uchun suyak va muskul sistemalari da o'zgarishlar paydo bo'lishi xarakterlidir. Kasallik boshlanib kelayotgan davrda hammadan ko'p yuk tushadigan suyaklar juda qattiq zararlanadi. Masalan, hayotning birinchi yilda kalla suyagi, qovurg'alarda o'zgarishlar paydo bo'lsa, bola emaklaydigan, yuradigan paytlarda son, boldir suyaklari o'zgarib boradi.

Raxitdan zararlangan kalla suyagi uchun ayrim bo'limlarining, xususan, peshona yoki tepa bo'limlarining do'mpayib chiqib turishi, ko'z kosa devorlarining qalinlashib ketishi xarakterlidir, buning natijasida ko'zlarini chaqchayib turadigan bo'lib qolishi mumkin. Kalla suyagi yumshoq bo'lganligi uchun miyaning o'sib borishini sekinlashtirmaydi va miya massasi normadan ko'ra ko'proq bo'lib qoladi. Ayni vaqtida vakuum yuzaga kelishi munosabati bilan miya qorinchalari kattalashib ketadi, bu miya istisqosiga sabab bo'lishi mumkin.

Raxitning og'ir va ortacha og'ir xilida pastki jag'lar rivojlanishi, tishlarning tuzilishi va chiqish tartibi buziladi. Qovurg'alar tog'ayining suyakka o'tish joyida tog'ay ortiqcha rivojlanishi, yo'g'onlashmalar vujudga keladi, «tasbehlar» deb shuni aytildi. Bilak suyaklari epifizlari qalinlashib ketganida raxitga xos «bilakuzuklar» hosil bo'ladi. Ko'krak qafasi shakli o'zgarib, ikki yoni torayib kelgan, to'sh suyagi esa oldinga do'mpayib chiqqan bo'lishi mumkin, bu narsa ko'krak qafasining torayib, oldinga turtib chiqqandek bo'lib ko'rinishiga olib keladi (uni «tovuqtoshi» shakliga keltiradi).

Bola qaddini tik tutib, yura boshlagan mahalda umurtqa pog'onasida kifoz va skolioz, dumg'aza va qov birlashmasi deformatsiyasi kuchayib boradi («raxitga xos chanoq» hosil bo'ladi). Skeletning shu tariqa o'zgarib qolishi yoshlida raxit bilan og'rib o'tgan ayolning ko'zi yorishi mahalida tug'ruqni qiyinlashtirib qo'yishi mumkin. Raxitda bola suyaklari yumshoq bo'lib qolishi tufayli oyoqlar qiyshayib, O yoki X simon shaklga kiradi. (98-rasm). Raxitning osteomalyatik shakli ham tasvirlangan (99-rasm).



98-rasm. Raxitda oyoq qiyshiqligi.

Yuqorida aytib o'tilganidek, katta yoshli odamlarda vitamin D yetishmay qolgan mahalda osteomalyatsiya boshlanadi. Suyak to'qimasining fiziologik regeneratsiyasi jarayonida eski suyak to'sinlari so'rilib, yangilari bilan o'rni to'lib turadi. Vitamin D tanqis bo'lib qolgan sharoitlarda osteoid matriksning mineralanishi izzdan chiqadi. Ortiqcha osteoid hosil bo'lishi osteomalyatsiya belgilarining bideridir. Shu munosabat bilan suyak o'z mustahkamligini yo'qotib, turli joyidan sinishga moyil bo'lib qoladi, bunday suyak sinishlari umurtqalar tanalarida va son suyagining bo'ynida ko'proq kuzatiladi.

Gipervitamin D giperkalsiemiyaga olib keladi, bunday hodisa bo'shashish, bosh og'rishi, ko'ngil aynashi bilan namoyon bo'ladi. Qondagi kalsiy miqdorining ko'payib ketishi siydiq bilan ko'p miqdor kalsiy chiqib turishiga va turli to'qima hamda organlar, ayniqa buyrak, qon tomirlari, o'pkaning metastatik tarzda ohaklanishiga olib keladi.



99-rasm. Raxitning osteomalyatik (og'ir) xili.

## VITAMIN E

Vitamin E (tokoferol) yog'da eriydigan va keng tarqalgan vitaminlarning biridir. Odam organizmida asosan hujayralar va subhujayra organellalarining membranalarida bo'ladi. Ovqat masalliglaridan o'simlik moylari, ayniqsa makkajo'xori va paxta moyi, shuningdek ba'zi sabzavotlar bu vitaminga ancha boy. Birlamchi vitamin E yetishmovchiligi ovqatda shu vitamin kamligiga bog'liq bo'ladi. Ikkilamchi vitamin yetishmovchiligi ingichka ichak kesib olib tashlangan mahallarda (rezeksiya), steatoreya paytida bu vitaminning ingichka ichakda so'riliishi izdan chiqishiga aloqadordir. Betalipoproteidlar va prebetalipoproteidlar sintezi genetik sabablarga ko'ra susayib qoladigan irlsiy kasallikda qon plazmasida betalipoproteidlar yo'qolib ketadigan mahallarda ham endogen vitamin E yetishmovchiligi yuzaga keladi.

Katta yoshli odamlarda gipo va avitaminoz E kamdan-kam uchraydi. Vitamin yetishmovchiligi ko'proq chaqaloqlarda, xususan oy kuni yetmay tug'ilgan bolalarda ko'rildi, chunki vitamin E platsentara to'siqdan yaxshi o'tmaydi. Chala tug'ilgan, xususan sun'iy ovqatlar bilan boqib borilayotgan bolalardagi gipovitaminoz gemolitik anemiyaga, retinopatiya va ko'z xiralashuviga, o'pka-bronxlar displaziysi va hattoki bolaning to'satdan o'lib qolishiga sabab bo'lishi mumkin.

Vitamin E ning erkin radikallarni inaktiv holga keltira oladigan antioksidant sifatidagi roli ko'proq o'rganilgan. Ma'lumki, qarish, organizm zaharlanishi, ishemiya jarayonlarida hujayralarning zararlanishida erkin radikallar muhim rolni o'ynaydi, chunki hujayra membranalari yemirilib, DNK ning denaturatsiyaga uchrashiga sabab bo'ladi. Shu sababdan organizmda normal miqdorda vitamin E bo'lishi to'yinmagan lipidlar, ya'ni biologik membranalar eng muhim qismlarining erkin radikallar ta'sirida peroksidlanishi jarayonlari kuchayishiga yo'l qo'ymaydi. Vitamin E antioksidant xossalarga ega bo'lgani uchun chaqaloqlarda uchraydigan nafas yetishmovchiligi, gemolitik anemiyaga, infarktlar, nur kasalligi va boshqalarga davo qilish uchun ko'p ishlataladi va hokazo.

Vitamin E yetishmovchiligidagi skelet muskullarida distrofiya ham boshlanib, sklerodermiyaga, o'z-o'zidan bola tashlashga moyillik paydo bo'ladi, jigar, jinsiy

bezlar, orqa miyada o'zgarishlar ro'y beradi. Skelet muskullari distrofiyasi avitaminoz E ning eng ko'p uchraydigan belgisi bo'lib hisoblanadi. Ayniqsa diafragmada muskul tolalari parchalanib, makrofaglar tomonidan fagotsitlanadi va sarkolema naychalari hosil bo'ladi. Nekrozga uchragan tolalarda kalsiy tuzlari to'planib boradi. Orqa miya dorsal ustunlarida demielinlanish va glioz boshlanishi, miokardda mayda nekroz o'choqlari paydo bo'lishi, buyrak kanalchalarining xuddi nekrozdagidek zararlanishi ham tasvirlangan.

Vitamin E dozasi oshirib yuborilganida bolalarda buyrak yetishmovchiligi, trombotsitopeniya boshlanadi.

## VITAMIN K

Vitamin K (filloxinonlar) yog'da eriydigan vitaminlardan bo'lib, odam organizmiga ovqat mahsulotlari bilan birga kirib turadi va ichak mikroflorasi ishtirokida sintezlanadi. Ba'zi sabzavotlarda: namatak, gulkaram bilan boshkaram, pomidor, qichitqon o't, o'simlik moylarida mo'l-ko'l vitamin K bo'ladi. Jigar, ona suti vitamin K ga juda boy.

Birlamchi vitamin K yetishmovchiligi ancha kam uchraydi, chunki ovqat bilan birga kirib turadigan bu vitamin organizm talablarini qondirish uchun bemalol kifoya qiladi. Ko'proq ikkilamchi vitamin K yetishmovchiligi ko'rildi, bu hodisa quyidagilarga bog'liqidir: 1) ichakda vitamin so'rilishi izdan chiqishiga (surunkali enterit va enterokolitlarda), 2) o't hosil bo'lishi va ajralib chiqishi buzilishiga (infeksion va toksik gepatitlar, jigar sirrozi, o't-tosh kasalligi, me'da osti bezi o'smalari, o't yo'llari diskineziyasida), 3) operatsiya yo'li bilan ichak qismining olib tashlangani, yog' larning yaxshi so'rilmasligi va boshqalarga.

Antibiotiklar yoki sulfanilamid preparatlar uzoq ishlatilganida ham vitamin K yetishmovchiligi boshlanishi mumkin, chunki bu preparatlar ichakda vitamin sintezlovchi mikroflorani susaytirib qo'yadi. Vitamin K antagonistlari bo'lmish antikoagulantlar (masalan, koamadin, fenilin, dikumarin) uzoq ishlatilganida ham vitamin K yetishmovchiligi yuzaga kela oladi (funktional yetishmovchilik).

Vitamin K ning biologik roli uning qon ivish jarayonlarida ishtirok etishi ga bog'liq, chunki bu vitamin plazma omillari II (protrombin), VII, IX va X omillarning jigarda sintezlanishi uchun zarurdir. Shu munosabat bilan vitamin K yetishmay qolgan mahallarda qon ivishi izdan chiqishiga va gemorragik sindrom paydo bo'lishiga olib keladi, bu sindrom gipoprotrombinemiya boshlanib, fibrinogenning hadeganda fibringga aylanavermasligiga bog'liqidir. Chala tug'ilgan, ona qornidagi asfiksija va kalla ichki travmasiga uchrab tug'ilgan chaqaloqlarda ko'p uchraydigan gemorragik kasallik ham gipovitaminoz K ga aloqadordir. Chaqaloqlarda vitamin K yetishmasligiga ular gepatobiliar sistemasining yetilmagan, lipidlar, jumladan vitamin K so'rilishi mexanizmning takomillashmagani, shuningdek chaqaloqlar ichagida shu vitaminni sintezlovchi mikroflora yo'qligi sabab bo'ladi.

Katta yoshli odamlarda avitaminoz K chaqaloqlardagidan ko'ra kamroq uchraydi va tabiatan ikkilamchi bo'ladi. Odatda jigar kasalliklarida, antikoagulantlar uzoq ishlatilgan mahallarda kuzatiladi.

Homiladorlik davrida antikoagulantlar yoki barbituratlarni uzoq ishlatib yurgan va shu munosabat bilan organizmida vitamin K miqdori kamayib ketgan onalardan tug'ilgan chaqaloqlarda ham gipovitaminoz K ancha ko'p uchraydi. Lekin bunda bir necha oydan keyin vitamin K miqdori odatda asliga kelib qoladi. Biroq, chaqaloqda ichketar yoki jigar kasalliklari bo'lgan hollarda vitamin K yetishmovchiligi uzoq saqlanib qolishi mumkin. Chunki bunday hollarda bir tomondan ichakda vitamin K, yog'lar so'riliishi izdan chiqsa, ikkinchi tomondan, mikroflora tomonidan vitamin sintezlanishi ham buziladi.

Vitamin yetishmovchiligi, qanday sababga ko'ra boshlanganidan qat'iy nazar, odamni qon ketish hollariga moyil qilib qo'yadi, bunday hodisa odatdagি burun qonashidan tortib, hayot uchun xavfli bo'lgan epidural, subaraxnoidal, subdural, qon ketishi va miyaga qon quyilishi bilan ham ifodalanishi mumkin. Bundan tashqari, petexial gemorragiyalar, gematuriya, melena kuzatilishi mumkin. Bunday hollarda venadan vitamin K yuborish qon ketish hollarini odatda 12 soat ichida to'xtatadi.

## B GURUHI VITAMINLARI

B guruhiiga kiradigan vitaminlar suvda eruvchi vitaminlardir. Bular achitqi, don, guruch, sabzavot, baliq va go'shtda bo'ladi va oraliq almashinuvda koenzimlar vazifasini bajarib boradi. Bu guruhiiga kiradigan vitaminlar yetishmovchiligi to'qimalarda almashinuv jarayonlari buzilishi bilan o'tadigan patologik o'zgarishlarga olib keladi. Shuning uchun bu B guruhi vitaminlari yetishmovchiliga dermatitlar, stomatitlar, gastritlar boshlanishi, bosh miya va nervlarda degenerativ o'zgarishlar paydo bo'lishi va boshqalar xarakterlidir.

### VITAMIN B<sub>1</sub>

Vitamin B<sub>1</sub> (tiamin) — B guruhiiga kiradigan suvda eruvchi eng muhim vitaminlarning biridir. Uning unumi — tiamindifosfat hujayra ichida o'tadigan uglevodlar almashinuvida muhim rol o'ynovchi bir qancha fermentlarning ko-fermenti bo'lib hisoblanadi. Yirik tortilgan undan yopilgan kulchalar, yormalar, ayniqsa qora bug'doy, arpa yormasi, so'k, dukkakli donlar, jigar vitamin B<sub>1</sub> ga ayniqsa boy. Odam organizmida tiamin sintezlanmaydi, shuning uchun u ovqat bilan zarur miqdorda organizmga kirib turishi kerak. Katta yoshli odamlarda vitamin B1 yetishmovchiligi kishi umuman ovqatga yolchimay qolgan, nuqul bir xil ovqat, xususan oqlangan guruch bilan ovqatlangan mahallarda yoki ichakda vitaminlar so'riliishi buzilgan vaqtarda boshlanadi.

Ichkilikbozlarda vitamin yetishmovchiligi ayniqsa ko'p uchraydi, chunki ichkilik — alkogol ichakda tiamin so'rilib o'tishiga to'sqinlik qiladi. Homiladorlik mahalida varaq-varaq qusaverish, uzoq vaqt parenteral yo'l bilan oziqlanish, ishtaha yo'qolishi va qayt qilish bilan birgalikda davom etib boradigan surunkali kasalliklar natijasida ham organizmda vitamin B<sub>1</sub> yetishmay qolishi mumkin. Venadan ko'p miqdor glyukoza yuboriladigan bo'lsa, bunda ham organizmda o'tkir tiamin tanqisligi boshlanishi mumkin. Sababi shuki, organizmda vitamin B<sub>1</sub> aslida ko'p to'planib turmaydi va u uglevodlar almashinuvida faol ishtirot etadigan bo'lsa, tez sarflanib ketadi.

Tarkibida tiaminaza ko'p bo'ladigan mahsulotlar (masalan, xom baliq) iste'mol qilinganida yoki me'da-ichak yo'lida shu fermentni ishlab chiqaradigan patogen mikroflora (*Bact. tiaminolyticus*) paydo bo'lganida ham vitamin yetishmay qolishi mumkin. Avitaminoz tiamin almashinuvining irlsiy nuqsonlariga ham bog'liq bo'lishi mumkin.

Vitamin B<sub>1</sub> yetishmovchiligiga aloqador kasallikning klinik jihatdan ifodalangan shakli *beri-beridir*. Bunda asosan *yurak, markaziy nerv sistemasi* va *periferik nervlar zararlanadi*. Ba'zi hollarda patologik jarayon yurakni boshqa hollarda nerv sistemasini ko'proq zararlantirishi mumkinligini ta'kidlab o'tish kerak.

*Beri-berining yurakka aloqador* xili yurak bo'shliqlarining kengayib ketishi, miokardning ilvillab qolishi bilan ta'riflanadi, bunda miokard xuddi qaynatilgan go'shtga o'xshab qoladi. Mikroskop bilan tekshirib ko'rilganida bo'kish boshlanib, interstisial shish borligi, miofibrillalarda goho ularning nekrozga uchraganligi ma'lum bo'ladi. Yurak qopqoqlari o'zgarmaydi, lekin ba'zan yurak oldi qulog'ida tromboz paydo bo'lishi mumkin. Beri-berida yurak zararlanishi ayniqsa yurak o'ng qismiga aloqador bo'lgan yurak yetishmovchiligi boshlanib, badanda periferik shishlar paydo bo'lishiga, periferik tomirlarning kengayib ketishiga olib kelishi mumkin. Bunda badan terisi issiq, qip-qizil va quruq bo'lib turadi.

*Markaziy nerv sistemasi* ko'proq zararlanadigan paytlarda Vernike sindromi va Korsakov psixoxi boshlanadi. Vernike ensefalopatiyasini borib-borib Korsakov psixoxiga aylanib ketadi.

*Vernike sindromi* subependimal mintaqaning o'choq-o'choq bo'lib simmetrik tarzda zararlanishi, nerv to'qimasining har yer haryeridan yumshab turishi, uchinchi va to'rtinchchi qorinchalar atrofida nuqta-nuqta qontalashlar paydo bo'lishi bilan ta'riflanadi. Gistologik tekshirish o'tkazib ko'rilganida mayda qon tomirlarida giperstrofiya va giperplaziya borligi, perivaskular gemorragiyalar paydo bo'lgani, neyronlarda distrofik va nekrotik o'zgarishlar boshlangani, nerv tolalarining degeneratsiyaga uchragani (mielin pardasi yo'qolib, o'q silindrilarining yemirilib ketgani) topiladi. Klinik jihatdan olganda bu sindrom ko'z xiralashuvi va ko'rmay qolishi, muvozanat buzilishi va ataksiya bilan ta'riflanadi.

*Korsakov psixozı* boshlangan bo'lsa, miya póstlog'i kulrang moddasining bo'kib, shishib qolgani va neyronlarda retrograd o'zgarishlar paydo bo'lgani to-piladi. Bu hodisalar klinik jihatdan xotira buzilib, odamning nimalar bo'layot-ganini va o'zining qayerda turganini bilolmay qolishi, aql-idrok pasayib ketishi, deliriya xos o'zgarishlar bilan namoyon bo'ladi.

*Periferik nervlarning zararlanishi* tabiatan simmetrik bo'lib, nospetsifik neyropatiya ko'rinishida ifodalanadi. Bunda mielin degeneratsiyaga uchrab, sezuvchi va harakatatlantiruvchi neyronlarning aksonlari yemirilib ketadi. Nati-jada muskul zaiflashib, muskul tonusi yo'qoladi, paresteziyalar, giperesteziyalar, muskullarning atrofik falajlari boshlanadi. Avvaliga oyoqlar, keyin qo'llar ney-ropatiyasi ayj oladi.

Vernike ensefalopatiyasi, Korsakov psixozidan farq qilib, bemorni vaqtida vitamin B<sub>1</sub> bilan davolansa, yo'qolib ketishi mumkin.

## VITAMIN B<sub>2</sub>

Vitamin B<sub>2</sub> (riboflavin) suvda eruvchi vitamin bo'lib, energiya almashinushi jarayonlarida muhim rolni o'yinaydi, chunki oksidlanish qaytarilishda ishtirok etuvchi fermentlar (flavoproteid) tarkibiga kiradigan kofermentlar (flavin-mononukleotid, flavin-adenin-dinukleotid) tuzilishida qatnashadi. Bu flavinli fermentlar yog' kislotalari oksidlanishida pirozum va alfa-ketoglyutarat kislotaning dekarboksillanishida, fosforillanish jarayonlarida ishtirok etadi. Bundan tashqari, riboflavin ko'z to'r pardasini ultrabinafsha nurlarning zararli ta'siridan saqlaydigan ko'ruv purpuri tarkibiga kiradi.

Jigar, buyrak, tuxum, oshko'klar va sabzavotlar, sut va sut mahsulotlari ribo-flavinga boy.

Birlamchi vitamin yetishmovchiligi shu vitaminning ovqat bilan birga yetar- li miqdorda kirib turmasligiga bog'liq. Enteritlar mahalida, kofermentlar bilan reaksiyaga kirisha oladigan psixotrop moddalar uzoq ishlatalganida, surunkali alkogolizmida, badanning ko'p joylari zararlanganida (kuyganida, travmalarga uchraganida), tinkani quritadigan surunkali kasalliklar mahalida ikkilamchi vi-tamin yetishmovchiligi kuzatiladi.

Vitamin B<sub>2</sub> yetishmovchiliginin **klinik ko'rinishlari** uncha yaxshi ko'zga tashlanib turmaydi. Og'iz burchaklari shilliq pardasining zararlanib, yorilib turi-shi, yara-chaqalar paydo bo'lishi eng erta boshlanadigan simptom bo'lib hisob-lanadi. Keyin bunga lab bichilishi, ya'ni xeylit boshlanishi qo'shiladi. Biroq, bu o'zgarishlar spetsifik emas, yoshi qaytgan, keksa kishilarda ham bo'lishi mumkin (hadeb so'lak oqaveradigan va lablar bichilib ketgan mahalda). Goho til ham zararlanadi—glossit boshlanadi, bunda til shilliq pardasi atrofiyaga uchrab, ip-simon so'rg'ichlari yo'qolib ketadi. Til shilliq pardasi atrofiyaga uchrab, uning ostidagi pardasi yallig'lanishi tufayli til qip-qizil bo'lib turadi.

Riboflavin yetishmovchiligidə burun-lab burmaları va lunjlar sohasında kopalak nusxasiga o'xshab ketadigan tangachali dermatit ham boshlanadi. Shu sohadagi teri xuddi yog' surilganga o'xshab yaltirab turadi. Teridagi bu o'zgarishlar badan va qo'l terisiga ham o'tishi mumkin. Interstisial keratit boshlanib, ko'z shox pardasida tomirlar paydo bo'lishi, yallig'lanish avj olishi, unda yaralar paydo bo'lib, ko'zi xiralashib qolishi ham mumkin. Vitamin B<sub>2</sub> yetishmovchiligi sezilarli darajaga yetgan mahallarda ko'mik gipoplaziyaga uchrab, normoxrom anemiya boshlanishi mumkin. Riboflavin gipovitaminizi tabiiy immunitet holatiga yomon ta'sir qiladi. Homilador ayol organizmida vitamin B<sub>2</sub> yetishmasligi, ayniqsa homilada to'qimalar tabaqalashib, organogenez davom etib boradigan qaltis davrlarda teratogen ta'sir o'tkazishi mumkin.

Bu vitamin katta dozalarda ist'emol qilinganida uning zaharovchi ta'siri ko'rilgan emas.

### VITAMIN B<sub>6</sub>

Vitamin B<sub>6</sub> (piridoksin) aminokislotalar va glikolipoproteidlarning oraliq almashtinuvida koenzim tariqasida muhim rolni o'ynaydi. Lekin vitamin B<sub>6</sub> yetishmovchiligining klinik va anatomik ko'rinishlari aniq-ravshan bilinib turadigan emas. Piridoksin o'sish, qon yaratish jarayonlarining tog'ri davom etib turishi va markaziy nerv sistemasining normal ishlab borishi uchun muhim ahamiyatga ega. Piridoksinni bekamu-ko'st yetkazib turadigan manbalar go'sht, jigar, baliq, tuxum, yirik tortilgan un noni, kartoshka, sabzidir. Bundan tashqari, piridoksin ichak mikroflorasi tomonidan boshqa vitaminlarga qaraganda ko'proq miqdorda sintezlanishi mumkin. Birlamchi vitamin B<sub>6</sub> yetishmovchiligi kam uchraydi. Me'da-ichak yo'li kasallikkлari, ayniqsa ichak infeksiyalari, alkogolizmda, ta'sir doirasi keng antibiotiklar va sulfanilamid preparatlar uzoq ishlatilganda ikkilamchi vitamin yetishmovchiligi boshlanadi. Silga qarshi preparatlarni uzoq ishlatish ham endogen yo'l bilan piridoksin sintezlanishiga yomon ta'sir ko'rsatadi.

Vitamin B<sub>6</sub> yetishmovchiligi dermatit, glossit, xeylit, depressiya boshlanishiiga olib keladi. Chaqaloqlar va yosh bolalarda bo'y o'sishi orqaqa qolib, dia reya, anemiya, periferik neyropatiya, quyonchiqsimon talvasalar boshlanadi.

Piridoksin katta dozalarda ishlatilganida sensor neyropatiya boshlangani tasvirlangan.

### VITAMIN B<sub>3</sub>

Nikotinat kislota (vitamin B<sub>3</sub>, vitamin PP, nitsasin) va uning unumlari biologik faol moddalardir, chunki koferment tariqasida ko'pgina degidrogenazalar molekulalarining bir qismi bo'lmish nikotinamid fermentlar tarkibiga kiradi. Jigar, buyrak, uy parrandalari go'shti, losos, seld singari baliq go'shti singari masalliqlar bilan organizmga kirib turadi. Bundan tashqari, odam organizmida triptofandan (taxmin qilishicha, ko'proq jigarda), shuningdek ichak mikroflorasi tomonidan sintezlanishi mumkin.



100-rasm. Pellagra. Dermatit, panja terisi pigmentatsiyasi.

Nikotinat kislota ovqat bilan birga yetaricha kirib turmaydigan bo'lsa, birlamchi avitaminoz boshlanadi. Međa-ichak yo'li kasalliklari nevritlar, allergik dermatozlarda, odam ko'rg'oshin, benzoldan zaharlanganida, surunkali alkogolizmda ikkilamchi (endogen) vitamin yetishmovchiligi boshlanadi. Tarkibida nikotinamid kofermentlar sintezini izdan chiqaradigan leysin aminokislotsasi bor masalliqlarni istemol qilish ham vitamin yetishmovchiligiga olib kelishi mumkin.

Nikotinat kislota yetishmovchiligi pellagra boshlanishiga olib boradi. Pellagra uchun uchta asosiy simptom — *dermatit, diareya va demensiya* (uchta «d») xarakterlidir.

Dermatit odatda badanning ochiq qismlarida, goho ko'krak, bilakda simmetrik tarzda boshlanadi. Avvaliga eritema paydo bo'lib, teri to'q qizil tusga kirdi. Shish kelib, qichishish boshlanadi, bir necha kundan keyin teri kepaksimon po'st tashlay boshlaydi. Natijada terida yoriqlar, giperkeratoz, pigment yo'qolib ketgan yoki ko'payib ketgan joylar paydo bo'ladi (100-rasm). Terining pigmenti yo'qolib ketgan joylari bu kasallikni vitiligo, ya'ni pesga o'xshatib qo'yadi. Mikroskopda tekshirilganida kasallikning boshlang' ich davrida epidermisda gipermiya boshlanib, shish kelgani, epidermisning bo'kib qolgani, dermada sezilarli leykositlar infiltratsiyasi borligi ma'lum bo'ladi, birmuncha kechki davrlarda epidermisda atrofiya boshlanib, sklerada, dermaning to'rsimon qatlamida para va giperkeratoz paydo bo'ladi. Bunday o'zgarishlar og'iz bo'shlig'i va vagina shilliq pardasida ham yuzaga kelishi mumkin. Bunda lab shilliq pardasi shishib, unda yoriqlar paydo bo'ladi. Og'iz shilliq pardasi qip-qizarib ketadi va milklar hamda til tagida yaralar paydo bo'ladi. Tilda xarakterli o'zgarishlar yuzaga keladi. Til qip-qizil bo'lib qoladi. Shishib ketganligi munosabati bilan chetlariga tishlarning izi tushib qolgan bo'ladi, ipsimon va qo'ziqorinsimon so'rg'ichlari gipertrofiyaga uchraydi va qizil nuqtalar ko'rinishida ko'tarilib turadi. O'tkir hodisalar bosilib borgani sayin shilliq pardasi oqarib, so'rgichlari atrofiyalanadi.

*Diareyaga* asosan yallig'lanish tufayli međa-ichak yo'li shilliq pardasining atrofiyaga uchraganligi sabab bo'ladi. Shilliq parda yara bo'lib ketishi ham mun-

kin. Mikroskop bilan tekshirib ko'rilganida bezlar atrofiyaga uchrab, me'dada ichakka xos bezlarga aylanib qolganligi topiladi. Jigar ham atrofiyaga uchraydi.

*Demensiya* bosh miya neyronlarida zo'r o'zgarishlar boshlanishi, orqa miyaning yon va orqa ustunlaridagi nerv tolalarining degeneratsiyaga uchrashi tufayli boshlanadi.

Nikotinat kislota dozasi oshirilib yuborilganida qanday bo'lmasin biror jiddiy oqibatlar ro'y bermaydi. Bu vitamin parenteral yo'l bilan organizmga yuborilganida periferik tomirlar kengayib, badan qizib ketganday boladi, qichishish boshlanadi, lekin bular ko'p o'tmay yo'qolib ketadi.

## VITAMIN B<sub>12</sub>

Vitamin B<sub>12</sub> (folat kislota) yetishmasligi proliferatsiyalanadigan hujayralar, jumladan ko'mikdagi eritrotsitlar prekursorlari (o'tmishdoshlari) yetilishi izdan chiqishiga olib boradi. Natijada aylanib yuradigan qonda odatdan tashqari yirik eritrotsitlar paydo boladi. Folat kislota yetishmasligining birlamchi xili faqat go'sht yemaydigan odamlar (vegetarianlar) da uchraydi, chunki bu vitamin manbai hayvon oqsillaridir. Me'da-ichak yo'li kasalliklarida ichakda so'rilib buzilishi, gastromukoprotein ishlanib chiqishi to'xtab qolishi natijasida ikkilamchi vitamin B<sub>12</sub> yetishmovchiligi boshlanadi. Endogen va ekzogen vitamin yetishmovchiligi megaloblast giperxrom anemiyalar boshlanishiga sabab boladi, bularning orasida pernisioz anemiya alohida crinni egallaydi. Homilador ayolda ovqatda folat kislota yetishmasligi, ko'p quisish va homilaning vitamin B<sub>12</sub> talab qilishi tufayli folat kislota yetishmovchiligi boshlanishi mumkin. Bu vitamin yetishmovchiligi ichkilikbozlarda ham ko'p uchraydi.

## VITAMIN S

Vitamin S (askorbinat kislota) tabiatda keng tarqalgan bo'lib, juda xilma-xil sabzavot va mevalarda, jigar, baliq, go'shtda serob. Sitrus mevalari (limon, mandarin, apelsin) askorbinat kislotaga ayniqsa boy. Vitamin S suvda eriydigan vitaminlar guruhidan bo'lganligi uchun ingichka ichakda tez eriydi. Shu munosabat bilan bu vitamining ikkilamchi yetishmovchiligi kamdan-kam uchraydi va «choyu non» bilan kun ko'rib ketaveruvchi ichkilikbozlarda kuzatiladi.

Vitamin S kuchli antioksidant bo'lib, prolin va oksiprolin, kollagen, shuningdek triptofanning gidroksillanishida muhim rolni o'ynaydi, aromatik qatorga mansub aminokislotalarning oksidlanishida, kortikosteroidlar biogenezida ishtirok etadi, folat kislotaning fermentativ parchalanishga uchrab, folinat kislotaga aylanishiga zamin tug'diradi. Uning organizm hayot faoliyatidagi ahamiyati: normal kollagen sintezida, xondroitinsulfat sintezida, gem bilan birikmagan temir absorbtisyasini tezlashtirishda, neyromediatorlar sintezida, neytrofillar va makrofaglar fagotsitar faolligini ta'minlab berishda hamda qonning ivishida ishtirok etishiga bog'liq.

Vitamin S yetishmovchiligidagi fibroblastlar tomonidan kollagen ishlaniб chiqishi susayadi, prokollagen gidroksillanishi izdan chiqadi. Buning natijasida kollagenning pishiqligiga putur yetib, u fermentlar ta'sirida osonroq parchalanadigan bo'lib qoladi. Vitamin yetishmovchiligidagi tomirlar devori mo'rtlashib, gemorragik diatezga moyillik paydo bo'lishi ham shunga bog'liq.

Vitamin S yetishmovchiligi, ma'lumki, *singa, ya'ni lavsha* degan kasallik avj olishiga sabab bo'ladi. Bu kasallik: 1) qon tomirlar, ayniqsa muskul pardasi bo'lmaydigan mayda tomirlar devorlarining mo'rt bo'lib qolishi, 2) osteoid (kollagen derivati) sintezi izdan chiqishi, 3) jarohatlar bitishining sekinlashuvini bilan ta'riflanadi. Hattoki, kichik bir travma ham kapillarlar va venular shikastlanib, qon oqaverishiga sabab bo'lishi mumkin. Gistologik jihatdan olganda lavsha mahalida tomirlar go'yoki shikast etmagandek bo'lib ko'zga tashlanadi, chunki ulardagi struktura o'zgarishlari faqat submikroskopik doirada topiladi.

Qon ko'pincha oyoq bo'g'imlariga (gemartrozlar), suyak ust pardasi tagiga va badan terisiga (petexiyalar va ekximozlar ko'rinishida soch follikulalari atrofiga) quyiladi. Ko'z konyunktivasi, miya, buyraklarga ham qon quyilib qolishi mumkin. Burun qonashi, meda-ichak yo'sidan qon ketib, melena yuzaga kelishi ko'p uchraydi. Lavsha mahalida milkdar shishib, yumshoq bo'lib turadi, milklardagi tomirlar mo'rtligi tufayli gemorragiyalar yuzaga keladi, ko'pincha ikkilamchi bakterial infeksiya qoshiladi (gingivit boshlanadi).

Vitamin S yetishmovchiligidagi osteoid matriks yetarlicha shakllanmay qolishi munosabati bilan suyak toqimasining hosil bo'lishi ham izdan chiqadi. Kollagen sintezida nuqson borligi shunga sabab bo'ladi. Ayni vaqtida suyaklarning minerallanishi o'zgarmaydi, tog'ay hujayralari odatdagicha hosil bo'lib boraveradi, kalsifikatsiya ham bo'lib turadi, lekin osteoblastlar suyak hosil qilishga qodir bo'lmaydi. Tog'ay rezorbsiyasi kechikadi, shunga ko'ra tog'ay ortiqcha osib ketadi. Enxondral suyakdanish izdan chiqishi natijasida osish zonasidagi strukturalar xuddi raxit vaqtidagidek buziladi. Saqlanib qolgan tog'ay har xil jinsli bo'lib qoladi yoki batamom kalsifikatsiyaga uchraydi. Biroq, osteiod matriks hosil bo'lmaydi. Shunga ko'ra suyaklar qiyshayib qolishi yoki sinib, qon ketish boshlanishi mumkin. Tishdag'i alveolar suyakning so'rilib ketishi tishlar qimirlab, tushib ketishiga olib keladi.

Yuqorida ko'rsatib o'tilganidek, vitamin S reparativ regeneratsiyaning bori-shiga ta'sir o'tkazadi. Bu vitamin yetishmay qolganida jarohatlar ha deganda bitavermaydi, bu hodisa kollagen sintezining izdan chiqqaniga bog'liq bo'ladi. Granulatsion toqimada yangi hosil bo'lgan kapillarlardan qon ketib turishining ham ahamiyati bor. Kollagen sintezining buzilishi boshqa asoratlarga ham olib keladi. Masalan, absesslar paytida, toqimaga parazitlar kirib qolgan paytlarda bular kapsula bilan o'ralmay qolaveradi, shu narsa infeksion jarayonning tarqalib ketishiga sabab bo'lishi mumkin.

Lavsha kasalligining boshlang'ich davrida aniq-tayin klinik o'zgarishlar ko'rilmaydi, ishtaha pasayib, odam vaznini yo'qotib boradi, apatiyaga uchray-

di, xolos. Kasallik zo'rayib borgan sayin anemiya, ba'zan megaloblast, anemiya boshlanadi bu — organizmda folat kislota miqdori kamayib ketganiga bog'liqdir. Kasallik avjiga chiqqan mahalda milklar zararlanib (gingivit), gemorragiya-lar, gemorragik diatez boshlanadi, bular badan terisida ayniqsa sezilarli bo'ladi (petexiyalar, ekximozlar). Gemartrozlar, suyak ust pardasi tagiga, muskullar orasiga qon quyilib qolishi, milkardan qon kelib turishi, tishlar tushib ketishi, jarohatlarning ha deganda bitavermasligi ham xarakterlidir.

Katta dozadagi vitamin S yengilgina antigistamin ta'sir ko'rsatib, siyidik chiqarish yo'llarida oksalat va urat toshlar paydo bo'lishiga moyillik tug'diradi, ingicha ichakdan temir so'riliшини kuchaytiradi, buning natijasida organizmda temir ortiqcha to'planib boradi, aspirin bilan davolangan mahalda me'dada eroziyalar paydo bo'lishini osonlashtiradi.

## MIKROELEMENTOZLAR

Mikroelementlar — odam organizmda juda kam miqdorlarda bo'lgani holda, hayot uchun zarur bo'ladigan kimyoviy elementlari. Tabiatda ko'p uchrab turadigan 92 ta elementning 81 tasi odam organizmda topilgan. Shulardan 15 tasi *hayot uchun juda zarur*. *Bularga temir, yod, mis, rux, molibden, nikel, vannadiy, selen, marganes, margimush, ftor, kreminiy, litiy* kiradi.

Mikroelementlar rivojlanishning hamma bosqichlarida organizmning hayot uchun muhim funksiyalarini idora etishda qatnashuvchi juda qadimgi va murakkab fiziologik sistemaning ajralmas qismidir. Biogen mikroelementlarning ko'pchiligi fermentlar, vitaminlar, gormonlar, nafas pigmentlarining tarkibiga kiradi. Masalan, DNK va RNK polimerazalari tarkibida rux bo'ladigan metalloenzimdir, bir qancha oksidazalar tarkibida mis bor. Insulin gormonining juda muhim tarkibiy qismi rux bolsa, tiroksinning muhim tarkibiy qismi yoddir.

Mikroelementlarning ovqatda yetishmasligiga aloqador bo'lgan birlamchi tanqisligi faqat yod uchun xarakterlidir, yod yetishmasligi bo'qoq kasalligiga sabab bo'ladi. Ikkilamchi mikroelementlar yetishmovchiligi rux, mis, selen va yodga xarakterli bo'lib, shu elementlar so'riliishi izdan chiqqanligi, bularga talab ortib ketganligi munosabati bilan boshlanadi.

Organizmga mikroelementlar yetkazib beradigan asosiy manbalar non va non mahsulotlari, yormalar, sut, sabzavot, go'sht, kartoshka, qo'zigorindir. Ular shu masalliqlar bilan organizmga kirib, turli to'qima va organlarda to'planib boradi. Ayni vaqtida ular o'z tabiatiga qarab ma'lum organlarda to'planadiki, bu narsa mazkur organ faoliyatining o'ziga xos roliga ko'p darajada bog'liq. Masalan, rux jinsiy bezlarda to'planib borib, reproduktiv funksiyaga ta'sir o'tkazadi. Brom bosh miya va qalqonsimon bezda to'planib borib, nerv sistemasi faoliyatini idora etishda qatnashadi, qalqonsimon bez funksiyasiga ta'sir o'tkazadi. Mikroelementlarning organizmda ortiqcha to'planib qolishi har xil patologik jarayonlar (mikroelementozlar) boshlanishiga olib keladi.

Odam organizmida ba'zi mikroelementlar miqdorining o'zgarishi nimalarga ta'sir etishini ko'rib chiqamiz.

Rux non mahsulotlari, go'sht, sabzavotlar bilan organizmga tushadi va jigar, prostata bezi, ko'z tor pardasida to'planib boradi. Rux qon yaratish jarayonlarida, sekretsiya bezlari faoliyatida ishtirot etadi. Oqsillar, uglevodlar, yog'lar, nuklein kislotalar almashinuvida ishtirot etadigan 200 dan ortiqroq metallofermentlar tarkibida rux topilgan. Alkogolizm, jigar sirrozi, badan kuyib qolgan mahallarda buyrak va me'da-ichak kasalliklarida, odam uzoq muddat parenteral yo'l bilan oziqlanishga majbur bo'lgan mahallarda organizmda rux yetishmay, tanqis bo'lib qoladi.

Rux yetishmasligining klinik ko'rinishlari juda har xil, bunda badan terisidan tortib nervlar ham zararlanishi va ruhiy o'zgarishlar bo'lishi mumkin. Bolalarda boy o'sishi orqada qolib, gipogonadizm, hepatosplenomegaliya, letargiya, bulloz va pustuloz dermatit kuzatiladi. Katta yoshli odamlarda teri giperkeratozi, yarali dermatit boshlanadi, regenerator jarayonlar ham susayishi mumkin. Rux yetishmovchiligi timusning atrofiyaga uchrab, T-hujayralar miqdori va funksiyasi pasayishiga olib keladi. Bu narsa organizmnинг zamburug'li, virusli, parazitar kasalliklar (gelmintozlar)ga sezgirligi ortib ketishiga sabab bo'ladi.

Mis non maxsulotlari, choy, kartoshka, mevalar, jigar, yongoq, qo'ziqorin, dukkanli donlar, kofeda bo'ladi. Organizmda jigar va suyaklarda to'planib bora-di. O'sish va rivojlanishga yordam berib, qon yaratishda, humorall immun reaksiyalarning barqarorlashuvi, toqimalar nafasida ishtirot etadi. Bundan tashqari mis tomirlar sistemasi bilan nerv sistemasi faoliyatini muvofiqlashtirib boradi.

Mis oksidlanish-qaytarilish jarayonlarida muhim rolni o'ynaydigan ko'pgina fermentlar va oqsillarning juda zarur tarkibiy qismidir. Ferroksidaza (gem sintezida ishtirot etuvchi ferment) faolligiga ega bo'lgan multifunksional oq-sil seruloplazmin, yallig'lanish o'tkir fazasining reaktanti rolini o'ynaydigan va lipid membranalarni peroksid oksidlanishdan saqlaydigan superoksiddismutaza tarkibiga kiradi.

Mis yetishmovchiligi chala tug'ilgan chaqaloqlarda, odam uzoq vaqt parenteral yo'l bilan oziqlanishga majbur bo'lganida, ichakkdan so'rilib izdan chiqqan mahallarda kuzatiladi. Mis yetishmovchiligidida anemiya, leykopeniya boshlanib, nevrologik simptomatika paydo bo'ladi. Mis yetishmovchiligidida kollagen sintezi, bunda suyaklar mo'rt bo'lib qoladi, skelet shakli o'zgarib ketadi (hayvonlarda tasvirlangan), shuningdek teri odatdan tashqari cho'ziluvchan, bo'g'imlar ortiq darajada harakatchan va chiqishga moyil bo'lib qoladi, badan terisining tuzilishi aynaydi (Elers — Danlos sindromi). III tipdagи kollagen, ayniqsa elastin sintezining buzilishi yirik arteriyalarda anevrizmalar yuzaga kelishiga olib boradigan sababdir.

Mis organizmga ortiqcha miqdorda kirib turadigan mahallarda Vilson kasalligi deb ataladigan hepatoserebral distrofiya boshlanadi, bu markaziy nerv sistemasi tobora ko'proq o'zgarishga uchrab boradigan irlsiy kasallik bo'lib, yirik tunganli jigar sirrozi bilan birga davom etib boradi.

**Selen.** Selenning odam patologiyasidagi roli selen yetishmasligidan Xitoyda boshlangan kardiomioptiya (Keshan kasalligi) tasvirlanganidan keyin aniqlandi. Boshqa mamlakatlarda skelet muskullari miopatiyasi tasvirlangan. Selen yetishmovchiligi odam uzoq vaqt parenteral yo'l bilan oziqlangan mahallarda kuzatiladi. Selen glyutationperoksidazaning tarkibiy qismi bo'lib, xuddi vitamin E singari lipidlarning peroksidlanishida hujayra membranalari zararlanishiga yo'l qo'ymaydi. Hayvonlarda meda osti bezining nekroz va fibrozga uchrashi, qon tomirlarining zararlanishi, o'sishning orqada qolishi va reproduktiv funksiya izdan chiqishi tasvirlangan.

Keshan kasalligi ko'proq bolalar va o'smirlarda uchraydi. Ma'lum joylarda muqarrar suratda uchrab turadigan (endemik, fatal) miokardiopatiya bo'lib, unga yurak ishi maromining buzilishi (aritmija), yurakning kattalashib ketishi, miokardda fokal nekrozlar boshlanishi xarakterlidir, ana shunday o'zgarishlardan keyin yurak yetishmovchiligi boshlanadi. Assit, jigarning juda kattalashib ketishi, yurak bo'shilqlarining kengayib ketishi va miokard gipertrofiasi ham xarakterlidir. Gistologik tekshirishda kardiomotsitlarning har yer, har yerda lizisga uchragani aniqlanadi.

**Temir** — odam organizmida eng ko'p tarqalgan mikroelementlarning biridir. Organizmga temir kirib turadigan asosiy manbalar loviya, qora bug'doy yormasi, jigar, go'sht, meva-sabzavotlar, non va non mahsulotlaridir.

Temir yetishmasligidan bo'ladigan anemiyalar giposiderozning birdan-bir ko'rinishi emas, mutlaqo. Chunonchi, til shilliq pardasining atrofiyasi, Plammer — Vinson sindromi ham tasvirlangan. Til shilliq pardasi atrofiyasi odatda halqumga, xiqildoq shilliq pardasi va ovoz boylamlariga ham o'tib ketadi. Buning natijasida odam ovozi bog'ilib, ba'zida butunlay chiqmay ham qoladi. Plammer — Vinson sindromi (yoki sideropenik disfagiya) 20 foiz hollarda uchraydi. Bu sindromda qizilo'ngachning muskulli qavatiga ham o'tib ketishi mumkin bo'lgan o'choqli membranoz yallig'lanish tufayli qizilo'ngach chindan ham torayib qoladi. Qizilo'ngach shilliq pardasi yupqalashib, rangi o'chadi, quruq bo'lib qoladi, qonab turishi ham mumkin. Bemor temir preparatlari bilan davolanadigan bo'ssa, sideropenik disfagiya yo'qolib ketadi.

Sideropenik disfagiya rak oldi holati ekanligini va 16 foiz hollarda rak boshlanishiga olib kelishini ta'kidlab o'tish kerak.

Atrofik rinit boshlanishi ham temir yetishmovchiligiga bog'liq bo'ladı deb hisoblanadi. Atrofik rinitga xos o'zgarishlar ustiga ba'zi hollarda ozena (sassiq dimoq) boshlanadi.

## KASBGA ALOQADOR KASALLIKLAR

*Kasbga aloqador kasalliklar ishlab chiqarish muhitidagi zararli va noqulay omillar ta'sirida paydo bo'ladigan kasalliklar toifasiga kiradi.*

Etiologik omillarning turiga qarab kasb kasalliklarining quyidagi besh guruhiga tafovut qilinadi: 1) ishlab chiqarishdagi kimyoziy omillar ta'siridan paydo

bo'ladigan kasalliklar; 2) har xil changlar ta'siridan paydo bo'ladigan kasalliklar (pnevmoniozlar); 3) fizik omillar; 4) biologik omillar ta'sirida paydo bo'ladigan kasalliklar; 5) ayrim organ va sistemalarning haddan tashqari zo'riqcaniga aloqador kassalliklar.

## SANOATDA UCHRAYDIGAN KIMYOVII ZAHARLARDAN PAYDO BO'LADIGAN KASALLIKLAR

Bu kasalliklar jumlasiga sanoat va qishloq xo'jaligida ishlatalidigan turli zaharli moddalaridan birdaniga va surunkasiga zaharlanish orqasida kelib chiqadigan kasalliklar kiradi. *Qo'rg'oshin, marganes, margimush (mishyak) va uning birikmalari, azot oksidlari, fosfor va uning birikmalari, sinil kislota* va boshqalar kasb kasalliklariga sabab bo'la oladigan moddalarlardandir. Qishloq xo'jaligida keng qo'llaniladigan *insektisidlar* va *pestitsidlar* ham odamlarning zaharlanib qolishiga sabab bo'lishi mumkin. Odam zaharlanganida, ya'ni intoksiatsiya mahalida turli organ va sistemalar yakka holda yoki bir qanchasi birgalikda zararanadi.

Ba'zi zaharli moddalar ma'lum organ va sistemalarning zararlantirish xossasiga ega, ya'ni ularning troplik xossasi bor. Masalan, xlorli uglevodorodlaridan zaharlanganda asosan jigar zararlansa, tarkibida benzol xalqasi bo'ladigan moddalar bilan zaharlanishda qon yaratish organlari, narkotiklar bilan zaharlanishda esa nerv sistemasi va jigar zararlanadi va hokazo. Pestitsidlar bilan zaharlanishda ichki organlarning deyarli hammasi zararlanib, keyin ularda fibroz paydo bo'lib boradi. Spiral organ va vestibular apparatining reteptorlari ham alteratsiyaga uchraydi, pestitsidlarga yaqin yuradigan odamlarda quloqning eshitmay qolishiga (ototoksikozlarga) asosan shu narsa sabab bo'ladi. Zaxarli ximikatlar bilan zaharlanishda markaziy nerv sistemasidagi mikrostrukturalarning hammasi zararlanadi. Bunda uchraydigan distrofik o'zgarishlarga, bizdagi ma'lumotlarga ko'ra, ikki omil: gemodinamikaning izdan chiqishi va zaharli ximikatlarning to'g'ridan-to'g'ri miya to'qimasiga ta'sir ko'rsatishi sabab bo'ladi.

## SANOATDA UCHRAYDIGAN CHANGLARDAN PAYDO BO'LADIGAN KASALLIKLAR

### PNEVMOKONIOZLAR

*Pnevmoniozlar, kasb-korga aloqador patologiyaning eng ko'p uchraydigan xili bo'lib, sanoatdagi changning uzoq muddat nafasga o'tib turishi munosabati bilan boshlanadigan surunkali opka kasalliklaridir.* O'pkada boshlanadigan struktura o'zgarishlari tabiatan diffuz bo'lib, bunda asosan o'pkaning respirator bo'limlari zararlanadi. Sanoat changining tabiatiga qarab, pnevmokoniozning quyidagi turlari tafovut qilinadi:

- 1) tarkibida erkin kremluy bioksid ( $\text{SiO}_2$ ) bo'ladigan chang nafasga urib turiishi tufayli boshlanadigan silikoz;
- 2) tarkibida birikkan holdagi kremluy bioksid bo'ladigan chang nafasga o'tib turishi tufayli boshlanadigan silikatozlar;
- 3) alyuminiy, bariy, temir, qalay changlarining nafasga kirib turishi tufayli boshlanadigan metallokoniozlar — alyuminoz, barioz, berillioz, sideroz, stanioz va boshqalar;
- 4) tarkibida uglerod bo'ladigan chang tufayli boshlanadigan karbokoniozlar (antrakoz);
- 5) aralash chang nafasga o'tganida boshlanadigan pnevmokoniozlar (masalan, antrakosilikoz);
- 6) organik chang (un, yog'och, paxta, tamaki, jun, mo'yna changlari va boshqalar) nafasga kirib turishi tufayli boshlanadigan pnevmokoniozlar.

Sanoat changlarining patogen ta'siri yuzaga chiqib, pnevmokoniozlar boshlanishi uchun quyidagi omillarning ahamiyati bor: 1) havodagi changning konsentratsiyasi, 2) nafas yo'llari va o'pkada ushlanib qoladigan chang miqdori, 3) chang zarralarining katta-kichikligi va shakli, 4) changning kimyoiyi tarkibi va zarralarining eruvchanligi.

Ma'lumki, odamning nafas sistemasida o'pkaga o'tadigan havoni tozalashga imkon beradigan mexanizmlar bor. Yirik chang zarralari yuqori nafas yo'llarida ushlanib qolib va cho'kib tushadi, hilpillovchi epiteliyning kiprikchalar yordamida tashqariga chiqarib tashlanadi. Diametri 1 mm dan kam bo'ladigan mayda zarrachalar alveolalar yo'llarining oxirgi uchlari va alveolar xaltachalarga yetib boradi, lekin ular osig'liq holda qolishi va nafas bilan chiqarib tashlanishi mumkin.

Diametri 1 dan 5 mkm gacha boradigan chang zarralari hammadan ko'ra ko'proq xavf tug'diradi, chunki bular respirator bronxiolalarga cho'kib, mahkam o'rashib qoladi yoki surilib borib, uchi berk alveolar xaltachalarga tushadi. Bunday zarrachalar aksari II tipdagi pnevmositlar yoki alveolar makrofaglar bilan fagotsitlanadi va limfa bilan limfa tugunlariga yetib boradi. Lekin bu chang zarralarining bir qismi respirator sistemaning uchki bo'limlarida qolib ketadi va uning zararlanishiga sabab bo'ladi.

Bundan tashqari, eruvchan chang zarralari o'pkada o'tkir ekssudativ jarayon ko'rinishida bo'ladigan ancha kuchli reaktsiyaga olib boradi. Erimaydigan zarralar, masalan, tarkibida erkin kremluy bioksid bo'ladigan chang zarralari fibrozlovchi pnevmokoniozga sabab bo'ladi.

## ANTRAKOZ

Antrakoz ko'mir changining uzoq muddat nafasga kirib turishi va o'pkada to'planib qolishi tufayli boshlanadi. Buning natijasida o'pka to'qimasida qora rangli o'choqlar paydo bo'ladi. Ular butun o'pka parenximasiga tarqalib ketgan bo'lishi mumkin, lekin ko'pincha o'pkaning ustki bo'laklarida bo'ladi. Pigment-

langan joylar, ya'ni o'choqlarning katta-kichikligi va soni ko'mir changining nechog'liq uzoq muddat va qanchalik ko'p miqdorda nafasga o'tib turganiga shuningdek havoni tozalab beruvchi mexanizmlarning holatiga bog'liqdir. Bu o'choqlar mikroskop bilan tekshirilganida ularda ko'mir zarralarini o'ziga olgan va respirator bronxiolalar atrofida joylashgan makrofaglar topiladi. O'pka pigmentatsiyasi shaxtyorlardagina emas, balki yirik shaharlarning aholisi o'rtaida ham kuzatiladi.

Ko'mir changi to'planib qolgan joylarda keyinchalik borib, biriktiruvchi to'qima o'sadi va peribronxial antrakotik o'choqchalar hosil bo'ladi, bunda o'pka to'qimasining strukturasi buzilmaydi.

Bunday o'choqchalarning paydo bo'lishi respirator bronxiolalar va alveolyar xaltachalarda ko'mir changi o'tirib qolganiga bog'liq. Makrofaglar odatda regionar limfa tugunlariga o'tib boradi va arteriolalar bilan venalar atrofida to'planib qoladi.

Antrakoz mahalida o'pka kattakon fibrozi boshlanishi mumkin, bunday fibroz diametri 0, 5 sm dan 2 sm gacha boradigan qattiqqina qora tugunlar paydo bo'lishi bilan ta'riflanadi. Shu tugunlardan biriktiruvchi to'qima tolalari chiqib, atrofdagi o'pka to'qimasining arxytektonikasini buzadi va to'qimaga ancha zarar yetkazadi. O'pkaning respirator funksiyasi ham izdan chiqadi. Antrakotik tugunchalar kattalashib borib, o'pka to'qimasi o'rniда yirik fibroz maydonlari hosil bo'lishiga olib keladi. Bunday maydonlar rangining qora bo'lishi shu jarayonni o'pkaning qora kasalligi deb nomlashga asos beradi. Bu xildagi fibroz o'choqlari aksari o'pka ustki bo'laklarining pastki qismlaridan va pastki bo'laklarning ustki qismlaridan joy oladi. Antrakotik tugunlar o'pkaning periferik qismlarida joylashgan bo'lsa, plevrit boshlanishi ham mumkin. Zararlangan joyning o'rtaida ba'zan qora suyuqlik bilan to'lib turgan bo'shlilqlar paydo bo'ladi. Ko'mir changiga kremlniy bioksid ham aralashgan mahallarda o'pka to'qimasi sklerozi tabiatan ancha sezilarli bo'lib qoladi.

Antrakozda kattakon fibroz paydo bo'lish xavfini tug'diradigan omillar jumlasiga quyidagilar kiradi: ko'mir changi nafasga o'tib turadigan muddatning uzayishi, ko'mir changida xiylagina miqdorda kremlniy bioksid bo'lishi, automunnar jarayonlar boshlanishi.

Ko'mir changini nafasga olaverish natijasida boshlangan kattakon o'pka fibrozi **klinik jihatdan** olganda hansirash, ko'mir pigmenti aralashgan balg'am tashlab ha deb yo'talaverish bilan namoyon bo'ladi. Silikozdan farq qilib, bu jarayon ko'mir changining nafasga o'tishi barham topadigan bo'lsa, zo'rayib bormaydi.

Sigaretta chekadigan kishilarda jarayon zo'rayib boradi va o'pkaning bronxogen raki boshlanishiga olib kelishi mumkin.

## SILIKOZ

*Silikoz tarkibida erkin kremniy bioksid bo'ladigan changni nafasga olish munosabati bilan boshlanadigan patologik jarayondir.* Silikoz zimdan boshlanib, bemor bunday zarar qilmaydigan kasbdagi boshqa ishga o'tkazilgan taqdirda ham muqarrar zo'rayib boraveradi. Diametri 1 mkm dan 5 mkm gacha boradigan chang zarralari hammadan ko'ra xavfli bo'lib, o'pka to'qimasida surunkali reaksiya boshlanishiga sabab bo'ladi. O'pka silikozining klinik belgilari taxminan 10 yildan keyin ma'lum bera boshlaydi.

**Patogenezi.** Silikozning avj olib borish mexanizmi aniq emas. Kristall shakli-dagi chang zarralari ko'proq fibrogen ta'sir ko'rsatadi deb taxmin qilinadi. Biroq, chang zarralarining alveolar makrofaglarga sitototsik ta'sir ko'rsatishi ko'proq ahamiyatga ega, o'sha makrofaglar yemirilganida chang zarralari ajralib chiqib, o'pka to'qimasiga o'tirib qoladi.

*Alveolar makrofaglarning zararlanish mexanizmi ma'lum emas. Ularning halokatga uchrashida quyidagi ikki omilning ahamiyati bor deb hisoblanadi:* 1) makrofaglar membranasining zararlanishi va kalsiy influksi, 2) hujayralar ichidan lizosoma fermentlarining ajralib chiqishi. Shu bilan bir vaqtida makrofaglar zararlangan joyga neytrofillarni va boshqa makrofaglarni jalb qiluvchi xemotaksik moddalar ajratib chiqaradi.

O'pka to'qimasining zararlanishi lizosomalar proteolitik fermentlarining ajralib chiqishiga yoki erkin radikallar hosil bo'lishiga aloqador deb hisoblanadi. Ayni vaqtida fibroblastlarning interleykin-1 singari o'sish omillari ajralib chiqib, bular kollagen va tipik fibroz silikotik tugunchalar hosil bo'lishiga yo'l ochadi.

Silikoz patogenezida autoimmun reaksiyalarning ham ahamiyati bor deb hisoblanadi, silikoz bilan og'igan bemorlarda immunoglobulinlar, autoantitelolar va immun komplekslari miqdorining ko'payib qolishi shundan darak beradi. Silikoz mahalida ba'zan autoimmun kasalliklar, aymiqsa revmatoid artrit boshlanishi ham shuni tasdiqlaydi.

**Patologik anatomiysi.** Klassik silikoz ham o'pkada, ham plevrada fibrozlovchi jarayon boshlanishi bilan ta'riflanadi. Ayni vaqtida plevrada kollagen pilakchalar yoki qattiq fibroz bitishmalleri paydo bo'ladi, bular ikkala plevra bo'shlig'ida topiladi. O'pka to'qimasi paypaslab ko'rilsa va kesib qaralsa, kulrang yoki kulrang-qora rangli (ko'mir changi bo'lgan mahalda) qattiq fibroz tugunchalar borligi ma'lum bo'ladi. O'pkaning uchki qismlarida va ustki va pastki bo'laklarining orqa yuzasida bular juda ko'p uchraydi. Biroq, jarayon zo'rayib borgan sayin bunday tugunchalar butun o'pka parenximasini bo'ylab topilaveradi. Ular har xil kattalikda bo'lib, diametri bir necha millimetrlardan keladigan tugunlardan tortib, butun o'pka bolagini bosib ketgan yirik konglomeratlarga uchraydi va aksari petrifiksatsiyalanadi. Silikotik tugunchalar limfa tugunlarida ham topiladi, bunda o'sha limfa tugunlari petrifiksatsiya jarayonida juda qattiq bo'lib qoladi.

Silikoz mahalida ro'y beradigan boshqa struktura o'zgarishlari jumlasidan perifokal (irregulyar) bullyoz emfizema paydo bo'lishi mumkinligini aytib o'tish

kerak. Sil infeksiyasi ham qo'shilgan mahallarda kazeoz, nekroz o'choqlari yuzaga kelib, kavernalar paydo bo'ladi.

Silikotik tugunchalar mikroskop bilan tekshirib ko'rilganida ularda konsentrif ravishda joylashgan fibroz to'qima tutamlari topiladi. Bular o'sha tugunchalarning joylashgan bo'lagi va sonining ko'payib borishi tugunning kattalashib, keyinchalik yon-atrofdagi tugunlar bilan qo'shib ketishiga olib keladi, shuning natijasida kattakon fibroz maydonlari hosil bo'ladi. Bularda ko'mir changi bilan pigmentlangan petrifikkatlar topiladi. O'pkaning zararlangan qismlari qutblashtiruvchi nurda tekshirib ko'rilganida tolalar o'rtasidagi kamgaklarda silisiy zarrachalari ko'zga tashlanadi. Birmuncha kam hollarda silisiy kristallari yet tanalarning ulkan hujayralarida topiladi.

**Klinik kechishi.** O'pka silikozi endigina boshlanib kelayotgan paytlarda simptomlarsiz o'tib boradi. Jarayon zo'rayib borgan sayin nafas yetishmovchiligiga xos alomatlar paydo bo'ladi. Hansirash zo'rayib, ko'krakda og' riq paydo bo'ladi. Yo'tal zo'rayib, birmuncha vaqtidan keyin tinka-madorini quritadigan darajaga yetadi va yo'tal vaqtida ipir-ipir qon aralash balg'am tushib turadi. Silikoz mahalida asorat tariqasida revmatoid artrit, surunkali bronxit, emfizema paydo bo'lishi, o'pkadagi o'zgarishlar munosabati bilan yurakka zo'r kelib yurak zararlanishi — cor pulmonum boshlanishi mumkin. O'pka silikozi o'pkada bronxogen va boshqa turdag'i rak paydo bo'lish xavfini ancha oshiradi.

## SILIKATOZLAR

Tarkibida boshqa elementlar (magniy, kalsiy, alyuminiy, temir va boshqalar) bilan birikkan kremniy bioksid bo'lgan changni nafasga olish silikatozlar boshlanishiga sabab bo'ladi. Silikatozlar orasida tarkibida asbest (magniyning suvli silikati) bo'ladigan changni uzoq muddat nafasga olish natijasida boshlanadigan asbestos ancha og'ir o'tadi. Asbest changini uzoq muddat nafasga olish fibrozlovlchi interstisial pnevmoqonioz boshlanib, plevra ham zararlanishiga olib keladi. Plevra yo'g'onlashib, unda bitishmalar paydo bo'ladi. Mezotelioma va bronxogen rak boshlanishi ham mumkin. Asbestoz asta-sekin avj olib boradi, shu munosabat bilan klinik alomatlari 10 yillardan keyin ma'lum bo'la boshlaydi.

**Patogenezi.** Asbestozning avj olib borish mexanizmida quyidagi bir nechta omillarning ahamiyati bor: 1) uzunligi 5 mkm dan kam bo'lgan asbest tolalarining nafasga o'tib turishi, bunday asbest tolalarining patogenligi ularning havo oqimi bilan birga terminal respirator bo'limlariga o'ta olishiga bog'liqdir; 2) asbest tolalaridan juda kam qismining fagotsitozga uchrashi, ularning ko'p qismi esa terminal respirator yo'llarda erkin holda yotib qolaveradi; 3) asbest zarralari yoki tolalari bo'lgan makrofaglar tufayli komplementning faol holga o'tib, neyrofillar va o'pka makrofaglari xemotaksisini ta'minlovchi C5a modda ajratib hiqarishi. Makrofaglarga yutilgan tolalarni oqsil-temirli kompleks o'rab olib, ch yoki toq — sariq rangli tuzilmalardan iborat asbest tanachalarini hosil qiladi.

O'pkada fibroz to'qima paydo bo'lishi makrofaglar ta'siri ostida fibrot larning o'sish omili yuzaga kelishiga bog'liq deb hisoblanadi.

Asbestoz patogenezida immunologik reaksiyalar ham ma'lum rolni o'yn gipergammaglobulinemiya bo'lishi va qonda aylanib turadigan immun komplekslar topilishi shundan dalolat beradi.

Asbest changining kanserogenlik xususiyati borligini ham ta'kidlab e kerak. Asbest zarralari nafasiga o'tib turadigan kishilarda bronxogen rak b lanish ehtimoli 50 baravar ortadi. Bu — asbestning bronxlar epiteliysida pratsiya va metaplaziya boshlanishiga sabab bo'lishiga bog'liq, shunday pratsiya va metaplaziya tufayli bronxlar epiteliysi boshqa kanserogenlar ta's ancha sezgir bo'lib qoladi deb taxmin qilinadi.

**Patologik anatomiysi.** Asbestoz surunkali tarqoq interstisial pnevm boshlanishi bilan ta'riflanadi. Asbest tanachalari bo'lishi bilan pnevm niozning boshqa turlaridan farq qiladi. Respirator bronxiolalar va alveola yo' atrofida biriktiruvchi to'qima o'sa boshlaydi. So'ngra fibroz yaqin atrofdagi al lyar xaltachalar devoriga o'tib boradi. Bu narsa surunkali interstisial pnevm avj olishiga olib keladi. Alveolalarning bo'shiqliqlari arang bilinadigan bo'lil ladi yoki mutlaqo bilinmay ketadi.

Tipik hollarda jarayon o'pkaning pastki bo'laklarida va plevra ostida (plevral tarzda) boshlanadi. Kasallik zo'rayib borishi bilan fibroz o'pka o'rta va ustki bo'laklarida ham paydo bo'la boshlaydi. Fibroz hisobiga pl yo'g'onlashib, ba'zan bitishmalar hosil qiladi. Zararlangan joylardagi o'pka ar yalari va arteriolalari torayib qoladi, bu esa o'pka gipertenziyasi boshlanib pulmonum paydo bo'lishiga olib keladi. Chekish yoki ko'mir changini na olish o'pkada pigmentatsiya o'choqlari yuzaga kelishiga sabab bo'lishi mumli

Asbestoz uchun parietal plevrada gialinlashgan kollagendan tuzilgan, I asbest tanachalari bo'lmaydigan pilakchalar yuzaga kelishi ham xarakter. Bunday plevra pilakchalar o'pkada yo'ldosh jarayon bo'lмаган paytl ham yuzaga kelishi mumkin. Ular aksari diafragmaning gumbazida yoki ko'qafasining oldingi yoki orqa-yon yuzasida topiladi. Vaqt o'tishi bilan bu p chalar ohaklana boshlaydi, lekin visseral plevra bilan hosil qilgan bitishm juda kamdan-kam hollarda paydo bo'ladi. Mezotelioma boshlanishiga pilak larning hech qanday aloqasi yo'q.

Asbest changi o'pkada rakning har xil turlari boshlanishiga sabab bo' mumkin. O'pka parenximasni fibrozi nechog'lik ko'p avj organ bo'lsa, rak shunchalik ko'p uchrashi aniq ma'lum. Chekadigan odamlarda o'pka raki boshlanish xavfi ancha (50 baravar) yuqori bo'ladi. Aksari yassi hujayrali ra adenokarsinoma uchraydi. Asbest changining uzoq vaqt va ko'plab nafasga turishi mezotelioma boshlanishiga sabab bo'lishi mumkin.

Asbestozning klinik ko'rinishlari zo'rayib boradigan nafas yetishmovchi dan kelib chiqadi.

## BERILLIOZ

*Berillioz juda zaharli metallik berilliyl va birikmalari — berilliyl oksid, berilliyl ftorid changi yoki bug'larini nafasga olish tufayli paydo bo'ladi.* Berilliyning konsentratsiyasi, zarralarining katta-kichikligi va eruvchanligiga qarab berilliozning ikki xili tasvirlangan: o'tkir va surunkali berillioz. O'tkir berillioz tez avj olib, sezilarli o'pka shishuvi bilan o'tadigan ekssudativ reaktsiya tabiatiga ega bo'ladi. *Berilliozning surunkali xilida sarkoidozdag'i granulyomalar va sildagi granulyomalardan ajratish qiyin bo'ladigan granulyomalar yuzaga keladi.* Berilliyl konsentratsiyasi past bo'lgan mahallarda ham berillioz boshlanishi mumkin. Badan terisida jarohat bo'lganida shu jarohat atrofida alteratsiya yuzaga kelishi ham mumkinligini esda tutish kerak. Oqsil bilan birgalikda yetarli darajada adsorblangan metall qon bilan tarqalib, turli organlarda, ayniqsa jigar, taloq, suyaklar, o'pkada to'planib boradi.

*Patologik anatomiyasi.* Surunkali berillioz alveolalar bo'shlig'iga do'mpayib chiqqib turadigan alveola to'siqlarida granulyomalar hosil bo'lishi bilan ta'riflanadi, bular o'zining tuzilishi jihatidan, ayniqsa ularda ko'p yadroli ulkan hujayralar paydo bo'lganida, sarkoidoz va silda uchrovchi granulyomalarga o'xshab ketadi. Berilliyan granulyomalarining muhim farqi shuki, nekrozning markazida saqlanib qolgan degenerativ neytrofillar ham bo'ladi. Nekroz ba'zan butun granulyomaga tarqaladi va kazeoz nekrozga o'xshab turadi. Bunday hollarda berilliyl granulyomalarini silgranulyomalaridan amalda ajratib bo'lmaydi. Granulyomalarning katta-kichikligi juda har xil. Regionar limfa tugunlarida ham granulyomalar paydo bo'ladi. Plevra juda kamdan-kam hollarda jarayonga qo'shiladi. O'pka to'qimasida granulyomalar fibrozi zo'rayib borib, tarqoq o'pka fibroziga aylanadi. Granulyomalar o'pkadan tashqari jigar, buyrak, taloq, limfa tugunlari, badan terisida ham hosil bo'ladi.

*Klinik o'tishi.* Yashirin davri 7—10 kunni tashkil etadi. Ekspozitsiya ancha sezilarli bo'lganida yashirin davri birmuncha qisqarib, o'tkir pnevmonit boshlanadi. Bunday hollarda kasallik birdan tutib qoladigan yo'tal, hansirash, harorat ko'tarilishi, kamquvvatlik, lanjlik bilan namoyon bo'ladi. Kasal bir necha hasta davomida o'lib qolishi mumkin.

Surunkali berillioz klinikasi boshqa pnevmokoniozlar manzarasiga o'xshash. Bu kasallikda rak kamdan-kam kuzatiladi.

## FIZIK OMILLAR TA'SIRIGA ALOQADOR KASB KASALLIKLARI

Atrofdagi muhitning har xil patologik jarayonlarga sabab bo'la oladigan fizik omillari juda ko'p. Ular mexanik, termik va elektromagnit omillari bo'lishi mumkin. Ana shunday omillar tufayli paydo bo'ladigan kasalliklar orasida vibrasion kasallik, kesson kasalligi, shovqin ta'siriga bog'liq kasallik, nur kasalligi, shuningdek elekromagnit to'lqinlar va biologik omillar ta'siridan kelib chiqadigan kasalliklar klinik jihatdan hammadan katta ahamiyatga ega.

## VIBRATSION KASALLIK

*Vibratsion kasallik* (oqargan barmoqlar sindromi, qo'llarning travmalardan bo'ladigan tomir-spastik kasalligi, soxta Reyno kasalligi) *vibrasiya, ya'ni tebranish to'lqinlari ta'siri tufayli paydo bo'ladigan kasb kasalligidir.* Vibratsion texnika (pnevmotik bolg'alar, metall va yog'och buyumlarni jilolab, ularga sayqal berish uchun ishlatiladigan moslamalar va boshqalar) bilan ishlaydigan xodimlarda kuzatiladi. Vibratsion kasallikni mayda va bir qadar yirik tomirlar torayib qoldigan o'ziga xos angiotrofonevroz deb hisoblanadi. Angiospastik sindrom plas-tinkasimon Fater — Pachini tanachalarining zararlanishiga bog'liq deb taxmin qilinadi.

**Patologik anatomiysi.** Tomirlarda obliteratsiyalovchi endarteriitdagiga o'xshab ketadigan o'zgarishlar topiladi, shuning natijasida badan terisi, tirnoqlarda trofik o'zgarishlar ro'y berib, qo'l va oyoq barmoqlarida gangrena boshlanishi ham mumkin. Qo'l va yelka kamari muskullarining atrofiyasi ham kuzatiladiki, bu orqa miya neyronlari va tegishli periferik nervlardagi distrofik o'zgarishlarga bog'liq bo'ladi. Qo'lning suyak-bo'g'im apparatida suyaklar bo'g'im qismlarining aseptik nekrozlari, osteoporoz, deformatsiyalovchi artroz, osteoxondropatiya boshlanadi, bu narsa tog'aylar, suyaklar va bo'gim kapsulalarida atrofik, distrofik, nekrotik va regenerator jarayonlar yuzaga kelishiga bog'liqidir. Suyak to'qimasida zichlashgan o'choqlar paydo bo'lib, ularda ohak paydo bo'lib boradi. Muskullarning paylarida ohak to'planib, suyak to'qimasi paydo bo'ladi.

**Kasalliklarning klinik ko'rinishlari** juda har xil. Shunga ko'ra yettita asosiy klinik sindrom tafovut qilinadi:

- *angiodistonik sindrom* qo'l-oyoqlarda tomirlarga aloqador vegetativ o'zgarishlar yuz berishi bilan ta'riflanadi, qo'l-oyoqlarning sovuq qotib, ko'karib turishi, paresteziyalar bo'lishi, kapillar qon aylanishining buzilishi shular jumlasidandir;

- *angiospastik sindrom* «oqargan» barmoqlar tipida akrospazm bo'lib turishi, distal tipi har xil turdag'i sezuvchanlikning buzilishi bilan ajralib turadi;

- *vegetativ polinevit sindromi* tana haroratining pasayishi, qo'l-oyoqlarda parestiziylar, og'riqlar bo'lishi, qo'l kaftlarining ko'p terlab turishi va boshqalar bilan ta'riflanadi;

- *vegetomiofassit sindromida* muskullar paypaslab ko'rilganida og'riydi, sezuvchanlik periferik yoki segmentar tipda izdan chiqadi;

- *nevrit sindromi*, bunda harakat funktsiyalari buzilib, ba'zan parezlar boshlanadi;

- *gipotalamik sindrom* vegeto-tomir va boshqacha paroksizmlar boshlanishi bilan ta'riflanadi;

- *vestibulyar sindrom* vaqtı-vaqtı bilan bosh aylanib, vestibular apparat qo'zg'aluvchanligining kuchayishi xarakterlidir.

## KESSON KASALLIGI

*Kesson kasalligi yuqori bosim sharoitida ishlab turgan kishilar tezgina normal bosim sharoitiga o'tib qolganida boshlanadigan kasallikdir.* Bunda qon va to'qimalarda erigan ortiqcha azot o'pka orqali chiqib ketishga ulgurmaydi va to'qimalar, limfa tugunlari hamda qon tomirlarida to'planib boradigan pufakchalar hosil qiladi. Natijada gaz emboliyasi boshlanib, qon aylanishi izdan chiqadi va to'qimalar ishemiyadan zararlanadi. Kesson kasalligi g'avvoslar, ko'priki, tog'on qurish maqsadida suv ostida ishlovchi kishilarda kuzatiladi.

**Patologik anatomiysi.** Odam shu kasallikdan qisqa muddat ichida o'lib qolgan hollarda murda qotishi kuchli ifodalangan bo'ladi, teri osti kletchatkasiда gaz to'planib qolgani tufayli terida kripitatsiya qayd qilinadi, badan terisi marmardek bo'lib turadi, asfiksiya zo'rayib borgani munosabati bilan qon suyuq bo'ladi, ko'pgina organlarda kripitatsiya aniqlanadi.

Mikroskop bilan tekshirib ko'rildigida kengayib ketgan o'ng yurak bo'shqliari, toj tomirlari, pastki kovak vena, o'pka, bosh va orqa miya tomirlari, jigar, taloq, ingichka ichak tomirlarida gaz pufakchalarini to'planib qolgani ko'zga tashlanadi. Qon aylanishida yuzaga kelgan o'zgarishlar barcha organ va to'qimalarda anemiya boshlanib, distrofik jarayonlar ayj olib borishiga sabab bo'ladi.

Yuqori bosim uzoq ta'sir o'tkazib turgan bo'lsa, uzun naysimon suyaklar, asosan, oyoq suyaklarida qon aylanishi izdan chiqadi. Natijada suyak to'qimasining ba'zi joylari yumshab, skleroz zonasini bilan o'ralib qoladi, aseptik nekroz boshlanib ikkilamchi osteomiyelit paydo bo'lib boradi. Tog'aylor atrofiyasi, deformatsiyalovchi osteoartroz va artrit kuzatiladi.

## KORXONALARDAGI SHOVQIN TA'SIRIDAN PAYDO BO'LADIGAN KASALLIKLAR

Shovqin ko'p bo'ladi korxonalarda ishlovchi qozonchilar, parchinlovchilar va boshqa mutaxassislarda uchrayadigan shovqin kasalligida asosiy o'zgarishlar eshituv organida ro'y beradi.

**Patologik anatomiysi.** Chig'anoq nervining periferik bo'limida spiral tunnelling nerv hujayralari, mielinli nerv tolalarida distrofiya tusida bo'ladi korxonadagi o'zgarishlar topiladi. Chig'anoqning hamma o'ramlaridagi spiral (Kortiev) organning atrofiyalanishi karlikka olib boradi. Eshituv nervida va vestibulyar nervning uchki apparatida o'zgarishlar topilmaydi. Eshituv suyakchalarining bo'g'imirni yaxshi harakatlanmaydigan bo'lib qoladi. Juda qattiq shovqin va tovushlar bo'lib turadigan sharoitda ishlashda kortiev organning ancha zararlanib, halok bo'lib ketishi, quloq nog' ora pardalari yirtilib, quloqdan qon kelishi kuzatiladi.

## **ELEKTROMAGNIT TO'LQINLARI TA'SIRIGA ALOQADOR KASALLIKLAR**

Radiolokatsiya, radionavigatsiya, radioastronomiya, radiometeorologiya, radio aloqlari, radio eshittirishlari, televideeniye va fizioterapiya sohalarida har xil diapazondagi elektromagnit to'lqinlari, ayniqsa, ultraqisqa, qisqa va o'ta yuqori chastotali radio to'lqinlaridan foydalanish keng rasm bo'lgan. Elektromagnit to'lqinlari ta'siridan birdan o'lib qolish hollari tasvir etilgan emas, shu sababdan kam quvvatdagi elektromagnit to'lqinlari uzoq ta'sir etganida ro'y beradigan o'zgarishlar: jinsiy bezlar, nerv va yurak tomirlar sistemasida bo'ladigan, klinika amaliyotida ko'proq ahamiyatga ega. Gipotalamusda supraoptik va paraventrikulyar yadrolar neyronlarining neyrosekretor faoliyati buzilganidan darak beruvchi o'zgarishlar topiladi. Miokardda kardiomiotsitlarda boshlangan yog' distrofiyasi ko'zga tashlanadi. Ko'rildigan alternativ hodisalarning darajasi bilan elektromagnit radio to'lqinlarining uzunligi o'rtaida bog'lanish borligi aniqlangan: to'lqin nechog'liq uzun bo'lsa, o'zgarishlar shunchalik sezilarli bo'ladi.

## **IONLASHTIRUVCHI NURLAR TA'SIRI OSTIDA KELIB CHIQADIGAN KASALLIKLAR**

Diagnostika va davo maqsadlarida qo'llaniladigan radioaktiv izotoplar, rentgen va gamma-apparatlar, shuningdek atom elektr stansiyalari va dengiz hamda suvosti kemalari atom dvigatellarining reaktorlari ionlashtiruvchi nur manbalari bo'lishi mumkin. Inson kosmik fazoda ham radiatsiyaga duch kelib qolishi mumkin.

Ionlashtiruvchi nurlar, ya'ni ionlashtiruvchi radiatsiya turli doirada: hujayra, to'qima, organlar doirasida va yaxlit organizm doirasida ta'sir ko'rsata oladi.

Bu radiatsiyaning yaxlit organizmga ta'sir ko'rsatgan hollarda *nur kasalligi* boshlanadi. Nurning hujayraga ta'sir mexanizmini tushuntirib berishga urinadigan ikkita nazariya bor. Ularning biriga muvofiq, hujayraning zararlanishi ionlashtiruvchi nuring hujayra hayoti uchun muhim bo'lgan ayrim molekulalarga, jumladan DNKga tog'ridan-tog'ri ta'sir o'tkazishiga bog'liq. Lekin hujayradagi boshqa molekulalar, fermentlar, hujayra membranasini ham bunda alteratsiyaga uchraydi. Ikkinchini nazariyaga muvofiq, radiatsiya, hujayra ichidagi suvning radioliz yo'li bilan parchalanishi natijasida hosil bo'ladigan erkin radikallar orqali patogen ta'sir ko'rsatadi. Bu radikallar hujayraning hayoti uchun zarur tarkibiy qismlari bilan o'zaro ta'sirga kirishib, hujayrani nekrozgacha boradigan darajada zararlaydi.

Hujayraning ionlashtiruvchi radiatsiyadan zararlanish darajasi talaygina omillarga, jumladan: 1) radiatsiya dozasi, 2) nuring qanday tezlik bilan va qanday chuqurlikka o'tib borishi, 3) ionlanish zichligi, 4) hujayraning nurga sezgirligi, 5) hujayraning reparatsiyalanish layoqatiga bog'liq.

Har xil turdag'i nurlar turlichcha chuqurlikka tushib boradi va turlichcha zichlikda ionlanishga sabab bo'ladi. Chunonchi, gamma-nurlar, rentgen nurlari hammadan chuqur o'tib borish xossasiga ega bo'lsa, alfa va beta nurlarning chuqurlikka kriborish xususiyati juda kam, lekin bular to'qimalarni juda katta zichlikda ionlashtiradi.

Ionlashtiruvchi nur ta'siri ostida hujayrada nospetsifik struktura o'zgarishlari ro'y beradi. Hujayraning yadrosi ham, sitoplazmasi ham alteratsiyaga uchraydi. Avvaliga hujayra bo'rtib, sitoplazmasi vakuollahashi, mitoxondriyalar giper-trofialanadi, endoplazmatik retikulum bo'rtib chiqadi va bo'laklarga bo'linib ketadi. Keyinchalik yadro ham bo'rtib, vakuollahashi, kariopiknoz yoki kari-oreksis hodisalari ro'y beradi. Katta dozadagi ionlashtiruvchi nur bir yo'la ta'sir ko'rsatganida yoki bu nur uzoq muddat takror-takror ta'sir o'tkazib turganida sitoplazmatik membrana bilan yadro membranasi destruksiya uchraydi. Tomirlar ham shikastlanadi. Tomirlarda ro'y beradigan yengil o'zgarishlar jumlasiga tomirlarning kengayishi va keyin endoteliysi hujayralarining bo'rtib, vakuolalanishi, hattoki butunlay destruksiya uchrashi kiradi. Birmuncha kuchli nur ta'sir o'tkazganida tomirlar yorilib, tromboz boshlanadi, devorlarida fibroz paydo bo'lib, tomirlar yo'li torayib qoladi. Ularning atrofidagi biriktiruvchi to'qima sklerozga uchraydi. Natijada parenximatoz hujayralarning oziqlanishi izdan chiqadi, bu narsa ularning atrofiyaga uchrab, halok bo'lishiga olib keladi.

Hujayraning genetik apparati ham alteratsiyaga uchraydi, ionlashtiruvchi nurning onkogen va mutagen ta'sir ko'rsatishi asosan shunga bog'liq. Ionlashtiruvchi radiatsiyaning onkogen xossalari ro'yobga chiqishida hujayralarning nur ta'siriga qanchalik sezgirligi muhim ahamiyatga ega. Qon yaratish to'qimasining bosh hujayralari, ingichka ichak epiteliysi, moyaklar epiteliysi, tuxumdonlar follikulyar epiteliysining hujayralari nur ta'siriga hammadan ko'ra ko'proq sezgir bo'ladi. Shu munosabat bilan radiatsiya ta'siridan keyin hammadan ilgari boshlanadigan patologik jarayonlar, leykozlar, limfomalar, seminomalar, disgerminomalar, granulyoz hujayrali rakdir. Badan terisi va ortiqlari epiteliysi hujayralari, ogiz bo'shlig'i, hiqildoqning ko'p qavatlari yassi epiteliysi, qovuq epiteliysi, qizilo'ngach epiteliysi, me'danining bez epiteliysi ham nisbatan juda sezgir tuzilmalar qatoriga kiradi. Bunday tuzilmalardan kelib chiqadigan o'smalar (teri, hiqildoq, qizilo'ngach, qovuqning yassi hujayrali raki, me'da adenokarsinomasi) nur ta'siridan keyingi bir muncha kechki muddatlarda paydo bo'ladi. Muskul hujayralari, ganglioz hujayralar ionlashtiruvchi nur ta'siriga hammadan ko'ra kam sezgirdir, bularda rabdomiosarkoma, leyomiosarkoma, ganglionevroma paydo bo'lishi mumkin.

Turli organlarning yakka o'zi nur ta'siriga uchraganida ham, ayniqsa ular ionlashtiruvchi nurlarga har xil darajada sezgir to'qimalardan tuzilgan bo'lsa, har xil tipdagi reaktsiyalar boshlanadi. Chunonchi, qon yaratuvchi va limloid to'qima, gonadalar, o'pka, me'da-ichak yo'li nur ta'siriga yuqori darajada sezgirdir. Katta yoshli odamning badan terisi, nerv sistemasi o'ttacha darajada sezgir bo'ladi.

Ionlashtiruvchi nur badan terisiga ta'sir o'tkazganida 2—3 soatdan keyinoq terida eritema boshlanib, 2—3 haftadan so'ng juda avjiga chiqadi. Bir oy va bundan ko'ra ko'proq vaqtidan keyin radiatsion dermatit boshlanadi (giperpigmentatsiya, depigmentatsiya, teleangiektaziya, atrofiya), bir necha oy va yillardan keyin sochlar to'kilib, terida yaralar paydo bo'ladi. Birmuncha kechki muddatlarda yassi hujayrali rak hosil bo'ladi.

Qon yaratish sistemasida nur ta'siridan keyin bir necha soat o'tishi bilan limfopeniya boshlanadi, 5—10 kunga kelib neytopeniya, trombotsitopeniya yuzaga keladi. 3—4 haftadan keyin anemiya kuzatiladi. Taloq va limfa tugunlari bujmayib qoladi. Jinsiy bezlar nur ta'siriga uchraganida ularda 2—3 haftadan keyin o'zgarishlar ro'y beradi, bular granulyoz hujayralar, spermatogoniya va spermatozitlarning destruksiyaga uchrashidan iborat bo'ladi. O'pkaga nur ta'sir etganida respirator distress sindrom boshlanib (bir necha soatdan so'ng), 2—3 haftaga borib interstisial fibroz boshlanadi, kapillarlarda tromboz paydo bo'ladi.

Ionlashtiruvchi nur ichakning biror segmentiga ta'sir qilganida bir necha kundan keyin unda giperemiyaga boshlanib, 5—10 kunlari shilliq pardada yaralar paydo bo'ladi. Bir necha haftadan tortib, bir necha oygacha bo'lgan muddat ichida fibroz boshlanib, ichak yo'l torayib qoladi.

Ionlashtiruvchi nurlar yo'l qo'yiladigan miqdordan kattaroq dozalarda umuman organizmga ta'sir etishi natijasida *nur kasalligi* deb ataladigan klinik sindrom boshlanadi. Davo maqsadlarida ionlashtiruvchi nur ta'siriga tushirilgan kasallarda, shuningdek rentgenolog va radiologlarda sanoatda ionlashtiruvchi nur manbalari bilan ishlovchi kishilarda nurdan zararlanishning umumiy va mahalliy ko'rinishlari kuzatilishi mumkin. Nur kasalligi baxtsiz hodisalar natijasida ham boshlanishi mumkin, masalan, Chernobil atom stansiyasida falokat ro'y bergenida, Nagasaki va Xirosimada atom bombalari portlatilganida ana shunday bo'lgan edi.

Shuni yodda tutish kerakki, ionlashtiruvchi nur butun organizmga ta'sir qilganida, bu nur kichikroq dozalarda — 200—300 rad miqdorida bo'lganida ham nur kasalligi boshlanishi mumkin.

**Patologik anatomiysi.** Ionlashtiruvchi nur ta'siridan yuzaga keladigan struktura o'zgarishlarining tabiatи va darajasi shu nurning dozasiga, qancha muddat ta'sir qilib turganiga va to'qimalarning bu nurga nechog'liq sezuvchanligiga bog'liq. Masalan, nurga sezgir to'qimalarda nur ta'sir etib turgan vaqtning o'zida yoki qisqa yashirin davrdan keyin o'zgarishlar, chunonchi, nur ta'siridan bo'ladiyan kuyuk yaralar (barvaqt boshlanadigan asoratlar) paydo bo'lishi mumkin. Kechki muddatlarda ma'lum beradigan asoratlar bir necha oy yoki yillardan keyin boshlanishi mumkin. Ularning asosida tomirlar, ayniqsa mikrosirkulator o'zanning zararlanishi, toksemiya, innervatsiya, regeneratsiyaning buzilishi autoimmun jarayonlarning avj olib borishi yotadi.


O'tkir nur kasalligida barcha organ va to'qimalar zararlansada, bu kasallikning uchta asosiy turi tafovut qilinadi: 1) *ko'mikka aloqador turi*, 2) *meda-ichak yo'liga aloqador turi* va 3) *serebral turi* (101-rasm).

*Nur kasalligining ko' mikka aloqador turi kichikroq dozadagi nur ta'siridan boshlanishi va erta muddatlarda ko'ngil aynab, qayt qilish, keyinchalik periferik qon va ko'mikda o'zgarishlar (limfopeniya, neytropeniya, trombotsitopeniya, anemiya) ro'y berishi bilan namoyon bo'lishi mumkin. Bunda gemorragik dia-tez belgilari ko'zga tashlanadi, badan terisida, me'da, ichak, o'pkaning seroz va shilliq pardalarida, buyrak usti bezlari, miokardda qon quyilgan joylar paydo bo'ladi. Qon yaratish sistemasida paydo bo'lgan chuqur o'zgarishlar ustiga infektion asoratlar, yarali-nekrotik gingivitlar, nekrotik anginalar, pnevmoniylar qo'shiladi. Ko'mikda tez orada aplaziya boshlanadi.*

*Nur kasalligining me'da-ichak yo'liga aloqador turi organizmga 50—100 rad dozada nur ta'sir etgan mahallarda boshlanadi va nur dozasi 100—300 rad bo'lgan hollarda tabiatan juda sezilarli bo'ladi. Ingichka ichak nur ta'siriga ko'proq sez-gir bo'lganligi uchun shu ichak ayniqsa ko'p zararlanadi. Uning shilliq pardasida shish boshlanib, yara o'choqlari paydo bo'ladi. Nekrozlangan joylar irib ketgan fibrin massalari, shilimshiq bilan qoplanib turadi, bularda mikroorganizm koloniyalari topiladi. Ayni vaqtida leykotsitar infiltratsiya va mitozlar bo'lmaydi.*

*Serebral turi o'lim bilan tugaydigan talvasalar tutishi va koma boshlanishi bilan ta'riflanadi, miya to'qimasi nur ta'siriga bir qadar chidamli bo'lgani uchun ancha katta — taxminan 1500 rad dozadagi radiatsiya ta'siridan boshlanadi. Bosh miyada qon va likvor aylanishi izdan chiqib miyaga shish keladi.*

Amerika tadqiqotchilarining ma'lumotlariga qaraganda, Nagasaki va Xiroshima shaharlarining 100 ming nafar aholisi bomba portlagandan keyin o'sha zahotyoq halok bo'lgan. Bomba portlashidan bir necha kun va hafta o'tganidan keyin nobud bo'lgan odamlarning o'slimiga qon yaratuvchi toqimaning zararlanishi, suv-elektrolitlar muvozanatining buzilishi, hayot uchun muhim organlarga qon quyilishi ustiga qo'shilgan infeksiyalar sabab bo'lgan. Birmuncha keyingi davrlarda kishilarning yoshi va nurning qancha vaqt ta'sir etib turganiga qarab, rak kasalligining turli xillari paydo bo'lgan. O'tkir leykozlar o'n yoshgacha bo'lgan bolalar o'rtaida, kattalarda esa 50 yoshdan oshgan kishilarda kuzatilgan. Shu bilan birga kasallikning yashirin davri bolalarda 5—10 yilni, kattalarda 10—20 yilni tashkil etgan, ayni vaqtida asosan o'tkir limfotsitar leykoz, o'tkir va surunkali mieloid leykoz kuzatilgan. Nur ta'sir etgan odamlarda 10 yildan keyin sut bezi, qalqonsimon bez raki, turli organlar miyelomasi, qizilo'ngach, siyditanosil sistemasi, so'lak bezlari, o'pka raki boshlangan. Onasining qornida nur ta'siriga uchragan bolalarda limfotsitlar xromo-somalari aberratsiyalari, mik-roensemefaliya paydo bo'lgan, ruhiy jihatdan rivojlanish izdan chiqqan.



101-rasm. Odamga ionlashtiruvchi nurlar ta'sir etganida organlarda bo'ladigan asosiy o'zgarishlar.

## XII Bob

### O‘SMALAR

NEOPLAZIYA VA O‘SMA OLDI JARAYONLARI	O‘SMALARNING TASNIFI MEZENXIMAL MANBALARDAN KELIB CHIQADIGAN O‘SMALAR
ETIOLOGIYASI VA PATOGENEZI	
Kanserogenezning molekulyar asoslari	BIRIKTIRUVCHI, YOG‘ VA SHILIMSHIQ HOSIL QILUVCHI
Kimyoviy kanserogenez	TO‘QIMALARDAN KELIB CHIQADIGAN O‘SMALAR
Radiatsion kanserogenez	MUSKUL TO‘QIMASIDAN KELIB CHIQADIGAN O‘SMALAR
Virusli kanserogenez	TOG‘AY HOSIL QILUVCHI O‘SMALAR
O‘SMALARNING TUZILISHI	MUSHAK TO‘QIMASIDAN PAYDO BO‘LADIGAN O‘SMALAR
XAVFLI VA XAVFSIZ O‘SMALARNING XUSUSIYATLARI	TOMIR O‘SMALARI
O‘SMA HUJAYRALARINING BIOLOGIK XOS SALARI	EPITELIAL O‘SMALAR
O‘SMALAR NING ORGANIZMGA KO‘RSATADIGAN TA’SIRI	MELANIN HOSIL QILUVCHI TO‘QIMADAN YUZAGA KELADIGAN O‘SMALAR

Tabiatdagi eng sirli hodisalar jumlasiga o‘smalar kiradi. O‘smalar biologik hodisa bo‘lib, barcha sinf va turlardagi hayvonlarda, shuningdek o‘simliklarda keng tarqalgan va tasvirlangan. Lekin ular odamda hammadan ko‘ra ko‘proq uchraydi.

XX asrda xavfli o‘smalar bilan og‘rish va ulardan o‘lish hollari ortib bormoqdaki, bu narsa quyidagilarga bog‘liq:

- 1) odamlar o‘rtacha umrining uzayib qolganiga (XIX asrga nisbatan olinganda o‘rtacha 20 yil oshganiga);
  - 2) kasalliklarni odamlarning hayotligida aniqlash ishi yaxshilanganiga;
  - 3) qo‘srimcha kanserogen ta’sirlar ko‘rsatadigan ijtimoiy omillar paydo bo‘lganiga bog‘liqidir (kimyo sanoati, atom energetikasining keng rivojlangani, atom va vodorod bombalari yaratilgani va boshqalarga).

Har qanday patologik jarayon kabi o‘smalar ham o‘zlarining geografik xususiyatlari egadir. Masalan, sut bezi raki Angliya, AQSH, Niderlandlarda hammadan ko‘ra ko‘proq uchrasa, Yaponiyada hammadan kam uchraydi. Chunochi, Angliyada har 100 000 aylordan 28 nafari sut bezi rakidan olsa, Yaponiyada atigi 5 nafar kishi shu kasallikdan nobud bo‘ladi. Shu bilan birga me‘da raki Yaponiyada AQSH dagiga qaraganda 7 barobar ko‘proq uchraydi. Jigar raki

janubiy Afrikada hammadan ko'ra ko'proq uchrab turadi. O'zbekiston uchun qizilo'ngach raki bilan og'rish hollarining ko'proq uchrashi xarakterlidir. Mana shu ma'lumotlarning hammasi odam badanining u yoki bu joyida o'smalar paydo bo'lishida ekologik omillarning ahamiyati borligidan dalolat beradi.

O'smalar bilan kasallanish hollari odamlarning jinsi va yoshiga qarab har xil bo'lishi ham aniqlangan. Chunonchi, o'pka va prostata bezi raki erkaklar orasida ko'proq uchrasa, sut bezi raki bilan yo'gon ichak raki ayollar orasida ko'proq uchraydi, shu bilan birga o'pka raki o'lim sababi tariqasida beshinchli orinda turadi.

Rak paydo bo'lish hollari odam yoshi ulg'aygan sayin ortib boradi va 55 yashardan 75 yashargacha bo'lgan davrda, ayniqsa, erkaklarda prostata bezi rakidan, ayollarda sut bezi rakidan o'lish hollari ancha ko'payadi. Bolalar orasida o'lim 10 foizni tashkil etadi, shu bilan birga o'limga olib boradigan o'smalarning asosiy turlari leykozlar, markaziy nerv sistemasi o'smalari, yumshoq to'qimalar va suyaklar sarkomalaridir.

O'smalar paydo bo'lish ehtimolini oshiradigan jiddiy omillar jumlasiga odamning kasb-kori va odatlari ham kiradi (shaxtalarda ishlash), ovqat turi, iqlim sharoitlari, quyosh nurlarining ortiqcha ta'siri, zararli odatlar, masalan, chekish, ichkilikni suiste'mol qilish) kiradi.

O'smalarni o'rganadigan fan onkologiya deb ataladi (onkos— o'sma, logos — fan degan so'zlardan olingan).

## NEOPLAZIYA VA O'SMA OLDI JARAYONLARI

*O'sma (blastoma, neoplaziya, tumor) to'qimalarning organizm idora eta olmaydigan darajada patologik tarzga kirib ortiqcha o'sib ketishidir. Sifat jihatidan o'zgarib ketgan, boshqacha bo'lib qolgan hujayralarning beedad ko'payaverishi ana shu o'ziga xos patologik jarayonning asosida yotadi.*

O'sma hujayralari organizmda hujayrani o'rab turgan mikromuhit omillari (gumoral omillar, qo'shni hujayralar, kollagen tolalar, bazal membranalar) ta'siriga ko'rsatiladigan reaksiyaning izdan chiqishi bilan ta'riflanadi. Chunonchi, o'sma hujayralari idora etuvchi omillar ta'siriga qarab ko'payish suratini o'zgartirish xususiyatini yo'qotgan bo'ladi, bu narsa esa ko'payishning idora etilishi izdan chiqishiga olib keladi. O'sma hujayralarida gormonlarga bog'liqlik kam bo'ladi, ular normal hujayralarning bo'linishi uchun zarur gormonlar yo'q joylarda ham ko'payaverishi mumkin.

O'smalar o'zini organizmgaga nisbatan parazitlardek tutadi va zarur metabolitlar uchun normal hujayra va to'qimalar bilan raqobat qilib yashaydi. Biroq, o'smalarning bu xildagi mustaqilligi uncha to'la emas, ba'zi o'smalar organizm tomonidan endokrin sistema mahsulotlari bilan qo'llab-quvvatlanib borishga muhtoj bo'ladi. Buni ham qo'yavering, ular o'z xo'jasidagi almashinuv jarayoniga va uning qon ta'minotiga qaramdir.

O'smalarning asosiy xususiyatlari, yuqorida aytib o'tilganidek, hali yetilmagan hujayralarning beedad va tartibsiz ravishda ko'payaverishidan iboradir. O'sma hujayralarining tartibsiz ravishda va cheksiz, chegarasiz beedad ko'payaverishi, mohiyat-e'tibori bilan, regeneratsiya (fiziologik regeneratsiya), kompensator giperplaziya, metaplaziya va displaziya singari proliferativ jarayonlardan farq qilishini aytib o'tish kerak. O'sma hujayralarining asosiy farqi shundan iboratki, ularning ko'payishi kompensator-moslashtiruvchi tabiatga ega emas; organizmning idora etuvchi mexanizmlariga bo'yusunmaydi, ya'ni o'zicha, mustaqil ravishda davom etaveradi.

Shu bilan birga hozir aytib o'tilgan proliferativ jarayonlar ba'zan o'sma paydo bo'ladijan manba bo'lib qolishi mumkin, ya'ni ular o'sma oldi jarayonlari jumlasiga kiradi.

O'sma paydo bo'lismiga yo'l ochadigan irsiy omillardan tashqari, neoplazma vujudga kelishiga olib boradigan bir qancha patologik jarayonlar ham bo'ladi. Bular, garchi hamisha ham o'sma paydo bo'lismiga olib boravermasa ham o'sma oldi kasalliklari bo'lib hisoblanadi. Ularga quyidagilar kiradi:

— *patologik regeneratsiya mahalidagi persistanuvchi hujayralar proliferatsiyasi*, bu, masalan, teridagi surunkali fistula yoki bitmayotgan teri jarohati chetlarida yassi hujayrali rak boshlanishiga, jigar sirrozida gepatosellular rak paydo bo'lismiga olib boradi;

— *giperplastik va displastik proliferatsiya*. Masalan, endometriyda rakka olib borgan atipik giperplaziya, sigareta tutuni ta'sirida bronxlar shilliq pardasining disp-laziyaga uchrashi va keyin rak paydo bo'lishi;

— *surunkali atrofik gastrit*, bu — pernitsioz anemiya mahalida me'da rakiga sabab bo'ladi;

— *surunkali yarali kolit, yo'g'on ichakning tug'ma polipozi*, bular yo'g'on ichak raki paydo bo'lishi xavfini tug'diradi;

— *og'iz bo'shlig'i, vulva, bachadon bo'yni shilliq, pardalari, badan terisi leykoplikiyasi*, bu yassi hujayrali karsinoma boshlanishiga yo'l ochadi.

Gipertrofik prostatopatiya, fibrozkistoz mastopatiya, endometrioz, kseroderma, neyrobromatoz ham o'sma oldi jarayonlari jumlasiga kiradi.

Xavfli o'smalarning xavfsiz o'smalardan paydo bo'lismi ehtimoli hamisha ham birdek bo'lavermaydi. Chunonchi, yo'g'on ichak adenomasi 50 foiz hollarda xavfli o'smaga aylanishi mumkin, holbuki bachadon leyomiomasi kamdan-kam hollarda xavfli o'smaga aylanadi.

## ETIOLOGIYASI VA PATOGENEZI

Kanserogenez asosan genlarning zararlanishiga bog'liq ekanligi hozir aniqlangan. Genlarning zararlanishida kimyoviy moddalar, ionlashtiruvchi nurlar va viruslarning ahamiyati katta deb hisoblanadi. Bundan tashqari, o'z-o'zidan paydo bo'ladijan bir qancha o'smalar borki, bularning nima sababdan paydo bo'lishi nomalum.

## KANSEROGENEZNING MOLEKULYAR ASOSLARI

O'smalarning genetikasi, ya'ni kelib chiqishini o'rganishda katta yutuqlar qo'lga kiritilgan. Hozir bu sohada quyidagilar aniqlangan:

1) kanserogenez genlarning zararlanishiga (alteratsiyasiga) bog'liq. Genlarning ana shunday alteratsiyaga uchrashi (zararlanishi) tashqi muhitning turli omillari — kimyoviy moddalar, radiatsiya, viruslar ta'siri ostida ro'y beradi. Genlarning mutatsiyasi tabiatan irlsiy bo'lishi ham mumkin;

2) idora etuvchi genlarning ikki sinfi tasvirlangan: hujayralarning bo'linishi va tabaqalashuvini idora etishda muhim rol o'ynaydigan protoonkogenlar va o'sma paydo bo'lishini bo'g'ib qo'yuvchi suppressor-genlar — antionkogenlar (bular kanserogen omillar tomonidan zararlanadigan nishonlardir);

3) kanserogenez ko'p bosqichli jarayon bo'lib, fenotip doirasida ham, genotip doirasida ham yuzaga chiqaveradi. Xavfli o'smalarning bir nechta fenotipik xususiyatlari bor, ortiqcha o'saverish, lokal invaziya va metastazlar hosil qila olish (o'smaning tarqalib borishi molekular doirada genetik shikastlarning to'planib borishiga bog'liqidir).

Hayyonot dunyosi hamma vakillari (jumladan, odam)ning genomi protoonkogenlar deb ataladigan genlar uchun pana joy bo'lib xizmat qilishi aniqlangan. Protoonkogenlar retroviruslar ta'sir etganida yoki protoonkogenlarni hujayra onkogenlariga aylantiruvchi omillar ta'siri ostida onkogen (hujayra transformatsiyasini boshlab beruvchi gen) bo'lib qolishi mumkin.

## KIMYOVIY KANSEROGENEZ

O'smalarning paydo bo'lishida onkogen (kanserogen) xossalarga ega bo'lgan, ya'ni sof holda ta'sir ko'rsatganida organizmda o'smalar paydo bo'lishiga sabab bo'la oladigan kimyoviy moddalarga katta ahamiyat beriladi. Rak paydo bo'lishida ma'lum kimyoviy moddalar ahamiyatli deb taxmin qilgan birinchi olim ROM (1775) dir. U pechka qurumi ta'siriga uzoq vaqt uchrab turadigan truba tozalovchilar kasbi bilan yorg'oq raki o'ttasida bog'liqlik borligini ko'rsatib berdi. Lekin bu hodisani 1918-yildagina yapon olimlaridan Yamagava va Ishikava tajribada izohlab berishdi, ular quyonlar qulog'iga uzoq muddat qora moy surtish yo'li bilan teri raki hosil qildilar. Kimyoviy sof holdagi kanserogeni Kenvey va Kuk degan olimlar 3, 4-benzpiren ko'rinishida olishgan (tozalanmagan 2 tonna toshko'mir qoramoyidan 50 g).

Kimyoviy tabiatga ega bo'lgan kanserogenlar hozir ekzogen va endogen xillarga bo'linadi. Ekvogen kanserogenlar jumlasiga qoramoyni qayta haydash neft mahsulotlari, neft, ishlangan gazlar, bitum tarkibida bo'ladigan ba'zi kimyoviy birikmalar kiradi. Tarkibida 3, 4-benzpiren bo'ladigan tamaki tutuni ham o'sma paydo qiladigan, ya'ni onkogen moddalar jumlasiga kiradi.

O'pka rakining sabablari orasida kanserogen moddalar bilan ifloslangan havodan nafas olish va chekishga hammadan ko'ra kattaroq e'tibor beriladi. Ba'zi kimyoviy kanserogenlar ma'lum organlarga yaqin boladi, ya'ni muayyan trop-

likka egadir. Masalan, beta-naftilaminni nafasga olinadigan bo'lsa, qovuq raki paydo bo'lishiga olib keladi, ortoaminoazotoluol esa organizmiga qanday yo'llar bilan kirishidan qat'i nazar, jigar rakiga sabab bo'ladi (gepatotroplik).

Endogen kanserogenlar jumlasiga vitamin D, o't kislotalari, jinsiy gormonlar, indol, xolesterin kiradi. Masalan, bachardon tanasi, sut bezi, prostata bezi rakinining paydo bo'lishi organizmdagi disgormonal o'zgarishlarga bog' liq deb hisoblanadi.

Kimyoviy kanserogenlarning hammasi tuzilishi va ta'sir mexanizmiga qarab ikkita asosiy guruhga bo'linadi: 1) *hujayra va to'qimalarga to'g'ridan-to'g'ri ta'sir o'tkazadigan kanserogenlar* (bevosita ta'sir etuvchi moddalar); 2) *faol metabolitlar hosil qilish jarayonida bivosita ta'sir ko'sratuvchi kanserogenlar*. Bularning birinchi guruhiga alkillovchi moddalar: dimetilsulfat, siklososfamid va boshqalar kiradi. Ikkinci guruhnini: geterosiklik aromatik uglevodordalar (masalan, benzantrasen, 3 metilholantren), aromatik aminlar, (2-naftilamin, benzidin, 2-asetilaminofluoren), ba'zi o'simliklar va mikroblar hayot faoliyati mahsulotlari (aflatoksin B, betel va boshqalar) tashkil etadi. Nitrozamin, nikel, xrom, insektisidlar va boshqalar ham shu gruppaga kiradi.

To'gridan-to'g'ri ta'sir o'tkazadigan kanserogenlar kanserogenlik kuchi sust bo'lishi bilan ta'riflanadi. Lekin ular doim diqqat markazida turishi kerak, chunki ularning ba'zilari leykemiyalar, limfomalar, Xojkin kasalligi, tuxumdon rakiga davo qilishda ishlatiladigan ximiotapevtik preparatlar (alkillovchi moddalar) dir.

Ikkinci guruhga mansub kanserogen moddalar prokanserogenlar deb, hosil bo'ladigan metabolitlar esa asosiy kanserogenlar deb ataladi. Faollanduv, ya'ni aktivatsiya jarayonida onkogen moddalarning hammasi sezilarli darajada elektrofil xossalarni kasb etadi va hujayralar makromolekulalarining nukleofil markazlari (DNK, RNK va hujayra oqsillari) bilan o'zaro ta'sirga kirisha oladigan bo'lib qoldi.

Ikkinci guruhga mansub eng ko'p tarqalgan kimyoviy kanserogen — benzantrasendir, u tananing qaysi joyiga ta'sir qilmasin, o'sha joyda o'sma hosil qila oladi (badan terisiga surtilganida teri rakini, teri ostiga yuborilganida fibrosarkomani). Shu guruhning o'zidagi bivosita ta'sir o'tkazadigan kanserogenlar qatoriga aromatik aminlar va azobo'yoqlar kiradi. Masalan, beta-naftilaminning qovuq raki paydo bo'lishida ahamiyati borligi aniqlangan, anilin bo'yoqlari bilan ishlaydigan ishchilar orasida qovuq raki kasalligining ko'proq uchrab turishi shundan dalolat beradi. Yana bir aromatik amin — benzidin tabobatda ko'zdan yashirin qon oqayotganligini aniqlash uchun ishlatiladi. Ko'pgina aromatik aminlar va azobo'yoqlar jigaarda sitoxrom P-450 bilan metabolizmga kirishib, kanserogenlarga aylanadi va gepatosellular rak paydo bo'lishiga sabab bo'lishi mumkin.

Aspergiliuslar qatoriga kiradigan, g'alla donlari va yong'oqlarda o'sadigan ba'zi turdag'i zamburug'lar ishlab chiqaruvchi aflatoksin B1 kanserogen modda bo'lishi mumkin. Shu bilan birga masalliq bu zamburug' bilan nechog'lik ko'p if-

loslangan bo'lsa, jigar raki shunchalik ko'p uchrashi aniqlangan (Afrikaning bajorlarda). Ayni vaqtida aflatoksin B1 ning kokanserogen yoki immunodeprasant tariqasida qay tariqa ta'sir ko'rsatishi hali aniq emas.

*Kimyoviy kanserogenlar ta'sirining mexanizmi.* Kimyoviy kanserogenlar ularning ta'sir mexanizmini o'rganish kanserogenezning fundamental asoslarini muayyan hissa qoshdi. Hozir kimyoviy kanserogenlardan juda ko'pchiligini mutagen ta'sirga ega ekanligi aniqlangan, ya'ni ular onkogenlarni va onkogene ga qarshilik ko'rsatadigan genlar (supressor genlar) mutatsiyasiga sabab bo'lib mumkin.

Kimyoviy kanserogenlar ta'sirida DNKnинг zararlanishi hamisha ham o'si paydo bo'lishiga olib boravermaydi, chunki DNK hujayra fermentlari ta'siri ba'zan asliga kelib qoladi. Shu munosabat bilan DNKda irlisy nuqson bo'lsa, faq ana shunday paytda atrofdagi muhitning noqulay omillari, masalan, ultraj nafsha nurlar va ma'lum kimyoviy birikmalar ta'sirida o'sma paydo bo'lish xotardi.

Onkogenez mexanizmi *tabiatan ikki fazalidir*. Shu tushunchaga muvoz onkogenezning birinchi fazasi mutatsiya natijasida somatik hujayradan o'si hujayrasi paydo bo'lishi, ya'ni inisiasi yadir. *Ikkinci fazasi qo'shimcha koka serogen omillar (promotorlar) ta'siri ostida o'sma murtagi va o'smaning rivojlanib borishi*, ya'ni *promosiyadir*, buning natijasida onkogen ta'sir kuchay boradi. Masalan, tajriba hayvonlari terisiga o'sma paydo bo'lishi uchun kifc qilmaydigan dozada 3, 4-benzpiren surish keyinchalik bu hayvonlarga krot moyi (promotor) ta'sir ettirilgan taqdirdagina o'sma paydo bo'lishiga olib kela

Bunda promotorlarning o'zi mutagen xossalarga ega bo'lmaydi. Promotor ta'sir mexanizmining asosida boshqa mexanizmlar yotadi. Chunonchi, bir qacha promotorlar ba'zi hujayralarda o'sish omillari sintezini kuchaytiradi. Matisyalangan hujayralarning kanserogenlar ta'siridan keyin o'sish omiliga mutoj bo'lmasligi, proliferatsiyani susaytirib qo'yadigan ekstrasellyulyar xabarlar qabul qilmasligi ham aniqlangan. Shularning hammasi hujayralar proliferatsiyini kuchaytiradi.

Mayjud nuqtai nazarlarga muvoziq, hujayralar proliferatsiyasining faollashvi mutagenez, demak, hujayralarning o'sma hujayralariga aylanish ehtimoli oshiradigan jiddiy omil bo'lib hisoblanadi. Masalan, endometriyning patolog giperplaziysi, gepatotsitlar surunkali ravishda zararlanaver ganida ular faoliyining kuchayishi aksari shu organlarda rak paydo bo'lishiga olib boradi.

Har bir o'sma murtagi o'z o'sma hujayralari klonini berish mumkin. Kanser gen moddaning ta'siri ko-kanserogen bilan quvvatlanib bormaydigan bo'lsa, malignatsiyalaranmaydigan hujayralar o'zining asl holiga kelishi mumkinligi tajri yo'lli bilan isbotlangan.

O'smaning o'sib, rivojlanib borishi kimyoviy kanserogenning tabiatiga, midi, ya'ni dozasiga va nechog'lik uzoq ta'sir qilganiga bog'liq. Masalan, kuch onkogen moddalar birmuncha qisqa vaqt ichida o'sma paydo qiladi va anc xavfli o'smaga sabab bo'ladi. Kanserogen moddaning og'irligi, shakli, yuza

nechog'lik ta'sir o'tkaza olishi ham ahamiyatga ega. Masalan, kimyoviy krogen kukunsimon shaklda bo'lsa, tajribada u plastinkalar ko'rinishida bo'mahaldagiga qaraganda ko'proq hollarda o'smalarga sabab bo'ladi.

## RADIATSION KANSEROGENEZ

Kanserogen omillar orasida turli nurlar — quyosh nurlari, rentgen nu atom yadrosi parchalanganida ajralib chiqadigan zarralar, radionuklidlar m'orin tutadi. Kobalt, nikel va radioaktiv gazlarga boy ruda kovlab oluvchi is larda o'pka rakining ko'p uchrab turishi ana shuning yorqin isbotidir. Bund y'ol qo'yiladigan dozalardan katta miqdordagi alfa-zarrachalarning odam yo'llariga uzoq muddat ta'sir o'tkazishi to'g'risida bormoqda. Metaldag'i darzlarni aniqlash uchun rentgenografiya usulidan foydalanadigan metallu zavodlari xodimlari va rentgenologlar qo'l barmoqlarida paydo bo'ladigan ga aloqador rak ham shu qatorga kiradi.

Radiy kanserogenligi birinchi marta soatoz zavodlarning siferblatni bez chi ishchilarida aniqlangan edi: radioaktiv moddasi bo'lgan nozik cho'tka og'izga solib ho'llash odamlarning suyaklida shu modda to'planib bori olib kelar, shuning natijasida osteogen sarkornalar paydo bo'lar edi.

Quyosh nurlarining uzoq ta'sir etib turishi bilan teri raki, bazal hujayra va melanoma o'rtasida bog'lanish borligi aniqlangan.

Xirosima va Nagasaki, shuningdek Chernobil shaharlarining qayg'uli basi leykozlar, qalqonsimon bez, sut bezi, o'pka, yo'g'on ichak o'smalarining chiqishida ionlashtiruvchi nurlar rol o'ynashini ko'rsatib turibdi.

*Radiatsion kanserogenez mexanizmi* unchalik aniq emas, lekin quyida bir qancha taxminlar bor: 1) radiatsiya tufayli boshlangan mutatsiyalar ni hujayralar protookogenlarini faollashtirib qo'yishi mumkin, 2) radiatsior tatsiyalar hujayralarning tabiatan boshqacha kanserogen ta'sirlarga sezuvligini kuchaytira oladi, 3) radiatsiya hujayraning halok bo'lishiga olib k mumkin, lekin tirik saqlanib qolgan hujayralar ko'payishda davom etadi v mak, onkogen ta'sirlarga sezuvchan bo'lib qoladi, 4) radiatsiyadan shikast etda o'sha joyda o'sma paydo bo'lgunicha oradan uzoq vaqt o'tishi, ya'ni o'sma do bo'lishi, latent davrining uzoq davom etishi, aftidan, tashqi muhitning be omillari ta'sirida qo'shimcha mutatsiya ro'y berishi mumkinligidan darak b.

Radiatsiya xromosomalar alteratsiyasiga (translokatsiyasiga) sabab be shu narsa hujayralar mutatsiyasiga olib keladi. Radiatsiya ham, xuddi kim anserogenlar singari onkogen genlarni faollashtirib, o'sma paydo bo'li sqinlik qiladi, suppressor genlarni bog'ib qo'yadi.

Ultrabinafsha nurlarning kanserogen ta'siri diqqatga sazovor. Quyosh niri ostida yassi hujayralar teri raki, melanoma paydo bo'lishi tasvirlangan, hodisa Avstraliya, Yangi Zelandiyada ko'p kuzatiladi. Ma'lumki, ultral nurlar hujayralardagi DNK ni zararlaydi. Sog'lom odamda hujayralarda ha reparativ fermentlar yordamida DNK asliga kelishi mumkin. Ma

pigmentli kserodermiya, Fankoni anemiyasi, Blush sindromi, ataks ektaziya singari autosomresessiv o'zgarishlar bo'lgan mahalda ana lar tanqis yoki noraso bo'lib qoladi, bu narsa DNA reparatsiyasini radi. Shu xildagi irlsiy patologiyasi bor odamning teri rakiga moyi sababi ham shunda.

Radiatsiya, ta'sir mexanizmi har qanday bo'lganida ham, o'sm bo'la olishi hozir aniqlangan, shuning uchun radioaktiv moddalarda qo'llaniladigan terapevtik muolajalar va diagnostik sinamalarni shning onkogen ta'sirini hisobga olib o'tkazish kerak.

## VIRUSLI KANSEROGENEZ

Viruslar o'smalarga sabab bo'lishi mumkin degan dastlabki 1903-yilda oldinga surilgan edi (A. Borrel va F. Bosk), lekin uchraydigan leykozlar va sarkomalarning tabiatian viruslarga alo ligini biringchi marta aniqlagan F. Raus (1911) onkovirusologiya so'l soluvchi tadqiqotlari uchun faqat 1966 -yildagina Nobel mukofotin

Shu nazariyaga muvofiq, o'smalarning kelib chiqishida onkoviru o'ynaydi. Hozirgi vaqtga kelib to'plangan dalillar onkoviruslarning sinfini tafovut qilishga imkon beradi: 1) bir ipli RNK viruslar va DNA viruslar.

*RNK viruslar* retroviruslar avlodiga kiradi. Pavian maymun sark sarkomasi, sut bezi o'smali virusi, hayvonlar leykemiyasini virusi gan va tasvirlab berilgan. Odamda uchraydigan T-hujayrali leykoraki, leykemiya, limfomalar ham virusli o'smalar jumlasiga kiradi. B viruslar (masalan, leykoz virusi) o'zining kanserogen ta'sirini yuza uchun boshqa virus ko'magiga muhtoj bo'ladı.

Shu RNK-viruslarning nuklein kislotasi provirus shakli xromosomasiga (genomiga) joylashib olishi (integratsiyalanishi) va o'zgarib ketishiga sabab bo'lishi mumkin. Bunda RNK ning hammas faqat qismlarining genomga joylashib olishi kifoya chunki hujayrali ketishi uchun faqat bitta gen — onkogen zarur. RNK viruslarda fermenti borligi ham aniqlangan.

Retroviruslardan HTLV-1, ya'ni odamda uchraydigan T-hujayrali virus hamidan katta diqqatga sazovordir. Bu virus T-hujayralardan nisbatan tropiklikka ega bo'lib, uning ta'siri ostida T-hujayralar sul yasi o'sma hujayralariga aylanadi. Lekin odamga HTLV-1 yuqqanida leykoz paydo bo'lishi atigi 1 foiz hollarda kuzatiladi, shu bilan birga davri 20—30 yilni tashkil etadi. T-hujayralarning o'sma hujayrala shining molekulyar mexanizmlari uncha o'rganilgan emas. So'nggi T-hujayralardagi CD4+ ning aynashini tax-genomga bog'liq deb imkon beradi. Bu gen virusdag'i m-RNKnii va xo'jayin hujayralarida

larni, jumladan, Cfox, C-sis, shuningdek IL-2 sitokinin va retseptorlarini kodlovchi genlarni transkripsiyyaga uchratadi.

DNK-viruslar quyidagi xususiyatlari bilan retroviruslardan farq qiladi:

1) ular transkriptaza bo'lishiga muhtoj emas, virus DNK si to'g'ridan-to'g'ri hujayralar genomiga joylashib oladi;

2) DNK viruslar tasiri ostida transformatsiyaga uchragan hujayralar virus replikatsiyasiga qodir bo'lmaydi. Bunday hujayralarda viruslar sonining ortib ketishi ularning sitolizga uchrashiga olib keladi. DNK-virusning onkogenligi virus genomi bilan xo'jayin hujayrasi genomining qancha muddat o'zaro ta'sirda bo'lganiga, shuningdek viruslarning replikatsiyalanish qobiliyati qanchalik pasayganligiga bog'liq.

DNK-viruslar jumlasiga baqlar, dengiz cho'chqalar, maymunlarda o'smalar paydo qiladigan herpes viruslari kiradi. Odamda uchraydigan o'smalarga quyidagi viruslar sabab bo'lishi mumkin: 1) odam papillomasi virusi (teri, vulva, bachadon bo'yni raki), 2) herpes virusi (vulva, bachadon bo'yni raki), 3) Epshteyn — Barr virusi (Berkitt afrika limfomasi, nazofaringeal karsinoma) 4) sitomegalovirus (Kaposhi sarkomasi), 5) B hepatit virusi (hepatosellyulyar rak).

DNK-viruslardan odamda o'smalarga sabab bo'ladigan papilloma virusi, Epshteyn — Barr virusi va B hepatit virusi alohida diqqatga sazovor.

*Odam papillomasi virusi.* Bu virusning 50 ga yaqin xili tasvirlangan, shularning ba'zilari (1, 2, 4 va 7) xavfsiz papillomalarga, 16 va 18 degan xillari bachadon bo'yni invaziv raki, displaziya va cancer in situ-ga sabab bo'ladi. Jinsiy organlar o'smalarining paydo bo'lishi virusning 6 va 11 degan xillariga bog'liq. Odam papillomasi virusining onkogen ta'siri ikkita virus genomi — E6 va E7 hosil bo'lishiga bog'liq. Shu ikkala gen kodlaydigan oqsillar birikib, suppressiya genlarining Pb-va P53 mahsulotlarini neytrallab qo'yadi. Bu o'zgarishlar rasgen mutatsiyasi bilan birga qo'shilib, T-hujayralardagi CD4+ ning batamom aynab ketishiga olib keladi.

*Epshteyn — Barr virusi* ikki xil o'sma — Berkitt limfomasi va nazofaringeal rak paydo bo'lishida rol o'ynaydi. Berkitt limfomasi B limfotsitlardan yuzaga keladi, endemik tsuda bo'ladi, Afrikada sporadic tarzda hamma yerda uchraydi. Epshteyn — Barr virusi B-limfotsitlarga nisbatan tropizmli bo'lib, ularga yuqqanida proliferatsiyaga sabab bo'ladi. Immun holati normal bo'lgan odamda B-limfotsitlarning poliklonal proliferatsiyasini organizmnинг o'zi nazorat qilib boradi, shu munosabat bilan simptsomsiz o'tishi yoki infektsion mononukleoz paydo bo'lishi mumkin. Bu o'smaning endemik zonalarida bir qancha infeksiyalar, masalan, bezgak, immunitetni susaytirib, B-hujayralar proliferatsiyasini uzoqroq cho'zadi, shu narsa mutatsiya (translokatsiya) xavfini oshiradi. Bu mys-onko-genlarni faol holga keltiradi, natijada hujayralarning ko'payishi ustidan nazorat yo'qolib, genlar takror zararlanadi va monoklonal neoplaziya boshlanadi.

*B hepatit virusi.* Surunkali B hepatit bilan hepatosellyulyar rak o'rtaida bevosita boglanish borligi epidemiologik tekshirishlarda hozir aniqlangan. Bi-

roq o'sma paydo bo'lish mexanizmi aniq emas. Jigar raki paydo bo'lishida uchta mexanizmining ahamiyati bor deb taxmin qilinadi:

— B gepatit virusi gepatotsitlarning surunkali zararlanishiga sabab bo'lib, ularning reparativ regeneratsiyasini kuchaytiradi-da, gepatotsitlarni tashqi muhit omillari ta'siridan mutatsiyalarga uchrashga moyil qilib qo'yadi,

— virus x-oqsil deb ataladigan regulyator elementlarni kodlab, infeksiyalangan gepatotsitlarning normal o'sib borishini izdan chiqaradi va xo'jayin hujayralari protoonkogenlarini faol holga keltiradi;

— ba'zi kasallarda joylashib olgan virus xromosomalarning ikkilamchi taribda tuzilishiga sabab bo'ladi va gomozigot p53-gen supressorni inaktiv holga keltiradi.

O'sma paydo bo'lishida epigenom o'zgarishlar, ya'ni hujayralarning embrional rivojlanishida tabaqaalanib borishi bilan birga davom etadigan genetik xossalarning badar o'zgarib qolishi ham ahamiyatga ega deb hisoblanadi.

Yuqorida ayтиб о'tilganidek, ma'lum etiologik omillarning hammasi hujayralar mutatsiyasiga sabab bo'ladi, shu narsa hujayrada o'sma xossalari paydo bo'lishiga olib keladi. Bu — hayvon va odamda uchraydigan o'smalarning ko'pchilik qismini *genetik-mutatsion kasallik* deb hisoblashga imkon beradi.

O'smalarning paydo bo'lishida makroorganizmning holati, kishining yoshi katta ahamiyatga ega ekanligini ayтиб o'tish kerak. Chunonchi, yoshlar radiatsiya omiliga ko'proq moyildir, shuning uchun nur ta'siriga berilgan chaqaloqlar va bolalarda qalqonsimon bez karsinomasi va leykozlar ko'proq uchraydi. O'rta yashar va yoshi qaytib qolgan odamlarda onkologik kasalliklar ko'proq uchrashini organizm qarigan sayin mitozlarda ko'proq o'zgarishlar bo'lib borishiga bog'liq deb hisoblash mumkin. Bunda immun sistemaning holati ham muhim orinda turadi.

## O'SMALARNING TUZILISHI

O'smalar har qanday to'qimada va har qanday organda paydo bo'lishi mumkin. Ular shakli, katta-kichikligi, tashqi ko'rinishi, zichligi, biologik xossalari jihatidan nihoyat darajada xilma-xil bo'ladi. Ular o'zinинг kelib chiqishi (gisto-genezi) jihatidan ham turlichadir.

*Makroskopik jihatdan* olganda o'smalarning tashqi ko'rinishi juda har xil. Ular sharsimon, qo'ziqorin qalpog'i, polipsimon shoxlar ko'rinishida yoki noto'gri shaklda bo'lishi mumkin. Ularning chegaralari aniq-tayin yoki nota-yin bo'la oladi. Ular kapsulaga ega bo'lishi yoki atrofdagi to'qimaga o'sib kirishi mumkin. O'smalarning yuzasi silliq, g'adir-budur, mayda donador, so'g'onsimon bo'ladi. Kesib qaralganida o'smalar bir jinsli massa ko'rinishida bo'lishi yoki nekroz hamda qon quyligan, distrofiyaga uchrab ohaklangan va shilimshiqlangan (ya'ni ikkilamchi tartibda o'zgargan) joylari hisobiga ola-bula bo'lib ko'zga tashlanishi mumkin.

*Qattiq-yumshoqligiga* ko'ra, o'sma parenximasini va stromasining nisbatiga, ikkilamchi tartibdagi o'zgarishlarning tabiatiga qarab yumshoq yoki qattiq, zich

o'smalar tafovut qilinadi. Tog'ay, suyak to'qimasidan o'sib chiqqan o'smalar ayniqsa qattiq bo'lishi bilan ajralib turadi.

O'smalarning *katta-kichikligi* ular o'sishining tezligiga, o'smalarning qanday manbadan kelib chiqqaniga, organizmga kor qilgan ta'sirot turiga, o'smaning olgan joyiga bog'liq. Miyaning hayot uchun muhim markazlar joylashgan qismlaridagi xavfli o'sma tez orada bemorning o'lib ketishiga sabab bo'ladi va shu munosabat bilan uncha katta bo'lib o'sishga ulgurmaydi. Bo'shliqlar (qorin va ko'krak bo'shliqlari) da paydo bo'lgan o'smalar, ayniqsa xavfsiz o'smalar qatoriga kiradigan bo'lsa, juda katta bo'lib ketishi mumkin.

*O'smalarning mikroskopik tuzilishi.* Har bir o'smada parenximasi bilan stromasini tafovut qilish rasm bo'lgan (102-rasm). O'sma parenximasi uning biologik xossalarni, nomini belgilab beradigan o'ziga xos, spetsifik qismidir. Masa-  
lan, epitelial o'smada epiteliyning o'sma hujayralari, jigar o'smasi (gepatoma)da o'sma hepatotsitlari uning parenximasi bo'lib hisoblanadi.

Ko'pchilik o'smalarning nomlari ikki qismdan tashkil topadi — birinchi qismi o'smaning qanday manbadan rivojlanani ko'rsatadi, ikkinchi qismi o'sma degan ma'noni bildiruvchi «oma» qoshimchasidan iborat bo'ladi. Masa-  
lan, fibroz to'qimadan o'sib chiqqan xavfsiz o'sma fibroma, tog'ay to'qimasidan chiqqan o'sma xo'ndroma, tomirlardan paydo bo'lgan o'sma angioma, muskul to'qimasidan yuzaga kelgan o'sma mioma deb ataladi va hokazo.

Epitelial to'qimadan kelib chiqqan xavfsiz o'sma mikroskopik va makroskopik tuzilishiga qarab toifalarga ajratiladi — tasniflanadi. Masalan, adenoma deb bez tuzilmalarini hosil qiluvchi epiteliydan paydo bo'lgan xavfsiz o'smani, papilloma deb qoplag'ich epiteliydan o'sib chiqqan va o'zining ko'rinishi jihatidan gulkaramga o'xshab ketadigan xavfsiz o'smani aytildi, mikroskopik jihatdan olganda esa u bir talay barmoqsimon o'simtalardan tuzilgan bo'ladi. Qoplag'ich epiteliydan o'sib chiqqan xavfli o'sma karsinoma (rak) deyilsa, bez epiteliysidan chiqqan o'sma adenokarsinoma (bezli rak) deyiladi.



102-rasm. O'smaning mikroskopik tuzilishi.

Mezenximadan kelib chiqadigan xavfli o'smalar sarkoma deb yuritiladi. Ayni vaqtida fibroz to'qimadan paydo bo'lgan o'sma fibrosarkoma, muskul to'qimasidan paydo bo'lgan o'sma miosarkoma deyiladi, silliq muskul o'smasi — leyomiosarkoma, ko'ndalang-targ'il o'smasi — rabdomiosarkoma deb yuritiladi va hokazo.

Xoh xavfli, xoh xavfsiz o'smalarning parenximatoz hujayralari umuman olganda bir xil, ya'ni monoklonaldir, chunki bitta o'sma hujayradan paydo bo'ladi. Biroq, bosh hujayraning tabaqalanishida odatdan tashqari o'zgarishlar kuza tilishi mumkinki, bu narsa aralash o'smalar paydo bo'lishiga olib keladi. So'lak bezining pleomorf adenomasi ana shunday genezdagi o'smalarga misol bo'la oladi. Bunday o'smani bir ikki yoki uchta embrion varaqlaridan hosil bo'luvchi bir necha xildagi to'qimalardan iborat teratoma bilan adashtirish kerak emas.

*Teratoma* yuksak darajada ixtisoslashgan germinogen epiteliydan yuzaga keluvchi *germinogen o'smalar* jumlasiga kiradi. Mana shu epiteliy har xil tuzilishga ega bo'lgan o'smalarni paydo qiluvchi manba bo'lib qolishi mumkin. Shu munosabat bilan teratomada yaxshi tabaqalashgan yetuk ko'p qavatlari yassi epiteliy, ichak va respirator tipdagi epiteliyli joylar betartib ravighda navbatlashib boradi. Ko'pincha periferik nervlar, apokrin bezlar to'qimasi, suyak, togay, tishlar, miya, buyrak usti bezlari, buyrak, o'pka to'qimalari va boshqalar uchraydi. Mana shu to'qimalar yetukholda bo'lsa, u vaqtida bu xavfsiz teratoma bo'lib hisoblanadi. Yetilmagan teratoma (potensial xavfli o'sma) uchala embrion varaqlaridan kelib chiqqan, organogenez davridagi embrion to'qimalariga o'xshab ketadigan, yetilmagan to'qimalardan iborat bo'ladi.

O'smaning ajralmas qismi stroma bo'lib, u har xil nisbatdagi biriktiruvchi to'qima, tomirlar, nervlardan tashkil topadi. Stroma o'smaning unga ozuqa yetkazib beradigan almashinuv mahsulotlarini undan yo'qotib turadigan qismidir. *Stroma o'sma parenximasini uchun mexanik g'ilof yoki sinch vazifasini ham o'taydi. Ikkinci tornondan, stromada o'smaning o'ziga qarshi qaratilgan, himoyalovchi, immun jarayonlarning belgisi bo'lib hisoblanmish reaksiyalar boshlanadi.* Bunday hollarda o'sma hujayralari atrofida limfoid va yassi hujayrali reaksiya ko'zga tashlanadi.


Stroma va parenxima nisbati har xil bo'lishi mumkin. Stroma ba'zan arang seziladigan va faqat yupqa devorli tomir va kapillarlardan tashkil topgan bo'ladi. Bunday o'smalar gistiod, ya'ni go'yoki nuqlu o'sma hujayralaridan tarkib topgan o'smalar deb ataladi. Boshqa hollarda o'sma *organoid tuzilishga ega bo'ladi*, ya'ni organ tipida tuzilgan, o'z parenximasi va stromasiga ega bo'ladi.

Tuzilishi jihatidan o'zi kelib chiqqan organ yoki to'qima bilan bir xil o'smalar *gomologik o'smalar* deyiladi. Bular odatda yaxshi tabaqalashgan, yetuk bo'ladi. O'sma hujayralarining tuzilishi ular kelib chiqqan manba tuzilishidan keskin farq qiladigan bo'lsa, bunday o'smalarni *geterelogik o'smalar* deb aytildi. Geterologik o'smalar yetilmay va tabaqalashmay qolgani bilan ta'riflanadi.

O'sma asosan parenxima elementlaridan iborat bo'lsa, u yumshoq, g' ovak bo'lishi bilan ajralib turadi (yumshoqligi jihatidan miya to'qimasiga o'xshab ketadi va shunga ko'ra medullyar o'sma deb aytildi). Medullar o'smalarga qarama-

qarshi bo'lgan zinchib fibroz o'smalar bor, bularning eng ko'rinarli vakili skirr yoki fibroz rakdir.


O'smalardagi qon tomirlar o'zining tuzilishi, ya'nı angioarxitektonikasi jihatidan normadagidan ko'ra farq qiladi. Ular atipik tuzilgan bo'lib, yupqa devorli sinusoidlari bor yoki noto'g'ri shakldagi tomirlardan iboratdir. Ba'zi o'smalar tomirlarga boy bo'lsa, boshqalarida tomirlar soni kam bo'ladi. Tomirlar odatda endoteliysi sezilarli darajada endovazal giperplaziyaga uchraganligi bilan ajralib turadi.



103-rasm. Tubulyar sarkomadagi to'qima atipizmi.

Mikroskopik jihatdan olganda o'smalar to'qima va hujayraga xos atipizm bilan ta'riflanadi. *To'qima atipizmida* o'smadagi to'qimalar miqdor jihatidan ham, sifat jihatidan ham shu o'sma kelib chiqqan to'qima yoki organdagiga qaraganda tomomila boshqacha o'zaro munosabatda bo'ladi. To'qima atipizmi shu bilan ta'riflanadiki, o'smaning ba'zi joylarida stroma ko'p bo'lsa, boshqa joylarida kam bo'ladi yoki deyarli bo'lmaydi (103-rasm). Parenxima hujayralari mazkur organ uchun xos bo'lgan muntazam strukturalarni hosil qilmaydi. Masalan, normada biriktiruvchi to'qimada bir xil qalinlikdagi tolasimon tuzilmalar dastalari to'g'ri joylashgan bo'ladi. Shu bilan bir vaqtida fibroz o'smalarida tolalarning dastalari har xil qalinlikda bo'lib, turli yo'nalishlar bo'ylab joylashadi, ba'zan tartibsiz ravishda bir-biri bilan chatishib ketgan bo'ladi.

*Hujayra atipizmi* deganda hujayra sitoplazmasi, yadroosi, yadrochasi, bo'linish shakkllari tuzilishidagi har xil morfologik o'zgarishlar, yadro sitoplazma nisbatlarining boshqacha bo'lib qolganligi tushuniladi (104-rasm). O'sma nechog'lik tez o'sadigan, klinik jihatdan olganda nechog'liq xavfli hisoblanadigan bo'lsa, bu o'zgarishlar shunchalik katta bo'ladi. Bunday o'smalardagi hujayralar o'z shaklini shu qadar o'zgartirib yuboradiki, dastlabki to'qima hujayralariga o'xshamaydigan bo'lib qoladi. Xavfli o'smalar uchun hujayra atipizmi xarakterlidir.



104-rasm. Hujayra atipizmi. Anaplastik karsinoma hujayralarining keskin ifodalangan polimorfizmi, unda patologik mitozlar va ko'pyadrolı ulkan o'sma hujayralari bor.

O'smalar tuzilishidagi atipizm ko'rinishlaridan biri mitozlar patologiyasidir, buning natijasida o'smalarda patologik kariokinezga uchragan shakllar: multipolyar, asimmetrik, giperxrom tuzilmalari ko'zga tashlanadi (105-rasm). O'sma hujayralari va toqimalari atipizmining asosiy belgilaridan biri hujayra va toqimalar rivojlanish sikllarining risoladagidek tugallanmay qolganidir. Bu narsa, masalan, chiqaruv yo'llari bolmaydigan bez tuzilmalari yuzaga kelishi bilan ifodalanadi.



105-rasm. Melanomadagi multipolyar patologik miytoz.

#### XAVFLI VA XAVFSIZ O'SMALARNING XUSUSIYATLARI

Barcha o'smalar tuzilishi, nechog' lik tabaqalashgani, biologik xossalari va klinik o'tishiga qarab, ikkita asosiy guruhga — *xavfsiz va xavfli o'smalarga* bolinadi. Bundan tashqari, klinik o'tishi jihatidan xavfsiz o'smalar bilan xavfli

o'smalar o'rtasida oraliq holatni egallaydigan o'smalar ham tafovut qilinadi. Bular metastazlar bermaydiyu, lekin joyining o'zida destruksiyaga uchrab, sezilarli darajada o'sib boradi va qaytalanishga, ya'ni retsidiylar berishga moyil bo'ladi.

*Xavfsiz o'smalar* quyidagi xususiyatlari bilan ta'riflanadi: 1) ularga to'qima atipizmi xosdir, 2) ular asta-sekin o'sadi va ekspansiv ravishda o'sib boradi, ko'pincha kapsula bilan o'ralib oladi, 3) o'smaning parenximatoz hujayralari tuzilish jihatidan dastlabki hujayralardan farq qilmaydi, 4) o'smaning organizmga ko'rsatadigan ta'siri va xavfi uning qayerda joylashganiga bog'liq bo'ladi.

*Xavfli o'smalar:* 1) tuzilishiga ko'ra dastlabki to'qimadan farq qiladi, yetilmagan hujayralardan tashkil topgan bo'ladi, 2) ular uchun nainki to'qima atipizmi, balki hujayra atipizmi ham xarakterlidir, 3) ular tevarak-atrofga kirib yoyilib o'sib boradi va atrofdagi to'qima tuzilishining aynashiga, destruksiysiga sabab bo'ladi (infiltrlovchi o'sish), 4) ularga metastazlar berish, qaytalanib turish (residivlanish) va implantatsiyalish xususiyatlari xosdir, 5) organizmning umumiy holatiga ta'sir o'tkazadi va bemorlarning o'limiga hammadan ko'p sabab bo'ladi.

O'smaning nechog'lik tez metastaz berishi uning katta-kichikligiga bog' liq emas, lekin metastazlari ba'zi joylarda paydo bo'lsa, ba'zi joylarda bo'lmaydi. Chunonchi, me'da-ichak yo'lli o'smalari jigarga metastazlar beradi va kovak venalar sistemasi bo'ylab o'pkaga ham yetib boradi. Sarkoma aksari o'pkaga metastaz beradi. O'pka raki va sut bezi raki limfogen yo'l bilan suyak sistemasiga metastazlanadi.

*Xavfsiz o'smalar* tuzilishi va funktsiyasi jihatidan o'zi paydo bo'lgan to'qimaga o'xshab ketadigan, yaxshi tabaqalashgan hujayralardan tashkil topadi. O'sma hujayralarida mitozlar kamdan-kam ko'zga tashlanadi va odatdag'i shaklda bo'ladi.

*Xavfli o'smalar* tabaqalashmagan hujayralardan tuzilgandir, shu sababdan ularni anaplastik o'smalar deb aytildi. Ular polimorf bo'lib, hujayralari katta-kichikligi va shakli jihatidan har xil, yadrolari giperxromdir. Yadro-sitoplazma nisbati normada 1:4, 1:6 ni tashkil etadigan bo'lsa, o'smalarda bu nisbat taxminan 1:1 ga tengdir. Ulkan hujayralar paydo bo'lib qolishi ham mumkin. Anaplastik yadrolar shakli va katta-kichikligi jihatidan har xil bo'ladi. O'sma hujayralarining yadrochalari haddan tashqari kattalashib ketadi. Mitozlar ko'p va atipik bo'ladi. Multipolyar, asimmetrik va giperxrom kariokinez shakllari uchraydi.

Elektron mikroskopda tekshirib ko'riganida xavfsiz o'smalarning hujayralari normal hujayralardan farq qilmaydi. Tabaqalashmagan o'sma hujayralari xromatin parchalarining yadro pardasi ostida to'planib turishi, g'adir-budir endoplazmatik retikulum tuzilishining jo'n tarzga kirdagi, erkin ribosomalar soni ko'payib qolgani, mitoxondriyalar poliomorfizmini bilan ta'riflanadi. O'sma hujayralarida aktin va miozin mikrofilamentlari, mikronaychalar, oraliq filamentlar ro'y-rost ko'zga tashlanib turadi. Turli tiplardagi o'smalarda har xil filamentlar bo'ladi. Chunonchi, rak va mezoteliomada keratin, muskul (ko'ndalang-targ'il va silliq muskul) o'smalarda desmin, mezenximal o'smalarda vimentin, glial o'smalarda gliofibrillalar, neyronal o'smalarda neyrofilamentlar topiladi. Bularni

immunogistokimyoviy usullar yordamida aniqlash diagnostik jihatdan olganda muhim mezon bo'lib hisoblanadi.

Xavfsiz o'smalarning tabaqalashgan hujayralari, shuningdek xavfli o'smalarning (masalan, endokrin bezlari o'smalarining) yuqori darajada tabaqalashgan hujayralari o'zlarining funktsional xossalari yuqotmaydi va sekret ishlab chiqarishda davom etib boradi. Muguzlanuvchi yassi hujayrali rak hujayralari keratin, gepatosellyulyar rak hujayralari — o't, Langergans orolchalari o'smali (insuloma) ning hujayralari esa insulin ishlab chiqaraveradi. Ko'p darajada anaplatziyaga uchragan o'smalar funktsiyasi ba'zi hollarda aynab, o'zgarib qolishi mumkin. Chunonchi, ba'zi rak o'smalarini embrionga tegishli oqsillarni ishlab chiqara oladi, holbuki bunday oqsillarni normal toqima faqat embrion davrda gina sintezlaydi. Masalan, embrionga xos bo'lgan jigar oqsili alfa-fetoprotein shular jumlasidandir. Endokrinmas organlar rakinining hujayralari gormonlar ishlab chiqarishi mumkin (ektopik gormonlar). Masalan, bronxogen rak adreno-kortikotrop gormon, insulin, paratiroidsimon gormonlar ishlab chiqara oladi.

Shunday qilib xavfli o'smalar bir qancha xususiyatlari bilan, jumladan morfologik, biokimyoviy xossalari va funktsional anaplatziyasi bilan xavfsiz o'smalardan farq qiladi.

## O'SMALAR O'SISHINING TEZLIGI VA O'SMALAR PROGRESSIYASI

O'smalar o'sish tezligi jihatidan ham bir-biridan farq qiladi. Xavfsiz o'smalar, odatda, asta-sekin o'sib boradi. Shu munosabat bilan o'sma bir qadar katta bo'lib olishi uchun oylar va yillar o'tishi kerak bo'ladi. Shu bilan bir vaqtida bundan istisno hollar ham uchrab turadi, ana shunday hollarda xavfsiz o'sma xavfli o'smadan ko'ra tezroq o'sib boradi. Masalan, bachadon leyomiomasi shular jumlasidandir. Uning o'sishiga estrogenlar ta'sir o'tkazadi, shu munosabat bilan homiladorlik mahalida bu o'sma tez kattalashib boradi. Xavfsiz o'smalar o'sishining tezligi ularning qon bilan nechog'lik yaxshi ta'minlanishiga ham bog'liqidir. Masalan, gipofiz adenomasi qon bilan ta'minlanish darajasiga qarab har xil tezlikda o'sadi.

Xavfli o'smalar o'sishining tezligi ularni tashkil etadigan hujayralarning nechog'lik tabaqalashganiga bog'liqidir. Masalan, yuksak darajada tabaqalashgan o'smalar tuban darajada tabaqalashgan o'smalarga qaraganda tezroq o'sib boradi. O'smaning o'sishi to'xtab qolgan yoki o'sma nekrozga uchrab, o'z-o'zidan yo'qolib ketgan hollar ham ma'lum. Xavfli o'sma o'z-o'zidan yo'qolib ketgan mahallarda uning metastazlari yashashga qodir bo'lib qolaveradi.

O'smaning o'sish tezligi hujayralarning bir qancha kinetik xossalari, mitotik siklning qancha davom etishi, o'suvchi qismalarning katta-kichikligi, o'sma hujayralarining nechog'lik tez-tez halok bo'lib turishiga bog'liq.

O'sma hujayralarining ko'payish tezligi normal hujayralarning ko'payish tezligi bilan bir xil (16—60 soat atrofida) yoki sal pastroq. Malignizasiyaga uchragan bitta hujayradan diametri 1 sm keladigan o'sma paydo bo'lishi uchun ba'zan yillar o'tishi kerak bo'ladi.

Ma'lumki, normal hujayra bo'lingan mahalda ikkita qiz hujayra paydo bo'ladi, shularning biri nasl berish, ikkinchisi esa o'ziga tegishli funktsiyani bajarish layoqatini kasb etadi. Normal hujayralardan farq qilib, o'smaning har bir qiz hujayrasi bo'linishga qodir bo'laveradi. Mitotik bo'linishda ishtirok etadigan hujayralar sonining (o'sma o'suvchi qismining) muhim ahamiyati bor. O'smaning o'suvchi qismi o'rta hisobda 30 foizdan 70 foizgacha boradi, bu quyidagilarning natijasi bo'lishi mumkin: hujayralarning qaytmas tarzda tabaqlanishi, masalan, bularning muguzla-nuvchi yassi hujayrali rakka aylanishi, o'sma hujayralari oziqlanishining buzilishi va immun jarayonlar boshlanishi tufayli o'lib ketishi.

O'sma o'sishining tezligiga qon bilan ta'minlanish darajasi, qondagi gormonlar miqdori (ayniqsaga gormonga bog'liq to'qimalardan paydo bo'lgan o'smalar uchun); makroorganizmnning ahvoli ham katta ta'sir o'tkazadi. Yuqorida ko'rsatib o'tilganidek, gormon ishlab chiqaruvchi to'qimalarning normal hujayralarida steroidlar uchun retseptorlar bo'ladi. Shu to'qimalardan paydo bo'lgan o'smalarda ham retseptorlar bo'ladi, shu munosabat bilan, masalan, sut bezi raking o'sishi homiladorlik mahalida ancha tezlashadi. Sut bezi va bachadon rakiga antiestrogen moddalar bilan davo qilishning durust naf berishi shunga bog'liq.

Monoklonal o'smalarning hujayralari ham geterogendir, ya'nı ular kariotipi, invaziyanish darajasi, gormonga bog'liqligi, metastazlanish layoqati, o'sish tezligi va o'smaga qarshi davoga sezuvchanligi jihatidan bir-biridan farq qiladi. Bu shunga bog'liki, o'sish yoki ko'payish jarayonida o'sma hujayralari populyatsiyalarining xossalari kinetik jihatdan beqaror hujayralarning yangi mutatsiyaga uchrashi natijasida yoki genlar har xil tarzda ta'sir o'tkazishi tufayli o'zgarishi mumkin. Yangi paydo bo'lgan o'sma hujayralari ota-onalari hujayralardan farq qilib turadigan yangi xossalarni kasb etadi. Mana shunday xossalarni kasb etib borish «o'sma progressiyasi» fenomeni deb ataladi.

O'smalar progressiyasi davomida o'sma hujayralari tabaqlanishuvining ko'pgina belgilari yo'qolib ketishi mumkin. Bu anaplaziya alomatlaridan biri bo'lib hisoblanadi. Shu bilan birga o'sma hujayralarining bir kloni tez o'sish layoqatini kasb etgan holda boshqa klon birmuncha ko'proq invaziyanish yoki metastazlanish xossasiga ega bo'lib qoladi.

Biroq, klonlar geterogen bo'lishiha qaramay, o'smada qaysi hujayralar kloni kattaroq tezlikdagi replikatsiya bilan xarakterlanadigan bo'lsa, o'sha klon ustunlik qilib turadi. Shu sababdan xavfli o'smalarning ba'zilari invaziyaga ko'proq moyil bo'ladiyu, lekin metastazlar bermaydi (masalan, bazal hujayrali rak — bazalioma), boshqalari, aksincha, tez metastaz beradi-yu, lekin invaziyanib, atrofdagi organlarga o'tmaydi, masalan, tuxumdonlar raki shular jumlasidandir.

## O'SMANING EKSPANSIV VA INFILTRANIB O'SISHI

Xavfsiz o'smalar ekspansiv tarzda, xavfli o'smalar esa infiltranib o'sishi bilan ta'riflanadi. Xavfsiz o'smalar faqat o'zi paydo bo'lgan joyda o'sib boradi, ular infiltranish, invaziyanish layoqatiga ega bo'lmaydi, turli organ va to'qimalarga

metastazlar bermaydi. Ba'zi xavfsiz o'smalar, masalan, fibroma va adenoma astasekin o'sib borib, o'z atrofida kapsula hosil qiladi. Kapsula hosil bo'lishida o'sma stromasi ishtirot etadi. Biroq, xavfsiz o'smalarning hammasi ham kapsula bilan o'ralavermaydi. Masalan, bachadon leyomiomasi kapsula hosil qilmaydi, lekin atrofdagi to'qimalardan aniq-ravshan ajralib turadi, ularni bosib qo'yadi va chegaralari yaxshi bilinib turadi. Ba'zi o'smalar kapsula hosil qilmaydi va atrofdagi to'qimalardan aniq ajralib ham turmaydi. Masalan, tomir o'smalari shular jumlasidandir. Demak, *o'smada kapsula yo'qligi uning xavfli o'sma ekanligini ko'rsatadigan belgi bo'lib hisoblanmasligini esda tutish kerak.*

Xavfsiz o'smalar ahyon-ahyonda atrofdagi to'qimaga kirib boradigan psevdopodiyalar hosil qilishi mumkin (masalan, lipoma), bunday psevdopodiyalar o'smaning asosiy qismidan aniq bilinib turadi, o'sma chegarasi bo'ylab o'sib boradi, shunga ko'ra ularni xavfli o'smaning infiltrativ tarzda o'sishidan ajratib olish qiyin bo'ladi.

Xavfli o'smalar infiltrativ tarzda tobora tez o'sib borishi, invaziyanishi, atrofdagi to'qimalar tuzilishini aynatib yuborishi bilan ta'riflanadi. O'zining o'sish jarayonida ular kapsula hosil qilmaydi. O'sma hujayralari perinevral tirqishlar, limfa tomirlari bo'ylab tarqalib borib, birlamchi o'sma tugunidan ancha nariga ketib qolishi va atrofdagi to'qimani turli yo'nalishlarda kesib o'tishi mumkin. Xavfli o'smalarni operatsiya yo'li bilan olib tashlash mahalida jarrohlar ularning shu xususiyatini hisobga oladi.

## O'SMANING INVAZIVLIGI

O'smaning invazivligi hali yetarlicha o'rganib chiqilmagan murakkab fenomendir. O'smaning tarqalib borish jarayoni hozirgi vaqtida ikki bosqichdan iborat deb hisoblanadi: 1) ekstrasellular matriks invaziysi; 2) o'smaning tomirlardan tarqalib borib, metastazlar hosil qilishi.

Ma'lumki, ekstrasellular matriks basal membranalar va interstisial biriktiruvchi to'qimadan iborat. Invaziya fenomeni asosida uchta omil yotadi, deb taxmin qilinadi: *o'sma hujayralarining matriks tarkibiy qismlariga yopishib olishi, yopishib olgan joyidagi ekstrasellyulyar matriksning yemirilishi; o'sma hujayralarining harakatlanishi — migratsiyasi (bir joydan ikkinchi joyga o'tishi)*. Ma'lumki, basal membrana asosan IV tipdagi kollagendan, laminin singari proteoglikanlardan tuzilgan. Epiteliy hujayralari normada ham basal membrana laminininiga tegishli retseptorlarga ega bo'ladi, lekin ular kam bo'lib, hujayralarning basal yuzasida yotmaydi. Invaziya jarayonida o'sma hujayralarida bir talay laminin retseptorlari hosil bo'lib, hujayralarning butun yuzasiga yoyiladi, shu retseptorlar o'sma hujayralarning atrofdagi tuzilmalarga yopishib olishini ta'minlaydi. Mana shu kolagenaza epiteliy va tomirlar basal membranasi kollagenini parchalaydi. Xavfsiz o'smalardagi proteazalar faolligi xavflilaridagiga qaraganda pastroq bo'ladi. Basal membrana yemirilib, o'sma atrofidagi interstisial to'qima proteolizga uchraganidan keyin o'sma hujayralari migratsiyasi boshlanadi. O'sma hujayralaridan


ishlanib chiqadigan sitokininlar shunga yo'l ochadi. Bundan tashqari, matriks tarkibiy qismi (kollagen, laminin) parchalanishidan hosil bo'ladigan mahsulotlar va ba'zi o'sish omillari o'sma hujayralari xemotaksisini yengillashtiradi.

Tomir devori invaziysi yuqorida aytildan mexanizm bilan yuzaga chiqadi (106-rasm). O'sma hujayralari tomir yo'lida embol hosil qiladi yoki ayrim hujayralar holida qonda aylanib yuradi.


O'sma hujayralarining o'sishi va organizmda tarqalib borishi ularning biriktiruvchi toqima va kapillarlar hujayralari ko'payib, atrofdagi normal toqimaga o'tib borishini boshlab beruvchi layoqati, ya'ni o'sma hujayralarining stromatogen va angiogen ta'siri muhim ahamiyatga ega. Ana shunday proliferatsiya boshlanishi o'sma hujayralarining, aftidan, tabiatan oqsil bo'lgan angiogen omillar ishlab chiqarishiga bog'liq.

Organizmning ba'zi toqimalari, masalan, togay va arteriyalar devori o'sma invaziyasiga nihoyat darajada chidamli bo'ladi, ularning proteazalar ta'siriga chidamli bo'lishi proteazalarga qarshi moddalar ishlab chiqarishiga bog'liq.


O'smalarning invazivligi to'g'risida hozirgina aytib o'tilgan fikrlarni quyidagi kuzatuvlar qo'llab-quvvatlaydi: 1) o'sma hujayralari yaqinidagi basal membrana yemirilib ketadi, 2) o'sma hujayralari bir joydan ikkinchi joyga o'tish va migratsiyalanishga ko'p darajada qodir bo'lishi bilan xarakterlanadi, 3) ular bir-biri bilan tutashishga uncha qodir emas, shu munosabat bilan o'zi paydo bo'lgan joydan osonlik bilan ajralib chiqadi.



I. O'sma hujayrasining laminin va proteolitik fermentlar (IV tipdagi kollagenaza va plazminogen aktivatori) sekretsiyasi retseptorlari yordamida basal membranaga birikishi.



II. Basal membrana yemirilishi.



III. Usma hujayrasining tomirga kirishi.

106-rasm. O'sma hujayrasining tomirga o'tish mexanizmi  
(invaziya mexanizmi) (Liotta L.X., 1991).

### METASTAZLANISHI

Xavfli o'smalar uch yo'l bilan metastaz beradi: 1) *tana bo'shlqlariga payvandlanish yo'l'i bilan*, 2) *limfa tomirlari bo'ylab*, 3) *gematogen yo'l bilan*.

*Payvandlanish*, ya'ni *implantatsiyahodisasi* o'sma tana bo'shlqlariga o'tgan mahallarida kuzatiladi. Masalan, yo'g'on ichak raki qorin bo'shlig'iغا o'tib (penetratsiya), qorin pardasiga payvandlanib qolishi mumkin. O'pka raki plevra bo'shligiga o'sib kirganida, rak hujayralari plevraga payvandlanib olishi mumkin. Shunisi diqqatga sazovorki, o'sma seroz pardalariga payvandlanganida shu parda tagidagi organ va to'qimalarga invaziyalanib o'tmaydi.

Markaziy nerv sistemasining medulloblastoma va ependimoma singari o'smalari o'sib, miya qorinchalariga o'tishi, orqa miya suyuqligi bilan miya pardalariga, orqa miyaga yoki bosh miyaning boshqa joylariga oqib borishi mumkin. Shu bilan birga, kuzatuvlardan ma'lumki, o'smalar hech qachon o'zi paydo bo'lgan joydan pastga metastaz bermaydi. Masalan, buyrak jomi raki qovuqqa,

međa raki esa ichakka metastaz bermaydi. Metastazlanishning limfogen yo'l rak uchun ko'proq xarakterlidir. Biroq, limfa sistemasi bilan qon sistemasi o'rtaSIDA bir talay o'zaro bog'lanishlar bo'lganligi uchun rakning hamma xillari ham genetogen, ham limfogen yo'l bilan metastazlar berishi mumkin.

*Limfogen yo'l bilan metastazlanishda avvaliga regionar limfa tugunlari o'sma jarayoniga qo'shiladi. Chunonchi, bronxogen rakida dastlabki metastazlar peribronzial limfa tugunida, keyin esa traxeobronzial tugunda paydo bo'ladi. Sut bezi rakida avval qo'ltiq osti limfa tugunlarida paydo bo'ladi. Ba'zi hollarda limfa tomirlarini chetlab o'tib, tog'ridan-toq'ri keyingi limfa tuguniga tushadi (sakrovchi metastaz). O'sma hujayralari limfa tomirlariga bosqichma-bosqich o'tadi: 1) avval limfa tomirining basal membranasiga yopishib qoladi, 2) so'ngra proteolitik fermentlar ishlab chiqaradi, 3) shu fermentlar basal membranani yemirishidan keyin limfa yo'liga xuddi amyoba singari o'tib oladi.*

O'smalarga operatsiya yo'l bilan davo qilishda limfa tugunlari kattalashib ketgan bo'lsa, ularni olib tashlash rasm bo'lgan. Biroq, limfa tugunining kattalashgani hamisha ham unda o'sma metastazi borligidan darak beravermasligini esda tutish kerak.

Limfa tugunining kattalashgani o'smadagi nekrotik jarayonlarga javoban ro'y bergan reaktiv o'zgarishlarga va o'sma antigenlariga bog' liq bo'lishi mumkin. Bunda follikulalar giperplaziyaga uchrab, parakorteks gipertrofiyalanishi, retikulyar hujayralar giperplaziyalanishi, sinuslardagi monotsitar-makrofagal hujayralar proliferatsiyalanishi mumkin.


*O'smalarning gematogen yo'l bilan metastaz berishi sarkoma uchun xarakterlidir, lekin rak ham qon tomirlari bo'ylab tarqala oladi. Gematogen metastazlarning paydo bo'lishi ko'p bosqichli murakkab jarayon bo'lib, o'sma hujayralari qonda aylanib yurgani bilan, hamisha ham yuzaga chiqavermaydi.*

Qon o'zani bo'ylab metastazlanish jarayonini sxema tarzida quyidagicha tasavvur etish mumkin (107-rasm).

*Birinchi bosqichda* vena tomirining devorida o'sma o'sib (arteriya tomiri o'smalarga birmuncha chidamlidir, chunki antiproteazalar ishlab chiqaradi), o'sma emboli hosil qiladi (108-rasm). Lekin o'sma hujayralari alohida bo'lib, erkin aylanib yuradi. O'smalarning ma'lum bir turlari vena tomirlari yo'lida tez o'sishga moyil bo'ladi. Masalan, buyrak raki hujayralari venalarda tez o'sib, ba'zida pastki kovak venagacha yetib boradigan uzun-uzun ustunchalar hosil qilishi mumkin, bular goho ilonsimon uzun pishiq tizimcha ko'rinishida yurakning o'ng bo'limiga ham kirib boradi. O'sma hujayralari trombotsitlarga yopishib, fibrin to'ri bilan o'ralib olishi, o'sma emboli hosil bo'lishi (108-rasm) mumkin. So'ngra o'sma hujayralari alohida bo'lib, erkin aylanib yuradi.

*Ikkinci bosqichda* embol venoz qon oqimiga o'tib, kapillarlardan o'zaniga tu-shadida, shu joyda turib qoladi. So'ngra o'sma hujayralari endotelial hujayralarga yopishib oladi (adgeziya) va yuqorida tasvirlangan invaziya mexanizmi yordamida tomir bazal membranasidan tashqariga chiqadi. O'sma hujayralari tomirlardan tashqariga chiqib, ko'payishga va metastaz tugunlar chiqara bosh-

laydi. Hujayralarning ko'pchilik qismi qon o'zanida halok bo'lib ketishi mumkin. Lekin ularning halokati aloxidalangan holda yashay olmasligiga bog'liqmi yoki ularning yemirilishiga tabiiy killer hujayralari va faol holga o'tgan makrofaglar ishtiroki bilan yuzaga chiqadigan immun mexanizmlari sabab bo'ladimi, bu aniqlangan emas.



107-rasm. O'sma gematogen yo'l bilan metastazlanganida emboli paydo bo'lish bosqichlari (Liotta L. X., 1991).



108-rasm. Me'da osti bezi tomirlari yo'lidagi o'sma embollari.


Shu bilan birga anatomik o'rni yaxshi ma'lum bo'lgan o'smalarning u yoki bu to'qimalarni tanlab, shularga metastazlanishini faqat venoz yo'l bilan tushuntirib bo'lmasligini aytib o'tish kerak. Masalan, prostata bezi raki — suyaklarga, bronxogen rak — bosh miya va buyrak ustı bezlariga, me'da-ichak yo'li raki — jigar qatlamiga metastazlar beradi (109-rasm).

Oxirgi yillarda aniqlanishiga qaraganda, o'smaning tanlab metastaz berishi asosida uchta omil yotadi: 1) malignizatsiyalangan hujayralarning yuzasida nishon organ tomirlari endotelisiga o'ch bo'lgan retseptorlar yuzaga kelishi; 2) ba'zi nishon organlarning o'sma hujayralari xemotaksisiga sabab bo'ladigan moddalar ishlab chiqarishi. Buning natijasida o'sma ho'jayralari ayni shu organlarga tomon harakatlanib boradi; 3) ba'zi hollarda nishon organlar, masalan, proteazalarning ingibitorlarini saqlaydigan bo'lgani uchun o'sma hujayralarining ko'payishiga to'g'ri kelmaydigan muhit bo'lib qoladi. Bunday organlarga o'sma hujayralari bormaydi. Metastazlarning ma'lum organlarda paydo bo'lishi, aftidan, o'sma va endoteliy hujayralari yuzasida te-gishli retseptorlar bo'lishiga bog'liq. Masalan, xavfli o'smalar skelet muskullari va taloqqa metastaz bermaydi. Chamasi, bu shu to'qimalardagi o'sma hujayralari bilan endoteliy hujayralari retseptorlari orasida o'zaro ta'sir yo'qligiga bog'liqdir.

O'sma hujayralari trombotsitlarga yopishib, fibrin to'ri bilan o'ralib olishi mumkin.

Shunday qilib, havfli o'smalar uchun anaplaziya, infiltranib o'sish, regionar limfa tugunlariga invaziyanish, metastazlanish xarakterlidir.

Anaplaziya darajasi klinika amaliyotida anaplaziyaning zo'rayish tartibiga qarab I, II, III, IV raqamlari bilan belgilanadi. O'sma taraqqiyoti bosqichini belgilash uchun birlamchi o'sma uning kattaligi, limfa tugunlarining kasallikka nechog'lik berilgani, metastazlari bor-yo'qligi hisobga olinadi. Taraqqiyot bosqichini belgilash uchun TNM sistemasidan foydalilaniladi, bu yerda T faqat birlamchi o'sma borligini, N regionar limfa tugunining o'sma jarayoniga qanchalik tortilganini, M metastazlar borligini bildiradi. Taraqqiyot bosqichlarini belgilashning bu sisternasi o'smalarning hamma turlariga tadbiq etilaveradi. Chunonchi, T<sub>1</sub>, T<sub>2</sub>, T<sub>3</sub>, T<sub>4</sub> birlamchi o'sma kattaligining darajasi, N<sub>0</sub>, N<sub>1</sub>, N<sub>2</sub> yoki N<sub>3</sub> regionar limfa tugunining kasallikka nechog'lik tortilganini, M<sub>0</sub> metastazlari yo'qligini, M<sub>1</sub> metastazlari paydo bo'lganini bildiradi. Chunonchi, bachadon bo'yni raki diagnozi bilan yonma-yon qilib, T<sub>1</sub> qo'yilgan bo'lsa, bu o'sha joyda rak borligini (*in situ*) ko'rsatadi.



109-rasm. Yo'g'on ichak rakingin jigardagi metastazlari.

O'sma taraqqiyotining bosqichini aniqlash davo usulini tanlashda muhim ahamiyatga ega ekanligini aytib o'tish kerak.

### O'SMA HUJAYLARINING BIOLOGIK XOSSALARI

Kanserogen moddalar normal hujayraga ta'sir ko'rsatganida uning tuzil-malari va funktsiyalari fenotipik o'zgarishlarga uchrab, bu o'zgarishlar ularga o'sma hujayralari xossalarni beradi. Hujayralar tuzilishi va funktsiyalaridagi fenotipik o'zgarishlar quyidagilardan iborat bo'ladi: 1) hujayralar ko'payishi va tabaqalashuvining izdan chiqishi, 2) morfologik o'zgarishlar, 3) kariotipda ro'y beradigan o'zgarishlar, 4) antigenlik xossalarning o'zgarib qolishi, 5) metabolik o'zgarishlar, 6) hujayralari sirtining o'zgarishi.

O'sma hujayralari ko'payishi va tabaqalashuvining buzilishi ularning mikromuhit idora etuvchi omillari (gumoral omillar, qo'shni hujayralar, kollagen to'lalari, basal membrana) ta'siriga qarab, ko'payish suratini o'zgartira olish layoqati yo'qolib ketishidan iborat bo'ladi. Gumoral omillarga javoban yuzaga chiqadigan reaksiya o'zgarishining ko'rinishlari jumlasiga ko'pgina turdag'i o'sma hujayralarda gormonlarga bog'liqlik kamayib ketishi kiradi.

Hujayralar populyatsiyasi kritik darajaga (makon sathi birligiga to'gri keladigan hujayralar ma'lum songa) yetganidan keyin normal hujayralar ko'payishdan to'xtaydigan bolsa, o'sma hujayralari shu darajaga yetilganidan keyin ham ko'payaveradi. Ma'lumki, normal hujayralar tabaqalanib yetilib olganidan keyin qarib, halok bo'la boshlaydi. O'sma hujayralari esa yashash qobiliyatini, shuningdek ko'payish va to'planish qobiliyatini uzoq vaqt davomida saqlab qoladi.

O'sma hujayralari transplantatsiyaga layoqatlidir, ular singen hisoblanuvchi organizmlarga yuborilganida yaxshi amal olib, ko'payish va rivojlanishda davom etaveradi.

**Kariotipning o'zgarishi.** Kanserogen omillar (kimyoviy moddalar, radiatsiya, viruslar) ta'sirida hujayrada somatik mutatsiyalar yuzaga keladi. Bu mu-

tatsiyalar bitta hujayraning o'zida paydo bo'lsada, uning avlodlariga meros bo'lib o'tadi. Shu avlodlar replikatsiyasi va seleksiyasi mahalida o'sma to'qimasi paydo bo'ladi. O'sma hujayralarida xromosomalarning soni o'zgarishi bilangina qolmay, balki ularning tuzilishi ham o'zgarib ketadi, xromosomalar uzilgan mahalda ularning qismlari o'zaro almashinib qoladi (translokatsiya), xromosoma bir yeridan uzilganida uning ma'lum bir qismi yo'qolib ketadi (deletsiya).

Hujayra kariotipining o'zgarishi o'sma paydo bo'lib kelayotganini ko'rsatadigan birinchi belgi bo'lib hisoblanadi. Leykemiyalar va limfomalar paytida kariotipda ro'y beradigan o'ziga xos o'zgarishlar tasvirlab berilgan. Chunochi, surunkali mieloid leykozda hammadan ko'ra ko'proq ma'lum bo'lgan va dastlabkilaridan birinchi bo'lib tasvirlab berilgan Filadelfiya xromosomasida odatta 22 xromosoma bilan 9 xromosoma o'rtasida translokatsiya hodisasi kuza tiladi, lekin 22 xromosoma qismi bilan boshqa xromosomalarning qismi o'zaro almashinib qolishi ham mumkin. Natijada 22 xromosoma aberratsiyaga uchraydi. Filadelfiya xromosomasida ro'y beradigan ana shunday o'zgarishlar mieloid leykozning 90 foiz hollarida topiladi va bu kasallikka juda xos bo'lgan belgilari (markerlar) ning biri bo'lib hisoblanadi.

Shu narsa diqqatga sazovorki, onkogen deb taxmin qilinadigan modda 9-xromosomada, ajabmaski, shu xromosomaning 22-xromosomaga ko'chib o'tadigan qismida joylashgan bo'ladi, aftidan, mana shu hol surunkali mieloid leykoz paydo bo'lishida muhim omildir. Berkitt limfomasida hujayralar odatta 8 xromosoma bilan 14 xromosoma o'rtasida translokatsiya ro'y berishi bilan xarakterlanadi, gohida 8-xromosoma bilan 2 xromosoma yoki 8 xromosoma bilan 22-xromosoma o'rtasida qismlar almashinadi. Berkitt limfomasida 8 xromosoma onkogen vazifasini bajaradi deb hisoblanadi. Leykozlarning boshqa ko'pgina xillarida, mayda hujayrali o'pka raki, neyroblastoma, tuxumdon raki, meningiomada ham xromosomalarda ro'y beradigan shunga o'xshash struktura o'zgarishlari tasvirlangan.

Shu bilan birga hujayralarning malignizatsiyaga uchrashiga sabab bo'la oladigan dastlabki kariotip o'zgarishlari ko'pchilik o'smalar uchun hali isbot etilgan emas. Mutatsiyada xromosomalarning tuzilishigina o'zgarib qolmasdan, balki ularning soni ham boshqacha bo'lib qolishi mumkin. Bunda ba'zi xromosomalar yo'qolib ketishi (aneuploidiya) yoki qo'shimcha xromosomalar paydo bo'lishi, yoxud xromosomalar soni karrali nisbatda o'zgarishi (poliploidiya) mumkin. Hozir tasvirlab o'tilgan mutatsiyalar ikkilamchi o'zgarishlar jumlasiga kirsa ham ajab emas, bu o'zgarishlar o'z navbatida hujayralarning o'sma xossalarni tobora ko'proq kasb etib borishida muayyan rolni o'ynaydi.

**Antigen xossalarning o'zgarishi va o'smaga qarshi immunitet.** Normal hujayralarning o'sma hujayralarga aylanishida ularning antigen xossalari ham o'zgarib qoladi, bu esa o'smaga qarshi o'ziga xos immunitet paydo bo'lishiga olib keladi. Onkogen viruslar va kimyoviy moddalar ta'sirida yuzaga keladigan o'smalarda ikkita antigen: 1) faqat o'sma hujayralarida uchraydigan o'ziga xos,

ya'ni spetsifik o'sma antigeni (TSA—CoA) va 2) o'sma bilan qo'shilgan, assotsatsiyalangan antigen bo'lishi tajribada aniqlangan. Assotsatsiyalangan antigen o'smalarda ham, normal to'qimalarda ham uchrayveradi.

O'smalarning immunogenligi ularning etiologiyasiga bog'liq. Chunonchi, RNK viruslar va DNK viruslar tufayli paydo bo'lgan o'smalar hammadan ko'ra ko'proq immunogendir. Shu viruslarning genomi hujayra genomiga joylashib olib, hujayrada virus strukturasiga kirmaydigan oqsillar va glikoproteidlar hosil bo'lishiga yo'l ochadi. Mana shu oqsillar yot bo'lganligi uchun virus yuqqan hujayralar immunogen bo'lib qoladi. Hosil bo'lib chiqadigan antigenlar hujayralarning membranasidan joy olishi mumkin, bu narsa virusning o'zigagina emas, balki hujayraga ham qarshi qaratilgan immunologik reaktsiya boshlanishiha olib keladi. Mana shunday hollarda o'sma hujayrasining o'sishi susayib qolishi mumkin.

Kimyoviy kanserogenlar tufayli yuzaga kelgan o'smalar ham immunogen bo'ladi, lekin bu o'smalarga javoban yuzaga keladigan immunitet ularning yakka o'ziga xos bo'lgan, shaxsiy immunitetdir, ya'ni mazkur o'smaga qarshi qaratilgan bo'ladi. Boshqa o'smalar xususida bu immunitet sust ifodalangan reaktsiyalar beradi.

Etiologiyasi aniqlanmagan, ya'ni spontan deb ataladigan o'smalar juda past darajada immunogen bo'lishi yoki immunogenlik xossasi bo'lmasligi bilan ta'riflanadi.

Anchagina immunogenlik xossasiga ega bo'lgan o'smalar jumlasiga melanokarsinoma, neyroblastoma, Berkitt limfomasi, leykozlar, osteogen sarkoma va yo'g'on ichak raki kiradi.

Yaqinginada gistosig'ishuvchanlik bosh kompleksining yetuk hujayralarida ishlanib chiqmaydigan ba'zi antigenlar normal hujayralarning o'sma hujayraliga aylanish jarayonida paydo bo'lishi mumkin degan taxmin bildirildi. Ba'zi o'smalar embrionga xos bo'lgan antigenlarni ishlab chiqaradi, chunonchi, gepatosellyulyar rak alfa-fetoprotein ishlab chiqarsa, yo'g'on ichak raki, rakning boshqa turlari kabi ko'pincha rakka xos embrional antigen ishlab chiqaradi. Ammo ana shu rakka xos embrional antigenlar o'smaning ko'chib tushish reaktsiyasida sezilarli biror rol o'ynamaydi. Bu antigenlar o'smalar bilan qo'shilgan, ya'ni assotsatsiyalangan bo'ladi va ulardan rakning immunologik diagnostikasi hamda qilinayotgan davoning samaradorligini baholash uchun foydalaniлади.

O'smaga qarshi spetsifik immunitet paydo bo'lishi, shuningdek tabiiy rezistentlik borligi tufayli organizm o'smadan himoyalanib bora oladi. O'smaga qarshi immunitet immun javobning hujayraga aloqador va gumoral mexanizmini o'z ichiga oladi.

Hujayra immuniteti paydo bo'lishida quyidagilar ishtirok etadi: 1) o'sma antigenlarini tanib, ajratib olishga qodir bo'lgan membrana bilan assotsatsiyalangan, o'ziga xos, spetsifik ravishda sensibillangan sitotoksik T-hujayralar,

2) o'ziga xos Fc-retseptorlariga ega bo'lgan T-killerlar — geterogen hujayralari populyatsiyasi, bular antitelolar bilan o'ralgan bo'lib, o'sma hujayralarini tanib, ajratib olish va lizisga uchratish xususiyatiga egadir, 3) masalan, endotoksin va T-hujayralar gamma interferoni bilan bir qadar faol holga o'tgan makrofaglar, bular sitotoktsik hujayralarni faol holga o'tkazish va sitotoksik mahsulotlar hosil qilish yo'li bilan o'sma hujayralarini o'dirishi mumkin, 4) o'sma hujayralarini oldin sensibillamasdan turib, yemirishga qodir bo'lgan tabiiy killer hujayralar.

O'sma stromasida sezilarli limfotsitar infiltratsiya paydo bo'lishi o'smaga qarshi immunitet yuzaga kelishida immunokompetent hujayralarning ishtirot etishini ko'rsatadi. Bunday hollarda kasallik oqibati bir qadar xayrli bo'ladi. Bunday tashqari, onkologik bemorlardan olingen limfotsitlarning in vitrosharoitida o'sma hujayralari o'sishini to'xtatib qo'ya olishi yoki ularni lizisga uchrata olishi ham organizmning himoyalanishida o'smaga qarshi hujayraga aloqador immunitetning ahamiyatga ega ekanligini ko'rsatadi. Immun javobning idora etilishida T suppressorlar asosiy rolni o'yinaydi. Bular o'smaga qarshi immun javobni susaytirib qo'yishi mumkin.

Gumoral immun javob ham, tajriba sharoitida ko'rsatib berilganidek, o'sma hujayralari emirilishida ahamiyatga egadir. Immunoglobulinlarning komplementni faol holga o'tkazib, keyin uni nishon-hujayralar bilan biriktirib qo'yishi va lizislovchi kompliment — C1 hosil qilishi aniqlangan. Immunoglobulinlar o'sma hujayralarini o'rab olib, ularning sitotoksik T hujayralarga sezuvchanligini kuchaytiradi.

Organizmning himoya reaktsiyalarida immun sistemaning rolini hisobga olib, immunitet tanqisligi holatlari, bular xoh tug'ma, xoh turmushda orttirilgan bo'lsin, o'smalar paydo bo'lishi xavfini tug'diradigan jiddiy omil bo'lib hisoblanishini esda tutishi kerak. Chunonchi, tug'ma immunitet yetishmasligi mahalida Epshteyn — Barr virusi xavfli limfoma kasalligi boshlanishiga sabab bo'lishi mumkin. Virus infeksiyasiga normal immun javobni susaytirib qo'yishidan tashqari, limfold giperplaziyaning limfomaga aylanib ketishiga sabab bo'ladigan T suppressorlarning ortiqcha miqdorda bo'lishi muhim rolni o'ynashi mumkin. Allogen organlar resipientlarida OITS bilan og'rigan kasallarda uchraydigan o'smalar shu xildagi mexanizm bilan paydo bo'ladi, bunday kishilarda doriga aloqador immunitet tanqisligi yuzaga keladi va shuning natijasida har xil genezli xavfli o'smalar paydo bo'ladi.

Organizmning himoya reaktsiyasida tabiiy killer hujayralar muhim rolni o'ynaydi. Ular oldindan sensibillanish bo'lishini talab qilmaydi va tezda o'smaga qarshi jangga kirishadi. Tabiiy killerlar interferon va interleykin-2 bilan faollashgan mahalda spontan o'sma hujayralarini, ya'ni ma'lumki, T va B hujayralarga sust immunogenlik hissasiga ega bo'lgan o'sma hujayralarini lizisga uchrata oladi. Shunisi muhimki, tabiiy killerlar birlamchi o'sma hujayralaridan tashqari, metastaz o'sma hujayralarini ham lizisga uchratishi mumkin. O'smalarga im-

munoterapeutik yo'lbilan davo qilish asosida tabiiy killerlarning shu xususiyati yotadi.

**O'sma hujayralari metabolizmi.** O'sma hujayralarining biologik xossalari bu hujayralarda o'ziga xos, ya'ni spetsifik oqsillar, fermentlar paydo bo'lishi yoki normal hujayralarda bo'lmaydigan alohida bir metabolik yo'llar yuzaga kelishi-ga bog' liq emasligi hozir aniqlangan. Masalan, yuksak darajada tabaqaqlashgan o'sma hujayralari o'z tarkibidagi fermentlarning miqdori va faolligi jihatidan olganda normal hujayralardan amalda farq qilmaydi. Eng xavfli o'smalardagina almashinuv jarayonlarining izdan chiqishi kuzatiladi. Chunonchi, ba'zi o'smalar embrional oq-sillarni, masalan, alfa-fetoproteinini sintezlay oladi.

Varburg o'sma hujayrasidagi energiya almashinuvining xususiyatini — na-fas zanjirida ishtirok etuvchi fermentlar faolligi aniq pasayib ketishi ustiga zo'r anaerob glikoliz bo'lishini tasvirlab otgan. O'sma kislorod bilan yetarlicha ta'minlanmasligi munosabati bilan undagi nafas jarayoni sust bo'ladi. Ayni vaqt-da anaerob glikoliz asosiy quvvat manbai bo'lib xizmat qiladi.

O'smalar uchun yana quyidagilar ham xarakterlidir: 1) yog' kislotalarini sin-tezlash xususiyatining susayishi, 2) oqsil va nuklein kislotalari sintezi jarayonla-rining bu moddalar parchalanishi jarayonlaridan ustun turishi, 3) yadrodan si-toplazmaga informatsion RNK o'tishining susayishi, 4) biokimyoiy jarayonlarni nazorat qilib boruvchi omillarga, jumladan gormonlarga bo'ladigan reaktsiya-ning aynishi, ya'ni biokimyoiy ixtisoslanishning buzilishi.

**Hujayra yuzasi va membrana o'zgarishlari.** O'sma hujayralari reaktivligi aynan, o'smaning mikromuhit bilan o'zaro ta'siri o'zgarishining asosida o'sma hujayralari yuzasi va tashqi membranasining o'zgarishlari yotadi. Bu o'zgarishlar xilma-xil bo'lib, o'smaning biologik xossalarni belgilab beradi. Ularga quyidagi-lar kiradi: 1) membrana glikoproteidlari alteratsiyasi; 2) lektin agglutinatsiyala-nish layoqatining kuchayishi, o'smaning metastazlanish darajasi nechog'lik yuqori bolsa, bu oqsilning shu xossasi ham shunchalik zo'rayib boradi; 3) yopi-shish va adgeziya xususiyatining pasayib ketishi; 4) hujayralar o'rtasidagi alo-qalarning buzilishi, bu narsa o'sma hujayralarining bir-biridan sa'ga ajralib, uzilib chiqishi uchun sharoit tug'diradi; 5) tashqi membranada joy oladigan va o'sma hujayralarining o'sish gormoniga javoban yuzaga chiqaruvchi reaktsiya-sini ta'minlab beradigan ba'zi retseptorlar paydo bo'lishi. Bu retseptorlar tegishli joylarda metastazlar paydo bo'lishiда ham rol o'y Nashi mumkin; 6) o'smalarning invaziyanishi va metastazlanishida muhim rolni o'ynovchi fibrinolizin, kolla-genaza, katepsin B singari proteolitik fermentlar ishlaniib chiqishi; 7) plazmi-nogen va prokoagulant omillari faollashtiruvchi moddalar ishlaniib chiqishi, bu hodisa giperkoagulatsiya ro'y berib, venalarda tromboz va qon ivib qolish sindromi boshlanishi uchun qulay sharoit yaratadigan ba'zi turdag'i o'smalarga xos.

O'sma hujayralari tashqi membranasida yuqorida sanab o'tilgandek o'zgarishlar ro'y berishi o'smalarni membranalar kasalligi deb atash uchun asos bo'la oladi.

## O'SMALARNING ORGANIZMGA KO'RSATADIGAN TA'SIRI

O'smalarning organizmga ko'rsatadigan ta'siri ularning olgan joyiga, nechog'lik xavfiliqiga, katta-kichikligi va biologik xossalariqa bog'liq. O'smaning funktsional faolligi, jumladan gormonal faolligi, shuningdek qon ketishi, ikkilamchi infeksiya qo'shilishi, o'smada qon quylishi singari asoratlar ham ahamiyatga ega.

O'smaning klinik jihatdan namoyon bo'lishida uning nechog'lik tabaqlashganidan qat'i nazar, olgan o'rni ba'zan muhim ahamiyatga ega bo'ladi. Masalan, uncha katta bo'lмаган teri fibromasi organizmga aytarli ta'sir ko'rsatmaydi, holbuki, gipofiz adenomasi kichkina bo'lsa ham gipofiz funktsiyasi izdan chiqishiga olib kelishi mumkin. Buyrak arteriyasining diametri 0, 5 sm keladigan leyomiomasi tomir yolini toraytirib qo'yib, buyrak ishemiyasiga olib kelishi va keyinchalik buyrakka aloqador gipertenziya boshlanishiga sabab bo'lishi mumkin. Bosh miyada kichikroq bir xavfsiz o'sma paydo bo'lganida, shu hodisa ham o'smaning hayot uchun muhim markazlarini bosib qo'yishi hisobiga qayg'uli oqibatlarga olib bora oladi.

Endokrin bezlarda o'smalar paydo bo'lganida ortiqcha gormonlar hosil bo'lib, organizm hayot faoliyatini izdan chiqaradi. Masalan, Langergans orolchalari beta hujayralarida hattoki xavfsiz o'sma paydo bo'lsa ham giperinsuli-nizm boshlanib, bu hodisa ko'pincha fojiali tusga kiradi. Buyrak ustti bezlari adenomasi yoki karsinomasi gipertenziya va gipokaliemiyaga olib boradigan kortikosteroidlar (masalan, aldosteron) ko'plab ishlanib chiqishiga sabab bo'lishi mumkin. Me'da osti bezi karsinomasi, bronxogen rak singari o'smalar giperkoagulopatiyaga sabab bo'lib, keyinchalik venalar trombozi boshlanishiga olib boradi.

O'sma odamning haddan tashqari ozib ketishiga, ya'ni kaxeksiyaga sabab bo'lishi mumkin (rakka aloqador kaxeksiya). Rak kasalligining oxirgi davrida bemorlarda ishtaha yo'qolib, o'zi tobora ozib, darmoni qurib boradi, kamqon bo'lib qoladi. Shu bilan birga o'sma nechog'lik katta va ko'p tarqalgan bo'lsa, kaxeksiya shunchalik sezilarli bo'ladi. Onkologik bemorlarda kaxeksiyaning boshlanish mexanizmi aniq emas. Bemolarning ozib ketishi o'smaning oziq moddalarni ko'plab sarflashiga aloqador bo'lmay, balki makrofaglar tomonidan kaxektin ishlanib chiqishiga bog'liq, shu modda yog' toqimasini zo'r berib sarflab boradi, kaxeksiya boshlanishida shuning muhim ahamiyati bor deb taxmin qilinadi.

Odamda o'sma paydo bo'lganida giperkalsiemiya, Kushing sindromi, abakterial tromboendokardit singari paraneoplastik sindromlar boshlanishi mumkin. Kushing sindromi boshlanishi o'smaning ektopik adrenokortikotrop gormon yoki AKTG ga o'xshab ketadigan polipeptidlar ishlab chiqarishiga bog'liq deb hisoblanadi. Giperkalsiemiya suyaklardagi metastazlarning osteolitik tasiriga aloqador bo'lishi ham mumkin. Boshqa bir nuqtai nazar ham bor. Bu nuqtai nazarga ko'ra, o'sish omillari suyaklardagi paratireoid gormon retseptorlari bilan birikib, xuddi paratireoid gormonning o'zi singari suyaklardan zo'r berib kalsiy ajralib chiqishiga sabab bo'ladi. Ektopik gormonlar sintezlanib chiqishida APUD sistema o'smasi ma'lum bir rolni o'ynaydi deb taxmin qilinadi.

## O'SMALARNING TASNIFI

Hozir o'smaga qarshi xalqaro birlashmaning o'smalar nomenklaturasi qo'mitasi tomonidan taklif etilgan o'smalar tasnididan foydaliladi. Bu tasnif o'smalar gistogenezi (ya'ni o'smaning qanday manbadan kelib chiqqani), ularning tuzilishi, olgan joyi asosida ishlab chiqilgan bo'lib, 7 ta asosiy guruhni o'z ichiga oladi.

I. Maxsus lokalizatsiyasi yo'q, ya'ni qaysi joyda paydo bo'lishi tayin bo'lмаган (organonospetsifik) epitelial o'smalar.

II. Ekzo va endokrin bezlar, shuningdek epitelial qoplamlar o'smalari (organospetsifik o'smalar).

Mezenximal o'smalar (biriktiruvchi to'qima, tog'ay, suyak, muskul to'qimasi va tomir o'smalar).

III. Melanin hosil qiluvchi to'qimalar o'smalar.

V. Nerv sistemasi va miya pardalari o'smasi.

VI. Qon yaratuvchi va limfold to'qimalar o'smalar.

VII. Teratomalar.

Mezenximal va epitelial to'qimalardan kelib chiqadigan o'smalarning ushbu bobda tasvirlangan asosiy turlari 3-jadvalda keltirilgan.

## MEZENXIMAL MANBALARDAN KELIB CHIQADIGAN O'SMALAR

Bu o'smalar tuzilishi va joylashadigan orni jihatidan nihoyat darajada xilmal-xil bo'lishi bilan ajralib turadi.

Ular biriktiruvchi to'qima, shuningdek mezenximaning ixtisoslashgan unumlari: yog', muskul, tog'ay, suyak to'qimasidan hosil bo'ladi. Tabaqalanish darajasiga qarab, bu o'smalar xavfli va xavfsiz o'smalarga bo'linadi.

## BIRIKTIRUVCHI, YOG' VA SHILIMSHIQ HOSIL QILUVCHI TO'QIMALARDAN KELIB CHIQADIGAN O'SMALAR

Bu toifadagi xavfsiz o'smalarga fibroma, desmoid, lipoma, miksoma, xavflilariga — fibrosarkoma, miosarkoma, miksosarkoma kiradi.

**Fibroma.** Nisbatan kam uchraydigan o'sma. Xilma-xil to'qimalarda, lekin aksari teri, bachardon, tuxumdon, sut bezi, me'da devorida paydo bo'ladi. Neyrofibromalarni ham o'smalarning shu guruhiga kiritish mumkin, bular perinevriyning shvann hujayralaridan kelib chiqadi va nerv yo'llari bo'ylab joy oladi. Fibromalar kapsula bilan o'ralgan kulrang tusli qattiqqina elastik tuzilmalar bo'lib, kesib ko'riganida yuzasi yaltirab turadi, qon quyilgan va nekrozga uchragan joylari bo'lmaydi. Ular sekinlik bilan, ammo atrofqa yoyilib (ekspansiv ravishda) o'sib boradi.

Mikroskop bilan tekshirib ko'riganida tartibsiz joylashgan, yaxshi tabaqalashgan biriktiruvchi to'qima hujayralaridan tuzilgan bo'lib chiqadi, hujayralarining orasida bir talay collagen tolalar bo'ladi. To'qima atipizmining bir ko'rinishi

sifatidagi bu tolalar turli xil yo'nalishlar bo'ylab joylashadi. O'smalarda tomirlar bor, lekin ular notekis tarqalgan bo'ladi. Fibromada anaplaziya belgilari bo'lmaydi, mitozlar uchrasa ham, ular juda kamdan-kam bo'ladi. Teridagi fibroma odatda oyoqchali bo'ladi. O'sma yoyilib, ya'ni ekspansiv tarzda o'sib boradigan bo'lgani uchun osongina ko'chib chiqadi.

### 3-jadval

#### Odamda uchraydigan, epithelial ve mezenximal to'qimalardan paydo bo'ladigan o'smalarning asosiy turlari

O'smaning asosiy manbai	Xavfsiz o'smalar	Xavfli o'smalar
<i>Epitelial to'qimadan paydo bo'ladigan o'smalar</i>		
Yassi epiteliy	Papilloma	"Cancer in situ" muguzlanadigan va muguzlanmaydigan yassi hujayrali rak
Bez epiteliysi	Adenoma (asinar, tubulyar, trabekulyar, so'rg'ichli)	"Cancer in situ" adenokarsinoma, shilimshiq rak
Epiteliy bazal hujayralari		Bazalioma (bazal hujayrali rak)
Ter bezlari yo'llari epiteliysi	Siringoadenoma	Rak
Ter bezlari sekretor bo'limlarining epiteliysi	Gidroadenoma	Rak
Soch follikullari epiteliysi	Trixoepitelioma	Rak
Buyrak kanalchalari epiteliysi	Kanalchalar adenomasi	Gipernefroid rak
Gepatositlar	Gepatosellyulyar adenoma	Gepatosellyulyar rak
O't chiqarish yo'llari epiteliysi	Xolangiosellyulyar adenoma	Xolangiosellyulyar rak
Siydik chiqarsh yo'llarinig oraliq epiteliysi	Oraliq hujayrali papilloma	Oraliq hujayrali rak
Yo'dosh xorioni epiteliysi	Elbo'g'oz	Xorionkarsinoma

O'smaning asosiy manbai	Xavfsiz o'smalar	Xavfli o'smalar
Miya pardalari	Meningioma	Invaziv meningoima
Tog'ay to'qimasi	Xondroma	Xondrosarkoma
Suyak to'qimasi	Osteoma	Osteogen sarkoma

Bu o'smaning ahamiyati, aniqrog'i, organizmga ko'rsatadigan ta'siri joylashgan orniga bog'liq. Masalan, teri fibromasi organizm uchun xavf-xatar tug'dirmaydi. Shu bilan birga bu o'smaning kalla asosi, orqa miya kanali yoki ko'z kosasida bo'lishi yomon oqibatlarga olib boradi. Stromasi bilan parenximasining nisbati qanaqaligiga qarab, fibromaning ikki turi — *qattiq va yumshoq, fibroma* tafovut qilinadi. Qattiq fibroma kollagen tolalari ko'p bo'lishi bilan ajralib turadi. Yumshoq fibromada hujayralar ko'proq, tolalar kamdan-kam bo'ladi, tolali to'qimasi yumshoq va bir qadar kerkib, shishib turadi.

**Desmoid.** Desmoid fibroma (abdominal fibromatoz, tajovuzkor fibromatoz) kamdan-kam uchraydigan o'sma bo'lib, muskul-aponevroz birikmalari sohasida yuzaga keladi. Odatda, qorinning oldingi devorida va juda kamdan-kam hollarda boshqa joylarda (qiyshiq muskullar sohasida) bo'ladi. Muskullarning biriktiruvchi to'qima qatlamlaridan o'sib chiqadi va qattiq fibromaga o'xshash tuzilishda, tomirlarga boy bo'ladi. Birmuncha yirik tugunlarda miksomatozli joylar uchraydi. Bu o'smaning xarakterli xususiyati infiltranib o'sish va residivlar berishga moyildir. Aksari ayollarda uchraydi, homiladorlik o'smaning o'sishini tezlashtiradi.

**Lipoma** yog' to'qimasidan vujudga keladigan o'sma, odatda, bo'yin, gavda, yuz, qo'l terisi ostidagi kletchatkada, goho qorin pardasi ortidagi bo'shliq, ko'ks oralig' ida bo'ladi. Lipoma odatda elastik bo'lib, kattaligi 3 sm dan 5 sm gacha boradi, dumaloq-tuxumsimon shaklda, kapsulasi nozik va yupqa bo'ladi. Mikroskopik tuzilishi jihatidan olganda lipoma yog' to'qimasidan kam farq qiladi: unda ham birdek yog hujayralari va ular orasida uchraydigan biriktiruvchi to'qima qatlari bo'ladi. Lekin yog' bo'lakchalari notoq'ri shaklda va katta-kichik bo'ladi (to'qima atipizmi). Bu o'sma qayerda yog to'qimasi bo'lsa, shu yerda paydo bo'lishi va tarqalib yoki oyoqcha chiqarib o'sishi mumkin.

Shunisi qizikki, vujudida lipomasi bor kasalning o'zi ozib-to'zib ketgan ma-halda ham o'smadagi yog' miqdori kamaymay turaveradi. Lipomalar yakka yoki bir talay bo'lishi mumkin. Ularni charvi yoki ko'ks oralig'ida ortiqcha to'planib turadigan yog' to'plamlaridan farq qilish, ajratib olish kerak. Lipomalar odatda og'rimaydi, lekin ko'p joyda yuzaga kelgan lipomatoz, ya'ni Derkum kasalligi og'riqqa sabab bo'ladi.

Qo'ng'ir yog' to'qimasi (qishki uyqu bezlarining rudimentar qoldiqlari) dan o'sib chiqadigan o'sma — *gubernoma* lipomalarining juda kamdan-kam

uchraydigan va o'ziga xos bo'ladijan alohida bir turidir. Bu o'sma odatda odamning orqasi yoki qo'ltiq osti sohasida, qo'ng'ir rangda bo'ladi. Mikroskop bilan tekshirib ko'rilganida sitoplazmasi uya-uya bo'lib ko'rindigani, ichida mayda yog' tomchilari bo'ladijan poligonal yirik hujayralardan tuzilgan bo'lib chiqadi.

**Miksoma** faqat kindik tizimchasi, perinevriy va yurak qopqoqlarida uchraydigan mukoid, ya'ni shilimshik hosil qiladigan to'qimadan kelib chiqadi. Shu sababdan bunday o'sma odatda kindik sohasida, perinevriy va yurak qopqoqlarida bo'ladi. Miksoma parenximasida fibroblastlar va makrofaglar uchraydi. Fibroblastlar o'sintalari bilan bir-biriga tutashib turadi va shu sababdan shaklan o'rgimchakka o'xshaydi. Hujayralar orasida gomogen modda va tolasimon tuzilmalar joylashgan, shu sababdan bu o'sma yumshoq va kesib ko'rildganda liqaldoqsimon bo'ladi.

Fibroma, lipoma, xondroma (toga'ydan o'sib chiqadigan o'sma) ikkilamchi tartibda shilimshiqlanish hodisasiga uchrashi va shu sababdan yanglishib, miksoma deb hisoblanishi mumkin.

Mezenximadan paydo bo'ladijan, yetilmagan biriktiruvchi to'qima o'smalari sarkomalar deb ataladi (zagsoz — baliq go'shti degani).

Ular tuzilishi va tabaqlanish darajasi jihatidan har xil bo'ladi. Sarkomalar uchun quyidagilar xarakterlidir: 1) infiltratsiyalanib o'sib, venalar devoriga tez o'sib kirishi va o'sma hujayralarinining qon oqimiga tushishi; 2) asosan gematogen yo'l bilan metastazlar berishi; 3) ko'pincha yoshlar va hatto bolalarda paydo bo'lishi (juda xilma-xil organ va to'qimalarda paydo bo'ladi). Qo'l-oyoq va gavda sarkomalarida dastlabki metastazlar o'pkada paydo bo'ladi, sarkoma qorin bo'shlig'ida vujudga kelganida jigarda metastazlar uchraydi. Regionar limfa tugunlariga beradigan metastazlari kamdan-kam ko'rildi.

**Fibrosarkoma** — fibromaning xavfli xilidir; har qanday joyda paydo bo'lishi mumkin, lekin qo'l-oyoqlarning yumshoq to'qimalari, qorin pardasi orti bo'shlig'ida ko'proq uchraydi. Bu o'sma odatda kichikroq bo'lib, ushlab ko'rilganida qo'lg'a yumshoq unnaydi, tashqi ko'rinishidan baliq go'shtiga o'xshab ketadi. Kesib ko'rilganida qon quylgan va nekrozga uchragan joylari topiladi. Nekrozlar o'sma tez o'sib borishi va qon bilan ta'minlanish yetishmay qolishi natijasida paydo bo'ladi. Gistologik jihatdan olganda morfologik anaplaziya va mitozlarga xos alomatlar aniqlanadi. Bir yadroli, ham ko'p yadroli ulkan hujayralar uchrashi mumkin.

**Liposarkoma** (lipoblastik lipoma, xavfli lipoma) kamdan-kam uchraydigan o'smalar qatoriga kiradi, bir yo'la ko'p joyda paydo bo'lishi mumkin, erkaklarda ko'proq uchraydi. Asosan qo'l, son, boldirning yumshoq to'qimalarida, qorin pardasi ortidagi bo'shliqda bo'ladi. Qo'lg'a qattiqqina unnaydigan tugun shakkida bo'lib, kesib ko'rilganida yuzasi charvi yog'iga o'xshab turadi. Mikroskopik jihatdan liposarkoma o'sma hujayralarinining haddan tashqari polimorfli bilan ajralib turadi.

Gistologik tuzilishi jihatidan bu o'smaning quyidagi turlari tafovut qilinadi:  
1) odatdag'i lipomadan ajratib olish qiyin bo'ladigan, yuksak darajada tabaqalashgan xili;

2) stromasi glikozaminglikanlarga boy bo'ladigan miksoid (embrional) xili, bu o'smada yulduzsimon mezenxima hujayralari bilan vakuollashgan lipomatoz hujayralar uchraydi;

3) dumaloq hujayrali sarkoma, bu o'sma giperxrom yadroli, dumaloq shaklli tabaqalashgan mayda hujayralardan tuzilgan bo'ladi. Bu hujayralar orasida lipoblastlar deb hisoblanuvchi vakuollashgan hujayralar tarqoq joylashgandir;  
4) liposarkomaning eng xavfli xili — pleomorf sarkoma. Tez o'sadi, ulkan o'sma hujayralari va o'ziga yog' vakuollarini jo qilgan kam sonli hujayralari bo'lishi bilan ta'riflanadi. Bu o'smani boshqalardan ajratib turadigan belgisi shuki, hujayralarining sitoplazmasida diastaza ta'siriga chidamli SHIK-musbat donalar bor.

Yuksak darajada tabaqalashgan va miksoid sarkomalar kamdan-kam metastazlar beradiyu, lekin juda invaziv bo'ladi. Dumaloq hujayrali va pleomorf sarkoma tez va ko'p metastaz beradigan eng ashaddiy o'smalar jumlasiga kiradi.

## MUSKUL TO'QIMASIDAN KELIB CHIQADIGAN O'SMALAR


Muskul to'qimasidan paydo bo'ladigan xavfsiz o'smalar asosan ikki turdan iborat: 1) *silliq muskullardan paydo bo'ladigan o'smalar — leyomiomalar* va 2) *ko'ndalang-targ'il muskullardan paydo bo'ladigan o'smalar — rabdomiomalar. Bularning xavfli xillari leyomiosarkomalar va rabdomiosarkomalar deb ataladi.*

**Leyomioma** — yetilgan xavfsiz o'sma bo'lib, ichki organlar va tomirlar devorlaridagi silliq muskullardan o'sib chiqishi mumkin. Silliq muskullar barcha organ va toqimalarda borbo'lgani uchun leyomiomalar har qanday joyda paydo bo'lishi mumkin. Lekin ular ko'pincha bachadon, teri, me'da-ichak yo'li organlarining devorlarida, qorin pardasi ortidagi kletchatka, ko'ks oralig'ida bo'ladi.

Leyomioma aniq-ravshan chegaralanib turgan qattiqqina tugun ko'rinishida ko'zga tashlanadi. Uning kapsulasi bo'lmaydi. Kesib ko'rilganida o'sma qat-qat, kulrang-oq tusda bo'ladi, ba'zan nekrozga uchragan va qon quyilgan joylar uchrashi mumkin. Bu o'smaning kattaligi 4—5 sm dan 20 sm gacha boradi. Mikroskopik jihatdan olganda o'sma dasta-dasta bo'lib to'plangan duksimon shakldagi o'sma hujayralaridan tuzilgandir. Bu hujayralar dastalari turli yo'nalishda bo'ladi. O'smada argirofil tolalar va tomirlar ko'p.

**Xavfli leyomioma (leyomiosarkoma, miosarkoma)** leyomioma qaysi joylarda bo'lsa, bu ham o'sha joylarda uchraydi, lekin bachadonda ko'proq, qo'lyoqlardan kamroq uchraydi. Bu o'sma qaytalanib turadi va tez hamda ko'p metastazlar beradi. U tugun shaklida bo'lib, diametri 15—20 sm ga borishi mumkin. Kesib ko'rilganida rangi oq bo'lib, qo'lg'a yumshoq unnyaydi, baliq go'shtiga o'xshab turadi. Bu o'smada qon quyilgan va nekrozga uchragan joylar bo'lishi tuyayli ke-silgan yuzasi ola-bula bo'lib turadi. Mikroskopik jihatdan olganda o'sma hujayralarining keskin anaplaziyasi ko'zga tashlanadi. Bu hujayralar juda poli-

morf, ba'zilari haddan tashqari katta bo'ladi, ko'p yadroli simplastlar ham ko'p uchraydi. Hujayralarning yadrolari juda giperxrom bo'lib, ularda atipik mitoz shakllari ko'zga tashlanadi (110-rasm). Sinusoid yoki kapillar tipdagi tomirlar ko'p bo'ladi.



110-rasm. Leyomiosarkoma.

**Rabdomioma** ko'ndalang-targ'il muskul to'qimasidan o'sib chiqadigan xavfsiz o'sma. Bolalarda ko'proq kuzatiladi, hammadan ko'p uchraydigan joyi — qo'l-oyoq muskullari. Rabdomiomalar kulrang-oq tusdag'i kichikroq tugunchalar bo'lib, diametri ba'zan 10—15 sm ga borishi mumkin. Mikroskopik jihatdan olganda bu o'sma asosiy qismi muskul tolalariga va mioblastlarga o'xshab ketadigan polimorf hujayralardan tuzilgandir. Bular yo tolalar shaklida bo'ladi, yoki och tusli bitta yadroli bo'ladigan yirik duksimon hujayralardan tashkil topadi.

**Xavfli rabdomioma** (rabdomiosarkoma, rabdomioblastoma) kam uchraydi, asosan qo'l va oyoq muskullarida bo'ladi. Rabdomiomalarning muskul to'qimasi bilan bog' lanmasdan paydo bo'lgan hollari tasvirlangan (qorin pardasi ortidagi kletchatka, ko'ks oralig'i, burun-halqum, ayollar jinsiy organlarida paydo bo'lgan rhabdomiosarkomalar). Bu o'sma yuqori darajada xavfli bo'lib, o'pka, teri, suyaklar, jigar, buyrak va boshqa organlarga gematogen yo'l bilan ko'p metastazlar beradigan bo'lishi bilan ajralib turadi. Operatsiya qilib olib tashlanganidan keyin yana qaytalanadi.

Rabdomiosarkoma makroskopik jihatdan olganda muskullar bag'rida joylashgan, diametri 20 sm gacha boradigan tugun ko'rinishida bo'ladi. Qo'lga yumshoq unnaydi, kesib ko'rilganida qon quyilgan, nekrozga uchragan va yumshab qolgan joylari ko'zga tashlanadi. Mikroskopik jihatdan olganda o'sma hujayralari juda xilma-xil shaklda, yani polimorf bo'ladi-yu, lekin o'zining tuzilishiga ko'ra embriogenezning turli bosqichlarini boshdan kechirayotgan murtak muskul hujayralariga o'xshab ketadi. Ularning orasida mayda-maya dumaloq

hujayralar uchraydi. Bu ulkan hujayralar tuxumsimon yoki duksimon mayda hujayralar, ko'p yadroli ulkan hujayralar shaklan miosimplastlarga o'xshagan bo'lishi mumkin. Ularning yadrolari g'alati shaklda, giperxrom, poliploid bo'ladi. Sitoplazmasi ko'p va gomogen, ba'zan unda miosfibrillalar uchraydi. Tuzilishiga ko'ra bu o'sma embriogenezning turli bosqichlaridagi muskullariga o'xshashi mumkin. Tomirlari kam bo'ladi.

## TOG'AY HOSIL QILUVCHI O'SMALAR

Bu o'smalarga osteoxondroma, enxondroma va xondrosarkoma kiradi.

### OSTEOXONDROMA

Osteoxondroma yoki suyak-tog' ay ekzostozlari tog'ay qavati bilan qoplangan suyak o'smasidir. Odatda uzun naysimon suyaklarning metafizlari sohasida, ayniqsa katta boldir va yelka suyaklarining pastki bo'limida bo'ladi. U yakka (soli-tar) va ko'p bo'lishi mumkin.

*Solitar osteoxondroma* asosan bolalar va o'smirlarda kuzatiladi va og'riqsiz o'tadi. To'la-to'kis suyaklanganidan keyin o'sishdan to'xtaydi.

*Ko'p bo'ladigan ekzostozlar* tabiatan irsiyatga bog'liq bo'lib, aksari chaqaloqlarda kuzatiladi va o'smirlik davriga yetguncha o'saveradi.

Bu o'smalar, ayniqsa irsiy xillarining klinik ahamiyati ularning qanchalik malignizatsiyalanib, xondrosarkoma yoki osteogen sarkomaga aylanib keta olishiga bog'liq.

### ENXONDROMA

Enxondroma (xondroma) gialin tog'aydan o'sib chiqadigan xavfsiz o'smadir. Yuqorida bayon qilingan ekzostozlardan farq qilib, suyakning spongioz qavida joylashadi. Aksari qo'l-oyoq panjalarining mayda suyaklarida paydo bo'ladi. Yoshlarda kuzatiladi. Yakka tugunlar bilan bir qatorda bolalarda kuzatiladigan va ko'p bo'ladigan enxondromalar (Olle kasalligi) ham tasvirlangan. Ko'p bo'ladigan epxonromalarning teri gemangiomalari bilan birgalikda uchrashi Maffuchchi sindromi deb yuritiladi.

Bu o'sma yarim tiniq bo'lakchalardan iborat juda qattiq tugun shaklida bo'ladi. Yuzasi siliq, rangi kulrang-moviy tusda. Ba'zan kortikal plastinkani chaqalaydi. Reaktiv tarzda suyak to'qimasi hosil bo'lishi mumkin. Mikroskop bilan tekshirib ko'rilganida enxondroma xondrositlari tartibsiz holda joylashgan yetuk gialin tog'ay tuzilishiga ega bo'ladi. Yirik tugunlarda miksomatoz, kalsinoz va ikkilamchi suyaklanish o'choqlari uchraydi.

Tugunlar ko'p bo'lganida jarayon malignizatsiyaga uchrashi mumkin. Enxondromada eroziv jarayonlar bo'lishi munosabati bilan og'riq boshlanadi, shish keladi. Kasallikka qo'shilgan suyaklar sinishi mumkin. Ikkinchisi tomondon, enxondroma simptomsiz ham otishi mumkin.

## XONDROSARKOMA

Qanchalik ko'p uchrashi jihatidan xondrosarkoma suyaklar xavfli o'smalari orasida osteosarkomadan keyingi ikkinchi o'rinni egallaydi. Uni osteosarkomadan ajratib turadigan bir qancha belgilari bor: 1) xondrosarkoma kishi umrinning birmuncha keyingi davrlarida (35 yoshdan keyin) paydo bo'ladi; 2) nisbatan sekin o'sishi bilan ajralib turadi; 3) oqibati birmuncha xayrli bo'ladi; 4) ko'proq chanoq suyaklari (keyingi navbatda son suyaklari, qovurg'alar) kasallanadi. Bu o'sma birlamchi tartibda yuzaga kelishi yoki enxondroma va ko'p bo'ladiqan ekzostozlarning malignizatsiyasi natijasida paydo bo'lishi mumkin.

**Patologik anatomiysi.** O'sma suyakning markaziy qismida ham, chetlarida ham (ya'ni kortikal yoki periostal tarzda) uchrashi mumkin. U yaxshi ajralib turmaydigan zich elastik yoki suyakdek qattiq bo'ladiqan tugun shakkida ko'zga tashlanadi. Ko'pincha bo'lakchali ko'rinishga ega bo'ladi. Yuzasi yaltiroq. Kesib ko'rilganida o'sma to'qimasi moviy-oq yarim tiniq massalar ko'rinishida bo'lib, unda sariq nekroz o'choqlari, ola-bula bo'lib turgan qontalashlar va ohaklanish zonalari ko'zga tashlanadi. Mikroskop bilan tekshirib ko'rilganida xondrosarkomaning bir qismi yuksak darajada tabaqalashgan o'sma tuzilishida bo'ladiki, shu munosabat bilan faqat gistologik tuzilishiga qarab uni enxondromadan ajratib olish, tafovut qilish anchagina qiyinchilik tug'diradi.

Qolgan hollarda xondrosarkoma uchun sezilarli hujayralar polimorfizmi, atipik mitozlar borligi, bitta hujayrada bir qancha yadrolar bo'lishi, bitta lukanada bir nechta xondroblastlar ko'zga tashlanishi xarakterlidir. O'sma matriksi kalsiylanishi yoki hatto suyaklanishi mumkin.

Xondrosarkomada enxondrial suyaklanish yo'li bilan suyak hosil bo'lishi tog'ay doirasida kuzatilishini yodda tutish muhim; holbuki, osteosarkomada osteoid bevosita o'sma hujayralaridan sintezlanib chiqadi. Xondrosarkoma sekinlik bilan o'sib boradi. 5 yilgacha umr ko'radigan kasallar soni 43 foizdan 90 foizgacha boradi.

## KO'MIK O'SMALARI

### YUING SARKOMASI

Yuing sarkomasi nisbatan kam uchraydigan, ko'mik bo'shlig'idagi jo'n mezenximal hujayralardan paydo bo'ladiqan xavfli o'smadir. Asosan erkak jinsiga mansub o'smirlarda (10—15 yashar bolalarda) kuzatiladi. Bu o'smaning eng ko'p bo'lib turadigan joylari oyoqning naysimon uzun suyaklari bilan chanoq suyaklaridir. Naysimon suyaklarning diafizlarida paydo bo'lishi hammdan ko'ra tipik bo'lib hisoblanadi.

Yuing sarkomasi tez o'sib borishi bilan ajralib turadi. Bu o'sma kortikal qatlamni yemirib, tez orada yumshoq to'qimalarga o'sib kiradi, o'pka, ko'ks oralig'i, buyrak usti bezlariga katta-katta metastazlar beradi. Periostdagagi reak-

tiv o'zgarishlar natijasida o'sma atrofida piyoq qavatlari o'xshab ketadigan konsentrik strukturalar paydo bo'ladi.

Bu o'sma oq yoki kulrang tusda, yumshoq bo'lishi bilan ajralib turadi, bunda bir talay nekroz o'choqlari va katta-katta qontalashlar ko'zga tashlanadi. Mikroskop bilan tekshirib ko'rilganida bu o'sma yadrosi dumaloq yoki tuxumsimon shaklda, sitoplazmasi och tusli kambar jiyak ko'rinishida bo'ladi monomorf mayda hujayralardan iborat bo'lib chiqadi. Bu hujayralarning chegaralari aniq ajralib turmaydi. Ularning zikh joylashib, sidirg'a maydonlar hosil qilishi tipik hodisadir, stroma sust ifodalangan bo'ladi. Hujayralar to'plami ba'zan septalar bilan bo'lingan bo'lakchalarga o'xshab ketadi. Hujayralarning sitoplazmasida glikogen granulalari bo'ladi. Yuing sarkomasining ta-baqalashmagan mayda-mayda dumaloq hujayralari metastatik neyroblastoma va limfomaga o'xshab ketadi. Shu munosabat bilan bu o'smalarni obdon tekshirib, diagnozni aniqlab olish kerak bo'ladi.

## TOMIR O'SMALARI

Tomir o'smalari jumlasiga quyidagilar kiradi: 1) o'zining tuzilishi jihatidan qon va limfa tomirlaridan farq qilmaydigan o'smalar — angiomalar (bular tabiatan xavfsiz o'smalar bo'lib, kapillar va kavernozi angiomalarga bo'linadi), 2) tabiatan birmuncha xavfli bo'ladi va endotelial hujayralardan iborat solid tuzilmalari borligi bilan ta'riflanadigan o'smalar. Bular qatoriga angioendoteliomalar va angiosarkomalar kiradi. Angiosarkomalar haddan tashqari ko'p darajada anaplaziyaga uchrashi bilan ta'riflanadi.

Angiomalar chinakam o'smalarni yoki tomirlarning tug'ma anomaliyalarini degan masala adapiyotda hamon bahsli bo'lib qolmoqda. Chunonchi, ko'pchilik angiomalar (kapillar va kavernozi angiomalar) bola tug' ilgan mahalda ham bo'ladi va u ulg' ayib borgan sayin kattalashaveradi. Biroq, ular pubertat, ya'nii o'smirlik davriga borib yoki bu davrdan ilgari regressiyaga uchrab, yo'qolib ketishi ham mumkin. Travma va trombozdan keyin ularning yo'qolib ketgani yoki uyushib, biriktiruvchi to'qima bilan almashinib qolgani tasvirlangan. Ko'pchilik tadqiqotchilar ayniqsa bolalarda angiomalar bo'lsa, bularni tinmay kuzatib borish («kuzatib, ko'z-quloq bo'lib turish») zarur deb hisoblaydi.

## ANGIOMALAR

Angiomalar qon tomirlari (gemangiomalar) yoki limfa tomirlari (limfangiomalar) dan iborat bo'lishi mumkin. Ular kapillar va kavernozi angiomalarga bo'linadi.

Kavernozi angioma qon va limfa tomirlaridan paydo bo'lishi mumkin. U ko'pincha badan terisi, shilliq pardalarda bo'ladi, lekin ichki organlarda, xususan jigarda ham uchrashi mumkin. Ahyon-ahyonda bosh miyada bo'ladi. Chaqaloqlarda kavernozi angioma odatda yuz, bosh terisida bo'ladi va katta bo'lishi bilan ajralib turadi.

Makroskopik tekshirishda ko'kimtir-qizil rangli tugun ko'rinishida ko'zga tashlanadi, kesib ko'rilganida g'ovaksimontuzilishda bo'lishi bilan ta'riflanadi. Diametri 2—3 sm keladi, chegaralari aniq bilinib turadi. Kavernoz gemangioma kattaligi va shakli har xil sinusoidlar tarzidagi tomirli bo'shliqlardan iborat tulzilmadir. Bu bo'shliqlar qon bilan to'lib turadi va bir-biri bilan tutashgan bo'ladi. Ko'pincha ayrim tomirli bo'shliqlarda tromboz paydo bo'ladi. Bo'shliqlar yassilangan bir qavat endotelial hujayralar bilan qoplangan va har xil qalinlikdagi biriktiruvchi to'qima qatlamlari bilan bir-biridan ajralgandir. Mana shu qatlamlarda elastik va silliq muskul tolalari uchraydi yoki ular fibroz to'qimadan iborat bo'ladi. Ba'zi bo'shliqlarning devorlari endotelial so'rg'ichilar bilan qoplangan.

Kavernoz angiomalar klinik jihatdan olganda ko'pchilik hollarda katta ahamiyatga ega bo'lmaydi. Biroq, ular bosh miyada joylashgan bo'lsa, ancha xavf-xatar tug'dirishi mumkin, chunki miyani bosib qo'yishi yoki yorilib, qon quyilishi sabab bo'lishi mumkin.

Kavernoz limfangioma kamroq uchraydi. Odatda, bo'yin yoki qo'ltiq osti sohasida joylashgan bo'ladi, kamdan-kam hollarda qorin pardasi ortidagi bo'shliqda uchraydi. Qavernoz limfangioma odatda ancha katta bo'ladi, bu narsa bo'yin, qo'ltiq osti chuqurchasi shaklini o'zgartirib qo'yadi. Kavernoz limfangioma xavfsiz o'smalar qatoriga kiradigan bo'lishiga qaramay yangi tomirlar paydo qilish yo'li bilan kattalashib boraveradi va infiltranib, atrofdagi to'qimalarga, jumladan bo'yin tomirlariga o'tishi mumkin. Kavernoz limfangioma juda kengayib ketgan va och tusli limfa bilan to'lib turgan tomirlardan tuzilgandir. Interstisial to'qimada ba'zan limfold infiltratsiya yoki yog', yohud muskul to'qimasi orolchalari uchraydi.

Yuqorida aytib o'tilganidek, kavernoz limfangioma zararlangan to'qima yoki organ shaklini o'zgartirib qo'yadi, shuning uchun ham jarrohlik yo'li bilan davo qilishni talab etadi. Residivlari bo'lgan hollar ham tasvirlangan.

Kapillyar gemangioma. Ichida qon aylanib yuradigan, bir-biriga zinch bo'lib taqalgan kapillarlar koptokchasidan iboratdir. Stromasi juda oz. Ba'zi tomirlarda tromboz boshlanib, keyin trombning uyushib borishi odatdag'i holdir. Kapillyarlarning devori endoteliy bilan qoplangan. Kapillyar gemangioma ko'pincha teri, teri osti kletchatkasi, og' iz bo'shlig'i shilliq pardalari va lablarida uchraydi. Makroskopik jihatdan olganda yuzi silliq yoki g'adir-budur turguncha ko'rinishida ko'zga tashlanadi va rangi och-qizil tusdan ko'kimtir tusgacha bora-di. Rangining qanday bo'lishi kapillarlarning nechog'lik chuqur joylashganiga va qon bilan nechog'lik ko'p to'lishib turganiga bog'liqdir. Bunday o'smalarning kattaligi bir necha millimetrdan bir necha santimetrgacha boradi.

Kapillyar gemangioma atrofdagi to'qima sathidan ko'tarilib turishi va kamdan-kam hollarda oyoqchali bo'lishi mumkin. O'sma ba'zan yuz yoki gavda ustki qismining kattagina joyini qoplab turgan yassi dog' ko'rinishida bo'ladi. Kapillyar gemangioma teri yoki shilliq pardalarda joylashgan hollarda ko'pincha chaqalanib, yaralar paydo qiladi. Gemangiomalar chaqalanganida qon ketishi ham mumkin.

**Gemangioendoteliomava angiosarkoma** angiomalarning xavfli xillari-dandir. Gemangioendoteliooma xavfsiz gemangiomalar bilan juda xavfli bo'ladigan anaplastik angiosarkoma o'tasida oraliq holatni egallaydi. Geman-gioendo-teliomada bir qadar tabaqalashib, ko'payib borayotgan endotelial hu-jayralar orasida tomirlar oson bilinib turadi. Angiosarkomada tomirlar aslida ko'zga tashlanmaydi. O'sma anaplaziyaga uchragan bir talay duksimon hujayra-lardan iborat bo'ladi. Onda-sonda ko'rinish qoladigan tomirlar endotelial hujay-ralar bilan qoplangandir. Bunday o'smalar ham xavfsiz angiomalalar uchraydigan joylarda uchrayveradiyu, lekin ular ancha katta, tabiatan soqid bo'lishi bilan ajralib turadi, ular ancha kam tomir otgan bo'lib, invaziv tarzda o'sib borish xususiyatiga egadir.

Plastiklar sanoatida ishlovchi kishilar jigarida angiosarkomalar paydo bo'lishi diqqatga sazovordir.

### GLOMUS-ANGIOMA

Nerv-tomir koptokchaları, ya'nı glomuslarından kelib chiqadigan xavfsiz o'smalar jumlasiga kiradi. Bu o'sma odatda kulrang-pushti rangli kichikroq (5 mm cha keladigan) tugun ko'rinishida bo'lib, bosib ko'rilganida bezillab turadi. Aksari yoshi qaytgan kishilarda kuzatiladi. Qo'l va oyoq panjalarida, asosan barmoqlarning tirnoqlari ornida kuzatiladi. Goho boldir, son, yuz, gavdada uchraydi. O'sma derma bagridan joy oladi. Glomusangiomada qon keltiruvchi arte-riyalar, arteriovenoz anastomozlar va qonni olib chiqib ketuvchi venalar bo'ladi. Anastomozlar atrofida, aftidan, taxassuslashgan perisitlardan iborat glomus hujayralari joylashadi. O'z tuzilishiga ko'ra, ular epitelial hujayralarga o'xshab ketadi.

Terida joylashgan o'sma dumaloq shaklda, qizg'ish-ko'kimdir tusda bo'lib, salgina ko'tarilib turadi va qattiqqina bo'lib qo'lga unnaydi. Tirnoq ornida joylashgan o'sma yangigina qon quyilib qolgan kichkina qontalashga o'xshab turadi. Glomusangiomani olib tashlash oson, shu munosabat bilan u kurabel, ya'nı davo qilsa bo'ladigan o'smalar qatoriga kiradi.

### KAPOSHI SARKOMASI

Kaposhi sarkomasining mana bunday bir necha xillari tasvirlangan: 1) klas-sik xili (50—80 yashar erkaklarda uchraydi); 2) endemik xili (Afrikaning tub aholisi bo'lmish o'smir va bolalarda kuzatiladi, Afrika xili deb ham ataladi); 3) epidemik xili (SPID bilan og'rigan bermorlarda paydo bo'ladi); 4) yatrogen xili (allogen organlar retsipyentlarida immuno-supressiv davo qilinayotgan mahal-larda paydo bo'ladi).

*Kaposhi sarkomasining klassik xili* 50—80 yashar erkaklarda boshqalarda-giga qaraganda 10—15 baravar ko'proq uchraydi. Bu o'sma asosan oyoqlarda yuzaga keladi va tabiatan kamroq xavfli bo'ladi. Kaposhi sarkomasida teri ham-madan ko'ra ko'proq zararlanadi. Kasallik terida yaxshi tomir otgan surunkali

yallig'lanish o'chog'iga o'xhash qizil-ko'kimdir tusli o'choq paydo bo'lishidan boshlanadi. Jarayon zo'rayib borgan sayin ba'zan simmetrik tarzda joylashgan bir talay tugunchalar yoki pilakchalar paydo bo'ladi, bular ko'payib va kattalashib borib, bir-biriga qo'shilib ketadi. Terining zararlangan joyi tugun-tugun bo'lib ko'kimdir tus oladi. Bir qancha hollarda limfa tugunlari, me'da-ichak yo'li, o'pka, jigar va boshqa ichki organlar jarayonga qo'shilib ketadi. Bu kasallik 30 foiz hollarda limfoma bilan birga davom etib boradi. Kasallar ortacha 10—15-yil umr ko'radi.

*Kaposhi sarkomasining endemik (afrika) xili.* Shimoliy Afrika aholisi ortasida ko'proq uchraydi. Berkitt limfomasi qaysi joylarda tarqalgan bo'lsa, Kaposhi sarkomasining bu xili ham o'sha joylarda tarqalgan. Erkaklardan ko'ra ayollarda ko'proq uchraydi. 2 yoshdan 13 yoshgacha bo'lgan bolalar, ayniqsa o'g'il bolalar ham bu sarkoma bilan og'riydi (o'g'il bolalarda kasallik qizlardagiga qaraganda 3 barobar ko'proq uchraydi). Nodulyar taxlitda bo'lgan maxallardagina tabiatan xavfsiz bo'ladi va klinikasi jihatidan klassik xildagi Kaposhi sarkomasiga o'xshab ketadi. Biroq, ichki organlar kamdan-kam zararlanadi. Jarayon aksari terini zararlaydi, limfa tugunlariga ham o'tishi mumkin. 35 foiz hollarda o'sma zararlangan teri ostidagi suyakka ham o'tadi. Yoshiga tolmagan bolalarda tarqoq limfoadenopatiya boshlanishi mumkin. Bu xildagi Kaposhi sarkomasi bilan og'rigan bemor kasallikning boshidan hisoblaganda 5—8 yildan keyin o'lib ketadi.

*Kaposhi sarkomasining epidemik xili SPID* bilan og'rigan kasallarda kuzatiladi. Jarayon qo'l-oyoqlar terisini zararlabgina qolmay, ichki organlarga, ayniqsa o'pka va me'da-ichak yo'liga ham tarqalib ketadi. Sarkomaning bu xili xavfli bo'lib, bemorlar 2-yil davomida opportunistik infeksiyalardan o'lib ketadi.

*Yatrogen Kaposhi sarkomasi* biror organ (masalan, buyrak) ko'chirib o'tkazilgan kasallarda ular immunosupres-sorlar bilan zo' berib davolanib borayotgan mahalda paydo bo'ladi. Teri va ichki organlar zararlanadi. Bu sarkoma tabiatan xavfsiz yoki xavfli bo'lishi mumkin. Olim hollari 30 foizni tashkil etadi. Immunosuppressorlar bilan davolash to'xtatilganida o'sma qaytib ketishi mumkin. Bu o'sma tabiatan virusga bog'liq deb taxmin qilinadi.

Kaposhi sarkomasi ko'pincha terini zararlaydi. Ichki organlarda kamroq (10 foiz hollarda) uchraydi. Klinik jihatdan ba'zan simmetrik ravishda joy oladigan pushti yoki to'q — qizil rangli bir talay tugunchalar va pilakchalar paydo bo'lishi bilan ta'riflanadi. Ular endi paydo bo'lib kelayotgan mahalda xavfsiz kapillar gemangiomaga yoki yaxshi tomir otgan surunkali yallig'lanish o'chog'iga o'xshab turadi. Biroq, vaqt o'tishi bilan kasallik zo'rayib boradi va takror biopsiya qilib ko'rilganida boyagi o'zgarishlarning sarkomaga aylanib borayotgani aniq ma'lum bo'ladi. Ayni vaqtida tuguncha va pilakchalar ko'payib, kattalashib boradi va bir-biriga qo'shilib ketadi. Tugunchalar ustidagi teri dag'allashib, tugun-tugun bo'lib qoladi, ko'kimdir tus oladi.

Mikroskopik jihatdan olganda Kaposhi sarkomasining to'rtta asosiy qismi tafovut etiladi: 1) proliferatsiyalib borayotgan endotelial hujayralar, bular hujayra qatlamlari yoki shakllangan yangi tomirlar ko'inishida bo'ladi; 2) gemo-

siderin o'tirib qolgan ekstravaskular gemorragiyalar (qontalashlar); 3) anaplastik fibroblastlar proliferatsiyasi; 4) granulyoma mahalidagi o'xshash yallig'lanish reaksiyasi.

Kaposhi sarkomasi Afrikada ko'proq uchraydi, tabiatan tajovuzkor bo'ladi, aksari limfa tugunlari, so'lak bezlari, ichakda kuzatiladi. SPID ustiga qo'shilganida og'iroq o'tadi, tabiatan tarqoq, disseminlangan bo'ladi.

## TELEANGIOEKTAZIYALAR

Teleangioektaziyalar o'sma jarayoni jumlasiga kirmaydi, balki tomirlarning odatdan tashqari kengayib qolgan joylaridir.

Ko'kimdir-qizil rangda zararlangan joydek bo'lib ko'zga tashlanadi. Shu joyning o'rtaсидаги томирлар ко'pincha kengayib ketgандек bo'ладида, ularning atrofi-дан radial ravishda joylashган ingichka томирлар chiqib kelади (o'rgimchaksimon teleangioektaziya). Teleangioektaziyalar ko'pincha homilador ayollarda va su-runkali jigar kasalliklari bilan og'rigan bennorlarda uchraydi. Teleangioektaziyaning paydo bo'lish sababi ikkala holda ham qondagi estrogenlar miqdorining ortib ketishidir deb hisoblanadi. Angioektaziyalar aslida talaygina bo'lib, badan terisi va shilliq pardalarda, jumladan me'da-ichak yo'lida ham uchraydi. Irsiy gemorragik teleangioektaziya (Rendu — Osler — Veber kasalligi) ham tasvirlangan, bu kasallik tug'ma bo'ladi va autosom-dominant tarzda nasldan-naslg'a o'tib boradi. Teleangioektaziyalar yorilib ketishi natijasida qontalashlar paydo bo'lishi bilan ta'riflanadi. Hayot uchun xavfli emas.

## UCHRAYDIGAN JOYI TAYINLIMAS EPITELIAL O'SMALAR

Epidermis, og'iz bo'shlig'i, siyidik chiqarish yo'llari va boshqa joydagи epitelidan o'sib chiqadigan o'smalar shu gu-ruhga kiradi. Ushbu bo'limda bu o'smalarni teri epidermisidan paydo bo'ladigan o'smalar misolida tasvirlaymiz.

Teri o'smalardan papilloma, ya'ni epidermisdan o'sib chiqadigan xavfsiz o'sma, yassi hujayrali rak, basal hujayrali rak hammadan ko'ra ko'proq uchraydi.

*Papilloma* epidermis hujayralaridan paydo bo'ladi. Tagi yоғон yoki ingichka tortgan gulkaram ko'rinishida bo'lib, kattaligi tariq donidan to yirik no'hat donidek bo'lishi mumkin. Mikroskopik jihatdan olganda papilloma epitelial qatlamning deyarli hamma xususiyatini saqlab qoladi. Hujayralari yetilgan bo'лади, mitozlar uchramaydi. Giperkeratоз kuzatilishi mumkin. Stromasi o'z tuzilishiga ko'ra dermadan farq qilmaydi. Papillomalar uchun to'qima atipizmi xarakterlidir.

Papilloma faqat teridagina emas, balki oraliq epiteliy yoki muguzlanmaydigan yassi epiteliy bilan qoplangan shilliq pardalarda (og'iz bo'shlig'i shilliq pardasi, chin ovoz boyamlari, buyrak ѡомлари, qovuq, siyidik yo'llari va boshqalarda) ham uchraydi.

Teri raki yoshi 65 dan oshgan odamlarda paydo bo'lувчи xavfli o'smaning hammadan ko'p uchraydigan xili. Bu rak o'z vaqtida olib tashlanadigan bo'lsa, 90 foiz hollarda kishi darddan batamom forig' bolib ketadi. Teri rakinining hamma xillari orasida 30 foiz hollarda yassi hujayrali rak uchrasha, 60 foiz hollarda bazal hujayrali rak uchraydi.


Teri raki bosh, bo'yin sohalarida, ya'ni badan terisining oftob ko'p tegadigan joylarida hammadan ko'ra ko'proq bo'ladi. Shu munosabat bilan teri rakinining janub mamlakatlarda shimoliy mamlakatlardagidan ko'ra ko'proq uchrashi diqqatga sazovordir. Demak, teri o'smalarining kelib chiqishida, ayniqsa xromosomalari uncha turg'unmas kishilarda, quyosh nurlarining ta'siri katta ahamiyatga ega, deb o'yash mumkin.

«Joydag'i rak» (cancer in situ) qizil-qo'ng'ir tusdag'i dog' ko'rinishida ko'zga tashlanadi. Yuzasida aksari giperkeratoz bo'ladi. Rak ichkariga qarab o'sganida bu dog' teri yuzasi ustidan ko'tarila boshlaydi. O'smaning o'rta qismi nekrozga uchrab, kratersimon chuuqurcha hosil qiladi. Rakning «cancer in situ» bosqichida gistologik jihatdan olganda giperplaziyaga uchragan atipik hujayralarning tartibsiz ravishda joylashuvi hisobiga epidermis doirasida yo'g'onlashma paydo bo'ladi (111-rasm).

Hujayralar shakli, katta-kichikligi jihatidan har xil bo'lib, ularning yadro-lari ham polimorf, giperxromdir, atipik mitoz shakllari uchraydi. Malignizasiyalangan hujayralar basal membrana doirasidan tashqariga chiqmaydi. Basal membrana yorilganida yassi hujayrali rak paydo bo'ladi, bunda o'sma hujayralari tortmalar hosil qiladi. Bular pastda yotgan toqimaga o'tib, uni yemiradi va uya to'plamlari hosil qiladi. Bular shunday tuzilganki, periferiyada joylashgan hujayralar basal hujayralarga mos keladi. Markazda joylashgan hujayralar esa birmuncha yetuk, muguzlanish layoqatini saqlab qolgan bo'ladi. Ana shunday paytlarda hosil bo'ladigan muguzli massalarni «rak durlari» deyiladi. Bular muguzlanuvchi yassi hujayrali rakning patognomonik belgisidir. Muguzlanuvchi yassi hujayrali rak teri va shilliq pardalarning hammadan ko'p tabaqalashgan raki jumlasiga kiradi. Terining muguzlan-maydigan yassi hujayrali raki kamroq tabaqalashgan deb hisoblanadi. Teri raki limfogen yo'l bilan regionar limfa tugunlariga metastazlar beradi (112-rasm).

Yassi hujayrali (epidermal) rak teridagina emas, balki ko'p qavatlari yassi epiteliy bilan qoplangan shilliq pardalarda (og'iz bo'shlig'i, qizilo'ngach, bachardon bo'ynda) ham kuzatiladi. Bundan tashqari, silindrsimon epiteliy ko'p qavatlari yassi epiteliyiga aylangan mahallarda (metaplaziya hollarida) rak bronxlarda, qovuqda paydo bo'lishi mumkin.

Bazal hujayrali karsinoma (bazalioma). Bu o'smaning o'z xususiyatlari bor. O'sib borib, mahalliy destruksiyyaga sabab bo'lgani holda rakning bu turi metastazlar bermaydi. Bazaliomaning manbai teri ortiqlari epiteliysi yoki epithelial kistalarining basal hujayralaridir deb hisoblanadi. Rakning bu xili badani oq va yoshi qaytib qolgan kishilarda ko'proq uchraydi. Ko'z qovoqlari va burun sohasidan joy oladi (113-rasm).



111-rasm. Bachadon bo'ynidagi «cancer in situ» rak.

Bazalioma bir qadar qattiqlashgan, ko'pincha yara bo'lib ketgan yassi pilakcha ko'rinishida bo'ladi. Mikroskopik jihatdan olganda o'sma to'q bo'yalgan yuma-loq yoki duksimon mayda hujayralardan tuzilgan bo'lib chiqadi, bu hujayralar-ning sitoplazmasi chambar gardishidek bo'lib turadi (114-rasm). Bu hujayra-lar o'z tuzilishiga ko'ra epidermisning bazal hujayralariga o'xshab ketadi-yu, ammo ularda hujayraaro ko'prikhalar bo'lmaydi. Tarkibida har xil miqdorda melanin bo'ladi. O'sma hujayralari pastda joylashgan to'qimaga o'tib boruvchi va akantotik tortmalarga o'xshab ketadigan tortmalar hosil qiladi. Bu tortmalar-ning periferiyasida prizmatik hujayralar joylashgandir. Bularda mitoz shakkllari bo'lmaydi, ulkan hujayralar, sezilarli darajadagi morfologik anaplaziya ko'zga tashlanmaydi. O'sma sekinlik bilan, necha-necha oyalar va yillar davomida o'sib boradi. Ba'zan u yaxlit bir tuzilma, ya'ni derma va chuqurroqda joylashgan struk-turalarga chuqur kirib boradigan vazndor ko'rinishida o'sib boradi yoki keratin bilan o'ralgan kistalar, mikrokistalar ko'rinishida bo'ladi. Ba'zi o'smalarning hu-jayralarida pigment bo'lganligi uchun ular pigmentlanadi.

Bir qancha hollarda o'sma multisentrik bo'ladi. Ko'pchilik hollarda baza-liomaga muvaffaqiyat bilan davo qilish mumkin. Atigi 1/3 hollardagina o'sma qaytalanadi (retsidiv). Bazaliomaning keratinlanishi uning biologik xossalarni o'zgartirmaydi.



112-rasm. Yassi hujayrali teri raki.



113-rasm. Yuz terisining sezilarli toqima destruksiyasiga sabab bo'lgan bazal hujayrali karsinomasi.



114-rasm. Bazaliomaning mikroskopik tuzilishi. O'sma hujayralari orolchalari va tortmalari dermaga o'tgan.

## MELANIN HOSIL QILUVCHI TO'QIMADAN PAYDO BO'LADIGAN O'SMALAR

Bu o'smalar va o'smasimon tuzilmalarning paydo bo'lish manbai melanositlardir. O'smasimon tuzilmalarga pigmentli nevuslar, chin o'smalarga *melanoma-lar* kiradi.

### PIGMENTLI NEVUSLAR

*Pigmentli nevuslar (hollar) terining rivojlanish nuqsoni bo'lib, nevus hujayralidan tashkil topgan dog'lar yoki tuzilmalar paydo bo'lishi bilan ta'riflanadi.* Nevuslar odatda melanositlar bo'ladigan joylarda, ya'ni badan terisi, shilliq pardalar, ko'z konyunktivasi va tomir yo'lida joylashadi. Nevuslar tarkibida melanin pigmenti ko'p bo'lishi bilan ajralib turadi. Ular embrional davrda neyroektodermal nerv nayi tojidan melanoblastlar epidermisning bazal qatlamiga o'tgan mahalida paydo bo'ladi. Bola tug'ilgan mahalda nevuslar odatda ko'zga tashilanmaydi. Ular bolalik davrida ma'lum beradi va o'rta yasharlik davrida hammadan ko'payadi. Ularning soni 10 dan 40 gacha boradi.

Nevuslarning hammasini uchta asosiy toifaga ajratish mumkin:

1) ko'p uchraydigan oddiy nevus (badanda bo'ladigan oddiy hol); 2) kam uchraydigan nevuslar: pigmentli tug'ma ulkan nevus, moviy nevus, murakkab nevus (epiteliod va duksimon hujayrali nevus) va galonevus; 3) displastik nevus. Nevuslarning hozir aytib o'tilgan hamma turlari o'sma paydo qildigan manba bo'lib qolishi mumkin. Lekin tug'ma ulkan nevus bilan displastik nevus shu jihatdan hammadan ko'ra ko'proq xavfli bo'lib hisoblanadi.

Turmushda orttirilgan oddiy nevus aksari kishi hayotining dastlabki ikki o'n yilligida paydo bo'ladi. U yuz, gavda, qo'l-oyoq panjalari terisida joylashadi. Uning rivojlanishida uch davr tafovut qilinadi. Birinchi davrida nevus hujayralarining uyalarini bazal qatlam doirasida epiteliy ichida joylashadi. Ikkinci davrida nevus ham epiteliy ichidan, ham derma ichidan joy oladi. Uchinchi, davri nevus hujayralari uylarining faqat derma ichida joylashgan bo'lishi bilan ajralib turadi. Nevusning derma ichidan joy olishi odatda kishining yoshi o'ttizdan oshganidan keyin kuzatiladi. Yosh qaytib qolgan davrda nevus aksari regressiyaga uchraydi, nevus hujayralari derma ichkarisiga botib, bularni mayda-mayda dumaloq va o'simtali hujayralarga aylantirib qo'yadi.


Badanda uchraydigan hol to'q jigarrangdan qora ranggacha bo'lgan yuzasi silliq yassi tuguncha ko'rinishida bo'lib, diametri 1 sm dan ortmaydi. Mikroskop bilan tekshirib ko'rilmaganida dumaloq shaklli uyalar ko'rinishidagi nevus hujayralari epidermis bilan derma o'rtasidagi chegarada, asosan dermaning so'rg'ichli qatlamida joylashgan bo'ladi. Bu hujayralar dumaloq, cho'zinchoq yoki poligonal shaklda bo'lib, yirikkina dumaloq yadrosi borligi bilan ajralib turadi.

Bir qancha hollarda nevus hujayralari uyası epidermisning bazaqlatlamidan joy oladi va aniq chegaralarga ega bo'ladi. Odamning yoshi ulg'aygan sayin ulardagagi pigment miqdori kamayib borishi mumkin. Shuning natijasida ular pushti yoki badan tusidagi tugunchalarga aylanadi. Tug'ma ulkan pigmentli nevus katta bo'lishi bilan ajralib turadi. Nevusning bu xili odatda gavda, bo'yin, qo'l-oyoqlar terisining kattagina qismini egallaydi. Aksari yoqa, englik yoki nimcha ko'rinishida bo'ladi. Rangi har xil: gungurt-kulrang, jigarrang, qora bo'lishi mumkin. Mikroskop bilan tekshirib ko'rildiganida nevus hujayralarining dermada joylashgani ko'zga tashlanadi, shu bilan birga dermaning ustki qatlamlarida ular tuxumsimon shaklda, yadrolari dumaloq, to'q rangli, sitoplazmasi bazofil bo'ladi. Dermaning birmuncha chuqurroq qatlamidagi nevus hujayralari mayda va kam sonli bo'lib, biriktiruvchi to'qima katlari bilan ajralib turadigan ingichka tortmlar va zanjirchalar hosil qiladi.

Murakkab nevus kurra shaklida bo'lishi bilan ajralib turadi. Och jigarrang, jigarrang yoki qora rangda bo'lib, qo'lga zich, qattiqqina bo'lib unnaydi. Nevus hujayralari katta-kichik uyalar hosil qiladi, bular yo epidermis bilan derma chegarasida, yoki derma ichida joylashgan, aniq chegaralarga ega bo'ladi (115 -rasm). Chuqur qatlamlardagi nevus hujayralari cho'ziq shaklga kirib qoladi.

Galonevus (Satton kasalligi) derma ichida joylashgan nevus bo'lib, ko'pincha vitiligo (pes) bilan birga uchraydi. Asosan gavda, qo'l terisida uchraydi va tabiatan ko'p bo'ladi. Goho u yuz terisida ham uchraydi, diametri 4—5 sm gacha boradigan dumaloq yoki tuxumsimon shakldagi qizil-jigarrang tusli tugunchadan iborat bo'ladi. Galonevus teri ustidan andakkina ko'tarilib turadi va aksari pigmenti yo'qolib ketgan och tusli teri gardishi bilan o'ralgan bo'ladi. Galonevus giperkeratoz va akantoz hodisisi bilan birga uchraydi. Nevus hujayralari ko'p burchakli shaklda, pufakchasiyona yadroli bo'ladi. Lekin duksimon shaklli nevus hujayralari ham uchraydi.

Moviy nevus — aksari yuz, bilak va qo'l panjalari terisida bo'ladi. Asosan ayollarda uchraydi. Moviy nevus teri ustidan ko'tarilib turmaydigan dumaloq, tuxumsimon elastik dog' yoki tuguncha ko'rinishida ko'zga tashlanadi. Uning yuzasi silliq va chegaralari aniq-ravshan bo'lib, diametri 4 mm dan 2 sm gacha boradi. Moviy nevus rangi har xil—havorang-kulrang tusdan to to'q ko'k rang-gacha bo'ladi. Nevus hujayralari mayda to'plamlar ko'rinishida dermada chuqur joylashadi. Bu hujayralar shakli duksimon, yadrolari cho'ziq va sitoplazmasi kam hajmi bo'lishi bilan ta'riflanadi. Dermaning chuqur bo'limlaridagi nevus hujayralari teri osti kletchatkasiga o'tishi mumkin.



115-rasm. Murakkab nevus. Dermada va derma bilan epidermis o'rtasidagi chegarada nevus hujayralarining uyalari topiladi.

Displastik nevus de novo tarzda kelib chiqishi yoki hujayralari hali yetilmagan oddiy nevusdan paydo bo'lishi mumkin. Displastik nevus yuqorida bayon qilingan nevus xillaridan quyidagilar bilan farq qiladi: 1) u ko'proq hollarda o'sma manbai bo'ladi; 2) bir oila a'zolarida uchrashi mumkin (oilaviy displastik nevus sindromi); 3) makroskopik, mikroskopik tuzilishi jihatidan farq qiladi, uni melanomadan ajratib olish qiyin; 4) bosh, dumba, sut bezlari terisida joylashgan bo'lishi ham mumkin. Displastik nevus diametri 1 sm dan ortiqroq, uning chegaralari noto'gri shaklda, rangi ancha har xil — pushti rangdan to'q jigarrang tusgacha bo'ladi. Tashqi ko'rinishi jihatidan melanomaga o'xshab ketadi. Nevus hujayralari epidermisning faqat bazal qatlamida yoki bir yo'la derma ichida va epiteliy ichida joylashgan bo'lishi mumkin. Gistologik jihatdan olganda displastik nevus hujayralarida mitozlar paydo bo'lib, ularda melanin miqdori ko'payib qolgani, hujayra atipizmi borligi bilan farq qiladi.

Nevuslar melanoma paydo qila oladigan manba bo'lishi mumkinligi tog'risida gapirilar ekan: 1) badanida nevuslar soni ko'p bo'lgan kishilarda o'sma paydo bo'lish xavfi kattaroq bo'lishini, 2) melanomalar *de novo* tarzida yuzaga kela olishi va faqat 1/3 hollardagina nevuslar o'sma paydo qiladigan manba bo'lishi mumkinligini ayтиб o'tish kerak; 3) shu jihatdan olganda pigmentli ulkan tug'ma nevus, ayniqsa «oilaviy displastik nevus sindromi» bo'lganida displastik nevus hammadan ko'p xatarli bo'lib hisoblanadi.

## XAVFLI LENTIGO

*Xavfli lentigo displastik nevus bilan tarqalib ketadigan yuza melanoma o'rtasida oraliq holatni egallaydi.* Xavfli lentigo ko'pincha yuz terisida bo'ladi, lekin badanning ko'p oftob tegib turadigan ochiq qismalarida ham paydo bo'lishi mumkin. Chetlari notekis, sepkilga o'xshab ketadigan jigarrang tusli o'choq ko'rinishida bo'ladi. Atipik melanositlar derma ichida epidermis bazal membranasiga nisbatan radial yo'nalishda joylashadi. Bu hujayralarning katta-kichikligi va shakli har xil (dumaloq, duksimon) va yirik-yirik yadrolari bo'ladi. Sitoplazmasida bir talay melanin topiladi. Bir qancha hollarda dermada ichi melaninga liq to'lgan

makrofaglari uchraydi. Hujayralat tasu difsapraziyalarangagi noiga Keigamuan Keyin dermaga o'tadi, bunda dermada limfotsitlar va makrofaglardan iborat kattagina infiltratsiya paydo bo'ladi. Mana shu bosqichda xavfli lentigo tarqalib ketadigan yuza melanomaga o'xshaydi.

## MELANOMA

*Melanoma (melanoblastoma, melanokarsinoma, melanosarkoma, melanostoma) — melanin hosil qiluvchi hujayralardan paydo bo'ladigan xavfli o'sma.* Melanomaning dastlabki o'chog'i terida, goxo me'da-ichak yo'li (og'iz bo'shlig'i, qizilo'ngach, anus), yuqori nafas yo'llari shilliq pardalarida, ko'z soqqasi, miya pardasida uchraydi. Melanoma aksari odamning 40 yoshidan 60 yoshgacha bo'lgan davrida paydo bo'ladi. Teri melanomasi badanning har qanday joyida bo'lishi mumkin, lekin tananining quyosh nurlari tegib turadigan joylarida (qo'l-oyoq, yuz terisida) ko'proq kuzatiladi. Sezilarli pigmentatsiya bo'lishi fiziologik hodisa hisoblanadigan kishilarda (negrlar, hindlarda) melanoma odatda badan terisining pigmentatsiya kam ifodalangan joylarida (masalan, qo'l-oyoq kaftlarida) uchraydi. Melanoma paydo bo'lishiga yo'l ochadigan xavfli omillar qatoriga quyosh nurlari ta'siridan tashqari, badanning oftobdan kuyishi, nevusning shikastlanishi kirishini ayтиб o'tish kerak.

**Patologik anatomiyasi.** Melanoma tuxumsimon yoki dumaloq shakldagi papilloma, yara yoki boshqa bir tuzilma ko'rinishida ko'zga tashlanishi mumkin. Melanositdagi melanin miqdori har xil bo'ladi. Morfologik va klinik xususiyatlarga ko'ra melanomaning ikkita asosiy shakli tafovut qilinadi: 1) *tarqalib boradigan yuza melanoma* va 2) *tugunsimon melanoma*. O'smaning terida asosan qaysi tomonga o'sishiga qarab radial va vertikal o'sish fazalari tafovut qilinadi. Radial o'sishda o'sma hujayralari epidermisning shox qatlamiga qarab va epithelial qatlam doirasida radial tarzda o'sib boradi. Vertikal o'sish fazasida o'sma hujayralari dermaga uning lentikulyar qavati va teri osti kletchatkasiga chuqr kirib boradi. Melanomalar o'sishining fazalari va tabiatini aniqlab olish klinik jihatdan katta ahamiyatga ega, chunki melanomaning vertikal o'sishi o'smaning ancha tajovuzkor bo'lib, metastazlar berishiga dalil bo'ladi.

**Tarqalib boradigan yuza melanoma** epidermis qalinlashib qolgani, giperkeratoz borligi bilan xarakterlanadi. Ba'zi joylarda epidermis o'rnnini sitoplazmasi och tusda va yadrolari giperxrom bo'ladigan yirik atipik melanositlar egallaydi. Ba'zi o'sma hujayralarida gardsimon pigment kirimlari ko'zga tashlanadi, bu narsa o'smaning radial o'sish fazasi uchun xarakterlidir. Vertikal o'sish fazasida o'sma melanotsitlari ancha mayda bo'ladi, dermaning chuqr qatlamlari va teri osti kletchatkasida topiladn. Ularning atrofida o'rtacha limfoplazmotsitar infiltratsiya bo'ladi.

**Tugunsimon melanoma** ko'kimtir-qora yumshoq tugun yoki pilakcha ko'rinishida bo'lib, teri ustidan ko'tarilib turadi, diametri 1 sm dan 3 sm gacha boradi. Bu o'sma butun epidermisga tarqaladi, shunda epidermis ba'zan yara

bo'lib ketadi. Faqat vertikal o'sish fazasi bo'lishi bilan ajralib turadi, bunda o'sma melanositlari dermaning so'rg'ichsimon va to'rsimon qatlamlariga va teri osti kletchatkasiga o'tib boradi (116-rasm).

Melanoma hujayralari shakli va katta-kichikligi jihatidan juda har xil, ularning orasida melanositlarning 4 ta asosiy turi tafovut qilinadi: 1) yirik yadrolari bo'ladigan epiteliysimon melanositlar. Ularning och rangli va kattagina hajmli sitoplazmasida pigmentlar topiladi, 2) dasta-dasta bo'lib to'planadigan duksimon hujayralar. 3) dumaloq yoki tuxumsimon shaklda bo'ladigan, giperxrom yadroli nevussimon mayda hujayralar, 4) mayda-mayda giperxrom yadroli borligi bilan ajralib turadigan ballonsimon hujayralar.



116-rasm. Melanomaning nodullyar (tugunli) xili.  
Anaplatziyaga uchragan hujayralar dermaga o'tgan.

Bir qancha hollarda o'sma pigmentsiz bo'ladi. Mellanomaning tuginsimon shakli limfogen va gemotogen yo'l bilan metastaz beradi, teri va teri osti kletchatkasida barvaqt mahalliy va olis metastazlar hosil qiladi. Melanoma gematogen yo'l bilan tarqalganida o'pka va jigar hammadan ko'ra ko'proq zararlanadi.

Gistologik tekshirish natijalariga qarab, melanoma infiltrativ o'sishining beshta har xil bosqichlari tafovut qilinadi. I bosqichida o'sma epidermis doirasida joylashgan bo'ladi. II bosqichida o'sma melanositlari basal membranadan dermaning so'rg'ichli qatlamiga o'tadi. III bosqichi so'rg'ichli qatlamning o'sma hujayralariga to'lishi bilan tariflanadi, bunda o'sma hujayralari to'rsimon qatlamgacha yetib boradiyu, lekin unga o'tmay turadi. IV bosqichda o'sma hujayralari to'rsimon qatlamga o'tib ketadi (invaziya). V bosqichi teri osti kletchatkasida o'sma hujayralari bo'lishi bilan tariflanadi.

O'smada mitozlar kop bo'ladi, qon quyilgan va nekrozga uchragan joylar ko'zga tashlanadi. O'sma yemirilganida bir talay melanin va promelanin qonga o'tib, melaninemiy va melaninuriyaga sabab bo'ladi.

Melanomani barvaqt aniqlab olish, yani o'sma hujayralari hali basal membranaga o'tmagan va metastazlar bo'lмаган mahalda kasallik diagnozini aniqlash klinik jihatdan katta ahamiyatga ega.

## XIII Bob

### GO'DAKLAR VA BOLALAR KASALLIKLARI

TUG'RUQ DAVRI TRAVMALARI	GO'DAKLARNING TO'SATDAN
NAFAS OLİSHNING BUZILISHI	O'LIB QOLISHI SINDROMI
SINDROMI	GO'DAKLAR VA BOLALarda
PERINATAL İNFEKİSYALAR	UCHRAYDIGAN O'SMALAR VA
PERINATAL SEPSIS	O'SMASIMON JARAYONLAR
HOMILA VA CHAQALOQLARNING	XAVFSIZ VA O'SMASIMON ZARA-
GEMOLITIK KASALLIGI	RİLANİSHLAR
CHAQALOQLARNING GEMORRAGIK	XAVFLİ O'SMALAR
KASALLIGI	VİLMS O'SMASI

Ushbu bobda katta yoshdag'i bermorlar kasalliklaridan tubdan farq qiluvchi go'daklar va bolalar kasalliklari ko'rib chiqiladi. Kasalliklar perinatal davrda boshlanadi va aholining ushbu qismida yuzaga keluvchi kasallanish va o'lim darajasiga keskin tasir ko'rsatadi. Masalan, Yevropa mamlakatlari va AQSHda tug'ma nuqsonlar, chaqaloq vaznining kamligi, go'daklarning to'satdan o'lib qolishi (krovatchada o'lib qolish) 12 oylik go'daklar o'limining asosiy sabablari hisoblanadi. Keyingi yosh guruhlarida bolalar o'limining asosiy sabablari sifatida tug'ma anomaliyalar, o'smalar, yurak kasalliklarini ko'rsatish mumkin. Bolalar shuningdek, o'pkalar, yurak, diafragma rivojlanishining tug'ma nuqsonlari, asfiksiyalar tufayli ham o'lishi mumkin.

Markaziy Osiyoda go'daklar o'limining asosiy sabablari, bu – pnevmopatiyalar, chaqaloqlarning gemolitik kasalliklari, homila ichi infeksiyalanishi, nafas olishning buzilishi sindromidir.

Ma'lumki, chaqaloqning yashab qolish uchun imkoniyati hayotining har keyingi haftasida oshib boradi. Masalan, chaqaloqlarning o'lim darajasi hayotining birinchi haftasida ikkinchi haftaga nisbatan 10 marta oshiqdir. Va yana shu ham ma'lumki, Chaqaloqlarning o'lim darajasini kamaytirishda tug'ruqqacha bo'lgan davrda ayollar sog'lig'i to'g'risida qayg'urish, ekstragenital kasalliklarni davolash, o'lik tug'ilishning oldini olishga qaratilgan chora-tadbirlar chaqaloqlar o'lim darajasini kamaytirishda muhim o'ringa ega. Bolaning xar bir rivojlanish davrida turli xil kasalliklar paydo bo'ladi.

Bolaning rivojlanish davrlarini to'rt davrga bo'lish mumkin: 1) *neonatal davr (hayotining 4 haftasi)*; 2) *go'daklik - birinchi yili*; 3) *hayotining 1-4 yillari*; 4) *5-14 yosh*.

Kindik kesilgan vaqtidan boshlab, yurak va o'pkalar orqali qon aylanish jarayoni tubdan o'zgaradi. Nafas olish funksiyasi qonning oksigenasiyasi bilan bog'liqidir. Tana harorati va boshqa gomeostatik konstantalarning doimiyligi chegaralanadi.

Ma'lumki, 2500 g vazn bilan tug'ilgan chaqaloqlarning 1/3 qismi to'liq etilmagan. Shundan kelib chiqadiki, homilaning bachadon ichidagi rivojlanishing sust ketishi chaqaloqning kichik gestatsion yosh bilan tug'ilishiga olib keladi. Homilaning qorin ichidagi rivojlanishining kechikishi chaqaloq vaznining meyordagidan 5-10% ga kamaygan hollarida ham kuzatiladi. Balanqin qorin ichida rivojlanishiga go'dak parametrlarini ul'tratovushli tekshirish orqali ham tashxis qo'yish mumkin. Uning natijalari homilaning qorin ichida rivojlanishining kechiktirilishiga sabab bo'luvchi uch omilning borligi haqida guvohlik beradi: embrional, platsentar va onaga tegishli (onalik). Embrional omil onaning adekvat ovqatlanishiga qaramay go'dak rivojlanishining buzilishi bilan ajralib turadi. Go'dak rivojlanishining buzilishiga olib keluvchi omillarga xromosomalarining zararlanishi, tug'ma anomaliyalar va tug'ma infeksiyalar kirdi. Xromosomalarining zararlanishi homilada 17% hollarda, rivojlanish nuqsonlarini ultratovush yordamida aniqlaganda 66% hollarda aniqlanadi. Birinchi guruhda xromosomalarining zararlanishi triploidiya, trisomiya, deletsiya, translokatsiya ko'rinishida uchraydi. Homila ichi infeksiyasi homila rivojlanishi kechikishining barcha hollarida uchraydi. Bu sitomegalovirusli infeksiya, qizilcha, zahm, toksoplazmozdır. Homiladorlikning uchinchi *trimestrida* embrionning sezilarli o'sishi kuzatiladi. Bu esa yo'ldoshning kuchli ravishda qon bilan ta'minlanishini taqozo etadi. Buni iloji bo'lmanida esa turli xil qorin ichidagi rivojlanish nuqsonlari paydo bo'ladi. Yo'ldoshda qon aylanishining buzilishi kindik va yo'ldosh tomirlari (kindikning yagona arteriyasi, yo'ldosh gemangiomasi) anomaliyasi, yo'ldoshning yorilib ketishi (uzilishi), yo'ldoshning homiladan oldinda yotishi, yo'ldosh infarkti va tomirlar trombozi, yo'ldoshning infeksiyalanishi kabilarda yuzaga kelishi mumkin. Ba'zi hollarda yo'ldosh ko'rinarli sabablar-siz ham kichkina bo'lishi mumkin.

*Yo'ldoshning chegeralangan mozaitsizmi* – qorin ichidagi rivojlanish nuqsonlarining yaqinda ochilgan sababi bo'lib, 2% homiladorlik holatlarida kuzatilgani qayd etilgan. Xromosoma mozaitsizmi zigota hosil bo'lgandan so'ng rivojlanadigan genetik mutatsiyaning natijasidir.

Zigota hosil bo'lganidan keyingi birinchi yoki ikkinchi bo'linishdan so'ng yuzaga keluvchi gen mutatsiyalari embrion va yo'ldoshning umumlashgan mozaitsizmining natijasidir. Va aksincha, agar mutatsiya trofoblast va ichki hujayraviy massalarning ekstraembrional progenitor hujayralarining bo'linish vaqtida yoki undan so'ng paydo bo'lsa genetik buzilishlar platsentar mozaitsizm bilangina cheklanadi.

Platsentar mozaitsizmning fenotipik oqibatlari spetsifik sitogenetik og'ishlar (farqlar) va jarayonga tortilgan hujayralar foiziga bog'liqdir. Xromosoma trisomiyasi ko'proq uchraydi.

Embrionning qorin ichidagi rivojlanishining kechikishida onaning sog'lig'i muhim ahamiyatga ega. Chunki bo'lajak onaning sog'lig'iga ziyon keltiruvchi va bu bilan yo'ldoshning qon bilan ta'minlanishini pasaytiruvchi ko'pgina omillar mavjuddir. Bularga tomir kasalliklari, toksemya va surunkali gipertensiya,

chekish, alkogolizm va narkomaniyaga moyillik, dori vositalarini istemol qilish kiradi. Shuningdek, markaziy asab tizimining buzilishlari, gipoglikemiya, eshitish va ko'rishning pasayishi ham muhim ahamiyatga ega.

## TUG'RUQ DAVRI TRAVMA (JAROHAT)LARI

Tug'ruq davri travmalari ham go'dak, ham hayotining birinchi yili davomi-dagi bolaning o'limiga sabab bo'lishi mumkin. *Tug'ruq davri travmasi, bu-qorin ichi yoki intranatal davrdagi patologiyasi bilan bog'liq bo'lgan homila a'zolari va to'qimalarining tug'ruq davrida shikastlanishi.* Bosh, skelet tizimi, jigar, buyrak usti bezlari, periferik nervlar tug'ruq davridagi travmalar tufayli shikastlanishi mumkin. Tug'ruq davri travmalari bilan bog'liq kasalliklar o'tkir bo'lishi (masalan, suyak sinishlari) yoki keyinroq yuzaga kelishi (masalan, miya yoki nervlar shikastlanganidan so'ng) mumkin. Kalla ichi travmasi eng jiddiy jarohat hisoblanadi. Chaqaloqning boshiga qisqichlarni qo'yish, uzoq davom etuvchi tug'ish, gipoksiya, gemorragik buzilishlar, kalla ichi tomirlari anomaliyalari tug'ish vaqtidagi kalla va miya jarohatlanishiga moyillik yaratuvchi omillardir.

*Kalla ichiga qon quyilishi (gemorragiyalari)* miyaning qattiq pardasidagi te-shiklar orqali yoki miya tomirlarining yorilishi tufayli paydo bo'lishi mumkin. Miya moddasi teshik yoki qontalashlar ko'rinishida bo'lishi va qorincha ichiga yoki miya moddasiga qon quyilishi rivojlanishi mumkin.

Qon quyilishining sabablari, shuningdek tug'ma anevrizmaning yorilishiga bog'liq bo'lмаган holda kalla ichiga qon quyilishi havflidir. Chunki kalla ichi bosimining to'satdan oshib ketishiga, miya moddasining shikastlanishiga va uning katta ensa teshigi orqali yorib kirishiga olib kelishi mumkin. Bundan tashqari qon quyilishi hayot uchun muhim markazlar funksiyasining depressiyasini keltirib chiqarishi mumkin.

*Kefalogematomma* ancha ko'п uchraydigan tug'ruq davri travmalaridan biri bo'lib, meyorida kechadigan tug'ish jarayonlarida ham uchraydi. Miyaning yumshoq to'qimalarida interstisial suyuqlikning to'planishi bilan ifodalanadi. Qon quyilishi skalpda paydo bo'lishi mumkin va shish, qon aylanishining sustlashishi va bo'rtib chiqishiga olib keladi. Shikastlanishning bu shakllari unchalik katta bo'lмаган klinik ahamiyatga ega bo'lmay, homila kallasi va tug'ruq yo'llari o'lchamlarining nomutanosibligi tufayli yuzaga kelgan kalla sinishidagi qon quyilishni boshqa qon quyilishlardan differensirovkalash (farqlash)dagina ishlatiladi.

## NAFAS OLISHNING BUZILISHI SINDROMI

*Chaqaloqlar pnevmopatiyalari, bu-o'pkalarning yallig'lanish tabiatiga ega bo'lмаган zararlanishi bo'lib, ko'pincha vaqtidan oldin tug'ilgan chaqaloqlarda uchraydi.* Pnevmpatiyalarning 3 turi farqlanadi: o'pkaning birlamchi atelektazi, shishli-gemorragik sindrom, aspiratsion sindrom va gialinli membranalar kasalligi.

O'pkaning birlamchi ateletkazi o'pkalar hajmining kichrayishi bilan ifodalanadi va bunda ular plevra bo'shlig'ining 1/2 - 2/3 hajmini egallaydi. Qirralari o'tkir, ildizoldi qismlarni berkitmaydi, sergo'sht, kulrang-ko'kish rangli, uncha katta bo'lмаган pushti-qizil rangli o'choqlardan iborat. Mikroskop ostida yozilmagan respirator parenximani, distelektaz o'choqlari (yoriq shaklidagi qisman yozilgan alveolyar yo'llar) ni ko'rish mumkin. Boshqa organlarda esa gipoksiyaga xos bo'lgan patologik o'zgarishlar kuzatiladi (tomirlardagi suyuq holdagi qon, seroz pardalarga qon quylishi, o'tkir venoz to'laqonlik, bosh miya va uning pardalaridagi shish).

**Chaqaloqlarda kuzatiladigan shishli-gemorragik sindrom** ko'proq ekstragenital patologiya (kamqonlik, O'RFI, Rh-immunizasiya) li va og'irlashgan akusherlik anamnezi bo'lgan onalardan vaqtidan oldin tug'ilgan chiqaloqlarda rivojlangan.

Shishli-gemorragik sindromning rivojlanishiga chiqaloqning ahvoli ham tasir ko'rsatgan (tug'ilgandagi kichik vazn, yo'ldoshning muddatdan oldin ko'chishi, uzoq suvsizlik davri, tug'ish faoliyatining birlamchi sustligi, kesarev kesimi).

Chiqaloqlar o'limining bevosita sababi, bu – asfiksiya. O'lik yorib ko'rolganda anatomik jihatdan o'pkalarning shishganligini, kattalashganligini, zichlashgаниni, kesilgan yuzasidan olingan kesimida esa katta miqdordagi qizil suyuqlik oqib tushishini ko'rish mumkin.

Mikroskop ostida o'pka to'qimasida yetilmagan respirator parenxima va bronxiolalar bo'shlig'i, alveolyar yo'llarda yirik qon quylishlar va stroma, alveolalarning shishganligi, gemolizni kuzatish mumkin.

**Gialinli membranalar kasalligida** asfiksiya o'limning asosiy sababidir. O'lik yorib ko'rolganda o'pkalar plevra bo'shlig'ining 2/3 qismini egallagan, havosiz, to'q qizil rangli, qattiqlashgan.

Mikroskop ostida respirator parenximaning terminal (chegaradosh) qismlari ateletkatzini, kengaygan yo'llar va bronxiolalardagi gialinli membranalarni, respirator bronxiolalarning kengayganini ko'rish mumkin.

Mak Manus usulida bo'yalganda gialinli membranalar alveolalar va bronxiolalar devoriga tutashgan zinch qizil moddalar holida ko'ringan.

## PERINATAL INFESIYALAR

Perinatal davrda uchraydigan infeksiyalar 2 xil yo'l bilan yuzaga keladi: tug'ruq yo'llari bo'ylab (yuqoriga yo'nalgan infeksiya) va transplasentlar tarzda (gematogen yo'l bilan). Yuqoriga yo'nalgan infeksiyada kasal qo'zg'atuvchilar endometriyni zararlantiradi, gematogen yo'l bilan tarqalganda esa qorindagi homilaga asosiy (sistema) qon aylanish tarmog'i orqali keladi va xorion vorskalarini zararlantiradi.

**Yuqoriga yo'nalgan infeksiyada** kasal qo'zg'atuvchilar – bakteriya va viruslar homilaga homilador ayloning vaginasi yoki bachardon bo'yni orqali yetib boradi.

Kasallik bevosita tug'ishdan oldin yoki homiladorlik davri davomida yuqishi mumkin. Chaqaloqning muddatdan oldin tug'ilishi infeksiyalangan amniotik qopchaning yallig'lanish yoki prostaglandinlarning ajralishi natijasida shikast-lanishi yoki yorilib ketishi tufayli yuz berishi mumkin.

Kindikning yallig'lanishi (funkulit) va xorionamnionit birligida doim ham qorindagi homilaning infeksiyalanish darajasi bo'yicha o'zaro bog'langan bo'lmaydi. Qorindagi homilaga kasallik amniotik suyuqlik orqali yuqqanida pnevmoniya (zotiljam), sepsis, meningit kabi infeksiyalar rivojlanishi mumkin.

**Transplasentlar infeksiyalar.** Ko'pgina parazitar, virusli infeksiyalar va kam-roq darajada bakterial infeksiyalar (listerioz) organizmga transplasentlar yo'l bilan xorion vorsinkalari orqali yuqadi. Kasallik gestasiyaning istalgan vaqtida yoki juda kam hollarda homilador ayolga zararlangan qonni quyish vaqtida yuqishi mumkin.

Virus turli xildagi hujayralar bilan bog'lanib olgunicha replikasiya faqat eritroid qatori hujayralaridagina sodir bo'ladi va shu sababli go'dakning eritroid qatori progenitor hujayralarida sitopatogen effektning vujudga kelishi bo'yicha tashhisni kechroq muddatlarda amalga oshirish mumkin.

TORCH-infeksiyaga toksoplazmnoz, qizilcha, sitomegalovirus, herpes virusi va boshqa virusli va bakterial qo'zg'atuvchilar kiradi. Keltirib chiqaradigan patologik o'zgarishlar va klinikasining bir-biriga o'xshash bo'lgani uchun ular bir bobda ko'rib chiqilgan. Ularning klinikasi isitma chiqishi, ensefalit, xorioretinit, hepatosplenomegaliya, pnevmonit, miokardit, gemolitik anemiya, teri zararlanishlari (vezikulyar va gemorragik) dan iboratdir. Bunday infeksiyalar dastlabki (erta) gestatsion davrda paydo bo'ladi va aqliy, jismoniy rivojlanishning ortda qolishi, katarakta, yurakning tug'ma nuqsonlari va suyak to'qimasi nuqsonlari-ning paydo bo'lishiga sabab bo'ladi.

## PERINATAL SEPSIS

Perinatal sepsis, ya'ni perinatal davrda rivojlangan sepsis bu davrdagi eng og'ir patologiyalar qatoriga kiradi. Bizning ilmiy tadqiqotlarimizga ko'ra u ham o'lik tug'ilgan, ham yangi tug'ilgan chaqaloqlarda uchrashi mumkin. Qorin ichida rivojlangan sepsisidan o'lgan homilalarni yorib ko'rganda odatda chala tug'ilish, to'liq rivojlanmaslik belgilari, homila gipotrofiysi, teri va ko'rinish turadigan shilliq pardalarning sariqligini kuzatish mumkin. Ko'pincha ichak parezi, hepatomegaliyanı ko'rish mumkin. Mikroskop ostida yurak, jigar, buyrakdag'i granulematoz yallig'lanish kuzatiladi. Timus bo'lakchalari atrofiyalangan, hujayralari kam bo'lib, taloq va limfa tugunlarida oq pulpaning atrofiysi kuzatilgan. Buyrakning egri-bugri naychalari epiteliysi distrofiyalangan, ba'zi joylarda nekrozga uchragan va ko'chgan.

Chaqaloqlarda kindik halqasi, o'pka va oshqozon-ichak yo'li infeksiyaning kirish yo'llari va septik o'chog'i bo'lishi mumkin. Shunga ko'ra kindik, o'pka va ichak sepsislari farqlaniladi. Kamdan-kam hollarda chaqaloqlarda yatrogen pa-

tologiya sifatida infeksiyaning kirish yo'li va septik o'chog'i bo'lib xizmat qiluvchi kateterizatsiya qilganda rivojlanadigan o'mrovosti va kindik venalarining yiringli tromboslebitini ko'rsatish mumkin. Chaqaloqlarda ko'proq septicsemiya (yoki sistemali yallig'lanish javobi – SYAJ), kam hollarda septikopiemiya kuzatilgan.

Kindik sepsisida septik o'choq uchun kindik qoldig'inинг seroz-yiringli yallig'lanishi (omfalit arteriit bilan yoki kindik tomirlarining flebiti) xosdir. Kindik chuqurchasi giperemiyalangan, shishgan, yiringli po'st bilan qoplangan, ba'zida jarayon atrofdagi yumshoq to'qimalarga ham tarqaladi va shunda flyuktatuatsiya kuzatiladi va flegmona rivojlanadi. Kindik qoldg'i siqilganida yoki kesib ko'rilganida undan yiring ajraladi. Kindik sepsisida ko'pincha septikopiemiya, kam hollarda esa septicsemiya kuzatiladi. O'pka sepsisi uchun o'pkada seroz-yiringli yoki yiringli pnevmoniya va uning absesslashuvi ko'rinishidagi septik o'choqning bo'lishi xosdir. Pnevmonik o'choqlar ko'pincha o'choqli-quyiladigan (oqadigan), kam hollarda esa butun bo'lakni egallagan yoki ikki tomonlama bo'ladi. Ichak sepsisida o'tkir gastroenterokolit septik o'choq bo'lib xizmat qiladi.

Kirish yo'llari va septik o'choqning lokalizasiyasiga bog'liq bo'lмаган holda septicsemiya teri va ko'rinish turuvchi shilliq pardalarning sariqligi, ularning rang-parligi bilan namoyon boladi. Oshqozon-ichak yo'li, siyidik chiqaruv yo'llari, seroz pardalar, o'pka, timus, kam hollarda – buyrak ustি bezlariga turli xildagi qon quyilishlarini ko'rish mumkin. Tomirlar endrteliysi va endokard shishgan va tomirlar devori fibrinoid bo'kkan. Parenximatoz a'zolar – jigar, buyrak, miokard, o'pkalarda interstisiyning yallig'lanishli infiltratsiyasi, gepatotsitlar, kardiomiotsitlar va buyrak naychalarи epitelisining yog'li yoki oqsilli distrofiyasini ko'rish mumkin. Limfold a'zolarda mieloid infiltrasiyani, oq pulpaning atrofiyasi, timusda – aksidental involyusiya va atrofiya kartinasini, bo'lakchalar kichraygani ni, ulardagи hujayralarning kamligini, Gassal tanachalarining ko'pligini kuzatish mumkin. Mikrosirkulator oqim tomirlarida vaskulitlar natijasida hosil bo'lgan mikrotromblarni aniqlash mumkin. Ko'pchilik chala tug'ilgan chaqaloqlarda to'liq etilmaganlik oqibatida DVS – sindrom rivojlangan. Kasallikning keyingi va og'ir bosqichi bo'lgan septikopiemiya turli a'zolarda rivojlanuvchi yiringli metostatik o'choqlar – o'pka, buyrak, jigardagi absesslar, yiringli meningit yoki meningoensefalitlarni kuzatish mumkin. Parenximatoz a'zolarda ko'proq distrofik va nekrotik o'zgarishlar namoyon boladi.

Homila va chaqaloqlardagi o'tkir respirator-virusli infeksiya qorin ichidagi infeksiyanishning ifodasi sifatida baholanadi. Tashxis nafas yo'llaridan olingan izli surtmalarни mikroskopik va immunofluorescent tekshirishlar dan so'ng qo'yiladi va ko'pincha autopsiya orqali ham aniqlash mumkin. Patologoanatomik tekshiruvlarda odatda pnevmoniyanı ko'rish mumkin. Barcha a'zolarda to'laqonlikni aniqlash mumkin.

**Makroskopik jihatdan** tekshirilganda traxeya va yirik bronxlarning shiliq pardasi o'zgarmagan yoki engilgina giperemiyalangan. Visseral plevrada mayda qon quyilishlar kuzatiladi. O'pkada mayda to'q qizil rangdagи zichroq

o'choqlarni, yuzasining kesimidan qon bilan bo'yalgan ko'pikli suyuqlik oqib tushishini ko'rish mumkin.

Mikroskop ostida qon aylanishining sezilarli buzilishlari foni ostida pnevmomonik o'choqlar bilan navbatma-navbat almashinuvchi ateletkaz va distelektaz o'choqlarini, interstisiyning shishgani va uning mononuklear infiltratsiyasini kuzatish mumkin.

Alveolalarning yallig'lanish o'choqlarida leykositlar, eritrotsitlar va deskvamatsiyalangan alveolositlardan iborat seroz-gemorragik ekssudat to'plangan. Bronxlarda silindrik epiteliyning distrofik va deskvamativ o'zgarishlari kuzatiladi. Miokard, jigar va buyraklarda distrofik o'zgarishlar, buyrak naychalari epitelisining diskvamatsiyasini ko'rish mumkin.

Bosh miyada shish belgilari, og'ir hollarda – o'tkir bo'kish, kapillarlarda staz, perivaskular limfogistotsitar infiltrasiyalar kuzatiladi. Timusda turli darajadagi aksidental involyusiya rivojlanadi.

**Chaqaloqlarda uchraydigan o'tkir gastroenterokolit yuqish mexanizmiga** ko'ra ante-, intra- va postnatal bo'lishi kuzatildi. O'lik yourib ko'rulganda sust ifodalangan eksikoz, ichak parezi kuzatiladi. Ko'pincha gastroenterokolit, kam hollarda enterokolit aniqlanadi. Oshqozon va ichakning shilliq pardasi giperemiyalangan, shishgan, yuza qatlamlarida qon quyilishlar va nekroz mayjud. Bu qatlamlarning diskvamatsiyasi natijasida eroziyalar hosil bo'ladi. Shilliq osti pardasi ham shishgan va giperemiyalangan. Boshqa parenximatoz a'zolar (yurak, jigar, buyraklar)da toksik distrofiya kuzatiladi.

## **HOMILA VA CHAQALOQLARDA UCHRAYDIGAN GEMOLITIK KASALLIK**

*Homila va chaqaloqlarda uchraydigan gemolitik kasallik tug'ma kasallik bo'lib, eritrotsitlarning kuchli parchalanishi (gemoliz) va gemoliz mahsulotlarining organizmga toksik tasiri bilan bog'liq boshqa bir qator simptomlar (shishlar, kam qonlik) orqali namoyon bo'ladi. Kasallik asosida ona va homila qonlari o'tasidagi rezus faktori yoki AV0-sistema bo'yicha konflikti tufayli yuzaga keladigan immunologik qarama-qarshilik yotadi. Kasallikning uchta klinik-morfologik shakkllari farqlanadi: shishli, sariqlik va kamqonlik (anemik). Kasallikning shishi shakli eng og'iri bo'lib, anasarka va bo'shlqlar istisqosi, terining oqorganligi va tiniqligi, shuningdek gepatosplenomegaliyaning rivojlanishi bilan boshqa shakkllardan ajralib turadi. O'lim odatda antenatal yoki chaqaloq hayotining birinchi soatlarida sodir bo'ladi. Homila qorin ichida nobud bo'lsa, homila atrofidagi suvlari toqimalarning maseratsiyasi yoki yumshashiga olib keladi. Jigar va taloq kattalashgan. Yurak miokardning shishishi hisobiga kattalashib, o'pkalar transsudat tufayli qisilib qolgan. Gistologik tekshiruv natijasida jigar, taloq, limfa tugunlar, buyrak va timusda ekstramedullyar qon yaratish o'choqlari (eritroblastoz) mavjudligi kuzatiladi. Jigar, buyrak ustilari, bosh miyada distrofik va mikrobiotik nekrobiotik o'zgarishlarni ko'rish mumkin. Buyraklarda – embrional koptokcha-*

larning keng zonalari ko'rinishidagi to'liq yetilmaganlik belgilari gemosideroz sezilarli darajada emas.

Gemolitik kasallikning sariqlik shakli teri, skleralar va ko'rinib turuvchi shilliq pardalarning ikterikligi (sariqligi) bilan xarakterlanadi. Kasallikning ikki turi mavjud: tug'ma va tug'ruqdan keyingi.

Morfologik o'zgarishlar bilirubinning ekspozitsiya vaqtiga bog'liqidir. Bili-rubinning yuqori ko'rsatkichlarida bilirubinli ensefalopatiya rivojlanadi. Kalla yorib ko'rulganda miyaning shishishi aniqlanadi. Po'stloq osti yadrolari sariq rangga bo'yaladi. Gepatosplenomegaliya kasallikning shishli shakliga qaraganda kuchsizroq ifodalangan.

Mikroskopik tekshiruvlar natijasida po'stloq osti yadrolari neyrositlarining distrofiyasi va nekrozi, nevronlar distrofiyasi aniqlanadi. Jigarda – eritroblastoz, gemosideroz, xolestaz, taloqda esa to'laqonlik, gemosideroz, eritroblastoz ko'rinadi.

Mikrosirkulator oqim tomirlarida endoteliy proliferatsiyasi va o'choqli desk-vamatsiyasi aniqlanadi. O'pkada – sariqlik, distelektazlar, o'choqli qon quylishlar. Kasallikning kamqonlik (anemik) shaklida terining rangparligi, visseral a'zolarda to'laqonlik, sezilarli bo'limgan gepatosplenomegaliya va sariqlikning yo'qligiga e'tibor qaratiladi.

## CHAQALOQLARDA UCHRAYDIGAN GEMORRAGIK KASALLIK

Chaqaloqlarda uchraydigan gemorragik kasallik tug'ilgandan keyingi dast-labki kunlarda ichki va tashqi qon ketishlar bilan xarakterlanadi. Patologo-anatomik tekshiruvlar natijasida barcha to'qima va a'zolar, hususan, o'pkada to'q qizil rangli gematomalarni topish mumkin. O'pkadagi qon quylishlar butun boshli bir bo'lakni yoki bir qancha segmentni egallaydi, jigarda esa subkapsulyar gematomalar ko'rinishida bo'ladi. Gematoma zonasidagi jigar kapsulasi yo'rulganda qon qorin bo'shlig'iqa tarqaladi. Qon quylishlar, shuningdek buyrak ustı bezlari, buyrakning ham po'stloq, ham mag'iz qatlamlari, oshqozon-ichak yo'llining shilliq pardalarida ham paydo bo'lishi mumkin.

Miyaning yon qorinchalariga qon quylishlari mustaqil nozologik birlik sifatida ajratilgan. Odatta ular asfiksiya yoki kalla ichi tug'ruq davri travmasi bilan birga uchraydi. Patologoanatomik tekshiruvlar vaqtida qorinchalarga ikki tomonlama qon quylishlarini aniqlash mumkin, bunda ikinchisi bir oz kengaygan. Oqqan qon ivigan qonning quyligini bilan suyuq qon aralashmasi ko'rinishida bo'ladi. Qorinchalar epedimasi qon bilan imbibilangan, tomirlar chigali toraygan. Sinuslar ham ichki a'zolarda asfiksiyaga hos o'zgarishlar – o'tkir to'laqonlik, seroz pardalarga diapedez qon quylishlar, yurak va yirik tomirlarda-gi qonning suyuq holati kuzatiladi.

Diabetik fetopatiya qandli diabet bilan kasallangan yoki homiladorlik vaqtida giperglikemiya holatida bo'lgan ayollardan tug'ilgan chaqaloqlar yoki homilalarda rivojlanadi. Makroskopik jihatdan bola homiladorlik muddatiga to'g'ri

kelmaydigan darajadagi katta vazniga ega. Patologonatomik tekshiruvlar vaqtida gepato-, kardio- vasplenomegaliya kuzatiladi. Mikroskopik jihatdan jigarda ge-patsotsitlarning yog'li distrofiyasi, eritroblastoz o'choqlari, meda osti bezida esa Langerhans orolchalar giperplaziyasini ko'rish mumkin. O'pkada distelektazlar gialinli membranalar aniqlanadi va bu lipidlar almanishuvining buzilishi nat-jasidir.

## GO'DAKNING TO'SATDAN O'LIB QOLISHI SINDROMI

Go'dakning to'satdan o'lib qolish sindromi bir yoshgacha bo'lgan bolalarda kuzatiladi va ko'p sonli tekshiruvlarga qaramasdan haligacha oxirigacha aniq-lanmagan, chunki olim uyqu paytida yuz beradi (krovatkadagi o'lim).

Ko'p mamlakatlarda bu sindrom eng muhim ahamiyatga ega. Chunki u go'daklarning postnatal davrdagi o'limining eng ko'p uchraydigan sababidir. Butun dunyoda uning letalligi (o'lim bilan tugash darajasi) 1000 ta yangi tug'ilgan chaqaloqqa 1-5 ta o'lim hodisasini tashkil etadi. Krovatkadagi o'lim holatlarning taxminan 50% i birinchi 6 oyda, ayniqsa 2 va 4 oylar orasida sodir bo'ladi. Go'daklarning ko'pchiligi uyda uyqu vaqtida nobud bo'ladi. Bunda letallik hola-tidan oldin hech qanday o'pka kasalliklari yoki boshqa patologik jarayonlar yuz bermaydi. Sog'lom bola ko'karib, nafas olishi to'xtaydi.

**Etiologiyasi va patogenezi.** Go'daklarning to'satdan o'lib qolish sindromi turli omillar bilan bog'liqdir. Ona tarafidan: onaning yoshi (20 yoshgacha), qisqa intergestatsion interval, chekish, toksik preparatlarni qabul qilish, ko'ngildagidek bo'lмаган sotsial-ekonomik ahvol. Bola tomonidan kuzatiladigan xavfli omillar: etilmaganlik, yengil vazn va chaqaloqning jinsi (o'g'il bolalarda ko'proq uchray-di).

**Patologik anatomiysi.** Patologonatomik o'zgarishlar sezilarli emas va katta ahamiyat kasb etmaydi. Hamma holatlarda ham kuzatilavermaydi. Gistologik jihatdan boshdan o'tkazilgan infeksiya belgilari kuzatiladi, ammo buning letal-lik holatiga aloqasi yo'q. Markaziy asab tizimida cho'zinchoq miya astrogliozi ni ko'rish mumkin. Jigarda gemopoezzing ekstramedullar o'choqlarining mayjudligi, jigarrang rangli yog'ning paydo bo'lishi va xromaffin hujayralarning ko'payishi nospetsifikdir. Bir qator mualliflar bu o'zgarishlarga gipoksemiya, rivojlanishning sustligi va surunkali stress oqibati sifatida qarashadi. Shuningdek, o'pkaning may-da arteriyalari, yurakning o'ng qorinchasi devori qalinligining oshishi, yurakning o'tkazuvchi sistemasi tuzilishining buzilishi ham kuzatiladi.

Shunday qilib, autopsiya go'dakning to'satdan o'lib qolishi sindromining sabablari haqidagi savolga javob bera olmadidi. Ehtimol, yuqorida qayd etilgan patologik o'zgarishlar boshqa genezga egadir? Go'dakning to'satdan o'lib qolishi sindromining sababi sirligicha qolishiga qaramay, bu sindromning spetsifik buzi-lishlar tomonidan keltirilib chiqariladigan geterogenligi haqida fikrlar mayjud. Masalan, atsetil-koenzim-A-degidrogenazanining o'rta zanjiridagi nuqson ushu sindromga ega ba'zi go'daklarda aniqlangan. Va go'dakning to'satdan o'lib qolishi

sindromi rivojlangan holatlarning 10% i homilaning qorin ichidagi davrida metabolizm buzilishlari bilan bog'liqligi isbotlangan.

Go'dakning to'satdan o'lib qolishi sindromining klinik simptomlaridan biri sifatida apnoe va tana harorati regulyatsiyasining buzilishini ko'rsatish mumkin va bu etilmaganlik, tug'ilgandagi vazn va bachadonning holati kabi va boshqa xavfli omillar bilan bog'liqdir. Bundan tashqari, go'daklarda juda ham sezilarsiz darajadagi organizm tuzilishidagi o'zgarishlar rivojlanishi va bu birinchi 6 oyda go'dakning to'satdan o'lib qolishi sindromining yuzaga kelishiga sabab bo'lishi mumkin.

Go'dakning to'satdan o'lib qolishi sindromida cho'zinchoq miyada astroglioz kuzatiladi va, taxminlarga ko'ra, bu yurak-o'pka funktsiyasining dezintegratsiya-siga olib keladi.

Olingen ma'lumotlarni analiz qilib, shuni taxmin qilish mumkin-ki, go'dakning to'satdan o'lib qolishi sindromi geterogen va multiomilli kasallikdir. Shuni aytish mumkinki, kelajakda chuqur tekshiruvlarning o'tkazilishi bu sindromning noma'lum kasalliklar kategoriyasidan yaxshi tanish bo'lgan kasalliklar kategoriyasiga o'tishiga imkon yaratadi.

## GO'DAKLAR VA BOLALARDA UCHRAYDIGAN O'SMALAR VA O'SMASIMON JARAYONLAR

Bolalarda o'sma kasalliklari o'lim sabablari sifatida ko'rsatiladigan letallik holatlarining umumiyligi sonidan 9% ni tashkil etadi. Bolalarda rakka (sarotonga) nisbatan xavfsiz o'smalar ko'proq uchraydi. Faqat 2% go'daklar va bolalardagina xavfli o'smalar uchraydi.

Ba'zida morfologik kartinasiga qarab o'smani o'smasimon jarayondan ajratish mushkul. Geterotopiya atamasi mikroskop ostida kuzatilganda o'z joyida joylashmagan to'qima hujayralariga nisbatan qo'llanilishi mumkin. Masalan, geterotopiya oshqozon devori yoki ingichka ichakda oshqozon osti beziga xos bo'lgan hujayralarning paydo bo'lishini bildiradi. Yoki buyrak ustidan bezlari hujayralarining kichik guruhi buyrak, o'pka, tuxumdon yoki boshqa a'zolarda topiladi. Geterotopik hujayralar klinik jixatdan katta ahamiyatga ega emas, ammalarni o'sma deb o'yash mumkin. Kam hollarda ular chin o'sma bo'lishi mumkin, ammalni buyrak ustidan bezlарining Cr paradoxsi ko'rinishida tuxumdonlarda paydo bo'ladi. *Gamartoma* atamasi mazkur azo uchun nativ bo'lgan to'qima va hujayralarning ortiqcha o'sib ketishini bildiradi. Gamartoma tug'ma nuqson va gamartoma bilan xavfsiz o'sma orasidagi demarkasyon liniyalari o'sma o'rtasidagi oraliq mahsulotdir. Gemangioma, limfangiomma, yurak rabdomiomas, jigar adenomasi, buyrak, o'pka, oshqozon osti bezida kistalarining hosil bo'lishi ba'zilar tomonidan gamartoma sifatida, ba'zilar tomonidan esa chin o'sma sifatida tariflanadi. Bu holatlarning bolalar va go'daklar o'rtasida keng tarqalganligi ularni aberrasiya natijasi deb o'yashga asos yaratmaydi.

## XAVFSIZ O'SMALAR VA O'SMASIMON TUZILMALAR

Yuqorida qayd etilganidek, bolalarda xavfli o'smalarga qaraganda gamartomalar ko'proq uchraydi. Ularga gemangioma, limfovli toqima o'smalari, fibroz o'smalari, teratomalar kiradi.

Gemangioma go'daklarda eng ko'p uchraydigan o'smadir. Tuzilishiga ko'ra kattalar gemangiomasidan farq qilmaydi.

Bolalarda o'sma ko'proq terida, ayniqsa yuz, kallada joylashadi. Organning yuzasidan ko'tarilib turuvchi massa ko'rinishiga ega: noto'g'ri shaklli, qizil rangli. Bola o'sgani sayin gemangiomaning o'lchamlari kattalashishi mumkin, ammo ko'p hollarda regrezga yuz tutishi mumkin. Ba'zi mualliflar gemangiomaga tug'ma kasallik – Gippel Landau kasalligi sifatida qarashadi.

Kam hollarda tomirdagi o'smalar, ayniqsa jigar va yumshoq toqimalardagi o'smalar xavfli o'smalarga aylanib ketishi mumkin.

**Limfatik tizim o'smalari.** Ularga oldin mavjud bo'lgan limfatik tomirlar diliyatsiyasi bo'lmish limfangioektaziyalar, limfangiomalar kiradi va ular ko'proq terida paydo bo'ladi, ammo chucherroq joylashgan toqimalarda ham rivojlanishi mumkin. Limfangioma kistalar va kavernos tuzilmalarning mavjudligi bilan ajralib turadi. O'sma xavfsiz xisoblansada, suyuqlikning to'planishi hisobiga ham, bo'shlqlar hajmi va sonining ko'payishi hisobiga ham tug'ilgandan so'ng kattalashish tendensiyasi kuzatiladi. O'sma ko'ks oralig'i (sredostenie), qo'ltiq osti zonasidagi nerv ustuni (stvoli) kabi hayot uchun muhim tuzilmalarga o'sib kirishi (invaziyanishi) mumkin.

Limfangioektaziyalar esa, aksincha, qo'l-oyoqlarning bir qismi yoki butun qismining diffuz bo'rtishi ko'rinishida aniqlanadi va bu bilan qo'l-oyoqni deformasiyalab, spongiozni keltirib chiqaradi va atrofidagi toqimalarga tarqalmaydi. Murakkab kosmetik operatsiyani talab qilmaydi.

**Fibroz o'smalar** go'daklar va bolalarda uchraydi va ularning asosida duksimon shakldagi hujayralarning faol proliferatsiyasi (ko'payishi) – fibromatoz yotadi. O'sma kattalar fibrosarkomasidan farq qilmaydigan hujayralarga boy va to'satdan regressga uchrashi mumkin.

Ba'zi hollarda yumshoq toqimalarning fibrozli zararlanishida o'rtacha pushti rangdagi sitoplazmasida kistalari mavjud bo'lgan, hujayralarning turli nisbati kuzatiladi.

**Lipofibromatoz.** Go'daklar va bolalarda odatda solitar, ammo turli xil toqimalarda rivojlanib, multisentrik ko'rinishga kirishi ham mumkin.

**Teratoma** o'smaning mikroskopik tuzilishi va biologik fe'l-atvori o'rtasidagi mutanosiblikni namoyish etadi. U xavfsiz, yuqori darajada differensiyalangan, kistoz ko'rinishli yoki yirik xavfli teratoma ko'rinishida bo'lishi mumkin. O'smaning ikki turi farqlanadi.

Birinchi tur tug'ilgandan keyin ikki yil ichida kuzatiladi. Ikkinchisi esa kechroq – yoshlik davrida paydo bo'ladi. O'smaning uchraydigan joylari: bel-dumg'aza zonasasi, shuningdek urug'donlar, tuxumdonlar, koks oralig'i, qorin pardasi orti bo'shlig'i, bosh va bo'yin.

Bel-dumg'aza terotomasi har 20 mingta tug'ilgan chaqaloqdan bittasida uchraydi. Qiz bolalarda o'g'il bolalarga qaraganda 4 marta ko'proq uchraydi. Ba'zida perinatal davrda ham uchrab turadi. O'sma progressiyaga uchramaydi (taraqqiy etmaydi), tarqalmaydi va sekin o'sadi.

Taxminan 10% holatlarda bel-dumg'aza terotomasi tug'ma anomaliyalar bilan birgalikda keladi. Shularning 75% ida o'smalar gistologik jihatdan yetilgan va xavfsiz kechadi, va faqat 12 % iginan xavfli bo'lib, o'limga olib keladi. Qolganlariga yetilmagan gamartomalar sifatida qaraladi va ularning xavflilik potensiali to'qima elementlarining hajmiga bog'liqidir. Xavfsiz terotomalar eng ko'p miqdori go'daklarda, xavfli terotomalar esa kattaroq yoshdag'i bolalarda ko'proq uchraydi.

Metastazlar erta paydo bo'ladi va ko'plab a'zolar, shu jumladan jigar, o'pka, suyaklar bo'ylab tarqaladi. Shuningdek atrofdagi to'qimalar infiltratsiyasi va regionar limfatik tugunlar invaziysi ham kuzatiladi.

Ularning rivojlanishida 5 ta bosqich farqlanadi:

1. O'sma azo chegarasidan tashqariga chiqmagan holda, xuddi onalik o'chog'i atrofida o'sganday o'sadi.
2. O'sma o'zi paydo bo'lgan joyda o'sadi va ba'zida regionar limfa tugunlar ham jarayonga tortiladi.
3. O'sma o'zi paydo bo'lgan joy chegarasidan tashqariga chiqmagan holda va chegarasidan tashqarida ham tarqalishda davom etadi.
4. O'sma visseral a'zolar, distal limfatik tugunlar, yumshoq to'qimalar va suyaklarga invaziyalanadi.
5. Mayda hujayrali o'sma jigar, teri va suyak ko'migida infiltratsiyalanadi.

## XAVFLI O'SMALAR

Go'daklar va chaqaloqlarda rak xavfsiz o'smalarga qaraganda kattaroq yoshda paydo bo'ladi.

O'smalarning qaytalanishi va turlari. O'smalar bolalarda assosan gemoponetik tizim, asab tizimi, buyrak usti bezining mag'iz qatlami, retina, yumshoq to'qimalar, suyak tizimi va buyraklarda uchraydi. Kattalarda esa teri, o'pkalar, sut bezlari, prostata, yo'g'on ichakda joylashadi.

10 yoshdan kichik bolalarda quyidagi o'smalar eng ko'p uchraydi:

1. Leykemiyalar (ayniqsa o'tkir limfoblastik leykemiya);
2. Neyroblastoma;
3. Vilms o'smasi;
4. Gepatoblastoma;
5. Retinoblastoma;
6. Rabdomiosarkoma;
7. Teratoma;
8. Yuing sarkomasi;
9. Yuvenil astrositoma;
10. Medulloblastoma.

Bu o'smalar turli xil yosh guruhlarida rivojlanadi. Demak, 0-4 yoshli guruhlarida leykemiya, retinoblastoma, neyroblastoma, Vilms o'smasi, gepatoblastoma, rabdomiosarkoma, teratoma, shuningdek, asab tizimi o'smalari paydo bo'ladi. 5-9 yoshlarda esa leykemiya, retinoblastoma, neyroblastoma, gepatkarsinoma, yumshoq toqimalar sarkomasi, limfoma, Yuing sarkomasi, markaziy nerv tizimi o'smalari uchraydi. 10-14 yoshli bolalarda esa gepatokarsinoma, yumshoq toqimalar sarkomasi, osteogen sarkoma, qalqonsimon bez raki, Xodjkin kasalligi kuzatiladi.

Aytib o'tilgan o'smalarda «blastoma» (gepatoblastoma, nefroblastoma) atama-siga ko'proq duch kelamiz. Ularning histologik tuzilishi soddadir. Ular yumaloq shakldagi mayda hujayralardan va xuddi shunday yadrolardan iborat. Tashxis histologik tuzilish, shu jumladan elektron mikroskopiya asosida qo'yiladi.

**Morfologiyasi.** Bolalarda 25-35% hollarda neyroblastoma paydo bo'ladi. Boshqa o'smalar turli xil toqima va a'zolarda, ko'pincha paravertebral zona, orqa ko'ks oralig'i, bosh miyada paydo bo'ladi. O'sma kichik tosda, bo'yinda, miyada joylashadi. Juda kam hollarda neyroblastomalar boshda. Bo'yinda va oyoqlarda paydo bo'lishi mumkin.

Makroskopik jihatdan neyroblastoma kichkina tugunchadan 1 kg li yirik massa hajmigacha o'zgarishi mumkin. To'satdan regressga uchrashi. O'zidan so'ng fibroz toqima qoldirishi va unda kalsiy to'planishi mumkin. Neyroblastomaning oligodendrogliomaga aylanish holatlari kuzatilgan. O'sma inkapsulyasiyalangan bo'lishi mumkin, ammo ko'pincha atrofdagi organlarga invaziyanadidi. Masalan, buyrakka, buyrak venasiga, g'ovak venaga, ba'zida esa aortaga. Kesimda o'sma yumshoq konsistensiyasi, rangning kulrangligi, nekroz o'choqlari va qon quylishlarning mavjudligi bilan ajralib turadi.

Mikroskop ostida o'sma mayda dumaloq shaklli hujayralardan iborat bo'lib, ularning sitoplazmasi kam, yadrolari toq rangli.

## VILMS O'SMASI

Bolalarda eng ko'p uchraydigan buyrakning birlamchi o'smasi. Odatda 2-5 yoshlarda tashxis qo'yish mumkin. Biologik xususiyatlari va histologik tuzilishi o'sma va tug'ma patologiya o'rtasidagi uzviy bog'lilik haqida gapirishga imkon beradi.

**Morfologiyasi.** Anatomik jihatdan Vilms o'smasi yirik, yaxshi chegaralangan massadir. Kesimda kulrang rangdagi, qon quylish, nekroz o'choqlari va kistalari mavjud bo'lgan, yumshoq gomogen massa ko'rinishida aniqlanadi.

**Mikroskop ostida** nefrogenezning turli bosqichlarini aks ettiruvchi tuzilmalarni aniqlash mumkin. Shishning parenximasni blastoma, stroma hujayralari va epitelial komponentdan iborat. Epitelial komponentlar esa abortiv naychalar yoki koptokchalardan iborat. Stroma elementlaridan fibrositlar va miksoid hujayralarni ko'rish mumkin. O'smada kamdan-kam hollarda yassi epiteliy, silliq mushak, tog'ay, yog' toqimasi, osteoid va nerv toqimalari hujayralarini farqlash

mumkin. O'sma uchun anaplaziya, yirik yadrolari bilan ajralib turuvchi hujayralar xos bo'lib, bu terapiyadagi rezistentlikning sababidir.

Klinik belgilari: qorin bo'shlig'ida bir tomonlama yoki ikki tomonlama joylashgan massaning mavjudligi va uning kichik tosgacha borishi. Kasallikka xos simptomlar – gematuriya, qorin bo'shlig'idagi og'riq, gipertenziya.

---

## TAVSIYA ETILADIGAN ADABIYOTLAR

Абдуллаходжаева М. С., Полякова Г. А. Патология пересадки почки. — Ташкент: Медицина, 1988.

Абдуллаходжаева М. С. Современные представления о патогенезе сепсиса и синдроме воспалительной реакции. — Педиатрия №1, с. 124-128.

Авцын А. П. Введение в географическую патологию. — М. : Медицина, 1987.

Авцын А. П., Жаворонков А. А., Риш М. А., Строчкова Л. С. Микроэлементы. — М. : Медицина, 1991.

Давыдовский И. В. Общая патология человека. — М. : Медицина, 1995.

Саркисов Д. С., Пальцев М. А., Хитров Н. К. Общая патология человека. — М. : Медицина, 1995.

Струков А. И., Серов В. В. Патологическая анатомия. — М. : Медицина, 1993.

Цинзерлинг А. В. Этиология и патогенез острых респираторных инфекций. — Л. : Медицина, 1977.

Akkerman H. P. *Surgery pathology*. — New-York — London — Tokyo, 1995.

Burkit H. . Lowe J. *Basic Histopathology*. — New-York — Madrid — Tokyo, 1996.

Guttmann R. D., Bach F. N. . Clamen H. N. et al. *Ummunology*. — Michigan, 1995.

Gavan A. D., Macfarlane P., Callander R. *Pathology illustrated*. — Edinburg — London — Madrid — New-York, 1995.

Haglund U., Warson S., Lunberg D. *Sepsis, Sirs and Mods.* — Boras, 1995.

Kumar V., Cotran R., Robbins S. *Basic Pathology*. — Dallas — Boston, 1992.

Llaolsi I., Merino M., Brooks J. *Pathology*. — National Medical Series from Williams, 1991.

Robbins, Cotran, Kumar, Collins. *Pathologic Basis of Disease*. — Sixth Edition, 1999.

# FAN KO'RSATKICHI

## A

Abssess, 189  
Akatalazemiya, 49  
Aktinomikoz, 273, 349  
Albinizm, 80, 368, 374, 384  
Amiloid

kimyoviy tabiat, 58  
Antitelolarga bog'liq hujayralar disfunktsiyasi, 214  
Antrakoz, 403, 426  
Artyus fenomeni, 91, 214, 217, 218, 222, 223, 236, 243, 300  
Asbestoz, 428, 429  
Aspergillyoz  
ona qornidagi homilada uchraydigan xili, 350  
Assit, 423  
Autofagotsitoz, 44  
Autoimmun kasalliklar, 225, 226, 228, 229  
Autoliz, 102  
Autopsiya, 4, 5, 7  
Avitaminozlar, 30

## B

Bakteriyalar qo'zg'atadigan yuqumli kasalliklar  
difteriya, 27, 167, 186, 188, 215, 290, 291, 293, 295, 296  
qorin tifi, 16, 18, 90, 194, 281, 300, 301, 302, 303, 305  
salmonellyoz, 192, 306  
skarlatina, 297, 298, 299, 300, 365  
Bazalioma, 481  
Bens-Jons oqsillari, 61  
Berillioz, 403, 430  
Bevosita VICH tufayli paydo bo'ladigan ensefalopatiya, 254  
Bezgak  
ovale, 352  
Biologik omillar, 19, 27

## D

Degidratatsiya, 115, 164  
Dermatomikozlar, 273  
Desmoid, 469  
Diapedez, 115, 125

Difteriya, 33, 41, 273, 281, 290, 291, 293, 294, 295  
Displaziya, 114  
Distrofiya, 32, 37  
Dizenteriya (ichburug'), 273, 307

## E

Ekssudat, 186, 262, 297, 337  
Ekzantema, 290  
Emboiliya, 115, 143, 145, 146, 148, 154  
Enantema, 289  
Enxondroma, 473  
Eritrodiapedez, 176, 192

## F

Fagotsitoz, 166, 177, 217  
Fenilketonuriya, 368, 382  
Fibrinoid bo'kish, 52, 53, 54  
Fibroma, 467, 470  
Fibrosarkoma, 470  
Filoyoqlik, 107  
Flegmona, 190  
Furunkul, 188

## G

Galaktozemiya, 368, 383  
Gemangioendotelioma, 477  
Gematoma, 496  
Gemoglobinogen pigmentlar, 52  
Gemoliz, 73, 74, 127, 364  
Gemostaz, 116  
Genlar, 368, 372, 395  
Getchinson uchligi, 346  
Geterofagotsitoz, 44  
Gialinoz, 52, 54, 55  
Gialin-tomchili distrofiya, 35, 36  
Gidroperikardium, 164  
Gidropik distrofiya, 34  
Ginekomastiya, 106  
Giperkeratoz, 36, 37, 479  
Giperplaziya, 112  
Gipertrofiya, 19, 47, 106  
Gipoksiya, 19, 22, 23  
Gipovolemik shok, 154, 155, 158  
Glikogenozlar, 42, 368, 386

**G**  
Granulyomalar, 193, 194, 350, 354, 430  
Gripp, 273, 282, 283

**I**  
Ichak amyobiasi, 273, 355  
Immun reaksiyalar, 19  
Immunitet tanqisligi holatlari, 247  
Immunopatologik jarayonlar, 3  
Infarkt, 95, 96, 97  
Infeksiyon kasalliklar, 273, 274, 275, 277, 279, 281  
Inversiya, 399  
Irsiy kamchiliklar, 19  
Irsiy kasalliklar, 368, 369, 370, 373

**J**  
Joydag'i rak, 480

**K**  
Kaposi sarkomasi, 477, 478  
Kalsiy almashinuvining buzilishi, 84, 88  
Kamqonlik, 115, 122  
Kandidoz, 254, 255, 347, 348, 349  
Kanserogenet, 440  
Kapillyar gemangioma, 476  
Karbunkul, 189, 191, 322, 324  
Karioilitiz, 45  
Kasbga aloqador kasalliklar, 424  
Kimiyoiy birikmalar va dorilar, 24  
Klaynfeldter sindromi, 400  
Kombinatsiyalangan og'ir immunitet tanqisligi, 249  
Kompensator jarayonlar, 14  
Kvashiorkor, 404

**L**  
Labil hujayralar, 257  
Leykoderma, 80  
Leyomioma, 471  
Leysmanioz, 358  
Lipidogen pigmentlar, 52  
Lipoma, 469  
Liposarkoma, 470  
Lizosomal to'planish kasalliklari, 368  
Lizosomalar, 45, 48

**M**  
Marazm, 403, 405  
Melanin, 467  
Melanoma, 486, 487, 488  
Mikozlar, 347

**M**  
Mikroelementozlar, 403  
Miksoma, 470  
Mis yetishmovchiligi, 422  
Mukopolisaxaridozlar, 368, 392, 394  
Mutatsiya, 373

**N**  
Nekroz, 19, 43, 89, 90, 92, 97, 99, 189, 196, 238, 301, 326, 332, 430  
Neytral yog'lar almashinuvining, 52, 67  
Noma, 95

**O**  
Ohaklanish, 85  
Oqsil distrofialari, 52  
ortiqchaligi, 84, 251, 403  
Oziqlanishning buzilishi, 403

**P**  
Papilloma, 479  
Paragripp, 273, 284, 285  
Patomorfoz, 16  
Pellagra, 418  
Permanent hujayralar, 258  
Pigmentlar, 72  
Pigmentli nevuslar, 483  
Piogen membrana, 189  
Plazmorragiya, 115, 126  
Pnevmonokionozlar, 425  
Pnevmoniya, 329  
Podagra, 82, 83, 370

**R**  
Rabdomioma, 472  
Rabdomiosarkoma, 472, 500  
Raxit, 409  
Regeneratsiya, 257, 271, 272, 310  
Reklingxauzen kasalligi, 368, 375  
Respirator-sinsital infeksiya, 287  
Revmatoid artrit, 201, 217, 235, 236, 237, 238, 239

**S**  
Salmonellyoz, 305, 306  
Selektiv A immunoglobulin tanqisligi, 250  
Sellvegerning serebrogepatorenal, 49  
Semirish, 67

Sepsis, 362, 363, 364, 366, 367, 502  
Shish, 115, 160, 163, 164, 198, 293, 322, 418  
Shox moddali distrofiya, 36, 37  
Silikatolar, 403, 428  
Silikoz, 403, 427, 428  
sindromi, 16, 49, 50, 67, 118, 141, 143, 157, 159, 201, 226, 235, 240, 243, 245, 249, 250, 251, 288, 313, 363, 368, 372, 375, 380, 393, 394, 395, 397, 399, 400, 401, 402, 415, 423, 431, 432, 444, 465, 466, 473, 485, 497, 498  
Sistema sklerodermiyasi, 201, 239, 240, 241, 243  
Sitokininlar, 205  
Sitomegalovirusli infeksiya, 253, 254, 287, 289  
Sitoskelet, 49  
Skarlatina (qizilcha), 296  
Soxta muskatsimon jigar, 40  
Stabil hujayralar, 258  
Staz, 115, 127, 158  
Surunkali yallig'lanish, 59, 167, 180, 181, 182, 183, 198  
Suyak qadog'i, 265

## T

Tabiiy omillar, 19  
Teri raki, 480  
To'qima atipizmi, 450, 468  
To'qima emboliyasi, 151  
To'qima suyuqligi miqdorining, 116, 160  
Tomii fenomeni, 166  
Toun (o'lat), 315  
Tromb, 132, 136, 137, 139, 145, 146  
Tromboemboliya, 139, 145  
Trombotsitlar, 130, 131, 135, 353  
Tromboz, 115, 128, 134, 139, 141  
Tugunchali periarteriit, 243, 244, 245

## U

Uglevod distrofiyalari, 42, 52

## V

Vabo, 273, 281, 312, 314, 315  
Vegener granulyomatozi, 201, 245, 246  
Viruslar, 28, 207, 273, 274, 275, 279, 281, 445  
Visseral mikozlar, 273  
Vita'minlar yetishmovchiligi va ortiqchaligi, 406  
Vitiligo, 80, 81

## Y

Yallig'lanish, 42, 82, 108, 117, 166, 167  
Yo'lbars yuragi, 40, 41  
Yotoq yaralar, 94  
Yuing sarkomasi, 474, 475, 500

## Z

Zaxm, 192, 195, 200, 273, 341, 342

## O'

O'lim, 16, 99, 100, 102, 235, 284, 320, 478, 495  
O'smalar, 110, 139, 438, 439, 441, 447, 448, 450, 451, 453, 454, 456, 458, 463, 465, 466, 468, 500  
O'ta sezuvchanlik reaksiyalari, 209  
O'tkir yallig'lanish, 59, 166, 167, 175, 179, 180, 183, 198  
14, 21, 22, 26, 30, 43, 53, 54, 55, 69, 84, 85, 112, 116, 118, 131, 134, 135, 146, 155, 160, 172, 211, 227, 236, 286, 326, 369, 373, 374, 395, 396, 397, 399, 404, 422, 454, 461, 462, 463, 465, 501

## Q

Qizamiq, 28, 273, 289, 290  
Qon ketishi va qon quyilishi, 115, 126  
Qonni ivituvchi sistema, 132, 133  
Qorin tifi (ich terlama), 273, 300

## X

Xavfli lentigo, 486  
Xemotaksis, 166, 176, 179  
Xondrosarkoma, 474

## H

Hujayra alteratsiyasi, 22  
Hujayra atipizmi, 450, 451  
Hujayra distrofiyasi, 19, 34

# MUNDARIJA

SO'Z BOSHI.....	3
KIRISH.....	4
PATOLOGIK ANATOMIYANING MAZMUNI VA VAZIFALARI.....	4
PATOLOGIK ANATOMIYANING USULLARI.....	5
QISQACHA TARIXIY MA'LUMOTLAR.....	7
O'ZBEKISTON RESPUBLIKASIDA PATOLOGIK ANATOMIYANING RIVOJLANISH TARIXI.....	9
I BOB	
KASALLIK HAQIDA UMUMIY TA'LIMOT.....	12
KASALLIK TUSHUNCHASINING TA'RIFI.....	12
ETIOLOGIYASI.....	12
PATOGENEZI.....	13
KOMPENSATOR JARAYONLAR.....	14
MORFOGENEZI.....	16
PATOMORFOZI.....	16
KASALLIKLARNING TASNIFI.....	17
KASALLIKLARNING BIOLOGIK AHAMIYATI.....	18
II BOB	
HUJAYRA ALTERATSIYASI VA ADAPTATSIYASI.....	20
HUJAYRA ALTERATSIYASI.....	23
HUJAYRA ZARARLANISHINING SABABLARI VA PATOGENEZI.....	23
GIPOKSIYA.....	23
KIMYOVIY BIRIKMALAR VA DORILAR.....	26
TABIYI (FIZIK) OMILLAR.....	27
BIOLOGIK OMILLAR.....	28
IMMUN REAKSIYALAR.....	31
IRSIY KAMCHILIKLAR.....	31
OVQATLANISHNING BUZILISHI.....	32
HUJAYRANING QARISHI.....	32
HUJAYRA QAYTAR VA QAYTMAS ZARARLANISHINING MORFOLOGIYASI.....	33
HUJAYRA DISTROFIYALARI.....	34
OQSIL DISTROFIYALARI.....	35
YOG' DISTROFIYASI.....	39
UGLEVOD DISTROFIYALARI.....	45
NEKROZ (HUJAYRA O'LIMI).....	43
HUJAYRANING MOSLANISHI (ADAPTATSIYASI).....	49
ATROFIYA.....	49
GIPERTROFIYA.....	50
KASALLIKLARNING ULTRASTRUKTURA ASOSLARI.....	51
III BOB	
TO'QIMALAR VA ORGANLAR ALTERATSIYASI.....	54
DISTROFIYA STROMA-TOMIR DISTROFIYALARI.....	54
OQSIL DISTROFIYALARI.....	54
MUKOID BO'KISH.....	55
FIBRINOID BO'KISH.....	55
GIALINOZ.....	56
AMILOIDOZ.....	60
YOG' DISTROFIYALARI (LIPIDOZLAR).....	69
NEYTRAL YOG'LAR ALMASHINUVINING BUZILISHI.....	69
XOLESTERIN VA EFIRLARI ALMASHINUVINING BUZILISHI.....	73
STROMA-TOMIRLARDAGI UGLEVOD DISTROFIYALARI SHILIMSHIQ DISTROFIYA.....	73
ARALASH OQSIL DISTROFIYALARI.....	73
XROMOPROTEIDLAR ALMASHINUVINING BUZILISHI.....	74

GEMOGLOBINOGEN PIGMENTLARI.....	.74
LIPIDOGEN PIGMENTLAR.....	.80
PROTEINOGEN PIGMENTLAR.....	.81
NUKLEOPROTEIDLAR ALMASHINUVINING BUZILISHI.....	.83
KALSIY ALMASHINUVINING BUZILISHI.....	.85
SUYAKLARDAGI KALSIY MIQDORINING O'ZGARISHI.....	.86
YUMSHOQ TO'QIMALARNING OHAKLANISHI.....	.87
TOSH HOSIL BO'LISHI.....	.90
NEKROZ.....	.91
O'LIM.....	.101

#### JV BOB

ADAPTATSIYA VA KOMPENSATSIYA JARAYONLARI.....	.105
GIPERTROFIYA.....	.105
ATROFIYA.....	.110
GIPERPLAZIYA.....	.114
METAPLAZIYA.....	.115
DISPLAZIYA.....	.116

#### V BOB

##### QON VA LIMFA AYLANISHINING BUZILISHI TOMIRLarda QON TO'LISHUVI O'ZGARISHI MUNOSABATI BILAN QON AYLANISHINING BUZILISHI

ARTERIAL GIPEREMIYA.....	.119
VENOZ GIPEREMIYA.....	.120
KAMQONLIK.....	.124

##### TOMIRLAR DEVORI SHIKASTLANISHI VA O'TKAZUVCHANLIGINING OSHISHI MUNOSABATI BILAN RO'Y BERADIGAN O'ZGARISHLAR

QON KETISHI VA QON QUYLISHI.....	.126
DIAPERDEZ YO'L BILAN QON QUYLISHI.....	.127
PLAZMORRAGIYA.....	.128

##### GEMOSTAZ VA QON REOLOGIK XOSSALARINING BUZILISHI

STAZ.....	.129
TROMBOZ.....	.130
GEMOSTAZ.....	.130
TROMBOGENEZ.....	.136
KO'P TOMIR ICHIDA QON IVIB QOLISHI (DVS)SINDROMI.....	.143
EMBOliYA.....	.145
TROMBOEMBOliYA.....	.147
YOG' EMBOliYASI.....	.150
HAVO EMBOliYASI.....	.152
GAZ EMBOliYASI.....	.153
TO'QIMA EMBOliYASI.....	.153
BAKTERIAL EMBOliYA.....	.154
PARAZITLAR EMBOliYASI.....	.155
YOT TANALAR EMBOliYASI.....	.155
EMBOliYALARINING OQIBATLARI.....	.155
SHOK (KARAXTLIK).....	.156
TO'QIMA SUYUQLIGI MIQDORINING O'ZGARISHI.....	.162
SHISH.....	.162
DEGIDRATASIYA.....	.167

#### VI BOB

YALLIG'Lanish.....	.168
O'TKIR YALLIG'Lanish.....	.169
ETIOLOGIYASI VA PATOGENEzi.....	.169
O'TKIR YALLIG'Lanish MEDIATORLARI.....	.170
TOMIR FENOMENI.....	.174

XEMOTAKSIS.....	178
FAGOTSITOZ.....	179
LEYKOTSITLARNING FAOLLASHUVI, O'TISHI VA TO'QIMALARNING IKKILAMCHI TARTIBDA ZARARLANISHI.....	181
SURUNKALI YALLIG'LANISH.....	182
ETIOLOGIYASI VA PATOGENEZI.....	182
O'TKIR VA SURUNKALI YALLIG'LANISH MORFOLOGIYASI.....	186
SEROZ YALLIG'LANISH.....	186
KATARAL YALLIG'LANISH.....	187
FIBRINOZ YALLIG'LANISH.....	188
YIRINGLI YALLIG'LANISH.....	190
CHIRIK YALLIG'LANISH.....	193
GEMORRAGIK YALLIG'LANISH.....	193
GISTIOTSITAR YALLIG'LANISH REAKSIYASI.....	194
INTERSTISIAL VA PERIVASKULAR YALLIG'LANISH.....	194
GRANULYOMATOZ YALLIG'LANISH.....	195
YALLIG'LANISHNING AVJ OLIB BORISHIDA LIMFA SISTEMASI, LIMFOID VA MONOSITAR-MAKROFAGAL SISTEMALARNING ROLI.....	198
O'TKIR VA SURUNKALI YALLIG'LANISHLARNING KLINIK SIMPTOMLARI.....	199
<b>VII BOB</b>	
IMMUNPATOLOGIK JARAYONLAR.....	203
IMMUN SISTEMA.....	203
T-LIMFOTSITLAR.....	204
B-LIMFOSITLAR.....	205
MAKFAGLAR.....	205
TABIYI KILLER HUJAYRALAR.....	206
ANTIGEN YETKAZIB BERUVCHI HUJAYRALAR.....	207
SITOKININLAR.....	207
ASOSIY GISTOSIG'ISHUVCHANLIK KOMPLEKSI ANTIGENLARI.....	207
TO'QIMALARNING TABIATIN IMMUNITETGA ALOQADOR ALTERATSIYASI.....	210
O'TA SEZUVCHANLIK REAKSIYASINING BIRINCHI TIPI.....	211
O'TA SEZUVCHANLIK REAKSIYASINING IKKINCHI TIPI.....	214
O'TA SEZUVCHANLIK REAKSIYASINING UCHINCHI TIPI.....	216
O'TA SEZUVCHANLIK REAKSIYASINING TORINTINCHI TIPI.....	220
TRANSPLANTATNING KO'CHIB TUSHISHI.....	223
AUTOIMMUN KASALLIKLAR.....	227
SISTEMA QIZIL YUGIRIGI (VOLCHANKASI).....	230
REVMATOID ARTRIT.....	238
SISTEMA SKLERODERMIYASI.....	242
TUGUNCHALI PERIARTERIIT.....	246
VEGENER GRANULYOMATOZI.....	248
IMMUNITET TANQISLIGI HOLATLARI.....	249
BIRLAMCHI IMMUNITET TANQISLIGI HOLATLARI.....	250
BRUTON KASALLIGI.....	250
DI JORJI SINDROMI.....	251
KOMBINATSİYALANGAN OG'İR IMMUNITET TANQISLIGI.....	251
SELEKTIV A IMMUNOGLOBULIN TANQISLIGI.....	252
VISKOTT — OLDRICH SINDROMI.....	252
IKKILAMCHI IMMUNITET TANQISLIGI HOLATLARI.....	253
TURMUSHDA ORTTIRILGAN IMMUNITET TANQISLIGI SINDROMI (TOITS).....	253
<b>VIII BOB</b>	
REGENERATSİYA.....	260
FİZIOLOGİK REGENERATSİYA.....	263

REPARATIV REGENERATSIYA.....	263
EPITELIY REGENERATSIYASI.....	263
BIRIKTRUVCHI TO'QIMA REGENERATSIYASI.....	264
YUMSHOQ TO'QIMALAR REGENERATSIYASI.....	265
SUYAK VA TOGAY TO'QIMALARI REGENERATSIYASI.....	268
QON VA TOMIRLAR REGENERATSIYASI.....	271
REGENERATSIYA MEXANIZMI.....	271
REGENERATSIYAGA TA'SIR O'TKAZUVCHI OMILLAR.....	273
PATOLOGIK REGENERATSIYA.....	275
<b>IX BOB</b>	
<b>INFEKSION KASALLIKLAR.....</b>	<b>276</b>
ETIOLOGIYASI VA PATOGENEZI.....	285
VIRUSLAR QO'ZG'ATADIGAN KASALLIKLAR.....	285
O'TKIR RESPIRATOR VIRUSLI INFEKSIYALAR.....	285
GRIPP.....	288
PARAGRIPP.....	289
ADENOVIRUS INFEKSIYASI.....	290
RESPIRATOR-SINSITTIALINFEKSIYA.....	291
SITOMEGALOVIRUSLU INFEKSIYA.....	292
QIZAMIQ.....	284
<b>BAKTERIYALAR QO'ZG'ATADIGAN KASALLIKLAR</b>	
DIFTERIYA.....	294
SKARLATINA.....	299
QORIN TIFI.....	303
SALMONELLYOZ.....	308
DIZENTERIYA.....	310
<b>O'TA XAVFLI INFEKSIYALAR</b>	
VABO.....	315
TOUN.....	318
KUYDIRGI.....	323
TUBERKULYOZ.....	327
BIRLAMCHI TUBERKULYOZ.....	330
GEMATOGEN TUBERKULYOZ.....	334
IKKILAMCHI TUBERKULYOZ.....	337
ZAXM.....	343
VISSERAL ZAXM.....	346
TUG'MA ZAXM.....	347
PATOGEN ZAMBURUG'LAR QO'ZG'ATADIGAN KASALLIKLAR.....	349
DERMATOMIKOZLAR.....	349
VISSERAL MIKOZLAR.....	349
KANDIDOZ.....	349
AKTINOMIKOZ.....	351
MOG'OR MIKOZLARI.....	352
KOKSIDIOIDOZ.....	353
<b>SODDA JONIVORLAR QO'ZG'ATADIGAN KASALLIKLAR</b>	
BEZGAK.....	354
ICHAK AMYOBIAZI.....	357
LEYSHMANIOZ.....	360
TERI LEYSHMANIOZI.....	361
VISSERAL LEYSHMANIOZ.....	362
SEPSIS.....	363
<b>X BOB</b>	
<b>IRSIY KASALLIKLAR.....</b>	<b>370</b>
POLIGEN KASALLIKLAR.....	373
MONOGEN KASALLIKLAR.....	373

PATOGENEZEI	375
AUTOSOM-DOMINANT TARZDA NASLGA O'TADIGAN KASALLIKLAR	377
MARFAN KASALLIGI	377
OILAVIY GIPERKOLESTERINEMIYA	378
TARQOQ NEYROFIBROMATOZ (REKLINGKAUZEN KASALLIGI)	379
AUTOSOM-RESESSIV TARZDA NASLGA O'TADIGAN KASALLIKLAR	382
KISTOZ FIBROZ	382
FENILKETONURIYA	384
GALAKTOZEMIYA	385
ALBINIZM	386
VILSON KASALLIGI	386
GLIKOGENOZLAR	388
TURLI MODDALAR TO'PLANIB QOLISHIGA ALOQADOR LIZOSOMA KASALLIKLARI	389
GOSHIE KASALLIGI	391
NIMANN — PIKKASALLIGI	392
TEY — SAKS KASALLIGI	393
MUKOPOLISAXARIDOZLAR	394
 X - XROMOSOMA BILAN TUTASHGAN, RESESSIV VA DOMINANT TARZDA NASLGA O'TUVCHIKASALLIKLAR	396
HAR XIL TARZDA NASLGA O'TADIGAN IRSIY KASALLIKLAR	396
XROMOSOMA KASALLIKLARI	397
DAUN KASALLIGI	401
KLAYNFELTER SINDROMI	402
SHERESHEVSKIY — TERNER SINDROMI	403
 <b>XI BOB</b>	
EKOLOGIK PATOLOGIYA	404
OZIQLANISHNING BUZLISHI	404
OQSIL YETISHMOVCHILIGI	405
KVASHIORKOR	405
MARAZM	406
VITAMINLAR YETISHMOVCHILIGI VA ORTIQCHALIGI	407
VITAMIN A	407
VITAMIN D (KALSIFEROL)	409
VITAMIN E	413
VITAMIN K	414
BGURUHVITAMINLARI	415
VITAMIN B <sub>1</sub>	415
VITAMIN B <sub>2</sub>	417
VITAMIN B <sub>6</sub>	418
VITAMIN B <sub>12</sub>	418
VITAMIN B <sub>12'</sub>	420
VITAMIN C	421
MIKROELEMENTOZLAR	422
KASBG ALOQADOR KASALLIKLAR	424
SANOATDA UCHRAYDIGAN KIMYOVTY ZAHARLARDAN PAYDO BO'LADIGAN KASALLIKLAR	425
SANOATDA UCHRAYDIGAN CHANGLARDAN PAYDO BO'LADIGAN KASALLIKLAR	425
PNEVMOKONIOZLAR	425
ANTRAKOZ	426
SILIKOZ	428
SILIKATOZLAR	429
BERILLIOZ	431
FIZIK OMILLAR TA'SIRIGA ALOQADOR KASB KASALLIKLARI	431
VIBRATSION KASALLIK	432
KESSON KASALLIGI	433

KORXONALARDAGI SHOVQIN TA'SIRIDAN PAYDO BO'LADIGAN KASALLIKLAR.....	433
ELEKTROMAGNIT TO'LQINLARI TA'SIRIGA ALOQADOR KASALLIKLAR.....	434
IONLASHTIRUVCHI NURLAR TA'SIRI OSTIDA KELIB CHIQADIGAN KASALLIKLAR.....	434

## XII BOB

O'SMALAR.....	439
NEOPLAZIYA VA O'SMA OLDI JARAYONLARI.....	440
ETIOLOGIYASI VA PATOGENEZI.....	441
KANSEROGENEZNING MOLEKULYAR ASOSLARI.....	442
KIMYOVIY KANSEROGENEZ.....	442
RADIATSION KANSEROGENEZ.....	445
VIRUSLI KANSEROGENEZ.....	446
O'SMALARNING TUZILISHI.....	448
XAVFLI VA XAVFSIZ O'SMALARNING XUSUSIYATLARI.....	452
O'SMALAR O'SISHINING TEZLIGI VA O'SMALAR PROGRESSIVASI.....	454
O'SMANING EKSPANSIV VA INFILTRANIB O'SISHI.....	455
O'SMANING INVAZIVLIGI.....	456
METASTAZLANISHI.....	458
O'SMA HUJAYLARINING BIOLOGIK XOSSALARI.....	462
O'SMALARNING ORGANIZMGA KO'RSATADIGAN TA'SIRI.....	467
O'SMALARNING TASNIFI.....	468
MEZENXIMAL MANBALARDAN KELIB CHIQADIGAN O'SMALAR.....	468
BIRIKTIRUVCHI, YOG' VA SHILIMSHIQ HOSIL QILUVCHI TO'QIMALARDAN KELIB CHIQADIGAN O'SMALAR.....	468
MUSKUL TO'QIMASIDAN KELIB CHIQADIGAN O'SMALAR.....	472
TOGAY HOSIL QILUVCHI O'SMALAR.....	474
OSTEOXONDROMA.....	474
ENXONDROMA.....	474
XONDROSARKOMA.....	475
KO'MIK O'SMALARI.....	475
YUNG SARKOMASI.....	475
TOMIR O'SMALARI.....	476
ANGIOMALAR.....	476
GLOMUS-ANGIOMA.....	478
KAPOSHI SARKOMASI.....	478
TELEANGIOEKTAZIYALAR.....	480
UCHRAYDIGAN JOYI TAYINLIMAS EPITELIAL O'SMALAR.....	480
MELANIN HOSIL QILUVCHI TO'QIMADAN PAYDO BO'LADIGAN O'SMALAR.....	484
PIGMENTLI NEVUSLAR.....	484
XAVFLI LENTIGO.....	486
MELANOMA.....	487

## XIII BOB

GO'DAKLAR VA BOLALAR KASALLIKLARI.....	489
TUG'RUQ DAVRI TRAVMA (JAROHAT) LARI.....	491
NAFASOLISHNING BUZILISHI SINDROMI.....	491
PERINATAL INFESIYALAR.....	492
PERINATAL SEPSIS.....	493
HOMILA VA CHAQALOQLARDA UCHRAYDIGAN GEMOLITIK KASALLIK.....	495
CHAQALOQLARDA UCHRAYDIGAN GEMORRAGIK KASALLIK.....	496
GO'DAKNING TO'SATDAN O'LIB QOLISHI SINDROMI.....	497
GO'DAKLAR VA BOLALARDA UCHRAYDIGAN O'SMALAR VA O'SMASIMON JARAYONLAR.....	498
XAVFSIZ O'SMALAR VA O'SMASIMON TUZILMALAR.....	499
XAVFLI O'SMALAR.....	500
VILMS O'SMASI.....	501
TAVSIYA ETILADIGAN ADABIYOTLAR.....	502
FAN KO'RSATKICHI.....	503

# PATOLOGIK ANATOMIYA

## I QISM

Muharrir: *N.S. Berdiqulov*

Badiiy muharrir: *D.V. Konichev*

Texnik muharrir: *A.R. Fattaxov*

Korrektor: *Z.X. Allanazarova*

«TAFAKKUR-BO‘STONI» nashriyoti  
Toshkent sh., Yunusobod, 9-13.

Litsenziya № 190. 10.05.2011 y.

Bosishga ruxsat etildi: 27.02.2012 y.

Bichimi 60x84 1/16. «Minion Pro» garniturasi.

Shartli bosma tabog‘i 29,76. Adadi: 1000 dona. Buyurtma № 924.

«Omad Print» MChJ

«Kolorpak» MChJ bosmaxonasida chop etildi.

Toshkent sh., Yangishahar ko‘chasi-1A.